

საქართველოს სსრ მეცნიერებათა აკადემია
ივ. ჯავახიშვილის სახელობის ისტორიის, არქეოლოგიისა და
ეთნოგრაფიის ინსტიტუტი

ბენიამინ სილაგაძე

ქ რ ა ყ ი
მამლუქთა გამგებლობის ხანაში
(1749—1831 წწ.)



გამომცემლობა „მეცნიერება“
თბილისი
1978

XVIII საუკუნის მეორე ნახევრიდან XIX საუკუნის პირველი მესამედის ჩათვლით ერაყში ბატონობდნენ ქართული წარმოშობის „ქულუმენების“ დინასტიის წარმომადგენლები; რომელთაც მნიშვნელოვანი კვალი დაამჩნევს ქვეყნის პოლიტიკურ, ეკონომიურსა და კულტურულ ცხოვრებას.

ნაშრომში ქართული, რუსული, აღმოსავლური და ევროპული წყაროების საფუძველზე განხილულია აღებული ხანის ერაყის სოციალურ-ეკონომიკური და პოლიტიკური ისტორიის ძირითადი საკითხები. კერძოდ, შესწავლილია ქვეყნის ტერიტორიულ-ადმინისტრაციული დაყოფა, მმართველობის სისტემა, სამხედრო ორგანიზაცია, მიწათმფლობელობისა და მიწათსარგებლობის ფორმები, სოციალური სტრუქტურა, გადასახადები და საგადასახადო სისტემა, საქალაქო ცხოვრების, ვაჭრობისა და განათლების ზოგერთი საკითხი; ნაჩვენებია მამლუქთა სამხედრო ორგანიზაციის წარმოქმნის მიზეზები, მათი მოსვლა ქვეყნის ხელისუფლების სათავეში; მოცემულია საშინაო და საგარეო პოლიტიკის დახასიათება, გამოკვლეულია ურთიერთობა საქართველოსთან, რუსეთთან, ინგლისსა და საფრანგეთთან; დადგენილია ერაყში მამლუქთა ძალაუფლების დამხობის მიზეზები.

წიგანის ტყუპობა

მამლუქთა მმართველობის ხანა ოსმალეთის იმპერიაში მოქცეული ერაყის ისტორიის ცალკე, თავისებური მონაკვეთია, როცა თითქმის მთელი საუკუნის (ზუსტად 82 წლის) მანძილზე ქვეყანას ადგილობრივი მკვიდრნი — არაბები ან მათი დამპყრობი ოსმალთურქები კი არ განაგებდნენ, არამედ ქრისტიანული ქვეყნებიდან სხვადასხვა მიზეზის გამო. იქ მოხედრილი გამუსლიმებული, მონებად დაყიდული და მონობიდან ღრთა განმავლობაში თავდალწეული უცხო ტომის შვილები, რომლებიც თავიანთი პირადი თვისებების წყალობით დაწინაურდნენ სამხედრო სარბიელზე, ხელთ იგდეს ქვეყნის მმართველობა და მას ოსმალთათვის უჩვეულო — მემკვიდრეობითი ხასიათი მისცეს.

მამლუქთა მმართველობის ხანა ერაყის ისტორიის ფრიალ მნიშვნელოვანი მონაკვეთია. მათმა ხელისუფლებამ გარკვეული კვალი დატოვა ქვეყნის განვითარებისა და დამოუკიდებლობისათვის ბრძოლაში. მამლუქთა დროის ერაყის ისტორიის შესწავლით, გარკვეული ზომით, საქართველოს ისტორიას, კერძოდ საქართველო-ერაყის ურთიერთობის ისტორიასაც ვსწავლობთ, რადგან მამლუქთა უმრავლესობა წარმოშობით ქართველები იყვნენ და თავიანთი მმართველობის მთელ მანძილზე ურთიერთობა ჰქონდათ დაკარგულ სამშობლოსთან და მის მფარველ რუსეთთან. ეს გარემოება, მრავალი დოკუმენტური მასალით დასტურდება და მამლუქთა მმართველობას საინტერესოს ხდის არა მარტო ერაყისა და საერთოდ მახლობელი აღმოსავლეთის ისტორიის, არამედ რუსეთის ისტორიის თვალსაზრისითაც.

მამლუქთა დროის ერაყის ისტორიამ კარგა ხანია მიიპყრო მკვლევართა ყურადღება. ამ თემას თავიანთი ნაშრომები მიუძღვნეს არაბმა ავტორებმა — აბას ალ-აზაფიმ, აჰმად ას-საფიმ, ანასთას მარი ალ-ქირმალიმ, ია'კუბ სარქისმა, 'აბდ ალ-აზიზ სულეიმან ნავარმა, აგრეთვე ევროპელმა მკვლევარებმა კლ. უარმა, ს. ჰ. ლონგრიგმა და რ. მანტრანმა. მამლუქთა ისტორიის შესწავლის საქმეში

თავიანთი წვლილი შეიტანეს ავრეთვე რუსმა და საბჭოთა მკვლევრებმა: ა. ადამოვიჩი, გ. ბეი-მამიკონიანმა. ამ თემას ცალკე წერილი უძღვნა გ. ლეონიძემ.

დასახელებულ ავტორთა ნაშრომებს უდავოდ დიდი მნიშვნელობა აქვს ამ ხანის ერაყის ისტორიის შესწავლისათვის. მათში პირველწყაროთა ცნობების საფუძველზე მოცემულია ისტორიული ფაქტების ანალიზი და გამოთქმულია საყურადღებო მოსაზრებანი, რამაც საგრძნობლად გაგვიადვილა მუშაობა. მაგრამ ამ ნაშრომებში ძირითადად მამლუქთა დროის ერაყის მხოლოდ პოლიტიკური ისტორიის ზოგიერთი საკითხია შესწავლილი. რაც შეეხება ქვეყნის სოციალურ-ეკონომიური და კულტურის ისტორიის საკითხებს, ისინი ყურადღების მიღმა დარჩენილი და სპეციალური შესწავლის ობიექტად ჯერ არვის გაუხდია. ამ ხარვეზის რამდენადმე შევსების ცდას წარმოადგენს ეს წიგნი. მასში ერაყის პოლიტიკურ ისტორიასთან ერთად ყურადღება ეთმობა სწორედ იმ საკითხების შესწავლას, რომლებმაც ასახვა ვერ ჰპოვეს წინამორბედ ისტორიკოსთა ნაშრომებში. ასეთია — ტერიტორიულ-ადმინისტრაციული დაყოფა, საგადასახადო სისტემა, სოციალური და აგრარული ურთიერთობანი, სამხედრო ორგანიზაცია და სხვ. მონოგრაფია მთლიანად ემყარება აღმოსავლურ და ევროპულ ენებზე არსებულ პირველწყაროთა ცნობებსა და სპეციალურ გამოკვლევებს. მათდამი კრიტიკულმა დამოკიდებულებამ და მარქსისტულ-ლენინური მეთოდოლოგიის მომარჯვებამ საშუალება მოგვცა ახლებურად შეგვეხედა რიგი საკითხისათვის და აღგვედგინა მამლუქთა დროის ერაყის პოლიტიკური, სოციალურ-ეკონომიური და კულტურული ცხოვრების შედარებით სრული სურათი. აქვე უნდა შევნიშნოთ, რომ პრეტენზია არა გვაქვს წიგნში დასმულ და განხილულ საკითხთა ამომწურავი შესწავლისა, თუნდაც მარტო იმ გარემოების გამო, რომ არაბული და თურქული საარქივო მასალები, რომლებიც უშუალოდ შესასწავლ ხანას ეხება, ჩვენთვის ჯერ ხელმიუწვდომელია.

**ერაყის პოლიტიკური და სოციალურ-ეკონომიური
მდგომარეობა მამულშეთა მმართველობის წინ და
მათი მმართველობის დროს**

თ ა ვ ი პ ი რ ე ლ ი

ადმინისტრაციული დაყოფა და მართვა-გამგებლობა

ერაყი მდიდარი ისტორიული წარსულის მქონე არაბული ქვე-
ყანაა. იგი მდებარეობს მდინარეების — ტიგროსისა და ეფრატის
აუზში და მოიცავს მესოპოტამიისა¹ და არაბული ერაყის² ანუ სე-

¹ მესოპოტამია ბერძნული წარმოშობის სახელია. შედგება ორი სიტყვისაგან („მესოს“ — შუა და „პოტამოს“ მდინარე) და ნიშნავს შუამდინარეთს. გეოგრაფიულ ლიტერატურაში იგი სხვადასხვა შინაარსით იხმარება. ბერძნებისა და რომაელების გაგებით, მესოპოტამია ტიგროსსა და ეფრატს შორის მდებარე მთელ ტერიტორიას ერქვა. ევროპელი მეცნიერები მესოპოტამიად მიიჩნევენ მხოლოდ იმ ტერიტორიას, რომელიც მდებარეობს ტიგროსსა და ეფრატს შორის ბაღდადიდან სომხეთის ზეგნამდე. უფრო ფართო გაგებით კი მესოპოტამიას უწოდებენ ერაყის მთელ ტერიტორიას. მაგრამ თანამედროვე ერაყი უფრო ვრცელ მიწა-წყალს მოიცავს, ვიდრე ისტორიული მესოპოტამია. ჩვენ ამ ტერმინს ვიწრო გაგებით ვხმარობთ და მესოპოტამიას ვუწოდებთ შუამდინარეთს — ტიგროსსა და ეფრატს შორის მოქცეულ ტერიტორიას ბაღდადიდან ჩრდილოეთით სომხეთის ზეგნამდე.

² არაბული ერაყი პოლიტიკურ-ეთნოგრაფიული ტერმინი უფროა, ვიდრე გეოგრაფიული. გერმანელი მეცნიერის, კ. რიტერის აზრით, ეს ტერმინი ილხანთა ბატონობის დროს გაჩნდა. იმ მოსაზრებით, რომ თავიდან აცილებინათ ადმინისტრაციულ-ტერიტორიული არეუ-ღარევა, ერაყის იმ ნაწილს, რომელიც არაბებით იყო დასახლებული, არაბული ერაყი ეწოდა, ხოლო ირანელებით დასახლებულს — ირანული ერაყი ანუ „ერაყი აჭემი“ (K. Ritter, Erdkund von Asien, Berlin, 1844, Bd. VII, ნაწ. II, გვ. 925). დღეს არაბული ერაყის ქვეშ ზოგჯერ გულისხმობენ მთელ თანამედროვე ერაყს. ფაქტიურად თანამედროვე ერაყი გაცილებით უფრო დიდია, ვიდრე ილხანთა დროინდელი არაბული ერაყი იყო. ეს უკანასკნელი მხოლოდ „სევადის“ (შემიწანიადავან) ტერიტორიას მოიცავდა. სევადი კი ტიგროსისა და ეფრატის ქვემოწელში იყო.

ვადის ტერიტორიას. იგი სირიასთან (აშ-შამ) ერთად წარმოადგენს ხმელეთის ხიდს ხმელთაშუა ზღვასა და სპარსეთის ყურეს შუა, სადაც ძველთაგანვე გადიოდა მსოფლიო მნიშვნელობის სავაჭრო სატრანზიტო გზები, ერთმანეთთან რომ აკავშირებდნენ ევროპის, აზიის და აზიის ქვეყნებს. ერაყი ამავე დროს მნიშვნელოვანი სამხედრო-სტრატეგიული ადგილია მახლობელ აღმოსავლეთში, ნედლეულის წყარო და მზა საქონლის გასაღების ერთ-ერთი უდიდესი ბაზარი³.

ასეთი მოხერხებული მდებარეობა და მდიდარი ბუნებრივი პირობები, რომლებიც, ჩვეულებრივ, ქვეყნის სწრაფი განვითარების ერთ-ერთ უმნიშვნელოვანეს ფაქტორს წარმოადგენენ, ზოგჯერ მისი დაქცევის მიზეზიც ხდებიან. სწორედ ასეთმა პირობებმა აქცია ერაყი გაუთავებელი ომების ასპარეზად, ქვეყანა მძიმე მდგომარეობაში ჩააყენა და XX ს-ის 30-იან წლებამდე ის სხვის სამფლობელოს წარმოადგენდა.

ჯერ კიდევ 538 წელს, ჩვენს ერამდე, ერაყს აქემენიანთა ირანი დაეპატრონა. IV ს-ში აქემენიანები მაკედონელებმა შეცვალეს, ხოლო ეს უკანასკნელნი — ჯერ პართიელებმა, შემდეგ (III ს-ში) სასანელებმა. ახ. წ. ა. III ს-იდან ერაყში სხვადასხვა დროს ერთმანეთის მიყოლებით ბატონობდნენ რომაელები, არაბები (VII ს.), სელჩუკიანი თურქები (XI ს.), მონღოლები (XIII ს.), სეფიანები (XVI ს.).

XVI ს-ის 30-იან წლებში ერაყს დასაპყრობად ოსმალთა თურქები მოველინენ. 1534—1538 წლებში ის სეფიანთა ირანს წაართვეს და I მსოფლიო ომამდე ფლობდნენ.

ოსმალებმა ერაყი თავიანთი წესისა და რიგის მიხედვით მოაწყვეს. იგი ოთხ მსხვილ ადმინისტრაციულ ერთეულად გააყვეს და ჩამოაყალიბეს ბასრის, ბაღდადის, შაპრიზურისა და მოსულის ეიალეთები⁴ ანუ საფაშოები. ისინი ერთმანეთისაგან დამოუკიდებელ პოლიტიკურ-ადმინისტრაციულ პროვინციებს წარმოადგენდნენ და მხოლოდ იმპერიის ცენტრალურ ხელისუფლებას ექვემდებარებოდნენ. ცენტრალურ მთავრობას კი ყოველთვის შეეძლო ცვლილებების მოხდენა: ეიალეთის გაუქმება ან გაყოფა, რამდენიმე ეია-

³ P. Reinaud. Geographie D'Aboulfedâ, Paris, 1848, t. I. p. VIII; Срезневский И., Следы древнего знакомства русских с Южной Азией (Вестник русского географического общества, 1854, т. X, стр. 52—53); Б. М. Данциг, Ирак в прошлом и настоящем, М., 1960, стр. 9.

⁴ ეიალეთი — პროვინცია. ოლქი.

ლეთის გაერთიანება, ერთი ეიალეთის ტერიტორიის გაფართოება მეორის ტერიტორიის ხარჯზე და სხვ. ასეთ ღონისძიებებს სულთან უფრო მეტად იმ შემთხვევაში ატარებდა, როცა გარედან თავდასხმის საფრთხე იქმნებოდა, ან თვითონ აპირებდა სხვა ქვეყნის ტერიტორიის მიტაცებას, ანდა სურდა შეეზღუდა ეიალეთის სამხედრო პოტენციალი, რომ მისთვის ცენტრალური ხელისუფლები-საგან განდგომის შესაძლებლობა მოესპო და მუდამ მორჩილებაში ჰყოლოდა. ამიტომ ერაყში, იმპერიის ამ განაპირა მხარეში, ეიალეთების რაოდენობა ხშირად იცვლებოდა. იქ ხან 4 ეიალეთი იყო, ხან — 3 და ხან — ერთი.

ეიალეთები ოსმალეთში ორი სახისა იყო: 1. სალიანეს არმქონე და 2. სალიანეს მქონე. ტერიტორიულ-ადმინისტრაციული თვალსაზრისით ორივე სახის ეიალეთი ერთნაირი იყო, მაგრამ ორგანიზაციულად ისინი რამდენადმე განსხვავდებოდნენ ერთმანეთისაგან.

სალიანეს არმქონედ ისეთი ეიალეთები ითვლებოდა, სადაც გაბატონებული იყო „ოსმალობა“ ანუ ოსმალეთის პოლიტიკური და სოციალურ-ეკონომიური სისტემა მისთვის დამახასიათებელი სამხედრო-ლენური ორგანიზაციებით: თიბარებით, ზაამეთებითა და ხასებით. ოსმალეთში ყველაზე გავრცელებული იყო სწორედ ასეთი (სალიანეს არმქონე) ეიალეთები, ამიტომ მათ ტიპურ ეიალეთებს უწოდებდნენ.

რაც შეეხება სალიანეს მქონე ეიალეთებს, მათი რიცხვი გაცილებით მცირე იყო და იქ თიბარული სისტემა შედარებით სუსტად იყო წარმოდგენილი. მათ შეწყვილი ჰქონდათ „სალიანე“ ანუ წლიური გადასახადი⁵ (ხარკი), რომელიც აიღებოდა ეიალეთის გამგებლის (ვალის ანუ ფაშას) მიერ და ბარდებოდა სახელმწიფო ხაზინას.

ერაყში არსებობდა როგორც სალიანეს არმქონე, ისე სალიანეს მქონე ეიალეთები ანუ ვილაიეთები. მოსულისა და შაპრიზურის

⁵ А. С. Т в е р т и н о в а, Второй трактат Кочинбей, «Ученые записки Института востоковедения», М.-Л., 1953, т. VI, стр. 250, 266. სალიანეს შესახებ იხ. აგრეთვე Н. А. R. G i b b and H a r o l d B o w e n, Islamic society and the West. Oxford, 1951, vol. I, p. 148; ვ. გ ა ბ ა შ ე ი ლ ი, XVIII საუკუნის მეორე ნახევრის ქართული დოკუმენტური მასალები როგორც წყარო მახლობელი აღმოსავლეთის სოციალურ-ეკონომიური ისტორიისათვის, „სტალინის სახელობის თბილისის სახელმწიფო უნივერსიტეტის შრომები“, თბ., 1960, № 91, გვ. 314; მ. ს ე ა ნ ი ძ ე, ოსმალეთის იმპერიის სახელმწიფო წყობა და პროვინციული მართვა-გამგეობა XVI ს-ში. „მახლობელი აღმოსავლეთის ისტორიის საკითხები“, თბ., 1963, გვ. 98.

ვიალეთები სალიანეს არმქონედ ითვლებოდნენ, ბაღდადის, ბასრისა და ამ უკანასკნელთან გაერთიანებული ლაქსის (ალ-ჰასის) ვიალეთები კი სალიანეს მქონეებად⁶.

ადმინისტრაციულ-ტერიტორიული დაყოფისა და ქვეყნის მართვა-გამგებლობის სისტემის მიხედვით ოსმალეთში ვიალეთები დაყოფილი იყო მცირე ერთეულებად — სანჯაყებად ანუ ლივებად (სადროშოებად). ზოგ მკვლევარს მიაჩნია, რომ სანჯაყების სისტემა ვრცელდებოდა მხოლოდ სალიანეს არმქონე ვიალეთებზე⁷, მაგრამ წყაროთა მონაცემები ცხადყოფენ, რომ სანჯაყებად დაყოფილი იყო სალიანეს მქონე ვიალეთებიც. მაგალითად, ბაღდადის ვიალეთში 18 სანჯაყი იყო, ბასრის ვიალეთში — 30⁸.

სანჯაყები, ისე როგორც ვიალეთები, სხვადასხვანაირი იყვნენ. მათი უმრავლესობა ლენური საკარგაეებისაგან — თიშარებისა და ზიამეთებისაგან შედგებოდა. ამიტომ ასეთი სახის სანჯაყები, მსგავსად სალიანეს არმქონე ვიალეთებისა, ტიპურ ოსმალურ სანჯაყებს წარმოადგენდნენ. მათი რიცხვი ერაყში, 'ალი ჩაუშის ცნობით, ჩვიდმეტამდე აღწევდა, აქედან 8 სანჯაყი იყო ბაღდადის ვიალეთში, 6 — შაპრინურისაში, ხოლო 3 — მოსულისაში⁹ (ბასრის ვილაიეთის შესახებ ცნობა გვაკლია).

თიშარული სანჯაყების ანუ ტიპური ოსმალური სანჯაყების გარდა არსებობდნენ აგრეთვე სალიანეს მქონე, იურდლუქისა და ოჯაქლიყის ტიპის სანჯაყები და ე. წ. თავისუფალი სამირმირანოები.

სალიანეს მქონე სანჯაყებს, რომლებიც შეიძლება სალიანეს არმქონე ვიალეთების ტერიტორიაზე ან მის ფარგლებს გარეთ, ცალკე ყოფილიყვნენ, ისეთივე ფუნქციები ეკისრებოდათ, როგორც სალიანეს მქონე ვიალეთებს. მათ გამგებლებს ოსმალეთის

⁶ M. Belin, Du régime des fiefs militaires dans l'Islamisme et principalement en Turquie (Journal Asiatique, Paris, 1870, serie VI, t. XV, p. 239); Аграрный строй Османской империи XV—XVI вв. Документы и материалы, М., 1963, стр. 92; А. С. Т в е р т и н о в а, Второй трактат Кочинбел, стр. 243—4, 266; მ. ს ვ ა ნ ი ძ ე, დასახ. ნაშრომი, გვ. 97—98.

⁷ H. A. R. Gibb, H. Bowen, დასახ. ნაშრომი, გვ. 147; ე. გ ა ბ ა შ ე ი ლ ი, დასახ. ნაშრომი, გვ. 313, 315.

⁸ J. Hamer, Histoire de l'Empire Ottoman, Paris, 1844, t. III, p. 228. სხვა წყაროს მიხედვით, ბაღდადის ვიალეთში ყოფილა 20 სანჯაყი, ხოლო ბასრის ვიალეთში — 15 (Аграрный строй Османской империи, стр. 97). ეს იმას მოწმობს, რომ სანჯაყების რაოდენობა იცვლებოდა.

⁹ Аграрный строй Османской империи, стр. 97—98.

ცენტრალური ხელისუფლება ამტკიცებდა და საკარგავებსაც ის აძლევდა იმ პირობით, რომ ხაზინისათვის გადაეხადათ წინასწარ დადგენილი ოდენობის წლიური გამოსაღები და ყოფილაყვენ იმპერიის საზღვრების დამცველნი. ასეთ სანჯაყებში თიშარები და ზიაშეთები, როგორც წესი, არ არსებობდნენ.

სალიანელი (სალიანეს შქონე) სანჯაყებისაგან ბევრად არ განსხვავდებოდნენ თავისუფალი სამირმირანოები ანუ ჰუქუმეთები. 'აინი' ალის ცნობით, ისინი „არ იყვნენ შეტანილი დაეთარში: მათში არ არსებობდა თიშარები და ზიაშეთები; გამგებლები ფლობდნენ და მართავდნენ მათ ისე, როგორც პირად საკუთრებას. ჰუქუმეთების მფლობელნი განამტკიცებდნენ საკარგავზე თავიანთ საკუთრებას და მთლიანად ითვისებდნენ შემოსავალს“¹⁰. ამ ცნობიდან აშკარაა, რომ ასეთი ტიპის სანჯაყებში ოსმალთა ადგილობრივ სოციალურ-პოლიტიკური ცხოვრების სფეროს მთლიანად არ შეხებია; იქ ადგილობრივი გამგებლები თავიანთ სახელოში თითქმის სრულიად დამოუკიდებელნი იყვნენ და მათ სანჯაყებში ოსმალთა მოხელეებს ხელი ისე არ მიუწვდებოდათ, თუ სულთნის განკარგულება არ იქნებოდა. ისე როგორც სალიანელი სანჯაყებს მმართველებს, ჰუქუმეთებისა და თავისუფალი სამირმირანოების გამგებლებსაც უშუალოდ სულთანი ამტკიცებდა საგანგებო ფორმანით, რომელსაც „ჩენაფი“ ეწოდებოდა. ჩენაფის მფლობელი ვალდებული იყო ეცნო იმპერიის უზენაესი ხელისუფლება და მისი პირველი დაძახებისთანავე გამოეყვანა ლაშქარი. ასეთი სანჯაყები უმთავრესად არაბებითა და ქურთებით დასახლებულ ეიალეთებში არსებობდა.

რამდენადაც სხვაგვარად იყო საქმე იურდლუქისა და ოჯაქლიკის ტიპის სანჯაყებში. ეს სანჯაყები, ტიპური ოსმალური ადმინისტრაციული ერთეულების მსგავსად, შედგებოდნენ თიშარებისა და ზიაშეთებისაგან. ამასთან, მათი შემოსავალი ფიქსირებული იყო სახელმწიფო დავთარში¹¹, მაგრამ ამ მსგავსებასთან ერთად მათ გააჩნდათ ისეთი ნიშნებიც, რომლებითაც არსებითად განსხვავდებოდნენ თიშარული სანჯაყებისაგან და თავიანთი სტატუსით ბევრად ჩამოგავდნენ თავისუფალ სამირმირანოებს. სახელმწიფო მიწებიდან მიღებული „უშრის“ (ანუ „შეათედი“) შემოსავალი ასეთი სანჯაყის გამგებელს რჩებოდა. სამაგეროდ, იგი ვალდებული იყო ომის:

¹⁰ მ. სეანიძე, დას. ხ. ნაშრომი, გვ. 100.

¹¹ M. Belin, დასახ. ნაშრომი, გვ. 269; მ. სეანიძე, დასახ. ნაშრომი, გვ. 101.

დროს გამოეყვანა ლაშქარი, დამდგარიყო საკუთარი დროშის ქვეშ და ემოქმედა იმ ეიალეთის გამგებლის ბრძანებით, ვის სახელშიც ის შედიოდა.

ოჯაკლიკისა და იურდლუკის ტიპის სანჯაყების ერთ-ერთი თავისებურება იმაშიც მდგომარეობდა, რომ მის გამგებლობას შემკვიდრებითი ხასიათი ჰქონდა¹², თანამდებოჯა მაშიდან შეიღზე ან სხვა უახლოეს ნათესავზე გადადიოდა, რაც სხვა სახის სანჯაყებისათვის დაუშვებელი იყო. ეს გარემოება თავისთავად იმის მანიშნებელია, რომ ოჯაკლიკისა და იურდლუკის სანჯაყებში ოსმალური პოლიტიკურ-ადმინისტრაციული სისტემა სუსტად იყო ფენმოკიდებული.

ერაყში სალიანელი სანჯაყები არ არსებობდა. სამაგიეროდ, იქ იყო ისეთი ტიპის სანჯაყები, როგორცაა ჰუქუმეთები, ოჯაკლიკები. იურდლუკები, თავისუფალი სამირმირანოები და ტიპური ოსმალური სანჯაყები ანუ სანჯაყები თიმარებითა და ზიამეთებით. თუ მათ ეიალეთების მიხედვით წარმოვადგენთ, სურათი ასეთი იქნება: მოსულის ეიალეთში ფიქსირებული იყო 6 სანჯაყი¹³, რომელთაგან 2 იყო ოჯაკლიკის და იურდლუკის ტიპის სანჯაყი, ხოლო 4—თიმარებითა და ზიამეთებით. შაჰრიზურის ეიალეთი იყოფოდა 32 სანჯაყად. აქედან 1 იყო ჰუქუმეთი, 25 იურდლუკი და ოჯაკლიკი, ხოლო სხვებს განაგებდნენ თურქი ამირები¹⁴. ბაღდადის ეიალეთის 20 სანჯაყიდან 8-ში იყო თიმარები და ზიამეთები, 12-ში კი ოჯაკლიკები და იურდლუკები¹⁵. ბასრის ეიალეთში სულ 15 სანჯაყი იყო და თხუთმეტივეს ვალი ფლობდა იჯარით.

სანჯაყების შემდეგ ერაყში ძირითად ადმინისტრაციულ სამ-

¹² H. A. R. Gibb, H. Bowen, დასახ. ნაშრომი, გვ. 163; ს. ყიქია XVIII ს-ის თურქული დოკუმენტო ოქროს ციხის შესახებ (სტალიანის სახელობის თბილისის სახელმწიფო უნივერსიტეტის შრომები, თბ., 1960, №91, გვ. 171); მოსივე, სულთან აჰმედ III-ის ფირმანი ბაქარ ბაგრატიონს (ქართული წყაროთმცოდნეობა, III, თბ., 1971, გვ. 278); ე. გაბაშვილი, დასახ. ნაშრომი, გვ. 343; შ. სვანიძე, დასახ. ნაშრომი, გვ. 101.

¹³ J. Hattler, დასახ. ნაშრომი, ტ. 17, გვ. 60; A. C. Тверитинов, Второй трактат Кочинбей (Ученые записки Института востоковедения, М.-Л., 1953, стр. 243); M. Belin, დასახ. ნაშრომი, გვ. 282. ლი ჩაუში მოსულში ექვსი სანჯაყის ნაცვლად ხუთს ასახელებს (იხ. Аграрный строй Османской Империи... стр. 97).

¹⁴ Аграрный строй Османской империи... стр. 97.

¹⁵ იქვე, გვ. 98.

მართელო ერთეულებს წარმოადგენდნენ 'ამირეთი, კაზა და ნაჰიე. ამათგან ნაჰიე ყველაზე მცირე ერთეული იყო, მოიცავდა რამდენიმე სოფელს.

მაზრის ტოლ ადმინისტრაციულ დანაყოფს შეადგენდა კაზა¹⁶, რომელიც ა. ტვერტინოვას მოსაზრებით, ზოგჯერ სანჯაყის ოდენაც იყო¹⁷. სპეციალურ ლიტერატურაში კაზის მნიშვნელობით ხშირად გვხვდება მაჰალე, მაგრამ ხურშიდ ეფენდის განმარტებით, მაჰალეებად იწოდებოდნენ მხოლოდ ირანის საზღვართან მდებარე კაზები¹⁸.

კაზაზე უფრო მსხვილი ადმინისტრაციული ერთეული იყო 'ამირეთი. ის წარმოადგენდა დიდ გვაროვნულ სამმართველო ორგანიზაციას, ტომთა გაერთიანებას, კონფედერაციას, რომელიც იყოფოდა კაბილეებად (დიდი ტომი)¹⁹, ტაიფებად (გვარი, მცირე

¹⁶ X. K. Баранов, Арабско-русский словарь, М., 1957.

¹⁷ Всемирная история, М., 1958, т. IV, стр. 547. კაზა ასე აქვს განმარტებული შ. ა. გამაზოვსაც (იხ. Хуршид-Эфенди, Сняхэт-намэ-и-Худуд, СПб., 1877, стр. 459).

¹⁸ Хуршид-Эфенди, დასახ. ნაშრომი, გვ. 211.

¹⁹ სპეციალურ ლიტერატურაში კაბილესა და 'ამირეთის შესახებ სხვადასხვა მოსაზრებებია გამოთქმული. ჯ. ლესერფის მიხედვით, კაბილე და 'ამირეთი თანაბარი სიდიდის ტომობრივი გაერთიანებებია და ეს ტერმინები ერთმანეთის სინონიმებს წარმოადგენენ (Encyclopaedia of Islam, vol. I, 700). ლესერფისაგან განსხვავებით, აბდ ალ-ჯალილ ტაჰირი, ჯ. ჰენინგერი, ა. ადამოვი და ა. მენტეშაშვილი აღნიშნავენ, რომ 'ამირეთი კაბილეს ქვეგანაყოფია (Abd al-Jalil Tahiri, Al-Badwa l'Ash'air fi l-Bilad al-Arabyya, inst. des Hautes arabes, Cairo, 1955, t. I, გვ. 2—7; Josef Heninger, Die Familie bei den heutigen Beduinen Arabies und seiner Randgebiete, Leiden, 1943, გვ. 134; А. А. Дамов, Ирак арабский, СПб., 1912, стр. 149; А. Ментешашвили, Ирак в годы английского мандата, М., 1969, стр. 18). მაგრამ თუ კაბილე 'ამირეთზე უფრო მსხვილი ტომობრივი გაერთიანება იყო, მაშინ რატუნდა აიხსნას ის გარემოება, რომ ოსმალეთში, კერძოდ ერაკში, 'ამირეთი იყო მრჩენელი ტომობრივ-ადმინისტრაციული სამმართველო ერთეული და არა კაბილე? სპეციალურ ლიტერატურაში ეს ზოგჯერ ახსნილია „სინეკდოხით“ (ანუ აღრევით დიდისა მცირეში, ნაწილისა მთელში), რომელიც იმით უნდა ყოფილიყო გამოწვეული, რომ ოსმალეთში ადმინისტრაციულ დაყოფას საფუძველად ედო სამხედრო ორგანიზაცია. ასეთ ორგანიზაციას კი ისტორიულად წარმოადგენდა 'ამირეთი, რაც წარმოადგება „ამრათურ“ (არაბ. امرأة) სიტყვიდან და ნიშნავდა „მეომრებისაგან შემდგარ ადამიანთა ჯგუფს, ათეულს“ (Encyclopaedia of Islam, vol. I, p. 700). მამასალამე, 'ამირეთი ადმინისტრაციულ-ტერიტორიული ერთეული იმითმე კი არ არის, რომ იგი კაბილეზე დიდია, არამედ იმის გამო, რომ ის უფრო ძველი და თანაც სამხედრო ორგანიზაციის აღმნიშვნელი ტერმინია. მაგრამ წყაროებიდან ჩანს, რომ ეს ასე არ არის. ხურშიდ ეფენდი შაჰრინურის

ტომი) და ოჯახებად. იმ ადგილს, სადაც ეს გვაროვნულ-ტომობრივი გაერთიანებები იმყოფებოდნენ „დირა“, ხოლო ერაყის მცირე ქალაქებსა და სადაბო ცენტრებს კასაბა ეწოდებოდა. ქალაქებში არსებობდა მმართველობის სპეციალური ორგანიზაცია „ბალადიე“ ანუ საქალაქო საბჭო (სათათბირო), რომელიც მთლიანად ექვემდებარებოდა ვილაიეთისა და სანჯაყის ადმინისტრაციას.

ოთხ პოლიტიკურ-ადმინისტრაციულ ერთეულად — ვილაეთად ანუ საფაშოდ დანაწილებულ ერაყის თითოეულ საფაშოს ჰქონდა მმართველობის ისეთივე სისტემა, ორგანიზაცია, როგორც საერთოდ ოსმალეთის სხვა პროვინციებში არსებობდა. როგორც სხვაგან, ერაყშიც მის უმდაბლეს საფეხურზე იდგა სოფლის ვეჯუჰი (მამასახლისი), ხოლო უმაღლესზე — სულთნია მიერ დანიშნული გამგებელი — ვალი ანუ ფაშა.

ფაშა ოსმალეთის იმპერიაში ვილაეთის გამგებელსაც აღნიშნავდა და უმაღლესი სამხედრო ტიტულიც იყო²⁰, რომელიც ეძლეოდათ მაღალი თანამდებობის მოხელეებს: დიდ ვაზირებს, პროვინციებისა და ოლქების მმართველებს, საზღვაო ფლოტის უფროსებს და სხვ.²¹ „ამ ყოვლის შემძლე უფროსებს, რომელთა ხელთაა ჩვეულებრივ, სამხედრო და ადმინისტრაციული ხელისუფლება, აქვთ ისეთივე განუსაზღვრელი უფლებები, როგორც სულთანს და განაგებენ თავიანთ ქვეშევრდომთა სიცოცხლესა და ქონებას. განმასხვავებელი ნიშნები..., მაღალი მდგომარეობის ალსანიშნავად რომ ეძლევა მათ, არის ცხენის კუდი, ხმალი და საზეიმო ფართო მოსახსამიო“ — ამბობს ბაღდადში მცხოვრები ფრანგი კონსული ე. რუსო²².

ოსმალეთის იმპერიაში ფაშები თავიანთი თანამდებობისა და დამსახურების მიხედვით შეიძლებოდა ყოფილიყვნენ ერთთულიანი, ორთულიანი ან სამთულიანი. თული ანუ ბუნჩუკი ნიშნავს ძუის კონას. რომელიც თურქების ძველ ტოტემურ ემბლემას წარმოად-

დეტალური აღწერისას აშირეთებსაც ეხება და გარკვევით წერს: „ბილბასის აშირეთის ფარანის კაბილეს ტაიფები“, „ბილბასის აშირეთის მამაშის კაბილეს ტაიფები“ და სხვ. (Сияхэт-Намэ-и-Худуд, стр. 254—255). აქედან გამომდინარე შეიძლება დავასკვნათ, რომ აშირეთი არა მარტო ძველი, არამედ უფრო დიდი ტომობრივი ერთეულია, ვიდრე კაბილე და ამიტომაც ადმინისტრაციულ ერთეულად მიჩნეული.

²⁰ А. Ф. Миллер, Мустафа паша Баирактар, М.-Л., 1947, стр. 495 — 496.

²¹ J. T. Zenker, Dictionnaire Turc-Arabe-Persian, Leipzig, 1866, t. 1, p. 164.

²² J. B. Rousseau, Description du Paichalik de Bagdad, Paris, 1809, p. 21.

გენდა მოოქროვილი ბირთვით დაბოლოებულ ხის გრძელ ტარზე მიმაგრებული ძუის ასეთი კონა ანუ კუდი იყო ოსმალების სახელმწიფო აღამი, დროშა. ასეთი დროშა ჰქონდა ყველა ეიალეთსა და სანჯაკს, ოღონდ ისინი ერთმანეთისაგან განსხვავდებოდნენ მხოლოდ ჯოხზე მიბმული ცხენის კულების რაოდენობით. ეიალეთის გამგებლებს ჰქონდათ ორ ან სამკუდიანი დროშები, ხოლო სანჯაკებისას — ერთკუდიანი. თითოეული ეიალეთისა და სანჯაკის აღამთა კულების რაოდენობას განსაზღვრავდა იმპერიის ცენტრალური ხელისუფლება, რომელიც ამით მიუთითებდა იმაზე თუ ვის რა უფლება ჰქონდა. მაშასადამე, თული ანუ ბუნჩუკი ეიალეთისა და სანჯაკის გამგებელთა უფლების აღმნიშვნელი ნიშანი იყო. როგორც შამს ად-დინ სამის განმარტებიდან ირკვევა, ბუნჩუკები (ცხენის ძუის კონა, კუდი) ოსმალო დიდ მოხელეებს: ფაშებს, ვაზირებსა და სხვებს ასეთი მნიშვნელობით თავსაბურავზეც ჰქონიათ მიმაგრებული²³.

ერაყის გამგებელი, მას შემდეგ, რაც ბასრა-ბაღდად-მოსულ-შაჰრიზურის ეიალეთები გაერთიანდნენ, ბაღდადს ფაშად იწოდებოდა და როგორც დიდი, თანაც საზღვრისპირა, ადმინისტრაციული ერთეულს უფროსი, სამ თულს ატარებდა. ამიტომ ის, ოსმალეთში არსებული წესის თანახმად, ვაზირის ტოლ მოხელედ ითვლებოდა²⁴ და თავის სახელოში განსაკუთრებული უფლებებით სარგებლობდა. მას სულთანი ნიშნავდა და ხსნიდა თანამდებობიდან და ისიც მხოლოდ სულთნის წინაშე იყო ანგარიშვალდებული.

დიდი უფლებებით აღჭურვილ ვალის დიდი და პასუხსაგები მოვალეობაც ეკისრებოდა. მისი უპირველესი მოვალეობა იყო იმპერიის ცენტრალური ხელისუფლების ერთგული სამსახური, თავის სახელოში წესრიგისა და სიწყნარის დაცვა, აგრეთვე, ზრუნვა

²³ H. A. R. Gibb, H. Bowen, დასახ. ნაშრომი, გვ. 139—140; Encyclopaedia of Islam, I; S. Sami, Kamus-u-Turki, Istanbul, 1901, გვ. 452. იხ. აგრეთვე დ. ჩუბინაშვილი, ქართულ-რუსული ლექსიკონი, 1887, გვ. 571. ქართული ენის განმარტებითი ლექსიკონი, თბ., 1955, ტ. IV, გვ. 495; A. Ф. Миллер, Мустафа паша Байрактар, М., 1947, стр. 488. ბუნჩუკები მიმაგრებული იყო აგრეთვე ვალის სასახლის თავზე. ბაღდადის ფაშას სასახლეზე აღმართული იყო სამი ასეთი თული ნახევარმთვართა და ვარსკვლავით (S. H. Longrigg. Four Centuries of Modern Iraq, Oxford, 1925, p. 250). ამიტომ ზოგი მკვლევარის მიერ გამოთქმული მოსაზრება რომ „თული არის (მხოლოდ) ქუდის, გვირგვინის შესამკობი, სამკაული და არა დროშა“ (ა. ავალნი, მიწისმფლობელობის ფორმები აჭარაში, ბათუმი, 1960, გვ. 30), ეფიქრობთ, დაზუსტებას საჭიროებს.

²⁴ A. Adamov, დასახ. ნაშრომი, გვ. 66—67.

ქვეყნის კეთილმოწყობისათვის, განათლების, ვაჭრობის, სავაჭრო გზების, სოფლის მეურნეობის გაუმჯობესებისა და თავდაცვისუნარიანობის განმტკიცებისათვის. ყოველივე ამისათვის ეიალეთის მმართველ ფაშას ჰყავდა უზარმაზარი შტატი მოხელეებისა. საერთოდ უნდა აღინიშნოს, რომ ეიალეთის მმართველობის ორგანიზაცია თავისი სტრუქტურით ისეთივე იყო, როგორც იმპერიის ცენტრალური ხელისუფლებისა.

ეიალეთის საქმეების განსახილველად ბაღდადში ფაშას თავმჯდომარეობით რეგულარულად იკრიბებოდა „დივანი“ ანუ საბჭო, რომელიც საათობირო უფლებით სარგებლობდა და შედგებოდა საფაშოს სამოქალაქო, სასულიერო-იურიდიული და სამხედრო ხელისუფლების პირველი რიგის მოხელეთაგან. დივანში წინასწარ უნდა განხილულიყო ყველა ის საკითხი და ღონისძიება, რომელთა განხორციელებას ფაშა ფიქრობდა. ამის გამო დივანი ფაქტიურად, მარტო საათობირო ორგანო კი არ იყო, არამედ საკონტროლოც, რადგან იმ შემთხვევაში, თუ დივანში განსახილველად დასმული საკითხი და ფაშას პოზიცია არ შეესაბამებოდა იმპერიის ცენტრალური მთავრობის ინტერესებს, ამას მაშინვე ატყობინებდნენ სტამბოლში საბჭოს ზოგიერთი წევრის, კერძოდ სულთნის წარმომადგენელ ალა იენიჩარის მეშვეობით.

დივანში მიღებული გადაწყვეტილებების სისრულეში მოყვანა ფაშას სასახლის სამოქალაქო-ადმინისტრაციული, სასულიერო-იურიდიული და სამხედრო უწყებების მოხელეებს ევალებოდათ. სამოქალაქო-ადმინისტრაციულ უწყებაში ასეთ მოხელეებად ითვლებოდნენ: 1. ქ ა პ ი ა — ფაშას მოადგილე და მრჩეველი, ადმინისტრაციული ხელისუფლების უფროსი²⁵, თანამდებობით და უფლებით პირველი კაცი საფაშოში ფაშას შემდეგ; ომის დროს ფაშას დავალებით სარდლობდა ლაშქარს²⁶; 2. დ ა ვ თ ა რ დ ა რ ი — ეიალეთის გადასახადებისა და სახელმწიფო შემოსავლის საქმეთა მომწესრიგებელი, რომელსაც ზოგჯერ „მალ დაეთარდარს“ ან „ნაზინე დაეთარდარსაც“ უწოდებენ. მის მოვალეობას შეადგენდა აგრეთვე საჰონეტო საქმე. ფეოდალური სამფლობელოებისა და ფინანსების მოგვარება, რადგან ეს სამფლობელოები ფეოდალებს

²⁵ Rousseau, დასახ. ნაშრომი, გვ. 25.

²⁶ ბ. ს. ი. ლ. ა. გ. ა. ძე, ვრაც-საქართველოს ურთიერთობის ისტორიიდან. „სტალინის სახელობის თბილისის სახ. უნივერსიტეტის შრომები“, თბ., 1960. ტ. 91-გვ. 368; Cl. Huari. Histoire de Bagdad, Paris, 1902, p. 169.

ეძლეოდათ გასამრჯელოდ ფულადი ხელფასის მაგიერ²⁷. თანამდებობით დავთარდარი ქაპიაზე დაბლა იდგა, მაგრამ მისი „ვერილე“-ს (რეზოლუცია საბუთზე „გაეცი“) გარეშე ხაზინიდან ფულის გატანა არ შეიძლებოდა და ამ მხრივ ყველაზე მაღლა იდგა²⁸. ვ. დივან ეფენდი — პირველი მწერალი²⁹, დივანის საქმეთა მომწესრიგებელი³⁰, 4. დაბიტი — არაბთა პოლიტიის უფროსი³¹; 5. ნაკიბი — შარიფთა ანუ მუჰამედ წინასწარმეტყველის მემკვიდრეებისა და მათი ოჯახების უფროსი³², რომელიც დიდი პატივითა და ავტორიტეტით სარგებლობდა ერაყში, განსაკუთრებით კი ულუმთა (მათ შესახებ იხ. ქვემოთ) წრეში; 6. კაპიჯილარი ქაპია — ეჯიბი, რომელსაც ევალეობოდა სხვა სახელმწიფოთა წარმომადგენლების ფაშასთან მიყვანა და წარდგენა; 7. ხაზინადარი — საფაშო ხაზინის უფროსი, საბაჟოების პირველი ზედამხედველი; 8. კაიმაკამი — ვიცე-გუბერნატორი, რომელიც სცვლიდა ფაშას ამ უქანასკნელის სადმე წასვლის დროს; 9. მუჰტარადარი — ბეჭდის მცველი; 10. მასრუფ ეფენდი — ფინანსთა ზედამხედველი; 11. სილაჰდარი მეაბჯრეთუხუცესი; 12. სკემლერ აღასი — სეარძლის მტარებელი; 13. არაბი ქათიბი — არაბთა დეპარტამენტის პირველი მდივანი; 14. ფარსი ქათიბი — ფაშას ჩვეულებრივი მდივანი, რომელიც საგანგებოდ ირანის საქმეებზე იყო მიმაგრებული³³.

რუსოს თქმით, ზემოდასახელებული მოხელეები ორ კატეგორიად — პირველ და მეორე რიგის მოხელეებად იყოფოდნენ. ქაპია, დავთარდარი, დივან ეფენდი, ნაკიბი და დაბიტი პირველი კატეგორიის ანუ პირველი რიგის მოხელეები იყვნენ, ხოლო სხვა დანარჩენი კი მეორე კატეგორიის ანუ მეორე რიგისა. მეორე რიგის მოხელენი თავიანთი თანამდებობითა და უფლება-მოვალეობით უფრო დაბლა იდგნენ, ვიდრე პირველი რიგის თანამდებობის პირნი, მაგრამ მიუხედავად ამისა, ისინი მაინც სასახლეში მყოფ მმართველ სამოქალაქო-ადმინისტრაციულ აპარატში შედიოდნენ

²⁷ S. H. Longrigg, დასახ. ნაშრომი, გვ. 353; H. A. R. Gibb, H. Bowen, დასახ. ნაშრომი, გვ. 150; ე. გაბაშვილი, ქართული ფეოდალური წყობილება... თბ., 1958, გვ. 336; მ. სევანიძე, დასახ. ნაშრომი, გვ. 105.

²⁸ A. Адамов, დასახ. ნაშრომი, გვ. 65.

²⁹ Rousseau, დასახ. ნაშრომი, გვ. 25.

³⁰ მ. სევანიძე, დასახ. ნაშრომი, გვ. 105.

³¹ Rousseau, დასახ. ნაშრომი, გვ. 27.

³² იქვე.

³³ იქვე გვ. 25.

და განსაკუთრებული უფლებებით სარგებლობდნენ. ასეთივე გავლენიანი პირები იყვნენ აგრეთვე ფაშას სასახლისა და პირად მსახურთა მრავალრიცხოვანი აშალის — იჩ ალაღარების ისეთი პრივილეგირებული წარმომადგენლები, როგორცაა, მაგ., სახლთუხუცესი, მესტუმრეთუხუცესი, ეჯიბი, მეჩინიბეთუხუცესი და სხვები³⁴.

იურიდიული ხელისუფლება ბაღდადის ფაშას კარზე წარმოდგენილი იყო შემდეგი მოხელეების სახით: 1. კადი ანუ მოსამართლე, რომელიც არჩევდა სასამართლო საქმეებს და თვალყურს ადევნებდა თუ როგორ ასრულებდნენ უმაღლესი ხელისუფლების განკარგულებებს ადგილობრივი მოხელენი; 2. მ უ ფ თ ი — უმაღლესი მოსამართლე, დანიშნული ხელისუფლების მიერ ამ თანამდებობაზე იმისათვის, რომ გაარჩიოს (ყურანის საფუძველზე) რთული იურიდიული საქმეები და გამოიტანოს სათანადო დადგენილება — „ფათვა“; 3. უ ლ ე მ ე ბ ი — მუსლიმური სამართლის — შარიათის მცოდნენი.

იურიდიულ გადაწყვეტილებათა სისტულეში მოყვანა ევალე-ბოდათ ს უ ბ ა შ ი ე ბ ს — ქალაქებში პოლიციის უფროსის მოვალეობის შემსრულებელ სახელმწიფო მოხელეებს, რომლებიც უშუალოდ ემორჩილებოდნენ კადის. გარდა ამისა, სუბაშიები მოწოდებული იყვნენ წესრიგის დასაცავად, თვალყურს ადევნებდნენ ვაქრობას ბაზარში, ასახაშიებთან ერთად ყარაულობდნენ ზიდებს, არხებს, ქალაქის ქუჩებს, საკირობების შემთხვევაში ჩხრეკდნენ და აპატიმრებდნენ ექვემდებარებულთ.

რაც შეეხება სამხედრო ხელისუფლებას, ის ფაშას სასახლის კარზე წარმოდგენილი იყო თვით ვალისა და იენიჩარების ალას მეთაურობით. როგორც უკვე ვთქვით, ოსმალოებმა ერაყის დაკავებისთანავე მის ციხეებში ჩააყენეს თავიანთი სამხედრო რაზმები — იენიჩარები. XIX ს. დამდეგს არაბულ ერაყში მარტო იენიჩარების რიცხვი 15000 კაცს აღემატებოდა³⁵. აქედან 8000 კაცი ბაღდადში იდგა³⁶, 500 ბასრაში, ხოლო დანარჩენი სხვადასხვა ადგილების ციხე-სიმაგრეებში³⁷. ერაყში დაბანაკებული იენიჩარების საერთო მეთაური იყო იენიჩარების ალა, რომელიც ქ. ბაღდადში იჯდა და განსაკუთრებული უფლებებით სარგებლობდა. მას სულთანი ნიშ-

³⁴ S. H. Longrigg, დასახ. ნაშრომი, გვ. 25.

³⁵ А. А д а м о в, დასახ. ნაშრომი, გვ. 352.

³⁶ Второй трактат Кочинбей... стр. 243.

³⁷ А. А д а м о в, დასახ. ნაშრომი, გვ. 352.

ნავდა თანამდებობაზე და მხოლოდ მას ემორჩილებოდა. მაგრამ XVIII ს. მეორე ნახევრიდან, როცა ერაყის ხელისუფლებას სათავეში (1749 წელს) ქართველი ქულემენები (მამლუქები) ჩაუდგნენ, იენიჩარი აღას უფლებები საგრძნობლად შეიკვეცა. მას მინდობილი ჰქონდა სასახლის დაცვა და შინაგანი პოლიციის მოქმედებისადმი თვალყურის დევნება. იენიჩარების აღას გარდა ამ კატეგორიის მოხელეები იყვნენ: 1. ი ე ნ ი ჩ ა რ ი ე ფ ე ნ დ ი. 2. თ ო ფ ჩ ი ბ ა შ ი ანუ მეზარბაზნეების უფროსი; 3. ჯ ე ბ ე ჯ ი ბ ა შ ი — საომარი მასალისა და საჭურვლის მცველი რაზმის უფროსი; 4. ა რ ა ბ ა ჯ ი ბ ა შ ი — დიდი ყალიბის ქვემეხების გადამტან-გადმომტანი და საბრძოლო პოზიციაზე მათი დამდგმელი რაზმის უფროსი³⁸; 5. ი ე რ ლ ი ა ღ ლ ა; 6. ბ ა რ ა თ ღ ლ ი ა ღ ლ ა — მიძიმე თოფებით შეიარაღებული რაზმის უფროსი.

რუსოს თქმით, ექვსივე ეს მოხელე სამხედრო ხელისუფალთა რიგს ეკუთვნოდა და „იენიჩარების აღას შემდეგ ეკავათ მეტ-ნაკლებად მალალი თანამდებობები იენიჩართა პოლიციაში“³⁹. მისივე ცნობით, იენიჩარების აღა ზემოჩამოთვლილი სასულიერო-იურიდიული ხელისუფლების წარმოამადგენლუსა და სამოქალაქო-ადმინისტრაციული ხელისუფლებას პირველა რიგის მოხელეებთან ერთად იყო ფაშას დივანის წევრი.

ოსმალეთში კანონით დაუშვებელი იყო პროვინციული მართვა-გამგებლობის შემკვიდრებობითი წესი. ეიალეთის გამგებელს თანამდებობა ეძლეოდა გარკვეული ვადით. აღრე სამი წლით, შემდეგ — ორით და ბოლოს კი (XIX ს-ში) ერთი წლით⁴⁰. რწმუნების ვადის გასვლის შემდეგ, თუ ფირმანი გაახლებულა არ აქნებოდა, ჯერ კარგავდა ეიალეთის მართვის უფლებას. ამით ოსმალეთის იმპერიის ცენტრალურ ხელისუფლებას უნდოდა მუდამ მორჩილებაში ჰყოლოდა პროვინციების გამგებლები, არ დაეშვა მათი ძალაუფ-

³⁸ А. Ф. Миллер, *დასახ. ნაშრომი*, გვ. 490, 500; გ. ფ უ თ უ რ ი ძ ე. *ოსმალეთი, „ნარკვევები მახლობელი აღმოსავლეთის ისტორიიდან“*, თბ., 1957, გვ. 248.

³⁹ Rousseau, *დასახ. ნაშრ.*, გვ. 28. ფაშას კარზე სხვა მრავალი სამოხელეო თანამდებობაც არსებობდა, მაგრამ ყველას ჩამოთვლა აქ საჭიროდ არ მიგვაჩნია.

⁴⁰ G. A. Olivier, *Voyage dans l'Empire Ottoman, l'Egypte et la Perse*, Paris, IX (1801), t. IV, p. 368; M. D'Ohssoon, *Tableau general de l'Empire Ottoman*, Paris, 1824, t. VII, p. 277; А. Д. Н о ш в а е в, *История Турции*, Л., 1963, кн. I, стр. 221.

ლების გაძლიერება და განმტკიცება. მაგრამ ამას ყოველთვის როდი ახერხებდა. როგორც კი იმპერიის პოლიტიკურ-ეკონომიური საფუძველი მოიშალა და სახელმწიფომ დასუსტება იწყო. პროვინციის გამგებლები, ისე მოხერხებულად მოქმედებდნენ, რომ ეიალეთის მართვის რწმუნების ვადის გახანგრძლივებასაც აუწყებდნენ და ზოგჯერ თავიანთი გამგებლობის შემკვიდრებით გადაცემასაც. ასე იყო, მაგალითად, ერაყში 1702-იდან 1831 წლამდე, როცა ბაღდადის საფაშოს სათავეში ედგნენ ჯერ ალბანელები ჰასან ფაშა (1702—1723 წწ.) და მისი ვაჟი აჰმედი (1723—1747 წწ.), ხოლო შემდეგ კი ქართველი ქულებმენები: სულეიმან ფაშა მიზრაჯლი (1749—62), სულეიმან ფაშა ბუიუქი (1780—1802), ჰაფიზ ალი ფაშა (1802—7), სულეიმან ფაშა ქუჩუქი (1807—1810), საიდ ფაშა ასადი (1813—1815) და ბოლოს დაუდ ფაშა (1816—1831). მათ დროს, აღნიშნავს კ. რიტერი, „პორტას ბრძანებებს მხოლოდ იხილავდნენ, შესრულებით კი იშვიათად თუ მოიყვანდნენ სისრულეში“⁴¹.

ვალის ხელისუფლების საყრდენსა და ოსმალეთის იმპერიის პროვინციული მართვა-გამგებლობის ერთ-ერთ ძირითად რგოლს წარმოადგენდა სანჯაკი ანუ ლივა, რომელიც, როგორც უკვე აღვნიშნეთ, იყოფოდა კაზებად. სანჯაკები და კაზები ისეთნაირადვე იყო მოწყობილი როგორც ეიალეთები, ხოლო მათ სათავეში მდგომ სანჯაკ ბეგებს ანუ მირ ლივებს და კადიებს თავიანთ სახელოში ჰქონდათ ისეთივე უფლებები და ვალდებულებები, როგორც ვალის მთელს ეიალეთში. სანჯაკ ბეგები, რომლებსაც ერაყში მუთასარიფებს⁴² უწოდებდნენ, უშუალოდ ვალის ემორჩილებოდნენ. ეს უკანასკნელი ნიშნავდა ან ხსნიდა მათ და მისგან ლებულობდნენ საკუთარ მითითებებსა და განკარგულებებს. ომის დროს სანჯაკ ბეგნი ვალდებული იყო ვალის პირველი დაძახებისთანავე შეეკრიბა თავის სახელოს ლაშქარი და გამოცხადებულყო მასთან. XVIII საუკუნიდან სანჯაკ ბეგები ატარებდნენ ერთთულიანი ფაშას წოდებას, ამიტომ ერაყში მათ სანჯაკ ბეგების ან მირ ლივების სახელით იშვიათად თუ მოიხსენიებდნენ. ისინი მუთასარიფებად და მირმირანებად⁴³ იწოდებოდნენ და ფლობდნენ როგორც სამოქალაქო, ისე

⁴¹ K. Ritter, Die Enrdkunde von Asien, Berlin, 1844, VII, ნაწ. II, გვ. 814, და შემდ.

⁴² متصرف (არაბ) — ოლქის უფროსი, მმართველი.

⁴³ ميرميران (არაბ) — სპეციალურ ლიტერატურაში ეს სამოხელეო მნიშ-

სამხედრო ხელისუფლებას. სამოხელეო შტატი მათთანაც ისეთივე აყო, როგორიც ვიალეთის გამგებელთან. ოღონდ ისინი უფრო დაზალი რანგისა იყვნენ და ამის გამო სახელწოდებასაც განსხვავებულს ატარებდნენ.

როგორც უკვე ვთქვით, სანჯაყის შემდეგ უფრო მცირე ადმინისტრაციულ სამმართველო რიგით ერთეულს ოსმალეთის იმპერიაში წარმოადგენდა კაზა, რომელსაც თავდაპირველად კადი განაგებდა, ხოლო XIX ს-ში კაიმაკამი. კადიები მართლმსაჯულების წარმომადგენლები იყვნენ, კაიმაკამები კი სამხედრო უწყებისა. ამაზე მიუთითებს თვით სიტყვა კაიმაკამი, რაც მმართველთან ერთად პოდპოლკოვნიკსაც ნიშნავს.

ერთობ თავისებური იყო 'ამირეთის, როგორც ადმინისტრაციული ერთეულის, ორგანიზაცია და მმართველობის სტრუქტურა. ის იყო ისეთი ერთეული, რომელსაც საფუძვლად ედო გვაროვნული თემი. ამიტომაც იგი ჩვეულებრივ გვხვდება იქ, სადაც საზოგადოება მთლიანად ან ნაწილობრივ დაყოფილია ტომებად. ოსმალეთის იმპერიაში ტომობრივი საზოგადოებები ძირითადად წარმოდგენილი იყო ქურთისტანსა და არაბულ ქვეყნებში, კერძოდ კი ერაყში, სადაც დღესაც დაახლოებით ასოცამდე სხვადასხვა ტომს ითვლიან⁴⁴. XIX ს. ერაყში ზოგი ტომი მთლიანად მეჭოგეობას მისდევდა. ზოგი კი მიწათმოქმედებასაც, რაშიც ხშირ შემთხვევაში გადამწყვეტ ფაქტორს წარმოადგენდა არა განვითარების დონე, არამედ გეოგრაფიული გარემო. ადამიანთა ყოფა და საქმიანობა განსაზღვრავდა მათი ცხოვრების წესს. ის ტომები, რომელთათვისაც მეურნეობის ერთადერთ დარგს მეჭოგეობა წარმოადგენდა, მომ-

ენლობის სიტყვა სხვადასხვაგვარადაა განმარტებული. ა. ტ ვ ე რ ტ ი ნ ო ვ ა ს აზრით, მირმირანი ბეგლარბეგის სინონიმს წარმოადგენს (იხ. Аграрный строй Османской империи XV—XVII вв. стр. 195, 206). ასეთივე მოსაზრებას გამოთქვამენ მ. ს ვ ა ნ ი ძ ე (იხ. მისი დასახ. ნაშრომი, გვ. 96). და ა. ა ვ ა ლ ი ა ნ ი (იხ. მისი დასახ. ნაშრომი, გვ. 29), მაგრამ ეს განმარტება, ჩვენის აზრით, დაზუსტებას მოითხოვს. ოსმალეთში მირმირანი ბეგლარბეგის სინონიმად იხმარებოდა მხოლოდ XVI — XVII საუკუნეებამდე, XVIII ს-ში სანჯაყ ბეგის ანუ მირ ლივას! სინონიმად იქცა (იხ. Х у р ш и д - Э ф е н д и, Спяхет-намә-и-Худуд, стр. 461) და მისი მფლობელი ბეგლარბეგსა და ვაზირზე დაბლა იდგა (S. H. L o n გ - r i გ e; დასახ. ნაშრომი, გვ. 354). მირმირანები პატარა ქალაქების გამგებლებდაც კი იწინებოდნენ (А. Ф. М и л л е р, Мустафа паша Байрактар, М.-Л., 1947, стр. 494).

⁴⁴ Б. М. Д а н ц и г, Ирак, стр. 24.

თაბარულ-მოხეტიალე (ნომადურ) ცხოვრებას ეწეოდნენ, ხოლო იმ ტომებში, რომლებიც მეჯოგეობასთან ერთად მიწათმოქმედებასა და მეხალეობასაც მისდევდნენ, მხოლოდ მეჯოგეები მომთაბარებოდნენ, დანარჩენები კი ბინადარ ცხოვრებას ეწეოდნენ. მიუხედავად ამგვარი სხვაობისა, გვაროვნული ორგანიზაცია ყველა ტომში თითქმის ერთნაირი იყო. ძირითადი მასა ბელუჩნები (მომთაბარენი) და ფელაჰები (ბინადარნი) იყვნენ. ისინი გაერთიანებულნი იყვნენ ოჯახებად, რომელთაც სათავეში ედგნენ უხუცესნი. ოჯახები ერთიანდებოდნენ ტაიფებად (გვარებად, მცირე ტომებად), ხოლო თითოეულ ტაიფს განაგებდა შეიხი, რომელიც თავისი სოციალური მდგომარეობით იგივე იყო, რაც ფეოდალი. შეიხის თანამდებობა არჩევითი იყო. ირჩევდა მას მთელი ტომის შემადგენლობა ისე რომ, არც ამომრჩევლებს და არც ასარჩევებს ამისათვის რაიმე ცენზი არ სჭირდებოდათ. ყველას შეეძლო წამოეყენებინა შეიხად ის, ვინც მას სურდა, თუმცა აქვე უნდა შეენიშნოთ, რომ დემოკრატიზმის ეს პრინციპები ხშირად ირღვეოდა და ჯერ კიდევ XIX საუკუნემდე შეიხის თანამდებობა ერაყში მეშეკვიდრეობითი იყო, ე. ი. გადაეცემოდა ის მამიდან შვილს, ძმას ან ბიძას. დემოკრატიზმის პრინციპებიდან გადახვევაში, სხვათა შორის, გარკვეული როლი შეასრულა არაბებში ფართოდ გავრცელებულმა გვარი-შვილობის წესმა. რაც უფრო დიდხანს შეინარჩუნებდა შეიხი თანამდებობას, მით უფრო მოსწონდათ თავი ამ გვარის არაბებს, რომლებიც მიუთითებდნენ ხოლმე, რომ ისინი იყვნენ ამა და ამ ცნობილი კაცის ჩამომავალნი. ამიტომ შეიხის შეცვლა ხდებოდა მხოლოდ იმ შემთხვევაში, თუ იგი თავს ვერ გამოიჩინდა ჭკუა-გონებით და ღირსეულად ვერ უხელმძღვანელებდა ტომს.

შეიხი, თუ მას სურდა დიდხანს ყოფილიყო ამ თანამდებობაზე, ყოველი საკითხის გადაჭრისას უნდა მოთათბირებოდა ტომის წევრებს და მეტადრე გვარის უხუცესთ. ამასთან, შეიხის პირადი ავტორიტეტისა და ხელისუფლების ზრდა დიდად იყო დამოკიდებული თვითონ მის პიროვნებაზე. ძლიერი ნებისყოფისა და მტკიცე ხასიათის შეიხი ყოველთვის დიდი ნდობით სარგებლობდა ტომში და ჰქონდა განუსაზღვრელი უფლება, რაშიც მცირე როლს როდი ასრულებდა ხელგაშლილობა.

შეიხის კარვის კარი მუდამ ღია უნდა ყოფილიყო. რაც მეტ პურ-მარილს დახარჯავდა, მით უფრო პოპულარული იქნებოდა მისი

სახელი⁴⁵, ხოლო ხელგაშლილობა იმდენად შეიხის სტუმართმოყვარეობაზე კი არ იყო დამოკიდებული, რამდენადაც ქონებრივ შესაძლებლობაზე. ამიტომ ის, ვისაც მეტი ქონება ჰქონდა, ყველაზე პურმარილიან და სტუმართმოყვარედ იყო ცნობილი. შეიხის ქონება-შესაძლებლობის ძირითადი წყარო იყო შემოსავალი, რომელსაც ის ხარკის სახით ღებულობდა დაპყრობილი ტომის მოსახლეობიდან⁴⁶, ქარავნებისაგან ტომის ტერიტორიაზე უშიშრად გავლისათვის გაღებული გადასახადი, სხვადასხვა საბაჟო გამოსაღებლები და ოსმალეთის სახელმწიფო სამსახურში ყოფნისათვის გასამრჩელოს სახით ბოძებული საკარგავი (ლენი)⁴⁷.

შეიხი, როგორც გვარის ან ტომის უფროსი, ვალდებული იყო ომის დროს წინ გაძლოლოდა თავის ლაშქარს⁴⁸, მოლაპარაკება ეწარმოებინა მოწინააღმდეგესთან დაზავების შესახებ და გაერჩია სასამართლო საქმეები⁴⁹. ასე რომ, მის ხელთ იყო მინდობილი ტომის ბედი.

შეიხები სამი კატეგორიისა იყვნენ: მცირე, საშუალო და დიდი. მცირე შეიხი სათავეში ედგა „ტაიფს“ და ექვემდებარებოდა „კაბილეს“ გამგებელს, რომელიც, წყაროს ცნობით, შეიხთა საშუალო კატეგორიას ეყუთვნოდა. როგორც „ტაიფის“, ისე „კაბილეს“ შეიხს

⁴⁵ ინგლისელი ოფიცრის ჯ. ველსტიდის ცნობით, მუნათაიქების შეიხ აჯილის კარავში ყოველდღე სადილობდა 300 კაცი (J. R. Welsted, Travels to the city of the Chaliphs, London, 1840, vol. I, p. 198), ხოლო შამშარის ტომის ბელადის მუჰამად იბნ რაშიდის კარავში — 2000. (E. No l d e, Reise nach Innerarabien, Kurdistan und Armenien, 1892, v. 36). ჯ. ბურკჰარტის სიტყვით, ასეთი შესაძლებლობა ჰქონია არა ყველას, არამედ მხოლოდ დიდი ტომების ბელადებს და იმთ, ვინც გასამრჩელოს იღებდა ოსმალეთის ცენტრალური ხელისუფლებისაგან. (J. L. Burckhardt, Notes on the Bedouins and Wahabys, London, 1831, vol. I, pp. 119, 285; A. Ментешашвили, დასახ. ნაშრომი, გვ. 19).

⁴⁶ სამხედრო ნადავლის ერთი მეხუთედი შეიხის იყო.

⁴⁷ A. А да м о в, დასახ. ნაშრომი, გვ. 148.

⁴⁸ უკეთეს ავადყოფობის, მოხუცებულობის თუ სხვა მიზეზებით შეიხს არ შეეძლო ეხელმძღვანელა ლაშქრისათვის, მაშინ ტომის დროებით ბელადად ნიშნავდნენ 'აჰიდს (أحمد), რომელსაც უსიტყვოდ ემორჩილებოდა ყველა, თითო შეიხიც კი. შეიძლებოდა აკმადად მოეწეათ უცხო ტომის წარმომადგენელი, როცა შესაფერისი კანდიდატი ტომში არ მოიძებნებოდა (Lady Anna Blunt, Bedouin tribes of the Euphrates, London, 1879, vol. II, pp. 336—337).

⁴⁹ ყოველგვარი სასამართლო საქმე შეიხს უნდა განეხილა ბედუინთა ადათობრივი წესების საუკეთესო მცოდნესთან ერთად, რომელიც ყველა ტომს ჰყავდა და „კაბილეს“ ან მოკლედ „ნარაი“ (ناراي) ეწოდებოდა. 'ნარაის დასტურის გარეშე გადაწყვეტილება ძალაში ვერ შევიდოდა (A. А да м о в, стр. 150).

ირჩევდა ტომის კრება. იგი ემორჩილებოდა მთავარ შეიხს, რომელიც მართავდა რამდენიმე „კაბილეს“. მთავარ შეიხს ყველაზე მაღალი ადგილი ეკავა ტომის ოლიგარქიაში და უწოდებდნენ „შაიხ-ალ-ჰაბირს“ (დიდ შეიხს) ან „შაიხ აშ-შუიუხს“ (შეიხთა შეიხს). მას თანამდებობაზე, როგორც წესი, ირჩევდნენ, მაგრამ ამავე დროს, როგორც ხურშიდ ეფენდი ამბობს, „არავის არ ჰქონდა უფლება წინააღმდეგობა გაეწია ვალიებისათვის... (მის) მოხსნა-დანისვნაში“⁵⁰. ისე როგორც სანჯაკ ბეგი, შეიხ აშ-შუიუხიც ამირის ტიტულს ატარებდა, ოღონდ მას არც დიდი ჰქონდა, არც დაფი და არც ალაში. ამასთან, ომის დროს ის თავისი ლაშქრით სანჯაკ ბეგს უნდა ხლებოდა: სხვა დროს კი მისგან სრულიად დამოუკიდებელი იყო და მის უფროსს მხოლოდ ეიალეთის გამგებელი წარმოადგენდა.

შეიხ აშ-შუიუხის თანამდებობა მემკვიდრეობითი იყო. იგი გადაეცემოდა მამიდან შვილს ან სხვა ნათესავს გვარის ფარგლებში, თუ ოჯახი ან გვარი ამოწყდებოდა, შეიხ აშ-შუიუხად სხვა გვარის წევრს დანიშნავდნენ⁵¹. დიდი შეიხი თავის ხელისუფლებას ახორციელებდა საშუალო და მცირე შეიხების მეშვეობით. ისინი მუდამ მასთან იმყოფებოდნენ და თავიანთი ტომის ყველა წევრს აცნობდნენ ხელისუფლების განკარგულებებს. შეიხს შეეძლო სიკვდილით დაესაჯა ტომის ყოველი წევრი და პასუხს ამისათვის ვერავინ მოსთხოვდა⁵².

მიუხედავად იმისა, რომ 'აშირეთები წესის თანახმად ეიალეთის გამგებელს ექვემდებარებოდნენ, ზოგიერთი არათუ ვალის ეურჩებოდა, არამედ სულთანსაც უარს ეუბნებოდა მორჩილებაზე. ამიტომ ასეთ 'აშირეთებს „უმართავი 'აშირეთები“ ეწოდებოდა. ერაყში ასეთები იყვნენ: ანიზეს, შამარისა და აზ-ზაფირის 'აშირეთები⁵³, რომლებიც სრულიად დამოუკიდებელ პოლიტიკურ ერთეულებს წარმოადგენდნენ.

ერაყის პროვინციულ მართვა-გამგებლობის ორგანიზაციაზე რომ სრული წარმოდგენა გვექონდეს, მოკლედ შევეხებით ნაჰიეს, რომელაც, როგორც უკვე აღვნიშნეთ, იყო კაზახზე მცირე ადმინისტრაციული ერთეული.

⁵⁰ Хуршид Эфенди, დასახ. ნაშრომი, გვ. 57.

⁵¹ M. Belin, დასახ. ნაშრომი, გვ. 285; მ. სვანიძე, დასახ. ნაშრომი, გვ. 102.

⁵² Хуршид Эфенди, დასახ. ნაშრომი, გვ. 56—57.

⁵³ იქვე.

ხურშიდ ეფენდის ცნობით, ნაპიეს სათავეში ედგა ალა ანუ მიზანი⁵⁴. მას ირჩევდნენ ადგილობრივი მოსახლეობიდან. ნაპიეს უფროსად არჩეული პიროვნება თანამდებობას ინარჩუნებდა გარდაცვალებამდე, თუკი მანამდე რაიმე დანაშაულს არ ჩაიდენდა. გარდაცვალების შემდეგ თანამდებობა მემკვიდრეობით გადადიოდა გარდაცვლილის შვილზე, ხოლო თუ შვილი არ ჰყავდა, მაშინ სხვა უახლოეს ნათესავზე⁵⁵.

ნაპიეს უფროსი ალა ანუ მიზანი კაზის გამგებელ კადის (ყადის) ან კაიმაკამს ექვემდებარებოდა. მისი მოვალეობა იყო თვალყურის დევნება მთავრობის განკარგულებების შესრულებაზე, გადასახადების დროულად აკრეფაზე, ახალშობილთა აღრიცხვაზე და, გარდა ამისა, ხელმძღვანელობა ნაპიეს საბჭოსადმი, რომელიც სოფლის უხუცესების — ვუჯუჰების ანუ მუხთარებისაგან შედგებოდა.

გარდა ამისა, ერაყში არსებობდა საქალაქო მმართველობაც — ბალადიე. იგი შედგებოდა მუდირისა (უფროსის) და რამდენიმე წევრისაგან. ვილაიეთის მთავარ ქალაქში მუდირს ვალი ნიშნავდა, სხვა ქალაქებში — სანჯაყის უფროსი მუთასარიფი ან მუთასალიმი. ბალადიეს სხვა წევრებს ირჩევდნენ, მაგრამ არჩევნები იყო შეზღუდული. ამომრჩეველზეც და ასარჩევეზეც დაწესებული იყო ქონებრივი ცენზი. ვ. დუ ველის ცნობით, ბასრას ეიალეთში ამომრჩეველზე დაწესებული იყო 40 პიასტრი, ხოლო ასარჩევეზე 100 პიასტრი⁵⁶.

ბალადიე მთლიანად ექვემდებარებოდა ვილაიეთისა და სანჯაყის ადმინისტრაციას. ამიტომ მისი არც ერთი დადგენილება, ლონისძიება არ იქნებოდა შესრულებული ისე, თუ ამაზე არ იქნებოდა დასტური პროვინციის ან ოლქის უფროსისაგან.

ბალადიეს მოვალეობა იყო ქალაქში სისუფთავისა და წესრიგის დამყარება, მისი კეთილმოწყობა, რისთვისაც საჭირო ხარჯები აიღებოდა მოსახლეობიდან⁵⁷.

ისე როგორც ოსმალეთის იმპერიის სხვა საზღვრისპირა პროვინციებში, ერაყშიც, გარეშე მტრისაგან თავდასაცავად, დაპყრობი-

⁵⁴ ა. ადამოვი ნაპიეს გამგებლად მუდირსაც მოიხსენიებს (A. Adamov, დასახ. ნაშრომი, გვ. 68), მაგრამ მუდირი ქალაქში იყო.

⁵⁵ Х у р ш и д Э ф е н д и, დასახ. ნაშრომი, გვ. 242—243.

⁵⁶ A. Du Velez, Essay sur l'Histoire financière de la Turquie, Paris, 1903, pp. 222—223.

⁵⁷ A. Adamov, დასახ. ნაშრომი, გვ. 69.

თი ომების საწარმოებლად და ქვეყნის შიგნით ხელისუფლებისათვის სასურველი წესრიგის დასამყარებლად, არსებობდა შეიარაღებული ძალა. რომელიც შედგებოდა სულთნის ანუ საერთო-საიმპერიო და საკუთრივ ერაყის ადგილობრივი ხელისუფლების რეგულარული და ირეგულარული ჯარების სხვადასხვა სახეობებისაგან. ირეგულარული ჯარის ერთ-ერთი ყველაზე გავრცელებული სახეობა იყო ფეოდალური ლაშქარი, კავალერია, რომელიც მხოლოდ ომის დროს იკრიბებოდა და ომის დამთავრებისთანავე იშლებოდა. იგი მთლიანად დაფუძნებული იყო ოსმალეთში ფართოდ გავრცელებულ ლენურ ანუ თიმარულ -ზიამეთურ სისტემაზე, რომლის არსი. როგორც ცნობილია, მდგომარეობდა იმაში, რომ სახელმწიფო სამსახურში (ყველაზე მეტად, ომში) თავის გამოჩენისათვის კაცი სახელმწიფო ხელისუფლებისაგან ღებულობდა მიწის ნაკვეთს⁵⁸ ზედ დასახლებული გლეხებითურთ (რაიები, ფელაჰები) და ხდებოდა ფეოდალი. ასეთი ფეოდალი. თუ მისი შემოსავალი 2000 ან 3000 აკჩას არ აღემატებოდა, ვალდებული იყო მხოლოდ თვითონ გამოსულიყო ომში, ხოლო თუ შემოსავალი უფრო მეტი იყო, მაშინ ბრძოლაში უნდა გამოეყვანა აგრეთვე გარკვეული რაოდენობა მეომრებისა. გამოსაყვან მეომართა რიცხვი განისაზღვრებოდა როგორც ლენის შემოსავლის სიდიდით, ასევე მასზე დადგენილი ნორმით, რომელიც დამოკიდებული იყო იმაზე თუ სად (ქვეყნის რომელ მხარეში) იმყოფებოდა იგი.

ლენი, რომელიც წელიწადში 19999 აკჩამდე შემოსავალს იძლეოდა, თიმარად იწოდებოდა, ხოლო 20000-იდან 99999 აკჩიანი — ზიამეთად. თიმარები ორი სახისა იყო: თეზქერეს⁵⁹ მქონე (თეზქე-

⁵⁸ ამასთან დაკავშირებით ვიარდინი (საფრანგეთის ელჩი სტამბოლში 1687 წელს) თავის «Memoire sur le Situation de l'Empire»-ში მოუთითებს, რომ «ყოველი პროვინციის მიწები დანაწილდა ხმლის ხალხს შორის ლენებად და უღუფებად».

სულეიმან კანუნის დროს მიწას აძლევდნენ მხოლოდ მეომრებს, შემდეგ ეს წესი თანდათან შეიცვალა და უკვე XVI საუკუნის 80-იან წლებში ლენებს ღებულობდნენ არა მარტო ბრძოლის მონაწილენი, არამედ ისინიც ვისაც სამხედრო სამსახურთან არაუკიდარი კავშირი არ ჰქონდა (იხ. M. Belin, დასახ. ნაშრომი, გვ. 229—237).

⁵⁹ تھذیر بھگدر بھگس (ვალის, ფაშას) მიერ სულთნის სახელზე გაგზავნილი წერილობითი წარდგინება, ცნობა, რომლითაც დასტურდებოდა ამა თუ იმ პირის უფლება თიმარზე. თეზქერეს საფუძველზე სულთანი იძლეოდა ბოძების სიგელს, ბარათს (ბარათის შესახებ იხ. ს. ჯიქია, ერთი თურქული საბუთი ცხინვალის შესახებ, თსუ, შრომები, 1965, ტ. 116, გვ. 246).

რელი)⁶⁰ და უთეზქერო (თეზქერესიზ)⁶¹. უთეზქერო თიმარის შემოსავალი ერაყში არ შეიძლებოდა ყოფილიყო 6000 აქჩაზე მეტი და მისი კილიჯი (ხმალი) 2000 იყო⁶², ე. ი. თიმარის მფლობელს ყოველ 2000 აქჩაზე უნდა გამოეყვანა ერთი სიფაჰი ან ჭებელი⁶³. თითოეული თიმარი და ზიამეთი თავისი შემოსავლითურთ აღრიცხული და შეტანილი იყო სპეციალურ წიგნში. მთავრობის სათანადო განკარგულების გარეშე, თიმარის არც გაყოფა შეიძლებოდა და არც გაერთიანება. ამიტომ ასეთი სისტემის დროს ქვეყნის გამგებელმა ზუსტად იცოდა რა რაოდენობის ლაშქარი მოუვიდოდა მას საჭირო შემთხვევაში.

ფეოდალური ლაშქრის გარდა ერაყში ოსმალეთის სახელმწიფოს ღირსებას იცავდა აგრეთვე კაფიკულუს სახელწოდებით ცნობილი რეგულარული, დაქირავებული ჯარი, რომელიც რამდენიმე სახეობად იყოფოდა: ქვეითი ჯარი (იენიჩრები), ცხენოსანი ჯარი — ე. წ. „ეჰქსი პოლკი“, არტილერია, ჭებეჯი, თოფჩი, არაბაჯი და სხვ. ამათგან ყველაზე მრავალრიცხოვანი იყო ქვეითი მუღმივი ჯარი, იენიჩრები⁶⁴.

⁶⁰ تذکرة علی تیمار - თეზქერეს საფუძველზე სულთნის მიერ გაცემული ბარათით მიღებული თიმარი.

⁶¹ تذکرة سز تیمار - უშუალოდ ბეგლარ ბეგის მიერ (უთეზქეროდ და უბარათოდ) გაცემული თიმარი 6000 აქჩაზე ნაკლები.

⁶² რუმელის ვილაეთებში უთეზქერო თიმარის კილიჯი იყო 3000, ხოლო ანატოლიისაში — 2000. მიუხედავად იმისა თუ როგორი სიდიდის იყო თიმარი, 5000 აქჩიანი თუ 3000-იანი (M. B e l i n, დასახ. ნაშრომი, გვ. 49).

⁶³ სიფაჰია და ჭებელიც ცხენოსანს ნიშნავს. განსხვავება მათ შორის ის არის, რომ ჭებელი ჯავშნიანი მხედარია (გ. ფ უ თ უ რ ი ძ ე, ოსმალეთი, „ნარკევეები მახლოელი აღმოსავლეთის ისტორიიდან“, თბ., 1957, გვ. 252, შენ. 5), პატარა თიმარის მფლობელი, რომელიც თვითონ მდის სალაშქროდ (Аграрный строй Османской империи XV—XVII вв. М., 1963, стр. 199).

⁶⁴ y e n i ç e r i (თურქ.) — სიტყვასიტყვით „ახალი ჯარი“, შეიქმნა XIV ს-ში სულთან მურად I-ის დროს (1361—1363). ის წარმოადგენდა „პროფესიულ მუღმივ ლაშქარს, შემდგარს თურქეთში წაყვანილ და იქ ძალით გამამჟღავნებელი ქრისტიანებისაგან, რომლებიც სახელმწიფოს სრულ კმაყოფაზე იმყოფებოდნენ. იენიჩრების რაზმებს თავდაპირველად სამხედრო ტყვეებით აკომპლექტებდნენ; შემდეგ კი მურად I-მა შემოიღო ე. წ. „დევეშირმე“ (ქრისტიანი ბავშვების შეკრება იენიჩრების რიგების შესავსებლად). ფაქტიურად ეს იყო ვალდებულება ოსმალების მიერ მიტაცებული ქრისტიანული ქვეყნებისათვის, რომლის ყოველ ათ შვიტს რიგობს 5 ან 3 წელიწადში ერთხელ ერთი ბავშვი (8—12 წლის ასაკისა) იენიჩრად უნდა გაეღო. „დევეშირმე“ ეხებოდა ბალკანეთის ნახევარკუნძულის ქვეყნებს, საბერძნეთსა და ნაწილობრივ სომხეთსაც. „დევეშირმე“ აიღებოდა მხოლოდ და მხოლოდ ალბანელ-

კოჩი ბეი გორიჯელის ცნობით, ბალდაღში იენიჩართა 8000-იანი⁶⁵ კორპუსი იდგა, ა. ადამოვის მიხედვით კი — XIX ს. დასაწყისში ერაყში სულ 15 000 იენიჩარი ყოფილა ჩაყენებული. აქედან 8000 კაცი ქ. ბალდაღში იყო დაბანაკებული, 500 — ბასრაში, ხოლო დანარჩენები ერაყის სხვა ქალაქებში⁶⁶.

ერაყში მყოფი იენიჩრები იცვლებოდა ყოველ სამ წელიწადში ერთხელ. რწმუნების ვადის გასვლის შემდეგ ერაყის ტერიტორიაზე განლაგებული იენიჩრების რაზმები სტოვებდნენ ამ ადგილებს და მიდიოდნენ სხვაგან, ხოლო მათ შესაცვლელად სტამბოლიდან იგზავნებოდა ახალი რაზმები⁶⁷.

იენიჩრებთან ერთად ბალდაღში, ბასრასა და ერაყის სხვა ქალაქების ციხე-სიმაგრეებში მსახურობდნენ მეზარბაზნენი და მათი მომსახურე თოფარაბაჯები. ამ უკანასკნელთა მოვალეობა იყო ზარბაზნების გადატან-გადმოტანა და მათი დაყენება საბრძოლო პოზიციებზე. საომარი მასალის მცველები იყვნენ „ჭებჭები“ — მესაქურვლენი, რომლებიც დაქირავებულ ჯარს ამარაგებდნენ იარაღით, აბჯრით, ტყვია-წამლითა და სხვა საბრძოლო მასალით⁶⁸.

ყველა ზემოჩამოთვლილი ჯარის სახეობა წარმოადგენდა საიმპერიო სამხედრო ძალებს ერაყში. მათ ევალებოდათ როგორც ცენტრალური ხელისუფლების ინტერესთა დაცვა-განმტკიცება დაპყრობილ მხარეში, ისე დაპყრობით ომებში მონაწილეობა. ასეთი მოვალეობა ეკისრებოდა აგრეთვე საზღვაო ფლოტსაც, რომელიც ქ. ბასრის ნავსაყუდში იდგა და უშუალოდ კაფუდან ფაშას ანუ საზღვაო ფლოტის უფროსის განკარგულებაში იყო. ასეთა

თა, ბოსნიელთა, ბერძენთა, ბულგარელთა და სომეხთა შორის. სხვა ხალხისაგან აკრალული იყო (Kocî Bey Risalesi, Istanbul, 1939, გვ. 28.). საქართველოზე ოცი არ გავრცელებულა, რადგან ცნობილია, რომ ოსმალობა აქ ფეხს იკიდებს მხოლოდ XVI ს 90-იანი წლებიდან, როცა იენიჩრების რიგების შექმნის წესში უკვე მომხდარი არსებითი ცვლილებების გამო, რაც ნაკარნახევი იყო ქვეყნის მთელი რიგი საშინაო და საგარეო არახელსაყრელი პირობებით, „დექორმე“ ფაქტიურად გაუქმებული იყო, მიუხედავად იმისა, რომ ოფიციალურად მხოლოდ 1638 წ. გაუქმდა (იხ. J. Hammer, Geschichte des Osmanischen Reiches, 1829, B. V, გვ. 244). ამიტომ მოსაზრება, რომ საქართველოდან წაყვანილ ტყვეებს ოსმალებში „იენიჩრებად“ იყენებდნენ (იხ. საქართველოს ისტორია ნაწ. I, თბ., 1958, გვ. 316) დაზუსტებას მოითხოვს.

⁶⁵ А. С. Тверитнинова, Второй трактат Кочибей, стр. 230.

⁶⁶ А. Адамов, დასახ. ნაშრომი, გვ. 352.

⁶⁷ А. С. Тверитнинова, დასახ. ნაშრომი, გვ. 230—234.

⁶⁸ გ. ფუთურიძე, დასახ. ნაშრომი, გვ. 248.

დანიშნულების გამო ყველა ეს ნაწილი უშუალოდ ცენტრალურ ხელისუფლებას ექვემდებარებოდა და არა ადგილობრივ მთავრობას. ერაყის გამგებელს ისინი მხოლოდ მაშინ ემორჩილებოდნენ, როცა საქმე გარედან თავდასხმის მოგერიებას ან სულთნის ბრძანებით სხვისი ტერიტორიის მიტაცებას შეეხებოდა. სხვა შემთხვევაში, როცა ფაშა ხონთქრის წინააღმდეგ ან მის დაუკითხავად იწყებდა მოქმედებას, ისინი არამცთუ ემორჩილებოდნენ, წინააღმდეგაც კი გამოდიოდნენ.

მართალია, XIX საუკუნის დასაწყისში იენიჩრები სულთანსაც იღარ ემორჩილებოდნენ, მაგრამ მიუხედავად ამისა, ისინი ცალკეული პროვინციების ადგილობრივ გამგებელთა დასაყრდენ ძალად ყოველთვის არ გამოდგებოდნენ. ამიტომ ერაყის მმართველ ფაშებს ჰასან ფაშას დროიდან (1702—1723 წწ.) ჰყავდათ საკუთარი შეიარაღებული რაზმები. თაბით ეფენდის ცნობით, ერაყის გამგებელი ფაშების ასეთ შეიარაღებულ რაზმებს XIX ს. დასაწყისში წარმოადგენდნენ:

1. სასახლის შინამსახური აღების კავალერია	1200	კაცი
2. ჩოკდარების ⁶⁹ და მიჰთარების ⁷⁰ ცხენოსანი რაზმი	300	"
3. ზაბის ცხენოსანი რაზმი	300	"
4. ქაპია ბეგის სახლის და სასახლის გარეთ მსახური აღების მომსახურეთა რაზმი	1700	"
5. ლევენდის რაზმი	1500	"
6. ქალფაქლუს რაზმი	1500	"
7. მეთოფეთა ქვეითი რაზმი	500	"
8. 'უკაილის (ქვეითი) რაზმი	5000	"
9. მეზარბაზნეთა რაზმი	500	"

ს უ ლ 12500 კაცი⁷¹

პირველი სამი დასახელების მეომრები ბედაურებს, აკაზმულობასა და იარაღს საფაშო ხელისუფლებისაგან ლეებულობდნენ. ქაპია ბეგის მხედრონს თვით ქაპია ბეგი ამარაგებდა, გარეთმსა-

⁶⁹ ფაშას ხიფანთა მცველი.

⁷⁰ დამკერვლები, მუსიკოსები ფაშას სასახლეში.

⁷¹ Cl. Hart, დასახ. ნაშრომი, გვ. 205. არაბი ავტორის ეს ცნობა არ უნდა იყოს სრული, რადგან სხვა არანაკლებ სანდო წყაროებიდან ვიცით, რომ XIX ს. 20-იან წლებში ბაღდადის ფაშას ჰყავდა 30 ათასიანი ევროპულად გაწვრთნილი რეგულარული ჯარი, საიდანაც დაახლოებით 4000 მამლუქი იყო.

ხურობის მომსახურეთა რაზმის მეომრებს კი მათი საკუთარი პატრონები. სამივე რაზმის თითოეული მხედარი აღჭურვილი იყო წყვილი დამბაჩით, თოფით, შუბით და ჰყავდა არაბული ჯიშის ცხენი. ისინი გადიოდნენ ყოველდღიურ წვრთნას, აღზრდილი იყვნენ იმდროინდელი სამხედრო წესების მიხედვით და ითვლებოდნენ რჩეულებად.

მათთან შედარებით მეორეხარისხოვან რაზმად იყო მიჩნეული ლევენდა — ნახევრად რეგულარული ჯარის ნაწილი, რომელიც ძირითადად ქურთებისა და ლურებისაგან იყო დაკომპლექტებული. ისინი შეიარაღებული იყვნენ ისე, როგორც სხვები, სამი ცეცხლმსროლელი იარაღით, მაგრამ ნაკლებად გაწაფული მის ხმარებაში. მათ ცხენებიც საკუთარი სახსრით უნდა შეეძინათ, ამიტომ შედარებით უარეს ცხენებზე ისხდნენ.

ლევენდისაგან განსხვავებით, ქალფაქლუ იყო ადგილობრივი რეგულარული ქვეითი ჯარის სახეობა. მისი შემადგენლობა ატარებდა მოკლე შარვლებს⁷² და შალის ფერად თავსაბურბებს; ეცვათ მოკლე ხალათები და თხის ბეწვისაგან დამზადებული უხეში შალის ქსოვილის ქურთუკები.

რაც შეეხება მეთოფეებს, ისინი თავზე იხურავდნენ ჩალმაშე-მოხვეულ ფეხებს და ეცვათ წითელი ფერის ისეთივე სამოსი, როგორც ქალფაქლუს ქვეითებს.

ქალფაქლუსა და მეთოფეთა რაზმები შეადგენდნენ ერაყის გამგებელი ფაშას პირად დაცვას. მათ ჰქონდათ თავიანთი სამხედრო ორგანიზაცია, დაყოფილი იყვნენ ათეულებად, ოცეულებად და ასეულებად; ათეულს ხელმძღვანელობდა ონბაში⁷³, ოცეულს — ჩაუში⁷⁴, ხოლო ასეულს — იუზბაში⁷⁵. ქალფაქლუელებიც და მეთოფეებაც შეიარაღებულნი იყვნენ თოფებით. ისინი გამოირჩეოდნენ ბრძოლის ველზე მამაცობითა და თავგანწირული მოქმედე-

⁷² Hamdy - Bey et Marie Launau, Les costumes populaires de la Turquie, Constantinople, 1873, p. 35; Cl. Huart, დასახ. ნაშრომი, გვ. 206.

⁷³ ათისთავი, უმცროს მეთაურთა შემადგენლობის სამხედრო ჩინი ზოგიერთი ქვეყნის არმიისში.

⁷⁴ ოცისთავი (Cl. Huart, იქვე), მაგრამ აღრე ჩაუში უფრო მაღალი რანგი უნდა ყოფილიყო. მაგ., 'აინი' ალის ჩაუში მოხსენიებული ჰყავს ალაბევის (ათას ისთავი) და ბაირაქტარის ანუ ათასისთავის მოადგილის შემდეგ (M. Belin, დასახ. ნაშრომი, გვ. 231, 321).

⁷⁵ ასისთავი (Cl. Huart, დასახ. ნაშრომი, გვ. 206), რომელსაც ჰამერი „სუბაშად“ მოიხსენიებს.

ბით. ამ მხრივ მათ მხოლოდ 'უკაილები სჯობნიდნენ. 'უკაილის ტომის აღრინდელი ადგილსამყოფელი იყო არაბეთის ნახევარკუნძულის ცენტრალური რაიონი — ნეჯდი, მაგრამ შემდეგ (დაახლ. XVIII ს-ში) ისინი საცხოვრებლად გადმოვიდნენ ერაყში და ჩადგნენ აქ ადგილობრივი ფაშას სამსახურში. 'უკაილებიც შეიარაღებული იყვნენ თოფებით.

ყველა ზემოდასახელებული რაზმისა და აგრეთვე ბარათლის⁷⁶ ჯარისკაცები იდგნენ ერაყის სამსახურში, მისგან ლებულობდნენ გარკვეულ გასამრჯელოს — მუეაზაფს⁷⁷.

გარდა რეგულარული ჯარის ნაწილებისა, ერაყის გამგებელს ჰყავდა ირეგულარული ლაშქარიც, რომელიც შედგებოდა როგორც ცხენოსნების, ისე ქვეითებისაგან. ცხენოსნებად იყვნენ მოსახლეობის ფეოდალური ფენის წარმომადგენლები, ხოლო ქვეითებად მღაბიონი — ბედუინები, ფელაჰები. ნამდვილი ბედუინი წარმოუდგენელი იყო ცხენის, აქლემისა და იარაღის გარეშე. ძველი იარაღებიდან მათში ყველაზე უფრო გავრცელებული იყო 3—4 მეტრი სიგრძის ბამბუქის შუბი, რომლის ერთი ბოლო სამკუთხა ზასრი რკინით მთავრდებოდა, ხოლო მეორე, წამახული ჰქონდა⁷⁸. შუბის გარდა ისინი ატარებდნენ აგრეთვე ხმლებს, მოხრილ დანებს, აქლემის ტყავისაგან დამზადებულ ფარებს, ზელკეტებს და შურდულებს, რომლებითაც ბავშვობიდანვე ვარჯიშობდნენ. დიდ ინტერესს იჩენდნენ ცეცხლსასროლი იარაღისადმი. გრძელლულიანი თოფის შესაძენად, რომელიც ევროპელებს შემოჰქონდათ, ბედუინი მზად იყო გაეყიდა ყველაფერი⁷⁹.

სახალხო ლაშქარი ომის დროს იკრიბებოდა და ტომის ბელადების (შეიხების) ან 'აკიდებისა თუ არიერბანების წინამძღოლობით ირაზმებოდა სანჯაყ ბეგების აღმის ქვეშ და შემდეგ ამ უკანასკნელთა მეთაურობით ცხადდებოდა ერაყის გამგებელთან. ანღამის მოადგილე ქაჰია ბეგთან.

არასრული სტატისტიკური ცნობებით ირკვევა, რომ სულეი-

⁷⁶ ადგილობრივი მუღმივი ქვეითი ჯარი (S. H. Longrigg, დასახ. ნაშრომი, გვ. 251).

⁷⁷ ასეთსავე გასამრჯელოს იღებდნენ ფაშისა და მისი სასახლის მცველი მამლუქები, რომელთა შესახებ საუბარი გვექნება ქვემოთ.

⁷⁸ ამგვარი შუბით ანუ „რუმით“ ბედუინი საფრთხეში ავდებდა უკუქმეულ მოწინააღმდეგესაც და იმსაც, ვინც უკანდან თავდასხმას დააპირებდა.

⁷⁹ A. A. Дамов, დასახ. ნაშრომი, გვ. 118—119.

მანიეს გამგებელს შეეძლო გამოეყვანა დაახლოებით 10000-მდე მებრძოლი: ქოის, ჰარიის, ამადიისა და სხვა სანჯაკ ბეგებს კი თითოეულს 1500—2000-მდე მებრძოლი. დაახლოებით ამდენივე კაცის გამოყვანა შეეძლოთ აგრეთვე ისეთ ქალაქებს როგორც იყო ქირქუქი, მოსული, არბილი, ჰილლე, მენდელი და სხვები. ასე რომ, ერაყის გამგებელს საჭიროების შემთხვევაში შეეძლო 30000-იანი ლაშქრის შეგროვება⁸⁰, სულ კი დაახლოებით 42, 5 ათასი კაცის გამოყვანა. ამაში არ შედის მცველი რაზმი, რომელიც შედგებოდა ცხენოსნების, ქვეითებისა და მენავეებისაგან. ა. აღამოვის ცნობით, მარტო სამხრეთ ერაყში ანუ ბასრის ვილაიეთში საპოლიციო სამსახურს ეწეოდა 1012 კაცი. ამათგან 554 იყო ცხენოსანი, 263 ქვეითი და 175—მენავე⁸¹. თუ გავითვალისწინებთ იმას, რომ მაშინდელი ერაყი ბასრის გარდა მოიცავდა აგრეთვე ბაღდადის, მოსულისა და შაპრიზურის ვილაეთებსაც, მაშინ უნდა ვიფიქროთ, რომ ერაყში სულ 4000 კაცი მაინც იქნებოდა მცველ (საპოლიციო) რაზმებში.

ერაყში ჯარების თანამედროვე იარაღით აღჭურვასა და ევროპულ ყაიდაზე გაწვერთნაში გარკვეული ღვაწლი მიუძღვით ბაღდადის გამგებელ ქართველ ჭულემენ ფაშებს სულეიმან აბუ ლაილს, სულეიმან ბუიუქს, ჰაფიზ 'ალისა და დაუდს, რომელთა შესახებ ქვემოთ გვექნება საუბარი.

თ ა ვ ი მ ე ო რ ე

აბრარული ურთიერთობანი

ოსმალეთის იმპერიის პროვინციული მართვა-გამგებლობა მკვიდროდ იყო დაკავშირებული მის მიწათმფლობელობისა და მიწათსარგებლობის ფორმებთან. ამასთან, მიწათმფლობელობის იქ არსებული ფორმები გვიჩვენებდნენ მთელი სახელმწიფოს ფეოდალური წყობილების თავისებურებებს, რაც თითქმის თანაბრად დამახასიათებელი იყო აგრეთვე ერაყისთვისაც. ამიტომ გვინდა ზო-

⁸⁰ C. I. Huart, დასახ. ნაშრომი, გვ. 207.

⁸¹ A. Адамов დასახ. ნაშრომი, გვ. 67.

გადად მაინც შეეჩერდეთ მათზე და შეეუდაროთ თურქეთის მიწათმფლობელობის ფორმები ერაცისას!

ოსმალეთში, ისევე როგორც მუსლიმური აღმოსავლეთის სხვა ქვეყნებში, მიწათმფლობელობის რამდენიმე ფორმა არსებობდა. დ. ბაქრაძე და ა. ტვერიტინოვა ოსმალეთში მიწათმფლობელობის 3 კატეგორიას ასახელებდნენ: კერძოს, სახელმწიფოს და ვაკეთს².

¹ ჩვენ ეს ზოგადი შიშობილვა ძირითადად ეყარება ორიენტალისტთა შემდეგ ნაშრომებს: ვ. გაბაშვილი, ქართული ფეოდალური წყობილება XVI—XVII საუკუნეში, თბ., 1958; გ. ტივაძე, მიწისმფლობელობის თმარობის სისტემა როგორც სამხედრო-ფეოდალური ურთიერთობის საფუძველი ოსმალეთში, თსუ შრომები, ტ. 63; გ. ფუთურიძე, ოსმალთა, „ნარკვევები მახლობელი აღმოსავლეთის ისტორიიდან“, თბ., 1957; ე. სიხარულიძე, აბასელთა სახლიფოს სოციალურ-ეკონომიური ვითარება VIII—IX საუკუნეებში, „ნარკვევები მახლობელი აღმოსავლეთის ისტორიიდან“, ა. ავალიანი, მიწისმფლობელობის ფორმები აქარაში, 1960; ვ. დონაძე, საზღვარეთული აღმოსავლეთის ქვეყნების ახალი ისტორია, თბ., 1963; А. Ф. Миллер, Мустафа-паша Байрактар, М.-Л., 1947; И. Петрушевский, Очерки по истории феодальных отношений в Азербайджане и Армении в XVI—XIX вв., Л., 1949; А. С. Тверитинова, Восстание Кара Языджи — Дели-Хасана в Турции, М.-Л., 1946; მისივე, К вопросу о крестьянстве и крестьянском землепользовании в Османской империи XV—XVI вв., Ученые записки Института востоковедения, М., 1959, т. XVII; მისივე, О доменальном землевладении феодалов-ленников в Османской державе в XV—XVI веках, «О генезисе Капитализма в странах Востока (XV—XIX.)», М., 1962; А. Валуцкий, Феодальный строй Турции. М.-Л., 1932; Б. М. Данинг, Ирак, М., 1955; Л. Н. Котлов, Национально-освободительное восстание 1920 года в Ираке, М., 1958; Жак Велерс, Крестьяне Сирии и Ливана, М., 1952; М. Belin, Du régime des fiefs militaires dans l'Islamisme, Journal Asiatique, Paris, VI serie, t. XV, № 57; В. П. Мутафчиева, Аграрные отношения в Османской империи през XV—XVI в. София, 1962; Б. Цветкова, Поземлените отношения в Българските земи под османского владичество до средата на XVII в., «Исторически преглед», год. VII. кн. II; Н. Филипович, Поглед на османски феудализм, Годишник историског друштва Босне и Херцеговине, год. IV. და სხვ.

² Д. Бакрадзе, Исторический очерк турецкой системы землевладения, приложения к протоколу Кавказ. Юрид. общ. № 9, Тифлис, 1889, стр. 31; А. С. Тверитинова, Восстание Кара Языджи... стр. 27; მისივე, О доменальном землевладении феодалов-ленников в Османской державе в XV—XVI веках, стр. 314. ასეთივე მოსაზრება გამოთქმული აგრეთვე კრებულში — «Аграрный вопрос и крестьянское движение», т. IV, М., 1937, стр. 169 და ვ. დონაძის ზემოდასახელებულ ნაშრომში (გვ. 300). ამ მოსაზრებას იზარებს აგრეთვე ბ. ცვეტკოვა (იხ. მისი დასახ. ნაშრომი, გვ. 160).

ა. მილერი და ბ. დანციგი მიიჩნევენ, რომ იქ არსებობდა მიწათმფლობელობის 4 კატეგორია. ა. მილერის აზრით ესენი იყო: სახელმწიფო მიწები, სულთნისა და მისი სახლის მიწები (ხასები), ნაკუფები და მულქის ანუ კერძო საკუთრებაში მყოფი მიწები³. ბ. დანციგი უარყოფს დასის მიწების როგორც ცალკე კატეგორიის არსებობას და მის ნაცვლად მეოთხე კატეგორიად ასახელებს მავათის მიწებს⁴. ი. პეტრუშევსკისა და ვ. გაბაშვილის აზრით, ოსმალური თურქეთისათვის დამახასიათებელი იყო მიწათმფლობელობის 5 კატეგორია: სახელმწიფო, კერძო, ვაყის, სულთნის და მისი სახლის წევრების და სათემო მიწები⁵. მიწათმფლობელობის ამდენსავე ფორმას ჩამოთვლიან აგრეთვე ჟაკ ველერსი⁶, ლ. კოტლოვი⁷ და ა. ავალიანი⁸, ოლონდ ისინიც, ისე როგორც ბ. დანციგი, უარყოფენ სულთნის ხასების დამოუკიდებელ კატეგორიად არსებობას⁹ და მის მაგიერ ცალკე კატეგორიად მიიჩნევენ მავათის (მკვდარ) მიწებს.

ოსმალური მიწათმფლობელობის კატეგორიების საკითხში მოსაზრებას გამოთქვამენ აგრეთვე გ. ფუთურიძე და ნ. ფილიპოვიჩი. გ. ფუთურიძის თქმით, იქ არსებობდა 6 სახის მიწები: 1. სახელმწიფო, 2. სასულთნო, 3. საეკლესიო, 4. კერძო, 5. სათემო და 6. მკვდარი მიწები¹⁰. ნ. ფილიპოვიჩი კი თურქეთში მიწების მხოლოდ ორ კატეგორიას სცნობს: მულქს და შირის¹¹.

ოსმალეთის 1858 წლის 18 აპრილის „მეჩელე“-ში ანუ საადგილმამულო კოდექსში, რომელმაც უცვლელად დატოვა მიწათმფლობელობის აღრე არსებული ფორმები, ფიქსირებულია ხუთი ტიპის მიწები: 1. მულქი, 2. შირი, 3. ვაყი, 4. მათრუქა და 5. მავათი¹².

³ А. Ф. Миллер, დასახ. ნაშრომი, გვ. 29

⁴ Б. М. Данциг, დასახ. ნაშრომი, გვ. 55.

⁵ И. Петрушевский, დასახ. ნაშრომი, გვ. 72; ვ. გაბაშვილი, დასახ. ნაშრომი, გვ. 148.

⁶ Жак Велерс, დასახ. ნაშრომი, გვ. 114—117.

⁷ Л. Н. Котлов, დასახ. ნაშრომი, გვ. 15.

⁸ ა. ავალიანი, დასახ. ნაშრომი, გვ. 40.

⁹ ამ ტიპის მიწების ცალკე კატეგორიად არსებობას უარყოფს აგრეთვე დ. ბაქრაძე (იხ. მისი დასახ. ნაშრომი, გვ. 31).

¹⁰ გ. ფუთურიძე, დასახ. ნაშრომი, გვ. 250.

¹¹ Н. Филипович, დასახ. ნაშრომი, გვ. 26.

¹² Legislation Ottomane ou recueil des lois, reglements, traites, capitulations et autres documents Officiels, Constantinople, 1878—1879, t. I, pp. 57—58;

როგორ იყო საქმე ამ მხრივ ერაყში? ფ. აირლენდის აზრით, მიწათმფლობელობის ეს კატეგორიები იქ სრული სახით არასდროს არ მოქმედებდნენ¹³. ამ მოსაზრებას უშენიშვნოდ იზიარებს ა. მენტეშაშვილი¹⁴. მაგრამ ამ მოსაზრებას არავითარი რეალური საფუძველი არ გააჩნია, რადგან, ჯერ ერთი, ეს კატეგორიები თურქ-ოსმალთა სახელმწიფოს ჩამოყალიბებამდე დიდი ხნით ადრე (VII—VIII სს.) არსებობდნენ არაბთა სახელმწიფოში, რომლის ცენტრს ერაყი წარმოადგენდა, და, მეორე, XVI საუკუნიდან 1918 წლამდე ერაყი ისმალეთის სახელმწიფოს შემადგენლობაში შედიოდა და ამ სახელმწიფოს კანონებს ემორჩილებოდა, კანონები მთელ იმპერიაზე ვრცელდებოდა. ყოველ შემთხვევაში, ოსმალეთში არსებული მიწათმფლობელობის კატეგორიები რომ ერაყშიც იყო, ეს დასტურდება როგორც წყაროთა ცნობით, ისე გამოკვლევებითაც¹⁵.

მულქი (ქონება საკუთრების უფლებით) კერძო საკუთრებაში მყოფ მიწებს ეწოდებოდა. კერძო საკუთრებაში კი მიწის გადაცემა მაშინ ხდებოდა, თუ მას ვინმე ხმლით დაიპყრობდა, წყალობის წესით მიიღებდა, იყიდდა ან „გააცოცხლებდა“¹⁶ ანუ მოსავლიანს გახდიდა. მულქი ფეოდალური მიწათმფლობელობის სხვა ფორმიდან იმით განსხვავდებოდა, რომ, ჯერ ერთი, მისი მფლობელობა დაკავშირებული არ იყო სახელმწიფო სამსახურში აუცილებლად ყოფნასთან და, მეორე, მულქის მფლობელს შეეძლო თავისი მიწის გასხვისება (ყიდვა, გაყიდვა, გასაჩუქრება, ვაკვად ქცევა) და მემკვიდრეობით გადაცემა¹⁷.

ზოგი მკვლევრის აზრით, მულქი გულისხმობდა არა თვითონ მიწის საკუთრებას, არამედ საკუთრების უფლებას იმაზე, რაც მიწის ზემოთ იყო გაშენებული და მოყვანილი: სახლ-კარი, სამეურნეო

А. М. Ментешашвили, Ирак в годы английского мандата, М., 1969, стр. 87.

¹³ P. W. Ireland, Iraq, A Study in Political Development, London, 1937, p. 115.

¹⁴ А. М. Ментешашвили, დასახ. ნაშრომი, გვ. 37.

¹⁵ Л. Н. Котлов, დასახ. ნაშრომი, გვ. 15; Б. М. Даниелг, დასახ. ნაშრომი, გვ. 55.

¹⁶ В. Хлебников, О тапном праве мусульманских провинций Закавказского края, Журн. Юридическое обозрение, Тифлис, 1896, № 253, стр. 122.

¹⁷ ე. სიხარულიძე, დასახ. ნაშრომი, გვ. 84. მართალია, ავტორი სახალიფოსდროინდელ ეთარებას ეხება, მაგრამ მულქის შინაარსი შემდეგშიც ისეთივე იყო, როგორც არაბთა სახალიფოს დროს.

ნაგებობები, ყანა, ბალი, ბოსტანი... ვენახი, ყოველგვარი ნარგავის ნაყოფი¹⁸. მაგრამ, ვფიქრობთ, ეს მოსაზრება დახუტებას საკი-როებს.

მულქი მიწაზე სრული საკუთრებაა¹⁹. მულქის მფლობელი იყო შეუზღუდველი ბატონ-პატრონი როგორც იმისა, რაც მიწის ზემოთ იყო. ისე თვით მიწისაც²⁰ და ზედ არსებული სარწყავი საშუალებებისაც: ჰეხის, წყაროს წყლების და პატარა არხებისა, განურჩევლად იმისა, იყო ის მიწისქვეშა (კუნვათ) თუ მიწისზედა (ნაპარ)²¹. ამასთან. მულქის გაყიდვისას, რაც გავრცელებული იყო ჯერ კიდევ ადრე. აბასელთა სახალიფოში, იყიდებოდა მიწა თავისი სარწყავი საშუალებებით, ნათესებით, ნარგავებით და ნაგებობებით. ეს კარგად ჩანს წყაროებიდან²² და გამოკვლევებიდან²³. ოსმალეთის 1858 წლის საადგილმამულო კოდექსში ხომ პირდაპირაა განმარტებული: „მულქის მიწა ანუ უძრავი ქონება სრული საკუთრებას უფლებით ეკუთვნის კერძო პირს“²⁴.

ა. ტვერიტინოვა მულქის, როგორც მიწათმფლობელობის კატეგორიის გაჩენას უკავშირებს ოსმალეთის სახელმწიფოს წარმოშობას²⁵. ნამდვილად კი მულქის მიწების გაჩენას არავითარი კავშირი არ უნდა ჰქონდეს ოსმალეთის სახელმწიფოსთან. „ამ კატეგორიის მიწები არსებობდნენ სახალიფოს ჩამოყალიბების პირველი დღიდანვე“²⁶ და „იმთავითვე თან სდევდა აღმოსავლურ ფეოდალიზმს“²⁷. ოსმალებმა მულქი მიწათმფლობელობის სხვა კატეგო-

¹⁸ ე. გ ა ბ ა შ ე ი ლ ი, დასახ. ნაშრომი, გვ. 185—217; ა. ა ვ ა ლ ი ა ნ ი, მიწისმფლობელობის ფორმები აქარაში, გვ. 71; მ. ს ვ ა ნ ი ძ ე, გლეხთა მიწათმფლობელობისა და მიწათსარგებლობის წესები ახალციხის საფაშოში ოსმალური კანუნ-ნამუშების მიხედვით, ივანე ჭავჭავაძის დაბადების 100 წლისთავისადმი მიძღვნილი კრებული, თბ., 1976, გვ. 326—327.

¹⁹ რ ა კ ე ე ლ ე რ ს ი, დასახ. ნაშრომი, გვ. 114.

²⁰ დ. ბ ა ქ რ ა ძ ე, დასახ. ნაშრომი, გვ. 19.

²¹ ე. ს ი ხ ა რ უ ლ ი ძ ე, დასახ. ნაშრომი, გვ. 84.

²² იხ. Koci Bey Risalesi, Istanbul, 1939, გვ. 123 (ეუთოთებთ გ. ფუთურის მიხედვით); ٢٢٥—١٤٣—ص، كتاب الخرج، ا. ا. يوسف، ص ١٠٠.

²³ იხ. ე. ს ი ხ ა რ უ ლ ი ძ ე ს ა და ა. ტ ვ ე რ ი ტ ი ნო ვ ა ს დასახ. ნაშრომი; გ. ფ უ თ უ რ ი ძ ე, დასახ. ნაშრომი, გვ. 255.

²⁴ Legislation Ottomane, t. I, p. 85; ა. ა ვ ა ლ ი ა ნ ი, დასახ. ნაშრომი, გვ. 105.

²⁵ «Мюльки появились вместе с образованием Османского государства», А. С. Т в е р и т н о в а, დასახ. ნაშრომი, გვ. 27.

²⁶ ე. ს ი ხ ა რ უ ლ ი ძ ე, დასახ. ნაშრომი, გვ. 84.

²⁷ ე. გ ა ბ ა შ ე ი ლ ი, დასახ. ნაშრომი, გვ. 161.

რიებთან ერთად მემკვიდრეობით მიიღეს მცირე აზიის სელჩუკი თურქებისაგან.

XVII ს-მდე ოსმალეთის მიწათმფლობელობის საერთო სისტემაში მულქის ხვედრითი წონა უმნიშვნელო იყო. ხოლო შემდეგ, ლენური სისტემის კრიზისთან დაკავშირებით, მულქის მიწები თანდათანობით მატულობდა. მისი მატება ხდებოდა, ჯერ ერთი, იმის გამო, რომ ფეოდალებმა იწყეს ლენის წესით მათზე ადრე გაცემული მიწების მთლიანად მითვისება, ხოლო მეორე, მიწამ თანდათანობით შეიძინა საქონლის ფუნქცია და დაიწყო მისი ყიდვა-გაყიდვა ფართო მასშტაბით და, ბოლოს, თავმოყრა სავაჭრო-სავაზრო კაპიტალის წარმომადგენელთა ხელში²⁸. ასე რომ, XIX ს. დასაწყისში მულქის მიწები ოსმალეთსა და ოსმალების მიერ მიტაცებულ მუსლიმურ ქვეყნებში, მათ შორის ერაყშიც, გაცილებით უფრო დიდი მასშტაბით იყო წარმოდგენილი, ვიდრე წინათ²⁹. მულქის ინსტიტუტის შემდგომმა განვითარებამ საფუძველი მოუშადა ახალ აგრარულ ურთიერთობას — მემამულურ მიწათმფლობელობას ანუ ჩიფთლიქების სისტემას³⁰, რომლის იურიდიული გაფორმება მოხდა თანზიმათის რეფორმების დროს (1839 წ.) ლენური სისტემის გაუქმების შედეგად³¹.

მ ი რ ი. მიწათმფლობელობის მთავარსა და წამყვან კატეგორიას ოსმალეთში წარმოადგენდა მუსლიმური საზოგადოების — სახელმწიფოს საკუთრებაში მყოფი მიწები არღი (არზი) მამლაქათი ანუ მირი, რომელიც განსაზღვრავდა სამხედრო-ფეოდალური სისტემის დედაარსს, მის „ძირითად მატერიალურ ბაზას მთელი სამხედრო-ფეოდალური იერარქიის შესანახად“³². ამ კატეგორიის მიწე-

²⁸ სამისო ცნობებს ჩვენ ვხვდებით ჯერ კიდევ XVII ს. თურქი ავტორების შრომებში (იხ. В. Д. Смирнов, Кучубей Гюмюрджинский и другие османские писатели XVII в. о причинах упадке Турции, СПб., 1873, стр. 147 და შემდეგ).

²⁹ XX ს-ის დასაწყისში მულქის მიწები ერაყში უკვე მთელი სახნავ-სათესი ადგილების 40%-ს შეადგენდა (Н. Г. Корсун, Арабский Восток, Ирак, М., 1928, стр. 187).

³⁰ Н. Г. Левинтов, Аграрные отношения в Болгарии накануне освобождения и аграрный переворот 1877—1879 годов. «Освобождение Болгарии от турецкого ига», М., 1953, стр. 164.

³¹ ამიტომ ვერ დავეთანხმებით ე. ლინდენს, რომელსაც მულქი თურქეთში შემახვევით მოვლენად უფრო მიაჩნია, ვიდრე დასრულებულ იურიდიულ კატეგორიად (В. Л и н д е н, Краткий исторический очерк бывшего общественно-политического и поземельного строя народностей населяющих мусульманские районы Закавказского края, 1917, стр. 324).

³² А. С. Тверитниова, დასახ. ნაშრომი, გვ. 27.

ბის ერთი ნაწილი უშუალოდ სახელმწიფო ხაზინის განკარგულებაში იყო, მეორე ნაწილი სულთანსა და მისი სახლის წევრებს ჰქონდათ გადაცემული საკუთარი ხარჯების დასაკმაყოფილებლად, ხოლო მესამე, ყველაზე დიდი ნაწილი შეადგენდა სამხედრო საკარგავების ფონდს. საიდანაც ხდებოდა მცირე და დიდი ლენების³³ გაცემა სახელმწიფო სამსახურში მყოფ მოხელეებზე.

„არღი მირიეს“ ანუ, მოკლედ, „მირის“ მიწებს გაცემდა სულთანი ან მისი ნდობით აღჭურვილი მოხელეები³⁴. ამასთან, იგი გაიცემოდა მხოლოდ დროებით მფლობელობაში, თავუს საფუძველზე და არავის ჰქონდა უფლება მისი გასხვისებისა (ყიდვა-გაყიდვის, ვაჟად ქცევის, ბოძებისა და სხვ.) ისე, თუ სახელმწიფოს მბრძანებლის თანხმობა არ იქნებოდა. მისი თანხმობა იყო საჭირო აგრეთვე სათესი და ნარგავი კულტურების შესაცვლელადაც³⁵. თუ თავუს მფლობელი მიწას დაუმუშავებელს დატოვებდა 3—5 წლის მანძილზე, იგი ჰქარგაედა სარგებლობის უფლებას და მიწა სახელმწიფოს უბრუნდებოდა. ყველა ამ პირობით „მირი“ არსებითად განსხვავდებოდა „მულქისაგან“.

XIX ს-ის დასაწყისში, როცა ოსმალეთი საერთო კრიზისს განიცდიდა და სამხედრო-ლენური სისტემა თანდათან იშლებოდა, მირის მიწების საერთო ფართობი მნიშვნელოვნად შემცირდა³⁶. მის ხარჯზე თანდათან გაიზარდა როგორც მულქის, ისე ვაკფის მიწები.

ვაკფი არაბული წარმოშობის სიტყვაა და ნიშნავს საქველმოქმედო საქმისათვის შეწირულ ყოველგვარ უძრავ-მოძრავ ქონებას, რომელიც მუსლიმურ ქვეყნებში ხმარდებოდა სასულიერო დაწესებულებებისა და ორგანიზაციების (მეჩეთების, მედრესეების, წიგნსაცავების, აბანოების, ფუნდუკების, საავადმყოფოების, აგრეთვე სარწმუნოებისათვის მებრძოლი რაზმების — ლაზიების)

³³ მცირე ლენებად იწოდებოდა თიბარები, ზომეები ანუ ისეთი საკარგავები, რომელთა შემოსავალი არ აღემატებოდა წელიწადში 99 999 აქჩას. თუ შემოსავალი ერთი აქჩით მეტი იყო, მას დიდი ლენი ანუ „ხასსი“ ეწოდებოდა. თურქულ წყაროებში გვხვდება აგრეთვე ტერმინი „ხასსე“. „ხასსი“ დიდი ლენი იყო, „ხასსე“ კი თიბარზე და ზომეზე მცირე შემოსავლის საკარგავს წარმოადგენდა. (ამის შესახებ იხ. А. С. Тверитниова, О доменальном землевладении феодально-ленников в Османской державе в XV—XVI веках, стр. 314—315).

³⁴ А. С. Тверитниова, დასახ. ნაშრომი, გვ. 314—315.

³⁵ Б. М. Дашиг, დასახ. ნაშრომი, გვ. 56.

³⁶ XX ს-ის დასაწყისში სახელმწიფო მიწების რაოდენობა ბასრის ეიალეთში მთელი მიწების 15 %-ს აღარ აღემატებოდა (Н. Г. Корсун, დასახ. ნაშრომი, გვ. 187).

საქიროებას. შარიათის მიხედვით ვაკფი სამუდამოა. მისი კონფისკაცია, სახელმწიფო გადასახადებით დაბეგვრა, ყიდვა-გაყიდვა, გასხვისება ან უკან დაბრუნება დაუშვებელი იყო³⁷. იგი ემორჩილებოდა მხოლოდ რელიგიურ სამართალს და ამდენად მთლიანად გამოდიოდა სამოქალაქო კანონმდებლობის მოქმედების არიდან. ვაკფის დაცვა მინდობილი ჰქონდა სახელმწიფოს უმაღლეს გამგებელს, ხალიფას ან სულთანს. ყველა ამ თავისებურებათა გამო, ვაკფმა იმთავითვე მიიღო გამოკვეთილი სახე და იგი წარმოადგენდა საკუთრების სრულიად სპეციფიკურ ფორმას, განსხვავებულს სხვა დანარჩენი კატეგორიისაგან. უფრო მეტიც, ამ თავისებურებათა წყალობით ვაკფი იქცა საკუთრების არა მარტო სპეციფიკურ, არამედ ყველაზე მზარდ, გავრცელებულ ფორმად და XIX ს-ში კონკურენციას უწევდა სახელმწიფო მიწებს.

ოსმალეთსა და მის პროვინციად გადაქცეულ ერაყში ვაკფის სწრაფ ზრდას უმთავრესად განაპირობებდა ის, რომ იქ არ არსებობდა კერძო საკუთრების დაცვის არავითარი გარანტია. სახელმწიფოს მოხელეთა შეუზღუდველი თვითნებობის პირობებში კერძო მესაკუთრის ქონებას მუდამ აშკარა კონფისკაციის საფრთხე ემუქრებოდა. ამიტომ მესაკუთრე იძულებული იყო თავისი ქონება ვაკფად ექცია.

მთავრობის მოხელეთა ძალმომრეობისაგან საკუთრების დაცვის ასეთმა საშუალებამ სათავე დაუდო ვაკფის ისეთ სახეობებს, როგორცაა მემკვიდრეობითი და ადათობრივი ვაკფები, რომლებიც იქმნებოდნენ მუსლიმური სამართლის ნორმების აშკარა დარღვევით — კერძო მეპატრონესა და მევაკფეს შორის წინასწარი შეთანხმებების საფუძველზე, ორივე მხარისათვის ხელსაყრელ პირობებში.

მემკვიდრეობითი ვაკფის ანუ „ვაკფ ზურიას“ შემთხვევაში კერძო ქონების გავაყვება ამა თუ იმ საქველმოქმედო დაწესებულების სასარგებლოდ ხდებოდა იმ პირობით, რომ ეს ქონება კერძო მეპატრონის სრულ მფლობელობაში იქნებოდა მისი შთამომავლობის³⁸ მთლიანად ამოწყვეტამდე³⁹, შემდეგ კი გადავიდოდა ვაკფის განკარგულებაში⁴⁰.

³⁷ A. A n p y, Феллахн Египта, М., 1954, გვ. 31; ე. ს ი ხ ა რ უ ლ ი ძ ე. დასახ. ნაშრომი, გვ. 84; გ. ფ უ თ უ რ ი ძ ე, დასახ. ნაშრ., გვ. 254.

³⁸ ასეთ შემთხვევაში გულისხმობდნენ მხოლოდ შვილებს.

³⁹ ასეთი სახის ვაკფს „საოჩახო ვაკფი“-ც (ვაკფ ალი) ეწოდებოდა.

⁴⁰ Ж. В е л е р с, დასახ. ნაშრომი, გვ. 116. ასეთი სახის ვაკფს საქველმოქმედო „ვაკფიც“ (ვაკფ ხაირ) ეწოდებოდა.

: რაც შეეხება ადათობრივ ვაყვს ანუ „ვაყვ ადათს“, აქ ვაყვებს პირობები რამდენადმე სხვაგვარი იყო. კერძო მესაკუთრე ქონებას აბარებდა მევაყვეს და მისგან ლეზულობდა გარკვეული ოდენობის თანხას, რაც, ჩვეულებრივ, შეადგენდა გავაყვებული ქონების ლიზებულების 10—15%-ს. ამის შემდეგ ის კარგავდა მასზედ მფლობელობის უფლებას, მაგრამ ინარჩუნებდა სარგებლობის ნებას მემკვიდრეობით, რისთვისაც მევაყვეს ყოველწლიურად უხდიდა 15%-ს იმ თანხიდან, რაც მიღებული ჰქონდა ქონების ზაფასურად. ადათობრივი ვაყვის თანახმად, კერძო მესაკუთრეს შეეწლო სარგებლობის უფლების გაყიდვა და მემკვიდრეობით გადაცემა შთამომავლობაზე, ოღონდ სარგებლობის უფლების გაყიდვისას აღებული თანხის 5% უნდა მიეცა მევაყვისათვის.

ამრიგად, მემკვიდრეობითი და ადათობრივი ვაყვის დროს ქონების გამვაყვებელი კერძო მეპატრონეც და მევაყვეც ერთგვარ კომპრომისზე მიდიოდნენ. მევაყვე თანახმა იყო უარი ეთქვა კერძო საკუთრების დაუყოვნებლივ გავაყვებაზე, ხოლო კერძო საკუთრების პატრონი სთმობდა თავის ქონებაზე მფლობელობის უფლებას. ასეთი კომპრომისი სასარგებლო იყო ორივე მხარისათვის, კერძო მესაკუთრე ასეთი პირობით ვაყვად გადაქცეულ თავის ქონებას იცავდა სახელმწიფო მოხელეთა ხელყოფისაგან და ამავე დროს ინარჩუნებდა ამ საკუთრებით სარგებლობის უფლებას მემკვიდრეობით. ხოლო რაც შეეხება მევაყვეს, ის სულ უფრო მდიდრდებოდა ვაყვად ქცეული საკუთრების ყოველწლიური შემოსავლით და ისიც იცოდა, რომ საბოლოოდ ამ ქონების მფლობელი თვითონ იქნებოდა.

ადათობრივმა და მემკვიდრეობითმა ვაყვებმა სწრაფი გავრცელება პოვეს და ძლიერ შეუწყვეს ხელი როგორც საერთოდ ვაყვების გამრავლებას, ისე მსხვილი საკუთრების გაფართოებასაც, რაზეც სერიოზული გავლენა მოახდინა იმ გარემოებამაც, რომ, თუ ადრე კანონით მხოლოდ მულქის ქონების გავაყვება იყო ნებადართული. შემდეგ, დროთა განმავლობაში, ეს წესი თანდათან დაეიწყებულ იქნა და ვაყვი სახელმწიფო მიწებზეც გავრცელდა⁴¹. XIX ს. პირველ ნახევარში ოსმალეთის მიწების 3/4 უკვე გირაოდ ჰქონდა გადაცემული მეჩეთებს⁴². ერაყში კი ამ დროს მათ განკარგულებაში იყო მიწების 20%⁴³.

⁴¹ Ж. Велерс, დასახ. ნაშრომი, გვ. 116.

⁴² ა. ავალთან, დასახ. ნაშრომი, გვ. 93.

⁴³ П. Н. Котлов, დასახ. ნაშრომი, გვ. 15. აღსანიშნავია, რომ ვაყვი ვრცელდებოდა სხვა რელიგიურ საზოგადოებებსა და დაწესებულებებზეც, მათ შორის

ვაჭო, მირი და მულქი შეადგენდა მიწის საკუთრებისა და სარგებლობის სამ ძირითად იურიდიულ კატეგორიას. მათ გარდა იქ არსებობდა კიდევ ორი სხვა კატეგორია მიწებისა, რომლებიც, მართალია, არ წარმოადგენდნენ საკუთრების მთავარ, გავრცელებულ ფორმებს, მაგრამ მაინც მნიშვნელოვან როლს ასრულებდნენ განსაკუთრებით სოფლის ცხოვრებაში. ეს ორი კატეგორია იყო „მავთი“ და „მათრუქა“ ანუ „მათრუქა მურთათაქა“.

მავათის მიწებად იწოდებოდა თავისუფალი ადგილები (ზღვისა და მდინარეების სანაპიროები, უდაბნოები, ქაობები და სხვ.), რომლებიც საერთოდ არავის კუთვნილებას არ წარმოადგენდა, მაგრამ თუკი ვინმე მათ „გააცოცხლებდა“, ე. ი. სეარგულს გახდიდა, ისინი გამცოცხლებლის სრულ საკუთრებაში გადადიოდა.

რაც შეეხება მათრუქას მიწებს, ისინი საერთო საკუთრების, უფრო ზუსტად, საერთო სარგებლობის ადგილები იყო. მაგ., გზები, მდინარეები, მოედნები, საძოვრები, კალოები, ბაზრები, მიმოსვლის საშუალებათა სადგომი ადგილები, ტყეები, სასაფლაოები და ა. შ. ნაწილი ამ ადგილებისა სოფლის მცხოვრებთა საერთო, სათემო საკუთრებად ითვლებოდა; ნაწილი კი (გზები, მოედნები, ბაზრები და სხვ.) სათემო საკუთრების ფარგლებს სცილდებოდა და მთელი საზოგადოების კუთვნილებას წარმოადგენდა. ამიტომ, ე. დაუსონის აზრით, „მათრუქას“ მიწები არაფრით არ განსხვავდება სახელმწიფო ანუ „მირის“ მიწებისაგან⁴⁴ და, მაშასადამე, არ შეიძლება მივიჩნიოთ ცალკე კატეგორიად. ასეთივე მოსაზრებისაა მათრუქას შესახებ ფ. აირლენდრც, მაგრამ ვფიქრობთ, რომ მათრუქას მიწების გაიგივება მირის მიწებთან არ შეიძლება. მათ შორის მსგავსებასთან ერთად განსხვავებაცაა, რითაც სათემო მიწები თავისი შინაარსით ახლოს დგანან კერძო ანუ მულქის მიწებთან. მულქის მიწების მსგავსად ხდებოდა სათემო მიწების ყიდვა-გაყიდვა და აგრეთვე მემკვიდრეობით გადაცემაც, მაგრამ მიუხედავად ამისა, სათემო მიწები რამდენაღმე მაინც განსხვავდება მულქისაგან და წარმოადგენს საკუთრების ცალკე კატეგორიას. იგი არ არის ერთი პიროვნების პირადი საკუთრება, არამედ მთე-

ახლო აღმოსავლეთის ქვეყნებში მყოფ ქრისტიანებზეც. ყოველი ეკლესია-მონასტერი იქ ვაჭოთ სარგებლობდა, რის წყალობით სმლედულოების წარმომადგენლები მსხვილი მიწათმფლობელები გახდნენ (Ж. В е т е р с, დასახ. ნაშრომი, გვ. 116).

⁴⁴ E. Dawson, An Inquiry into Land Tenure and Related Questions Proposals for the Initiation of Reform, Letchworth, 1932, p. 18.

⁴⁶ P. W. Ireland, დასახ. ნაშრომი, გვ. 115.

ლი კოლექტივის ქონება და მასზე თანაბრად მიუწვდება ხელი ყოველ წევრს. ამ უკანასკნელს შეუძლია გათიბოს თემის სათიბი, უფლება აქვს შევიდეს სათემო ტყეში, დაამზადოს შეშა, ნახშირი და წაილოს შინ. მაგრამ უფლება არა აქვს გაყიდოს სათემო ქონება ისე, თუ ამაზე თემის საერთო თანხმობა არაა, ანდა თუ გადახდილა არა აქვს გარკვეული გამოსალები. ასეთივე გამოსალების გადახდა და ნებართვა იყო საჭირო აგრეთვე ერთი სოფლის ან თემის მცხოვრებთათვის, რომ ესარგებლათ შეზობელი თემის მიწა-წყლით.

სათემო ანუ „მათრუქა მურთაფაქის“ მიწებს ხანგრძლივი ისტორია აქვთ. ისინი ისეთივე ძველი წარმოშობის არიან, როგორც მულქის, მიარს, ვაკფისა და მავათის მიწები. ფეოდალური ურთიერთობის განვითარებასთან ერთად მცირდებოდა მათრუქა მურთაფაქის მიწების ფართობი. მას იტაცებდნენ ფეოდალები, მაგრამ ამ პირობებშიც თემმა შეძლო თავისი საკუთრების შენარჩუნება და როგორც ადრე, XIX ს. პირველ ნახევარშიც „მნიშვნელოვან როლს ასრულებდა სოფლად“⁴⁶.

ერაყში, ისე როგორც ოსმალეთის იმპერიის სხვა პროვინციებში, დიდი მასშტაბით იყო წარმოდგენილი ე. წ. ხასის ტიპის საკარგაეები.

ხასი (خاس) ეწოდებოდა სახელმწიფო სამსახურის სანაცვლოდ ნაბოძებ ლენს, რომლის წლიური შემოსავალი 99 999 აქჩას აღემატებოდა. ასეთი ლენები ჰქონდათ სახელმწიფოს მმართველი დინასტიის წარმომადგენლებს (სულთანს⁴⁷, მისი სახლის წევრებს) და დიდ მოხელეებს: ვაზირებს, ბეგლარბეგებს, სანჯაკბეგებს, იანიჩარებს ალას და სხვ.

როგორც უკვე აღვნიშნეთ, ორიენტალისტთა ერთ ჯგუფს (ა. მილერი, ვ. გაბაშვილი, გ. ფუთურიძე, ე. სიხარულიძე...) ხასები მიწათმფლობელობის ცალკე სპეციფიკურ კატეგორიად მიაჩნია. ა. მილერის მოსაზრებით, ხასი ცალკე კატეგორიას იმიტომ წარმოადგენს, რომ მისი შემოსავალი 100 000 აქჩას აღემატება და ის

⁴⁶ Ж. Велерс. Крестьяне Сирни и Ливана, стр. 117.

⁴⁷ მარტო სულთნის კუთვნილ საკარგაეებს ბაღდადის ვილაეთში ეკავა სახნავ-სათესი ფართობის 30 %, ხოლო ბასრაში — 40 % (А. А д а м о в, დასახ. ნაშრომი, გვ. 115); Great Britain, Civil Commissioner of Mesopotamia presented to both Houses of parliament by Command of his Majesty, London, 1920, p. 7; Л. Н. Котлов, დასახ. ნაშრომი, გვ. 15.

უშუალო კავშირში იყო თანამდებობასთან⁴⁸. ვ. გაბაშვილი ხასის საკარგავებს ცალკე კატეგორიად განიხილავს იმის გამო, რომ „ოსმალეთში არსებობდა როგორც სულტნისა და მისი სახლის წევრების, ისე დიდმოხელეთა „ხასი“ მიწები⁴⁹, ხოლო გ ფუთურიძე ამბობს, რომ სულთანს შეეძლო ხასის გაბოძება, მუსლიმურ-რელიგიური დაწესებულებებისათვის შეწირვა, მზითვად გაცემა და ამიტომ არაა გამართლებული ზოგიერთი ავტორის მიერ სულტნის ხასის სახელმწიფო მიწების კატეგორიაში შეტანა⁵⁰. მაგრამ ის გარემოება, რომ ხასი წარმოადგენდა დიდ ლენს და შეერთებული იყო თანამდებობასთან, ანდა ის ფაქტი, რომ ასეთი საკარგავები ნამდვილად არსებობდა და სულთანს შეეძლო თავისი ხასის გასხვისება, სრულიადაც არ წარმოადგენდა ისეთ განსაკუთრებულ თავისებურებას, რითაც შეიძლებოდა ხასის გამოცხადება საკუთრების ცალკე კატეგორიად.

ყველი ლენი, იყო ის დიდი თუ პატარა, სახელმწიფო მიწების — მირის ნაწილს წარმოადგენდა და გაიყვამოდა სამხედრო ან სამოქალაქო-ადმინისტრაციული სამსახურის სანაცვლოდ. სამსახურიდან წასვლას თან სდევდა ლენის დაკარგვა. ეს წესი საერთო იყო და ვრცელდებოდა ყველაზე, როგორც თიმარისა და ზიამეთის, ისე ხასის მფლობელებზე. რაც შეეხება სულტნის მიერ თავისი ხასის გასხვისებას, აქ განსაკუთრებული არაფერია, მას, როგორც ქვეყნის უმაღლეს გამგებელს, უფლება ჰქონდა სახელმწიფო მიწების გასხვისებისა. მართალია, მირის მიწები სახელმწიფო ხაზინაში (ბაითუ-ლ-მალ) შედიოდა, ხოლო „ხასი ჰუმაიუნისა“ კი სულტნისაში ანუ „არადიე სენიეში“, მაგრამ ესეც ლენური სისტემის შინაარსიდან გამომდინარეობდა. ლენის შემოსავალი ლენის მფლობელს რჩებოდა საკუთარი ხარჯებისა და მოთხოვნილებების დასაკმაყოფილებლად⁵¹. ასე რომ, „ხასი“ თავისი ზასიათით იყო ლენი და ამ უკანასკნელთან ერთად იგი შედიოდა სახელმწიფო მიწების ჯგუფში. ამიტომ არც მუსლიმურ სამართალში და არც სხვა ოფიციალურ წყაროებში სულტნის მიწების ცალკე კატეგორიად გამოყოფას არ ვხვდებით.

⁴⁸ А. Ф. Миллер, დასახ. ნაშრომი, გვ. 29.

⁴⁹ ვ. გაბაშვილი, დასახ. ნაშრომი, გვ. 184.

⁵⁰ გ. ფუთურიძე, დასახ. ნაშრომი, გვ. 254.

⁵¹ ხასი ჰუმაიუნით კმაყოფილდებოდა როგორც თვით სულტანი, ისე მისი სახლის (ოჯახის) წევრები და ჯარამხანები (Аграрный строй Оманской империи XV—XVII вв., стр. 218.)

როგორც ზემოთ ვთქვით, თურქულ წყაროებში⁸¹ მოხსენიებულია აგრეთვე „ხასე“-ს (خاسه) მიწებიც, რომლებიც სახელწოდებით „ხასე“-ს ჰგავს, მაგრამ მნიშვნელობით დიდად განსხვავდება ბისგან. „ხასე“ მცირე ზომის მიწა იყო. მისი ფართობი უდრიდა ერთ ჩიფთს ანუ ერთ ფედანს. იგი ეძლეოდა ლენის მფლობელ ფეოდალს პირად სარგებლობაში, საკუთარი მეურნეობის მოსაწყობად (სათიბისათვის, ბალ-ვენახების გასაშენებლად, წისქვილ-ს ასაგებად და სხვ.). ამ საკარგავს ფეოდალი თავისი სურვილის მიხედვით ან თავის წესით გასცემდა რაიხზე, ანდა დაავალდებულებდა, წელიწადში სამი დღე ემუშავნა მასში ბეგარის წესით⁸². „ხასე“, ისე როგორც „ხასი“, სახელმწიფო მიწებიდან გაიცემოდა.

სახელმწიფო მიწების ჯგუფს განეკუთვნებოდა აგრეთვე ოჯაკლიკები ანუ იურდლუკები — სულთნის სამსახურში მყოფ მომთაბარე ტომთა ბელადების განკარგულებაში არსებული მიწები, რომლის შემოსავალი ხმარდებოდა ციხე-სიმაგრეებში ჩაყენებული მეციხოვნე რაზმების შენახვას. ოჯაკლიკები შემკვიდრეობითი იყო. იგი გადადიოდა თაობიდან თაობაზე და არავის ჰქონდა უფლება ჩამოერთმია მფლობელისათვის, თუკი ეს უკანასკნელი კეთილსინდისიერად იხდიდა სამსახურებრივ მოვალეობას ხელისუფლების წინაშე. ერაყში ასეთი საკარგავები წარმოდგენილი იყო საზღვრისპირა რაიონებში, განსაკუთრებით ქურთისტანში.

ოსმალეთის იმპერიაში შემავალ იმ ქვეყნებში, რომლებიც დასახლებული იყო სხვადასხვა ტომებით, მიწათმფლობელობის

⁸¹ «Kanun-name Sultan Mehmeds des Erobers», — «Mitteilungen zur Osmanischen Geschichte», Wien, 1922, Bd. I, S. 37—38; Ömer Lütfi Barkan, XV ve XVI-inci asırlarda Osmanlı İmparatorlugunda zirai ekonominin hukuki ve mali esasları, Cilt I, Kanunlar, İstanbul, 1945, ss. 9, 46, 64, 66, 283; მისივე, Malikâne-divanı sistemi — «Türk hukuk ve iktisat tarihi mecmuası», İstanbul, 1939, Cilt II, ss. 64, 67, 106, 110, 119, 184; Kanuni i kanun-name za Bosanski, Hercegovacki zbornik kliski, Crnogorski i skandeski sandzak «Monumenta Turcica Historian slavorum», tomus Primus, seria I, sv. I. Sarajevo, 1957, ss. 38, 52, 110; Halil İnalcık, Suret-i defteri sancak-i Arvanid, Tımar-№ 19, 45, 75, 100, 154.

⁸² А. С. Тверитинова, О дашеннальном землевладении феодалов ленников в Османской державе в XV — XVII веках, стр. 314 — 318. სადოქნო მიწათმფლობელობის შესახებ იხ. აგრეთვე მისივე Некоторые нерешенные проблемы в характеристике турецкого феодализма, «Ближний и Средний Восток», М., 1968, стр. 167—169; Аграрный строй Османской империи, стр. 26, 218.

საფუძველს წარმოადგენდა ტომის „ღირა“ ანუ ტომის განკარგულებაში არსებული ტერიტორია, როგორც დასამუშავებლად ვარგისი, ისე უვარგისი. იურიდიულად ღირა წარმოადგენდა სახელმწიფო მიწას და მხოლოდ იჯარის წესით ეძლეოდა ამა თუ იმ ტომს⁵³. მიწათმფლობელობის ეს სახე ფართოდ იყო გავრცელებული ერაყში, სადაც დაახლოებით 120-მდე სხვადასხვა ტომი ცხოვრობდა. რამდენადაც ტომში თემური ორგანიზაცია სჭარბობდა, ღირას სახის მიწები იჯარით გადაეცემოდა ხოლმე ტომს ბელადს, შეიხს⁵⁴, რომელიც სახელმწიფოსაგან მიწის გარდა ლეზულობდა აგრეთვე იურიდიულ საბუთს — თავფუს⁵⁵ იმის დასამტკიცებლად. რომ მას უფლება აქვს ამ მიწებით სარგებლობისა. ამ გარემოებამ შემდეგში ხელი შეუწყო იმას, რომ შეიხები თანდათანობით იქცნენ ღირას მიწის კერძო მესაკუთრეებად და ტომებში თანდათან ფეხი მოიკიდა მიწათმოქმედებამ, რამაც დააჩქარა ბინადარ ცხოვრებაზე მომთაბარეთა გადასვლის პროცესი.

ამრიგად, ერაყში, ისე როგორც ოსმალეთის აზიური სამფლობელოს სხვა პროვინციებში, არსებობდა მიწათმფლობელობის ხუთი იურიდიული კატეგორია: მირი ანუ არდი მირი, მულქი, ვაკფი, მავათი და მათრუქა მურთაფაქა. ამათგან ყველაზე გავრცელებული იყო მხოლოდ სამი: მირი, ვაკფი და მულქი.

საკუთრების თვალსაზრისით მიწა პირობითად ეყუთვნოდა სახელმწიფოს ან სასულიერო დაწესებულებას, თემს ანდა კერძო პირს. მაგრამ აქვე უნდა აღვნიშნოთ, რომ პირობითობა ეხება სასულიერო დაწესებულებებს, თემს და კერძო პირს, რაც შეეხება სახელმწიფოს, მასზე ეს არ ვრცელდება, რადგან საბოლოო ჯამში იგი არის ყველა კატეგორიის მიწის უზენაესი მესაკუთრე და მფლობელი.

არასრული ცნობების მიხედვით, ბაღდადის საფაშოს მთელი სახანე-სათესი მიწების 60% ეყუთვნოდა სახელმწიფოს (30% „ბაითუ-ლ-მალს“, 30% „არადი სანიეს“), 20% — „ვაკფს“ და 20% — კერძო მფლობელებს⁵⁶. ბასრის ეიალეთში დასამუშავებლად

⁵³ Д. У о р н и е р, Земельные реформы в странах Ближнего Востока (Египет, Сирия, Ирак), М., 1958, стр. 206—207.

⁵⁴ А. А д а м о в, Ирак арабский, стр. 166.

⁵⁵ Д. У о р н и е р, დასახ. ნაშრომი, გვ. 222; Г. М. М и р с к и й, Ирак в смутное время, М., 1961, стр. 22—23.

⁵⁶ Сборник консульских донесений, год восьмой, вып. 1; СПб., 1905, стр. 9—10.

ვარგისი ადგილების 50% იყო სახელმწიფოსი, 15% შედიოდა ვაკფის განკარგულებაში, ხოლო დანარჩენი შეადგენდა კერძო მფლობელთა კუთვნილებას⁵⁷. დაახლოებით ასეთივე მდგომარეობა იყო ნოსულის ვილაიეთშიც. იქ სახნავ-სათესი საკარგავების 45% ეკუთვნოდა სახელმწიფოს (მასში შედიოდა „ხასი ჰუმაიუნიც“), 15%-ს ფლობდა ვაკფი და დანარჩენ 40%-ს კერძო მფლობელები⁵⁸.

ოსმალურ თურქეთში ყველა მიწა აღწერილი და განაწილებული იყო. აღწერა ხდებოდა ქვეყნის დაპყრობისთანავე, შემდეგ კი ყოველ 30 წელიწადში. თუმცა ეს წესი განსაკუთრებული შემთხვევების დროს (ახალი სულთნის ხელდასხმა, ადმინისტრაციული სტრუქტურის ცვლილებები და სხვ.) ხშირად ირღვეოდა. მიზანი ასეთი აღწერებისა იყო სახელმწიფო ხაზინის წლიური შემოსავლის განსაზღვრა, რადგან მიწა დანაწილებული იყო საკარგავებად და შეწერილი ჰქონდა გადასახადები.

საალრიცხვო დავთრები დგებოდა პროვინციების მიხედვით, ორ ცალად. ერთი ცალი რჩებოდა ვილაიეთის გამგებელ ვალის, ხოლო მეორე ინახებოდა სტამბოლში, რის მიხედვითაც ხდებოდა ვილაიეთის გადასახადის გაანგარიშება. ასეთი ტიპის დავთარი უნდა ჰქონოდა ბასრის, ბაღდადის, შაჰრიზურისა და მოსულის ვილაიეთებსაც, რომლებიც XVIII—XIX საუკუნეებში გაერთიანებული იყვნენ ბაღდადის საფაშოში, მაგრამ ჭერჭერობით მიკვლეული არ არის. ამდენად, ამ ხანის ერაყის აგრარული მდგომარეობის შესწავლა ქირს. საქმეს რამდენადმე აადვილებს სხვადასხვა ხასიათის წერილობით წყაროებში იმდროინდელი ერაყის შესახებ აქა-იქ გაბნეული ცნობები და, აგრეთვე ის გარემოება, რომ ოსმალეთში მტკიცედ იყო დადგენილ-დაცული სალიანელი და სალიანესიზ ვილაიეთების სტატუსები, რომელთა მიხედვით შეიძლება ვიმსჯელოთ ერაყის როგორც მიწათმფლობელობის ფორმების, ისე მიწათსარგებლობის წესზე და საგადასახადო სისტემაზეც.

როგორც უკვე ვთქვით, XVIII—XIX სს. ერაყში, ისე როგორც მთელ ოსმალეთის იმპერიაში, საკუთრების ფორმა მიწაზე პირობითი ხასიათისა იყო. ასევე პირობითი იყო, აგრეთვე, მიწით სარგებლობაც⁵⁹.

⁵⁷ Г. К. Корсун, Арабский Восток, Ирак, стр. 187.

⁵⁸ იქვე, გვ. 187; ა. მენთეშაშვილი, ერაყელი ქურთების ეროვნულ-განმათავისუფლებელი მოძრაობის ისტორიიდან, თბ., 1965, გვ. 17.

⁵⁹ „სახელმწიფო აქ მიწის უზენაესი მესაკუთრე... არ არსებობს არაერთი მი-

ნაწილი სახელმწიფო მიწებისა უშუალოდ ხაზინის განკარგულებაში იყო, ნაწილი გაიყვამოდა ე. წ. არფალიკებად, ხოლო ნაწილი — თიმარებად, ზეამეთებად, ხასებად და იურდლუკებად ანუ ოჯაკლიკებად.

მიწებს, რომლებიც ხაზინის განკარგულებაში იყო, ამ მიწებზე მსხდომი ფელაჰები ანუ რაიები (გლეხები) ამუშავებდნენ და ხაზინას უხდიდნენ გადასახადს. ასეთ მიწებზე ფელაჰი მემკვიდრეობის უფლებით სარგებლობდა. მას შეეძლო მიწა გადაეცა შვილისათვის ან ძმისთვის. ასეთი უფლების მოპოვების უცილობელი პირობა იყო მიწის ყოველწლიურად დამუშავება. თუ ფელაჰი მიწას 3 წლის განმავლობაში დაუმუშავებელს დატოვებდა, ის მემკვიდრეობის უფლებასთან ერთად მიწით სარგებლობის უფლებასაც კარგავდა⁶⁰, რადგან, როგორც ავნი ომერ ეფენდი ამბობს თავის „კანუნ ნამეში“, ეს მიწები რაიას საკუთრება არ იყო⁶¹.

სულ სხვა დანიშნულებისა იყო არფალიკები. ხაზინის მიწებისაგან განსხვავებით, არფალიკები წარმოადგენდა ისეთ საკარგავებს, რომლებიც ეძლეოდა სახელმწიფო აპარატში დასაქმებულ მოხელეებს (დავთარდარს, დივანში მომუშავე პერსონალს: სასახლის ალებს, მსახურებს) და საზღერისპირა ოლქების ბეგებსა და კაფუჯიბაშებს (ადრე მუსელმების⁶² ბეგებსაც) სამსახურის სანაზღაუროდ. ასეთი საკარგავების ნაწილი ფეოდალის დომენურ სამფლობელოს ანუ იჰმალუ ხასეს წარმოადგენდა და შეიძლებოდა მისი გადაცემა მემკვიდრეობით, ოღონდ იმ პირობით, რომ ის არ გაიყოფოდა. არფალიკის წესით ბოძებული მიწის დანარჩენი ნაწილი არ იყო ფეოდალის „ხასე“, ე. ი. საკუთრება. იგი ბენეფიციურ სამფლობელოდ ითვლებოდა და მასზე მემკვიდრეობის უფლება არ ვრცელდებოდა.

წის კერძო საკუთრება... არსებობს როგორც კერძო, ისე თემობრივი მიწათმფლობელობა და სარგებლობა“ (ე. შ ა რ ქ ს ი, კაპიტალი, III, ნაწ. I, გვ. 310).

⁶⁰ В. Хлебников, დასახ. ნაშრომი, გვ. 122.

⁶¹ გ. ფ უ თ რ ი ძ ე, ოსმალური ფეოდალური მიწისმფლობელობა, გვ. 251.

⁶² მუსელმები (مسلم) შეადგენდნენ გლეხთა იმ კატეგორიას, რომელიც თავისუფალი იყო სახელმწიფო გადასახადისაგან იმ პირობით, რომ ლაშქრობის დროს გამოიყენდნენ ყოველ 25 კაცზე 5 მეომარს საჭირო მოწყობილობით. გზების გასაწმენდად, ქვეშევხებისა და ადლის გადასატანად. XVII ს-ის შუა წლებში ეს სამხედრო ვალდებულება მოისპო და მუსელმები ჩვეულებრივ რაიებად იქცნენ (უფრო ვრცლად მუსელმების შესახებ იხ. А. С. Твертнина, К вопросу о крестьянстве и крестьянском землепользовании в Османской империи, стр. 44—46).

კონი ბეი გორიჯელის ცნობით, არტალიკის წლიური შემოსავალი არ უნდა ყოფილიყო თიშარის შემოსავალზე მეტი⁶³.

სახელმწიფო მიწების ფონდიდან საკარგავების გაცემა ხდებოდა დადგენილი წესით, რაც ძირითადად ორ პირობას გულისხმობდა: 1. ყოველ მესაკარგავეს უნდა ჰქონოდა საკარგავით სარგებლობის უფლების საბუთი. 2. ყველა საკარგავი გაცემისთანავე შეიტანებოდა საგანგებო სააღრიცხვო დაეთარში.

იმის მიხედვით, თუ რა ოდენობის იყო საკარგავი ან ვის უნდა მისცემოდა იგი, საბუთი შეიძლებოდა ყოფილიყო ორნაირი: „ბარათი“ ან „თაფუ“. თუ საკარგავი წარმოადგენდა თიშარს ან ზეპეთს, მისი მამიებელი ღებულობდა ბარათს, რომელიც გამოდიოდა სულთნის ხელიდან⁶⁴, ვილაიეთის გამგებლის „თეზქერეს“ საფუძველზე. მაგრამ თიშარის გაცემაზე ყოველთვის როდი იყო საჭირო თეზქერე. იგი უთეზქეროდაც შეიძლებოდა გაცემულიყო, უშუალოდ პროვინციის გამგებლის მიერ. ამიტომ ოსმალეთის იმპერიაში არჩევდნენ თიშარების ორ ჯგუფს: „რეკომენდებულს“ და „ურეკომენდოს“, ანუ თეზქერელ თიშარს და თეზქერესიზ თიშარს. ურეკომენდო თიშარი მცირე ზომის საკარგავი იყო. მისი სიდიდე სხვადასხვა ვილაიეთში სხვადასხვა იყო. ზოგან (ყარამანის, მარაშისა და რუმის საბეგლარბეგოებში) ის მხოლოდ 2999 აკამდე აღწევდა: ზოგან (ანატოლიაში) 4999 აკას, ხოლო ზოგან (ბაღდადის, შაჰრბურის, დიარბაქრის, არზრუმის, შამის, ჰალაბის, რუმელიის, ბუდას, ბოსნიისა და თამიშვარის საბეგლარბეგოებში) — 5999 აკას. მაგრამ ამაზე უფრო დიდი ზომის საკარგავი კი უთეზქერო ველარ იქნებოდა⁶⁵ და მასზე „ბარათის“ გაცემა ბეგლარბეგს არ შეეძლო.

გარდა აღნიშნული სახის თიშარებისა, არსებობდა თავისუფალი და არათავისუფალი თიშარები, თიშარ მულქი, ბენევეტ თიშარი, ეჩინ თიშარი და დუჩენდენ თიშარი⁶⁶. ამთგან თავისუფალი და არათავისუფალი თიშარების შესახებ სულეიმან I-ის კანონთა წიგნში ვკითხულობთ: „თავისუფალ თიშარებს ეკუთვნიან სულთნის ხასები, სულთნის ვაკფები, სულთნის ბაშმაკლიკები, ვაკფები,

⁶³ გ. ფ. თ. უ. რ. ი. ძ. ე. დასახ. ნაშრომი, გვ. 251.

⁶⁴ ს. ქ. ი. ი. ა. ერთი თურქული საბუთი ცხინვალის შესახებ (თ. ს. უ. შრომები, თბ., 1965, ტ. 116, გვ. 246). 1530 წლამდე ბარათებს საკარგავებზე იძლეოდნენ პროვინციის გამგებლები. მაგრამ შემდეგ სულეიმან I-მა შეზღუდა ისინი და მხოლოდ მცირე ზომის საკარგავების გაცემის უფლება დაუტოვა.

⁶⁵ M. B. E. I. n. დასახ. ნაშრომი, გვ. 243—244.

⁶⁶ იქვე, გვ. 253—254.

ამლაქები ვაზირებისა, ხასები დიზდარებისა, მირმირანებისა. ბეგ-
ლარბეგებისა, სანჯაყბეგებისა, ნიშანჯიებისა, დავთარდარებისა,
ქეთხუდებისა, თიმარ დავთარდარებისა, აგრეთვე ცალკეული არფა-
ამინისა, დავთარ ამინისა და რაისუ-ლ-ქითაბისა. ჩამოთვლილი ყველა
სამფლობელო თავისუფალია... თავისუფალია აგრეთვე იურუქ-ბე-
გების, მუსელიმების, ბოშებისა და ვოინუკების ზეამეთები და ზეა-
მეთ იქმალიები. თუ ჩაღშების, ბეგლარბეგების, მირმირანების, ჩე-
რიბაშების, ჩერი სურუქების, მუსელიმებისა და იურუქების ჩერი-
ბაშების თიმარებიდან იმუნიტეტური გადასახადები ჩაწერილი არ
არის სხვის შემოსავალში, არამედ შეტანილია როგორც შემოსავალი
თავთავიანთ ცალკეულ დავთარებში, მაშინ მათ ესლევით მოწმობა
იმუნიტეტის შესახებ. იმ შემთხვევაში, როცა იმუნიტეტური გადა-
სახადი ჩაწერილია ვაკფის შემოსავლად, მაშინ ვაკფიც თავისუფა-
ლია... არ არის თავისუფალი მნალოდ სიფაჰების თიმარები. მაგ-
რამ უკეთეს ვილაიეთის აღმწერმა ყველა იმუნიტეტური გადასახადი
აქცია მფლობელის შემოსავლად და მიაწერა ისინი თი-
მარს, სანჯაყ ბეგი მას ველარ შეეხება⁶⁷.

როგორც იჩკევეა, თავისუფალ თიმარებად ითვლებოდა ის სა-
კარგავეები, რომლებიც სარგებლობდნენ საგადასახადო (და აგრეთვე,
ა. ტვერიტინოვას განმარტებით, სასამართლო) იმუნიტეტით⁶⁸.
ხოლო საკარგავეები, რომელთაც ასეთი უფლება არ ჰქონდათ, არა-
თავისუფალ თიმარებს წარმოადგენდნენ.

თიმარ-მულქი, როგორც სახელწოდებიდან ჩანს, მფლობელის
სრული საკუთრება იყო და მემკვიდრეობით გადადიოდა მაჰიდან
შვილზე, პირველ რიგში ვაჟზე, აგრეთვე ქალიშვილზე ან სხვა
ახლო ნათესავზე. ასეთი საკარგავის მფლობელს, რომელიც წესი-
სამებრ სამხედრო მოსამსახურე უნდა ყოფილიყო, ვეალებოდა
გარკვეული რაოდენობის ჯებელის ანუ მხედრის გამოყვანა, მაგრამ
ამ პირობის შეუსრულებლობისათვის მას საკარგავს ვერავინ ჩა-
მოართმევდა. მას ჩამოართმევდნენ მხოლოდ მაშინ, როცა თიმარ-
მულქის მფლობელი უმემკვიდრეოდ გარდაიცვლებოდა, ან საკარ-
გავის უცხოელზე გასხვისებას მოინდომებდა.

უცხოელი შეიძლებოდა გამხდარიყო მხოლოდ „ბენევეთ თი-
მარის“⁶⁹ მფლობელი და ისიც მაშინ, თუ იგი იენიჩრების კორპუს-

⁶⁷ Аграрный строй Османской империи ... стр. 36—7.

⁶⁸ იქვე, გვ. 216.

⁶⁹ როგორც ანუ როგორც იმუნიტეტის თიმარი. ბელენის განმარტებით, ეს საკარგავი
ასე იმუნიტეტით იწოდებოდა, რომ მისი მფლობელი (თანამდებობის პირი) ომის დროს
დროშებს ჰკრებდა როგორც მიხედვით (M. Belin, დასახ. ნაშრომი, გვ. 253).

ში მსახურობდა და აღნიშნული თიმარის პატრონს გარდაცვალების შემდეგ მემკვიდრე აღარავინ რჩებოდა.

როგორც ჩანს, ბენევეტ-თიმარი გარკვეული სამხედრო სახის საკარგავი იყო და ეძლეოდა მხოლოდ გარკვეული თანამდებობის მოხელეს. ამ ტიპის საკარგავები უნდა ყოფილიყო აგრეთვე „ეჩკინ თიმარი“ და „დუჩენდენ თიმარი“. ბელენის განმარტებით, „ეჩკინ ანუ ეჩკუნ თიმარი“ იყო „ნამდვილი მებრძოლის ლენი“. იგი არ შეიძლებოდა მისცემოდა ბენევეტ თიმარის მფლობელს, მაშინ, როცა ეჩკინ თიმარის პატრონს, თუკი იგი მოითხოვდა, უფლება ჰქონდა გამხდარიყო ბენევეტ თიმარის მფლობელი⁷⁰.

რაც შეეხება „დუჩენდენ თიმარს“, ის იყო ბეგლარბეგისა და სანჯაკბეგების მსახურთათვის მიცემული საკარგავი⁷¹.

ყველა ზემოჩამოთვლილი საკარგავის გაცემა ხდებოდა ბარათით⁷². ბარათის გაცემისათვის აუცილებელი იყო მისი შესყიდვა⁷³. ბარათის მფლობელი უნდა ყოფილიყო სამხედრო სამსახურში და ვალდებული იყო ომის დროს გამოეყვანა შეიარაღებული მხედარი ანუ კილიჯი, რომლის რაოდენობა დამოკიდებული იყო საკარგავის ტიპზე და იმაზე, თუ რომელ ეიალეთში შედიოდა იგი. მაგალითად, ბელენის ცნობით, რუმელიის, ბუდას, ბოსნიის და თემეშვარის საბეგლარბეგობებში კილიჯი უდრიდა 3000 აკჩას (ე. ი. რამდენ 3000 აკჩასაც შეადგენდა საკარგავის წლიური შემოსავალი, მესაკარგავის იმდენი უნდა გამოეყვანა), ხოლო დიარბაქრის, არზრუმის, შამის, ჰალაბის, ბაღდადის და შაპრიზურისაში — 2000 აკჩას⁷⁴. ამდენივე აკჩა უნდა ყოფილიყო კილიჯი ბასრის საკაბუდან-ფაშოშიც.

„ბარათელი“ (ბარათის მფლობელი) აუცილებლად უნდა ყოფილიყო იმ ტერიტორიაზე, რომელიც მას მიაქცა⁷⁵. წინააღმდეგ შემთხვევაში მას ჩამოერთმეოდა მიწით სარგებლობის უფლება.

⁷⁰ M. Belin, დასახ. ნაშრომი, გვ. 253.

⁷¹ იქვე, გვ. 252.

⁷² ბარათით ვაიცემოდა აგრეთვე ბეგლარბეგის ხასი, რელიგიის მსახურთა (იმაგების, მუფთინთა და სხვ.) თანამდებობები და მულქის მიწები, მაგრამ ეს არ იყო დაკავშირებული თეზქერესთან (Аграрный строй Османской империи... стр. 195. იხ. Берат; А. С. Тверитинова, Второй трактат Кочибей, стр. 254).

⁷³ გამოსასყიდი თანხა ზემოთის მფლობელისათვის დაწესებული იყო 800 აკჩა, ხოლო თიმარის მფლობელისათვის — 12 აკჩა, შემოსავლის ყოველ 300 აკჩიდან (А. С. Тверитинова, Второй трактат Кочибей, стр. 254).

⁷⁴ M. Belin, დასახ. ნაშრომი, გვ. 243—244.

⁷⁵ იქვე, გვ. 249; Kocy Bey Risalesi, Istanbul, 1939, გვ. 99 (დამოწმებულია გ. ფუთურაძის დასახ. ნაშრომის მიხედვით, გვ. 252). ბელენი და კოჩი ბეი ამ წესს იმით ხსნიან, რომ საჭირო შემთხვევაში ფეოდალს სწრაფად მოესწრო მომზადება და დადგომა ბეგლარბეგის დროშის ქვეშ.

გარდა ამისა, საკარგავი ეკუთვნოდა იმას, ვის სახელზეც იყო გაცემული ბარათი. ამიტომ მისი გარდაცვალების შემდეგ ბარათი უქმდებოდა, ხოლო საკარგავი ვაკანტური ხდებოდა (უნდა ვიფიქროთ, რომ გამონაკლისს შეადგენდა თიშარ მულქისა და ბენევეთ თიშარის ტიპის საკარგავები, რომლებზეც აკრძალული არ იყო მემკვიდრეობის უფლება).

მაგრამ ბარათის გარდა არსებობდა მეორე სახის მოწმობაც, ე. წ. „თაფუ“ ანუ „თაბუ“, რომელსაც სახელმწიფო ან კერძო პირი გასცემდა და წარმოადგენდა მისი მფლობელისათვის მიწის გარკვეული ნაკვეთით სარგებლობის ოფიციალურ უფლებას განსაზღვრული პირობების დაცვით. კერძოდ, იმისათვის, რომ „თაფუ“ მიეღო ამ მოწმობის მაძიებელს, მას იგი უნდა შეესყიდა მიწათმფლობელისაგან. ასეთი წესით მიღებულ მიწაზე თაფუს მფლობელი მემკვიდრეობის უფლებით სარგებლობდა. მემკვიდრეობის უფლება კი ჰქონდათ მხოლოდ შვილებს, მეუღლეს, დაძმებს და მშობლებს. თუ თაფუს მფლობელს შვილები, მეუღლე, დაძმები, ან მშობლები არ ჰყავდა, მისი სიკვდილის შემდეგ მიწა უბრუნდებოდა პატრონს — სახელმწიფოს, ვაჟს ან კერძო პირს. თაფუს უფლებას მისი მფლობელი ჰკარგავდა იმ შემთხვევაში, თუ ის დასამუშავებლად ვარგისი მიწის ნაკვეთს მიატოვებდა, ან არ დაამუშავებდა სიფაჰისათვის ზარალის მიყენების მიზნით.

ასე რომ, ბარათი და თაფუ წარმოადგენენ არა მარტო საკარგავზე მესაკარგავის უფლების დამადასტურებელ მოწმობებს, არამედ ისეთ იურიდიულ გარიგებასაც, სადაც განსაზღვრული იყო მიწათსარგებლობის წესი და, აგრეთვე, ვალდებულების ფორმა გლენს, ფეოდალსა და სახელმწიფოს შორის.

თაფუ მიწათმფლობელზე გლენის ფეოდალური დამოკიდებულების ფორმა იყო⁷⁶. თაფუს წესით გაცემისა და სარგებლობის პრაქტიკამ ერაყში იარსება 1932 წლის საადგილმამულო კანონის გამოცემამდე. შემდეგ თაფუ ანუ თაბუ შესცვალა ლაზმამ (გამოსყიდვა), რომელიც შინაარსით ისეთივე იყო როგორც თაფუ⁷⁷.

⁷⁶ ვ. გაბაშვილი, ქართული ფეოდალური წყობილება XVI—XVII საუკუნეებში, გვ. 217.

⁷⁷ Д. У о р н е р, დასახ. ნაშრომი, გვ. 32—224; Г. И. Мирский, Ирак в смутное время, М., 1961, стр. 22—23.

სოციალური სტრუქტურა

ჯერ კიდევ შუა საუკუნეების აღრეულ ხანაში აღმოსავლეთში საზოგადოება გაყოფილი იყო ორ ძირითად ჯგუფად. ერთი იწოდებოდა კალმის, ხოლო მეორე -- მახვილის ხალხად. კალმის ხალხად (აპლუ-ლ-კალამ) იწოდებოდნენ: სწავლულნი მდივან-მწიგნობარნი და ყველა ის, ვინც სახელმწიფოს ადმინისტრაციულ აპარატში მუშაობდა და სამოქალაქო საქმეებს განაგებდა. ქვეყნის მოსახლეობის სხვა დანარჩენი ნაწილი მახვილის ხალხის (აპლუ ს-საიფ) კატეგორიას ეკუთვნოდა. მათი ძირითადი საქმიანობა იყო ომებში მონაწილეობა.

საზოგადოების ამგვარი დანაწილება დამახასიათებელი იყო აღმოსავლეთის ყველა სახელმწიფოსათვის, მათ შორის ოსმალეთისა და მის მფლობელობაში მყოფი ერაყისთვისაც, სადაც სამხედრო-ლენური სისტემა ხელსაყრელ პირობებს ქმნიდა საამისოდ.

საერთო, რაც ამ ორი ჯგუფის ხალხს ჰქონდათ, იყო მორჩილება და ერთგული სამსახური სახელმწიფოს წინაშე. ვინც ამ პირობას არ შეასრულებდა, ის ვერც „მახვილის ხალხში“ ჰპოვებდა ადგილს და ვერც „კალმის ხალხში“, ხოლო სახელმწიფოს ცენტრალური ხელისუფლებისადმი მორჩილებისა და ერთგული სამსახურისათვის კი მიიღებდა გარკვეულ გასამრჯელოს, ძირითადად ლენის სახით. ლენი, როგორც გასამრჯელო, ყოველთვის ერთნაირი არ იყო. მისი სიდიდე დამოკიდებული იყო სამსახურის ხარისხსა და მნიშვნელობაზე, რომელიც შემდეგ გავლენას ახდენდა თანამდებობის დაკავებაზეც. ეს გარემოება იწვევდა ლიფეჟენციაციას, პირველ რიგში ქონებრივსა და უფლებრივს.

ლენის სიდიდე, როგორც წესი, განისაზღვრებოდა არა მიწის ფართობით, არამედ წლიური შემოსავლის ოდენობით, რაც ოსმალურ საკანონმდებლო აქტებში ფიქსირებული იყო ფულადი თანხით. ლენის როგორც სამხედრო საკარგავის ოდენობის განსაზღვრის ასეთმა წესმა, საბაზი მისცა შუა საუკუნეების თურქეთის ისტორიის ზოგიერთ მკვლევარს მისულიყო თიმარულა: სისტემის აგარული არსის უარყოფამდე. ამ კონცეფციის მომხრე ვ. მუთაფიჩევა (ბულგარეთი) პირდაპირ აცხადებს, რომ თიმარი საერთოდ არ შეიძლება მივიჩნიოთ სამხედრო ლენად ამ ინსტიტუტის ევროპულა გაგე-

ბით და არც რაიმე განსაზღვრულ ტერიტორიად, ე. ი. აგრარული ხასიათის ორგანიზაციად, რადგან მას არ გააჩნია გარკვეული საზღვრები¹. მაგრამ ეს კონცეფცია ეწინააღმდეგება ფაქტებს და ამდენად მისი გაზიარება არ შეიძლება.

ის გარემოება, რომ ლენის სადიდე მისი შემოსავლის მიხედვით განისაზღვრებოდა ოსმალეთში და ყოველთვის ფულადი თანხით იყო გამოხატული დავთრებში, მიგვითითებს იმაზე, რომ ოსმალური საფინანსო სისტემა ზედმიწევნით დახვეწილი და სრულყოფილი იყო. ეს ფისკალური სისტემა ითვალისწინებდა იმას, რომ მიწის ნაკვეთის მოცულობას არ შეეძლო მიეცა სრული, თანაბარი წარმოდგენა ამა თუ იმ კატეგორიის საკარგავის შემოსავალზე, რადგან ეს უკანასკნელი დიდად იყო დამოკიდებული არა პარტო საკარგავის მიწის ფართობზე, არამედ ამ მიწის ხარისხზე, რომლის მიხედვით საკარგავები განსხვავდებოდნენ ერთმანეთისაგან (ნიადაგის, კლიმატურ-ბუნებრივი და სხვა პირობების გამო). გარდა ამისა, ოსმალურ ფისკალურ ორგანიზაციას არც ის რჩებოდა მხედველობის მიღმა, რომ მოსახლეობის მშრომელი მასა ყველგან ერთნაირი საქმით არ იყო დაკავებული, რომ ამ მხრივ იმპერიის ცალკეული პროვინციები, ოლქები, რაიონები და იქ არსებული საკარგავები მნიშვნელოვნად განსხვავდებოდნენ ერთიმეორისაგან. ამიტომ, გამოდიოდა რა ამ რეალური ვითარებიდან, ოსმალეთის სახელმწიფო ხაზინამ ლენური საკარგავების, როგორც სამსახურისათვის გასამრჩელოს, და მასზე დაწესებული გადასახადების განსაზღვრისას საზომად მიიჩნია არა თვით საკარგავთა მოცულობა-ფართობი, არამედ მათი წლიური შემოსავალი, გადაანგარიშებული ფულზე. ეს იყო ყოველგვარი საკარგავისა თუ საშფლობლოს სიდიდის განმსაზღვრელი ერთიანი უნიფიცირებული საზომი, რომელიც ოდნავადაც არ სცვლიდა თიშარების აგრარულ არსს. ეს რომ მართლა ასე იყო, მით დასტურდება, რომ თურქულ პირველწყაროებში, კერძოდ, დავთრებში, მატერიალური უზრუნველყოფის საშემოსავლო თანხასთან ერთად იქვე აღნიშნულია რიცხვი სოფლებისა (კარიათუნ), გადასახადების გადამხდელი გლეხებისა, სოფლის ახლოს მდებარე დაუსახლებელი სახნავ-სათესი ადგილებისა (მეზრა'ა), რაიებისა (მცირე დავთრებში ანუ „დავთარ-ი იჭმალ“-ებში), სახელობითი სია გადასახადების გადამხდელი რაიები-

¹ В. М у т а ф ч и е в а, Аграрные отношения в Османската империя, през XV—XVI в., София, 1962, стр. 46—47, 56.

სა. სახელწოდება ყველა სახის ბეგარისა და შემოსავალი ნატურა-
ლური თუ ფულადი (დიდ დავთარებში ანუ „დავთარ-ი მუფასალე“-
ში)².

დავთარებში ყოველივე ამის ზუსტად აღნუსხვა, სხვათა შორის,
იმასაც გულისხმობდა, რომ ყოველ ლენს შემოსავლის მიხედვით
მისი სადიდის განსაზღვრის შემთხვევაშიც კი აუცილებლად უნდა
სქეროდა გარკვეული ტერიტორია, ხოლო ეს თეორიულადაც და
პრაქტიკულადაც იმას გულისხმობდა, რომ იგი მოქცეული იქნებო-
და საზღვრებში. და რომ ეს ნამდვილად ასე იყო, ჩანს, ჯერ ერთი,
საკანონდებლო აქტების ისეთი გამოთქმებიდან როგორცაა: „სხვა
სიფაჰის მიწა“, „მოსული გლენი“, „გარეშე რაია“, „ურეესტრო“,
„სხვა ადგილი“, „სხვა სოფელი“, „თიმარის მფლობელის ფარგლებ-
ში“, „თიმარის საზღვრებში“, „თიმარის მიწაზე“³ და სხვ.: მეორე,
საერთო და სასულიერო ხელისუფლების იურიდიულ წარმო-
მადგენლებს — კადის და იმამს ჰქონდათ მათ მიერვე შედგენილი
„სინუჰ-ნამე“, სადაც ზუსტად იყო მითითებული თითოეული სოფ-
ლის საზღვრები⁴, რასაც, თურქი ისტორიკოსის, პ. ინალჩიკის აზ-
რით, განსაკუთრებული მნიშვნელობა ჰქონდა თიმარის მფლობე-
ლისათვის გარედან მოსული და დავთარში ჩაუწერელი რაიებიდან
გადასახადების აკრფვის დროს; და მესამე, პ. ინალჩიკს ერთ-ერთი
საკანონდებლო აქტიდან მოაქვს ადგილი, სადაც თიმარების საზ-
ღვრებთან დაკავშირებით პირდაპირაა ნათქვამი: „თუ რომელიმე
სიფაჰის (სამფლობელოს) საზღვრები დაირღვეს და გაურკვეველი
გახდეს, (მან) სოფლის მცხოვრებლებთან ერთად უნდა შემოიაროს
და დაასოს საცნობი ქვები“⁵.

ასე რომ, თიმარი წარმოადგენდა საზღვრებში მოქცეულ გარ-

² სანამუდომ შეიძლება დავასახელოთ „გურჯისტანის ვილაიეთის დიდი დავთარ-
ი“, წგ. II, აგრეთვე პ. ინალჩიკის მიერ გამოცემული არჯანდის სანჯაყის დავთარი
„Suret-i Defter-i sancak-i Arvanid“, Ankara, 1954.

³ Книга законов султана Сулеймана Кануни («Аграрный строй Османской
империи...» стр. 63—65); О. Л. В а р к а н, Kanunlar, Istanbul, 1943, გვ.
31, 35, 243, 248, 253, 262, 281.

⁴ Legislation Ottoman... t. I, pp. 194, 238; Д. Б а к р а д з е, დასახ,
ნაშრომი, გვ. 25; А. С. Т в е р т и н о в а, Некоторые нерешенные проблемы
в характеристике турецкого феодализма, «Ближний и Средний Восток», сб-
орник статей в честь 70-летия профессора И. П. Петрушевского, М., 1966, стр.
163).

⁵ Н. I n a l c i k, Suret-i Defter-i Sancak-i Arvanid, 1954, გვ. XXIX. ცი-
ტატა მოკვავს ა. ტვერტიხოვას ნაშრომის მიხედვით (გვ. 163).

კვეულ ტერიტორიას — საკარგავს მასზედ მსხდომი მოსახლეობით, რომელიც მიმაგრებული იყო მიწაზე.

ლენები ოსმალეთში, როგორც უკვე ვთქვით, სხვადასხვა სიდიდის იყო. ყველაზე მცირე ლენიდან მიღებული წლიური შემოსავალი არ შეიძლებოდა ყოფილიყო 2000 აქაზე ნაკლები მაშინ, როცა ყველაზე დიდი ლენის შემოსავალი შეადგენდა 100 ათას აქაზე მეტს. მაგრამ როგორც არ უნდა ყოფილიყო ქონებრივი სხვაობა, სულერთია, ლენის მფლობელი თავისი სოციალური მდგომარეობით საზოგადოების პრივილეგირებულ კატეგორიას ეკუთვნოდა. იგი იყო უმთავრესად სამხედრო ფეოდალი, რომლის აღსანიშნავ ტერმინებად ოსმალეთში იხმარებოდა „სუვარი“⁶, „სიფაპი“⁷, „თიმარჯი“⁸ ანუ თიმარიოტი, „თიმარლი სიფაპი“⁹, „ზა'იმი“¹⁰ და „შეიხი“. აქედან სამხედრო ფეოდალის აღმნიშვნელი ზოგადი და გავრცელებული ფორმა იყო სიფაპი.

სიფაპები ორი კატეგორიისა იყვნენ: „ულუფელი“ და „თიმარლი“. ულუფელი სიფაპები სულთნის კარზე მყოფ ცხენოსანთა ექვსი პოლკის ანუ ექვსი „ბოლუქის“¹¹ რიგებში იყვნენ და მის კმაცოფაზე ირიცხებოდნენ, ხოლო თიმარლი სიფაპები კი სახელმწიფოს ფეოდალურ ცხენოსან ლაშქარს შეადგენდნენ და გასაპრჩელოდ ლეებულობდნენ თიმარებსა და ზიამეთებს. ეს იყო მათი ლენი — მიწა მასზე მსხდომი გლეხებით, რომელთაც არაბულ ქვეყნებში, მათ შორის ერაყშიც, ფელაპები ეწოდებოდა, ხოლო სხვაგან რაიები. სიფაპი სწორედ ამ რაიების ექსპლოატაციით ცხოვ-

⁶ سوارى-ცხენოსანი, წერილი სიფაპი.

⁷ سپاهى-მხედარი, სამხედრო ფეოდალი, რომელიც მსახურობდა ოსმალეთის იმპერიის ლაშქარში.

⁸ თიმარის მფლობელი.

⁹ سپاهى تیمارلى-ლენის მფლობელი სიფაპი.

¹⁰ زعيم-ლენური საკარგავის — ზიამეთის პატრონი.

¹¹ بولوك — სამხედრო ერთეული ოსმალეთში. მისი მებრძოლთა რაოდენობა დამოკიდებული იყო ქარის სახეობაზე. იენიჩრების ბოლუქში 100 ქვეითი იყო. ხოლო სულთნის ცხენოსანთა გვარდიის თითოეულ ბოლუქში, ა. ტვერტინოვას აზრით, უნდა ყოფილიყო 20—30 მხედარი (Аграрный строй Османской империи, стр. 196). მაგრამ ეს არ უნდა იყოს სწორი, რადგან მისივე განმარტებით, სულთნის ცხენოსანთა გვარდა, რომელიც თავის რიგებში აერთიანებდა სულ 6000 მხედარს (იქვე, გვ. 214), შედგებოდა 6 ბოლუქისაგან (იქვე, გვ. 196). ბოლუქები ერთმანეთისაგან განსხვავდებოდნენ დროის ფერით (А. С. Тверитнинова, Второй трактат Кочибей... стр. 232).

რობდა. მათი შრომით მოჰყავდა მოსავალი როგორც ლენის სახით მიღებულ საკარგავში, ისე დომენში, ე. ი. მიწის ნაკვეთში, რომელიც პას ჰქონდა ცალკე, პირადი მეურნეობის მოსაწყობად¹².

ლენი, იქნებოდა ის თიშარი. ზეამეთი თუ ხასი, გაიყვანა გარკვეული პირობით. ეს პირობა უპირველესად ყოვლისა იყო სახელმწიფო სამსახური. ვინც სახელმწიფო სამსახურში (უმთავრესად ჯარში) არ იყო, ლენს ვერ მიიღებდა. ამასთან, ლენი არ იყო ასეთი საკარგავი, რომელიც შეიძლებოდა მემკვიდრეობით გადასცემოდა მამიდან შვილებს. იგი პატრონს ჩამოერთმეოდა მაშინვე. როგორც კი ის უარს იტყოდა სამსახურზე. თუ სიფაჰის უარი სამსახურზე გამოწვეული იყო მოხუცებულობით ან ბრძოლაში მიღებული დაზიანებით (ჭრილობით, დასახიჩრებით და მისთ.), მაშინ ის თიშარით სარგებლობის უფლებას ინარჩუნებდა სიცოცხლის ბოლომდე. შემდეგ კი თიშარი სახელმწიფოს უბრუნდებოდა, ხოლო გარდაცვლილი სიფაჰის შვილებს ეძლეოდა მამის საკარგავის შემოსავლას ნაწილი სარჩოს ანუ დირლიქის¹³ სახით. მაგრამ სარჩო ყოველთვის თანაბარი ოდენობის არ იყო. თუ სიფაჰი ბრძოლის ველზე დაღუპებოდა, მისი შვილების სარჩო უფრო დიდი იყო, ვიდრე შინ გარდაცვლილის შვილებისა¹⁴.

სიფაჰს უნდა ეცხოვრა იქ, სადაც მისი საკარგავი იყო. სხვაგან ცხოვრების უფლება არ ჰქონდა, რადგან ომის შემთხვევაში ალაი ბეგის დაძახებისთანავე უნდა გამოცხადებულიყო ბეგლარბეგის დროშის ქვეშ და, გარდა ამისა, საჭირო ყურადღება მიექცია თიშარის მოვლა-დამუშავებისათვის.

ომის დროს სიფაჰი არა მარტო თვითონ უნდა დამდგარიყო სანჯაყ ბეგისა თუ ფაშას დროშის ქვეშ, არამედ ვალდებული იყო აგრეთვე გამოეყვანა გარკვეული რაოდენობის მეომრები, რომელთა რიცხვი ზუსტად იყო დადგენილი. მეომართა რაოდენობის გან-

¹² ამდენად არ შეიძლება გაეიზიაროთ ვ. მუთაფჩიევას მოსაზრება იმის შესახებ, რომ სიფაჰის უფლებამოსილება განისაზღვრებოდა მარტო სახელმწიფო შემოსავლის მისთვის მიცემული ნაწილის აკრფით (В. М у т а ф ч и е в а, Аграрните отношения в Османската империя, стр. 68).

¹³ دیرلیك — სარჩო, ცხოვრებისათვის საარსებო საშუალება. იგი სახელმწიფოს კმაყოფიან ყოფნის აღმნიშვნელი საერთო ტერმინია და გულისხმობს როგორც ფულად გასამრჩელოს, ისე თიშარს, ზეამეთს, ხასს.

¹⁴ М. В е l i n, დასახ. ნაშრომი, გვ. 250. ომში დაღუპულთა თიშარი, რომ დაღუპულს ვაიშვილებს რჩებოდა, ამას დ. ბაქრაძეც აღნიშნავს (Д. Б а к р а д з е, დას. ნაშრომი, გვ. 7).

საზღვრისას ამოსავალს წარმოადგენდა საკარგავის სიდიდე. სულთან სულეიმან I-ის კანონის მიხედვით, თუ თიმარის შემოსავალი 2 000 აკჩა იყო, მისი მფლობელი თვითონ იყო ჯებელი და აგრეთვე გამოჰყავდა ერთი ლულამი¹⁵. 3 000 აკჩის თიმარის მფლობელი თვითონ გამოდიოდა ბურუმით¹⁶ და გამოჰყავდა ერთი ჯებელი. 4 000 და 4 500 აკჩის თიმარის მფლობელი გამოდიოდა ბურუმით და გამოჰყავდა ერთი ჯებელი და ერთი ლულამი. 5 000, 5 500 და 6 000 აკჩის თიმარის მფლობელი თვითონ ატარებდა ბურუმს, გამოჰყავდა ორი ჯებელი და გამოჰქონდა თენქეთური¹⁷... 9 000 აკჩის თიმარის მფლობელი გამოდიოდა ბურუმით, გამოჰყავდა სამი ჯებელი და გამოჰქონდა ჩადირი¹⁸. 10 000, 10 500 და 11 000 აკჩის თიმარის მფლობელი თვითონ გამოდიოდა ბურუმით, გამოჰყავდა სამი ჯებელი, ერთი ლულამი და გამოჰქონდა ჩადირი. 12 000 აკჩის თიმარის მფლობელი გამოდიოდა ბურუმით, გამოჰყავდა ოთხი ჯებელი და გამოჰქონდა ერთი ჩადირი. 15 000 აკჩის თიმარის მფლობელი გამოდიოდა ბურუმით, გამოჰყავდა ხუთი ჯებელი და გამოჰქონდა ჩადირი. ხოლო ამაზე მეტი შემოსავლის მქონე ლენის პატრონს ყოველ 3 000 აკჩაზე უნდა გამოეყვანა ერთი ჯებელი და ყოველ ერთნახევარ-ორიათას აკჩაზე ერთი ლულამი¹⁹.

თუ თიმარის მფლობელ ფეოდალს 3000 აკჩის შემოსავალზე ერთი შეიარაღებული ჯებელი უნდა გამოეყვანა²⁰, ზაიმს აძღენივე ჯებელის გამოყვანა ევალებოდა 5 000 აკჩის შემოსავალზე²¹. ასეთი ანგარიშით სულთანს ყოველთვის შეეძლო 200 000 კაცისაგან შემ-

¹⁵ غلام — ფეოდალურ ლაშქარში მონაწილე მეომარი.

¹⁶ بورومة — ერთგვარი თავსაბურავი — ჩაღმა, რომელიც შედგებოდა კონუსისებრი ფესკისა და ფესკის ბოლოზე შემოხვეული თხელი ქსოვილისაგან. ასეთი თავსაბურავი თიმარის მფლობელის ღირსების სიმბოლო იყო.

¹⁷ تنكتور — მცირე ზომის კარავი.

¹⁸ چادر — თენქეთურზე უფრო დიდი ზომის კარავი.

¹⁹ Книга законов Султана Сулеймана Кануни, «Аграрный строй Османской империи», стр. 22—23.

²⁰ იმპერიის აზიური ნაწილის ზოგიერთ ეიალეთში მაგ. შაქრიზურის, ბაღდადის და ბასრის საფაშოებში ერთი ჯებელის გამოსაყვანად 2000 აკჩის შემოსავალიც კმაროდა.

²¹ Kocı Bey Risalesi, გვ. 84 (დამოწმებულია გ. ფუთურიძის მიხედვით—ოსმალეთის სახელმწიფოს წარმოშობა, «ნარკვევები მახლობელი აღმოსავლეთის ისტორიიდან», გვ. 252); ვ. გ ა ბ ა შ ე ი ლ ი, ქართული ფეოდალური წყობილება, გვ. 187.

დგარი ფეოდალური ცხენოსანი ლაშქრის გამოყვანა²², რის გარანტიას მას აძლევდა ის გარემოება, რომ, ჯერ ერთი, თითოეული სიფაპის საკარგავი აღრიცხული და გატარებული იყო სათანადო დაეთარში, რომელშიც ცვლილებების შეტანა ხელისუფლების სათანადო სანქციის გარეშე აკრძალული იყო და, მეორე, თუ სიფაპი თავს აარიდებდა ომში წასვლას და არ გამოიყვანდა დაწესებული რაოდენობის მეომრებს, მას საკარგავი ჩამოერთმეოდა. ბრძოლაში თითოეული სიფაპის მიერ გამოყვანილ მეომართა აღრიცხვას ახდენდა ბეგლარ ბეგი: „ჯებელისა და ოღლანების შემოწმება — ბეგლარბეგის საქმეა. იგი მას აქვს მინდობილი და ის უთვალთვალებს“, — აღნიშნულია სულთან სულეიმან I-ის კანონთა წიგნში²³.

ოსმალეთში არსებულმა საკარგავების გაცემის, სარგებლობისა და კონტროლის წესებმა მოგვცა ლენური სისტემის სრული და დახვეწილი ფორმა, რის წყალობითაც ფეოდალი და სახელმწიფო რსე მიეჯაკვე ერთმანეთს, რომ უერთმანეთოდ არსებობა უჭირდათ.

ფეოდალებს არ შეეძლოთ ეცხოვრათ და ეარსებათ მიწის, როგორც ფეოდალური ბატონობის მატერიალური საფუძვლის, გარეშე. სახელმწიფოს კი ქვეყნის თავდაცვისა და დაპყრობითი ომებისათვის აუცილებლად სჭირდებოდა მრავალრიცხოვანი ლაშქარი. ამიტომ ხდებოდა ერთგვარი გარიგება. სახელმწიფო თიმარების, ზიამეთებისა და ხასების სახით იძლეოდა საკარგავს, ხოლო ფეოდალები მიღებული საკარგავებისათვის სახელმწიფოს წინაშე სამხედრო სამსახურს კისრულობდნენ.

ასეთიანი გარიგებით ორი საქმე კეთდებოდა ერთდროულად: მტკიცდებოდა ფეოდალური წყობილება და იზრდებოდა ქვეყნის შეიარაღებული ძალები. ამის შედეგი იყო ის, რომ XVI ს-ში ოსმალეთი უძლიერეს სამხედრო-ფეოდალურ სახელმწიფოდ იქცა. ეს იყო ლენური სისტემის დამსახურება, მისი დადებითი მხარე. მაგრამ ამ დადებითთან ერთად მის წიაღში იმალებოდა ისეთი თვისებებიც, რომლებმაც ხელი შეუწყვეს ქვეყნის ეკონომიურ და პოლიტიკურ დასუსტებას. ამ თვისებებიდან გვინდა შევჩერდეთ ერთზე — მიწისმფლობელობის დროებითობაზე.

რაკი მიწა მესაკარგავს დროებით მფლობელობაში ეძლეოდა, საკარგავის პატრონი დაინტერესებული არ იყო ბალ-ვენახების გაწენებით, ინტენსიური მეურნეობის დანერგვით. ამან განაპირობა

²² Аграрный строй Османской империи, стр. 214.

²³ იქვე. გვ. 24.

სოფლის მეურნეობის ჯერ ერთ დონეზე გაყინვა, ხოლო შერე დაცემა-დაქვეითება. ასეთ პირობებში ფეოდალი თავს არიდებს ნაქისრი ვალდებულების — სამხედრო სამსახურის შესრულებას²⁴. თავის მოავადმყოფება ჩვეულებრივ მოვლენად იქცა. ყოველივე ამან კი გამოიწვია სახელმწიფოს ეკონომიური და სამხედრო პოლიტიკური მდგომარეობის გაუარესება, საერთო კრიზისი, რომლის ერთ-ერთი დამახასიათებელი ნიშანი იყო ფეოდალებში კერძო-მესაკუთრული ტენდენციის გაძლიერება, საკარგავებზე სამუდამო მფლობელობისათვის ბრძოლა.

ოსმალეთის საერთო კრიზისი XVI საუკუნეში დაიწყო, XVIII—XIX საუკუნეებში კი ყველაზე მწვავე ხასიათი მიიღო. ცენტრალური ხელისუფლების ცდებს, ლენური სისტემის შეუცვლელად თავი დაეღწია ამ კრიზისიდან, სასურველი შედეგი არ მოჰყოლია.

ოსმალეთში იყვნენ სამხედრო (სიფაჰები), საერო (სახელმწიფო მმართველობის სისტემაში მომუშავე დიდი მოხელენი) და სასულიერო ფეოდალები. თითოეული ეს ჯგუფი შედგებოდა წვრილი, საშუალო და მსხვილი ფეოდალებისაგან.

სამხედრო ლენური სისტემის ეს სამი კატეგორია ფეოდალები-სა ოსმალეთში ერთმანეთისაგან განირჩეოდა არა მარტო საკარგავების ოდენობითა და, მაშასადამე, ქონებით, არამედ უფლებამოსილებითაც.

მსხვილი ფეოდალები (ბეგლარბეგები, სანჯაყბეგები და სხვ.) ფლობდნენ სამხედრო, ადმინისტრაციულსა და ნაწილობრივ სასამართლო ფუნქციებს, მინიჭებული ჰქონდათ ფინანსური (საგადასახადო) იმუნიტეტი და უფლება ლენებიდან ფეოდალური რენტის (ფულადი და შრომით ანაზღაურების) ნაწილის მითვისებისა. ისინი მფარველობას (უფრო ფორმალურს, ვიდრე რეალურს) უწევ-

²⁴ ამიტომ ოსმალეთის ცენტრალური ხელისუფლება იძულებული იყო ლენის მფლობელისაგან სამხედრო სამსახურის სანაცვლოდ მოეთხოვა ფული, რათა ამ თანხით დაქირავენინა სხვა მეომრები. ასე გაჩნდა ოსმალეთში „სახაზინო ლაშქარი“, რომელიც დაქირავებული ჯარისკაცებისაგან შედგებოდა. ხელისუფლების თანხმობამ, სამხედრო ლენების მფლობელების სამხედრო ვალდებულება შეეცვალა ფულადი ვალდებულებებით, უარყოფითი გავლენა მოახდინა ლენურ სისტემაზე (იხ. ო. გ. ი. ნ. ე. ი. შ. ე. ი. ლ. ო., თურქეთის XVIII საუკუნის 70-იანი წლების ისტორიის ზოგადი საკითხი, „ახლო აღმოსავლეთის ქვეყნების ახალი და უახლესი ისტორიის საკითხები“, თბ., 1967, გვ. 171—173).

დნენ თავიანთ საგამგებლო ტერიტორიაზე მსხდომ „თავისუფალ“ და „არათავისუფალ“ ლენტა მყოლობელებს²⁵.

მსხვილი ფეოდალებისაგან არსებითად განსხვავდებოდნენ საშუალო (ზაიმი) და წვრილი ფეოდალები (თიმარიოტები). საშუალო ფეოდალს უფლება ჰქონდა, მთლიანად მიეთვისებინა თავის ლენზე დაწესებული „თავისუფალი გადასახადები“ (ბადი ჰავერესი ალნამი, რესმი, ჩიფთი). სხვა მხრივ ის მსხვილ ფეოდალს მორჩილებდა.

უარეს მდგომარეობაში იყვნენ წვრილი ფეოდალები. ისინი სავსედრო, ადმინისტრაციული და სასამართლო მდგომარეობის მხრივ მთლიანად დამოკიდებული იყვნენ მსხვილ ფეოდალებზე — სანჯაყბეგებზე. რომლებსაც აძლევდნენ თავიანთი თიმარებიდან მიღებულ ფეოდალური რენტის ნაწილს და, ისე როგორც საშუალო ფეოდალები, იმყოფებოდნენ მათი მფარველობის ქვეშ²⁶.

ლენური სისტემის პირობებში ფეოდალთა დაყოფა კატეგორიებად საკარგავების მიხედვით, მათი ქონებრივი და უფლებრივი განსხვავება და ერთმანეთთან დამოკიდებულება, რისი დამადასტურებელი ცნობები საკმაოდ რაოდენობითაა შემონახული წყაროებში²⁷, მიგვითითებს იმაზე, რომ ოსმალეთში არსებობდა ფეოდალური იერარქია²⁸.

²⁵ В. П. М у т а ф ч и е в а, დასახ. ნაშრომი, გვ. 325.

²⁶ იქვე.

²⁷ ეს წყაროებია: Книга законов султана Мехмеда II фатиха; Книга законов султана Сулеймана Кануни (об. Аграрный строй Османской империи XV—XVII вв.); E v l i y a Ç e l e b i, Seyahat-namesi, с. III, Dersaadat, 1314, s. 378; O. L. B a r k a n, XV ve XVI-inci asirlarda Osmanli Imparatorlugunda Zirai ekonominin hukuki ve mali esarlari, с. I, Kanunlar, Istanbul, 1943; M. B e l i n, დასახ. ნაშრომი; Б. Т у п н е в, Црногорски дефтери из 1521—1523 г. «Прилози за Оријенталију филологију»... 1952/53, т. III—VI.

²⁸ ოსმალეთში ფეოდალური იერარქიის არსებობის ზოგიერთ მხარეზე გაკერით მიუთითებენ ბელნი, დენი, ქოფრულუ, ფილიპოვიჩი და სხვ. ბელნი და დენი ოსმალეთში ფეოდალური იერარქიის ფაქტს ხედავენ ლენური საკარგავების (თიმარი, ზამეთი, ხასი) სიღრმის სხვაობაში (M. B e l i n, დასახ. ნაშრომი, გვ. 230; J. D e n y, Timar, «Enzyklopaedie des Islām», Leiden-Leipzig, Bd. IV, 1934, s. 835). ბელნისა და დენისაგან განსხვავებით, ქოფრულუ იერარქიის არსებობას ოსმალეთში ხედავს იქ „მფარველობის არსებულ პრინციპში“ (M. F. K ö p r ü l ü, La feodalisme turc-musulman au moyen age, Belleten, с. V, s. 19, p. 339), ხოლო ფილიპოვიჩი — „ქონებრივ სხვაობაში“ (Н. Ф и л и п о в и ч, Погляд на османскій феудализм, — «Годишник историског друшба Босне и Херцеговине», год IV, Сарајево, 1952, стр. 23—25). მიუხედავად ამისა, ზოგი მკვლევარი

მოსახლეობის ყველაზე მრავალრიცხოვანი კლასი ოსმალეთში იყო მშრომელი მასა — გლეხობა, რომელსაც „რაიათი“ ან „რაია“ ეწოდებოდა. რაიათი არაბული „რა'იათუნ“-იდან მომდინარეობს და სიტყვასიტყვით ნიშნავს „ჯოგს, ქვეშევრდომს“²⁹. გლეხის აღმნიშვნელ ტერმინად მისი გადაქცევა, ვ. გაბაშვილის აზრით, ორგანულად დაკავშირებული უნდა იყოს „ექსპლოატაციის აღმოსავლურ ფორმასა“ და აღმოსავლეთის ფეოდალური საზოგადოებისათვის დამახასიათებელ საგადასახადო სისტემასთან³⁰. რაიათის ანუ რაიას, როგორც სოციალური კატეგორიის აღმნიშვნელი ტერმინის, არაბული შესატყვისია ფელაჰი.

რაიათი და ფელაჰი ორნაირი მნიშვნელობით იხმარებოდა. ზოგადი გაგებით აღნიშნავდა „ქვეშევრდომთ“ (რომლებიც ეკუთვნოდნენ საზოგადოების მხოლოდ დაბალ ფენას და იხდიდნენ გადასახადებს), ვიწრო გაგებით კი მიწის მუშას — გლეხს. მდგომარეობით ისინი ერთნაირ პირობებში იყვნენ. ეს იქიდანაც ჩანს, რომ ოსმალურ საკანონმდებლო წყნებში, იმ კანონებშიც კი, რომლებიც უშუალოდ არაბულ ქვეყნებს, კერძოდ, ერაყს ეხება, მწარმოებელი ფენისათვის დასახელებულია ისეთივე სახის გადასახდელები, როგორიც რაიასათვის არაარაბულ ქვეყნებსა და ვილაიეთებში (მაგალითისათვის შეიძლება დავასახელოთ „მოსულის ლივის კანუნ-ნამე“)“³¹. ეს გარემოება გვაძლევს საფუძველს, რომ ის, რაც ოსმალურ კანონებში რაიას შესახებაა ნათქვამი, გავავრცელოთ ფელაჰებზე, ყოველ შემთხვევაში, იმათზე მაინც, ვინც ტაჰური ოსმალური სანჯაყების ტერიტორიაზე იხდნენ.

რამდენადაც რაია და ფელაჰი ბინადარ მოსახლეს, მიწის მხენელ-მთესველ გლეხს ნიშნავდა, ორივე ეს ტერმინი უპირისპირდებოდა ისეთ ტერმინებს, როგორიცაა „ელი“ და „ბედუინი“, რომლებიც მოხეტიალე-მომთაბარეთა აღსანიშნავად იხმარებოდა.

უარყოფს ოსმალეთში ფეოდალური იერარქიის არსებობის ფაქტს (ვ. გაბაშვილი, ქართული ფეოდალური წყობილება XVI—XVIII საუკუნეებში, გვ. 160; Б. Ц в е т к о в а, Характерни черти... «Исторически преглед», год VII, стр. 388). მაგრამ ვ. მუთაფჩიევამ, პირველწყაროებზე დაყრდნობით, პირველმა, მეცნიერულად დაასაბუთა, რომ ოსმალეთში არსებობდა ფეოდალური იერარქია (იხ. მისი დასახ. ნაშრომი).

²⁹ ვ. წერეთელი, არაბულ-ქართული ლექსიკონი, თბ., 1951; Х. К. Баранов, Арабско-русский словарь, М., 1957.

³⁰ ვ. გაბაშვილი, ქართული ფეოდალური წყობილება XVI—XVII საუკუნეებში, გვ. 204.

³¹ Аграрный строй Османской империи, стр. 63—68.

მაშასადამე, რაია იყო ბინადარი მიწის მუშა, გლეხი³², რომელიც ვისმეს ქვეშევრდომობაში იმყოფებოდა და იხდიდა გადასახადს³³. ოსმალური ფეოდალიზმის კლასიკურ პერიოდში, რაც XVII საუკუნემდე გრძელდებოდა, რელიგიური და ეროვნული ნიშნის მიხედვით რაია შეიძლებოდა ყოფილიყო მუსლიმიც და არამუსლიმიც, თურქიც და არათურქიც. ეს დადასტურებულია წყაროებით, მათ შორის სულთან სულეიმან I-ის „კანუნ-ნამეთი“, სადაც ვხვდებით გამოთქმებს: „არამუსლიმი რაია“ და „მუსლიმი რაია“³⁴. ადრე რაიას რელიგიურსა და ეროვნულ კუთვნილებას ყურადღებას არ აქცევდნენ. შემდეგში კი მდგომარეობა რამდენადმე შეიცვალა. ი. მორდტმანის მიხედვით, XVIII ს-ში, ხოლო ა. ტვერიტი-ნოვას მოსაზრებით, XVII ს-ის შუა წლებიდან, რაია უკვე უმთავრესად არამუსლიმ ქვეშევრდომ გლეხს ეწოდებოდა³⁵, რაც დასტურდება წყაროებით, კერძოდ, თურქული საბუთებით. აქ რაია და მუსლიმი ერთიმეორისადმი დაპირისპირებული ცნებებია და ექვს გარეშეა, რომ რაია არამუსლიმის მნიშვნელობით იხმარება³⁶. ასეთი მნიშვნელობით ხმარობს მას კ. მარქსი, როცა წერს: «В Боснии и Герцоговине дворянство славянского происхождения перешло в мусульманство, в то время, как масса народа осталась раиней, т. е. христианами»³⁷. ასეთსავე შინაარსს ღებს მასში ი. ჰაპერიც, მაგრამ მან უგულვებელყო ისტორიული ასპექტი, ვერ გაითვალისწინა, რომ იგივე ტერმინი ადრე სხვა

³² В. Д. Смирнов, Кучибей Гомурджинский и другие османские писатели XVII в. о причинах упадка Турции, СПб., 1873, стр. 77; Y. H. Mordtman, *Turkischer Lehensbrief aus dem Jahre, 1682*, ZDMG, Bd. 68, S. 138.

³³ ს. ქიქია, გურჯისტანის ვილაიეთის დიდი დაეთარი, წიგნი IV (ხელნაწერი), გვ. 737.

³⁴ ს. ქიქია, დასახ. ნაშრომი, გვ. 723. იხ. აგრეთვე Evliya Çelebi, *Putopis oldomci o Lugoslavensim Zemlejama Preveo, uvod i komentar napisao Hazim Sabanovic, Sarajevo, 1967*, გვ. 637; Y. H. Mordtman, დასახ. ნაშრომი, გვ. 138; В. Д. Смирнов, დასახ. ნაშრომი, გვ. 77; ვ. გაბაშვილი, დასახ. ნაშრომი, გვ. 205.

³⁵ Y. H. Mordtman, დასახ. ნაშრომი, გვ. 138; А. С. Тверитинова, *Аграрный строй Османской империи XV—XVII вв.*, стр. 211. მორდტმანის შერ 1914 წელს გამოქმული ეს მოსაზრება შემდეგ გაიმორღეს ელ. გორდლე-სკომ (იხ. მისი Государство сельджукидов Малой Азии, М.-Л., 1941, стр. 94; *Избранные сочинения*, т. I, стр. 123) და ჰაზინ შაბანოვიჩმა (იხ. მისი დასახ. ნაშრომი, გვ. 637—8).

³⁶ ს. ქიქია, დასახ. ნაშრომი, გვ. 726—727.

³⁷ К. Маркс и Ф. Энгельс, *Соч.* т. X, М., 1933, стр. 374.

მნიშვნელობით იხმარებოდა და განმარტა, „რა'ია არამუსლიმს, ებრაელსა და ქრისტიანს ნიშნავსო“³⁸. რა'იას ეს არასრული და მცდარი განმარტება შემდეგ გაიჟეორეს დ. მაგაზანიკმა, ა. მილერმა და ი. პეტრუშევსკიმ. დ. მაგაზანიკთან და ა. მილერთან „რაია ჩვეულებრივ არამუსლიმი ქვეშევრდომია“³⁹, ხოლო ი. პეტრუშევსკისთან კი „ოსმალეთში ჭიზიას გადამხდელი, არამუსლიმი ქვეშევრდომი — ქრისტიანები და ებრაელები“⁴⁰.

ასე გაჩნდა და დამკვიდრდა სამეცნიერო ლიტერატურაში რა'იას ვ. სმირნოვისეული განმარტების გვერდით ი. ჰამერისეული განმარტება. შემდეგში ამავე საკითხზე თავისი მოსაზრება გამოთქვა აგრეთვე ა. ტვერიტინოვამ და განმარტა, რომ „რა'ია ოსმალეთში არის გადასახადის გადამხდელი, დამოკიდებული თურქული და არათურქული მოსახლეობა“⁴¹. გადასახადის გადამხდელი მოსახლეობა კი ოსმალეთში იყო როგორც სოფლად, ისე ქალაქად. ამიტომ ამ განმარტებიდან გამომდის, რომ რა'იები ქალაქშიც ყოფილან, რაც არ შეესაბამება სინამდვილეს⁴². ნამდვილად რაიები, როგორც ვ. სმირნოვი და ი. მორდტმანი აღნიშნავენ, გადასახადის გადამხდელი და ქვეშევრდომი სოფლის მცხოვრებნი იყვნენ. რაც შეეხება ქალაქის ასეთივე სოციალური კატეგორიის მოსახლეობას, მათ

³⁸ ს. ჩიქია, დასახ. ნაშრომი, გვ. 722. რა'ია რომ ყოველთვის მარტო არამუსლიმს არ ნიშნავდა, ეს ზემოთ მოტანილი წყაროებისა და ლიტერატურის გარდა ჩანს აგრეთვე ა. რეფიყისა და მ. ფაქალინის ნაშრომებიდანაც (A. Refik, *Anadoluda türk aşiretleri*, İstanbul, 1930, გვ. 75; M. Z. Pakalin, *Osmanlı tarih deyimleri ve terimleri sozlüğü*, İstanbul, 1948, ნაკვ. IV, გვ. 365. ეს შრომებიც მითითებულა ს. ჩიქიას ნაშრომის მიხედვით, გვ. 723).

³⁹ Д. А. Магазаник, *Турецко-русский словарь*, М., 1945; А. Ф. Миллер, *Мустафа паша Байрактар*, М.-Л., 1947, стр. 497; მისივე, *Краткая история Турции*, М., 1948, стр. 22.

⁴⁰ И. П. Петрушевский, *Очерки по истории феодальных отношений в Азербайджане и Армении в XVI — начале XIX вв.*, Л., 1949, стр. 249.

⁴¹ А. С. Тверитинов, *Об ошибочной концепции средневековой истории в «Краткой истории Турции» А. Ф. Миллера*, Сборник, «История и философия стран Востока». ЛГУ, 1952, стр. 228.

⁴² მართალია, წყაროებში ზოგჯერ ტერმინი „რა'ია“ მოქალაქის მიმართაც იხმარება (იხ. А. А. Али-Заде, *К вопросу о положении крестьян в Азербайджане в X—XIV вв.* «Труды Института истории и философии АН АЗ. ССР», Баку., 1953, вып. III, стр. 118), მაგრამ იმ გაგებით, რომ მოქალაქეც (ისე როგორც რა'ია) მდებოდა, დაბალ სოციალურ კატეგორიას ეკუთვნის.

„შეპირლები“ ეწოდებოდათ⁴³. გარდა ამისა, ა. ტვერიტინოვას განმარტებაში გაუთვალისწინებელია ის ძირითადი ნაკლი, რაც ვ. სმირნოვსა და ი. ჰამერის განმარტებებს გააჩნიათ, კერძოდ, ყურადღების მიღმა მიჩენილი ის ფაქტი, რომ ტერმინი „რა'ია“ თავისი არსებობის მანძილზე ცვალებადობას განიცდიდა და სხვადასხვა დროს სხვადასხვა მნიშვნელობით იხმარებოდა. ამ უკანასკნელ გარემოებას ყურადღება მიექცა მხოლოდ ამ ათიოდე წლის წინათ და რა'ია წარმოდგენილი იქნა ისტორიულ ასპექტში, რომლის მიხედვით ოსმალეთის ფეოდალიზმის კლასიკურ ხანაში (XVII ს-მდე) რა'ია ნიშნავდა გადასახადის გამომღებ ქვეშევრდომ გლეხს განურჩევლად ეროვნებისა და სარწმუნოებისა, ხოლო შემდეგ (XVIII—XIX საუკუნეებში) კი არამაჰმადიან (ქრისტიან, ებრაელ და სხვ.) გლეხს ანუ ზიმისს⁴⁴.

რაიები ისხდნენ სახელმწიფო, ვაკეთს ან კერძო მფლობელთა მიწებზე და ეკუთვნოდნენ მიწის მფლობელს. რაია მიწერილი ანუ მიმაგრებული იყო პიროვნებაზე — ფეოდალზე, მფლობელზე. მიმაგრების იურიდიულ საბუთს წარმოადგენდა თათუ და სპეციალური სააღრიცხვო დავთარი, რომელსაც პერიოდულად ადგენდა სათანადო მოხელე. ფეოდალზე მიწერილი რაია თათუს წესით მისგან ლებულობდა და ამუშავებდა გარკვეულ მიწის ნაკვეთს, რასაც არაბულ ვილაიეთებში ფედანი ეწოდებოდა, ხოლო იმპერიის აზიური ნაწილის სხვა პროვინციებში — ჩიფთი ან ჩიფთლიქი⁴⁵. ფედანიც და ჩიფთიც ზომის ერთნაირი ერთეულები იყო. ჩიფთი და ფედანი ეწოდებოდა მიწის ნაკვეთს, რომლის მოხვნა შეიძლებოდა უღელი ხარით ერთი დღის განმავლობაში⁴⁶. მაგრამ იმის გამო, რომ

⁴³ H. A. R. Gibb, H. Bowen, დასახ. ნაშრომი, გვ. 158; ს. ჟიქია, დასახ. ნაშრომი, გვ. 736; ვ. გაბაშვილი, ქართული ფეოდალური წყობილება XVI—XVII საუკუნეებში, გვ. 205.

⁴⁴ ს. ჟიქია, დასახ. ნაშრომი, გვ. 737; А. С. Тверитинова, Аграрный строй Османской империи, стр. 210—211; Н. Сабанович, დასახ. ნაშრომი, გვ. 637—638.

⁴⁵ ბალკანეთის ქვეყნებში ჩიფთის (چفت) შესატყვისი ტერმინი იყო „ბაშთინა“ (باشتین), რომელიც საერთოდ „ქაფილების“ ანუ ქრისტიანი გლეხების მიწას (ნადელს) ეწოდებოდა.

⁴⁶ ფედანი ესხვადასხვანაირია: ბიზანტიური (ფედანი-ი რუმანი), ისლამური (ფედანი-ი ისლამი) ანუ არაბული (ფედანი-ი არაბ) და სახნაეი (ფედანი-ი ჰირას, ფედანი-ი ჰურას) ანუ მიწის (ფედანი-ი არდ). ბიზანტიური ფედანი მიწის ისეთი ნაკვეთია, რომლის დამუშავება შეუძლია ერთ უღელ ხარს ერთ დღე-ღამეში. ბიზანტიური ფედანის ნახევარია ისლამური ანუ არაბული ფედანი. ესაა მიწა, რომელსაც უღელი ხარც

არც სახნავი მიწები იყო ყველგან ერთნაირი და არც ხარები, ამიტომ ჩიფთის ნაკვეთებიც ფართობის მიხედვით ერთმანეთისაგან განსხვავდებოდა. ამ უხერხულობის თავიდან ასაცილებლად ჩიფთის როგორც მიწის ნაკვეთის ფართობის საზომი ერთეულის განსაზღვრა დაიწყო ღონუმი⁴⁷. თანაც გათვალისწინებულ იქნა სახნავი მიწის ხარისხიც და სულთან სულეიმან I-ის „კანუნ-ნამეში“ უკვე „ჩიფთლიქად იწოდებოდა 70—80 ღონუმი საუკეთესო მიწა, 100 ღონუმი საშუალო ხარისხის მიწა და 130—150 ღონუმი მწირი მიწა“⁴⁸. როგორც ჩანს, ჩიფთის ამ განმარტებაში რაიას შემოსავლის შესაძლო რაოდენობის გათანაბრება⁴⁹ იყო გათვალისწინებული. და ვინ იცის, ეგების ესეც იყო ერთ-ერთი მიზეზი იმისა, რომ სხვადასხვა სანჯაყებსა და ვილაიეთებში ჩიფთი სხვადასხვა ზომის არსებობდა. მაგალითად, მოსულის სანჯაყებში, რომლებიც XVIII ს-ის დასაწყისიდან ერაყში (ბაღდადის საფაშო) შედიოდნენ, ჩიფთი შეადგენდა ზომით 80 ღონუმს კარგ მიწებზე, 100 საშუალო მიწებზე და 150 ღონუმს მწირ მიწაზე⁵⁰. აიდინის სანჯაყებში კი 60 ღონუმს საუკეთესო მიწებზე, 80—საშუალო მიწებზე და 130—150 მწირ მიწებზე⁵¹. ყარამანიის ვილაიეთებში ჩიფთლიქი კარგ მიწებზე

დამუშავებს დიდიდან საღამომდე. ხოლო ერთი უღელი ხარი რომ დილიდან შედუმდე ნაკვეთს მოხნავს, იმას სახნავი ანუ მიწის ფედანი ეწოდება. ჩვენ ყველგან არაბული ფედანი ვგაქვს მხედველობაში.

⁴⁷ (كروا) — „სივრცითა და სიღრმით 40 ნაბიჯი მიწა, ჩვეულებრივი ნაბიჯით. (ამაზე) მეტი ან ნაკლები არ უნდა იქნეს მიღებული“ (გურჯისტანის ვილაიეთის დიდი დავთარი, თურქული ტექსტი გამოსცა, გამოკლევა და კომენტარები დაურთო ს. ჭიჭინაძე, წ. II, გვ. 2).

⁴⁸ Книга законов султана Сулеймана Кануни, («Аграрный строй Османской империи», стр. 30).

⁴⁹ ჩიფთის აღრიხდელი შინაარსი კი არ ითვალისწინებდა ამას, პირიქით, ძველი ჩიფთი კარგ, საშუალო და მწირ მიწებზე არც ფართობის მიხედვით იყო თანაბარი და არც მოსავლის მიხედვით. სხვაობა მოცულობაში გამოწვეული იყო იმით, რომ ჩიფთი წარმოადგენდა ერთი დღის სახნავ მიწის ნაკვეთს, რომელიც კარგ მიწებზე გაცილებით უფრო დიდი უნდა ყოფილიყო, ვიდრე საშუალო და ცუდი ხარისხის მიწებზე, იმ უბრალო კუთმარებების გამო, რომ კარგი მიწა შედარებით იოლი დასამუშავებელია. რაც შეეხება განსხვავებას მოსავლის მხრივ, დამოკიდებული იყო მიწის ნაყოფიერებაზე და მის ფართობზე. რამდენად ნოყიერი და დიდია მიწის ნაკვეთი, იმდენად მეტია მოსავალი. ეს არათანაბარ მდგომარეობაში აყენებდა რაიებსაც და მათ პატრონებსაც.

⁵⁰ Законоположение ливы Мосул (Аграрный строй Османской империи, стр. 63).

⁵¹ Законоположение ливы Аидин (იქვე, გვ. 46).

შეადგენდა 60 დონუმს, საშუალოზე — 80, ხოლო მწირზე — 100—120 დონუმს⁵².

იმისათვის, რომ რაიას ჩიფთით სარგებლობის უფლება ჰქონოდა. მას უნდა ეკისრა მრავალი ვალდებულება, რომელთაგან მთავარი იყო გადასახადების გადახდა ფეოდალის ან სახელმწიფო ხაზინის სასარგებლოდ.

ჩიფთი სამემკვიდრეო მიწის ნაკვეთი იყო. როცა რაია გარდაიცვლებოდა, ჩიფთი ვაჟიშვილს რჩებოდა⁵³. თუ ორი ვაჟი ჰყავდა და ორივე ცოლშვილიანი იყო, ჩიფთს შუაზე იყოფდნენ⁵⁴. ასე ზღებოდა იმ შემთხვევაშიც, როცა გარდაცვლილ რაიას მეტი ვაჟი ჰყავდა. ჩიფთს ორი ცოლშვილიანი ვაჟი იყოფდა, ხოლო სხვები ითვლებოდნენ თანამონაწილეებად — ცოლიანები ბენაქად, უცოლონი ჯაბად ან ყარად⁵⁵.

ოსმალური კანონმდებლობით, მემკვიდრეობის უფლებით სარგებლობდნენ მხოლოდ მამაკაცები⁵⁶. ამიტომ გარდაცვლილი რაიას მიწის ნაკვეთის მემკვიდრე არც მისი ქალიშვილი შეიძლებოდა გამხდარიყო⁵⁷ და არც ცოლი⁵⁸. მაგრამ, ეტყობა, ეს შეზღუდვა ყველგან და ყოველთვის არ იყო დაცული. ყოველ შემთხვევაში, ავნი ომერ ეფენდის „კანუნ-ნამეში“ ნათქვამია, რომ გარდაცვლილი რაიას მიწის მემკვიდრეა ვაჟიშვილები, ხოლო თუ ასეთები არ არიან, მაშინ ქალიშვილები ან გარდაცვლილის ძმები⁵⁹. ქალიშვილის გარდა მემკვიდრეობის უფლებით რომ ზოგჯერ გარდაცვლილი რაიას მეუღლეს სარგებლობდა, ეს პირდაპირაა აღნიშნული „გურჯის-

⁵² Законоположение вилайета Караман (Аграрный строй Османской империи, стр. 56).

⁵³ Книга законов Сулеймана Кануни (იქვე, გვ. 26).

⁵⁴ O. L. Вагкан, დასახ. ნაშრომი, გვ. 47.

⁵⁵ იქვე, გვ. 254. ასე იმითმაც ზღებოდა, რომ „ჩიფთის დაყოფა-დაქუცმაცება კატეგორიულად აკრძალვებოდა“ (იქვე).

⁵⁶ А. С. Тверитинова, К вопросу о крестьянстве и крестьянском землепользовании в Османской империи, стр. 39.

⁵⁷ „თუ გარდაცვლილ რაიას დარჩა არა ვაჟი, არამედ ქალიშვილი და ის მონიშნავს ყოფილ მიწას, სიფას ეკრძალება (მიწის) გადაცემა ქალიშვილზე“ (O. L. Вагкан, დასახ. ნაშრომი, გვ. 7—8).

⁵⁸ „არაა შედრძობის კანონი, გარდაცვლილის მიწა გადაეცეს მეუღლეს“ (O. L. Вагкан, დასახ. ნაშრომი, გვ. 8; А. С. Тверитинова, დასახ. ნაშრომი გვ. 40).

⁵⁹ გ. ფუთურიძე, ოსმალთა, გვ. 25.

ტანის ვილაიეთის დიდ დაეთარსა⁶⁰ და სულეიმან I-ის „კანუნ-ნამეში“⁶¹.

ოსმალეთში გლეხის ჩიფთის შემკვიდრებობით გადაცემის წესში გარკვეული ცვლილებები მოხდა XVI ს-ის დასასრულს. ზრდა-დასრულებულ ფეოდალურ სახელმწიფოში უფლება გლეხთა მიწების შემკვიდრებობით გადაცემისა გაფართოვდა როგორც მამაკაცის, ისე ქალის მხრივაც. ამ ცვლილებებმა ასახვა ჰპოვა საკანონმდებლო აქტებში. კერძოდ, აბუ სულეიმანის მიერ შედგენილ „სულეიმან ბრწყინვალის კანონის განმარტებათა კრებულში“ ჩიფთზე შემკვიდრებობის უფლების შესახებ ნათქვამია: „თუ თიბარის ან სხვა მიწისა და სათიბის მფლობელის რომელიმე რაია გარდაიცვალოს და მას ვაჟი დარჩეს, სახნავ-სათესი ადგილი და სათიბი ვაჟს გადაეცეს შემკვიდრებობით, თაფუს გადაუხდელად, ხოლო იმ შემთხვევაში, თუ მას ვაჟი კი არა, ქალიშვილი დარჩეს, მიწაც და სათიბიც ქალიშვილს მიეცეს თავუთი, რომლის ოდენობას განსაზღვრავენ ამ საქმით დაუინტერესებელი პირები.

თუ არც ქალიშვილი ებადოს და დარჩეს ძმა მამის მხრივ, ჩიფთი მას გადაეცეს რესმი თავუთი, რომლის ოდენობასაც აგრეთვე დაუინტერესებელი პირები ადგენენ. თუ მამის მხრივ ძმა კი არა, და არის დარჩენილი და მის მიწაზე ცხოვრობს, (ჩიფთი) მას ეკუთვნის. თუ დაც არა ჰყავს და ჰყავს მამა, მაშინ (მიწა) მამას მიეცეს თავუთი. ხოლო, როცა მამა მკვდარია და დედაა ცოცხალი, მიწა ეკუთვნის თავუთი, მაგრამ თუ აღარც დედაა ცოცხალი და მხოლოდ თანამფლობელნი არიან დარჩენილნი, მაშინ მიწა მათ მიიღონ თავუთი“⁶². ამ განმარტებაში ნაჩვენებია არა მარტო ის, რომ გლეხის ჩიფთის შემკვიდრებობის უფლებებში ცვლილება მომხდარა, არამედ ისიც, თუ ვინ სარგებლობდა ამ ჩიფთის შემკვიდრებობით მიწების უფლებით, რა პირობით და რა რიგით.

იმ შემთხვევაში თუკი რაია ისე გადაშენდებოდა, რომ მას აღარც შვილები რჩებოდა, აღარც ძმები, დები და მშობლები, მაშინ გარდაცვლილის ჩიფთი ფეოდალს უბრუნდებოდა⁶³, რადგან ეს მი-

⁶⁰ გურჯისტანის ვილაიეთის დიდი დაეთარი, წიგნი II, გვ. 1.

⁶¹ „თუ მეუღლე გარდაცვლილი ქმრის მიწას დაუმუშავებელს არ ტოვებს, იხდის მასზე დაწერილ უშრსა და სხვა გადასახადებს, ამ მიწის ჩამორთმევა უკანონოა და ამას ნუ გააკეთებენ“ (Аграрный строй Османской империи, стр. 31).

⁶² А. С. Т вер и т и н о в а, К вопросу о крестьянстве и крестьянском землепользовании, стр. 40.

⁶³ Книга законов султана Сулеймана Кануни, «Аграрный строй Османской империи», стр. 27.

წა — როგორც ავნი ომერ ეფენდის „კანუნ-ნამეშია“ აღნიშნული, — რაიას საკუთრება არ იყო⁶⁴. ჩიჯთს მისი მესაკუთრე ფეოდალი იბრუნებდა იმ შემთხვევაშიც, თუ რაია დაარღვევდა საერთო წესებს და არასაპატიო მიზეზით სამი წლის განმავლობაში დაუმუშავებელს დასტოვებდა მას, ან სულ აიყრებოდა და ფეოდალის ნებართვის გარეშე სხვაგან წავიდოდა⁶⁵. აყრა-გადასახლებისა და მიწის დაუმუშავებლობის საპატიო მიზეზად ოსმალური კანონები თვლიდნენ მხოლოდ არეულობას, გაღარიბებას, ავადმყოფობას და მოხუცებულობას⁶⁶. ასეთი შემთხვევების გამო წასული გლეხი თუ შემდეგ კვლავ დაბრუნდებოდა, ახალი დავთრის შედგენამდე, ფეოდალი მას უარს ვერ ეტყოდა ჩიფთით სარგებლობაზე⁶⁷. იგი ვერც იმაზე აღუდგებოდა წინ რაიას, რომ თავისი ჩიფთის დამუშავების შემდეგ სხვა თიძარის მიწაზე ემუშავენა⁶⁸.

გაქცეული რაია, რომელიც ძველ ადგილზე თავისით არ დაბრუნდებოდა, პატრონს შეეძლო მოეძია. რაიას ძებნის ვადა ოსმალეთში, ეტყობა, ყველგან და ყოველთვის ერთნაირი არ იყო. გურჯისტანის ვილაიეთის დიდ დავთარში, რომელიც 1595 წელსაა შედგენილი, გაქცეული რაიას ძებნისა და დაბრუნების ვადა 10 წელია⁶⁹. იგივე ვადაა დაწესებული სულთან მეჰმედ II ფათიჰის კანონთა წიგნშიც⁷⁰, მაგრამ სულეიმან I-ის კანონის თანახმად, ფეოდალს უფლება აქვს 15—20 წელიწადს ეძიოს და დაიბრუნოს გაქცეული რაია⁷¹. თუ ამ ხნის განმავლობაში ფეოდალი გაქცეულ რაიას ვერ იპოვნიდა, შემდეგ კიდევაც რომ მიეგნო მისთვის, დაბრუნების უფლება აღარ ჰქონდა და რაია თავისუფლდებოდა. ფეოდალზე მიწერილი რაია პატრონის მორჩილებიდან თავისუფლდებოდა იმ შემთხვევაშიც, თუ ძველ დავთარში შეტანილი იყო,

⁶⁴ გ. ფ. უ. თ. რ. ი. ძ. ე. დასახ. ნაშრომი, გვ. 251.

⁶⁵ Книга законов султана Сулеймана Кануни. „Аграрный строй Османской империи“, стр. 27.

⁶⁶ იქვე, გვ. 25—26.

⁶⁷ იქვე, გვ. 25.

⁶⁸ Законоположение ливы Мосул, «Аграрный строй Османской империи», стр. 27.

⁶⁹ გურჯისტანის ვილაიეთის დიდი დავთარი, წიგნი II, გვ. 1.

⁷⁰ O. L. Вагхан, Капунар, 391; А. С. Тверитинова, დასახ. ნაშრომი, გვ. 24.

⁷¹ Книга законов султана Сулеймана Кануни, «Аграрный строй Османской империи», стр. 35.

მაგრამ (დამალვის მიზნით) ახალ დავთარში აღარ აღმოჩნდებოდა ჩაწერილი⁷².

ჩიფთის მფლობელ გლეხთან ერთად ფეოდალის რაიებად ითვლებოდნენ აგრეთვე მისი შვილები და ძმები⁷³, სანამ ისინი სხვაზე არ იქნებოდნენ მიწერილი⁷⁴. გურჯისტანის ვილაიეთის კანონთა წიგნის მიხედვით, რაიათის შვილი არის რაიათი სანამ ის სხვას არაა მიწერილი.

ოსმალეთში რაიების ორი ძირითადი კატეგორია არსებობდა. ერთში შედიოდნენ სარეესტრო რაიები, მეორეში კი რეესტრგარე-შე. სარეესტრო რაიებად ითვლებოდნენ ფეოდალის თიმარზე მიწერილი და ჩიფთის მქონე გლეხები (მათ სარეესტროს გარდა ადგილობრივ ან მკვიდრ რაიებსაც უწოდებდნენ), ხოლო რეესტრგარე-შედ კი ისინი, ვინც ფეოდალის თიმარზე არ იყვნენ მიწერილი და მის დავთარში არ აღინუსხებოდნენ. ასეთი რაიები, თავის მხრივ, ორ ჯგუფად იყოფოდნენ: ისეთებად, ვისაც სამკვიდრო მიწის ნაკვეთი არ გააჩნდათ და რომელსამე ფეოდალთან დროებით მუშაობდნენ. ასეთ რაიებს, რომლებსაც მიწა-წყალი არ გააჩნდათ და სხვასთან მუშაობდნენ იჯარით, „მუზარან“ ანუ „მუზარა'ათ“ — ეწოდებოდათ⁷⁵. მეორე ჯგუფის რაიებს ეკუთვნოდნენ ისინი, ვინც ერთ ფეოდალთან ასევე დროებით მუშაობდნენ, მაგრამ მეორე ფეოდალის თიმარში ჩიფთის მფლობელნი იყვნენ. ყველა ამათ, როგორც სახლ-კარიან და ჩიფთის მქონეს, ისე უსახლკაროსა და ჩიფთის არმქონეს, ურეესტრო რაიებს გარდა მოსულ რაიებსაც უწოდებდნენ. მოსული რაია იღებდა რომელიმე ფეოდალის თიმარში მიწის ნაკვეთს დასამუშავებლად და ვალდებული იყო გადაეხადა ყველაფერი ისე, როგორც იხდიდა სარეესტრო რაია. განსხვავება მოსულსა და ადგილობრივ რაიებს შორის ის იყო, რომ მოსული რაიები თავისუფალი იყვნენ საპატარძლო გადასახადებისაგან, აგრეთვე მათ შეეძლოთ მიეტოვებინათ მიწის ნაკვეთი და წასულიყვნენ⁷⁶. ასეთ უმიწაწყლო მეიჯარე გლეხებს არაბულად „მეზნ-არი“ ეწოდებოდა. ფეოდალის თიმარიდან წასული რაიები ხში-

⁷² Книга законов султана Сулеймана Кануни. „Аграрный строй Османской империи“, стр. 24.

⁷³ იქვე.

⁷⁴ გურჯისტანის ვილაიეთის დიდი დავთარი, წიგნი II, გვ. 11; А. С. Т в е р и н о в а, დასახ. ნაშრომი, გვ. 24.

⁷⁵ ვ. გ ა ბ ა შ ვ ი ლ ი, დასახ. ნაშრომი, გვ. 220.

⁷⁶ Книга законов султана Сулеймана Кануни, стр. 34—35.

რად ქალაქებში მიდიოდნენ. ვინც სტამბოლში დასახლდებოდა, მათი გადასახლება იქიდან აკრძალული იყო. ისინი ჩამოსვლისთანავე ქალაქის მცხოვრებთა უფლებით აღიჭურვებოდნენ ხოლმე. სხვა ქალაქში კი ასეთ უფლებას ჩასული რაია მხოლოდ 20 წლის შემდეგ ღებულობდა⁷⁷. სტამბოლს ჩასული რაიებისათვის ასეთი უფლების მინიჭება ქალაქის გაზრდისა და მუშახელით მისი უზრუნველყოფის მიზნით უნდა ყოფილიყო გამოწვეული.

ოსმალური კანონები მტკიცე ზღვარს ავლებდნენ რაიასა და ფეოდალს შორის. კანუნ-ნამეებში ერთ მხარეზე მმართველები არიან დაყენებული, მეორეზე კი რაიები და შეპირლიები (მოქალაქენი)⁷⁸. რაიებს ეკრძალებოდათ ცხენზე ჯდომა და ხმლის ტარება, უფლება არ ჰქონდათ მიეღოთ თიმარი⁷⁹. მაგრამ იმავე საკანონმდებლო აქტებიდან ირკვევა, რომ ასეთი აკრძალვების მიუხედავად, რაიას მაინც შეეძლო გამხდარიყო თიმარის მფლობელი ფეოდალი⁸⁰, მჯდარიყო ცხენზე და ეტარებინა ხმალი, თუკი იგი მონაწილეობას მიიღებდა ბრძოლებში: „ვისაც სურდა შემჯდარიყო ცხენზე და შემოერტყა ხმალი, უნდა წასულიყო საზღვარზე და იქ გამოეჩინა თავი“, — ამბობს მ. ბელენი⁸¹. მისივე ცნობით, საზღვარზე წასული და ბრძოლებში სახელმონხვეჭილი რაია სანჯაქბეგისა თუ ბეგლარბეგის წარდგინებით ღებულობდა თიმარს და ირიცხებოდა სამხედრო რაზმში⁸², რომელსაც „კაფუ-კულუ“ ეწოდებოდა. ბელენის ცნობას ომებში რაიების მონაწილეობისა და მათი გაფეოდალების შესახებ მხარს უჭერს ევლია ჩელებიც, რომლის „მოგზაურობის წიგნში“ ნათქვამია: „მაცნეებმა ხალხს აუწყონ: დილაადრიან იერიშია და ვისაც თიმარი, ზეამეთი და სიფაჰობა სურს, უნდა გამოვიდეს... ვინც (მოქრილი) თავი მოიტანა ან მოენე (ტყვე) მოიყვა-

⁷⁷ იქვე, გვ. 35. ქალაქში ჩაწერილ გლეხებს რაიასაგან განსხვავებით „შეპირლი“ ანუ ქალაქში მცხოვრები, მოქალაქე ეწოდებოდათ (H. A. R. Gibb, H. Bowen, დასახ. ნაშრომი, გვ. 158). მაჰმუდ II-ის დროს (1808—1839 წწ.) წესი შეიცვალა, პროვინციებიდან ჩასულთ სტამბოლში აღარ აჩერებდნენ, რადგან სახელმწიფოს მათი შენახვა აღარ შეეძლო და იწყებოდა მღელვარება (А. Д. Н о в и ч е в, История Турции, Л., 1968, т. II, ч. I, стр. 147—148).

⁷⁸ H. A. R. Gibb, H. Bowen, დასახ. ნაშრომი, გვ. 48, 158; გ. გ ა ბ ა შ ე ო ლ ი, დასახ. ნაშრომი, გვ. 205.

⁷⁹ M. Belin, დასახ. ნაშრომი, გვ. 250; H. A. R. Gibb, H. Bowen, დასახ. ნაშრომი, გვ. 158; გ. გ ა ბ ა შ ე ო ლ ი, დასახ. ნაშრომი, გვ. 205.

⁸⁰ Д. Б а к р а д з е, დასახ. ნაშრომი, გვ. 6.

⁸¹ M. Belin, დასახ. ნაშრომი, გვ. 252.

⁸² იქვე, გვ. 251.

ნა... დააწინაურეს. (მათ) ზეამეთები და თიმარები მისცეს⁸³. ასე რომ, ოსმალეთში რაიას დაწინაურებისა და ფეოდალად გახდომის გზა ომებში მონაწილეობა და იქ სახელის მოხვეჭა იყო⁸⁴. ეს გზა, რომელიც რაიებისათვის მეტად ძნელი დასაძლევ იყო, იმედს არ უკარგავდა მათ დაელწიათ თავი უმწეო მდგომარეობიდან. მეორე მხრივ, ამ გზით ივსებოდა ოსმალეთის შეიარაღებული ძალების რიგები, რასაც გადამწყვეტი მნიშვნელობა ჰქონდა სახელმწიფოსათვის დაპყრობითი თუ თავდაცვითი ომების დროს. მაგრამ რაიებს ოსმალეთის სახელმწიფოსათვის ყველაზე დიდი მნიშვნელობა მაინც იმ მხრივ ჰქონდათ, რომ მათი მარჯვენის წყალობით ივსებოდა ხაზინა და ბელლები, რაც ესოდენ აუცილებელი იყო ლაშქრის, სამოხელეო არისტოკრატიისა და ფეოდალური კლასის შესანახავად: „რ ა ი ა ფადიშაჰის ხაზინაა“-ო, ამბობს კოჩიბეი გორიჯელი⁸⁵.

ასეთსავე ხაზინას წარმოადგენდა ფადიშაჰისა და მის საბრძანებელში მყოფი არაბული ქვეყნების მმართველი წრეებისათვის რაიასთან გათანაბრებული ფელაჰიც. თავისი მდგომარეობით ფელაჰიც რაია იყო. როგორც რაიები განსხვავდებოდნენ ერთმანეთისაგან, ასევე ფელაჰებიც. ქონებრივი ნიშნის მიხედვით წყაროები მათ ორ ძირითად ჯგუფად ჰყოფენ. ის, ვისაც ჰქონდა პური, ფეტვი და სტუმრის გამოჩენისას შეეძლო ქათმის ან ცხვრის დაცვა, შეძლებულ ფელაჰთა ჯგუფს ეკუთვნოდა. ხოლო ვისაც საყოფი პური არ გააჩნდა და ძირითადად ინდისხურმით ირჩენდა თავს, ღარიბებად ითვლებოდნენ.

ფელაჰი ჩვეულებრივ ფეხით დადიოდა. ცხენზე ის იშვიათად ჯდებოდა. მაგრამ როგორც არ უნდა ევლო მას, ფეხით თუ ცხენით, სულერთია, უიარაღოდ ვერასდროს დაინახავდით. შეძლებულები ატარებდნენ ხანჯალს ან „ჯამბიეს“ (ხანჯლის მაგვარ ორღესულ იარაღს) და თოფსაც, ხოლო ღარიბთა ჩვეულებრივი იარაღი იყო „მათრაჟი“ — მსხვილთავიანი ხელკეტი, რომელსაც თავი გაფისული ჰქონდა. თუ არ ჩაცმე-დახურვით, ზნე-ჩვეულებითა და შეია-

⁸³ ევლია ჩელები, მოგზაურობის წიგნი, თურქულიდან თარგმნა, კომენტარებში და გამოკვლევა დაურთო გ. ფუთურჩიძემ, თბ., 1971, ნაკვეთი 1, გვ. 115—116.

⁸⁴ „რ ა ი ა რომ თიმარის ღირსი გახდეს, აღნიშნავს ა ი ნ ი ა ლ ი, ფადიშაჰს უნდა ემსახუროს, ლაშქრობის დროს იბრძოლოს“ (გ. ა ლ ა ს ა ნ ი ა, 'აინი' ალის „რისალე“ როგორც წყარო ოსმალეთის აგრარულ ურთიერთობათა შესასწავლად, „ქართული წყაროთმცოდნეობა“, თბ., 1971, III, გვ. 231).

⁸⁵ А. С. Т в е р н и т н о в а, Второй трактат Кочибей, стр. 245.

რალბით, სხვა მხრივ ფელაჰი რაიასაგან თითქმის არაფრით არ განსხვავდებოდა. რაიას მსგავსად იგი იყო მიწის მუშა, რომელიც მისდევდა სოფლის მეურნეობას, უმთავრესად მარცვლეული კულტურების მოყვანას, მებალეობა-მებოსტნეობას და მეთამბაქოეობას. ფელაჰის მდგომარეობა მძიმე იყო. „იგი მოქცეული იყო მიწასა და და მის მფლობელს შორის, როგორც გრდემლსა და უროს შუა, მაგრამ თავისი ცხოვრების წესით ის მიწასთან უფრო ახლოს იყო, ვიდრე პატრონთან. უროს დაკვრით ეს უკანასკნელი (ე. ი. პატრონი) სულ უფრო აკრავდა ფელაჰს მიწასთან და მისი მიწასთან გასწორება იმდენად რეალური გახდა, რომ ფელაჰის ფლობით მისი მეუფე ეუფლებოდა მიწას, ხოლო მიწის დაუფლებით კი თვით ფელაჰს.“⁸⁵

ერაყში და საერთოდ არაბულ ქვეყნებში ფელაჰებს უწოდებდნენ „აჰლ ალ-ჰაიტებს“⁸⁷ ანუ ბინადარ მცხოვრებლებს და ამით განასხვავებდნენ მათ მომთაბარე-მოხეტიალე ხალხის „აჰლ ალ-ბათისაგან“⁸⁸, რომლებიც აგრეთვე „აჰლ ალ-ბადავის“⁸⁹ ანუ ბედუინების სახელით არიან ცნობილი. XVIII—XIX ს-ის მიჯნაზე ბედუინები ერაყის მთელი მოსახლეობის ნახევარზე მეტს შეადგენდნენ⁹⁰. მუდმივი საცხოვრებელი ადგილი მათ არ გააჩნდათ, ეწეოდნენ მომთაბარე ცხოვრებას. ისინი ცხოვრობდნენ უდაბნოებსა და ნახევრად უდაბნოებში, ამიტომ მათ ხშირად „უდაბნოს შვილებს“ უწოდებდნენ.

ბედუინები ცხოვრობდნენ ტომებად. ისინი ერთ ადგილზე იმყოფებიან მანამდე, სანამ ბალახია. შემდეგ იცვლიან ადგილს, მიდიან იქ, სადაც საქონლის ჯოგისათვის კარგი საძოვრებია. ასე რომ, ბედუინთა ხეტიალის ერთ-ერთი მიზეზი მესაქონლეობა და საქონლის ჯოგისათვის საძოვრების ძებნაა. საძოვრების შერჩევა და ტომის ადგილსამყოფელის გამოცვლა ხდება გარკვეული წესით. ტომის უხუცესი წევრები იკრიბებიან შეიხის (ტომის ბელადის) კარავში, რომელიც მუდამ ღიაა მათთვის, და მასთან მოთათბირების შედეგად ადგი-

⁸⁶ А. А й р у, Феллахи Египта, перев. с французского В. В. Волковой, и Г. Д. Кулагина, М., 1954, стр. 13.

⁸⁷ أهل الحيط — სახლსა შინა ანუ კედლებს შუა მცხოვრები ხალხი.

⁸⁸ أهل البيت — კარვის ხალხი. კარვებში მცხოვრები.

⁸⁹ أهل البدوى სიტყვისიტყვით ნიშნავს უდაბნოს ხალხს, ბედუინებს, რომლებიც თაზისებში არიან და მომთაბარეობენ.

⁹⁰ А. А да м о в, დასახ. ნაშრომი, გვ. 117.

ნენ თუ რომელ დღეს უნდა აშალონ კარკები და სად წაეიდნენ. ერთი ადგილიდან მეორეზე გადასვლა, და, მაშასადამე, მოძრაობის მიმართულების დადგენაც, ხდება გარკვეულ დროს, ჩვეულებრივ, გაზაფხულზე და შემოდგომაზე. გაზაფხულზე ტომები მიემართებიან სამხრეთიდან ჩრდილოეთისაკენ, ხოლო შემოდგომაზე, აცივდება თუ არა, ჩრდილოეთიდან ბრუნდებიან სამხრეთში, საზამთრო საძოვრებზე. ბაირონის შვილიშვილის, ცნობილი მოგზაური ქალის, ლედი ანა ბლანტის გამოანგარიშებით, ზოგიერთი ტომი, რომელსაც აქლემის ჯოგი ჰყავს, წელიწადში გადის დაახლოებით 2000 მილს⁹¹.

იმის გამო, რომ ადგილის შერჩევაში მონაწილეობას ღებულობენ მარტო ერთი ტომის წევრები, ხოლო სხვა ტომებმა ამ გადაწყვეტილების შესახებ არაფერი იციან, ხშირად ხდება ხოლმე ისე, რომ სანამ ტომი მის მიერ შერჩეულ ადგილს მიაღწევდეს, მას სხვა ტომი იკავებს. ასეთ შემთხვევაში საქმე მიდის ხელჩართულ ბრძოლამდე. ტომებს შორის ბრძოლა იწყება ხშირად იმის გამოც, რომ ერთი რომელიმე მათგანი სწრაფად იზრდება, ადგილი აღარ ჰყოფნის და გაფართოებას მეზობლის ტერიტორიის მიტაცებით ცდილობს.

ერაყში XVIII—XIX საუკუნეებში ტომებს შორის ბრძოლას საძოვრებისათვის ისეთი მწვავე ხასიათი ჰქონდა, რომ ომები წლების მანძილზე გრძელდებოდა.

დალუპვისაგან თავის გადასარჩენად მცირე ტომები ერთიანდებოდნენ⁹², რის შედეგად იქმნებოდა მსხვილი ტომები ანუ ტომთა ფედერაციები — აშირეთები, მაგრამ ეს საერთო მდგომარეობას სრულებითაც არ სცვლიდა. ბრძოლები კიდევ უფრო საშიშ და ფართო ხასიათს ღებულობდა, რაც გამოწვეული იყო არა მარტო ტერიტორიების, არამედ ნადავლისთვისაც. ბედუნთა რაზმები ესხმოდნენ ქალაქებს, სოფლებს, სავაჭრო ქარავნებსა და მომლოცველებს, მიმავლებს სხვა ქვეყნებიდან ერაყში (ნეჯფ-ქერბელაში)

⁹¹ L. A. Blunt, Bedouins Tribes of the Euphrates, London, 1879, vol. II, p. 3, 166; А. А. Д а м о в, დასახ. ნაშრომი, გვ. 130-131.

⁹² ასეთ გაერთიანებას „ხუვა“ ანუ მშობის კავშირი ეწოდებოდა. ამავე დროს „ხუვა“ იყო გადასახადიც, რომელსაც ბინადარი მიწათმოქმედი მოსახლეობა უხდიდა რომელმე ძლიერი ტომის შიგნის იმისთვის, რომ თავი დაეცვა მოხეტიალე-მომთაბარეთა თავდასხმისაგან. (M. Openheim, von Mittelmeer zum Persischen Gulf, Berlin, 1900 Bd. II, გვ. 45—46; E. Sachau, Am Euphrate und Tigris Reisenofizen aus dem winter 1897—98, Leipzig, 1900, Bd. II, გვ. 311; А. М е н т е ш а ш в и л и, დასახ. ნაშრომი, გვ. 18.

ან ერაყზე გავლით მექა-მედინაში. „ლაზვა“ (მეკობრეობა, თავდას-
ხმა-გაძარცვის მიზნით) „უღაბნოს შვილთა“ ჩვეულებად და ყვე-
ლაზე სარფიან ხელობად იქცა, რამაც რუსეთის გენერალურ კონ-
სულს ბასრაში (1905) ა. ადამოვს ათქმევინა: „მთელი უღაბნო
მტაცებლებითაა დასახლებულიო“⁹³.

ბედუინთა ავაზაკური მოქმედება უალრესად უარყოფითად მო-
ქმედებდა ერაყის საერთო მდგომარეობაზე. ტომებს შორის დარ-
ღვეული მშვიდობა, ქალაქებზე, სოფლებზე, ქარავნებზე და მომლო-
ცველებზე უსასრულო თავდასხმები, შეუძლებელს ხდიდნენ, ერთი
მხრივ, ვაჭრობა-ხელოსნობისა და სოფლის მეურნეობის განვი-
თარებას, ხოლო, მეორე მხრივ, უცხო ქვეყნებთან ნორმალური
ურთიერთობის შენარჩუნებას. ამიტომ ხელისუფლება ყოველ ღო-
ნეს ხმარობდა, სამხედრო ზომებსაც კი იყენებდა ბედუინთა თარე-
შის წინააღმდეგ და ზოგიერთი გამგებელი ახერხებდა მათ ალაგ-
მვას. მაგრამ მიუხედავად იმისა თუ რით დასრულდებოდა ეს
ბრძოლა, მთავარი მაინც ის იყო, რომ ამ ნიადაგზე იქმნებოდა
მტრული დამოკიდებულება ბედუინებსა და ხელისუფლებას შო-
რის. არაბი ტომები ხშირად მიმართავდნენ ბაღდადის ფაშებისა და
ამ უკანასკნელთა მორჩილებაში შყოფ ბასრა-მოსულ-შაჰრიზურის
მმართველების წინააღმდეგ შეიარაღებულ აჯანყებას.

XVIII—XIX საუკუნეებში ერაყის ტერიტორიაზე მომთაბარე
ტომებიდან ყველაზე დიდი იყო. 'უბაიდი⁹⁴, შამარ ჭარბა⁹⁵, ზუბა-
'იღ⁹⁶, ხაზა'ილი⁹⁷, ან-ზათირი⁹⁸, ბენი ლამი⁹⁹ და მუნთათიქი¹⁰⁰. ბენი

⁹³ А. А д а м о в, დასახ. ნაშრომი, გვ. 136.

⁹⁴ عبدة — მომთაბარეობდა ჩრდ. ერაყში, მდინარეების ტიგროსის, უბაიმისა
და მცირე ზღბს შორის მდებარე ველებში.

⁹⁵ شمر الجربا — იყო 'უბაიდის მეზობლად, ტიგროსსა და ეფრატს შორის
გაშლილ ტერიტორიაზე.

⁹⁶ زوبعيد — მომთაბარეობდა მდ. ტიგროსის მარჯვენა სანაპიროს გასწვრივ
ბაღდადიდან ქუთ ალაშარამდე.

⁹⁷ خزاعيل — ლამღუნის ქაობიან ადგილებში ცხოვრობდა, ეფრატსა და მის
განსტოება ჰინდას შორის.

⁹⁸ الظفير — მომთაბარეობდა ბასრის დასავლეთით, შამიეს ველებში.

⁹⁹ بني لام — ცხოვრობდა ტიგროსის ორივე სანაპიროს გასწვრივ ქუთ ალ-ამა-
რიდან მდ. დუევიჯის შესართავამდე და შატ ალ-ხაიდან აშარამდე.

¹⁰⁰ متفك — მომთაბარეობდა ტიგროსსა და ეფრატს შორის, შატ ალ-ხაის
არხის ნაპირების გასწვრივ.

ლამი და მუნთაფიქი ტომთა გაერთიანებებს ანუ კონფედერაციებს. წარმოდგენდნენ. მოგზაურ ლ. ნიჟეპოლტის მიხედვით, ბენი ლამის ტომი ერაყში უნდა მოსულიყო მექის ახლო მდებარე ველებიდან¹⁰¹. ერაყში მან შეიერთა ალ-ბალასიმის, ას-სირხას, ქა'ბის, ალ-ბუდარაჯისა და სხვა ტომები, რის გამოც მნიშვნელოვნად გაიზარდა და უკვე XIX ს-ში მისმა მოსახლეობამ 150 000-მდე მიაღწია; საჭიროების შემთხვევაში თავისუფლად შეეძლო 30 000 მეომრის გამოყვანა. შედარებით უფრო ძლიერი იყო მუნთაფიქის გაერთიანება. ისიც არაბეთის ნახევარკუნძულის ცენტრალური რაიონიდან — ნეჯდიდან მოვიდა ერაყის ტერიტორიაზე და იწყო გაფართოება. იგი აერთიანებდა ბანუ მალიქის, ბანუ საიდის, ალ-აჯვადისა და სხვა ტომებს; შედგებოდა სულ 250 000 მცხოვრებისაგან და ბრძოლის დროს გამოჰყავდა 50 000-მდე მეომარი. ეს რიცხვი ნათელ წარმოდგენას გვაძლევს, თუ რაოდენ რთული საქმე იყო ბაღდადის ფაშებისათვის ასეთი ძლიერი მომთაბარე ტომების წინააღმდეგ ბრძოლა და მათი მორჩილებაში ყოლა.

ზემოთ უკვე ვთქვით, რომ ბედუინთა მეურნეობის ერთადერთ დარგს შეადგენდა მესაქონლეობა, რომელიც არსებულ ბუნებრივ-კლიმატურ პირობებში არ აძლევდა შათ ერთ ადგილზე გაჩერებისა და ცხოვრების საშუალებას. მესაქონლეობაზე უარის თქმა კი მათ არ შეეძლოთ, რადგან არსებულ კლიმატურ პირობებში მეურნეობის სხვა დარგების არსებობა გამორიცხული იყო. მაგრამ როგორც კი ისინი სხვა კლიმატურ გარემოში აღმოჩნდებოდნენ (ეს კი შესაძლებელი ხდებოდა სარწყავი სისტემის განვითარება-გაფართოებასთან დაკავშირებით, რასაც ხელისუფლება ახორციელებდა შემოსავლის გაზრდის მიზნით, ანდა ტომის მიერ საცხოვრებელი ადგილის გამოცვლით, სახნავ-სათესად ვარგის ადგილებში გადასვლით), ცხოვრების სახეს იცვლიდნენ, ბინადარ ცხოვრებაზე გადასვლას იწყებდნენ და მათში ნელა იკიდებდა ფეხს ინტენსიური მეურნეობა. ასე რომ, არაბ მომთაბარე ტომთა ყოფა დროთა განმავლობაში, ნელა, მაგრამ მაინც იცვლებოდა. ამ თვალსაზრისით, ირან-ოსმალეთის საზღვრის დამდგენი კომისიის ერთ-ერთი წარმომადგენელი, ხურშიდ ეფენდი არაბ ტომებში ამჩნევს 4 ძირითად გარდამავალ საფეხურს: 1. „ბადავი“ ანუ ბედუინები, რომლებიც ცხოვრობენ უდაბნოებში, მისდევენ მესაქონლეობას, კერ-

¹⁰¹ Lycklama a Nijeholl, Voyage en Russie, au Caucase et Perse, t. III, p. 225.

ბოდ, მეცხენეობას, ფლობენ მიწის გარკვეულ ნაკვეთებს, მაგრამ იმის გამო, რომ ერთ ადგილზე ისინი თითქმის არასდროს არ არიან, ამ ნაკვეთებს დასამუშავებლად აძლევენ ფელაჰებს და მოსავალს იყოფენ მათთან ერთად: 2. „შაუიე“ — ტომები, რომლებიც, აგრეთვე მისდევენ მესაქონლეობას, უმთავრესად მეცხვარეობას, მაგრამ „ბადავი“-ს არაბებისაგან განსხვავებით, მათი მოძრაობის არე შედარებით მცირეა (რადგან ცხვარს აქლემივით შორს სიარული არ შეუძლია) და ნაწილობრივ ეწევიან მიწათმოქმედებას; 3. „მა-ადან“ — ჭგუფი, კატეგორია არაბებისა, რომელთა არსებობის ძირითადი წყარო, მართალია, მესაქონლეობა, კერძოდ, მეკამეჩეობაა, მაგრამ ვინაიდან კამეჩს წყალი უყვარს და მდინარიდან შორს მათი გადარეკვა არ შეიძლება, ამიტომ პატრონებსაც მდინარეების, არხების, საგუბრების, კაობების ახლოს უხდებათ ყოფნა და მეჯოგობასთან ერთად მისდევენ მიწის დამუშავებასაც; და ბოლოს 4. „ფელაჰები“, რომლებიც საბოლოოდ დამკვიდრდნენ მიწაზე, ამუშავებენ მას და მოჰყავთ მოსავალი¹⁰².

ერაყის მოსახლეობის მწარმოებელი ფენების (ფელაჰების, ხელოსნებისა და „შავი მუშების“) ნაწილს სახნავ-სათესი მიწა ან სრულებით არ გააჩნდა, ანდა მისი ოდენობა იმდენად მცირე იყო, რომ არ ჰყოფნიდა და იძულებული ხდებოდა სამუშაოს საქებნელად სხვადან წასულიყო. მოსახლეობის ეს ნაწილი შეადგენდა ცალკე კატეგორიას, რომელსაც ეწოდებოდა „აკლამი სალასე“ ანუ მესამე კლასი¹⁰³. მასში შედიოდნენ:

- 1 „დოიკენჯიები“ — საფლავებზე ამოსული ეკლიანი ბალახის (დოიკენ) შემგროვებელნი. მათ ეს ბალახი ქალაქში მიჰქონდათ და საწვავად ჰყიდოდნენ.
- 2 „დოლაბჩიები“ — კამეჩის ტყავისაგან სათლების მკეთებელნი.
3. „ჩობნები“ — მწყემსები.
- 4 „იოურტები“ — მემაწვენები.
- 5 შავი სამუშაოების (რანჯბარლიკ) მუშები, რანჯბარები.
6. „ხანჯიები“ — ქარვასლის პატრონები.
- 7 სახელმწიფო არხებზე და „თიმარლიკებზე“ მომუშავე ფელაჰები.
- 8 „ბემიჯიები“ — მენავეები.
9. „პამმალეები“ — მეზარეუნი, მტვირთავეები.

¹⁰² Хуршид Эфенди, დასახ. ნაშრომი, გვ. 51—53; А. А. Адамов, დასახ. ნაშრომი, გვ. 152.

¹⁰³ Хуршид Эфенди, დასახ. ნაშრომი, გვ. 96.

- 10 „ა ლ ე ფ ჩ ი ე ბ ი“ — მთიბაეები.
- 11 „პ ა მ ა მ ჭ ი ე ბ ი“ — მეაბანონენი.
- 12 „ა შ ჩ ი“ — მზარეულნი.
- 13 „ა ი ვ ა ზ“ — მეეტლენი.
- 14 „კ ა ს ა ბ“ — ცასბები.
- 15 „ო ლ უ ნ ჭ ი ე ბ ი“ — საწვავით მოვაქრენი.
- 16 „ა კ ი ა მ“ — ქარაენის მსახურნი.
- 17 „კ ე მ უ რ ჭ ი“ — მენახშირენი.
- 18 „ღ ე ვ ე ჭ ი ე ბ ი“ — აქლემების გამრეკნი, გამყოლნი.
- 19 „ღ ი უ რ გ ე რ“ — დურგლები.
- 20 „ზ ა ჰ ი რ ე ჩ ა რ შ ი ს ი ნ დ ა პ ა ს ი ბ ა ნ“ — ბაზრებში სასურსათო საწყობების დარაჯები.
- 21 სახედრების გადაამყიდველი ჩარჩები („მერქებ ქამბაზი“).
- 22 თულუხჩები ანუ სახედრებით წყლის მზიდველნი („მერქებე საკალილი“).
23. „თ უ ბ ა“ — მსახურნი.
- 24 „ი ო რ ქ ა ნ ჭ ი“ — მესაბნეები.
- 25 „ბ ა კ კ ა ლ“ — ბაყლები.
- 26 „ქ ა მ ი რ ჭ ი ე ბ ი“ — ჯორების გამყოლნი, გამრეკნი.
- 27 „ქ ა მ ი შ ხ ა ს ი რ ჭ ა ს ი“ — მეჭილობენი.
- 28 „კ ო ნ ა კ კ ა პ უ ჭ უ ს უ“ — მექარენი.
- 29 „ი უ ნ თ უ ჭ ა რ ი“ — მატყლით მოვაქრენი.
- 30 „კ ა ი კ ჩ ი“ — მენაენი.
- 31 „კ ი რ ე ჭ - პ ა მ მ ა ლ ი“ — კირის დამტარებლები, მტვირთავები.
- 32 „ღ ი კ ი ჭ ი“ — თერძები.
- 33 აშქრის (ასნაფ) მეღუქნეები.

ხურშიდ ეფენდის გამოანგარიშებით, XIX ს-ის შუა ხანებამდე ერავში (ბაღდადის საფამოში) სულ ცხოვრობდა „აკლამი სალასე“-ს კატეგორიის 12109 კომლი. აქედან 9496 კომლი ბაღდადის ეიალეთში იყო, ხოლო 2613 კომლი — შაჰრიზურისაში.

ქართველი მამლუქების მმართველობის დასასრულამდე „აკლამი სალასე“-ს ჰყოფდნენ სამ ჯგუფად და ერთმანეთისაგან გასარჩევად ერთს ეწოდებოდა „აჰშამათ“, მეორეს — „ქარა ულუს“, ხოლო მესამეს — „ქარაულ“.

„აჰშამათს“ შერთავდა „აჰშამათ ალასი“ (ყოშის ანუ ბანაკის ზედამხედველი), რომელიც ინიშნებოდა უშუალოდ ბაღდადის გა-

მგებლის მიერ და ცხოვრობდა იმავე ქალაქში. იგი კრეფდა გადასახადებს ტაიფებიდან.

„კარა ულუსის“ მეთაური იყო ბეგი. მას ირჩევდნენ თვით კარაულუსელები თავიანთი წრიდან. ბეგი ან კარაულუსელები უშუალოდ ემორჩილებოდნენ სასახლის მოხელეთა უხუცესს, „კაპუჯილარ ქეთხუდას“.

„კარაულებს“ ხელმძღვანელობდა ბაღდადის ვალის მიერ დანიშნული უფროსი, „კარაულ ალასი“¹⁰⁴.

ქართველი მამლუქების ძალაუფლების დამხობის შემდეგ სამივე ეს თანამდებობა გაუქმდა.

XVIII—XIX საუკუნეებში ერაყის ქალაქის მოსახლეობა ოთხი ძირითადი სოციალური ფენისაგან შედგებოდა: 1. „ულემები“, 2. „ეუჯუჭები“, 3. „თუჯარები“ და „ასნაფები“ 4. „აილაკები“.

„ულემების“ ფენას ეკუთვნოდნენ სწავლულნი, მეცნიერები, მესლიმური სამართლის (შარიათის) მცოდნენი, ლიტერატურის, ხელოვნებისა და კულტურის წარმომადგენლები. ეს ფენა ყველაზე მცირერიცხოვანი იყო, მაგრამ ყველაზე დიდი ავტორიტეტით სარგებლობდა.

პრივილეგირებულ ფენას შეადგენდნენ აგრეთვე „ეუჯუჭები“ — საზოგადოების მაღალი, შეძლებული ჯგუფი, დიდგვაროვნები და ქულებენები ანუ მამლუქები.

ღირსება-უფლებების მიხედვით ეუჯუჭებზე დაბლა იდგნენ ვაჭრები („თუჯარ“) და ამქრას წევრები. მათი ასეთი მდგომარეობის ერთ-ერთი მიზეზი ის იყო, რომ ოსმალეთში არ იყო დაცული „ბურჟუაზიული მოხმარების ძირითადი პირობა — ვაჭრის პიროვნებისა და მისი საკუთრების უშიშროების უზრუნველყოფა“¹⁰⁵. ამ მხრივ ვაჭარ-ხელოსანთა პირობების გაუმჯობესების ცდას ადგილი ჰქონდა ერაყში 1780—1831 წლებში, მაგრამ ამას რადიკალური გარდატეხა არ მოუხდენია. ვაჭრობა და ხელოსნობა ნელი ტემპით ვითარდებოდა.

ყველაზე სავალალო მდგომარეობაში იყვნენ „აილაკები“ — ქალაქის შავი მუშები, რომლებიც მძიმე შრომით ძლივს ირჩენდნენ თავს. არსებობის რთული პირობები უბიძგებდა მათ ქურობისაკენ, მაგრამ მკაცრი სასჯელის გამო ესეც ძვირად, ფიზიკუ-

¹⁰⁴ ჩენი მსჯელობა ე. წ. „მესამე კლასის“ შესახებ დაფუძნებულია ხურშიდ ეფენდის ცნობებზე (იხ. ზისი დასახ. ნაშრომი, გვ. 176—196).

¹⁰⁵ К. Маркс, Ф. Энгельс, Сочинения, т. XVI, ч. II, стр. 22.

რი დაზიანების (ყურის და ხელის მოკვეთა) ან სიცოცხლის ფასად, უჭლებოდათ¹⁰⁶.

თ ა ვ ი მ ე ო თ ხ ე

ბადასახადები და საბადასახადო სისტემა

პოლიტიკურად ოსმალეთს დაქვემდებარებულ ერაყში საგადასახადო სისტემაც ძირითადად ოსმალური იყო. ოსმალური გადასახადების შესწავლაში თავიანთი წვლილი შეიტანეს აბდ-არ-რაჰმან ვაკიფმა, ფ. ბელენმა, ი. ჰამერმა, ე. სმირნოვმა, ო. ბარკანმა, ლ. ფეკეტემ, ჰ. გიბმა, ჰ. ბოვენმა, ა. მილერმა, ა. ტვერატინოვამ, ი. უზუნჩარშილიმ, ჰ. ინალჩიკმა, მ. გოქბილგინმა, დ. იხჩიევმა, ბ. ჯურჯევმა, ი. სოკოლოვმა, ს. ჯიჩიამ, ვ. გაბაშვილმა, გ. ფუთურჩიძემ, ნ. შენგელიამ, გ. იბრაჰიმოვმა და ბევრმა სხვამ საარქივო მასალების გამოქვეყნებით თუ საყურადღებო გამოკვლევებითა და გამოთქმული მოსაზრებებით. ჩვენი მსჯელობა გადასახადებისა და საგადასახადო სისტემის შესახებ დაფუძნებულია, ძირითადად, ჩამოთვლილი ავტორების მიერ გამოქვეყნებულ წყაროებზე და გამოკვლევებზე, აგრეთვე ხურშიდ ეფენდის, ა. ადამოვის, ლ. კოტლოვისა და სხვათა ნაშრომებზე.

მუსლიმური სამართლის მიხედვით, სახელმწიფო ქვეშევრდომი ქვეყნების მოსახლეობას ახდევინებდა ოთხ ძირითად გადასახადს: ხარაჯას, ჯიზიას, უშრს და ზაქათს, რომელსაც სადაკაც ერქვა. ამ გადასახადებს კანონიერი — „რუსუმი შარიე“ ან „თაქალიფი შარიე“ ეწოდებოდა¹. წყაროთა მიხედვით, გადასახადთა ამ რიგს უნდა ეკუთვნოდეს აგრეთვე ხუმსი, რომელიც თავისი შინაარსითა და მნიშვნელობით აღნიშნული გადასახადებისაგან მხოლოდ რამდენადმე განსხვავდებოდა².

¹⁰⁶ Х у р ш и д Э ф е н д и, დასახ. ნაშრომი, გვ. 69—71 (აქ მოცემულია ქალაქის სოციალური ფენების დახასიათება).

¹ А. С. Т в е р и т н о в а, Восстание Кара Языджи—Дели Хасана в Турции, стр. 31; Аграрный строй Османской империи, стр. 213.

² ე. ს ი ხ ა რ უ ლ ი ძ ე, არაბული გადასახადები, „ნარკვევები მაზლობელი აღმოსავლეთის ისტორიიდან“, გვ. 86.

შარიათის მიერ დაკანონებულ გადასახადთაგან ერთ-ერთი ყველაზე გავრცელებული „ხარაჯა“ იყო. ვარაუდობენ, რომ ეს ტერმინი ბიზანტიური წარმოშობისაა³. ბიზანტიიდან ის სასანურ ირანში შესულა, ხოლო იქიდან კი ჯერ არაბთა სახალიფოში, შემდეგ სელჩუკიანთა სახელმწიფოში და ბოლოს ოსმალეთში. ხარაჯა იმთავითვე საადგილშემულო გადასახადს ნიშნავდა და აიღებოდა ყოველგვარი პროდუქტიდან, რომლის აწონა შეიძლებოდა. ის ორი სახისა იყო: „ხარაჯა მუკასამა“ და „ხარაჯა მასაჰა“. პირველი იყო გადასახადი მოსავლის სიდიდის მიხედვით, მეორე — მიწაზე დაწესებული გადასახადი ფართობის მიხედვით. ოსმალეთამდე ხარაჯის ხან ერთი ფორმა ბატონობდა, ხან — მეორე. ოსმალთა ბატონობის დროს კი, როცა გადასახადით იბეგრებოდა მოსავალი და არა მიწის ფართობი, „ხარაჯა მასაჰა“ თითქმის მთლიანად გაქრა. იგი შესცვალა „ხარაჯა მუვაზაფმა“ — მიწაზე დაწესებულმა ფულადმა გადასახადმა, რომელიც შეესაბამებოდა მუსლიმებზე დაწესებულ გადასახადს „რესმი ჩიფთს“ (იხ. ქვემოთ). რაც შეეხება „ხარაჯა მუკასამას“. ის დარჩა და გაუტოლდა „უშრს“ (იხ. ქვემოთ). მაგალითად, ყარაშინის ვილაიეთის კანონთაკრებულში რაიას მიერ ხარაჯის გადასახადის შესახებ ვკითხულობთ: „თუ რაიას მიწა თიმარის ფარგლებშია, იგი თიმარის მფლობელს უხდის მის გადასახადებს, უშრსა და სალარლიქს“⁴.

თავიდანვე ხარაჯა მიწაზე დაწესებული გადასახადი იყო და მას იხდიდნენ არამუსლიმები, მაგრამ შემდეგ ის თანდათან შეერწყა სულად გადასახადს ჯიზიას და, უკვე XVIII საუკუნის დასასრულიდან მის სინონიმად იქცა⁵. XVII საუკუნეში ხარაჯა 285 აქჩას შეადგენდა⁶, შემდეგ ის საგრძნობლად გაიზარდა და მერყეობდა მოსავლის 1/10-იდან 1/2-მდე. ხარაჯას ერაყში XVIII—XIX სს-ში სხვანაირად ხარაჯი-ხანესაც უწოდებდნენ.

ხარაჯასთან ერთად ფართოდ გავრცელებული „კანონიერი“ გადასახადი იყო „ჯიზია“ — სულადი გამოსაღები. რომელსაც სახა-

³ P. Schwarz, Die Herkunft von arabisch Harag (grand) Steuer. Der Islam, 1915, Bd. IV, H. I, S. 97.

⁴ Аграрный строй Османской империи, стр. 51, 217.

⁵ B e l i n, Essais sur l'Histoire économique la Turquie, Paris, 1865, 273; A. Ф. М и л л е р, Мустафа паша Байрактар, М.-Л., 1947, стр. 30, 38; А. Д. Н о в и ч е в, История Турции, т. II, ч. I, стр. 11; А. А. А д а м о в, Ирак арабский, стр. 173.

⁶ А. С. Т в е р и т и н о в а, Второй трактат Кочибей, стр. 251.

ლიფოს წარმოქმნის (VII ს.) პირველივე დღეებიდან მოყოლებული მუსლიმი გამგებლები ახდევინებდნენ „ზიმეებს“ ანუ არამუსლიმ მოსახლეობას სამხედრო სამსახურის სანაცვლოდ. არაბი მწერლის, აბუ იუსუფ იაკუბის ცნობით, ჭიზიას იხდიდნენ სრულწლოვანი, ჯანმრთელი მამაკაცები. ქალები, მცირეწლოვნები, მოხუცები, ავადმყოფები, მათხოვრები და ბერ-მონაზვნები ჭიზიასაგან თავისუფალი იყვნენ⁷.

ამ რამდენიმე ხნის წინათ გამოითქვა მოსაზრება, რომ ჭიზია წარმოადგენს „გამოსასყიდს და მომდინარეობს სპარსული „გე-ზიტა“-დან (გამოსყიდვა), რომელიც, როგორც სულადი გადასახადი მოზრდილებზე, გავრცელებული იყო სასანურ ირანში. ამ შეხედულების ავტორს, ტ. სიპენკოვას ეკუთვნის აგრეთვე ის მოსაზრებაც, რომ „ჭიზია აიღებოდა არა მარტო სულადი, არამედ როგორც საკომლო გადასახადი“⁸.

ჭიზია წლიური გადასახდი იყო და მთლიანად ხაზინას ბარდებოდა. მისი სიდიდე განისაზღვრებოდა დაბეგრისლს გამამხდელუნარიანობის მიხედვით. XVII საუკუნემდე ის შეადგენდა ლარიებზე 10, საშუალოებზე 20 და მდიდრებზე 30 აკჩას, ხოლო XVIII—XIX საუკუნეებში უკვე სამჯერ მეტს, რაც გარკვევით ჩანს მაგ., დამასკოს ვილაიეთის კანონთა კრებულიდან. აქ პირდაპირაა ნათქვამი, რომ „ქაფირები, რომლებიც ხსენებულ ლივაში ცხოვრობენ, მისი უდიდებულესობის ბრძანებულებით იხდიან ჭიზიას 40 თარას სულზე, რაც შეადგენს 80 უ ს მ ა ნ ი ს“⁹. ქვეშთ ისიცაა მითითებული, რომ იმავე სულთნის ბრძანებულებით ჭიზია გაუდიდებიათ ქაფირებზე 5 აკჩით და ებრაელებზე 10 აკჩით¹⁰, ე. ი. გაუზღიათ 85—90 აკჩა. ამ ზომით ჭიზიას გადახდა მოსახლეობას, ეტყობა, არ შეეძლო და სულთნის ხელისუფლება იძულებული გამხდარა ეს გამოსალაბი შეეცვალა ხარაჯით: „რადგან ჭიზია, რომელსაც ქაფირები იხდიდნენ, იყო მეტისმეტად დიდი და მათმა... გალატაკებამ უკიდურესობამდე მიადწია, სულთანს მოხსენდა, რომ დაეწესებინა ხარაჯა სულზე 40—60 აკჩა და იმ დროიდან ასე ახდევინებდნენო“, — ნათქვამია მოსულის ლივის კანონთა წიგნში¹¹.

⁷ Т. М. Сипенкова, К истории завоевания Закавказья арабами (Вопросы истории стран Азии, Ленинград, 1965, стр. 145—146, 151).

⁸ Аграрный строй Османской империи, стр. 199.

⁹ უ ს მ ა ნ ი ს (عشمانی) — ასე უწოდებდნენ არაბები თურქულ აკჩას.

¹⁰ Аграрный строй Османской империи, стр. 79.

¹¹ ი ქ ვ ე, стр. 68.

ხარაჯით ჯიზიას შეცვლას მოჰყვა ამ უკანასკნელის გაუქმება 1856 წელს. გაუქმების მიზეზი იყო ისიც, რომ თუ აღრე არამუს-ლიძებს ჯარში არ ღებულობდნენ და სამხედრო სამსახურის ნაც-ვლად ჯიზიას ახდევინებდნენ, XIX საუკუნეში მდგომარეობა შეი-ცვალა. ქაფიურების გაწვევა ჯარში ჩვეულებრივ მოვლენად იქცა. ჯიზია შეცვალა სამხედრო გადასახადმა — „ბადალი ასკერიემ“.

მუსლიმურ საგადასახადო სისტემაში მნიშვნელოვანი ადგილი ეჭირა „უშრს“ (მეთელი) მიწაზე დაწესებულ ძირითად გადა-სახადს. აბუ იუსუფ ია'კუბთან იგი ორგვარი გამოსაღებია: გადა-სახადი მიწაზე როგორც საკუთრებაზე (ამ კატეგორიის მიწებს უშრის მიწებს უწოდებენ)¹² და გადასახადი გასასყიდ პროდუქტებ-ზე, საქონელზე. პირველ შემთხვევაში უშრს იხდიდა მუსლიმი, ხოლო მეორე შემთხვევაში, როცა საქონელი ბაზარზე გასატანად ანუ სავაჭროდ იყო გამიზნული, უშრი უნდა გაეღო ყველას, რო-გორც მუსლამს, ისე არამუსლიმს. უშრი აიღებოდა ჩვეულებრივ იმ პროდუქტიდან, რომლებიც მიწაზე მოდიოდა, შესანახად გამოდგე-ბოდა და აიწონებოდა რატლით¹³ ან აიზომებოდა კაფიზით¹⁴. სხვა პროდუქტებიდან უშრის აღება ნებადართული არ იყო. აკრძა-ლული იყო, აგრეთვე, მისი აღება წელიწადში რამდენიმეჯერ¹⁵, ის მხოლოდ ერთხელ აიღებოდა.

არაბთა სახალიფოში დაკანონებული ეს გადასახადი იმავე ში-ნაარსთა და მნიშვნელობით არსებობდა ოსმალთის დროსაც. ამ პერიოდშიც უშრით იბეგრებოდა სოფლის მეურნეობის პროდუქ-ტები: ხორბალი, ქერი, კვავი, ბამბა, მუხუნო, ოსპი, ქუნუქუთი, ლობიო, ცერცვი, სელი, ქერელი, ყურძენი, ბადაგი, თაფლი, ბარდა,

¹² არაბთა სახალიფოში გაბატონებული საგადასახადო სისტემის მიხედვით მი-წები ორი კატეგორიის იყო: უშრის, რომელიც განიხილებოდა როგორც საკუთრება და ხარაჯის, სადაც მხოლოდ მფლობელობა იჯულისხმებოდა (ვ. გ ა ბ ა შ ვ ი ლ ი, ქართული ფეოდალური წყობილება, გვ. 162).

¹³ რ ა ტ ლ ი (طلي) — წონის ერთეული, უდრის 144 დირჰემს (დრაჰმა) ანუ 449,28 გრამს. მისი სიდიდე სხვადასხვა დროს და სხვადასხვა ქვეყნებში გან-სხვავებული იყო.

¹⁴ კ ა ფ ი ზ ი, ფართობის საზომი ერთეული, უდრის 1/10 ჯერიბს. ჯერიბი (جراب) უდრის 400 კვ. მასს (عسا), ხოლო მასა ერთი საყენის ტოლია. კაფიზი წონის ერთეულიც იყო და უდრიდა 55 ლიტრს.

¹⁵ 'ა ბ შ ი შ ს შ უ ი ა ' კ უ ბ ი, დასახ. ნაშრომი, გვ. 157—159; ე. ს ი ხ ა რ უ ლ ი ძ ე, დასახ. ნაშრომი გვ. 94—95.

ხახვი, ნიორი, მწვანელი, თივა და სხვა, რაც ბალ-ბოსტნებში, ვენახებში, სათიბებსა და სახნავ-სათეს ადგილებში მოდიოდა.

ოსმალეთში უშრს იხდიდნენ მხოლოდ მუსლიმები. ქაფირებზე შეწერილი იგივე გადასახადს „ხარაჯა მუკასამა“ ეწოდებოდა. უშრი ვრცელდებოდა როგორც თიბარებსა და ზიამეთებზე, ისე კერძო მიწებზე. ამის შესაბამისად, პირველიდან აღებულ უშრს ეწოდებოდა „უშრ დივანი“, ხოლო მეორიდან, ე. ი. კერძო მიწებიდან აღებულ ასეთსავე გადასახადს — „უშრ შალიქანი“¹⁶.

უშრის შემოსავალი ნაწილდებოდა ასე: ხაზინის მიწებიდან უშრი ეკუთვნოდა სახელმწიფოს, თიბარებიდან და ზიამეთებიდან — მათ მფლობელ სიფაჰებს. თავიდანვე უშრი ნატურალური გადასახადი იყო და პროდუქტებით ბარდებოდა. XVI საუკუნიდან კი მას ფულით იხდიდნენ, რადგან „მისი გადახდა ნატურით რაიებს უჭირდათო“, — ნათქვამია ბურსის (ხუდავენდიარის) ლივის კანონთა კრებულში¹⁷.

უშრის გადასახადი აიღებოდა ზოგჯერ მიწის ფართობის, ზოგჯერ მოსავლის რაოდენობის მიხედვით. ორსავე შემთხვევაში გათვალისწინებული იყო კონკრეტული პირობები და თავისებურებანი. მაგალითად, ფართობის მიხედვით თავლზე უშრის დადგენა შეუძლებელი იყო, ამიტომ ის ან ფუტკრის ოჯახთა რაოდენობის მიხედვით უნდა განესაზღვართ, ანდა თავლის მოსავლის მიხედვით.

ოსმალური საკანონმდებლო აქტებიდან ჩანს, რომ უშრის გადასახადი ყველგან და ყოველთვის უშრს ანუ მეათედს არ უდრიდა. ბურსის ლივაში ბალ-ბოსტნებზე, რომელთა ფართობი დონუმებით იზომებოდა, უშრი შეადგენდა ზოგან 10, ზოგან 5, ზოგან 3 აქას, ზოგან კიდევ ნაკლებს, 2, 1/2 აქას; აიღინის ლივაში ბადაგზე უშრი შეადგენდა 1/5-ს; ხოლო მოსულის ლივაში კი ის ბამბაზე უდრიდა 1/6 და ნაყოფის მომცემ მცენარეზე 1/7-ს¹⁸.

ძირითადი მიზეზი იმისა, რომ უშრის გადასახადი ყველგან და ყოველთვის მეათედს არ უდრიდა, იყო გეოგრაფიულ-კლიმატური პირობები და ამასთანავე მოსავლის მოყვანისათვის გაწეული აუცილებელი შრომა. ერაყში უშრის გამოსაღების ოდენობა პირდაპირ იყო დამოკიდებული სავარგულების რწყვის საშუალებებზე

¹⁶ Н. Н. Шенгелія, Османские налоги и налоговая система по «Пространному реестру Гурджиистанского вилайета (автореферат), Тб., 1961, стр. 10.

¹⁷ Аграрный строй Османской империи, стр. 41.

¹⁸ იქვე, გვ. 41, 49, 63.

(სარწყავ სისტემაზე) და შრომაზე. „მავე“ ანუ „საგი“ ტიპის ნათესები, რომლებიც ირწყვებოდა პატარა არხებითა და თხრილებით მიყვანილი წყლით, იბეგრებოდა მოსავლის 1/5-ით; „კებე“ ტიპის ნათესები, ანუ ისეთი სავარგულები, რომლებიც მდინარეების ნაპირას იყო განლაგებული და დატბორვით ირწყვებოდა, იბეგრებოდა მოსავლის 1/3-ით; ხოლო ისეთი ნათესები, როგორც იყო „დემი“ და „კერი“, რომლებიც წყლის საქაჩი მოწყობილობით ან წვიმით ირწყვებოდა, — იბეგრებოდა მოსავლის 1/10-ით¹⁹, რადგან ამნაირი წყლით მოსავლის მოყვანა უფრო შრომატევადი და საჯათო იყო, მოითხოვდა დამატებით ხარჯებს.

უშრი თავისი შინაარსით შეესაბამებოდა „ზაქათს“ — გადასახადს, რომელსაც იხდიდნენ, აგრეთვე, მუსლიმები წელიწადში ერთხელ ლატაკათავის, რელიგიაური დაწესებულებებისა თუ ორგანიზაციის სასარგებლოდ. ზაქათს იხდიდნენ ქონებრიდან: საცხოვრებლებიდან, საოჯახო ნივთებიდან, საქონლის ჯოგებიდან, მარცვლეული კულტურებიდან, ხილიდან და სხვ.²⁰ ზაქათი, მართალია, „მეთაღს“ (უშრს) უტოლდებოდა, მაგრამ ეს მნიშვნელობა მას მამინ ჰქონდა, როცა მოსავლიდან აიღებოდა. სხვა შემთხვევაში ზაქათი წლიური შემოსავლის 1/40-ს უდრიდა.

ზაქათი ანუ „სადაკა“ (სამოწყალო) ისეთივე ძველი გადასახადია, როგორც უშრი, ჯიზია და ხარაჯა. აბუ იუსუფ ია'კუბის თქმით, სადაკა მუჰამედის მიერ იყო დაწესებული. სხვადასხვა დროს სხვადასხვა სიდიდის გადასახადს წარმოადგენდა. მისი აღებაც სხვადასხვანაირად ხდებოდა. სახალიფოში 40 ცხვრიდან 120-მდე აიღებოდა 1 ცხვარი, 200 ცხვარზე — 2, 300 ცხვარზე — 3 და ა. შ. ყოველ 100 ცხვარზე 1 ცხვარი²¹. ოსმალთბის დროს ნატურალური გადასახადი შეიცვალა ფულადით და XVII ს.-მდე რაია 2 ცხვარზე იხდიდა 1 აკჩას, XVII საუკუნეში ცხვარზე აკჩას²², ხოლო XVIII—XIX

¹⁹ А. А д а м о в, Ирак арабский, стр. 169, Сборник консульских донесений, год восьмой, вып. II, СПб., 1905, стр. 30; P. W. I r e l a n d, დასახ. ნაშრომი, გვ. 115.

²⁰ А. С. Т в е р т и н о в а, Восстание Кара Языджи, стр. 32; ე. ს ი ხ ა რ უ ლ ი ძ ე, დასახ. ნაშრომი, გვ. 96.

²¹ ა ბ ბ ი ი შ ს შ ე ი ა ' კ უ ბ ი, დასახ. ნაშრომი, გვ. 90—91; ე. ს ი ხ ა რ უ ლ ი ძ ე, დასახ. ნაშრომი, გვ. 96. ზაქათი ანუ სადაკა აიღებოდა სხვა პირუტყვიდანაც, გარდა სასაპალნე, მუშა საქონლისა. გადასახადის სიდიდე სხვადასხვანაირი იყო.

²² გურჯისტანის ვილაიეთის დიდი დავთარი, წ. 11, გვ. 2—3; გ. ფ უ თ უ რ ი ძ ე, გადასახადები და სავადასახალო სისტემა ოსმალეთში, გვ. 256—257.

საუკუნეებში გაცილებით უფრო მეტს. შარიათის თანახმად, აკრეფილი თანხა და ქონება უნდა დარიგებოდა ქვრივ-ობლებს, ქარავანს ჩამორჩენილ მგზავრებს, ღარიბ-ღატაკებს, რომელთაც გადასახადების გადახდა აღარ ძალუძო, და ყოველ გაქირვებულს, მაგრამ ეს წესი არასდროს არ სრულდებოდა. აკრეფილი გადასახადი ხაზინაში შედიოდა.

წყაროებში „კანონიერ გადასახადთა“ შორის ხშირად მოხსენიებულია „ხუმსიც“ (მეხუთედი). ადრე (არაბთა სახალიფოში) ეს გადასახადი გადაკვეთილი იყო ლითონებზე (როგორცაა ოქრო, ვერცხლი, რკინა, ტყვია, თუთია) და სხვადასხვა სახის განძეულობაზე²³. მაგრამ დროთა განმავლობაში ეს წესი თანდათან შეიცვალა და უკვე ოსმალობის დროს ის წარმოადგენდა ისეთივე სახის საშემოსავლო გადასახადს, როგორცაა უშრი. ხუმსით იბეგრებოდა არამუსლიმების მოსავალი²⁴. ამ მნიშვნელობით ხუმსი არაერთგანაა მოხსენიებული წყაროებში. მოსულის ლივის კანონთა კრებულში აღნიშნულია, რომ სოფლად მცხოვრებნი მოსავლიდან იხდიან ხუმსს²⁵. ხურშიდ ეფენდის ცნობით, ერაყში ხუმსი მთლიანად ბარდებოდა ხაზინას. მისივე ცნობიდან ჩანს, რომ ხუმსი იქ ეწერებოდა ხურმის ხეებს, საშემოდგომო ნათესებს და იჯარით გაცემულ მიწის ნაკვეთებს, თუკი ეს უკანასკნელი წარმოადგენდა სახელმწიფოს და არა კერძო ან ვაკფის მიწებს²⁶.

ამ „კანონიერი“ გადასახადების საფუძველზე წარმოიშვა მთელი რიგი სხვადასხვა სახელწოდების გადასახადები. ხარაჯის ერთ-ერთმა სახეობამ „ხარაჯა მუეაზაფამ“ (საადგილმამულო გადასახადი) თავისი გამოსახულება პოვა ისეთ გადასახადებში, როგორც იყო „რესმი ჩიფთი“ (იგივე „ჩიფთ აჩჩესი“), „რესმი თაფუ“, „რესმი დონუმი“, „ბენაქი“ და სხვ.; ხარაჯა მუეასამას (გადასახადი მოსავალზე) და უშრის სახესხვაობა „რესმი ბახჩი“, „რესმი ბუსთან“, „რესმი ბალ“ და სხვ., ე. ი. გადასახადები, რომლითაც იბეგრებოდა ბალ-ბოსტნებისა და ვენახების ნაყოფი, პროდუქტები; ზაქათს განეკუთვნებოდნენ პირუტყვზე დაწესებული გადასახადები („რეს-

²³ ე. ს. ი. ხ. ა. რ. უ. ლ. ი. ძ. ე, დასახ. ნაშრომი, გვ. 97.

²⁴ Аграрный строй Османской империи, стр. 219.

²⁵ Законоположение ливы Мосул (Аграрный строй Османской империи, стр. 63).

²⁶ Х у р ш и д Э ф е н д и и, Сияхет наме-и-Худуд (Описание путешествия), СПб., 1877, стр. 105—107, 124, 155.

მი აღნამ“, „რესმი ჭამუს“, „რესმი მერკებე“) და საბაჟო გამოსალღებელი²⁷.

XIX ს-ის დასაწყისში მოღვაწე თურქი ავტორი ‘აბდ არ-რაჰმან ვაფეკი თავის ნაშრომში „ოსმალური საგადასახადო სისტემის შესახებ“ ასახელებს 80 ასეთ გადასახადს²⁸.

„კანონიერი“ გადასახადების გარდა ოსმალეთში არსებობდა მთელი რიგი გადასახადებისა. დამყარებული ადათზე, ჩვეულებებზე, ტრადიციებზე. ამ რიგის გადასახადებს, განსხვავებით „კანონიერი“ გადასახადებისაგან ანუ „რუსუმი შარიესაგან“, ეწოდებოდა „თაქალიფი ურფიე“ ან „რუსუმი ურფიე“ — შარიათით გაუთვალისწინებელი გადასახადები. ‘აბდ არ-რაჰმან ვაფეკს ჩამოთვლილი აქვს ამ კატეგორიის 97 გადასახადი²⁹, რომელთაც ადგილობრივი წეს-ჩვეულებების გათვალისწინებით აწესებდნენ სახელმწიფოს უმაღლესი ხელისუფალნი, ცალკეული პროვინციების გამგებლები და ფეოდალები. ვაფეკის მიერ ჩამოთვლილი ყველა 177 გადასახადი, ცხადია, ერთდროულად არ არსებობდა. ისინი მოქმედებდნენ სხვადასხვა დროს, სხვადასხვა ადგილას და სხვადასხვა ზომით. მაგრამ ერთსა და იმავე დროს მოქმედ გადასახადთა რიცხვიც რამდენიმე ათეულს აღწევდა და ისინი ფართოდ იყო გავრცელებული ერაყში.

XVIII—XIX საუკუნეებში ერაყის ეიალეთებიდან ანუ საფაშოებიდან ორი — ბაღდადისა და ბასრის ეიალეთი, ისეთი აღმინისტრაციული ერთეული იყო, სადაც არ იყო გაბატონებული თიმარული სისტემა. ამიტომ ვალდებულნი იყვნენ ეხადათ „სალიანე“ — ყოველწლიური გადასახადი, ხარკი ოსმალეთის ცენტრალური ხელისუფლებისათვის. კოჩი ბეი გორიჯელის ცნობით, მარტო ბაღდადის ეიალეთს XVII ს-ში შეწერილი ჰქონდა 14 იუქ-აკჩა ანუ 1 400 000 აკჩა „სალიანე“³⁰. ამ გადასახადის ოდენობა კიდევ უფრო გაიზარდა XIX საუკუნეში. სალიანეს სახით აკრეფილი თანხის ნაწილი ხმარდებოდა პროვინციის გამგებლისა და იქ ჩაყენებული იენიჩრების გარნიზონის შენახვას, ხოლო დანარჩენი ბარდებოდა სახელმწიფო ხაზინას.

სალიანეს გარდა ხაზინას ბარდებოდა აგრეთვე „ავარიზი“ ანუ „ავარიზ ღივანიე“ — საგანგებო გადასახადი, რომელსაც იხდიდ-

²⁷ А. С. Тверитниова, Восстание Кара Языджи, стр. 32.

²⁸ აბდ არ-რაჰმან ვაფეკი, თაქალიფი კავალიფი, გვ. 26—28.

²⁹ იქვე, გვ. 91—118.

³⁰ А. С. Тверитниова, Второй трактат Кочибей, стр. 243.

ნენ ომიანობისა და სხვა უბედური შემთხვევების დროს გლეხები, გარდა ღარიბ-ღატაკებისა. XVI ს-მდე ავარიზი აიღებოდა დრო-გამოშვებით, 4—5 წელიწადში ერთხელ, კომლზე 20 აკჩას ოდენობით³¹. მაგრამ შემდეგ, როცა ოსმალეთის სახელმწიფომ დასუსტება იწყო და დაქირავებული ჯარის შენახვა უჭირდა, ავარიზი ყოველწლიურ გადასახადად იქცა. ამავე დროს, გადიდდა გამოსაღები თანხის ოდენობაც. კოჩი ბეი გორიჯელის ცნობით. XVI ს-ში ავარიზი კომლზე უკვე 40 აკჩას შეადგენდა, ხოლო XVII ს-ის პირველ ნახევარში—300 აკჩას³². ცნობების ნაკლებობის გამო ზუსტად ვერ ვიტყვით, რა მდგომარეობა იყო ამ მხრივ შემდეგ, XVIII—XIX საუკუნეებში, მაგრამ თუ გავითვალისწინებთ იმას, რომ ოსმალეთის საერთო მდგომარეობა მაშინ თანდათან უარესდებოდა, — ავარიზის გამოსაღები გაცილებით უფრო დიდი იქნებოდა. მან იარსება თანზიმათის რეფორმამდე და გაუქმდა 1839 წელს.

მართალია, ერაყი „სალიანელ“ (სალიანეს მქონე) ქვეყნად ითვლებოდა ოსმალეთის იმპერიაში და წესის მიხედვით იქ თიმარული სისტემა თითქოს არ უნდა ყოფილიყო, მაგრამ სინამდვილეში ასე არ იყო. XVIII—XIX საუკუნეებში ერაყში „სალიანელ“ ვიალეთებთან ერთად შედიოდნენ „სალიანესიზ“ ვიალეთებიც. ამიტომ თიმარული სისტემა იქ საკმაოდ იყო გავრცელებული. იქ არსებობდა გარკვეული რაოდენობის სახელმწიფო ანუ „მირის“ მიწები, სულთნის მიწები³³ („არღი სენე“), თიმარები და ზიამეთები. ამ კატეგორიის მიწების გაცემა კი ხდებოდა დროებით, „ბარათის“ ანუ „თაფუს“ საფუძველზე.

ზემოთ უკვე ვთქვით, რომ თაფუ წარმოადგენდა მოწმობას. იურიდიულ საბუთს, რომელიც უფლებას ანიჭებდა გლეხს დაემუშავებინა სახელმწიფოს, ვაკფის, ლენის მფლობელის ან სხვა მესაკუთრის გარკვეული ფართობის ნაკვეთი. მაგრამ ასეთი მოწმობა რომ მიეღო, მას აუცილებლად უნდა გაეღო თანხა. ამიტომ თაფუ იყო არა მარტო მოწმობა იმისა, რომ გლეხს უფლება ჰქონოდა აეღო და დაემუშავებინა გარკვეული ფართობის მიწის ნაკვეთი,

³¹ А. С. Твертинова, Восстание Кара Языджи, стр. 33; Аграрный строй Османской империи, стр. 192.

³² А. С. Твертинова, Второй трактат Кочибей, стр. 251; გ ფ უ თ უ რ ი ძ ე, დასახ. ნაშრომი, გვ. 257.

³³ ბაღდადის ეილაეთში ასეთი იყო მთელი სახნავ-სათესი მიწების 60%, ბასრის ეილაეთში—50%, ხოლო მოსულის ეილაეთში—60% (Б. И. Щелковник о в, დასახ. ნაშრომი, გვ. 181).

არამედ ამ უფლების მისაღებად დაწესებული გადასახადი³⁴ და ვალდებულება, რომლის საფუძველზე გლეხი უნდა მკდარიყო ფეოდალის მიწაზე. სხვანაირად რომ ვთქვათ, თავუფ თავისი შინაარსით მიწისმფლობელზე გლეხის ფეოდალური დამოკიდებულების გარკვეული ფორმა იყო³⁵, რომელიც თითქმის არაფრით განსხვავდებოდა ბატონყმური ურთიერთობისაგან³⁶

თავუფს გადასახადის გადახდა და მოწმობის, როგორც მიწით-სარგებლობის იურიდიული საბუთის, ალება ზღებოდა ერთდროულად. გადასახდელი თანხის ოდენობა დამოკიდებული იყო მიწის ზარისხზე. სულთან სულეიმან I-ის კანონთა წიგნის მიხედვით, კარ-

³⁴ ჰამერს თავუფ მიანიჭა „საიჯარო გადასახადად“ (J. Hammer, დასახ. ნაშრომი, ტ. I, გვ. 345, 376). მას საიჯარო გადასახადად თელიან აგრეთვე გ. იბრაჰიმოვი (იხ. Г. И. Ибрагимов, Крестьянские восстания в Турции в XV—XVI вв. «Византийский временник», т. VII, стр. 128) და ე. ავალანი (იხ. მისი ნიჭათმფლობელობის ფორმები აქარაში, გვ. 62), მაგრამ თავუფს გადასახადი თავისი შინაარსით არ იყო „საიჯარო გადასახადი“ მიუხედავად იმისა, რომ ის წარმოადგენდა ერთდროულ გადასახადს (იხ. А. С. Тверитинова, Книга законов султана Селима I, стр. 79; Н. Н. Шенгелия, Османские налоги и налоговая система по «Пространному реестру Гюрджистанского вилайета», стр. 13).

³⁵ А. С. Тверитинова, Восстание Кара Языджи, стр. 31; Б. Цветкова, Принос към изучаването на турския феодализъм в Българските земи през XV—XVI в «Известия на Института за българска история», часть II, стр. 119—120.

³⁶ А. С. Тверитинова, К вопросу о крестьянстве и крестьянском землепользовании, стр. 50. ტეერიტინოვას ამ მოსაზრების საწინააღმდეგოდ ე. ნოეინევი და ვ. მუთაფჩიევა აღნიშნავენ, რომ რაია ოსმალეთში სარგებლობდა ბრადო თავისუფლებით (А. Д. Новичев, К вопросу о феодальных отношениях и положении крестьян в Турции во второй половине XV века, «Ученые записки ЛГУ», № 294, серия востоковедческих наук, вып 12., Л., 1961, стр. 131; В. П. Мутафчиева, Аграрные отношения в Османской империи през XV—XVI в., стр. 186, 202) და. მაშასადამე, დამოკიდებული არ იყო ფეოდალზე, მაგრამ ის გარემოება, რომ ოსმალური კანონები ფეოდალს უფლებას ანიჭებდნენ 15—20 წლის მანძილზე ექვს თვითნებურად წასული რაია და ძალით დაებრუნებინა თავის მშველში, უეჭველი მოწმობაა ფეოდალზე გლეხის სრული დამოკიდებულებისა, ოსმალეთში ბატონყმური ურთიერთობის არსებობისა. იქ ასეთი ურთიერთობის არსებობაზე მოკვთითოებს აგრეთვე საბატონო ბეგარაი (გლეხს წელიწადში 7 დღე უნდა ემუშავნა ფეოდალის კარ-მიღამოში, ერთი დღე მართებდა მშენებლობაზე, უნდა გადაეხიდა მოსავალი კალოდან ბელელში და სხვ., რასაც არ უარყოფს ნოეინევი (იხ. მისი დასახ. ნაშრომი, გვ. 135). თურქი ფეოდალი იყო სრული ბატონბატონი მასზე მიწერილი გლეხისა, რომელიც უსიტყვოდ უნდა დამორჩილებოდა ფეოდალის ნება-სურვილს (Г. М. Ибрагимов, დასახ. ნაშრომი, გვ. 124).

გი მიწებიდან თავუ აოლებოდა 50 აკჩა, საშუალოდან 40—30 აკჩა, ხოლო ცუდი მიწებიდან—20—10 აკჩა³⁷. რაც ერთხელ უკვე იყო თავუდ გაცემული, იმაზე თავუ ხელახლა არ გაიცემოდა, თუ გლეხის ოჯახი არ ამოწყდებოდა. ამიტომ თავუს გადასახადის აღებაც ერთზე მეტად დაუშვებელი იყო. თავუს წესით გაცემული მიწა მემკვიდრეობით გადაეცემოდა მამიდან შვილებს, მაგრამ მათ თავუს გადახდა მართებდათ, თუ ისინი სრულწლოვნები იყვნენ. უღელმამო მცირეწლოვნებიდან კი თავუს აღება აკრძალული იყო³⁸.

თავუს მნიშვნელოვანი ადგილი ეკავა ოსმალეთის საგადასახადო სისტემაში. ფრანგი მეცნიერის ა. უბიჩინის ცნობით, 1875—1876 საფინანსო წელს გათვალისწინებული იყო, რომ თავუს შემოსავალს ხაზინაში უნდა შეედგინა 193 000 ქია, ანუ 96,5 მლნ. პიასტრი³⁹. ამაში არ შედის თავუს ის შემოსავალი, რომელიც თიმარების და ზიამეთების მფლობელთა სასარგებლოდ მიდიოდა. ამ შემოსავლის გარკვეული ნაწილის გადამხდელი ერაყის გლეხობა იყო. როგორც სხვაგან, ერაყშიც სახელმწიფო და ლენის მიწები გაცემული იყო თავუს წესით⁴⁰.

წყაროებში, კერძოდ ოსმალურ საკანონმდებლო აქტებში, ხშირადაა მოხსენიებული ბეჰარე — ყოველწლიური ნატურალური გადასახადი, რომელსაც გლეხი მოსავლიდან უხდიდა მიწისმფლობელს. როგორც ჩანს, ეს გადასახადი ძირითადად სარწყავი მიწების ნათესებიდან აღებოდა და მისი აღების ორი წესი არსებობდა: 1. აწყვითი და 2. დახვებითი. აწყვითი წესისას გლეხების მიერ მოწეულ და კალოზე მიტანილ მოსავალს აწყვდნენ და გამოჰყოფდნენ ბეჰარეს, რაც შეადგენდა მოსავლის 1/5-ს, 1/6-ს ან 1/7-ს. თუ კა-

³⁷ Г. М. Ибрагимов, Крестьянские восстания в Турции в XV—XVI вв., стр. 127; Книга законов султана Сулеймана Кануни, Аграрный строй Османской империи. стр. 26. თავუს ეს გამოსაღები XVI ს-ის სინამდვილიდან არის აღებული. XVIII ს-ში კი მისი ოდენობა გაცილებით მეტი უნდა ყოფილიყო, აადგან ცნობილია, რომ შემდეგ აკჩის კურსი დაეცა და XVII ს-ის 60-იან წლებში თუ ერთი ლერუში უდრიდა 80 აკჩას. იმავე საუკუნის ბოლოს ერთი ლერუში 120 აკჩას უდრიდა (Аграрный строй Османской империи, стр. 204. იხ. Куруш).

³⁸ Аграрный строй Османской империи, стр. 41, 212.

³⁹ A. Ubicini et Powet de Courtelle, Etat present de l'Empire Ottomane, Paris, 1876, p. 131 (ვიზოშებთ ა. ავალანის ნაშრომით „მიწისმფლობელობის ფორმები აკარაში“, გვ. 63).

⁴⁰ Л. Н. Котлов, Национально-освободительное восстание 1920 года в Ираке, М., 1958, стр. 15.

ლოდან უახლოეს ბაზრამდე სავალი გზა ერთ დღეს არ აღემატებოდა, გლეხი ვალდებული იყო ბეჰრე ბაზრამდე მიეტანა⁴¹.

იმ შემთხვევაში, როცა მოსავლის აწყვა არ ხერხდებოდა, მას დაახვევებდნენ 5, 6, 7 ადგილას და მიწისმფლობელი იღებდა მათგან 1/5-ს, 1/6-ს ან 1/7-ს, დანარჩენს გლეხები ინაწილებდნენ⁴². ბეჰრეს ოდენობა დამოკიდებული იყო მიწის ხარისხზე, მისი მორწყვის საშუალებებსა და, აგრეთვე, სხვა პირობებზეც. მაგალითად, თუ გლეხი მასზედ მიმაგრებულ მიწის ნაკვეთს (ჩიფთს ან ნახევარ ჩიფთს) არ დაამუშავებდა და სხვაგან წავიდოდა მიწის დასამუშავებლად. მას ორმაგი ბეჰრე უნდა გადაეხადა. ეს წესი ერაყშიც მოქმედებდა. ვინც ჩიფთზე ან ნახევარ ჩიფთზეა მიმაგრებული, ნათქვამია მოსულის ლივის კანონთა კრებულში, — სხვაგან მიწას ნულარ დაამუშავებს, თუ თავისი არ დაუმუშავებია. ხოლო, თუ მასზედ დაწერილი მიწა დაამუშაოს და სხვისის დამუშავებაც მოისურვოს, ბეჰრე მეორედ არ გადახდეს. ბეჰრეს მეორედ გადახდისაგან გლეხი გათავისუფლდეს მაშინაც, თუ მიწისმფლობელმა მას მიწა არ მისცეს თაფუთი და სხვისი მიწა დაამუშაოს: ბეჰრე განმეორებით გადახდეს მაშინ, თუ თავისი ნაკვეთი დაუმუშავებელი დატოვოს⁴³.

როცა გლეხი მასზედ დაწერილ მიწას დაუმუშავებელს დატოვებდა და მიწისმფლობელს ბეჰრეს არ მისცემდა, ის იბეგრებოდა „რესმი ჩიფთით“. ეს იყო საადგილმამულო გადასახადი, რომელსაც იხდიდა ჩიფთის⁴⁴ (ჩიფთლიკის) მქონე მუსლიმი გლეხი (რაია, ფელაჰი)⁴⁵. ურჯულონი ანუ „ქაფირები“ რესმი ჩიფთის მაგიერ მიწისმფლობელს უხდიდნენ „ი ს ფ ე ნ ჯ ს“ — სულად გადასახადს მამაკაცებზე. რომელიც მოსულის ლივაში უდრიდა 25 აკჩას⁴⁶. მიწის დაუმუშავებლობისათვის გლეხს რესმი ჩიფთისა და ისფენჯის გარდა უნდა გადაეხადა „ბოზ ბეჰრეც“. მაგრამ თუ მიწისმფლობელი მიწას სხვაზე გასცემდა თაფუთი, მაშინ ის, ვისზედაც მიწა აღრე

⁴¹ Аграрный строй Османской империи, стр. 66.

⁴² იქვე.

⁴³ იქვე, გვ. 63—64.

⁴⁴ არაბულ ქვეყნებში ჩიფთს ფედანი ეწოდებოდა.

⁴⁵ სულთან სულეიმან I-ის კანონთა წიგნის მიხედვით, სრული ჩიფთლიკიდან რესმი ჩიფთი შეადგენდა 36 აკჩას. მაგრამ მისივე კანონებიდან ჩანს, რომ ეს გადასახადი ყველგან თანაბარი არ იყო. მოსულის ლივაში ის 50 აკჩას უდრიდა. სხვაგან — მეტს ან ნაკლებს, დაახლოებით 14-დან 57 აკჩამდე (Аграрный строй Османской империи, стр. 28—29, 65).

⁴⁶ იქვე, გვ. 65, 202.

იყო გაფორმებული, აღნიშნული გადასახადებისაგან თავისუფლდებოდა. ამ გადასახადებისაგან გლეხი თავისუფლდებოდა მაშინაც, როცა მას გაძარცვავდნენ ან სტიქიური უბედურება დაატყდებოდა თავს და ამის გამო თავის ჩიფთს ველარ დაამუშავებდა. ასეთ შემთხვევაში ის მიწისმფლობელს უხდიდა ირდ-ადიეს და რესმი ბენაქს.

„ორლადიე“ საბეგრო გამოსაღები იყო. გლეხი ვალდებული იყო მიწისმფლობელის მამულში ემუშავნა 3—7 დღე ანდა გადაეხადა რ აკჩა⁴⁷. ქალაქის მოსახლეობას ეს გამოსაღები არ ევალებოდა. მათზე სამაგიეროდ დაწესებული იყო — ცოლშვილიანზე რესმი ბენაქი, ხოლო უცოლშვილოზე — რესმი მუჯერელი.

რესმი ბენაქი იყო მიწაზე დაწესებული გადასახადი. რომელსაც მიწისმფლობელი მასზედ მიწერილ გლეხს ახდევინებდა იმ შემთხვევაში, როცა ამ უკანასკნელს მიწა სრულიად არ გააჩნდა ან ნახევარ ჩიფთს (არაბულ ქვეყნებში ნახევარ ფედანს) არ აღემატებოდა. „ბენაქი“ (გალატაკებული გლეხი) ორი კატეგორიისა იყო: 1. ცოლიანი ანუ „ექინლი ბენაქი“, რომელსაც ნახევარი ჩიფთი (ნახევარი ფედანი) ჰქონდა და 2. უცოლო ანუ „ჯაბა“ ან „ყარა ბენაქი“, რომელსაც მიწის ნაკვეთი სრულიად არ გააჩნდა. ამ უკანასკნელთ ზოგჯერ „მუჯერდესაც“ (უცოლოს) უწოდებენ. მათ უნდა გადაეხადათ საგანგებო გადასახადი „რესმი მუჯერელი“ და თავისუფლდებოდნენ რესმი ბენაქისაგან, რომელიც მხოლოდ ცოლიან ბენაქზე იყო გაწერილი.

თავისი შინაარსით რესმი მუჯერელის საპირისპირო გადასახადი იყო „არუსიე“ ანუ „ურუს რესმი“ — საპატარძლო გამოსაღები⁴⁸. თუ რესმი მუჯერელი სრულწლოვან მამაკაცებს იმისთვის ხდებოდათ, რომ ისინი უცოლონი აყვნენ, დამოუკიდებელ მეურნეობას არ ეწეოდნენ და მამების ნაკვეთზე ცხოვრობდნენ, „არუსიეს“ ახდევინებდნენ გასათხოვარ ქალებს გათხოვებისას. ა. ტვერტიჩიოვას განმარტებით, ამ გადასახადს იხდიდა სასიძო რაია ცოლის თხოვისას⁴⁹. მაგრამ ეს მთლიანად ზუსტი არ უნდა იყოს. ყოველ შემთხვევაში, წყაროებიდან ირკვევა, რომ არუსიეს იხდიდა პატარძალი ან ამ უკანასკნელის მამა. ასე მაგალითად, „მოსულის ლივის კანონთა წიგნში“ ნათქვამია, რომ „როცა ქალწული ან ქვრივი თხოვდება, არუსიეს იხდის; არუსიე ქალწულს ეხება“⁵⁰. „გურჯის-

⁴⁷ ასეთივე საბეგრო გადასახადები იყო „ანლაროი“, „ეულუკი“ და „ხიზმათი“.

⁴⁸ Аграрный строй Османской империи, стр. 42.

⁴⁹ იქვე, გვ. 194.

⁵⁰ იქვე, გვ. 65.

ტანის ვილაიეთის დიდ დავთარში“ კი აღნიშნულია, რომ „ქალწულის საქორწინო გამოსაღებს, რა ადგილიდანაც არ უნდა გათხოვდეს ის, იხდის მისი მამა“⁵¹.

ვის უხდიდნენ ქალწულები და ქვრივები ან მათი მშობლები „აჯუსიეს“? ა. ტვერიტინოვას მიხედვით, — მხოლოდ „თიმარის მფლობელს“⁵². „გურჯისტანის ვილაიეთის დიდი დავთრისა“ და „მოსულის ლივის კანონთა წიგნის“ მიხედვით კი იმას, ვის მიწაზეც ცხოვრობდნენ გასათხოვარი და მისი მშობლები. ეს მიწა შეიძლებოდა კოფილიყო როგორც თიმარიოტის, ისე ზაიმის, სულთნის, ვაკფის და სხვათა მფლობელობაში⁵³.

არუსაეს ოდენობა კანონით იყო განსაზღვრული და უდრიდა ქალწულზე 60 აკჩას, ქვრივზე — 30-ს. „არუსიე“ დაწესებული იყო არა მარტო რაიაზე, როგორც ეს სპეციალურ ლიტერატურაშია მიღებული, არამედ „ზაიმთა, თიმარის მფლობელთა, მონადირეთა, ციხის მცველთა და (სხვათა) ასულებზეც“. მას იხდიდნენ მუსლიმებიც და არამუსლიმებიც⁵⁴, რომელთა საქორწინო გამოსაღები ორჯერ ნაკლები იყო, ვიდრე მუსლიმებისა⁵⁵.

თითოეულ გლეხს მიზომილი ჰქონდა გარკვეული ფართობის მიწის ნაკვეთი, მაგრამ ხდებოდა ისე, რომ ზოგჯერ მას აღმოაჩნდებოდა იმაზე მეტი დასამუშავებელი ფართობი, ვიდრე ერგებოდა. ასეთ შემთხვევაში იგი ვალდებული იყო გადაეხადა „რესმი ზამინი“ ანუ „ამინ აკჩესი“. იმავე გადასახადს ახდევინებდნენ მას მამინაც. როცა მიწა ნორმაზე, ე. ი. ერთ ჩიფთზე (ფედანზე) ნაკლები ჰქონდა, მაგრამ ნიადაგი ნოყიერი იყო და მოსავალი გათვალისწინებულზე მეტი მოდიოდა. ამიტომ რესმი ზამინი წარმოადგენდა მიწაზე დაწესებულ ისეთ გამოსაღებს, რომლის ოდენობა დამოკიდებული იყო ნიადაგის ხარისხზე და მოსავლის სიდიდეზე. ორ დონუმ კარგ მიწაზე გადაკვეთილი იყო ერთი აკჩა. ამდენივე ეწერა სამ დონუმ საშუალო მიწას და 4—5 დონუმ მწირ მიწას⁵⁶.

⁵¹ გურჯისტანის ვილაიეთის დიდი დავთარი, II, გვ. 3.

⁵² Аграрный строй Османской империи, стр. 194.

⁵³ გურჯისტანის ვილაიეთის დიდი დავთარი, II, გვ. 3; Аграрный строй Османской империи, стр. 65.

⁵⁴ ვ. გაბაშვილი, ქართული ფეოდალური წყობილება XVI—XVII საუკუნეებში, გვ. 342.

⁵⁵ Н. А. Р. Г и б б, Н. В о w e n, დასახ. ნაშრომი, გვ. 242.

⁵⁶ Аграрный строй Османской империи, стр. 201.

ზემოჩამოთვლილი გადასახადების გარდა ოსმალურ საკანონმდებლო აქტებში ვხვდებით ისეთ გამოსაღებებსაც, როგორცაა „რესმი კიშლაჯ“, „რესმი დუღ“, „რესმი აღნამ“, „რესმი შაჰნეჯი“, „ადათ დამთიბან“ და სხვ.

„რესმი კიშლაჯ“ ანუ „კიშლაჯ რესმი“ იყო ზამთრის საძოვრების და საერთოდ გამოსაზამთრებელი ადგილების სარგებლობისათვის დაწესებული გადასახადი. მას იხდიდნენ მომთაბარე მესაქონლენი, როცა თავიანთი ჯოგებით ზამთარს ატარებდნენ სხვის მფლობელობაში მყოფ მიწებზე. გადასახადს ლებულობდა მიწისმფლობელი როგორც ნატურით (300 ცხვრიდან ანუ „ფარადან“ — 1 ცხვარს)⁵⁷, ისე ფულით. ნატურალური გადასახადით იბეგრებოდა ჯოგი, ფულადით — მეჯოგე. თუ მეჯოგე ცოლშვილიანი იყო და ოჯახით გამოიზამთრებდა თიმარში, გადაიხდიდა 6 აქჩას. უცოლოებისაგან, რომლებსაც საკუთარი კერა გააჩნდათ, იღებდნენ საკომლო გამოსაღებს „რესმი დუღს“ 3 აქჩის ოდენობით⁵⁸.

მეჯოგეს უნდა გადაეხადა აგრეთვე ცხვრისა და თხის ფარებზე გადაკვეთილი გამოსაღები „რუსუმი აღნამ“⁵⁹. დაკანონებული იყო, რომ ყოველ ორ ცხვარზე ან ამდენსავე თხაზე აეღოთ 1 აქჩა, გაზაფხულზე, აპრილის თვეში. ერაყში „რესმი აღნამის“ გადასახადს ეწოდებოდა „კოლა“⁶⁰.

შინაარსით „რესმი აღნამისაგან“ განსხვავებული გადასახადი იყო „რესმი შაჰნაჯი“. ეს იყო ფეოდალის (ან სახელმწიფო მოხელის) და მისი ცხენის შესანახი გადასახადი, რომელსაც იხდიდა სოფლის მიწათმოქმედი მოსახლეობა, როცა ფეოდალი ან სახელმწიფო მოხელე სოფელს ეწვეოდა. რესმი შაჰნაჯი აიღებოდა მოსავლიდან, ყოველ 20 ქილაზე ერთი ქილა⁶¹. სათიბებისა და ყანების დაცვისათვის სოფლის მოსახლეობას ევალებოდა „ადათ-ი დამთიბანის“ გადახდაც. კანონით დადგენილი იყო, რომ, თუ ვისიმე საქონელი დამუშავებულ ყანაში შევიდოდა და მას დაზიანებდა, საქონლის პატრონს უნდა ეზღო ზარალი ყანის პატრონისათვის. გარდა ამისა, მას ახდევინებდნენ ჯარიმას, თითო სულ საქონელზე 5 აქ-

⁵⁷ Аграрный строй Османской империи, стр.66.

⁵⁸ ი ქ ვ ე. გვ. 67; გურჯისტანის ვილაიეთის დიდი დეუთარი, II, გვ. 2.

⁵⁹ მას „ზადათა აღნამ“-იც ეწოდებოდა.

⁶⁰ А. М е н т е ш а ш в и л и, Ирак в годы английского мандата, стр.

⁶¹ ¼ წონის ერთეული, უდრის დაახლოებით 25 კილოგრამს.

ჩას და თანაც როზგავდენენ⁶². გლეხის მიერ გადახდილი ჯარიმა თიმარის მფლობელს ეკუთვნოდა⁶³.

თიმარის მფლობელისა იყო ფუტკარზე და წისქვილზე შეწყვილილი გადასახადებიც⁶⁴. თითო სკიდან აიღებოდა 2 აკჩა, ხოლო წისქვილიდან, თუ ის მთელი წლის განმავლობაში მუშაობდა, — 60, თუ 6 თვე მუშაობდა, 30 აკჩა და 3 თვეში — 15 აკჩა. წისქვილზე შეწყვილილ ამ გადასახადს „რესმი ასიაბ“ ეწოდებოდა⁶⁵.

ყველა ეს ოსმალური გადასახადი სრული სახით იყო წარმოდგენილი ერაყში, უმთავრესად მის ჩრდილოეთ ნაწილში. ამათ გარდა ერაყში მოქმედებდა ისეთი გადასახადებიც, როგორცაა დარულა“, „ბაჯი უბურ“, „მასარიფი ნაკლიე“, „რუს ალ-ფუდან“, „ჯუჰ“, „კალამიე“, „ბალადიე“, „არდი სენიე“, „ხუვა“, „ვერგი“ და სხვ.

„დარულა“ ანუ „იპთისაბ“ იყო საზედამხედველო (საპოლიციო) ბაჟი, რომელიც აიღებოდა ბაზარში გასაყიდად შეტანილი ნივთების ღირებულების მიხედვით, ღურუშზე ორი ფარა, ე. ი. ერთი პიასტრი⁶⁶.

ასეთივე სახის გადასახადი იყო „ბაჯი უბურ“ სატრანზიტო ბაჟი. მისი ოდენობა დამოკიდებული იყო გასაყიდი თუ გადასახიდი საქონლის სახეობაზე და ოდენობაზე. მაგალითად, საპალნე ბრინჯიდან „ბაჯი უბურ“ აიღებოდა 1—1/2 კრანი (1 კრანი მაშინ უდრიდა დაახლ. 30 კაბ.), ამდენივე ინდისხურმიდან 1/2 კრანი, ბამბიდან და მატყლიდან — 2, ხოლო თამბაქოდან — 3 კრანი.

გადასახადით იბეგრებოდა როგორც გადასახიდი საქონელი, სანოვაგე, ასევე გამწევი ძალა, მუშა პირუტყვი. მაგრამ მას, ბაჯი უბურისაგან განსხვავებით, „მასარუფი ნაკლიე“ ეწოდებოდა. ერთ ჯორზე მეჯორეს უნდა გადაეხადა 60 კაპიკი. ერთ უღელ ხარზე დაწესებულ ასეთსავე გადასახადს „რუჰს ალ-ფუდან“ ერქვა⁶⁷.

იმ მრავალ გადასახადს შორის, რომელსაც ერაყელი გლეხი XVIII—XIX საუკუნეებში იხდიდა, ერთ-ერთი იყო „ჯუჰი“ —

⁶² Аграрный строй Османской империи, стр. 67, 192.

⁶³ გურჯისტანის ვილაიეთის დიდი დავთარი, II, გვ. 4.

⁶⁴ იქვე, გვ. 2—3.

⁶⁵ Аграрный строй Османской империи, стр. 67, 211.

⁶⁶ Х у р ш и д Э ф е н д и, დასახ. ნაშრომი, გვ. 105.

⁶⁷ იქვე, გვ. 106.

ბოსტანზე დადებული გამოსაღები, რომლის ოდენობა შეადგენდა ნახევარ ჩარხს⁶⁸ ანუ 6 1/4 კაპიკს⁶⁹.

შედარებით მძიმე იყო საკანცელარიო გადასახადი „კალამი“. ის შეწერილი ჰქონდა მთელ ტომს და კომლზე დაახლოებით უწევდა 50 პიასტრი⁷⁰.

ერაყ-ირანის საზღვრის გასწვრივ მყოფი მომთაბარე ტომები ხშირად იცვლიდნენ ადგილსამყოფელს; ზაფხულობით ირანის ტერიტორიაზე გადადიოდნენ, ზამთრობით კი ისევ ერაყში ბრუნდებოდნენ. ეს გარემოება შეუძლებელს ხდიდა იმის გარკვევას, თუ ნამდვილად რომელი სახელმწიფოს ქვეშევრდომნი იყვნენ ისინი. ამიტომ მათ გარეშეებად თვლიდნენ და ერაყში გამოსაზამთრებლად დაბრუნებისას ახლევინებდნენ როგორც „რესმი კიშლაკს“, ასევე საკომლო გადასახადს, რომელსაც „ხარჯი ხანე“ ეწოდებოდა. ეს იგივე სახარაჯო გამოსაღები იყო და მისი ოდენობა კომლზე 87 1/2 პიასტრს უდრიდა⁷¹.

ზემოთ უკვე ვთქვით, რომ ერაყში საქალაქო მეურნეობის მოსაწესრიგებლად, კერძოდ ახალი ქუჩების გასაყვანად, ბაზრებისა და მოედნების მოსაწყობად, ხიდების ასაგებად, სავაჭრო-სატრანზიტო გზების გასაუმჯობესებლად, სისუფთავის დასაცავად და საერთოდ წესრიგის დასამყარებლად — ქალაქებში არსებობდა ადგილობრივი მმართველობა „ბალადიე“. თავისი აპარატის შენახვისა და დაკისრებული ფუნქციის შესრულებისათვის საკირო ხარჯების დასათარავად, „ბალადიე“ აწესებდა გადასახადებს სასწორებზე, ხიდებზე, ქალაქის ბაზრებსა და მოედნებზე სავაჭროდ გატანილ პროდუქტებზე, ნავთზე, სპირტზე, ეკიპაჟზე, ნაევებზე, აბანოებზე, სასაკლაოებზე, ყავახანებზე, დუქნებზე და სხვ.⁷² მაგ., ბასრაში ღამის დარაჯების შესანახად თითოეულ დუქანს უნდა გადაეხადა თვეში 4 პიასტრი. ხიდზე გადასასვლელი დაწესებული იყო: დატვირთულ სახეღარზე 1/2 პიასტრი, დატვირთულ ცხენზე და აქ-

⁶⁸ چرخى — თურქული მონეტა, რომელიც უდრის 100 ფარას.

⁶⁹ Х у р ш и д Э ф е н д и, დასახ. ნაშრომი, გვ. 106.

⁷⁰ იქვე, გვ. 196, 440.

⁷¹ Х у р ш и д Э ф е н д и, დასახ. ნაშრომი, გვ. 219; ირან-ოსმალეთს შორის 1823 წელს ერზერუმში ხელმოწერილი საზავო ტრაქტატის თანახმად, ამ გადასახადების ოდენობას განსაზღვრავდნენ ირანის პრინცისა და ბაღდადის ფაშას ოფიციალური წარმომადგენლები (Путевой журнал Е. И. Чирикова, СПб., 1875, стр. 640—641).

⁷² А. Л д а м о в, Ирак арабский, стр. 69—70.

ლემზე—1 პიასტრი; პატარა ბარკების⁷³ გატარებანე—5,7 1/2 და 10 პიასტრი. დიდ ბარკებზე⁷⁴—30 პიასტრი; ბახარში გასაყიდად გაყვანილ საქონელზე და გატანილ ხილ-ბოსტნეულზე აიღებოდა ღირებულების 2,5%; ნავთის შესანახი—ყუთზე თვეში 1 პიასტრი და სპორტზე—1/2 პიასტრი, ეტლი თვეში იხდიდა 5 პიასტრს, ყავახანები. ქარვასლები, აბანოები—10 პიასტრს, საყასბოები—5 პიასტრს ყოველ სულ ცხვარზე ან თხაზე და 3 პიასტრს ბატკანზე ან თქანზე⁷⁵. გაცილებით უფრო დიდი იყო გადასახადი მსხვილფეხა პირუტყვზე.

გადასახადების უმეტესობა XVIII—XIX სს-ში ნატურალური იყო, მაგრამ კანონით დაშვებული იყო პროდუქტების ნაცვლად გლეხს ფული გადაეხადა. ეს წესი ერაყში ცნობილი იყო „ბედელის“⁷⁶ სახელწოდებით და XIX ს-ში იგი სულ უფრო მტკიცედ იკიდებდა ფეხს საგადასახადო სისტემაში. მაგალითად, დავასირის⁷⁷ „მუკატა'ათი“⁷⁸, სადაც ინდისხურმის ბალები იყო გაშენებული, ხაზინას აძლედა ბედელს 6000 შამის⁷⁹ და ნატურით—700 ქარე⁸⁰ ფინიკს. ნაპრ აღ-ჯასიმის⁸¹ მუკატა'ათი ბედელს იხდიდა

⁷³ ბ ა რ კ (პოლანდ., ინგლ. Bark ლათ.) — ილქინანი დიდი ნავი, გემი.

⁷⁴ ბ ა რ კ ა, (ფრ. Barge) — ტვირთსაზოდი არათვირთავალი ნავი, გემი.

⁷⁵ А. А д а м о в, დასახ. ნაშრომი, გვ. 70.

⁷⁶ ك د, — სანაევლო, სამაგიერო, ბადალი.

⁷⁷ ადგილია ერაყში, ბასრის ვილაეთში.

⁷⁸ კონიბეი გორიჯელი მუკატას ასე განმარტავს: „როდესაც, მაგალითად, საბაგო ან საბაღო ვინმეს ეძლევა ერთი წლის ვაღით 100 ან 500 იუქ აკრად, ამას ეწოდება „მუკატუ“ და ვინც მას მიიღებს, მიეცემა თულრანი ბრძანებულება. სანამ წელიწადი არ გაეა, მას უკან ვერ წაიღებ აი ამას ქქევა მუკატა“ (А. С. Т в е р и т и н о в а. Второй трактат Кочинбег, стр. 250) მამასაღამე, „მუკატა ათ“ ნიშნავს რამეს (ამ კონკრეტულ შემთხვევაში ადგილის) იჭართ გაეცმას, შესყიდვას. შესყიდვა ჩვეულებრივ ხდებოდა ერთი ან სამი წლით, მაგრამ შეიძლებოდა ამ ვაღის გახანგრძლივება. მუკატა ათის სისტემა ანუ მეიჯარობა ოსმალეთში გაჩნდა XVI-ის მეორე ნახევარში. ეს იყო სრულად ახალი მოვლენა მის აგრარულ ურთიერთობაში (უფრო ვრცლად „მუკატა ის“ შესახებ იხ. L. F e k e t e, Die Sijaqat-schrift in der turkischen Finanzverwaltung, Budapest, 1955, Bd. I გვ. 85—88; Д. К а л ь д и - Н а д ь, Турецкие реестровые книги мукатаа как исторические источники (Сборник. - Восточные источники по истории народов Юго-Восточной и Центральной Европы, М., 1964, стр. 76—89; А. Д. Н о в и ч е в, დასახ. ნაშრომი, გვ. 28—29).

⁷⁹ شامی — თურქული მონეტა, იჭრებოდა დამასკოში ანუ აშ-შამში. ერთი შამი უდრდა 8 პიასტრს.

⁸⁰ ك ر — წონის ერთეული, უდრის 1000 ოყას ან 75 ფუტს.

⁸¹ ადგილის სახელია ბასრის ვილაეთში. იქვეა ბურცი.

1700 შამის, ნატურით—260 ქარე ფინიკს. ზური იძლეოდა ბედელს 700 შამის, ნატურით—120 ქარე ფინიკს⁸².

ერაყში, ისე როგორც მთელ ოსმალეთში და საერთოდ აღმოსავლეთში, დიდი მნიშვნელობა ჰქონდა საირიგაციო სისტემას. ამიტომ სახელმწიფოს, ვაკეებისა და კერძო პირთა ბელში იყო არა მარტო მიწები, არამედ მთელი სარწყავი სისტემა: წყალი, დამბები, არხები და წყალგამანაწილებელი ნაგებობები. სარწყავი არტერია მათი შემოსავლის ერთ-ერთი მნიშვნელოვანი წყარო იყო. გადასახადი, რომელსაც გლეხი წყლით სარგებლობისათვის იხდიდა, ყველგან თანაბარი ოდენობის არ იყო. ერაყში, წყალუხვი მდინარის ახლოს მდებარე ადგილებში გლეხი მიწისმფლობელს უხდიდა სარწყავი მიწებიდან მიღებული მოსავლის ერთ მეექვსედს ანუ „სუდსს“⁸³. იქ კი, სადაც წყალი ცოტა იყო ან ადგილი მდინარიდან მოშორებით იმყოფებოდა, მიწათმოქმედს მიწისმფლობელის სასარგებლოდ უნდა გაეღო მოსავლის ნახევარი (თუ თესლი მისი საკუთარი იყო) ან ორი მესამედი (როდესაც თესლი მიწისმფლობელისაგან ჰქონდა მიღებული)⁸⁴.

მიწისმფლობელის გარდა გლეხი გადასახადს უხდიდა აგრეთვე „სარქალს“ — სპეციალურ ჰირს, რომლის მოვალეობას შეადგენდა ზედამხედველობა სარწყავ სისტემაზე მისი წესრიგში მოყვანისა და სწორი ექსპლოატაციის მიზნით⁸⁵. ერაყში ეს თანამდებობა იყიდებოდა. მის შემსყიდველს შეეძლო აგრეთვე სარწყავ მიწებზე დაწესებული გადასახადების შესყიდვაც, რის გამოც სარქალები იქცნენ მოიჯარეებად და გამდიდრების მიზნით თვითნებურად აღიდეგბდნენ გადასახადებს, ჭეროვან ყურადღებას არ უთმობდნენ სარწყავი სისტემის შეკეთებას და ამით აჩქარებდნენ მის მოშლას.

გლეხთა მდგომარეობას კიდევ უფრო ართულებდა ის, რომ ქვეყანაში მტკიცედ ჰქონდა მოკიდებული ფეხი „ილთიზამის“ ანუ საიჯარო სისტემას, რომლის დროსაც იჯარით გაიცემოდა მიწაც, თანამდებობაც და გადასახადების აკრეფის უფლებაც. ეს გარკვევით ჩანს კოჩიბეი გორიჯელის შემდეგი სიტყვებიდან: „მოიჯარე ანუ მულთაზიმი მიდის დაეთარდართან და ეუბნება: მოვეცი იემიშის ნავსადგური, ის ძველთაგანვე იძლეოდა 100 000 აკჩა შემოსავალს,

⁸² Х у р ш и д Э ф е н д и, დასახ. ნაშრომი, გვ. 19.

⁸³ იქვე, გვ. 90.

⁸⁴ იქვე, გვ. 124.

⁸⁵ ამ თანამდებობის მოხელეს „მურაბი“-ც ეწოდებოდა.

შე კი მოგცემ 200 000 აკჩას... ესეც ზღვება, ერთი რომელიმე ემინი (იგივე მულთაზიმი — ბ. ს.) იტყვის, მომეცი ეს თანამდებობა და რამდენ ფულსაც ავკრეფ, ყველას ხაზინას ჩავაბარებ⁸⁶. ასეთ შემთხვევაში მოიჯარე ყოველთვის ცდილობდა აეკრიფა იმაზე მეტი, ვიდრე თვითონ იხდიდა. ეს კი იწვევდა გადასახადების გადიდებას და მშრომელი მასების ექსპლოატაციის გაძლიერებას. ხურშიდ ეფენდის ცნობით, ბასრის მუკატა'ების მოსავლის 1/4 ეკუთვნოდა მიწის მუშას, ფელაქს, ხოლო 3/4 — ილთიზამს ანუ მოიჯარეს⁸⁷.

საიჯარო სისტემის განმტკიცება, მოიჯარეთა თვითნებური მოქმედება და ამ მოქმედებით მშრომელი მასების მდგომარეობის საგრძნობი გაუარესება ოსმალეთის სახელმწიფოს თანდათანობითი დასუსტებისა და მისი ფინანსური კრიზისის უშუალო შედეგი იყო. ეკონომიურად დაუძღვრებული ქვეყნის ცენტრალური ხელისუფლება მოითხოვდა, რომ მულთაზიმებს, ემინებს, მუჰთასიბებს, უშურჯიებს და თაჰსილარჯიებს (მათ გადასახადების აკრეფა ევალებოდათ) წინასწარ გადაეხადათ ასაღები თანხა. სამაგიეროდ, გადასახადთა ამკრეფი მოხელეები მოითხოვდნენ, რომ ცენტრალური ხელისუფლება არ ჩარეულიყო მათ საქმეში. ამნაირად, მულთაზიმები გადასახადის ამკრეფი უბრალო მოხელეებიდან თანდათან იქცნენ მოიჯარეებად, ხოლო მუკატა'ები (იჯარით აღებული მიწები და სხვ.) — მათ სამუდამო საკუთრებად⁸⁸.

ილთიზამის სისტემა ხელსაყრელი იყო მიწისმფლობელისა და მესაკუთრისათვის, რადგან ის იძლეოდა შემოსავლის მტკიცე გარანტიას. მასზე არ მოქმედებდა რაიმე დამაბრკოლებელი ფაქტორი: ბუნებრივ-კლიმატური პირობები, მოსახლეობის შემცირება, ნიადაგის გამოფიტვა, მოუსავლიანობა და სხვ. ამიტომ იჯარით გაიცემოდა ყველაფერი და ამავე დროს მოიჯარეს უფლება ჰქონდა იჯარით აღებულის იჯარით გაცემისა, რაც მოიჯარეობას მრავალსაფეხურიანს ხდიდა. ერაყში, ისე როგორც ოსმალეთის იმპერიის სხვა პროვინციებში, ყველაზე მაღალ საფეხურზე იჯდა სულთნის შოადგილე ფაშა, რომელიც ცენტრალურ ხელისუფლებას უხდიდა „სალიანეს“ და ქვეყანას შართავდა ისე, როგორც თვითონ მოეხასიათებოდა. „ფაშა ექსპლოატაციის აღმოსავლური ფორმის მთავარი განსახიერება იყო“⁸⁹. ილთიზამით მიღებული

⁸⁶ А. С. Тверитнинова, Второй трактат Кочибей, стр. 255.

⁸⁷ Хуршид Эфенди, დასახ. ნაშრომი, გვ. 19, 54.

⁸⁸ А. Д. Новичев, История Турции, II, стр. 12. №6. 7.

⁸⁹ К. Маркс и Ф. Энгельс, Соч., т. XXVII, стр. 234.

მისი ყოველწლიური შემოსავალი, რომელიც საფაშოს ხაზინაში შედიოდა, ბევრად აღემატებოდა იმას, რასაც ის ცენტრალურ ხელისუფლებას აძლევდა. ხურშიდ ეფენდის ცნობით, ბაღდადის საფაშო ხაზინაში ილთიზამით მიღებული წლიური თანხა მარტო პატარა ქალაქ (კასაბა) მენდელიდან შეადგენდა 123 384 კრანს⁹⁰.

გადასახადის შესყიდვის შემდეგ თავისუფლად მოქმედების უფლებით აღჭურვილი მოიჯარე მულთახიში, მოურიდებლად ზრდიდა მოსახლეობიდან ამოსაღები თანხის ოდენობას. ხურშიდ ეფენდის ცნობით, „მესამე უწყების აშირეთებიდან“ საკომლო გამოსაღების ანუ „ხარაჯი ხანე“-ს საერთო თანხა, რაც გადასახადის ამკრებს ბაღდადის გამგებლისათვის უნდა ჩაებარებინა, შეადგენდა სულ 1 461 900 ლურუმს. სინამდვილეში კი იგი კრებდა 2 192 850 ლურუმს და ამ ზედმეტ თანხას თვითონ ითვისებდა⁹¹.

საიჯარო სისტემას ქვეყანა ეკონომიური დაცემის და პოლიტიკური გადაგვარებისაკენ მიჰყავდა. უზომო გადასახადებით დამძიმებული და ადგილობრივ ხელისუფალთა თვითნებური მოქმედებით გაწამებული სოფლის მოსახლეობა იყრებოდა, ქალაქისაკენ გარბოდა და სოფელი თანდათან ცარიელდებოდა. მექრთამეობისა და უსამართლობის გამო, სოფელში, რომელშიც 80 კომლი იყო, „ამ უკანასკნელ ხანს 50 კომლი ჭაიქცაო“, — ამბობს ხურშიდ ეფენდი⁹². მიზეზი ამისაო, აღნიშნავს ფრანგი მკვლევარი და მოგზაური გიომ ოლივიე, არის ის, რომ ფაშები, ალები და სხვა მსხვილი ფეოდალები „ჯოხით ხელში აიძულებენ მიწის მუშებს იმუშაონ მუქთად თავიანთ მამულებში, ყიდულობენ მათგან პროდუქტებს მათ მიერ დაწესებულ ფასებში და სყიდულობენ სახარაჯო გადასახადს თავიანთთვის დიდად სასარგებლო ფასებში. გადასახადებით დამძიმებული... სოფლის მოსახლეობა ტოვებს თავის მიწას, რომელიც მას ველარ კვებას, და მიდის დიდ ქალაქებში... ფაშები კი გაქცეულთა მთელ გადასახადებს ახდევინებენ დარჩენილებს“⁹³.

სოფლის დაცარიელებას თან სდევდა ინტენსიური მეურნეო-

⁹⁰ قران — სპარსული, ვერცხლის მონეტა, უდრის 5 თურქულ პასტრს ანუ 30 კაპიკს. ვრავში მას ს ა კ ი ბ კ რ ა ნ ს ა ც უწოდებდნენ.

⁹¹ Х у р ш и д Э ф е н д и, დასახ. ნაშრომი, გვ. 195—196.

⁹² იქვე, გვ. 196.

⁹³ G. A. O l i v i e r, Voyage dans l'Empire Ottoman, l'Egypte et la Perse, 1800, t: I, p. 309.

ბის თანდათანობითი კვდომა, რასაც აჩქარებდა ისიც, რომ, იქ სადაც მიწათმოქმედი დარწმუნებული არაა მიწიდან მიიღოს ის, რაც უნდა აეღო, იგი კმაყოფილდება მიიღოს მისგან მხოლოდ იმდენი, რამდენიც აბსოლუტურად აუცილებელია მისი არსებობისათვის⁸⁴ და არა მეტი. ეს კი აქცევდა არა მარტო ინტენსიურ სოფლის მეურნეობას, არამედ ხაზინასაც, სწორედ ამიტომ ურჩევდნენ სულთანს კოჩიბები გორიჯელი და რუმელიის კადი ასკერი ტატარჯიკ აბდ ალლაჰ ეფენდი: გლეხებს მიხედვე, მდგომარეობა შეუემსუბუქე, „რათა ფადიშაჰის ხაზინაა და თუ კარგ მდგომარეობაში იქნება და არც არავინ შეაჯიწროებს, ხაზინა... სავსე იქნება“⁸⁵, „თუ არა, იმპერია დაიღუპებაო“⁸⁶, მაგრამ მშრომელი მოსახლეობისა და სახელმწიფოს ეკონომიური მდგომარეობის გაუმჯობესება და იმპერიის გადარჩენაც მაშინ იქნებოდა შესაძლებელი. თუ გაუქმდებოდა იქ გაბატონებული სამხედრო-ფეოდალური ლენური სისტემა. ამის გაუქმება კი ცენტრალურ ზელისუფლებას არც სურდა და არც შეეძლო. სწორედ ეს იყო ერთ-ერთი მიზეზი იმისა, რომ სულთან სელიმ III-ის ცდამ, 1792—1798 წლების რეფორმით მოეხდინა ოსმალეთის განახლება და ევროპულ ყაიდაზე მისი მოწყობა, მარცხი განიცადა. სამხედრო ფეოდალიზმმა კიდევ დიდხანს იარსება და მასთან ერთად მოქმედება განაგრძობდნენ მისი შესაფერისი ექსპლოატაციის ფორმები, მათ შორის გადასახადები და საგადასახადო სისტემა, რაც XVIII—XIX ს-ში სულ უფრო აუტანელი ხდებოდა მწარმოებელი მასებისათვის და იწვევდა გლეხთა აჯანყებებს. განსაკუთრებით მძიმე იყო ოსმალეთის მიერ დაპყრობილი ქვეყნების მოსახლეობის მდგომარეობა. სხვა უბედურებას იქ ისიც ემატებოდა, რომ ხდებოდა მათი გათურქება, ყოველივე ეროვნულის (ენის, კულტურის) თანდათანობით მივიწყება, სწავლა-განათლების კვდომა. ყოველივე ამის გამო თანამედროვე ევგობტელი ისტორიკოსი ამინ საიდი სვამს კითხვას: „რა მოუტანეს თურქმა დამპყრობლებმა არაბებს?“ და თვითონვე პასუხობს, რომ ჯერ ერთი, მათ ნამდვილი ომი გამოუცხადეს არაბულ ენას. ცდილობდნენ მის შეცვლას თურქულით, რომელიც იქცა ოფიციალურ სახელმწიფო ენად, რამაც მომაკვდინებელი გავლენა მოახდინა

⁸⁴ W. E t o n, Ci—devant consul de sa majeste Britanique en Russie et en Turquie. Tableau historique politique et moderne de l'Empire Ottoman, Paris, 1808. t. I. pp. 311—313.

⁸⁵ А. С. Т в е р и т н о в а, Второй трактат Кочинбей, стр. 245.

⁸⁶ А. Ф. М и л л е р, Мустафа паша Байрактар, стр. 87.

არაბულ ენასა და ლიტერატურაზე; მეორე, მათ ოპი გამოუცხადეს ნეცნიერებას, რადგან არ ესმოდათ მისი მნიშვნელობა საზოგადოების განვითარებისათვის. შესამე, ოსმალთ თურქებმა უდიდესი ზიანი მიაყენეს არაბული ქვეყნების ეკონომიკას: ჩაკვდა ვაჭრობა, დაეცა სოფლის მეურნეობა, გადატაცდა მოსახლეობა. მეოთხე, თურქებმა არაბულ ქვეყნებში დანერგეს მექრთამეობა, რამაც გარყვნა ხელისუფალნი. თანამდებობები იყიდებოდა, ფაშები მხოლოდ იმაზე ფიქრობდნენ თუ როგორ ამოექაჩათ მოსახლეობიდან, რაც შეიძლება მეტი ფული, რომ გაეგზავნათ სტამბოლში ვაზირებისა და სხვა მაღალი თანამდებობების მოხელეთა მოსაქრთამავად. თუ როგორ ხდებოდა ეს, ამის ნათელსაყოფად ამინ საიდს მოჰყავს ერთი საინტერესო ფაქტი: მარდინის რამდენიმე მცხოვრებმა, რომელთაც გამგებელი მეტისმეტად ავიწროებდა, საჩივარი დაწერა, რომ თანამდებობიდან გადაყენებინათ იგი. ამ საჩივრით მთელი ქალაქის მოსახლეობა შემოიარეს ხელმოსაწერად და შემდეგ ის სტამბოლს გაგზავნეს. შეიტყო თუ არა ეს აშბავი, გამგებელმა მომჩივნებს უხმო, პატარა სკივრი გახსნა, შეკრებილთა თვალწინ ააბრკყვილა ოქრო, რომლითაც თითქმის თავამდე იყო სავსე სკივრი და უთხრა: „ეს სკივრი სავსე იყო ოქროთი, მაგრამ გავეცი იგი ამ თანამდებობის მისაღებად. ამის შემდეგ, ბუნებრივია, დავიწყე მისი ავსება ხელახლა, რათა დავიბრუნო ჩემი სიმდიდრე და თანაც დავავროვო ცოტა მარავი. როგორც ხედავთ, მე ჩემსას მივალწიე. სკივრი თითქმის სავსეა, სულ ცოტაა აკლია, რომ დაკვეთო და, როგორც კი გავავსებ, პირობას ვლებ, უსამართლოდ აღარავის მოგექცეთ, აღარ შეგაწუხოთ. თქვენ უნდა იცოდეთ, რომ თუ ისევ იჩივლებთ და მე მომხსნიან ან სხვაგან გადამიყვანენ, ის, ვინც ჩემს ადგილზე მოვა, ასეთსავე სკივრს მოიტანს, რადგან ყოველი თანამდებობისათვის საჭიროა (ფულის) გადახდა. როგორც კი მოვა, ის მაშინვე დაიწყებს ჩემსავით თავისი ხარჯის ანაზღაურებას. ამიტომ ჯობია უარი თქვით საჩივარზე, ყოველ შემთხვევაში დაფიქრდით და ისე მოაქციეთ“⁹⁷. მოტანილი ფაქტი განმარტებას არ საჭიროებს. ოსმალთის ამინ საიდისეულ შეფასებასაც ვერაფერს დავუმატებთ. ოსმალთა ნამდვილად ასეთი იყო ყველგან, განსაკუთრებით კი დაპყრობილ ქვეყნებში, მათ შორის ერაყშიც.

⁹⁷ А м и н С а и л д. Восстание арабов в XIX веке. М., 1964, стр. 15—17.

ირაკის პირველი მამლუქი გამგებლები და ქვეყნის
საზინაო და საბარაო მდგომარეობა მათ დროს
(1749—1802 წწ.)

თ ა ვ ი პ ი რ ვ ე ლ ი

ირაკის გაერთიანება XVIII ს-ის დასაწყისში და
მამლუქთა გამორჩენა სამხედრო-პოლიტიკურ
ასპარეჟში

XVII ს-ის დასასრულს ევროპის სახელმწიფოებთან 1683—1699 წწ. ომში ოსმალეთი დამარცხდა და 1699 წლის 26 იანვარს იძულებული გახდა ხელი მოეწერა მისთვის სამარცხვინო კარლოვიცის საზავო ხელშეკრულებაზე, რომლის თანახმად „სალმრთო ლიგის“ წევრ ქვეყნებს (ავსტრია, ვენეცია, რეჩ პოსპოლიტა, რუსეთი) დაუთმო დაპყრობილი ტერიტორიის მნიშვნელოვანი ნაწილი¹. ეს იყო თურქეთის სერიოზული წარუმატებლობა, მისი პირველი დანაწილება, რამაც საგრძნობლად იმოქმედა იმპერიის როგორც სამხედრო-პოლიტიკურ, ისე ეკონომიურ მდგომარეობაზე.

ვრცელი ტერიტორიის დაკარგვამ ოსმალებს დიდი მატერიალური ზარალი მიაყენა. თურქი ფეოდალები, რომლებიც ავსტრიის, ვენეციისა და რეჩ პოსპოლიტასათვის გადაცემულ მიწებზე ისხდნენ, იძულებული გახდნენ მიეტოვებინათ თავიანთი საკარგავები. თურქეთმა დაკარგა დიდძალი თანხა, რომელიც მას შემოსდიოდა ლენებ-დან ზარკის, სხვადასხვა გადასახადისა თუ ძღვნის სახით. მან დაკარგა დაახლოებით 32 ათასი ნეომარი, რომლებიც დათ-

¹ Дипломатический словарь, М., 1961, т. II, стр. 30; В. Б. Луцкий, Новая История арабских стран, М., 1966, стр. 24.

მოხილი ტერიტორიის მოსახლეობას გამოჰყავდა ხოლმე ომის დროს. თურქთა მხედროვნის სასტიკმა მარცხმა „საღმრთო ლიგის“ წევრი ქვეყნების წინააღმდეგ გამართულ ბრძოლებში ვენასთან (1683 წ.), მოხაჩთან (1687 წ.), ბელგრადთან (1688 წ.), მდ. ტისასთან (1697 წ.) და სხვ. — ერთბაშად დასცა ოსმალეთის იმპერიის ავტორიტეტი. გაქრა მითი მისი უძლევლობის შესახებ. დაიწყო ევროპის ტერიტორიიდან თურქთა უკუქცევის ხანა, რომელმაც დაპყრობილ ხალხებს განთავისუფლების იმედი ჩაუსახა და საბრძოლველად გამოაღვიძა.

მღელვარებამ თავი იჩინა არმიაშიც. დაცარიელებული ხაზინა რეგულარულ ჯარს ჯამაგირს ველარ უზღავდა. უგასამრჩევლოდ კი იენიჩრები უარს ამბობდნენ სამსახურზე, ტოვებდნენ ბრძოლის ველს, ბრუნდებოდნენ სტამბოლში და ცენტრალური ხელისუფლების წინააღმდეგ ჯანყდებოდნენ. მათ მძარს უქერდნენ უკმაყოფილო ფაშებიც. ცენტრალური ხელისუფლება იძულებული იქნა მდგომარეობაში აღმოჩნდა, რომ 16 წლის განმავლობაში (1687—1703 წწ.) ხუთი სულთანი შეიცვალა ტახტზე.

კიდევ უფრო გაუარესდა ოსმალეთის მდგომარეობა 1714—1718 წლებში ვენეციასთან და ავსტრიასთან ომის შედეგად. ამ ომში დამარცხებული თურქეთი იძულებული შეიქმნა ავსტრიისათვის გადაეცა დაპყრობილი ტერიტორიის ნაწილი. ავსტრიამ მიიღო აგრეთვე რიგი ეკონომიური უპირატესობანი, რომლებიც გზას უხსნიდა მის საეპრო კაპიტალს ბალკანეთსა და მახლობელ აღმოსავლეთში. ავსტრიელ ვაჭრებს შეეძლოთ თავისუფალი ვაჭრობა მთელი ოსმალეთის ტერიტორიაზე. ისინი თავისუფალი იყვნენ ყოველგვარი ბაჟებისა და გადასახადებისაგან, რომელსაც იხდიდნენ სხვა ქვეყნების ვაჭრები. ავსტრიამ თურქეთის ყველა ქალაქში, საეპრო პუნქტსა და ნავსადგურში ჩააყენა თავისი აგენტები და დიპლომატიური წარმომადგენლები².

მიუხედავად მძიმე მარცხისა, ოსმალეთის ხელისუფლება მაინც არ ამბობდა უარს აგრესიულ საგარეო პოლიტიკაზე. იგი მხოლოდ დაპყრობით ომებში ხედავდა ხსნას: რთული საშინაო მდგომარეობიდან ქვეყნის გამოყვანას, დაკარგული ტერიტორიების დაბრუნებას, ან მათ კომპენსაციას სხვა ტერიტორიების მიტაცების გზით და თავისი შელახული საერთაშორისო ავტორიტეტის აღდგენას.

² А. Д. Новичев, История Турции, т. I, стр. 186—191.

³ Австро-турецкий мирный договор от 21/VII. 1718 г. и торговый договор от 27/VII. 1718 г. (Дипломатический словарь, М., 1961. т. II, стр. 558).

ამიტომ. დაუზავდა თუ არა ევროპის სახელმწიფოებს, მან მაშინვე თავისი ყურადღება აღმოსავლეთით მოსაზღვრე ირანისაკენ მიაპყრო და მისი მიწა-წყალის დაპყრობა მოინდომა⁴.

ირანთან ომის მზადებას ოსმალეთში ჯერ კიდევ ადრე, XVIII საუკუნის დასაწყისში შეუდგნენ. ცდილობდა რა ერაყის მოსაზღვრე ირანის პროვინციების: აზერბაიჯანის, ლურისტანის, არდალანისა და ხუზისტანის ხელში ჩაგდებას, სულთნის ხელისუფლებამ ოსმალეთის ამ შორეული მხარის (ერაყის) გაძლიერება გადაწყვიტა და ეს საქმე ბაღდადის ფაშას, ჰასანს მიანდო.

ჰასანი წარმომართ არნაუტი ანუ ალბანელი იყო. ბაღდადის საფაშოს იგი პირველად 1588—1690 წლებში განაგებდა, შემდეგ მონაწილეობდა ავსტრია-თურქეთის ომში, სადაც სახელი გაითქვა სიმამაცითა და სამხედრო ნიჭით. ომის დამთავრების შემდეგ (1699 წ.) სულთანმა მუსტაფა II-მ (1695—1703) იგი სამი ბუნჩუკით დააჯილდოვა და ჯერ ყარაბაღის საფაშოს გამგებლად გამაგნესა, ხოლო 1702 წელს ისევ ბაღდადის საფაშოში დააბრუნა.

ერაყის გაძლიერება ამავე დროს მისი გამგებლის გაძლიერებასაც ნიშნავდა. ეს კი მთლიანად შეესაბამებოდა ბაღდადის საფაშოს ახალი გამგებლის ინტერესებს და ისიც დაუყოვნებლივ, დიდი ენთუზიაზმით, შეუდგა დაკისრებული ამოცანის შესრულებას, ოსმალეთის იმპერიის ამ განაპირა პროვინციის ისე მოწყობას, რომ ირანის წინააღმდეგ თურქეთის საომარი მოქმედების დროს მას ავანგარდის როლის შესრულება შეძლებოდა.

პირველი ღონისძიება, რომლის გატარება ჰასან ფაშამ ამ მიზნით განიზრახა, ეს იყო ერაყის გაერთიანება ერთ პოლიტიკურ ადმინისტრაციულ ერთეულად. როგორც ვიცით, ერაყი მაშინ დაქუცმაცებული იყო რამდენიმე ნაწილად: ბაღდადის, ბასრის, მოსულისა და შაჰრუხურის ვილაეთებად. ამიტომ მან სულთან აჰმედ III-ს (1703—1730) წარუდგინა დასაბუთებული თხოვნა, რომელშიც აღნიშნული იყო, რომ ირანთან ომის შემთხვევაში ბაღდადის საფაშო მარტო საკუთარი ძალებით ვერ შეასრულებდა დაკისრებულ მოვალეობას და ვერ დაფარავდა სამხედრო მოქმედებით გამოწვეულ ხარჯებს, თუ არ მოხდებოდა ერაყის გაერთიანება⁵.

სტამბოლში არ შეეძლოთ უარის თქმა ჰასან ფაშას ამ თხოვნაზე და იგი დააკმაყოფილეს, თუმცა ნაწილობრივ. ბაღდადის სა-

⁴ А. А. Адамов, დასახ. ნაშრომი, გვ. 349.

⁵ იქვე, გვ. 353.

ფაშოს შეუერთეს მხოლოდ ქურთისტანი და მარდინი. რაც შეეხება ერაყის სამხრეთ ნაწილს, — ბასრის ეიალეთს, — ის კვლავ ცალკე დარჩა, მაგრამ არა დიდი ხნით. იქ შექმნილმა დაძაბულმა ვითარებაში, კერძოდ, არაბ ტომთა ანტიოსმალურმა აჯანყებებმა მალე დააწმენა სულთანი, რომ საჭირო იყო ეს მხარეც საფაშოსათვის დაექვემდებარებინა.

თურქი ფაშების უხეირო მოქმედების გამო სამხრეთი ერაყი არაბ ტომთა აჯანყებებმა მოიცვა. განსაკუთრებით საშიში ხასიათი მიიღო მუნთაფიქების მღელვარებამ. ბასრის გამგებლის, ხალილ ფაშას ცდა, დაესაჯა და დაეწყინებინა ისინი, სრული მარცხით დამთავრდა. აჯანყებულებმა 1707 წელს სასტიკად დაამარცხეს ფაშას ჯარი და დაიკავეს ბასრა, თურქეთისათვის დიდმნიშვნელოვანი ნავსადგური და სამხედრო-სტრატეგიული პუნქტი სპარსეთის ყურეში.

აჯანყებულთა მიერ ბასრის დაკავებას, ოსმალეთის მთავრობა, ცხადია, მშვიდად ვერ შეხედებოდა, რადგან იგი კარგადაა არა მარტო სტრატეგიული მნიშვნელობის ქალაქ-ნავსადგურს, არამედ მთელ სამხრეთ ერაყს. ამიტომ ბალდაღის ფაშას ებრძანა, დაუყოვნებლივ მიეღო გადამწყვეტი ზომები ბასრას ეიალეთში აჯანყების ჩასახშობად და იქ წესრიგის აღსადგენად.

1708 წელს ჰასან ფაშამ ჯარი შეაგროვა, მას სათავეში თავისი ქაპია მუსტაფა ალა ჩაუყენა, სამხრეთ ერაყში გაგზავნა და სულთნის ბრძანება პირნათლად შეასრულა. სანამ მუსტაფა ალა იქ იყო და ბასრის ეიალეთის გამგებლის მოვალეობას ასრულებდა, არც მუნთაფიქებს და არც სხვა ტომებს სიწყინარე არ დაურღვევიათ, მაგრამ როგორც კი მის აღგილზე სულთანმა 1712 წელს ოსმან ფაშა დანიშნა, ანტიოსმალურმა აჯანყებამ ახალი ძალით იფეთქა და მთელ საფაშოს მოედო. ამბოხებულნი კონტროლს უწყვედნენ გზებს, თავს ესხმოდნენ ქარაენებს, ძარცვავდნენ მათ და სასტიკად უსწორდებოდნენ თურქ მოხელეებს. სტამბოლიდან გამოგზავნილი გამგებლები ან სრულიად ველარ აღწევდნენ ბასრამდე, ანდა სამხრეთ ერაყის დედაქალაქში გამოცხადებისთანავე უხდებოდათ მისი დატოვება⁶. ამიტომ ბასრის ვალის თანამდებობის დაკავების სურვილი ალარავის ჰქონდა, განსაკუთრებით ჰასან იურიუქ ფაშას შემდეგ, რომელიც 1715 წელს სრულიად უძლური აღმოჩნდა ამბოხებული მუნთაფიქების და ბანი ლამის არაბების წინააღმდეგ.

⁶ А. А д а м о в, დასახ. ნაშრომი, გვ. 354.

სამხრეთ ერაყის დაწყნარება ისევ ბაღდადის გამგებელს ჰასან ფაშას დაევალა. მან აქჯერადაც წარმატებით გაართვა თავი დაკისრებულ აპოკანას. თითქმის სისხლის დაუღვრელად დააწყნარა ამბოხებულნი და ოსმალეთის მთავრობას სთხოვა, რომ ვინაიდან სტამბოლიდან გამოგზავნილ გამგებლებს სამხრეთ ერაყის მოსახლეობა მტრულად უყურებდა, ბასრის ეიალეთი სამართავად გადაეცა მისი ვაჟის, აჰმედისათვის, რომელიც არა მარტო მორჩილებაში იყოლიებდა ადგილობრივ ტომებს, არამედ პირობას დადებდა, სისტემატურად და დროზე გადაეხადა ხაზინისათვის საფაშოზე შეწერილი ყველა სახის საგადასახადო თანხა.

სულთანს არ უნდოდა ბაღდადის ფაშას თხოვნის დაკმაყოფილება. მაგრამ მდგომარეობამ აიძულა თავისი სურვილის წინააღმდეგ მოქცეულიყო. 1715 წელს მან ბასრის ეიალეთი აჰმედს ჩააბარა⁷ და ბაღდადის საფაშოს დაუმორჩილა, რაც ჰასან ფაშას უდიდესი გამარჯვება იყო. ამიერიდან ბასრამ დაჰყარვა ადმინისტრაციული დამოუკიდებლობა მისი გამგებელი ინიშნებოდა ბაღდადის ფაშას მიერ და იწოდებოდა „მუთასალიმად“ ანუ მოადგილედ. ამის შემდეგ ბაღდადის ფაშა ინიშნავდა აგრეთვე „კაფუდან ფაშასაც“, რომელსაც აქამდე სულთანი გზავნიდა ბასრის საზღვაო და სამდინარო ფლოტის უფროსად.

სამხრეთ ერაყის შეერთებით ჰასან ფაშამ დაასრულა ერაყის გაერთიანება, რის შედეგად მისი ხელისუფლების ქვეშ მოექცა ვეებერთელა ტერიტორია, რომელიც გადაკიმული იყო სპარსეთის ყურიდან მარდინამდე, ზოლო სირიიდან ირანის საზღვრამდე. ბაღდადის ფაშა ამიერიდან თითქმის ყველაზე ძლიერი გახდა ოსმალეთის იმპერიის სხვა პროვინციების გამგებლებთან შედარებით, მის ხელში თავი მოიყარა უზარმაზარმა თანხამ, რომელიც შემოდინოდა როგორც ქვეყნის მოსახლეობაზე გაწერილი გადასახადების, ისე უცხოელთა სავაჭრო საქონელზე დაწესებული ბაჟების სახით. როგორც ცნობილია, ბასრასა და ბაღდადს მნიშვნელოვანი ადგილი ეჭირა იმ დროს ინდოეთ-ევროპის ვაჭრობაში, რომელიც აღმავლობას განიცდიდა.

ერთ-ერთი მნიშვნელოვანი პოლიტიკური ღონისძიება, რომელიც ჰასან ფაშამ გაერთიანებულ ერაყში თავისი ძალაუფლების განსამტკიცებლად გაატარა, ეს იყო ადგილობრივი ტომების და-

⁷ C. Niebuhr, Reise beschreibung nach Arabien und andern umliegenden Ländern, Kopenhagen, 1778, Bd. II, S. 212; А. А да м о в, დასახ. ნაშრომი, გვ. 354.

მორჩილება, რისთვისაც მან გამოიყენა სხვადასხვა ხერხი და საშუალება, დაწყებული ყველაზე მოუსვენარი ტომების წინააღმდეგ დამსჯელი ექსპედიციების გაგზავნით, დამთავრებული მოსყიდვადასაჩუქრებით. მან პირველმა შესძლო წარმატებით გამოყენება არაბთა მიმართ პრინციპისა, „დაანაწილე და იბატონე“, რომელიც შემდეგ საფუძვლად დაედო იმ მხარეში ოსმალთა პოლიტიკას. ჰასან ფაშა ამა თუ იმ ტომის განკარგულებაში მყოფ სახელმწიფო მიწას ჩამოართმევდა მის მფლობელს და გადასცემდა მეორეს, ის მხარს უჭერდა ერთი რომელიმე ძლიერი ტომის შეიხის პატივმოყვარე ნათესავს, რომელსაც შეიხად გახდომა უნდოდა, და ამით მტრულ ატმოსფეროს ქმნიდა თვით ტომში ამ უკანასკნელის დასუსტების მიზნით; ბოლოს იგი საპატიო წოდებებსა და ფულად საჩუქრებს არ აკლებდა იმ შეიხებს, რომელთა მხარდაჭერა აუცილებლად სჭირდებოდა მას მტრულად განწყობილი მეამბოხე ტომის წინააღმდეგ ბრძოლაში. ამ გზით ბაღდადის ფაშამ არათუ შეძლო არაბ ტომთა დამორჩილება, არამედ მოიპოვა მათზე განსაკუთრებული ძალა-უფლება და აქცია ისინი მისი ინტერესების დამცველ ადგილობრივ იარაღად. მან ეს მდგომარეობა კიდევ უფრო განამტკიცა იმით, რომ თავისი ვაჟი აჰმედი სამხრეთ ერაყის ერთ-ერთი ძლიერი ტომის შეიხის, ჰილლას ამირას ქალიშვილზე დააქორწინა და არაბებს დაუმოყვრდა⁸.

ბაღდადის საფაშოში მთელი ერაყის გაერთიანებისა და არაბ ტომებზე მისი ხელისუფლების განმტკიცების შემდეგ ჰასან ფაშას ყველაზე მეტ საზრუნავს იენიჩარების თვითნებობის ალაგმვა და მათი დამორჩილება შეადგენდა.

სულთან მურადის დროს (1361—1363 წწ.) შექმნილი⁹ ეს „პროფესიული მუდმივი ჯარი“, რომელიც საუკუნეების მანძილზე ოსმალეთის შეიარაღებულ ძალთა დიდებას წარმოადგენდა, XVIII საუკუნის დამდეგისათვის ისე გამოიცვალა თავისი ბუნებით (რათქმა უნდა, მასში მომხდარი სერიოზული ცვლილებების გამო)¹⁰, რომ ხელისუფლებისათვის საშიშ ძალად, ანუ როგორც მარქსი

⁸ A. A დ ა მ о в, დასახ. ნაშრომი, გვ. 353.

⁹ სხვა მოსაზრებით, იენიჩარების ჯარის ფუძემდებლად მიჩნეულია ოსმან I-ის ვაჟი ორხანი (1324—1359) (A. A დ ა მ о в, დასახ. ნაშრომი, გვ. 350).

¹⁰ იენიჩარების ბუნებასა და სამხედრო ორგანიზაციაზე უარყოფითი გავლენა მოახდინეს შემდეგმა მიზეზებმა: 1. ოსმალეთის დაპყრობითი ომების ციკლის დამთავრებამ, ნადავლის შეწყვეტამ და ხაზინის დაცაროებებამ, რის გამოც ხელისუფლებას აღარ შეეძლო სახელმწიფოს კმაყოფიან მყოფი იენიჩარებისათვის ჯამაგირის დროულად

და ფ. ენგელსი აღნიშნავდნენ. „ოსმალეთის იმპერიის შავ კი-
რად“¹¹ იქცა და თავისი თვითნებობით (განუწყვეტელი აჯანყებე-
ბით) მოსვენებას აღარ აძლევდა არც სულთანს და არც მისი ინ-
ტერესების დამცველ პროვინციების გამგებელ ფაშებს.

ამ გარემოებას თავიდანვე მიაქცია ყურადღება ჰასან ფაშამ
და სათანადო ზომებიც მიიღო მის გამოსასწორებლად. დიდი ვა-
ზირის ნებართვით და მის მიერვე გამოყოფილი დიდი თანხით, მან
შეადგინა ახალი ცხენოსანი სამხედრო რეგულარული ჯარი „ლე-
ვენდა“¹². რომელიც ძირითადად დაკომპლექტებული იყო ქურთე-
ბითა და ლურებით¹³, და მკვეთრად უპირისპირდებოდა იენიჩარებს.
ამ უკანასკნელთა დასაპირისპირებლად და თავისი ძალაუფლების
გასაძლიერებლად გაიჩინა ჰასან ფაშამ აგრეთვე „პირადი გვარ-
დია“. რომელიც „ლევენდასა“ და სხვა ირეგულარულ ლაშქართან
ერთად ისეთ სერიოზულ ძალას წარმოადგენდა, რომ თავისუფლად
შეეძლო გასწორებოდა იენიჩარების გარნიზონებს. მართლაც, ამ
უკანასკნელებმა მალე მოიხარეს ქელი, გახდნენ ბაღდადის ფაშას
ნება-სურვილის შემსრულებლები¹⁴.

მცემბ: 2. ვერაღ I-ის დროიდან დაკანონებული იენიჩარების შერჩევისა და მათი
სამხედრო რაზმების დაკომპლექტების წესების შეცვლა, რაც ძირითადად იმაში გა-
მოიხატა. რომ თუ ადრე იენიჩარებად ლეზღობდნენ მხოლოდ ქრისტიანული წარ-
მოშობის ჰაბუებს, რომლებსაც ოსმალეთში არც მშობლები გააჩნდათ, არც ნათესა-
ვები და სახლკარი, არც ცოლშვილის მოკიდების უფლება ჰქონდათ და იძულებული
იყვნენ უცხოურად მხოლოდ თავიანთი სამხედრო ხელბით და ყოფილიყვნენ სამ-
ხედრო „კერის“ (აეჯაკის) უსაზღვრო ერთგულნი. შემდეგ სურათი არსებითად შე-
იცვალა. იენიჩარებს უფლება მიეცათ დაეცოლშვილებინა, ხოლო მათ შვილებს— იე-
ნიჩარებად გახდომისა. გარდა ამისა, იენიჩარად გახდომის უფლება მიეცა ყველას. თა-
ნაც სავალდებულო აღარ იყო ბანაკში ყოფნა და სამსახური. ასეთ პირობებში ბევ-
რმა მოაწერა იენიჩართა რიგებს. მათ სივრცეში ხალხით ეწვრებოდნენ მდიდრებიც
(რომლებიც ამით უზრუნველყოფდნენ თავიანთი ქონების ხელუხლებლობას), ხე-
ლისეფლებიანადი უკმაყოფილო ელემენტებიც და დამნაშავენიც სასჯელის თავიდან
ასაცუენად. რადგან იცოდნენ, რომ იენიჩარის დასჯა მხოლოდ მის უფროსს, იენი-
ჩარებს აღარ შეეძლო. ამ ცვლილებებმა ააჭრელა იენიჩართა რიგები, მოშალა დის-
ციპლინა. ბრძოლსუნარიანობა და ისინი დემსგავსენენ ბრბოს, რომელსაც თავი-
სუფლად იყენებდნენ მათ რიგებში შეპარული უკმაყოფილო პირობით ხელისუფლების
წინააღმდეგ.

¹¹ К. Маркс и Ф. Энгельс, Сочинения, т. IX, стр. 374.

¹² А. Адамов, დასახ. ნაშრომი, გვ. 352.

¹³ S. H. Longrigg, Four Centuries of Modern Iraq, Oxford, 1925, p. 354.

¹⁴ А. Адамов, დასახ. ნაშრომი, გვ. 352, 355.

„პირადი გვარდია“, რომლის ჩამოყალიბება ერასმი უშუალოდ ქასან ფაშას სახელთანაა დაკავშირებული, შედგებოდა უცხო ტომის შვილების, უმთავრესად კავკასიელების, კერძოდ კი ქართველებისა და აფხაზებისაგან¹⁵.

* * *

ქართველი ხალხის შვილები შორეულ ბაღდადში არც თავიანთი სურვილით მისულან და არც კარგი ცხოვრების გამო. მათ სამშობლოს გარეთ ერეკებოდა ის ბედუქულმართობა, რომელიც ქვეყნის ყაშთა სიახით იყო გამოწვეული.

საქართველოს დასაპყრობად და მისი ხალხის დასამორჩილებლად უხსოვარი დროიდან მოყოლებული XIX ს-მდე ერთმანეთს ცვლიდნენ და ეცილებოდნენ რომაელები, ბიზანტიელები, სპარსელები, არაბები, სელჩუკი თურქები, ხვარაზმელები, მონღოლები, თურქმენები, ოსმალები და ყიზილბაშები. მომხდურთა შრავალრიცხოვანი ურდოების გამუდმებული შემოსევა ქვეყანას მოსვენება-მომძლავრების საშუალებას არ აძლევდა. ამ მხრივ განსაკუთრებით მძიმე მდგომარეობა შეიქმნა ჩვენში XVI—XVIII საუკუნეებში, როცა ცალკე სამეფო-სამთავროებად საბოლოოდ დაშლილი საქართველო ოსმალური თურქეთის და ყიზილბაშური ირანის საცილობელ ქვეყნად, მათი დაპყრობის უშუალო ობიექტად იქცა. ეს ორი სახელმწიფო სამი საუკუნის მანძილზე იყოფდა საქართველოს მიწა-წყალს. 300 წლის განმავლობაში იპყრობდა ამ ქვეყანას და მის დასამორჩილებლად ფართოდ იყენებდა დათრგუნვის ყველა ფორმას: ომებს, მოსახლეობის აყრა-გადასახლებასა და მათ ადგილზე ნომადი ტომების ჩამოსახლებას, თავიანთი სოციალურ-პოლიტიკური სისტემისა — „ოსმალბა“-„ყიზილბაშობის“ დამკვიდრებას და ყველაფერზე უზომო გადასახადების დადებას. ვერც ერთმა დამპყრობელმა ქართველობის მოსპობა, ქართველთა

¹⁵ ۲۲ — ص ۶، ج ۱۳۷۳، بغداد، تاريخ العراق، عباس الزاوي، S. H. Longrigg, დასახ. ნაშრომი, გვ. 164: Сборник сочинений Р. А. Фадеева, СПб., 1889, т. III, ч. I. стр. 11; А. А. Дамов, დასახ. ნაშრომი, გვ. 355. ამ ავტორებისაგან ვაისხუავებით ფილიპ ჰიტი აღნიშნავს: „ისინი ჩერქეზები იყვნენ“ (Philip K. Hilli, History of the Arabs from the earliest times to the present, London, 1961, p. 738), მაგრამ ეს სიმატლეს არ ასახავს.

ასიმილაცია და მათ ქვეყანაში დამკვიდრება ვერ მოახერხა. სამაგიეროდ, თავიანთი ავანაჯური მოქმედებით, საუკუნეთა მანძილზე რომ გრძელდებოდა, იმას მაინც მიაღწიეს, რომ ქვეყანა უკიდურესობამდე დაასუსტეს და მის მომძლავრებას შემდეგ საუკუნეები დასჭირდა.

ჩვენს წინაპართ ძვირად უღირდა თითოეული ომის გადატანა. ყოველწლიურად ათასობით ვაჟკაცი იღუპებოდა ბრძოლაში ან ტყვედ ვარდებოდა. ქვეყანა კნინდებოდა და მოსახლეობა სწრაფად მცირდებოდა. ცენტრალური ხელისუფლება თანდათან სუსტდებოდა და ამიტომაც სულ უფრო ძლიერდებოდა ფეოდალური აღვირაზსნილობა, ქიშპი, შინაომები და ცენტრიდანული ტენდენცია, რამაც საქართველო „პოლიტიკურ დაიზნულობამდე“ მიიყვანა და მტერს საქმე საგრძნობლად გაუადვილა¹⁶.

უარეს მდგომარეობაში აღმოჩნდა ქვეყნის ეკონომიკა. ყველა შრომისა და ბრძოლისუნარიანი, ვისაც იარაღის ტარება შეეძლო, ლაშქარში იყო¹⁷. სოფლად თუ ქალაქად დარჩენილი იყვნენ მხოლოდ ქალები, მცირეწლოვნები და ღრმა მოხუცები, რომლებიც ბალვენახებისა და სახნავ-სათესი ადგილების მოვლა-დამუშავებას ვერ ასწრებდნენ, ხოლო რის დამუშავებასაც ახერხებდნენ, ისიც უმეტეს შემთხვევაში ბრძოლების დროს ნადგურდებოდა, ან მტერს მიჰქონდა და ქვეყანაც თანდათანობით იმშეოდა. ამ პროცესს ომების გარდა ხელს უწყობდა და აჩქარებდა „ოსმალობა“- „ყიზილბაშობა“, მძიმე საგადასახადო სისტემა და უზომო ხარკი. დამპყრობლები პირველი წარმატებისთანავე შეუდგებოდნენ ხოლმე დამარცხებულის ტერიტორიის აზოჩვა-აღწერას და საგადასახადო წიგნების შედგენას. ასე აღწერეს ოსმალებმა ჯერ სამცხე-საათაბაგო (1695 წელს) და შეადგინეს „გურჯისტანის ვილაიეთის დიდი დაეთარი“, ხოლო შემდეგ (1725 წელს) — ქართლიც: „ოს-

¹⁶ „საქართველო თავად ცოტა იყო და მერმე მრავლეთ გაყოფილი და ერთმანეთის ურჩნი და ქიშპნი მტერნი, ერთმანეთის მარბენნი და მწყინარნი. ამისათვის იქით ურუმნი არბედეს და აქეთ ყიზილბაშნი“-ო, ამბობს ფარსადან გორგიჯანიძე (ს. კ ა კ ა ბ ა ძ ე, ფარსადან გორგიჯანიძის ისტორია, საისტორიო მოამბე, ტფილისი, 1925, წიგნი II, გვ. 7).

¹⁷ იტალიელი მისიონერი ლამბერტი აღნიშნავს, რომ ლაშქრობაში არასრულწლოვნებიც მონაწილეობდნენ: „მშობლებს სულ პატარებიც დაჰყავდათ ლაშქრობაში... ბავშვები ისე ატარებენ იარაღს. უკავიათ ხელში ფარი და ხმარობენ შვილდსა, თითქოს დაბადებულან შეჩვეულნი იყვნენ ბრძოლას“ (არქანჯელო ლამბერტი, სამაგრელოს აღწერა. თარგმანი იტალიურიდან აღ. ჰყონიასი, თბ., 1938, გამოც. II, გვ. 86)

მალემა აღწერეს ქართლი სრულიად და დასდეს ხარკი კაცსა სულზედ დრაჰკანი (50 კაპ.), ცხვარზედ ორი შაური, ძროხაზედ აბაზი, კამეჩსა და ცხენზედ ექვსი შაური, მოსავალსა ზედა ხუთის-თავი ხილითურთ¹⁸.

ასეთივე გადასახადებით იყო დამძიმებული დასავლეთ საქართველოს მოსახლეობაც. ოსმალთა სასარგებლოდ იმერეთს წელიწადში უნდა გაეღო 10-იდან 20 წლის ასაკის 80 ქალიშვილი და ქაბუკი, გურიას—46, სამეგრელოს—70 000 საყენი ადგილობრივი წარმოების ტილო¹⁹. სამ წელიწადში ერთხელ ერთ სახალათე ტილოს ან 20 კაპიკს იხდიდა იმერეთის თითოეული კომლი²⁰. ჰამერის გამოანგარიშებით, გადასახადის საერთო ოდენობა, რომელსაც იმერეთი ოსმალეთს უხდიდა, შეადგენდა 300 ქისას ანუ 90 000 მანეთს²¹.

მიტაცებული ადგილების აღწერა-დაბეგვრაში ოსმალებს არც ყიზილბაშები ჩამოუყარდებოდნენ. ოსმალთა მსგავსად მათაც მოარბიეს და აღწერეს 1569 წელს თბილისი და ქვემო ქართლი, ხოლო 1741 წელს კი მთელი ქართლ-კახეთი, და დაადვეს უზომო გადასახადი, რასაც ამბის მომსწრე ასე აგვიწერს: „...მოვიდა მუშეიზი, რომელ არს მწერალი ქვეყნისა, აღწერად ქართლისა, ესრეთ იყო აღწერა, რაც ძველათ ნასოფლარი სადმე იყო ყველგან ზომეს მიწები საბლით (და) ხრევი (ხარკი) დასდევს. აგრეთვე ამ სახით შენობა სადმე იყო დიდი ხრევი (ხარკი) დასდევს, ვითარც ერანის ქვეყანაში, მომცემი მიწა არის და ბევრი გამოსავალი აქვს, ამ ქვეყანას განუწესეს. თვალეს ვაზები ეგრე... რასაცა მიხვდნენ.

¹⁸ ქართლის ცხოვრება, დასაბამიდან მეცხრამეტე საუკუნემდე, ჩუბინაშვილის გამოცემა, სანკტ-პეტ. 1854, წიგნი II, გვ. 88; ნ. ბ ე რ ძ ე ნ ი შ ვ ი ლ ი, რუსეთ-საქართველოს ურთიერთობის ისტორიიდან XVI—XVII საუკუნეთა მიჯნაზე, მასალები საქართველოს და კავკასიის ისტორიისათვის, თბ., 1944, ნაკვ. I, გვ. 178—179.

¹⁹ И. А. С л и в н и ц к и й, Шарден и его путешествие по Грузии, Тифлис, 1849, стр. 9; ქართულ თარგმანში საყენის მაკიურ წერია არშინი, იხ. ეან შარდენის მოგზაურობა სპარსეთსა და აღმოსავლეთის სხვა ქვეყნებში, ფრანგულიდან თარგმნა, გამოკლევა და კომენტარები დაურთო მ. შვალობლიშვილმა, თბ., 1975, გვ. 204 (შემდეგ მოკლედ: შარდენი, მოგზაურობა).

²⁰ Ал. Ц а г а р е л и, Грамоты и другие исторические документы XVIII столетия относящиеся к Грузии, СПб., 1891, т. I, док. 14—15.

²¹ შ. ბ უ რ ძ ა ნ ა ძ ე, სოლომონ I (საკანდ. დისერტაცია) 1948, გვ. 24, ხელნაწერი.

ვანს ერთი ბისტი დასდევს. სოფელსა და ბაღსა შინა რაც ხე ნახეს, თითო შაური დასდევს, კაცს ორი შინალთუნი, ყმაწვილსა ასაკოვანსა ხუთი აბაზი და შემდგომი ამისი ათს წლამდის ხარჯი დასწერეს. ყმაწვილზე პირუტყვზე ყოველსა ზედა განაწესეს, ბოსტანსა, წისქვილსა, ყოველისფერს შენობას ანუ ოხერს ადგილს, ასეთი ხარჯი დასდევს, რომ ყოვლის კაცისაგან ღიდად შეუძლებელი იყო... ბევრ-ჯელ ვნახეთ ბალახის კურკასა გახმობდიან, დაფქვიდნენ და იმას ქამდნენ²². და სწორედ ასეთ დროს (1741—2 წელს) ნადირ შაჰმა 60 000 შინალთუნის (შინალთუნი დაახლოებით ერთ მანეთს უდრიდა) ხარკის ანგარიშში ქართლს 3 მილიონი ლიტრა პურის გადახდა მოსთხოვა. ეს პური კი მაშინ ბაზარზე სულ მცირე 500 ათასი მანეთი მაინც ღირდა²³.

დამპყრობლის მიერ დაწესებული ასეთი დიდი გადასახადი, რომელსაც ადგილობრივ მებატონეთა უზომო ექსპლოატაციაც ემატებოდა, ქართველ გლეხს საარსებო საშუალებას უსპობდა, წელში სწყვეტდა და სასოწარკვეთილებაში აგდებდა: „ლარიბები თითქმის შიშველ-ტიტველი დადიან მათი სიღატაკე უმაგალითოა, უმრავლესობას მხოლოდ სრულიად უვარგისი ქეჩა თუ მოეპოვება და ამით იფარავს ტანს... ადამიანი, რომელსაც პერანგი და შარვალი აქვს, მდიდრად ითვლება, თითქმის ყველა ფეხშიშველია“-ო ამბობს ე. შარდენი²⁴. ამიტომ უსასოო გლეხი ხშირად ბრბოლის პასიურ ფორმას მიმართავდა, თავს ანებებდა მეურნეობას, ბალ-ვენახებს საკუთარი ხელით ჰკაფავდა, აოხრებდა²⁵, იყრებოდა და გარბოდა ქართლიდან კახეთში, იმერეთიდან ქართლ-კახეთში, სამეგრელოდან აფხაზეთში ან კიდევ შორსაც, უცხოეთში, მახლობელ თუ შორეულ ქვეყნებში. „მრავალი სული აიყარა ამა ქვეყნით და უცხოთა ალაგთა გარდაიხვეწა“²⁶, რაშიც ოსმალობისა და ყიზილბაშობის გარდა მეტად დიდი როლი შეასრულა „ლეკიანობამ“ — დაღესტნელთა უსასრულო თავდასხმებმა.

მაგრამ, XVIII ს-ის საქართველოს უბედურება მართო ამით როდი ამოიწურებოდა. ოსმალებისა და ყიზილბაშების ბატონობის დასაწყისიდან ჩვენს ქვეყანას კიდევ ერთი საზარელი სენი

²² პ ა პ ე ნ ა ო რ ბ ე ლ ი ა ნ ი, საქართველოს ცხოვრება (ჩუბინაშვილის გამოცემა) გვ. 345; ნ. ბ ე რ ძ ე ნ ი შ ვ ი ლ ი, დასახ. ნაშრომი, გვ. 198—199.

²³ ნ. ბ ე რ ძ ე ნ ი შ ვ ი ლ ი, დასახ. ნაშრომი, გვ. 200—201.

²⁴ შარდენის მოგზაურობა, გვ. 119.

²⁵ პ ა პ ე ნ ა ო რ ბ ე ლ ი ა ნ ი, დასახ. ნაშრომი, გვ. 345.

²⁶ ი კ ე ., გვ. 59.

დასჩემდა. ეს იყო „ტყვის სყიდვა“²⁷, რომლის გავრცელებას ხელს უწყობდნენ მოსახლეობის გაბატონებული ფენები, გაბოროტებული თავადები, გალატაკებული და ამ ნიადაგზე გააბრაგებული აზნაურიშვილები, ეკლესიის მსახურნი, პირველყოფილობაში — „ისტორიის მიღმა“... ჩარჩენილი ან ამ პირველყოფილობას დაბრუნებული „მარად ავის მოხარული (ბარის მიმართ) მთა... ტყვის მყიდველები, იესირჩები, თულეები, ლეკები და ყველა ამათი მფარველი და წამქეზებელი ყიზილშაშური ირანი და ოსმალური თურქეთი“²⁸. ფეოდალური საზოგადოების აშკარა დეგრადაციის მანიშნებელი ეს მძიმე მოვლენა აშკარა განადგურებას უქადდა მოსახლეობას. ყოველწლობით ათასობით რჩეული ქართველი ქალი თუ კაცი ტყვის მყიდველებს უცხოეთში, უმთავრესად ოსმალეთსა და ირანში, მიჰყავდათ: „მართლაც თითქმის ყოველდღე დაინახავდით კონსტანტინეპოლში, რომ შავი ზღვით შემოდიოდა მრავალი გემი, დატვირთული ქრისტიანი ტყვეებით. განსაკუთრებული დროებით იცნობდნენ ხოლმე, რომ ამ გემებით ტყვეები მოყავდათ“²⁹. თუ რაოდენ გავრცელებული და საშიში იყო ეს სენი ჩვენში, ჩანს უცხოელი დაჰკვირვებლის ერთი ცნობიდანაც, სა-

²⁷ თუ რაოდენ სწირდა ეს ავი სენი საქართველოს, ჩანს დამკვირვებელთა ჩანაწერებიდან: „აფხაზები, გურულები და ფოთლები ხელიდან არ უშვებდნენ შემთხვევას, მოეტაცათ სოფლის ორივე სქესის ბუნებები და თურქეთში გაეყვინათ“ (H. Д у р о в и и, Закавказье от 1803—1806 года, СПб., 1866, стр. 141). „მეგრელები დიდი სამოყენებით ჰყიდიან ტყვეებს, რადგან ერთ ტყვეში იღებენ ყველა იმ საქონელს, რაც ოქანში უკირვებათ... რა სამწუხარო სანახავია, როცა ქრისტიან პატრონებს მიჰაეთ ასიოდე ქრისტიანი ბიჭი თურქებზე გასაყიდათ“ (ა რ ქ ა ნ ქ ე ლ ო ლ ა მ ბ ე რ ტ ი, სამეგრელოს აღწერა, გვ. 158). ასეთივე იყო მდგომარეობა აღმოსავლეთ საქართველოშიც. იქაც იყო „ტირილი და ვაება ტყვეთაგან“ (პ ა მ უ ნ ა ო რ ბ ე ლ ი ა ნ ო, დასახ. თხზულება, გვ. 347). „შერიათ ქართველთაცა ყიღვა და იცალებოდცა ქეევა-ზნენი ქართლისანი და იეყოდნენ უმეტეს ყიზილშაშთა ზნე-წყისთა“ (ქართლის ცხოვრება, დასახ. გამოცემა, ნაწ. II, გვ. 67). „მთელი კავკასია ერთიან ტყვეთა ბაზარს წარმოადგენდა“ (Собрание сочинений Р. А. Фадеева, т. I, ч. I, стр. 11).

²⁸ ნ ბ ე რ ქ ე ნ ი შ ვ ი ლ ი, რუსეთთან საქართველოს შეერთების ისტორიული მნიშვნელობისათვის, „მნათობი“, თბ., 1954, № 6, გვ. 130. „თურქები ისეთ ერთგულებას იჩენენ ამ საქმეში (ე. ი. ტყვის სყიდვაში—ბ. ს.), რომ არ ზოგავენ არც ჯათას და არც ფულს, ოღონდ კი შეიძინონ ტყვეები. მართლაც მათ მიჰყავთ მრავალი ტყვე არა მარტო სამეგრელოდან, არამედ ჩერქეზეთიდან, აფხაზეთიდან, აღანეთიდან, ჭიქეთიდან:...შედიან რუსეთში და პოლონეთში“ (ა რ ქ ა ნ ქ ე ლ ო ლ ა მ ბ ე რ ტ ი, სამეგრელოს აღწერა, გვ. 162).

²⁹ ა რ ქ ა ნ ქ ე ლ ო ლ ა მ ბ ე რ ტ ი, დასახ. თხზულება, გვ. 162.

დაც ნათქვამია, რომ „მარტო სამეგრელოდან ყოველ წელს გასა-
ყიდად ან გასაცვლელად 12 000 კაცი გაჰყავდათ“-ო³⁰. ასე იცლე-
ბოდა საქართველო ქართველებისაგან³¹, რის გამოც შეშფოთე-
ბული თანამედროვე ოხვრით ამბობს: „ალარ დარჩა კაცი ქვეყნად.
ურუმის ქვეყანა ქართლის კაცით აივსოვო“³². თურქები, როგორც
კი შეიძინდნენ ქრისტიან ტყვეებს, უმთავრესად ახალგაზრდა
გოგო-ბაჭებს. „მაშინვე თურქულად ჩააცმევდნენ და ნიშნად...
მათი სჯულის მიღებისა, ააწევიებდნენ საჩვენებელ თითს, უარს
ათქმევიებდნენ ქრისტეს სჯულზე და ასწავლიდნენ თურქთა სჯუ-
ლის წესსა და რიგს“. ამას ჩადიოდნენ ისინი ქრტიანთა ქვეყა-
ნაში, ვიდრე ტყვეებს მაჰმადიანურ ქვეყნებში წაიყვანდნენ³³.

უცხოეთში ტყვედ წაყვანილ, გაყიდულ თუ თავისით გარდა-
ხეცილ³⁴ აურაცხელ ქართველთაგან მხოლოდ ზოგიერთს თუ
ხვდებოდა წილად სამშობლოში დაბრუნების ბედნიერება, თორემ
სამუდამოდ იქ რჩებოდნენ და, ჩვეულებრივ, სულთნების, შაჰე-
ბის, ბეგლარბეგების, ფაშებისა და ბეგების შეიარაღებულ რაზ-
მებს თუ პარაზიტებს ამშვენებდნენ. იქ იწყებოდა ჰათი მეორე, ნამ-
დვილად მძიმე, მონური ცხოვრება, თუმცა დღევანდელი მონა ხვალ
შეიძლება სხვისი ბატონი და ქვეყნის პატრონიც გამხდარიყო, რად-
გან მისი წოდებრივ-უფლებრივი თუ თანამდებობრივი მდგომარეო-
ბა ბევრად იყო დამოკიდებული მისსავე პირად ღირსებებზე:
ქუა-გონებზე, ერთგულ სამსახურზე, თავდადებაზე. ამიტომ ოსმა-
ლეთში და ირანში მოხვედრილი ქართველების მეტი წილი ამ
ღირსებების წყალობით სწრაფად აღწევდა თავს მონურ მდგომარეო-
ბას, წინაურდებოდა და ბევრი მათგანი მსხვილი ფეოდალი,
ბეგი, ბეგლარბეგი, ფაშა ხდებოდა. სწორედ ამ გარემოებას უსევამს

³⁰ შარდენის მოგზაურობა, გვ. 123.

³¹ XVIII ს-ის II ნახევარში იმერეთში ალარ იყო ალარც ქალაქი და ალარც სოფელი, რომლებიც ამ სახელს ღირსნი ყოფილიყვნენო — აღნიშნავს იმ ხანად ჩვენში მყოფი აკოზ რაინვესი (მ. დ უ მ ბ ა ძ ე, რუსი ანონიმე მე-18 ს. II ნახე-
რის საქართველოს შესახებ. „მასალები საქართველოს და კავკასიის ისტორიისათ-
ვის“, თბ., 1963. ნაკვ. 35, გვ. 169). გაპარტახდა აღმოსავლეთ საქართველოც:
„ალარ დამთა მსახლობელი მუხრანს, ქართლს, საციციანოს და ადგილ საბარათი-
ანოს სომხითსაც თენიერ სინაგოგთა“ — ამბობს ვახუშტი (ნ. ბ ე რ ძ ე ნ ი-
შ ე ი ლ ი, რუსეთ-საქართველოს ურთიერთობის ისტორიიდან XVI—XVII საუ-
კუნეთა მიწნაზე, მასალები საქ. და კავ. ისტორიისათვის, გვ. 178).

³² ვ ა კ უ ნ ა ო რ ბ ე ლ ი ა ნ ი, დასახ. თხზულება, გვ. 347.

³³ ა რ ქ ა ნ ჯ ე ლ ო ლ ა მ ბ ე რ ტ ი, სამეგრელოს აღწერა, გვ. 158.

³⁴ Ш а р л ь И с а в и, Египет в середине XX века, М., 1958, стр. 33.

ხაზს „კალმასობის“ ავტორი, როცა ამბობს: „ისხდნენ კუალად კახეთიდან და იმერეთიდან დაკარგულნი ტყვეები ბეგებად და ქაშიფებად (მმართველებად — ბ. ს.). მისრში მთლად ბეგებად ქართველნი არიანო“³⁵

ქართველი ტყვეები არა მარტო ეგვიპტეში მიჰყავდათ, არამედ უწყვეტ ნაკადად მიედინებოდნენ ირანსა და ოსმალეთში, სადაც ყველაზე ძვირად ჰყიდნენ.

ბაღდადში, ბასრასა თუ მახლობელი აღმოსავლეთის სხვა ქალაქების ტყვეთა ბაზრებზე გასაყიდად მიყვანილ ქართველებს და სხვა ერის შვილებს დიდი რაოდენობით იძენდა ჰასან ფაშა, აგზავნიდა მის მიერვე ბაღდადში გახსნილ სასწავლებელში და სათანადო აღზრდა-განათლების მიღების შემდეგ რიცხავდა თავისი რჩეული სამხედრო რზმის „პირადი გვარდიის“ რიგებში. ასე და ასეთი აუცილებლობით გაჩნდა ქართველთა თავშესაყარი ერაყის დედაქალაქში XVIII ს-ის დასაწყისში. ასე ჩაისახა და შემდეგ თანდათანობით გაიზარდა ბაღდადის საფაშოს გამგებლის კარზე ბირთვი ქულემენებისა ანუ მამლუქებისა.

მამლუქი სპეციალურ ლიტერატურაში და ლექსიკონებში სხვადასხვანაირადაა განმარტებული: მამლუქი — „თეთრი მონა“³⁶; „თეთრი მონა (ჩვეულებრივ კავკასიური წარმოშობისა), დაქირავებული ჯარის მეომარი“³⁷; „მონა (ჩერქეზული ტომისა)“³⁸; „სამხედრო სამსახურში მყოფი ტყვე მონა“³⁹; „ჩერქეზი და შუა აზოელი მონები“⁴⁰ და სხვ. მაგრამ არც ერთი ეს განმარტება არაა ზუსტი. მამლუქების გათანაბრება მონებთან შეუძლებელია. არც ის არის სწორი, თითქოს ისინი დაქირავებული მეომრები იყვნენ და მხოლოდ კავკასიელებისა და შუა აზოელებისაგან შედგებოდნენ.

³⁵ იო ა ნ ე ბ ა ტ ო ნ ი შ ვ ი ლ ი, კალმასობა, თბ., 1895, გვ. 38. ეგვიპტეში მოხვედრილ ქართველთა შესახებ იხ. აგრეთვე აბდ არ-რამჰან ალ-ჯაბართი, „აქაბთ აღ-ასარ ფი-თ-თარაქიმალ-ახბარ“, ბულაკი, 1297 (1880), ტ. 1—4; ს. ლუზინიანი, ოსმალეთის პორტას წინააღმდეგ ალი ბეის აჯანყების ისტორია, ინგლისური ტექსტი ქართული თარგმანით, შესავლით და შენიშვნებით გამოსცა ბ. სილაგაძემ, თბ., 1973; К. Ф. Вольней, Путешествие в Сирию и Египет, СПб., 1791; გ. ავალიშვილი, მოგზაურობა თბილისიდან იერუსალიმამდე, თბ., 1967; დ. ჭანელიძე, ქართველი მამლუქები ეგვიპტეში, თბ., 1967; Вл. М а ч а р а д з е, Из истории русско-грузинско-египетского-этно-пских отношений в 80-х годов XVIII века, Тб., 1967.

³⁶ Х. К. Баранов Арабско-русский словарь, М., 1957.

³⁷ А. Ф. Миллер, Мустафа паша Байрактар, М.-Л., 1947, стр. 494.

³⁸ S. H. Longrigg, დასახ. ნაშრომი, გვ. 354.

³⁹ К. Ф. Вольней, Путешествие в Сирию и Египет, т I, стр. 151.

⁴⁰ Ш. Исави, დასახ. ნაშრომი, გვ. 33.

მამლუქებს ჰქონდათ ისეთი უფლებები, როგორსაც მონები მოკლებული იყვნენ. კერძოდ, თუ მამლუქს პატრონი არ მოეწონებოდა, შეეძლო მოეთხოვა საკუთარი თავის გაყიდვა და მფლობელის გაშვება. მონად შეიძლებოდა ყოფილიყო ყველა ერთგუების, რასისა და რაჯლის წარმომადგენელი, მამლუქად კი როგორც წესი, არა მუსლიმი, თეთრკანიანი უცხოელი.

მონებსაგან განსხვავებით, გარკვეული რაოდენობა მამლუქებისა თავისი ნებით იყო მისული ეგვიპტეში, ერაყსა და სირიაში⁴¹.

ეთნიკურად მამლუქთა რიგები ჰრელი იყო. იქ იყვნენ არა მარტო კავკასიელები, არამედ რუსები, პოლონელები, უნგრელები, ესპანელები, გერმანელები და სხვები. ისინი, მართალია, სამხედრო რაზმებში იყვნენ გაერთიანებული, მაგრამ გასარჩევლოს (ქირას) არ იღებდნენ, პატრონის პირად კეთვნილებას წარმოადგენდნენ, მის კმაყოფაზე იმყოფებოდნენ და ამიტომ დაქირავებულ მეომრებად ვერ მივიჩნევთ. ვინ იყო მამლუქი? — შეძენილი, არამუსლიმური სარწმუნოების უცხოელი თეთრკანიანი, რომელიც მამლუქად სპეციალურად მოხვედრისთანავე მუსლიმდებოდა, თავისი პატრონის შეიარაღებულ რაზმში ირიცხებოდა, მისი ნება-სურვილის შესაბამისად მოქმედებდა და ერთგული სამსახურით შეიძლებოდა თავი დაეღწია უფულებო მდგომარეობიდან, საზოგადოების სრულუფლებიანი წევრი გამხდარიყო. განთავისუფლებული და სრულუფლებიანი უკვე მამლუქი კი აღარ იყო, არამედ მამლუქთა წრიდან გამოსული ანუ ყოფილი მამლუქი.

თავიანთი ნიჭის, ერთგული სამსახურისა და მხედრული შემართების მეოხებით ქართველი მამლუქები სწრაფად დაწინაურდნენ, სამხედრო-პოლიტიკურ ასპარეზზე გამოვიდნენ და ზოგიერთმა ერაყის გამგებლის თანამდებობამდეც მიაღწია. ეს პროცესი საგრძნობლად დააჩქარა 1723 წელს დაწყებულმა ირან-ოსმალეთის ომმა, რომელმაც 23 წელიწადს გასტანა და ერაყის მთელი ძალების დაძაბვა მოითხოვა.

პირველი მამლუქი, ვინც ამ ომში თავი ისახელა და მისი დამთავრების (1746 წ.) შემდეგ ერაყის გამგებელი გახდა, იყო სულეიმან ალა.

სულეიმან ალა, ტომით ქართველი⁴², დაბადებული უნდა იყოს 1694⁴³ ან 1696 წელს⁴⁴, ღარიბი გლეხის ოჯახში. ის 12 წლის ყო-

⁴¹ Subhi Wihida, *Fi usul al-masala al-Misriya*, Cairo, 1951, გვ. 58—65; Ш. Исави, დასახ. ნაშრომი, გვ. 33.

⁴² А. Адамов, დასახ. ნაშრომი, გვ. 371; S. H. Longrigg, დასახ. ნაშრომი, გვ. 165. ფ. ჰიტის მოსაზრებით სულეიმანი ჩერქეზი იყო (P. K. Hitti, დასახ. ნაშრომი, გვ. 738) მაგრამ ეს არც ერთი წყაროს ცნობით არ დასტურდება.

⁴³ S. H. Longrigg, დასახ. ნაშრომი, გვ. 172.

⁴⁴ ١٣٦٠—١٣٦١ هـ، ص ١٠٠، تاريخ واصف، ამჟამად უასიფის ამ ცნობით სარგებლობს ჰაშერი, მაგრამ სულეიმანის დასაბუთების თარიღად 1696 წლის ნაცულად

ფილა, როცა ოსმალეთში წაუყვანიათ და ერაყის გამგებლისათვის მიუყიდიათ. თურქი ისტორიკოსების — ვასიფისა და მეჰმედ სურეიას ცნობით, ბალდაღში მიყვანილი პატარა სულეიმანი აჰმედ ფაშას შეუძენია⁴⁵. მაგრამ არსებობს ცნობა, რომლის მიხედვით სულეიმანი იყიდა არა აჰმედმა, არამედ მამამისმა ჰასანმა⁴⁶. ჩვენი აზრით, ეს ცნობა უფრო სანდო უნდა იყოს, რადგან 1696 წელს დაბადებული ბავშვი 12 წლის იქნებოდა 1708 წელს. ამ დროს კი ბალდაღის ეიალეთს ჰასან ფაშა განაგებდა. რაც შეეხება აჰმედს, ის ამ ადმინისტრაციულ ერთეულს მართავდა მამის გარდაცვალების შემდეგ, 1723—1747 წლებში.

სულეიმანი პატრონს სასწავლებელში მიუბარებია და, როგორც ს. ლონგრიგი აღნიშნავს, შესაფერისი განათლება მიუცია⁴⁷. შემდეგ მოსამსახურედ აუყვანია სასახლეში, მაგრამ თავისი ნიჭისა და ენერჯიის წყალობით იგი დიდხანს არ დარჩენილა უბრალო ბიჭად. მამაცობითა და უანგარო ერთგულებით სულეიმანს თავიდანვე მიუპყრია ფაშას ყურადღება. არსებობს ცნობა, რომ ერთხელ სანადიროდ წასულ აჰმედს ლომი დასდევნებია და იგი მხეცის მსხვერპლი გახდებოდა, სულეიმანს რომ არ გადაერჩინა. რუსი მკვლევარი ა. ადამოვი აღნიშნავს, რომ ამ თავგანწირული მოქმედებისათვის აჰმედ ფაშას სულეიმანისათვის თავისუფლება მიუცია და თავისი უფროსი ქალიშვილი ადილა ხათუნი მიუთხოვებია⁴⁸. ს. ლონგრიგის ცნობით კი სულეიმანის გათავისუფლება მონობიდან და აჰმედ ფაშას ქალიშვილზე მისი დაქორწინება მომხდარა 1732 წელს, ოღონდ არა ნადირობის დროს ფაშას გადაარჩენის გამო, არამედ იმ გმირული ბრძოლებისათვის, რასაც იგი მტრის წინააღმდეგ ეწეოდა მაშინ, როცა ბალდაღი მისი გამგებლითურთ სამი თვის განმავლობაში ალყაში ჰყავდა მომწყვდეული ნადირ-ყულიხანის ლაშქარს⁴⁹.

შეცდომით უთითებს 1695 წელს (J. Hammer, *Histoire de l'Empire Ottoman*, Paris, 1815. t. XVI, p. 73), რასაც იმეორებს ელ. უარიც (იხ. მისი დასახ. ნაშრომი, გვ. 153).

⁴⁵ محمد ثريا، سجل عثمانی، ج ۳ — ۱۳، داسახ. ნაშრომი, გვ. 136; ص ۸۲

⁴⁶ S. H. Longrigg, დასახ. ნაშრომი, გვ. 165.

⁴⁷ იქვე.

⁴⁸ А. А. Адамов, დასახ. ნაშრომი, გვ. 371.

⁴⁹ S. H. Longrigg, დასახ. ნაშრომი, გვ. 165—166. ქ. ბალდაღი ნადირ-ყულიხანის ჯარებს ალყაში ჰყავდა 1733 წლის გაზაფხულზე (А. А. Адамов, დასახ. ნაშრომი, გვ. 361), მას შემდეგ, რაც 1732 წლის დეკემბერში

ბაღდადის ბრძოლაში სახელმძღვანელო, ფაშასთან დამო-
ყვრებულმა სულეიმან ალამ, რომელმაც ირანელთა წინააღმდეგ
ომში სამხედრო საქმის შესანიშნავი ცოდნა უჩვენა, 1733 წელს მირ-
მირანის ჩინი და ქაჰიას თანამდებობაც მიიღო. ამ პოსტზე მან 14
წელი დაჰყო და იყო ფაშას უცვლელი მოადგილე, მისი კარის მთა-
ვარი მოხელე, მთელი საფაშოს ადმინისტრაციული საქმეების გამ-
გებელი და ჯარების სარდალი. ის შეუპოვრად იბრძოდა აჯანყე-
ბული არაბი ტომების დასათრგუნავად და საფაშოში სიწყნარის
დასამყარებლად. მისი მეთაურობით 1742—1743 წლებში ჩახშო-
ბილი იქნა ყველაზე ძლიერი ტომების ზუბაიდის, მუნთაფიქისა და
ბანი ლამის აჯანყებები, რომლებიც მომზადებული იყო ნადირ
შაჰის ხელშეწყობით და სერიოზულ საფრთხეს უქმნიდნენ ადგი-
ლობრივ ხელისუფლებას.

ბრძოლის დაწყებამდე სულეიმან ალა გულდასმით სწავლობ-
და მოწინააღმდეგის ძალებს, ბრძოლის ხერხებს, ადგილსამყოფელს
და ამის მიხედვით იმუშავებდა თავისი მოქმედების გეგმას. ამას-
თანავე, იგი მტერს იშვიათად თუ შეებმებოდა დღისით. ამ დროს
ის მხოლოდ მიუახლოვდებოდა მტრის ბანაკს, დაზვერავდა და,
როდესაც ველზე წყვდიადი ჩამოწვებოდა, მამინ შეუტევდა ისე
მოულოდნელად, რომ მოწინააღმდეგე გაქცევასაც ვეღარ ასწრებ-
და. ამიტომ სულეიმანი არაბებმა შესაფერისი ეპითეტებით შეამ-
კეს. მას მეტსახელად „აბუ საჰრი“ (ჯადოქარი)⁵⁰, „დავასულ ლაი-
ლი“ (ღამის ლომი)⁵¹, „აბუ სუმრათი“ (წყვდიადის მამა)⁵², „აბუ
ლაილი“ (ღამის მამა)⁵³, „ასადულ ლაილი“ (ღამის ლომი)⁵⁴ და
სხვა შეარქვეს, რომელთაგან „აბუ ლაილი“ და „მიზრაკლი“
(დიდი)⁵⁵ ყველაზე ხშირად გვხვდება როგორც პირველწყაროებში,

დარღვეული იქნა ირან-ოსმალეთის იმავე წლის 10 იანვრის საზავო ხელშეკრულება
(M. C. И в а н о в, Очерк истории Ирана, М., 1952, стр. 25). ამიტომ ლონ-
გრატის მიერ ბაღდადის ალყის თარიღად დასახელებული 1732 წელი არ უნდა იყოს
ზუსტი.

⁵⁰ S. H. Longrigg, დასახ. ნაშრომი, გვ. 28.

⁵¹ იქვე.

⁵² იქვე, გვ. 169.

⁵³ العزاوي, დასახ. ნაშრომი, გვ. 13.

⁵⁴ S. H. Longrigg, დასახ. ნაშრომი, გვ. 165.

⁵⁵ محمد شری, დასახ. ნაშრომი, გვ. 82.

ისე სპეციალურ ლიტერატურაში სხვა სულეიმან ფაშებისაგან გასარჩევად.

14 წელიწადს ქაპიას თანამდებობაზე ყოფნის შემდეგ სულეიმანის წინაშე დაწინაურების ახალი პერსპექტივა გადაიშალა. 1747 წელს გარდაიცვალა აჰმედ ფაშა⁵⁶, რომელსაც ვაჟიშვილი არ ჰყავდა. ეს გარემოება ხელსაყრელ პირობას უქმნიდა სულეიმანს, როგორც გარდაცვლილ ფაშას მოადგილესა და ამასთანავე მის ერთგვარ მემკვიდრეს (უფროსი ქალიშვილის მეუღლეს), მიეღო ფაშობა, თუკი მისი გადაცემა ბაღდადში ჰასანის დროიდან დაკანონებული მემკვიდრეობის წესით მოხდებოდა⁵⁷. მაგრამ, როგორც მოსალოდნელი იყო, სულთანმა დაარღვია ეს წესი და ერაყის გამგებლად თავისი ყოფილი დიდი ვაზირი, დიარბაქრის ვალი, ალპაჯ აჰმედი დანიშნა, ხოლო სულეიმანი ადანის მმართველად გაგზავნა.

ოსმალეთის ცენტრალური ხელისუფლების ამგვარი გადაწყვეტილების მიზანი იყო, ხელი შეეშალა ერაყის შემდგომი გაძლიერებისათვის, რათა ხელიდან არ წასვლოდა ეს მხარე, რომლის გამგებლები უკვე ისე თავისუფლად გრძნობდნენ თავს, რომ სტამბოლის დაუკითხავად მოლაპარაკებასაც კი აწარმოებდნენ ირანის მთავრობასთან⁵⁸.

სულთანს რომ ამ შემთხვევაში სხვა არაფერი ამოძრავებდა, ეს იქიდანაც ჩანს, რომ იმის შემდეგ, რაც ნადირ-შაჰი გარდაიცვალა (1747 წ.), ირანი შინაფეოდალურმა აშლილობამ მოიცვა და ამის გამო აღმოსავლეთიდან ოსმალეთის სამფლობელოებზე თავდასხმის საშიშროება დროებით მოიხსნა, — მან ერაყი ორ ნაწილად გაჰყო და ბაღდადის გვერდით ბასრის საფაშო ჩამოაყალიბა.

ბასრის საფაშოს შექმნამ მკვეთრად გააუარესა ბაღდადის საფაშოს საერთო მდგომარეობა. ხაზინის წლიური შემოსავალი ამიერიდან ოდნავადაც ვეღარ ფარავდა საფაშოს ხარჯებს. იენიჩარები, რომლებიც გასამრჩელოს ხაზინიდან იღებდნენ, ახლა თვეების განმავლობაში უხელფასოდ იყვნენ და მღელვარებდნენ. მათ თანაუგ-

⁵⁶ عبدالعزیز سلیمان نوار، داود باشا، القاهرة، 1978، ص ۲۷ — S. H. Longrigg. დასახ. ნაშრომი, გვ. 346. ა. აღმოვი აჰმედ ფაშას გარდაცვალების თარიღად ასახელებს 1748 წელს (იხ. მისი დასახ. ნაშრომი, გვ. 369).

⁵⁷ საერთოდ ოსმალეთის იმპერიაში საფაშო ხელისუფლების გადაცემა მემკვიდრეობის წესით არ ხდებოდა.

⁵⁸ ამ მხრივ ოსმალეთის ცენტრალური ხელისუფლებისათვის ყველაზე დამაფიქრებელი იყო აჰმედ ფაშას მიერ 1733 წ. დეკემბერში ნადირ-შაჰთან გამართული მოლაპარაკება და საზავო ხელშეკრულების დადება.

რძობდნენ ბაღდადის შეძლებულებიც, რადგან აჰმედ ფაშას მიერ მათგან აღებული ვალის (2000 ბურსის)⁵⁹ გადახდას ახალი გამგებელი ველარ ახერხებდა. ქალაქში დაწყებულ მღელვარებას ქალაქკარეთ არაბ ტომთა მძლავრი აჯანყებები ემატებოდა და მდგომარეობა თანდათან უარესდებოდა. ალჰაჯ აჰმედ ფაშა მათ წინააღმდეგ ვერაფერს გახდა და ამის გამო სულთნის ბრძანებით იგი ვადააყენეს. ასევე დაასრულეს თავიანთი კარიერა მის შემცველად გამოგზავნილმა ჯერ რაჯიბმა, ხოლო შემდეგ აჰმად ქესრიელმა, რომლებმაც ვერც იენიჩარების მოთხოვნილება დააკმაყოფილეს, ვერც ბაღდადის ვაჭრებს დაუბრუნეს ვალი და ვერც აჯანყებული არაბების დამორჩილება შეძლეს.

ყოველივე ამას, რაც ბაღდადის საფაშოში ხდებოდა, ინტერესით ადევნებდა თვალს შორიდან, ადანში მყოფი სულეიმან ალა აბუ ლაილი, რომელმაც ბოლოს ის თავის სასარგებლოდ გამოიყენა. ესწრაფოდა რა ერაყში დაბრუნებას, მან ერთი მხრივ სულთანს შეუთვალა: საკუთარი ჯიბიდან გადავიხდი მთავრობის ვალს და დავაწყნარებ აჯანყებულ მუნთაფიქისა და ქაყბის ტომებს, თუ ბასრას ჩანაბარებთ⁶⁰. მეორე მხრივ, იგი დაუკავშირდა აჰმედ ფაშას მეველებს ბაღდადში და აცნობა ყველას, ვინც (ხელისუფლებისაგან) ვალის დაბრუნებას მოითხოვდა, „მხარი დაეკირათ სულთნისადმი გაგზავნილი მისი თხოვნისათვის საგანგებო შუამდგომლობით“⁶¹. ამასთანავე, თავისი მოთხოვნისა და ბაღდადის მდიდარ კაცთა შუამდგომლობისათვის რომ მეტი ძალა მიეცა, სულეიმანმა სიღედრის მამა, ჰილლეს ამირაც თავის სასარგებლოდ აამოქმედა და იგი ბაღდადის საფაშოს ახალი გამგებლის აჰმედ ქესრიელის წინააღმდეგ აამხედრა. ამბოხებული ამირი თავისი ლაშქრით შემოერთყა ბაღდადს და მოითხოვდა სულეიმან ალა აბუ ლაილის დაბრუნებას ერაყში⁶².

რაც მეტი დრო გადიოდა, ბაღდადის საფაშოს მდგომარეობა

⁵⁹ برسى (ლათ.) — ქისა, ოსმალეთში ფულის რაოდენობის აღმნიშვნელი ტერმინი. ერთი ქისა უდრის 500 პიასტრს, პიასტრი კი 40 ფარას.

⁶⁰ S. H. Longrigg, დასახ. ნაშრომი, გვ. 167.

⁶¹ Cl. Huart, დასახ. ნაშრომი, გვ. 149.

⁶² ჰილლეს ამირას ამ მოთხოვნას მხარს უჭერდა ბაღდადის მოსახლეობის ზედა ფენაც, რომელსაც ე. ჰეიდის ცნობით, გადაწყვეტილი ჰქონდა აჰმედ ფაშას გარდაცვალების შემდეგ უფროსად დაესვა აჰმედის ქალია და სიძე, სულეიმან ალა, ყველაზე გამოცდილი და უნარიანი კაცი (W. Heude, A voyage up the Persian gulf and a journey overland from India to England in 1817, London, 1819, pp. 145—146).

სულ უფრო მწვავე ხდებოდა, აჯანყება თართოვდებოდა, ოსმალეთის ბატონობას ერაყში აშკარა საფრთხე ემუქრებოდა. ამიტომ სულთანს უარი აღარ უთქვამს სულეიმან ალა აბუ ლაილისათვის და იგი ბასრის ეიალეთის გამგებლად გადაიყვანა⁶³.

ადანიდან ბასრას მიმავალი სულეიმანი ბაღდადში შეჩერდა და სულთნისათვის მიცემული პირობის შესრულებას შეუდგა. მან ჯერ აჰმედ ფაშას მოვალეები დააკმაყოფილა, შემდეგ აჯანყებული ტომები დაიმორჩილა. როცა ბაღდადის საფაშოში მშვიდობა აღადგინა, ბასრაში წავიდა ისე, რომ სულთანსაც ერთგულება დაუმტკიცა და ერაყის დედაქალაქის იენიჩარებისა და შეძლებულების კმაყოფილებაც დაიმსახურა⁶⁴. მხოლოდ საბოლოოდ გადაიმტერა ბასრიდან ბაღდადში რამდენიმე თვის წინათ გადმოყვანილი მუჰამედ ფაშა თირიაქი, რომელიც სულეიმანის მიერ ბაღდადის საფაშოში შოპოვებულ წარმატებებს თავისი ავტორიტეტის შელახვად მიიჩნევდა. გარდა ამისა, იგი დარწმუნებული იყო, რომ ამიერიდან ბასრის საფაშოს, რომლის ტერიტორიის ხარჯზე ის ბაღდადის საფაშოს გაფართოებას ფიქრობდა⁶⁵, სულეიმანის სახით სათავეში ჩაუდგა ენერგიული ადამიანი, რომელიც არათუ სხვას მისცემდა თავის ტერიტორიაზე შესვლის ნებას, არამედ თვითონ შეეცდებოდა ბაღდადზე ხელის დადებას. მოსალოდნელი საფრთხის თავიდან აცდენა თირიაქს ძალით არ შეეძლო, ამიტომ მოწინააღმდეგის ჩამოშორება მან სხვა გზით სცადა. სულთანს აცნობა, რომ „არაბი ტომების აჯანყების გამომწვევი მიზეზი სულეიმანი იყო“⁶⁶, „რომ მას სურს დაეუფლოს ბაღდადს და ამ მიზნის მისაღწევად სახსრებს აჯროვებს“⁶⁷.

რა თქმა უნდა, ოსმალეთის მთავრობას ეს ამბავი უყურადღებოდ არ დაუტოვებია, და როგორც კი სტამბოლში თირიაქის მიერ გაგზავნილი ცნობა მიიღეს, მაშინვე „ბრძანებები დაეგზავნათ სივამის, დიარბაქრის, მოსულის, ალემოს, რაქქის, მარაშისა და მარდინის ფაშებს, რათა წასულიყვნენ ამბოხებულის დასამორჩილებლად“⁶⁸.

⁶³ J. Hammer, დასახ. ნაშრომი, ტ. III, გვ. 222, 224.

⁶⁴ Cl. Huart, დასახ. ნაშრომი, გვ. 147; S. H. Longrigg, დასახ. ნაშრომი, გვ. 167—168.

⁶⁵ Cl. Huart, იქვე.

⁶⁶ S. H. Longrigg, დასახ. ნაშრომი, გვ. 168.

⁶⁷ Cl. Huart, დასახ. ნაშრომი, გვ. 149.

⁶⁸ S. H. Longrigg, დასახ. ნაშრომი, გვ. 168.

დამსჯელი ლაშქრის სარდლობა სივანის გამგებელს მუჰამედ ფაშას დაევალა. ის დაუყოვნებლივ უნდა წასულიყო დანიშნულ ადგილას და თუ სულეიმანს მოლაპარაკების გზით ვერ დაიმორჩილებდა, მაშინ ძალით უნდა გადაეყენებინა და დაესაჯა⁶⁹. მუჰამედ ფაშას ლაშქარი ის იყო ბრძანების აღსრულებას უნდა შესდგომოდა, რომ ამ დროს სტამბოლში სულეიმან ალა აბუ ლაილის ქალაღიცი მოვიდა მასში მხილებული იყო თირიაქი, მისი მოქმედების ნამდვილი მიზეზები და ზრახვები.

ერაყის მდგომარეობის გასარკვევად სულთანმა სტამბოლიდან ბაღდადს თავისი წარმომადგენელი მუსტაფა ბეგი გაგზავნა. ადგილზე მოხდენილმა გამოძიებამ მუსტაფა დაარწმუნა, რომ სულეიმან ფაშა არ სტყუოდა, მისი მოხსენების მოსმენის შემდეგ სულთანმა ბასრის გამგებელს საგანგებო ფირმანით ნდობა გამოუცხადა და ბაღდადის საფაშოს გამგებლად დანიშნა. მუჰამედ ფაშა თირიაქი კი რუმელიაში გადაიყვანა⁷⁰.

ხონთქრის ფირმანით აღჭურვილმა სულეიმან ფაშა აბუ ლაილმა 1749 წლის ზაფხულში დატოვა ბასრა და თავისი მცირერიცხოვანი რაზმით ბაღდადისაკენ გაემართა. მაგრამ, როცა საზღვარს მიუახლოვდა, გაიგო, რომ თირიაქი ბაღდადიდან წასვლის მაგიერ ლაშქრის შეგროვებას შესდგომოდა და სულეიმანთან ბრძოლას აპირებდა. ამიტომ სულეიმანმაც საჭირო თადარიგი დროზე დაიჭირა. ის ბაღდადის საფაშოს სამხრეთ საზღვართან მდებარე ქალაქ ჰისკეში შეჩერდა, ქალაქის თავის, ალი აღას დახმარებით დაქირავებული ლაშქარი შეაგროვა, ალი აღა ქაჰად დაიყენა, მას შეარაღებული ძალების მეთაურობა მიანდო და მდინარე ევფრატის მარცხენა ნაპირზე მდებარე ქ. ჰილლეს ახლოს დაბანაკებული თირიაქის ჯარების წინააღმდეგ გაგზავნა. მაგრამ ჰილლესთან გამართული პირველი ბრძოლა ალი აღას დატყვევებით და მისი ლაშქრის განადგურებით დამთავრდა⁷¹. ამის შემდეგ იქვე მოხდა მეორე ბრძოლა. ჰისკედან მოსულმა სულეიმან ფაშა აბუ ლაილმა თავისი 800-მდე მეზრძოლით იერიში მიიტანა თირიაქის 1400 კაცისაგან შემდგარ ლაშქარზე⁷². პირველი შეტაკებისთანავე ბაღდადის ფაშას ლაშქრის უმრავლესობა სულეიმანის მხარეზე გადავიდა⁷³

⁶⁹ Cl. H u a r t, დასახ. ნაშრომი, გვ. 150.

⁷⁰ იქვე, გვ. 150—151.

⁷¹ იქვე, გვ. 150—151.

⁷² A. A d a m o v, დასახ. ნაშრომი, გვ. 372.

⁷³ S. H. L o n g r i g g, დასახ. ნაშრომი, გვ. 168.

და ბრწყინვალე გამარჯვება მოიპოვა. ა. ადამოვის თქმით, ეს ბრძოლა უნდა მომხდარიყო 1749 წლის შემოდგომაზე⁷⁴, მაგრამ ოსტინდოეთის კომპანიის მაშინდელი ბასრელი რეზიდენტის ცნობა, რომ „მოულოდნელი იერიშის მიტანით ჩვენმა ფაშამ უდიდეს გამარჯვებას მიაღწია ბალდადის ფაშაზე... მოკლა და დაატყვევა 12 000-ზე მეტი კაცი“⁷⁵, დაწერილია 1749 წლის 12 აგვისტოს⁷⁶, რაც შესაძლებლობას გვაძლევს დავაზუსტოთ ადამოვის ზემოაღნიშნული თარიღი: ბრძოლას თირიაქსა და სულეიმან ფაშას შორის ადგილი უნდა ჰქონოდა არა 1749 წლის შემოდგომაზე, არამედ უფრო ადრე, ამავე წლის ზაფხულის მიწურულს.

პილესთან მოპოვებული გამარჯვების შემდეგ სულეიმან ფაშა აბუ ლაილი ბალდადისაკენ გაემართა და ქალაქის ახლოს მდებარე სოფელ კაზიმიეში დაბანაკდა⁷⁷, შესაძლოა ძალის მოსაკრებლად ანდა იმ განზრახვით, რომ აქედან დაკავშირებოდა ქალაქში თავის მომხრე ჯგუფს და მათი დახმარებით „შიგნიდან გაეტეხა ციხე“. ყოველ შემთხვევაში, ცნობილია, რომ იენიჩარებმა ბრძოლის ველიდან დაბრუნებულ (უფრო ზუსტად უკუქცეულ) მუჰამედ ფაშა თირიაქს ბალდადში შესასვლელი კარები გადაუკეტეს და სულეიმანის გამოჩენას ელოდნენ⁷⁸. ვიცით ისიც, რომ მისთვის ძალაუფლების აღებაში მნიშვნელოვანი დახმარება გაუწევიათ აგრეთვე მამლუქებს⁷⁹.

ბალდადში შესვლის წინ სულეიმანმა სულთანს წერილობით აცნობა, რომ მისი უდიდებულესობის ფირმანით დაკისრებული დავალება შეასრულა, ხოლო, როცა ქალაქში შევიდა, იმ მიზნით, რათა სულთანს თავისი სიტყვა უკან არ წაეღო (რაც ხშირად ხდებოდა ხოლმე) და ბალდადის ფაშობაზე მისთვის უარი არ ეთქვა, სულეიმანმა თავის მოხსენებით ბარათს თან დივანის გადაწყვეტილება დაადენა მისი „ბალდადში დატოვების შესახებ“⁸⁰. ამაში სულეიმანს გარკვეული დახმარება გაუწია აგრეთვე არაბეთის ნახევარკუნძულის ჩრდილო-აღმოსავლეთ ნაწილში, კერძოდ, ნეჯდში ჯერ კიდევ 1735 წელს დაწყებულმა ვაჰაბიტების ანტიოსმალურმა

⁷⁴ А. А да м о в, დასახ. ნაშრომი, გვ. 372.

⁷⁵ P r e c i s, Calcutta, 1874, p. 27.

⁷⁶ S. H. Longrigg, დასახ. ნაშრომი, გვ. 168.

⁷⁷ Cl. Huart, დასახ. ნაშრომი, გვ. 151.

⁷⁸ S. H. Longrigg, დასახ. ნაშრომი, გვ. 168.

⁷⁹ العزاوي, დასახ. ნაშრომი, გვ. 21.

⁸⁰ А. А да м о в, დასახ. ნაშრომი, გვ. 373.

მოდრაობამ, რომელმაც იმავე საუკუნის 50-იან წლებში იმდენად გაათავოთვა თავისი მოქმედებისა და გავლენის არე, რომ ნეჯდის საზღვრებს გასცდა, რითაც სერიოზულ საფრთხეს უქმნიდა ოსმალეთის ბატონობას, როგორც საკუთრივ არაბეთის ნახევარკუნძულზე, ასევე მის ჩრდილოეთით მდებარე მეზობელ პროვინციებში, მათ შორის ერაყშიც. ვაჰაბიტური ბრძოლები რომ ოსმალებისათვის ამ დროს ნამდვილად სახიფათო მოვლენა იყო, ეს აშკარად ჩანს თუნდაც 1749 წელს სულთნის მიერ ეგვიპტის, ჯიდდისა და მექის გამგებლებისათვის გაგზავნილი ბრძანებებიდან. ერთ-ერთ ამ დოკუმენტს თავის დროზე გაცნობია ჰამერი, რომელიც გადმოგვცემს: ერთიანი ძალით და შეთანხმებული მოქმედებით მათ უნდა „აღმოეფხვრათ ეს ერესი, რომლითაც აბდულ ვაჰაბი ძირს უთხრის ისლამის საფუძვლებსო“⁸¹.

ცხადია, ასეთ პირობებში, როცა ვაჰაბიტების მოძრაობას ყოველდღე შეეძლო გამოძახილი ეპოვა არსებული რეჟიმით უკმაყოფილო ერაყის არაბ მოსახლეობაში, ოსმალეთის ხელისუფლებას ხელახლა უნდა გადაესინჯა და შეეცვალა თავისი პოლიტიკა ამ მხარის მიმართ. მას კვლავ უნდა აღედგინა 1747 წლიდან დარღვეული ერაყის ტერიტორიულ-ადმინისტრაციული მთლიანობა და მისი თავდაცვისუნარიანობა, რომ იგი გადაეყვანა ისეთ ძალად, რომელიც საკირო შემთხვევაში დაუპირისპირდებოდა ვაჰაბიტებს.

ასეთი აუცილებლობის გამო ბასრის საფაშო ბაღდადისას შეუერთეს⁸², ხოლო სულეიმანი, რომელსაც 3-თულიანი ფაშობა უბოძეს⁸³ ამ გაერთიანებული საფაშოს გამგებლად დაამტკიცეს, რაც მექმედ სურეიას თქმით, უნდა მომხდარიყო 1163 წლის მუჰარამს⁸⁴ (1749 წ. 11. XII—1750 წ. 9. I), ხოლო 'აბას ალ-აზავის მიხედვით კი, ორი თვით ადრე, 1749 წ. 12 ოქტომბერს (1162 წლის 29 შავალს ჰიჯრით)⁸⁵.

სრულიად ერაყის გამგებლის თანამდებობაზე აღზევებული სულეიმან ფაშა აბუ ლაილი მთელ თავის უნარს საფაშოს ტერი-

⁸¹ J. Hammer, დასახ. ნაშრომი, გვ. 528.

⁸² Cl. Huart, დასახ. ნაშრომი, გვ. 151.

⁸³ A. Adamov, დასახ. ნაშრომი, გვ. 373.

⁸⁴ محمد تريا, დასახ. ნაშრომი, გვ. 82.

⁸⁵ العزاوي, დასახ. ნაშრომი, გვ. 13. ჰიტის აზრით, სულეიმან ფაშა აბუ ლაილი ხელისუფლების სათავეში მოქცეულა 1747 წელს (P. K. Hitti, დასახ. ნაშრომი, გვ. 738).

ტორიის გაფართოებას, ქვეყნის შიგნით სიწყნარის დამყარებასა და მიღებული ძალაუფლების შენარჩუნებისათვის ბრძოლას ახმარდა. ამ მიმართულებით მან რამდენიმე ღონისძიება გაატარა. 1751 წელს ქურთისტანი დალაშქრა და დაიმორჩილა⁸⁶. იმავე წელს მისმა არმიამ ქაპია ალი აღას მეთაურობით დაამარცხა და ერაყიდან გააძევა სულთნის მიერ დანაშნული ბასრის ნავსადგურის კაფუდან ფაშა მუსტაფა, რომელმაც, იმ განზრახვით, რომ ქალაქის მუთასალიმის თანამდებობა დაეკავებინა, კავშირი დაამყარა მუნთაფიქის ტომის ბელადთან და მისი მხარდაჭერით მთელი არაბული ერაყის დაპყრობა მოინდომა.

აჯანყებულ ტომთა ბელადების დამორჩილებით, მუსტაფა ფაშას ბასრიდან განდევნით, იქ მუთასალიმად თავისი კაცის, იბრაჰიმ ფაშას დანიშვნით და სამხრეთ ქურთისტანის შემოერთებით სულეიმან ფაშა აბუ ლაილმა ბაღდადის საფაშო წინანდელ საზღვრებში აღადგინა⁸⁷. ამავე დროს იგი შეუდგა ჰასანისა და მისი ვაჟის, აჰმედ ფაშას დროს დაწყებული საქმის გაგრძელებას, კავკასიის ქვეყნებიდან (ძირითადად საქართველოდან) მახლობელი აღმოსავლეთის ბაზრებზე გასაყიდად წაყვანილი ტყვეების შექცენამომრავლებას. ამასთან ერთად, სულეიმან ფაშა აბუ ლაილმა აღადგინა და სრულყო ჰასან ფაშას დროს მამლუქთათვის დაარსებული სპეციალური სასწავლებლები ანუ მედრესეები, რომლებშიც ყოველწლიურად დაახლოებით 200 კაბუკი სწავლობდა. 'აზავის ცნობით, ამ სასწავლებლებში მას „მონვეული ჰყავდა სხვადასხვა სპეციალობის აღმზრდელები, მასწავლებლები, რომლებიც მამლუქებს ასწავლიდნენ წერა-კითხვას, მაზანში სროლას, ავარჯიშებდნენ ცხენოსნობაში, იარაღის ხმარებაში, ტურვაში და სხვა საქმეებში, რაც მათ შემდეგ გამოადგებოდათ“⁸⁸. სკოლადამთავრებული მამლუქები ანუ ქულემენები იჯზავნებოდნენ იამაქებად⁸⁹, გედიკლიების⁹⁰ ხელმძღვანელობით ინაღლებდნენ სამხედრო ცოდნას, შემდეგ მათ აძლევდნენ იჩ-ალასის⁹¹ წოდებას და უნარისდა მიხედვით თან-

⁸⁶ S. H. Longrigg, დასახ. ნაშრომი, გვ. 171.

⁸⁷ C. Niebuhr, დასახ. ნაშრომი, გვ. 136.

⁸⁸ العزواي, დასახ. ნაშრომი, გვ. 21.

⁸⁹ yamak — დამხმარე ჯარის ჯარისკაცი.

⁹⁰ Gedikli — მეთაური.

⁹¹ icaga (აგრეთვე ic agalari და ic oglan) — ნიშნავდა ფაშას სასახლის შიგნით მოსამსახურეს, პაქს, რომელიც ჩვეულებრივად საშუალო რანგის მოხელედ ათვლებოდა.

დათანობით აწინაურებდნენ⁹². მათმა დაწინაურებამ საბოლოოდ ისეთი ფართო ხასიათი მიიღო, რომ უკვე XVIII ს-ის 60-იანი წლებისათვის ერაყში თითქმის ყველა პასუხსაგები თანამდებობა მამლუქებს ეკავათ.

სულეიმან ფაშა აბუ ლაილის ეს ღონისძიება უდიდესი პოლიტიკური მნიშვნელობის აქტი იყო მამლუქთა ბატონობის განსამტკიცებლად. ამიტომ ერაყის ისტორიის სპეციალისტები სამართლიანად მიიჩნევენ მას მამლუქთა რეჟიმის ფუძემდებლად⁹³, მიუხედავად იმისა, რომ ეს პროცესი ჯერ კიდევ ჰასან ფაშას დროს დაიწყო.

რაც უფრო იზრდებოდა მამლუქთა ხვედრითი წონა მმართველ აპარატში, მით იზღუდებოდა და სამოღვაწეო ასპარეზიდან იღვენებოდა თურქული ელემენტი და, მასთან ერთად, არაბი მოსახლეობის არისტოკრატიული ზედაფენა, რის გამოც ერაყის გამგებლის წინააღმდეგ ერთნაირ უკმაყოფილებას გამოთქვამდნენ როგორც ბაღდადში, ისე ოსმალეთის სულთნის კარზე. მამლუქთა დაწინაურებით „ხელისუფლების საქმეებში მონაწილეობის უფლება წაერთვათ არა მარტო თურქ მოხელეებს, არამედ ბაღდადის წარჩინებულებსაცო, — ამბობს ს. ლონგრიგი და განაგრძობს, — შეუძლებელია აღწერა იმისა, თუ როგორ ნანობდნენ, როგორ სწუხდნენ და უჩიოდნენ თავიანთ ბედს ამის გამო ბაღდადის დივანში“⁹⁴ და სტამბოლში. იმპერიის ცენტრალურ ხელისუფლებას ყველაზე მეტად ის არ მოსწონდა, რომ ერაყის გამგებელი აღარ ასრულებდა სიუზერენისათვის მიცემულ პირობას, „აღარ უხდიდა გადასახადს თავის ბატონს“ და მთელ შემოსავალს საფაშოს თავდაცვისუნარიანობის განმტკიცებას ახმარდა⁹⁵. ყოველივე ეს ოსმალეთს ხელისუფლებას საბაზს აძლევდა „ეკვის თვალით შეეხედა ერაყის ახალი ნაცვლის მზარდი ძლიერებისათვის“⁹⁶ და მისი თავიდან მოკალების მიზნით სტამბოლიდან მას ე. წ. „რწმუნებულები“ (მკვლევები) მიუგზავნეს⁹⁷. მაგრამ სულეიმანმა ეს დროზე შეიტ-

⁹² Cl. Huart, დასახ. ნაშრომი, გვ. 152.

⁹³ S. H. Longrigg, დასახ. ნაშრომი, გვ. 170—172.

⁹⁴ იქვე, გვ. 170.

⁹⁵ იქვე.

⁹⁶ A. A. Адамов, დასახ. ნაშრომი, გვ. 174.

⁹⁷ S. H. Longrigg, დასახ. ნაშრომი, გვ. 170.

ყო და ისე მოაწყო საქმე, რომ ზონთქარმა ფაშას თავის მაგიერ აგენტების თავები მიიღო ბაღდადიდან.

ამრიგად, სულეიმან ფაშა აბუ ლაილმა დამსჯელის ხელი ამჯერად თავიდან აიცილინა, თუმცა ეს სრულებითაც არ ნიშნავდა მის საბოლოო უგუნებლყოფას, პირიქით იგი დააწმენდა, რომ მის ბატონობას ერაყში მალე მოუღებდნენ ბოლოს, თუ შექმნილი მდგომარეობიდან თავის დაღწევის საშუალებებს დროზე არ გამოიხატავდა. ამიტომ იგი შეეცადა ირანსა და ოსმალეთს შორის მდგომარეობის გართულებას, რისთვისაც გამოიყენა ნადირ შაჰის სიკვდილის შემდეგ ირანში ტახტის მაძიებლებს შორის დაწყებული ბრძოლა. ბაღდადის ფაშამ კარი გაუღო და მფარველური ამაგი დასდო ირანიდან ლტოლველ ბახთიართთა ტომის ბელადს ალი მარდან ხანს, მის ნათესავს, ქერიმ ხანის მიერ დამარცხებულ ლურისტანის გამგებელს ისმაილ ხანს და ჰუსეინ მირზას, რომელიც თავს შაჰ თაჰმასბ II-ის ვაჟიშვილად და ტახტის კანონიერ მემკვიდრედ ასაღებდა. სამშობლოდან დევნილი სეფიანთა ეს ჩამომავალი სულეიმან ფაშა აბუ ლაილის რჩევით სულთანს სთხოვდა, ნება მიეცა ბაღდადის ფაშასათვის, ჩარეულიყო ირანის საშინაო საქმეებში და დახმარება გაეწია ტახტის მაძიებლისათვის ძალაუფლების დაპყრობაში⁹⁸. მაგრამ ოსმალეთის მთავრობამ, რომელიც არასდროს ირანთან ომის დაწყების წინააღმდეგი არ ყოფილა, ახლა, როცა მთელი ირანი შინაური ბრძოლებით იყო მოცული, უარი უთხრა ჰუსეინ მირზას თხოვნის შესრულებაზე და სულეიმან ფაშა აბუ ლაილიც გააფრთხილა: თავი შეეკავებინა ირანში მიმდინარე ამბებზე რაიმე ზემოქმედებისაგან⁹⁹.

ოსმალეთის ხელისუფლების ამგვარი პოზიცია იმპერიის საერთო სისუსტიდან გამომდინარეობდა. მთავრობას ამ დროს უკვე აღარ შესწევდა უნარი ძველებურად ემართა უზარმაზარი სახელმწიფო, რომლის დაპყრობილმა ხალხებმა დაიწყეს დამოუკიდებლობისათვის ბრძოლა. ასეთი ბრძოლა მაშინ სულ უფრო ფართოდებოდა არაბეთის ნახევარკუნძულზე, რომლის მოსახლეობის მნიშვნელოვანმა ნაწილმა თავიდან მოიცილა (თუმცა დროებით) ოსმალური რეჟიმი. ასეთივე გზით უნდა წარმართულიყო ერაყის შემდგომი განვითარებაც, რაზეც აშკარად მიგვითითებს სულეიმან ფა-

⁹⁸ Malcolm, History of Persia from the most early period to the present time, London, 1815, vol. II, pp. 115—125.

⁹⁹ А. А. Адамов, Дах. ნაშრომი, გვ. 375.

შას მიერ აქ მოხდენილი ისეთი ცვლილებები, როგორცაა: მმარ-
თველი აპარატის რეორგანიზაცია, გამაღებელი შეიარაღება და,
ბოლოს, სულთნისათვის ხარკის მიცემაზე უარის თქმა.

ყველა ამის გათვალისწინებით, რაც იმპერიის საზღვრებს შიგ-
ნით, კერძოდ, მისსამხრეთ-აღმოსავლეთ ნაწილში ხდებოდა, სულ-
თანი იმ დასკვნამდე მივიდა, რომ ირანის საქმეებში ჩარევით ოს-
მალეთის საშინაო მდგომარეობა უფრო გაუარესდებოდა, იმ შემ-
თხვევაშიც კი, თუ ირანის ძალაუფლება ჰუსეინ მირზას ხელში გა-
დავიდოდა. საქმე ისაა, რომ ირანის ტახტის მამიებელი სეფიანი
უფლისწულის სახით ბაღდადის ფაშა, როგორც ჰუსეინ მირზას
მფარველი, იძენდა ისეთ მოკავშირეს, რომლის დახმარებით ის უზ-
რუნველყოფდა თავის ხელისუფლების შენარჩუნებას ერაყში
ხანგრძლივი დროით. სწორედ ეს იყო მთავარი მიზეზი იმისა, რომ
„პორტამ არ სცნო თავისთვის სასარგებლოდ ჩაბმულიყო ირანთან
ომში... და არ სურდა სულეიმან ფაშასათვის მიეცა ხელში ის კო-
ზირი, რომლითაც მთავრობას მოუგო თამაში ნადირ შაჰის მეგო-
ბარმა, განსვენებულმა აჰმედ ფაშამ“¹⁰⁰.

ამგვარი გადაწყვეტილება ბაღდადის გამგებელს უქარწყლებ-
და ერაყში ხელისუფლების შენარჩუნება-განმტკიცების იმედს.
მაგრამ მალე 1755 წელს დიდ ვაზირად დანიშნულ რაჰიმ ფაშას.
სახით მას სულთნის სასახლეში აღმოაჩნდა ერთგული მეგობარი
და დამცველი, რომლის წყალობით სულეიმან ფაშა აბუ ლაილმა
ერაყი მართა თავისი სიცოცხლის უკანასკნელ დღემდე¹⁰¹.

1762 წლის (1175 წ. შავვალს) 14 მაისს¹⁰² 68 წელს მიღწეული
სულეიმან ფაშა აბუ ლაილი გარდაიცვალა. იგი დაკრძალულია
ქ. ბაღდადში. მისი ვაჟკაცობა, გმირობა და სრულყოფილი დიდ-
სულოვნება, — როგორც აჰმედ ვასიფი აღნიშნავს, — XIX საუკუ-
ნეშიც ლეგენდად იყო შემორჩენილი მთელს ერაყში¹⁰³. დიდხანს
ცოცხლობდა ბაღდადის ყავახანებში აგრეთვე მის სადიდებლად
შეთხზული ყასიდებიც¹⁰⁴.

¹⁰⁰ А. Адамов, დასახ. ნაშრომი, გვ. 375.

¹⁰¹ რაჰიმ სულეიმანთან ერთად რამდენიმე წელს მსახურობდა ბაღდადში აჰ-
მედ ფაშას დროს, ამიტომ კარგად იცნობდა და აფასებდა მას, როგორც ენერგიულ
პიროვნებას და მოხერხებულ სახელმწიფო მოღვაწეს.

¹⁰² S. H. Longrigg, დასახ. ნაშრომი, გვ. 172.

¹⁰³ واصف, დასახ. ნაშრომი, ტ. II, გვ. 136.

¹⁰⁴ Cl. Huart, დასახ. ნაშრომი, გვ. 153; C. Niebuhr, დასახ.
ნაშრომი, გვ. 258; А. Адамов, დასახ. ნაშრომი, გვ. 375—376.

სულეიმან ფაშა აბუ ლაილის მიერ დამკვიდრებულმა მამლუქთა მმართველობამ თითქმის მთელი საუკუნე იარსება ერაყში და გარკვეული კვალი დატოვა ქვეყნის ისტორიაში.

თ ა ვ ი მ ე ო რ ე

მამლუქთა ბაჰლიერება

სულეიმან ფაშა აბუ ლაილი ისე გარდაიცვალა, რომ შვილები არ დარჩენია. ამიტომ მისი გარდაცვალებისთანავე დაისვა საკითხი თუ ვინ უნდა ყოფილიყო ერაყის გამგებელი. როგორც პ. ბუტკოვი აღნიშნავს, სულეიმანს კი ჰყავდა შერჩეული კანდიდატურა¹, მაგრამ ოსმალეთის ცენტრალურმა მთავრობამ, რომელსაც მამლუქების გაძლიერება არ მოსწონდა, უარი განაცხადა მისი შერჩეული კანდიდატის დანიშვნაზე და ბაღდადის საფაშოს გამგებლად რაქქის მმართველი საიდ ად-დინ ფაშა გაგზავნა². სულთნის ამ გადაწყვეტილებამ ბაღდადში უკმაყოფილება და ერთი მითქმა-მოთქმა გამოიწვია. მამლუქებმა თავი შეუურაცხყოფილად იგრძნეს და იმდენი ილონეს, რომ ახალი ფაშა ბაღდადიდან გააძევეს, რაშიც მათ სერიოზული დახმარება გაუწია სულეიმან აბუ ლაილის მეგობარმა, დიდმა ვაზირმა რაჰიმ ფაშამ. მისივე ხელშეწყობით მოხდა ისიც, რომ საიდ ად-დინის შემდეგ ბასრის საფაშო ბაღდადისას შეუერთდა და გაერთიანებული საფაშოს გამგებლად ბასრის მუსთასალიმი, აბუ ლაილის ყოფილი ქაჰია ალი ალა დაინიშნა.

ალი ალა წარმოშობით ირანელი იყო. ამიტომ მეტსახელად „აჯემი“-ს (ირანელს) უწოდებდნენ. იგი აჰმედ ფაშა ალბანელის მამლუქი იყო, ახალგაზრდობიდანვე მასთან მსახურობდა, იმ დროის კვალობაზე კარგი განათლება მიიღო და დაწინაურდა.

ა. ვასიფის თქმით, ალი ფაშა ნამდვილი სახელმწიფო მოღვაწე, უნარიანი, უდავოდ ჰქვიანი, მამაცი, მეტისმეტად გულუხვი და კეთილშობილი პიროვნება იყო³. ამიტომ შემთხვევითი არ იყო,

¹ П. Г. Бутков, Материалы для новой истории Кавказа. СПб., 1868, ч. I, стр. 425.

² Cl. Huart, დასახ. ნაშრომი, გვ. 153.

³ იქვე, გვ. 154.

რომ მის აღზევებას ერთსულოვნად უჭერდნენ მხარს ბაღდადის თავაკეები და განსაკუთრებით სულეიმან აბუ ლაალის ქვრივი, მეტად გავლენიანი ადილა ხათუნი, რომელსაც მისი ფაშად ხელდასხმა იმიტომაც აინტერესებდა, რომ მისთვის, როგორც მამამისის აღზრდილ-დაწინაურებული კაცისათვის, საკუთარი ნება-სურვილები ეკარნახა და ამნაირად ქვეყნის ფაქტიური მმართველი თვითონ ყოფილიყო⁴. მაგრამ ადილა ხათუნის ვარაუდი არ გამართლდა. ალი ფაშა აჯემიმ, როგორც მიიღო ბაღდადის საფაშოს ვალის თანამდებობა, მაშინვე დაიხლოვა გარკვეული ჯგუფი ადამიანებისა და მათზე დაყრდნობით ქვეყანას განაგებდა სრულიად დამოუკიდებლად, რაც გახდა განხეთქილების მიზეზი იმასა და ადილა ხათუნს შორის.

ადილა ხათუნმა ბაღდადიდან ახალი ფაშას გაძევება განიზრახა და ამ მიზნით მას იენიჩარები აუჩანყა. ამბოხებულებმა იერიში ციხესიმაგრეზე მიიტანეს, დაიკავეს იგი და აიძულეს ფაშა დაეტოვებინა ქალაქი.

ქალაქიდან გაძევებული ალი აჯემი მდინარე ტიგროსის მარჯვენა ნაპირზე გადავიდა თავისი რაზმით და იქ დაბანაკდა. შემდეგ მან მოლაპარაკება დაიწყო იენიჩარებთან და აღუთქვა, რომ თუ აჩანყებას შეწყვეტდნენ, არავის დასჯიდა, ყველას ფულით დაასაჩუქრებდა. მოლაპარაკება წარმატებით დასრულდა. აჩანყებულთა უმეტესობამ წინააღმდეგობა შეწყვიტა და რამდენიმე დღას შემდეგ ალი ფაშა ქალაქში მიიწვიეს, მაგრამ მოტყუვდნენ. გამაგრდა თუ არა ქალაქში შესული ფაშა, მაშინვე აჩანყების მონაწილეთა დასჯას შეუდგა და მათ სასტიკად გაუსწორდა⁵. შემდეგ ის ქურთისტანში ყარაჩოლანის ფაშა სულეიმანის მეთაურობით დაწყებული აჩანყების ჩასაქრობად დაიძრა⁶, ხოლო, როცა ქურთებიც დაამარცხა, პირი მაშინვე სამხრეთ ერაყისაკენ იბრუნა, რათა იქ ხაზაილის ძლიერი ტომის ამბოხებისთვისაც მოელო ბოლო.

1763 წელს ფაშას ჯარებმა შეტევა დაიწყეს ლამლუნის ქაობებში გამაგრებულ მოწინააღმდეგეზე, მაგრამ გადამწყვეტი ბრძოლის დროს დამარცხდნენ და უკუიქცნენ.

⁴ ადილა უაღრესად პატივმოყვარე და ეერაჯი ქალი ყოფილა. ის ჯერ კიდევ თავისი ქმრის, სულეიმანის დროს ერეოდა საფაშოს მართვა-გამგებლობაში, დანიშნული პქონდა მიღების დღეები და იხილავდა კერძო პირთა საჩივრებს (C. Niebuhr, ტ. II, გვ. 258—259).

⁵ პ. ბუტკოვის ცნობით, ალი ფაშას 10 თუ 12 კაცი ჩამოუხრჩვია, ხოლო 5 გადაუსახლება (П. Г. Бутков, დასახ. ნაშრომი, გვ. 426).

⁶ П. Г. Бутков, დასახ. ნაშრომი, გვ. 427.

ამ წარუმატებლობით ისარგებლეს ფაშას მოწინააღმდეგეებმა: ადილა ხათუნმა და მისი უმცროსი დის აიშას ქმარმა, ქაჰია უმარმა, რომელსაც ალი აჯემი დაპატიმრებას უპირებდა. ისინი ფაშას ირანთან საიდუმლო კავშირს აბრალებდნენ და ამ ბრალდებას იმით ასაბუთებდნენ, რომ თითქოს მან შემწყენარებლობა გამოიჩინა აჯანყებული შიიტი ხაზაილების მიმართ და განგებ არ დაამარცხა ისინი, ხოლო სუნიტი იენიჩარები კი არ დაინდო და მუსრი გაავლო⁷. ეს ბრალდება უფრო დასაჯერებელი გახდა მას შემდეგ, როცა ფაშამ ბაღდადიდან ადილა ხათუნის გაძევება გადაწყვიტა. ბაღდადის თავკაცები, რომლებიც აქამდეც ეპკვის თვალთ უყურებდნენ ალი აჯემის მოქმედებას, ახლა საბოლოოდ დარწმუნდნენ მის მოღალატეობაში, სასწრაფოდ დაირაზმენ ქაჰია უმარის გარშემო და ამბოხებისათვის მზადებას შეუდგნენ. მათ იოლად მოახერხეს ფაშას მიერ განაწყენებული იენიჩარების მიმხრობაც.

1763 წელს ქ. ბაღდადი საყოველთაო მღელვარებამ მოიცვა ალი ფაშას ყოველგვარი ცდა — როგორმე დაეწყნარებინა აჯანყებულნი, მარცხით დამთავრდა. იარაღსხმულმა იენიჩარებმა და ქალაქის მოსახლეობამ, რომელიც ნიშნის მიცემისთანავე ქუჩაში გამოვიდა, ალყა შემოარტყეს სასახლეს. ფაშამ ძლივს დააღწია თავი გარემოცვას და ერთ-ერთი მეგობრის სახლში მიიმალა, შემდეგ ქალის ტანსაცმელში გამოეწყო, ღამე თავშესაფრიდან გამოვიდა და ქალაქიდან გაპარვა დააპირა, მაგრამ ქუჩაში მდგარმა გუშაგებმა იგი იცნეს, შეიპყრეს, სასახლეში მიიყვანეს და იქ სიკვდილით დასაჯეს.

გაუსწორდნენ თუ არა მათთვის საძულველ ალი ფაშა აჯემის, აჯანყების მოთავეებმა ბაღდადში „დივანი“ მოიწვიეს. სხდომას უმაღლესი თანამდებობისა და ქალაქის სხვა გავლენიანი პირები ესწრებოდნენ. შეკრებილთ ახალი ფაშა უნდა აერჩიათ. მათ ამ თანამდებობაზე ერთხმად დაასახელეს ქაჰია უმარის კანდიდატურა და მისი დამტკიცება იმპერიის ცენტრალურ ხელისუფლებას სთხოვეს. თხოვნასთან ერთად ისინი სულთანს აუწყებდნენ აგრეთვე ბაღდადში მომხდარ ამბავს და სწერდნენ, რომ ალი ფაშას საიდუმლო კავშირი ჰქონდა ირანელებთან, უნდოდა მათთვის გადაეცა ერაყის ღედაქალაქი⁸ და, რადგან მისი ასეთი საქციელი ეწინააღმდეგებოდა ოსმალეთის მპყრობელის ინტერესებს, ამიტომ

⁷ А. А. Д а м о в, დასახ. ნაშრომი, გვ. 376.

⁸ سیمان نوار, დასახ. ნაშრომი, გვ. 29.

გარდაუვალი ვახდა აჯანყების მოწყობა და მოლაღატე ფაშას დასჯა. მის ადგილზე ერთხმად ავირჩიეთ ქაპია უმარ ალა, ნათელი გონების პატრონი და თქვენი ერთგული კაცი, რომელსაც შესწევს უნარი საფაშო მართოს იმაზე უფრო კარგად, ვინც გარედან იქნება გამოგზავნილი. იგი ნამდვილად ღირსია მიიღოს ვაზირის თანამდებობა და წოდებო⁹. თხოვნა მთავრდებოდა მუქარით. მისი ხელმომწერნი სულთანს აფრთხილებდნენ, რომ, თუ იგი უმარ ალას ბაღდადის საფაშოს მმართველად არ დაამტკიცებდა, ქალაქს ირანის ხელისუფლებას ჩააბარებდნენ¹⁰.

ბაღდადელთა ეს წერილი სტამბოლში 1764 წელს მიიღეს. იმპერიის არასახარბიელო საგარეო და საშინაო მდგომარეობამ სულთანს აიძულა უმარი ერაყის გამგებლად ეცნო და იმავე 1764 წლის ზაფხულში მას ფირმანი გაუგზავნა. უმარმა სამთულიანი ფაშას წოდებულება მიიღო და საფაშოს მართვა-გამგებლობას შეუდგა.

უმარი წარმოშობით ალბანელი იყო, ჰასანისა და მისი ვაჟის აჰმედის გვარის ჩამომავალი¹¹. კ. უარის დახასიათებით, ბაღდადის საფაშოს ეს ახალი გამგებელი რაიმე განსაკუთრებულ უნარს არ ამჟღავნებდა. პირიქით, ის ბევრ სხვა მამულუქზე დაბლა იდგა თავისი ქუთა-გონებითა და უნარით, მაგრამ პოპულარული ვახდა ცოლის წყალობით, რომელიც თავისი უფროსი დის, ადილა ხათუნ-საგან განსხვავებით უწყინარი, სათნო და საყვარელი ადამიანი იყო¹².

ერაყის ხელისუფლების სათავეში მოქცეულმა უმარმა საქმიანობა ჯერ კიდევ ალი ფაშა აჯემის დროს დაწვეული წესრიგის აღდგენითა და სამხრეთ ერაყის შემომტკიცებით დაიწყო. 1765 წელს მან ილაშქრა აჯანყებული ხაზაილების წინააღმდეგ. დაამარცხა ისინი, გადასწვა ქ. ლამლუნი, ტომის მთავარი შეიხის თანამდებობა ჩამოართვა ჰამუდს, რომელმაც თავს გაქცევით უშველა. მის ნაცვლად ტომის უფროსად დასვა თავისი კაცი და უკან გამოზრუნდა იმ რწმენით, რომ ხაზაილები მის წინააღმდეგ ველარასდროს აღსდგებოდნენ. მაგრამ დატოვეს თუ არა ფაშას ჯარებმა ლამლუნის მიდამოები, გაქცეული ჰამუდი მაშინვე თავის ტომში გამოცხადდა, თანამდებობიდან გადააყენა ფაშას მიერ დასმული კაცი

⁹ واصف, დასახ. ნაშრომი, ტ. I, გვ. 151.

¹⁰ J. Hammer, დასახ. ნაშრომი, ტ. III, გვ. 573.

¹¹ A. Adamov, დასახ. ნაშრომი, გვ. 384.

¹² Cl. Huart, დასახ. ნაშრომი, გვ. 155.

და შეიხობა დაიბრუნა. ამრიგად, ის წარმატება, რომელიც ბაღდადის საფაშოს ახალმა გამგებელმა ხაზაილთა წინააღმდეგ ბრძოლაში მოიპოვა, მეტად ხანმოკლე გამოდგა და ეს ტომი კვლავ დასამორჩილებელი გახდა, მაგრამ უმარს ახლა მეტი სიფრთხილე და წინდახედულება მართებდა. სპარსეთის ყურეში შექმნილი დაძაბული ვითარება, კერძოდ, ირანის ხელისუფლებასა და არაბ ტომთა შორის დაწყებული ბრძოლა, ბაღდადის ფაშას სამხრეთ ერაყში ახალი ლაშქრობის შესაძლებლობას ართმევდა.

ნადირ შაჰის გარდაცვალების შემდეგ ირანში გაჩაღებული ჯეოდალური შინაომი 60-იანი წლების დასაწყისში ქერამ-ხან ზენდის გამარჯვებით დასრულდა. შან თავის ძალაუფლებას დაუმორჩილა თითქმის მთელი ირანი (ხორასნის გამოკლებით) და ქვეყნის განვითარებისათვის საჭირო ღონისძიებების გატარება დაიწყო. მის გეგმაში განსაკუთრებული ადგილი ეთმობოდა საგარეო ვაჭრობის განვითარებას და ამ მიზნით სპარსეთის ყურეს, რომლის სანაპირო ტერიტორია ჯერჯერობით არაბი ტომების: ქაბისა და დაღაბის ხელში იყო.

ლორდ კერზონის ცნობით, ქაბის ტომის ადრინდელი ადგილსამყოფელი იყო არაბეთის ნახევარკუნძულის ჩრდილო-აღმოსავლეთი ნაწილი, სპარსეთის ყურის ნაპირას. XVIII ს-ის დასასრულს ისინი ერაყში გადავიდნენ, ბინა დაიდეს ქ. ჰურნის მახლობლად, მდინარეების ტიგროსისა და ეფრატის შესაყარ ჭაობიან ადგილებში და მეკამეჩეობას მიჰყვეს ხელი. მაგრამ მუნთაფიქის ძლიერი ტომის სისტემატურმა თავდასხმებმა ქაბის ტომი აიძულა ეს ადგილიც დაეტოვებია. ისინი ირანის ტერიტორიაზე გადავიდნენ, იქ ავშარის ტომი დაამარცხეს, მდინარეების კარუნსა და ჯარაჰს შორის მდებარე ადგილებს დაეპატრონენ და სამფლობელოს ცენტრად გაიხადეს ქ. დარაკი, რომელსაც მათ ფელაჰიე უწოდეს¹³. ნადირ შაჰის გარდაცვალების შემდეგ მათ ისარგებლეს ირანში გამეფებული ანარქიით და თავიანთი სამფლობელოს (დირრას) საზღვარი მდ. ჰინდიანამდე¹⁴ გადასწიეს.

ქაბის ტომი განსაკუთრებით გაძლიერდა XVIII ს-ის 60-იან წლებში, როცა მისი მთავარი შეიხი იყო სულეიმანი. გააჩინა რა სა-

¹³ G. N. Curzon, *Persia and Persian Question*, London, 1822, vol. II, pp. 322—323.

¹⁴ მაღკომლი ჰინდიანის ნაცვლად წერს მდ. ტაბს, რაც ზ. შარაშენიძის მიხედვით, იგივე ჰინდიანა უნდა იყოს (ზ. შარაშენიძე, ირანი XVIII ს-ის მეორე ნახევარში, თბ., 1970, გვ. 58, შენიშვნა 170).

ზღვაო ფლოტი, რომელიც 10 დიდი და 70 პატარა გემისაგან შედგებოდა, იგი თავს დამოუკიდებელ გამგებლად თვლიდა და აღარც ოსმალეთს ემორჩილებოდა და არც ირანს¹⁵.

ირანის მორჩილებიდან გამოვიდა აგრეთვე დაღაბის არაბული ტომიც. ეს უკანასკნელი ქა'ბის მეზობლად ცხოვრობდა ბენდერ-რიგის მიდამოებში და კონტროლს უწევდა მთელ ტერიტორიას მდ. ჰინდიანის შესართავიდან ბენდერ-ბუშირის ნავსადგურამდე, სადაც 1762 წელს ბინა დაიდეს და სავაჭრო საქმიანობაც გააჩაღეს ბენდერ-აბასიდან ფრანგთა მიერ გაძევებულმა ინგლისის ოსტ-ინდოეთის კომპანიის წარმომადგენლებმა.

ამრიგად, XVIII ს-ის 60-იანი წლების დასაწყისში ირანი მოწყვეტილი იყო სპარსეთის ყურის სანაპიროს, მის საზღვაო ნავსადგურებს და სავაჭრო გზებს. ამ ტერიტორიის შემოერთება-შემომტკიცების გარეშე ქერიმ ხანი ვერც ვაჭრობის მონაპოლიას მიაღწევდა და ვერც მისდამი მტრულად განწყობილ არაბი ტომების თავდასხმისაგან იქნებოდა დაზღვეული. ამიტომ მან გადაწყვიტა, ბოლო მოეღო ხსენებული ტომების დამოუკიდებლობისათვის და 1765 წელს თავის ლაშქარი მათ წინააღმდეგ დაძრა. დამსჯელი ექსპედიციის მოქმედება წარმატებით მიმდინარეობდა. ქერიმ ხანის ჯარებმა დააქციეს ფელაჰიეს (დარრაჰის) ციხესიმაგრე, მოშალეს კაბანის არხში წყლის დონის მარეგულირებელი საბლეს დამბა¹⁶ და დაიკავეს ქა'ბის ტომის მთელი საფელობელო. დამარცხებულმა სულეიმანმა თავისი არაბები გემებში ჩასვა, შატ აღ-არაბში შესვლა მოასწრო და თავი ოსმალეთის ტერიტორიას შეაფარა¹⁷.

ერაყში გადახვეწილი სულეიმან ქა'ბის ბედ-იღბალი ამის შემდეგ იმაზე იყო დამოკიდებული თუ როგორ პოზიციას დაიკერდნენ მისდამი ადგილობრივი ხელისუფალნი და როგორ წარიმართებოდა საომარი მოქმედება დაღაბის ტომის არაბებსა და მათ წინააღმდეგ სადღე ხანის მეთაურობით გაგზავნილ ირანის ჯარებს შორის. თუ ადგილობრივი ხელისუფალნი მას ერაცოდან არ გააძევენდნენ და მისი მოკავშირე დაღაბის ტომის ბელადი მირ მოხანი

¹⁵ А. А да м о в, დასახ. ნაშრომი, გვ. 378; ზ. შ ა რ ა შ ე ნ ი ძ ე, დასახ. ნაშრომი, გვ. 59.

¹⁶ W. F. A i n s w o r t h, A Personal Narrative of the Euphrates Expedition, London, 1888, vol. II, p. 210.

¹⁷ А. А да м о в, დასახ. ნაშრომი, გვ. 379.

ირანის ჯარებს დაამარცხებდა, მაშინ არ იყო გამორიცხული, რომ სულეიმანი დაკარგულ სამფლობელოს ისევ დაიბრუნებდა.

თავიდან საქმეს კარგი პირი უჩანდა. ბასრის მუთასალიმმა ლტოლვილი შეიხი შეიფარა და ირანის მბრძანებელს წინადადებაზე ერაცოდან მისი დაუყოვნებლივ გაძევების შესახებ პასუხს არ აძლევდა¹⁸. მირ მოხანიც ჯერჯერობით წარმატებით ებრძოდა მოწინააღმდეგეს, მაგრამ ეს წარმატება დიდხანს ვერ შეინარჩუნა. როცა ქერიმ ხანმა ქაბის ტომის დასასჯელად გაგზავნილი ჯარები სულეიმანის დამარცხების შემდეგ დაღაბის არაბების წინააღმდეგ მოქმედ თავის ჯარებს მიაშველა, შეიხმა მირ მოხანმა მათი შეკავება ვეღარ შეძლო. ამირ გუნე ხან ავშარმა მირ მოხანის უკანასკნელი ციხესიმაგრე ბენდერ-რიგი აიღო და მოწინააღმდეგე აიძულა ხმელეთი დაეტოვებინა.

ამრიგად, ქერიმ ხან ზენდმა სპარსეთის ყურის ნაპირას მდებარე ტერიტორია არაბ ტომთა ბატონობისაგან გაათავისუფლა, თავის სამფლობელოს შეუერთა და ყურეში თავისუფალი გასასვლელი მოიპოვა. ეს უდავოდ სერიოზული მონაპოვარი იყო, მაგრამ საგარეო ვაჭრობის განვითარებისათვის არ კმაროდა, რადგან კუნძულები, რომლებიც კონტროლს უწყევდნენ სპარსეთის ყურეს და მის სავაჭრო გზებს, კვლავ ირანის მოწინააღმდეგე შეიხ მირ მოხანის ხელში იმყოფებოდა.

მირ მოხანი ხმელეთიდან განდევნის შემდეგ კუნძულ ხარქუზე გადავიდა, იქ გამაგრდა და დახმარება სთხოვა კუნძულ ხარაქუზე მყოფ ჰოლანდიის ოსტ-ინდოეთის კომპანიის სავაჭრო ფაქტორიას, რომელიც 1749 წ. ბარონმა კნიპჰაუზენმა დააარსა ქ. ბასრიდან გაძევების შემდეგ. მაგრამ ჰოლანდიელებმა ირანთან საქმის გართულება არ ისურვეს და დახმარებაზე უარი უთხრეს. მაშინ მირ მოხანი თავს დაესხა მათ, 1766 წელს დაიკავა კუნძული ხარაქი¹⁹ და თავზარს სცემდა ყველას, ვინც სპარსეთის ყურეში შესვლას გაბედავდა²⁰.

ზღვაზე მირ მოხანის ასეთმა გაძლიერებამ იძულებული გახადა ქერიმ-ხან ზენდი კვლავ განეახლებინა საომარი მოქმედება. 1768 წელს მან დახმარება სთხოვა ინგლისის ოსტ-ინდოეთის კომ-

¹⁸ А. А да м о в, დასახ. ნაშრომი, გვ. 379.

¹⁹ Ch. R. L o w, History of the India Navy, London, 1877, vol. I, pp. 162—163; А. А да м о в, დასახ. ნაშრომი, გვ. 380.

²⁰ А. А да м о в, დასახ. ნაშრომი, გვ. 360; Ch. R L o w, დასახ. ნაშრომი, გვ. 162—163; ზ. შ ა რ ა შ ე ნ ი ძ ე, დასახ. ნაშრომი, გვ. 60—61.

პანიას და, როცა გარკვეული შეღავათების მინიჭების შედეგად მისგან თანხმობა მიიღო, გაერთიანებული ლაშქარი კუნძულ ხარაქის დასაპყრობად გაგზავნა. კუნძული ძლიერ გამაგრებულ ციხესიმაგრეს წარმოადგენდა, მაგრამ მისმა დამცველებმა ხანგრძლივ გარემოცვას ვერ გაუძლეს და 1769 წელს იგი ირანის ჯარებმა დაიკავეს²¹. დამარცხებული მირ მოხანი კუვეიტში გადაიხვეწა, იქიდან ბასრაში წავიდა და ერთხანს იქ აფარებდა თავს მის მოკავშირე შეიხ სულეიმან ქაბთან ერთად.

ხარქუსა და ხარაქის კუნძულების დაპყრობით, და იქიდან, მეკობრე არაბების განდევნით ქერიმ ხანმა საბოლოოდ განიმტკიცა მდგომარეობა სპარსეთის ყურის აღმოსავლეთ და ჩრდილო-აღმოსავლეთ ნაწილში; ხელსაყრელი პირობები მოამზადა იმისათვის, რომ ინდოევროპული ვაჭრობა, რომელმაც ჯერ კიდევ ნადირ შაჰის დროს ბენდერ-ბუშირიდან ერაყში გადაინაცვლა, ისევ ძველ გზას დაბრუნებოდა. მაგრამ საქმეს აწლა ის აბრკოლებდა. რომ ბენდერ-ბუშირის მეტოქეობას უწყევდა შატ ალ-არაბის ნაპირას მღებარე სანავსადგურო ქალაქი ბასრა, რომელზეც გადიოდა სპარსეთის ყურიდან მესოპოტამიისაკენ მიმავალი დიდი საშდინაროსავაჭრო გზა. ეს მეტოქეობა, რომელიც ჯერ კიდევ სულეიმან ფაშა აბუ ლაილის დროს დაწყებულა, განსაკუთრებით საგრძნობი გახდა 1768 წლიდან, როცა ინგლისის ოსტ-ინდოეთის კომპანიამ, ირანის მბრძანებლებთან უთანხმოების გამო დახურა თავისი ფაქტორია ბუშირში და სავაჭრო ურთიერთობა დაამყარა ბასრასთან²².

ასეთ ვითარებაში ქერიმ ხან ზენდისათვის უკვე ცხადი იყო, რომ ბასრის დაუპყრობლად ირანი სავაჭრო გზების მფლობელს ვერ გახდებოდა და მაშასადამე მისი საგარეო ვაჭრობა, რომელშიც მთავარ ადგილი აქტიური ბალანსის პოლიტიკას ეთმობოდა, განუხორციელებელი დარჩებოდა. ამიტომ მან თავის მორიგ ღონისძიებად ბასრის დალაშქვრა და შემოერთება დაისახა²³.

1715 წლიდან ბასრა შედიოდა ბაღდადის საფაშოში, რომელიც

²¹ А. А да м о в, დასახ. ნაშრომი, გვ. 380.

²² Ch. R. L o w, დასახ. ნაშრომი, გვ. 165—168; А. А да м о в, დასახ. ნაშრომი, გვ. 381.

²³ მ. ივანოვისა და ი. პეტრუშევსკის მიხედვით, ინგლისელები ბუშირიდან ბასრაში გადასულან 1770 წელს (М. С. И в а н о в, დასახ. ნაშრომი, გვ. 109—110; И. В. П и г у л е в с к а я, А. Ю. Я к у б о в с к и й, И. П. П е т р у ш е в с к и й, Л. В. С т р о з в а, А. М. Б е л е и ц к и й, История Ирана с древнейших времен до конца XVIII века, Л., 1958, стр. 327).

ოსმალეთის ერთ-ერთი პროვინცია იყო. ამდენად, ბასრაზე თავდასხმა ამავე დროს ნიშნავდა თავდასხმას ბალდადის საფაშოზე და საერთოდ ოსმალეთზე. ეს იცოდა ქერიმ-ხანმა, მაგრამ უკან არ იხევდა. ის დარწმუნებული იყო, რომ რუსეთთან ომით (1768—1774 წწ.), ეგვიპტეში ალი ბეგის მეთაურობით 1769—1771 წლებში მომხდარი მძლავრი აჯანყებით, სკუტარიის ფაშას განდგომით ალბანეთში, აგრეთვე არზრუმის ფაშას სეპარატისტული მოქმედებითა და ჩრდილოეთ აფრიკაში (ალჟირში) გაჩაღებული საომარი მოქმედებით დასუსტებული თურქეთი, რომლის წინააღმდეგ საქართველოც აღმდგარიყო²⁴, ბასრისთვის ირანთან ომს ვერ გაბედავდა, ან თუ გაბედავდა, უსათუოდ დამარცხდებოდა. ამ რწმენით ირანის მპყრობელმა ჯარების თავმოყრა და საზღვართან განლაგება იწყო ერაყზე თავდასასხმელად, რისთვისაც მას თითქოს საბაბიც კი ჰქონდა.

საქმე ისაა, რომ, როცა ირანის ჯარები ქაზის ტომის არაბებს ებრძოდნენ, ბალდადის ფაშა უმარმა ქერიმ ხანს შეიხ სულეიმანის წინააღმდეგ თავისი გემების მიშველება აღუთქვა, მაგრამ პირობა დაარღვია. დახმარების ნაცვლად ირანელებისაგან დამარცხებულ სულეიმანს და მის მოკავშირე მირ მოხანს თავშესაფარი მისცა. ამავე დროს, უმარი ეხმარებოდა ქერიმ ხანის დაუძინებელ მტრებს ომანისა და მასკატის არაბ გამგებლებს, ავიწროებდა ერაყში მცხოვრებ შიიტებს და მათ წმინდა ქალაქებში (ქერბელა, ნეჯფი, კაზიმიია და სხვ.) მყოფ ირანელებს²⁵. დაბოლოს, ქერიმ ხანი ნაწყენი იყო იმითაც, რომ ბალდადის ფაშამ არ ინება ირანისადმი მტრულად განწყობილი ინგლისის ოსტ-ინდოეთის სავაჭრო კომპანიის წარმომადგენელთა გაძევება ბასრიდან, რომ ისინი ბუშირში გადასულიყვნენ²⁶.

ბალდადის ფაშას ასეთი საქციელით უკმაყოფილო ქერიმ ხანმა ჯერ კიდევ 1770—1771 წლებში განიზრახა ერაყზე თავდასხმა და კიდევ აცნობა ფაშას. ოღონდ თავდასხმის ნაპღელი მიზანი დაუმალა და განუცხადა, რომ მას მხოლოდ მისდამი მტრულად განწყობილი არაბი ტომების ბელაღების სულეიმან ქაზისა და მირ მოხანის დასჯა სურდა. უმარი გრძნობდა, რომ ირანის მბრძანებე-

²⁴ П. Г. Б у т к о в, დასახ. ნაშრომი, გვ. 463, 497—499.

²⁵ ლ. შ ე ნ გ ე ლ ი ა, ირანი ქერიმ ხან ზენდის დროს, თბ., 1973, გვ. 106—107.

²⁶ Ch. R. L o w, დასახ. ნაშრომი, გვ. 165; ზ. შ ა რ ა შ ე ნ ი ძ ე, დასახ. ნაშრომი, გვ. 61.

ლი ამ შემთხვევაში გულწრფელი არ იყო და თუ ირანელები ერაყში შეიჭრებოდნენ, საქმე მარტო ქა'ბისა და დაღაბის ტომთა შეიხების დასჯით არ გათავდებოდა. მან გადაწყვიტა მოესპო ბრძოლის საბაბი და მირ მოხანი სიკვდილით დაასჯევინა. სულეიმან ქა'ბმა კი იმის შიშით, რომ მირ მოხანის ბედი არ სწეოდა, დატოვა ერაყის ტერიტორია და ქერიმ ხანს ეახლა, ერთგულ სამსახურს შეპარდა და მორჩილების ნიშნად ხარაჯის გადახდაც იკისრა²⁷.

ამის შემდეგ, როცა უმარ ფაშამ თვითონ გააკეთა ის, რისთვისაც ქერიმ ხანი ერაყში შეჭრას აპირებდა, ამ უკანასკნელს უარი უნდა ეთქვა ლაშქრობაზე, მაგრამ როგორც შემდგომმა ამბებმა ცხადპყვეს, მისი მოქმედების ნამდვილი მიზანი ერაყის მიტაცება და მის ტერიტორიაზე გამავალი მთავარი სავაჭრო არტერიის ხელში ჩაგდება იყო. ეს ამკარა გახდა 1775 წელს, როცა ქერიმ ხანმა ბაღდადის ფაშას ირანელი მომლოცველების შევიწროება დააბრალა და ოსმალეთის ცენტრალური ხელისუფლება გააფრთხილა, რომ ომს გამოუცხადებდა თუ უმარს სასაკვდილო განაჩენს არ გამოუტანდნენ²⁸.

ქერიმ ხანის ამ მოთხოვნის დაკმაყოფილებას შეეძლო გამოეწვია მამლუქების უკმაყოფილება და აჯანყება ერაყში, ხოლო დაუკმაყოფილებლობას კი ომი ირანსა და ოსმალეთს შორის. ოსმალეთის მთავრობისათვის არც ერთი ხელსაყრელი არ იყო. ამიტომ დიდი ხნის ყოყმანის შემდეგ მან, ალბათ იმ ვარაუდით, რომ ირანის მხრიდან თავდასხმის საფრთხე ნაკლებ რეალურად ესაზებოდა, უმარ ფაშას დასჯაზე თავი შეიკავა და ამით ქერიმ ხანს მოქმედებისათვის ხელ-ფეხი გაეხსნა.

1775 წლის 16 მარტს²⁹ ირანის მრავალრიცხოვანი ჯარი³⁰ ქერიმ ხანის ძმის, სადეე ხანის სარდლობით ხმელეთით ერაყისაკენ დაიძრა. იმავე დროს სახმელეთო ჯარების მხარდასაპერად მდ. შატ ალ-არაბის შესართავისაკენ გაიგზავნა 30 მცირე ზომის გემისაგან

²⁷ J. Malcolm, დასახ. ნაშრომი, გვ. 137; ზ. შარაშიძე, დასახ. ნაშრომი, გვ. 61.

²⁸ A. А да м о в, დასახ. ნაშრომი, გვ. 381.

²⁹ S. H. Longrigg, დასახ. ნაშრომი, გვ. 190.

³⁰ ლოუს, მალკოლმისა და ა. ადამოვის ცნობათა მიხედვით, ირანის ჯარი თავის რეგებში ითვლიდა 50 000 (იხ. Ch. R. Low, დასახ. ნაშრომი, გვ. 152, 165, 168; J. Malcolm, დასახ. ნაშრომი, გვ. 141; A. A. А да м о в, დასახ. ნაშრომი, გვ. 382), კლ. უარის ცნობით, — 70 000 (Cl. Huang, დასახ. ნაშრომი, გვ. 157), ხოლო ს. ლონგრის თქმით კი 30 000 კაცს (S. H. Longrigg, დასახ. ნაშრომი, გვ. 190).

შემდგარი ფლოტიც. 10 აპრილს³¹ შატ ალ-არაბზე სახელდახელოდ გადებული ნავებიანი ხიდით, რომლის აგებაში ირანელებს დიდი დახმარება გაუწია ქაზის ტომის შეიხმა სულეიმანმა, სადგე ხანი თავისი ჯარით ერაყის ტერიტორიაზე გადავიდა და 16 აპრილს კარნაჰთან გამართულ ბრძოლებში მუნთაფიქთა ლაშქრის უკუქცევის შემდეგ ქ. ბასრას მიუახლოვდა³². რაც შეეხება საზღვაო ფლოტს, სახმელეთო ჯარების დასახმარებლად რომ იყო გაგზავნილი, მას შატ ალ-არაბში შესასვლელი გზა გადაუღობეს თურქეთისა და ინგლისის ოსტ-ინდოეთის კომპანიის იქ მდგომმა გემებმა და ბასრის დაბომბვის საშუალება არ მისცეს. მიუხედავად ამისა, ქალაქი და მისი მუთასალიმი მძიმე მდგომარეობაში აღმოჩნდნენ.

ბასრის მუთასალიმის პოსტი იმ დროს სულეიმან ალას ეკავა. იგი წარმოშობით ქართველი იყო³³, დაბადებულა 1722 წელს³⁴, სრულიად ახალგაზრდა წაუყვანიათ საქართველოდან და ოსმალეთში გაუყიდათ. სულეიმანის ქართული სახელი, გვარი, დაბადების ადგილი და სოციალური წარმოშობა ჯერჯერობით არ ვიცით, არც თვითონ და არც მისი ბიოგრაფები საამისო ცნობებს არ იძლევიან.

ოსმალეთში წაყვანილი და იქ მკამადის რჯულზე მოქცეული პატარა სულეიმანი, რუსი მკვლევარის ა. ადამოვის ცნობით, თურქებს „ბალდადის ფაშების ლეიბ-გვარდიაში გაუყიდათ“³⁵. ინგლისელი ორიენტალისტი ს. ლონგრიგიც ამბობს, რომ „ჰასან ფაშას სასახლეში თავმოყრილ და მასთან დაახლოებულ ქართველებს შორის ისეთი ცნობილი, კარგად მიღებული და კეთილშობილური

³¹ ზ. შ ა რ ა შ ე ნ ი ძ ე, დასახ. ნაშრომი, გვ. 70.

³² Eyles Irwin, A Series of adventures in the Course of a voyage, London, 1787, pp. 378—379; S. H. Longrigg, დასახ. ნაშრომი, გვ. 190.

³³ И. А. Стенни, Восток. Страны Креста и полумесяца и их обитателей, СПб., 1892, стр. 185; Cl. J. Rich, Narrative of a Residence in Kordistan and in the site of Ancient Nineveh... London, MDCCCXXXVI, vol. I, p. 4; J. S. Buckingham, Travels in Mesopotamia, London, 1827, p. 383.

³⁴ სულეიმანის დაბადების წელი წყაროებსა და გამოკვლევებში შითითებული არ არის. თარიღის დადგენისას ჩვენთვის ამოსაყვას წარმოადგენდა ორი ცნობა: რომ სულეიმანი გარდაიცვალა 1802 წელს (الزواى, დასახ. ნაშრომი, გვ. 92) და, რომ იმ დროს ის იყო 80 წლის (محمد ثريا, დასახ. ნაშრომი, გვ. 93).

³⁵ А. А да м о в, დასახ. ნაშრომი, გვ. 384.

ბუნების მქონე როგორც სულეიმან ალა, სხვა არაეინ იყო³⁶, მაგრამ ა. ადამოვიცა და ლონგრიგიც ცდებიან. შეუძლებელია 1722 წელს საქართველოში დაბადებული სულეიმანი ჰასან ფაშას დროს, ე. ი. 1723 წლამდე, მიეყვანათ ბალდადში გასაყიდად. როგორც ირკვევა, სულეიმან ბუიუქი ბალდადში კი არ გაუყიდიათ, არამედ უჩუქებიათ ფაშასათვის. თანაც ეს მომხდარა არა ჰასანის სიცოცხლეში, არამედ გაცილებით უფრო გვიან, სულეიმან ფაშა აბუ ლაილას დროს. ამას ადასტურებს მეჰმედ სურეია, რომელიც გვამცნობს: „სულეიმანი იყო მონა მარდინის ვოევოდის³⁷ მუჰამედ ეფენდი ბეგისა, რომელმაც ბალდადში თავის მოგზაურობისას ის სულეიმან ფაშა მიზრაკლს ჩააბარაო“³⁸ ამ ცნობიდან აშკარად ჩანს არა მარტო ის, თუ რა ბედი სწევია სამშობლოდან წაყვანილ სულეიმანს, არამედ ისიც, რომ იგი ბალდადში მიუყვანიათ 1749—1762 წლებში, როცა ის, თუ მეტის არა, 27 წლის მაინც იქნებოდა.

ფეშქაშად მირთმეული სულეიმანი ბალდადის ფაშას თავისი მცველი რჩეული სამხედრო რაზმის რიგებში ჩაურთცხავს და შემდეგ თანდათან დაუწინაურდება. 1765 წლისათვის სულეიმანი უკვე ქ. ბასრის მუთასალიმია³⁹. 1768 წელს იგი ენდერუნ ჩოკდარად⁴⁰ გადაჰყავთ ბალდადში, ხოლო სამი წლის შემდეგ (1771 წ.), როცა სამხრეთ ერაყში აღდილობრივ ხელისუფალთა (მუთასალიმების აბდ არ-რაჰმანის, ჰაჯი სულეიმანისა და იუსუფის) თვითნებობამ, — მოსახლეობაზე უზომო გადასახადების დადებამ, — საყოველთაო-სახალხო მღელვარება გამოიწვია და, გარდა ამისა, ირანელთა პრეტენზიებმაც ამ მხარის დასაპყრობად აშკარა ხასიათი მიიღო, სულეიმანი ისევ ბასრაში დააბრუნეს.

ირან-ოსმალეთს შორის საომარი მოქმედების დაწყების პირ-

³⁶ S. H. Longrigg, დასახ. ნაშრომი, გვ. 187.

³⁷ *ويوه* — ქალაქის ან ოლქის უფროსი. ეს სიტყვა თურქულში შევიდა სლავურიდან (Х у р ш и д-џ е н д и). დასახ. ნაშრომი, გვ. 457).

³⁸ *ثريا محمد*, დასახ. ნაშრომი, ტ. III, გვ. 91.

³⁹ S. H. Longrigg, დასახ. ნაშრომი, გვ. 187.

⁴⁰ *چوقدار* — სასახლეში ქალთა ნახევრის ანუ პარამხანის მთავარი მსახური, მისი უფროსი იყო. ოსმალეთის სულთნისა და ირანის შაჰის პარამხანებში ამ თანამდებობის პირი, როგორც წესი, საქურისა უნდა ყოფილიყო. ბალდადში კი ამ წესს ყოველთვის არ იცავდნენ. ენდერუნ ჩოკდარად აქ ფაშას ყველაზე სანდო კაცი ინიშნებოდა ხოლმე.

ველი დღიდანვე ცხადი გახდა სულეიმანისათვის, რომ მტრის მთავარი დარტყმა მას უნდა მოეგერიებინა, მაგრამ ძალები არ ყოფნიდა. 1500 იენიჩარითა და რამდენიმე ძველი, დაზიანებული გემით რომელიც მაშინ ბასრაში იდგა, ამ ამოცანის შესრულება შეუძლებელი იყო. ამიტომ სულეიმან ალა დაუქავშარდა, ერთის მხრივ, ბაღდადის ფაშას, ხოლო მეორეს მხრივ, მასკატისა და ომანის მმართველებს. ბაღდადის ფაშას მაშველი ჯარის გამოგზავნა სთხოვა, მასკატისა და ომანის გამგებლებს კი სურსათი და გემები. ამავე დროს იწყო სასწრაფო ლონისძიებების გატარება. სულ მცირე დროში მან თავი მოუყარა სურსათ-სანოვავის ერთი წლის მარაგს და შეიძინა საჭირო სამხედრო საქურველი; ადგილობრივი მოსახლეობის დახმარებით შეაკეთა ციხე-გალავანის კედლები, მის კოშკებზე დააყენა ასამდე სხვადასხვა ზომის ქვემეხი, ხოლო არხი, გარს რომ ჰქონდა შემოვლებული ციხეს, გაწმინდა, გააღრმავა და მდინარის წყალი მიუშვა. ვისაც იარაღის ტარება შეეძლო, ყველა ლაშქარში იხმო და სახელდახელოდ შეჰყარა 15 000 კაცისაგან შემდგარი ჯარი, სადაც, ს. ლონგრის ცნობით, იენიჩარებისა და არაბების გვერდით იდგნენ ზანგები, სომხები და კარმელიტი ბერებიც კი⁴¹. ეს იყო გაუწვრთნელი, მაგრამ სამაგიეროდ თავისი ტერიტორიისა და ინტერესების დასაცავად აღმდგარი ხალხი, რომელმაც დიდი როლი შეასრულა ქალაქის დაცვის საქმეში, კარს მომდგარი მტრის გარკვეულ დრომდე შეკავებაში.

ქ. ბასრამდე მისული ირანის ჯარები ერთხანს უმოქმედოდ იდგნენ. მათი სარდალი სადევ ხანი საზღვაო ფლოტის მოსვლას უცდიდა, რომ მოწინააღმდეგისათვის ერთდროულად დაერტყა ხმელეთიდან და ზღვიდან. მაგრამ, როცა შეიტყო, რომ ირანის გემებს შატ ალა-არაბში შესვლა და ბასრის იერიშში მონაწილეობის მიღება აღარ შეეძლოთ, იძულებული გახდა შეტევა მხოლოდ სახმელეთო ძალებით განეხორციელებინა. იმისათვის, რომ დასახული ამოცანა იოლად გადაეჭრა, სადევ ხანმა სცადა ადგილობრივი ხელისუფლების მოსყიდვა, რისთვისაც შეტევის წინ მოლაპარაკება გამართა სულეიმან ალასა და ინგლისის ფაქტორიის ადგილობრივ მმართველთან. ირანის ჯარების სარდალი მზად იყო 2 მლნ რუფია მიეცა მათთვის, თუ ქალაქს ჩააბარებდნენ⁴². მაგრამ მოლაპარაკებას მისთვის სასურველი შედეგი არ მოჰყოლია, სულეიმან ალამ

⁴¹ S. H. Longrigg, დასახ. ნაშრომი, გვ. 188, 191.

⁴² Ch. R. Low, დასახ. ნაშრომი, გვ. 167. .

სადეყ ხანის წინადადება არ მიიღო, ხოლო ამ უკანასკნელმა აღარ დააყოვნა და შეტევა დაიწყო.

იერიშს დიდი წარმატება არ მოჰყოლია. ქალაქის დამცველთა მედგარი წინააღმდეგობა ირანელების წინსვლას შეუძლებელს ხდიდა. ასეთ ვითარებაში დიდი მნიშვნელობა ექნებოდა მათთვის ბასრის შიიტი მოსახლეობის ამბოხებას, რასაც მოელოდნენ კიდეც. მაგრამ არავითარი ნიშანი არ ჩანდა იმისა, რომ ის დაიწყებოდა. ამიტომ სადეყ ხანმა ბრძოლის ტაქტიკა შეცვალა, იერიშს თავი გაანება, ქალაქს ხმელეთიდან ალყა შემოარტყა და მისი დაუფლება მეციხოვნეთა შიმშილით მოინდომა.

ხმელეთის მხრიდან იზოლირებული ქალაქის დამცველები ამირიდან გარესამყაროს უკავშირდებოდნენ მხოლოდ ზღვით. მაგრამ ეს გზაც დაეხშოთ. საქმე ისაა, რომ ბასრის ალყამ გამოიწვია ტიგროს-ევფრატის სავაჭრო გზის ჩაკეტვა და ვაჭრობის შეწყვეტა. ასეთ პირობებში ინგლისელ ვაჭრებს ბასრაში ყოფნა ხელს აღარ აძლევდათ და ამჯობინეს ბუშირში გადასულიყვნენ. მათ თან წაიყვანეს გემებიც, რომლებიც მანამდე, შატ ალ-არაბში იდგნენ და ბასრის კაფუდან ფაშას ეხმარებოდნენ ირანის ფლოტის წინააღმდეგ ბრძოლაში. ამ დამხმარე ძალის გარეშე თურქეთის ფლოტს აღარ შეეძლო მარტო გამკლავებოდა ირანის საზღვაო ძალებს და პირველსავე ბრძოლაში დამარცხდა. კაფუდან ფაშამ თავისი გემებით კუვეიტს შეაფარა თავი. ირანის ფლოტი შატ ალ-არაბში შევიდა და ბასრას მიაღწა, რის შემდეგ ქალაქი ზღვიდანაც გარემოცვაში აღმოჩნდა.

მტრისაგან ყოველი მხრიდან გარშემორტყმული ქალაქის დამცველნი შეეღას ბაღდადის ფაშასაგან მოელოდნენ და ირანელებს არ ნებდებოდნენ, მაგრამ უმარს სულ მალე საქმე ისე ცუდად წაუვიდა, რომ ბასრელთა ხსნაზე ფიქრიც კი აღარ შეეძლო.

როგორც უკვე ვთქვეთ, 1775 წელს, სანამ ირან-ოსმალეთის ომი დაიწყებოდა, ქერიმ ხანმა სულთანს მოსთხოვა შიიტ მომლოცველების შემავიწროებელი უმარ ფაშას სიკვდილით დასჯა. სულთანმა იმ მოსაზრებით, რომ უმარის დაუსჯელობით ირანი ომს არ დაიწყებდა, ხოლო მის დასჯას კი შეეძლო გამოეწვია მამლუქების აჯანყება აბასელი ხალიფების დედაქალაქში, თავი შეიკავა ირანის მბრძანებლის მოთხოვნის აღსრულებაზე. მაგრამ, როცა ომი უკვე რეალობად იქცა და ირანის ჯარები ოსმალეთის იმპერიის ფარგლებში შეიჭრნენ, სულთანი იძულებული გახდა ანგარიში გაეწია ქერიმ ხანის მოთხოვნისათვის. სტამბოლში შეუდგნენ უმარ ფაშას

საქმის გამოძიებას, რაშიც აქტიური მონაწილეობა მიიღეს შაპრიზურისა და მოსულის ქურთმა გამგებლებმა. სულთანმა სწორედ მათ მოსთხოვა გარკვევა იმისა, თუ რამდენად საფუძვლიანი იყო ქერიმ ხანის ბრალდება უმარ ფაშასადმი⁴³.

ქურთისტანის გამგებლები ცუდად იყვნენ განწყობილი ბაღდადის ფაშას მიმართ. ისინი უკმაყოფილო იყვნენ იმით, რომ უმარმა სისხლში ჩაახშო მათი აჯანყება, რომელიც მიზნად ისახავდა ქურთისტანის გამოყოფას იმპერიიდან და ირანთან შეერთებას⁴⁴. ამიტომ მათ მარჯვედ გამოიყენეს ხელსაყრელი მომენტი უმარზე შურის საძიებლად და სულთანს მოახსენეს, ყველაფერი, რასაც ირანის მბრძანებელი ბაღდადის ფაშას შესახებ ამბობს, მართალიაო. უფრო მეტიც, მას ისიც აცნობეს, რომ ირან-ოსმალეთის ომი უმარმა გამოიწვია იმ მიზნით, რათა თავისი პოზიციები განემტკიცებინა ერაყში⁴⁵.

მოახსენებდნენ რა ყოველივე ამას, შაპრიზურისა და მოსულის გამგებლები სულთანს ურჩევდნენ, რაც შეიძლება მალე გადაეყენებინა ერაყის გამგებელი თანამდებობიდან და, საერთოდ, ბოლო მოელო მამულქებისათვის, რომლებმაც ხელში ჩაიგდეს ხელისუფლება და თანდათან ძლიერდებოდნენ⁴⁶.

ქურთი გამგებლების ჩვენება სტამბოლში სრულ ჭეშმარიტებად მიიჩნეს და უმარ ფაშას სიკვდილი მიუსაჯეს. განაჩენის სისრულეში მოყვანა მოსულის, დიარბაქრის, ვანის, ალეპოსა და დამასკოს ფაშებს დაევალოთ. მათ ებრძანათ შეეკრიბათ ლაშქარი, წასულიყვნენ ბაღდადისაკენ, დაეკავებინათ იგი, მოეკლათ უმარი და მის ადგილზე დაესვათ მუსტაფა ფაშა ისფანაქჩი. დავალება შესრულებულ იქნა. უმარ ფაშა მოკლეს და მისი მოკვეთილი თავი სულთანს მიართვეს.

ოსმალეთის ცენტრალური ხელისუფლება დიდ იმედებს ამყარებდა ამ ღონისძიების გატარებაზე. იგი დარწმუნებული იყო, რომ ამის შემდეგ ირანი შეწყვეტდა საომარ მოქმედებას. ამიტომ სულთანმა, როგორც კი შეიტყო უმარის მოკვლის ამბავი, მაშინვე ელჩი მიავლინა ირანში და ქერიმ ხანს აცნობა, რომ მის მიერ აღრევე წამოყენებული მოთხოვნა შესრულებული იყო⁴⁷. მაგრამ

⁴³ Cl. Huart, დასახ. ნაშრომი, გვ. 156.

⁴⁴ ზ. შარაშენიძე, დასახ. ნაშრომი, გვ. 61—62.

⁴⁵ Cl. Huart, დასახ. ნაშრომი, გვ. 156; А. Адамов, დასახ. ნაშრომი, გვ. 383.

⁴⁶ Cl. Huart, იქვე.

⁴⁷ С. Niebuhr, დასახ. ნაშრომი, ტ. II, გვ. 323.

სულთანის მოტყუებული აღმოჩნდა. ირან-ოსმალეთის ურთიერთობაში არავითარი ცვლილება არ მომხდარა. ომი კვლავ გრძელდებოდა, ირანის ჯარები სულ უფრო მიიწვედნენ წინ და ახალ-ახალ ტერიტორიებს იპყრობდნენ. ქერიმ ხანმა თურქეთის ელჩი მუჰამად დაჰი ეფენდი შეიპყრო და კარგა ხანს ასე ჰყავდა, შემდეგ კი შინ დაბრუნების ნება მისცა და სულთანთან დააბარა: ომს არ შევწყვეტ, სანამ ერაყს არ დავეუფლებიო⁴⁸.

ეს იმ დროს ხდებოდა, როცა ოსმალეთის მძიმე სამხედრო მდგომარეობას თან დაერთო საშინელი შიმშილობა იმპერიის აღმოსავლეთ პროვინციებში და მლეღვარება ბალდაღში. შიმშილობა იმდენად ძლიერი იყო, რომ არმიის გამოსაკვები სურსათის შეგროვებაც კი ქირდა. ამიტომ ჯარში წასვლა აღარავის სურდა, ფრონტზე თურქეთის ჯარისკაცთა ნაკლებობა იგრძნობოდა. და აი ასეთ ვითარებაში დაიწყო აჯანყება ბალდაღში. აჯანყებულებმა გააძევეს სტამბოლიდან გამოგზავნილი მუსტაფა ფაშა ისფანაქჩი და მოითხოვეს ერაყის გამგებლად თავიანთი კანდიდატი, უმარ ფაშას ყოფილი ქაჰია აბდალაჰი დაემტკიცებინათ. ერაყის დაკარგვის შიშით ოსმალეთის მთავრობა იძულებული გახდა მიეღო ბალდაღის მოსახლეობის მოთხოვნა და აბდალაჰი საფაშოს კმართველად დანიშნა. ეს იყო ერაყის მამულქთა სერიოზული გამარჯვება და იმპერიის ცენტრალური ხელისუფლების მორიგი მარცხი.

ბალდაღის საკითხის მოგვარებას მთელი ზაფხული დასჭირდა. ამასობაში ქ. ბასრა ბედის ანაბარა იყო მიტოვებული და თავს საკუთარი ძალებით იცავდა. შემდეგ მის დასახმარებლად შეკრიბეს და გაგზავნეს ჯარის ახალი ნაწილები აბდი ფაშას სარდლობით, მაგრამ ამით მდგომარეობა არ შეცვლილა. აბდი ფაშა ბალდაღში ჯაღა და იქიდან ხელმძღვანელობდა საომარ ოპერაციებს. ირანელთა წინააღმდეგ გაგზავნილი მისი ჯარები მარცხს მარცხზე განიცდიდნენ. ოსმალეთს ბრძოლა ისე გაუჭირდა, რომ 1775 წლის სექტემბერში სულთანი თანახმა გახდა ქერიმ ხანისათვის ფული მიეცა, ოღონდ ამ უკანასკნელს ომი შეეწყვიტა⁴⁹. მაგრამ ირანის მბრძანებელს ახლა ამის გაგონება არ სურდა. მისი ჯარები სადღეუ ხანის სარდლობით ბასრაზე იერიშს არ წყვეტდნენ. ქალაქი თავს

⁴⁸ ზ. შარაშენიძე, დასახ. ნაშრ., გვ. 70.

⁴⁹ ო. გიგინეიშვილი, ქუჩუქ კაინარჯის ზავის შემდგომი პერიოდის თურქეთის საშინაო მდგომარეობის საკითხისათვის, „მახლობელი აღმოსავლეთის ისტორიის საკითხები“, თბ., 1963, გვ. 53.

რცავდა ისე. რომ არავისგან არავითარი დახმარება არ ჰქონდა: „აი უკვე 13 თვე გავიდა მას შემდეგ, რაც ბასრა ალყაში მოექცა. და მუთასალიმს არავითარი დახმარება, არავითარი ცნობა არ მიუღია ბაღდადის ფაშისაგან“ — აღნიშნავს თანამედროვე⁵⁰.

13 თვის განმავლობაში გარე სამყაროს მოწყვეტილ ქალაქში სურსათ-სანოვავისა და საომარი მასალის მარაგა გამოიღო. დაიწყო შიმშილობა, რომელიც დღითი დღე იზრდებოდა და მოსპობას უქადდა როგორც მოსახლეობას, ისე ლაშქარს. თანამედროვის გადმოცემით, ერთი მანი⁵¹ ხორბალი ან ქერი 80—90 პიასტრი ღირდა, ხოლო ხორცის შოვნა საერთოდ შეუძლებელი იყო. ცხოველები (ცხენები, ვირები, კატები, ძაღლები) მოისპო, ხურმის პლანტაციები განადგურდა⁵². მდგომარეობის გაუმჯობესებისა და ქალაქის დაცვის ყოველგვარი შესაძლებლობა ამოიწურა, მოსახლეობა სასოწარკვეთილებას მიეცა. ასეთ ვითარებაში, სულეიმან აღამ, დივანთან შეთანხმებით, 1776 წლის მაისში ქალაქი მოწინააღმდეგეს ჩააბარა და თვითონაც დანებდა⁵³.

ზადეყ ხანი ბასრაში შევიდა. სულეიმან ალა თურქეთის სხვა თანამდებობის პირებთან ერთად დაატყვევა და ქერიმ ხანს გაუგზავნა შირაზში. თვითონ კი ადგილზე დარჩა, ქალაქს მძიმე ხარკი შეაწერა და მის მართვა-გამგებლობას შეუდგა.

ბასრაში ყოფნისას სადეყ ხანმა თავი გამოიჩინა როგორც კარგმა ადმინისტრატორმა და პოლიტიკოსმა. მან შეძლო ურთიერთობის მოგვარება ქალაქის მოსახლეობასთანაც და მის მეზობლად მყოფ მუნთაფიქის ტომის არაბებთანაც. მაგრამ ეს ურთიერთობა მკვეთრად გაუარესდა 1777 წელს, როცა სადეყ ხანი სასწრაფოდ გაიწვიეს შირაზში და ბასრის მართვა ალი მუჰამედ ხანს მიენდო. ამ უკანასკნელმა ხელი მიჰყო მოსახლეობის ძარცვა-რბევას და არაბ ტომებს შორის შუღლი ჩამოაგდო, რის გამოც დაიწყო მძლავრი აჯანყება ირანელთა წინააღმდეგ. მუნთაფიქებმა მას ისეთი ძლიერი დამარცხება აგემეს⁵⁴, რომ სადეყ ხანი იძულებული

⁵⁰ G. A. Olivier, Voyage dans l'Empire Ottoman, l'Egipie et la Perse, (IX), t. IV, p. 348.

⁵¹ მანი — წონის ერთეული, უდრის 812,5 გრამს.

⁵² A Chronicle of the Carmelites in Persia and the Popal Mission of the XVII-th and XVIII-th centuries, London, 1939, vol. I, p. 674:

⁵³ H. J. Bridges, A Brief History of the Wahaby, London, 1834, vol. I, p. 186.

⁵⁴ როგორც მალკოლმი აღნიშნავს, ამ ბრძოლის დროს ალი მუჰამედ ხანი დაღუპულა (J. Malcolm, დასახ. ნაშრომი, ტ. I, გვ. 143).

გახდა სასწრაფოდ დაბრუნებულიყო ბასრაში, რათა აჯანყება სერაოზულ ომში არ გადაზრდილიყო.

ბასრის დაპყრობა ქერიმ ხანის სერიოზული გამარჯვება იყო. ამიერიდან მის ხელში იყო სპარსეთის ყურის ერთ-ერთი მნიშვნელოვანი ნავსადგური, მესოპოტამიის დიდი სამდინარო-საეაქრო გზის კარიბჭე და ამასთან ერთად ვაჭრობის მონოპოლიაც. ამიტომ ბასრის დაკარგვას ოსმალეთის ცენტრალური ხელისუფლება ვერ ურიგდებოდა და ყოველნაირად ცდილობდა მის დაბრუნებას: ამ მიზნით სულთანმა სპეციალური ელჩიც კი აახლა ქერიმ ხანს და სხვა ძვირფას საჩუქრებთან ერთად 2 მილიონი ლევი გაუგზავნა ქალაქის უკან დასაბრუნებლად⁵⁵. მაგრამ ირანის მბრძანებელი ვერ დაითანხმეს ვერც ამით და ვერც იმ პირობით, რომ ოსმალეთის მთავრობა მზად იყო ბასრის სანაცვლოდ მისთვის მიეცა სხვა რომელიმე ტერიტორია⁵⁶.

* * *

1779 წლის 2 მარტს ქერიმ ხანი გარდაიცვალა. ბასრის გამგებელმა სადეყ ხანმა თავისი ლაშქრით შირაზს მიაშურა რომ ტახტი დაეკავებინა. დაუცველად მიტოვებულ ქალაქს ჯერ მუნთაფიქის ტომის ბელადი დაეპატრონა, ხოლო შემდეგ ბაღდადის მაშინდელი ფაშა ჰასანი. ბასრა ისევ ოსმალეთის ფარგლებში მოექცა, მაგრამ შირაზში ამის შესახებ ჯერ არაფერი იცოდნენ.

მაშინ, როცა ბაღდადის ფაშა ჰასანმა ბასრის მუთისალიმად თავისი კაცი ნუ'მან ეფენდი დანიშნა და მის დასაპყრობად გაგზავნა, ირანის ტახტის მძიებელთა შორის გამართული ბრძოლა დასასრულს მიუახლოვდა. ტახტზე ავიდა ქერიმ ხანის ბიძაშვილი ზაქი ხან ზენდი, რომელიც კარგად იცნობდა იმ დროს შირაზში ტყვედ მყოფ სულეიმან ალას მისი იქ მიყვანის პირველივე დღიდან და ყოველმხრივ უწყევდა დახმარებას. მისი წყალობით სულეიმანი საფუძვლიანად გაეცნო ირანელთა ყოფა-ცხოვრებას და ქვეყნის მართვის ორგანიზაციას, დაუახლოვდა სამეფო კარის წარჩინებულთ და იქ მყოფ უცხო ქვეყნების, კერძოდ, ინგლისის წარმომადგენლებს. მისივე წყალობით მოხდა აგრეთვე სულეიმანის ტყვეობიდან გათავისუფლება.

⁵⁵ ო. გ. ი. ნ. ე. შ. ვ. ი. ლ. ი, საქართველო ოსმალეთის საგარეო პოლიტიკაში XVIII ს-ის უკანასკნელ მეოთხედში („სტალინის სახელობის თბილისის სახელმწიფო უნივერსიტეტის შრომები“, თბ., 1959, ტ. 73, აღმოსავლეთმცოდნეობის სერია, გვ. 221).

⁵⁶ ზ. შ. ა. შ. ე. ნ. ი. ძ. ე, დასახ. ნაშრომი, გვ. 71.

ურანგი მოგზაურის გ. ოლივიეს ცნობით, ზაქი ხანს ტყვეობიდან განთავისუფლებული სულეიმანისათვის თურქეთში დაბრუნების ნებართვა მიუცია⁵⁷. მაგრამ სხვა წყაროებიდან ირკვევა, რომ ასეთი ნებართვა მას არ ჰქონია. კლ. უარის ცნობით, ქერიმ ხანის შემდეგ ტახტზე ასულმა ზაქი ხანმა სულეიმან ალას თავისუფლება უბოძა, მრავალრიცხოვანი ამალით ბასრაში გაგზავნა და ქალაქის მართვა-გამგებლობა დაავალა⁵⁸, რადგან სადეყ ხანმა, მას ტახტს რომ ეცილებოდა, თავისი რაზმები იქიდან გაიწვია⁵⁹. რაკი სულეიმანი ბასრის გამგებლად ზაქი ხანის ბრძანებით დაინიშნა, ეს უდავოდ იმას მოწმობდა, რომ იგი შაჰის მოხელე იყო, ხოლო ბასრა — ირანის სახელმწიფო ტერიტორიის ნაწილი.

საგანგებო ფირმანით აღკუთრებულმა სულეიმანმა ქება-დიდებათ შეამკო ზაქი ხანის სახელი, მაღლობა გადაუხადა, როგორც მას, ისე მისი კარის ყველა დიდებულს მისთვის გაწეული დახმარებისათვის და მისცა რა ყოველნაირი დაპირება, რომ გაამართლებდა მათ ნდობას, თავისი თანმხლები რაზმით შირაზიდან ბასრას გაემგზავრა. მაგრამ იქ მისვლა და ბოძებული თანამდებობის დაკავება ვეღარ მოასწრო. ვიდრე ის დანიშნულ ადგილზე მივიდოდა, ამასობაში სადეყ ხანის მიერ მიტოვებული ქალაქი ირანს ხელიდან წაუვიდა, მას ბაღდადის ფაშა ჰასანი დაეპატრონა და მუთასალიმდაც თავისი კაცი ნუ'მან ეფენდი დანიშნა⁶⁰. სულეიმანს იქით აღარ წავსვლებოდა და საზღვრისპირა ქ. ხუეისში შეჩერდა. იგი მოელოდა, რომ ირანის ახალი მბრძანებელი სათანადო ზომებს მიიღებდა ბასრის დასაბრუნებლად, მაგრამ ირანში იმ დროს უკვე რთული ვითარება შეიქმნა. ფეოდალური შინაომი თანდათან ძლიერდებოდა, რის გამოც თურქეთთან ომის თავი მას აღარ ჰქონდა. ასეთ შემთხვევაში, სულეიმან ალას ალბათ საბოლოოდ უნდა აედო ზელი ბასრაში დაბრუნებაზე, რომ მისთვის ბედს არ გაეღმა და არაბულ ერეყში ბრძოლის ხანძარი არ აგიზგიზებულყო.

ბრძოლა ახლაც ბასრის გამო წარმოებდა, ოღონდ ერთმანეთს ეცილებოდნენ, ოსმალებში მყოფი მუნთაფიქების შეიხი სოვეინი და მუთასალიმის თანამდებობაზე ბაღდადიდან გაგზავნილი ნუ'მან ეფენდი. სოვეინმა ბასრა სადეყ ხანის წასვლისთანავე დაიკავა და ნებით დათმობას არ აპირებდა. ნუ'მან ეფენდის არ აღმოაჩნდა სა-

⁵⁷ G. A. Olivier, დასახ. ნაშრომი, გვ. 349—350.

⁵⁸ Cl. Huart, დასახ. ნაშრომი, გვ. 157—158.

⁵⁹ H. J. Bridges, დასახ. ნაშრომი, გვ. 187.

⁶⁰ Cl. Huart, დასახ. ნაშრომი, გვ. 158.

ჰირო ძალა და უნარი, რომ დაემარცხებინა მოწინააღმდეგე, ეს მხარე ოსმალეთისათვის შემოემტკიცებინა და იქ მშვილობა აღედგინა. არადა, გაუთავებელმა ბრძოლამ, რაც უკვე ოთხი წელია ამ ტერიტორიაზე მიმდინარეობდა, გააჩანაგა მეურნეობა და მოსახლეობის ყველა ფენის საერთო უკმაყოფილება გამოიწვია. უკმაყოფილება ყველაზე მეტად იგრძნობოდა ინგლისელ ვაჭრებში, რომელთა ახალშენებმა თითქმის მთლიანად შეწყვიტეს სავაჭრო საქმიანობა არა მარტო ბასრაში, არამედ მთელ მესოპოტამიაში. ამიტომ ბუნებრივია, რომ ისინი ყველაზე მეტად იყვნენ დაინტერესებული ბასრაში სიწყნარის დამყარებით, რისთვისაც ხშირად ქვეყნის საშინაო საქმეებშიც ერეოდნენ და ადგალობრივ ხელისუფლების სათავეში დასანიშნავ კანდიდატურებსაც თვითონ არჩევდნენ. ერთი ასეთი კანდიდატი, რომელიც მათი რჩევით დანიშნა სულთანმა ჯერ ბასრის, ხოლო მერე ბაღდადის საფაშოს გამგებლად, იყო სულეიმან ალა, რომელსაც კარგად იცნობდნენ ბასრაში მისი მუთასალიმობის დროიდან.

1779 წელს, სწორედ მაშინ, როცა ბასრა ირანმა დაკარგა, მაგრამ ოსმალეთის განკარგულებაში ჯერ არ იყო გადასული, სულეიმანმა შირაზში ინგლისის საელჩოს დახმარებით ზონტქარს თხოვნის ბარათი გაუგზავნა, რომლითაც ვაზირის ტიტულსა და ბასრის გამგებლად დანიშნას ითხოვდა⁶¹. ასეთივე თხოვნით მიმართა მან ბაღდადის ფაშასაც, მაგრამ ამ უკანასკნელმა იცოდა, რომ სულეიმანს ჯერაც ხელთ ჰქონდა ირანის მბრძანებლის ფირმანი, რომლითაც იგი ბასრის გამგებლად უნდა დამჯდარიყო. ამიტომ იმის შიშით, რომ სულეიმანს ბასრის გამგებლობის ხელში ჩაგდება შემდეგ სამხრეთ ერაყი ირანისათვის არ გადაეცა, თხოვნაზე უარი შეუთვალა და მის წინააღმდეგ სალაშქროდაც მოემზადა⁶², მაგრამ სტამბოლში ამ დროს საკითხი უკვე სულეიმან ალას სასარგებლოდ წყდებოდა. ასეც რომ არ მომხდარიყო, ბასრაში ახლა საქმე ისე მოეწყო, რომ სულეიმანს იქ ბაღდადის ფაშა წინააღმდეგობას ვეღარ გაუწევდა, რადგან ჰილღეს სანჯაქში ერთ-ერთ არაბულ ტომთან ბრძოლის დროს შეიხი სოვეინი დაიღუპა, მისმა შემცველმა სოვეინ ალ-აბდულამ ინგლისის სავაჭრო ახალშენების წარმომადგენლებისა და ადგილობრივი მოსახლეობის თხოვნით⁶³, თავისი მეგობარი სულეიმანი ქალაქ ხუეაისიდან ბასრაში მიიწვია და

⁶¹ Cl. Huart, დასახ. ნაშრომი, გვ. 158.

⁶² იქვე.

⁶³ H. J. Bridges, დასახ. ნაშრომი, გვ. 187.

ქალაქის მმართველობაც ჩააბარა. ასე რომ, სულეიმან ალა სტამბოლიდან გამოგზავნილ მოხელეს, რომელსაც მისთვის 1779 წ. ოქტომბერში (1193 წ. შაჰალს⁶⁴) ვილაეთის მირამირანად დანიშვნის ფირმანი უნდა გადაეცა⁶⁵, უკვე თანამდებობაზე დახვდა.

სულეიმანმა ცოტა ხანი დაჰყო ბასრაში. მიუხედავად ამისა, მან იქ რამდენიმე მნიშვნელოვანი ღონისძიების გატარება მანინც მოასწრო, და მშვიდობა და სიწყნარე დაამყარა⁶⁶: აღადგინა დანგრეული ქალაქის ბაზრები⁶⁷ და, როცა ამით მთელ ერაყში უნარჩონი მმართველის სახელი მოიხვეჭა⁶⁸, თავისი სამფლობელოს საზღვრების გაფართოებისათვის ზრუნვაც დაიწყო. მას ალარ აკმაყოფილებდა მარტო არაბული ერაყის მირამირანობა, არამედ სრულიად ერაყის გამგებლობა უნდოდა, და ეს სურვილი კიდევაც შეისრულა, ისარგებლა რა ამ დროს ბაღდადის საფაშოში შექმნილი დასახული ვითარებით.

როდესაც სამხრეთ ერაყში (ბასრის ეიალეთში) ბრძოლები შეწყდა და აღდგენითი ხასიათის სამუშაოები დაიწყო, ბაღდადის საფაშოში (თვითონ ბაღდადშიც კი) იენიჩარების, „ლევენდის“ რაზმების, არაბი და ქურთი ტომების თვითნებობას საზღვარი არ ჰქონდა. ამის გამო მოსახლეობა მუდამ საფრთხის წინაშე იდგა. მიწათმოქმედება, მეურნეობის ეს მთავარი დარგი, დაქვეითდა. ვაჭრობა შეწყდა, ჰასან ფაშამ, ამ მხარის მმართველობა რომ ჰქონდა დასჯალებული, მდგომარეობის გამოსწორება ვერ შესძლო. ამიტომ მას არც დიდებულებსა და წარჩინებულებს მოსწონდათ, არც ხალხს, არც ოსმალეთის ხელისუფლებას და არც უცხოელ ვაჭრებს.

სულეიმან ალა ამ დროს ყურადღებით ადევნებდა თვალს მოკლელების განვითარებას ბაღდადში და მოხერხებულად იყენებდა იქ შექმნილ ვითარებას თავის სასარგებლოდ.

რაკი ჰასან ფაშა უუხარო გამგებელი გამოდგა, იქმნებოდა რეალური შესაძლებლობა მისი გადაყენებისა. ამიტომ სულეიმან ალამ სულთანს აცნობა, თუ ბაღდადის საფაშოს მე ჩამაბარებ, სიწყნარე და ოსმალთა ბატონობა ამ მხარეში უზრუნველყოფილი

⁶⁴ محمد ثرى, დასახ. ნაშრომი, გვ. 93.

⁶⁵ H. J. Bridges, დასახ. ნაშრომი, გვ. 195; Cl. Huart, დასახ. ნაშრომი, გვ. 159.

⁶⁶ Cl. Huart, იქვე.

⁶⁷ S. H. Longrigg, დასახ. ნაშრომი, გვ. 195.

⁶⁸ G. A. Olivier, დასახ. ნაშრომი, გვ. 350.

იქნებოთ. ამავე დროს ბასრაში განლაგებულ ინგლისის საეპრო-ახალშენების წარმომადგენელთა დავალებითა და ფულთ, სულ-თნის 'სასახლეში სულეიმანის სასარგებლო საქმეს აკეთებდა ბრი-ტანეთის ელჩი სტამბოლში მ. პ. ლატუში, რომელმაც 20 000 პიას-ტრი დაურიგა დივანის წევრებს: დიდ ვაზირს, იენიჩარების აღას, ქაჰა-ბეგს, ვალიდას (სულთნის დედას)⁶⁹ და თვით სულთანსაც⁷⁰ კი იმისათვის, რომ ჰასან ფაშას ადგილზე ბაღდადში ბასრის გამგე-ბელი გადაეყვანათ.

ლატუშის მისია წარმატებით დამთავრდა. სულეიმან აღას თხოვნა ოსმალეთის: «ხელისუფლებამ დააკმაყოფილა ბაღდადის ეალეთი ბასრას შეუერთეს, ორივე ერთად სულეიმანს ჩააბარეს და ისიც თავისი ამალით ბასრიდან ბაღდადს გაემგზავრა»⁷¹.

მეჰმედ სურეიას ცნობით, სულეიმანის ხელდასხმა ახალ თა-ნამდებობაზე და მისი ბაღდადში გადასვლა უნდა მომხდარიყო 1779 წელს, ოქტომბრის თვის შემდეგ: „მისმა უდიდებულესო-ბამ, — აღნიშნავს იგი, — 1193 წლის შავევალს (1779 წლის 12.X—9.X1) სულეიმანი ბასრის ვაზირად დასვა, ხოლო რამდენიმე დღის შემდეგ ბაღდადის ვალიდ გადაიყვანაო“⁷². როგორც ჩანს, სუ-რეიას აქ უზუსტობა აქვს დაშვებული და „რამდენიმე დღის“ ნაც-ვლად რამდენიმე თვე იგულისხმება. ყოველ შემთხვევაში სამე-ცნაერო ლიტერატურაში, 1779 წლის ბოლოს და 1780 წლის პირ-ველ ნახევარში, ბაღდადის ფაშად ყველგან⁷³ ჰასანი იხსენიება⁷⁴. აქვე უნდა გავითვალისწინოთ ისიც, რომ სულეიმანის ბასრაში ყოფნისას მისი უშუალო ხელმძღვანელობით სამხრეთ ერაყში „დამ-ყარდა მშვიდობა, აღსდგა მკვდარი ბაზრები“, გაიშალა ვაჭრობა და სხვ.; რისთვისაც „რამდენიმე დღე“ საქმარისი ვერ იქნებოდა. ამბის მომსწრე ამინ ბენ ჰასან ალ-ჰალვან ალ-ჰადინი გადმოგვცემს, რომ ფირმანი ბასრის, ბაღდადისა და შაჰრიზურის გაერთიანებისა

⁶⁹ H. J. Bridges, დასახ. ნაშრომი, გვ. 187.

⁷⁰ S. H. Longrigg, დასახ. ნაშრომი, გვ. 196.

⁷¹ Cl. Huart, დასახ. ნაშრომი, გვ. 159.

⁷² محمد تريا, დასახ. ნაშრომი, ტ. III, გვ. 91.

⁷³ გამოწვევის შეადგენს პ. ჯონსი, რომელიც არასწორად ამ დროს ბაღდადის ფაშად ომარს ასახელებს, კაცს, რომელსაც სულთნის დავალებით თავი მოჰკეთეს ჟერ კლდე 1776 წელს ქეროზ ხანის გულის მოსაგებად (იხ. A. Adamov, დასახ. ნაშრომი, გვ. 383).

⁷⁴ G. A. Olivier, დასახ. ნაშრომი, გვ. 350; Cl. Huart, დასახ. ნაშრომი, გვ. 159; S. H. Longrigg, დასახ. ნაშრომი, გვ. 196.

და ამ ერთიანი საფაშოს მმართველად სულეიმანის გადაყვანის შესახებ 1194 წლის შავვალის 15-ს (1780 წლის 14 ოქტომბერს) გამოიცა⁷⁵. მამასადამე; სულეიმან აღას ბაღდადში გადასვლა უნდა მომხდარიყო 1780 წლის შემოდგომაზე.

ერაყის გამგებლად დანიშნული სულეიმან ფაშა საქმიანობას აჩანყებების ჩაქრობით შეუდგა. ამ მხრივ მან მოქმედება ბაღდადში შესვლამდე დაიწყო და წესრიგის დასამყარებლად სხვადასხვა საშუალებას იყენებდა. ქ. არჯეში მან თავისი პირადი საგანძურადან ძვირფასი საჩუქრები დაურიგა საფაშოს დედაქალაქიდან აქმის შესახვედრად მოსულ „მამლუქებსა“ და „თურქებს“, რომლებმაც სწორად გაიგეს ფაშას მიერ გაცემული წყალობის მიზანდასახულება და ერთგულება შეფიცეს მწყალობელს. მათი დახმარებით სულეიმანმა დაამარცხა და სიკვდილით დასაჯა მღელვარების ერთ-ერთი მოთავე, უმარ ფაშას ყოფილი ქაპია უსტ ალი ალა, ახეთივე ბედი სწია ჯერ მუჰამედ აჯემის ლაშქარს მდ. დიალის შესართავთან, ხოლო შემდეგ კი ბაღდადის ახლოს დაბინავებულ ლევენდის უფროსის მუჰამედ ხალილ ოღლის რაზმს და 1780 წლის ოქტომბრის ბოლოს ზეიმით შევიდა საფაშოს დედაქალაქში⁷⁶.

ბაღდადის მოსახლეობა კმაყოფილებით შეხვდა საფაშოს ახალ გამგებელს, თუმცა მის პატივსაცემად საზეიმო მეჯლისის დროს უკმაყოფილების ნიშნებიც გამოსჭვიოდა. ეს ყველაზე მეტად ადგილობრივი სამოხელეო არისტოკრატიის წრეში შეიმჩნეოდა⁷⁷, რადგან ამ ფენის წარმომადგენლები დარწმუნებული იყვნენ იმაში, რომ თუ პირველი ქულემენი ფაშას სულეიმან აბუ ლაილის დროს მათი რიცხვი მმართველ აპარატში საგრძნობლად შემცირდა, ახლა, როცა მართვა-გამგებლობა უკვე ახალი ქულემენი ფაშას ხელში აღმოჩნდა, ისინი მთლიანად განიდევნებოდნენ პოლიტიკური მოღვაწეობის ასპარეზიდან.

დიდებულთა ზედაფენის ამგვარი განწყობილება სულეიმან ფაშას შეუმჩნეველი არ დარჩენია, მას სათანადო შეფასება მიეცა და გარკვეული ზომებიც დროზე მიიღო. არისტოკრატიის მცირე ჯგუფის უკმაყოფილებას მისი ხელისუფლებისათვის სერიოზული ზიანის მიყენება არ შეეძლო, მაგრამ მან ყურადღება მიამართო იმ გარემოებას, რომ უკმაყოფილო ელემენტებს ფულითა და

⁷⁵ Cl. Huart, დასახ. ნაშრომი, გვ. 159.

⁷⁶ იქვე, გვ. 159—160.

⁷⁷ S. H. Longrigg, დასახ. ნაშრომი, გვ. 201.

სხვადასხვა საჩუქრებით იოლად შეეძლოთ მიემხროთ თავგასული ენეჩარები.

ეს საფაზზე რომ თავიდან აცილებული ყოფილიყო, ფაშამ საქმე სწორედ ენეჩარებიდან დაიწყო. ენეჩარები მან ბაღდადიდან მდ. ევფრატის შუა წელში, ხალისის მიდამოებში გადაიყვანა. მცირე რაზმებად დაპყო და მეთაურებიც, რომლებსაც აქამდე სულთანი ნიშნავდა, თვითონ დაუნიშნა. ბაღდადში კი მათ ნაკვალად სახელდახლოდ ნაყიდი 1000 ქართველისაგან შემდგარა რაზმი ჩააყენა და მის წვრთნას შეუდგა⁷⁸.

ასეთი ღონისძიების შედეგად სულეიმან ფაშამ შესწლო არა მარტო საშიში ძალის თავიდან მოცილება, არამედ შექმნა ისეთი სამხედრო ბირთვი, რომელზე დაყრნობითაც იწყო თავისი ძალისა და ხელისუფლების სულ უფრო და უფრო განმტკიცება და 1780 წლის შემოდგომამდევე აიძულა ამბოხებულ ტომთა ბელადები, შეეწყვიტათ ბრძოლა, ეცნოთ მისი ხელისუფლება და დაედოთ ერთგულების ფიც⁷⁹.

თავი მესამე

სულეიმან ფაშა ბუიუში (1780—1802)

ბაღდადის საფაშოს ახალი გამგებლის მთავარ საზრუნავს შეადგენდა ძალუფლების განმტკიცება და სულთნისათვის ადრე მიცემული პირობის შესრულება — საფაშოში მტკიცე წესრიგის დამყარება. ამის მიღწევა კი შესაძლებელი იქნებოდა იმ შემთხვევაში, თუ მოხერხდებოდა მეამბოხე ტომების დამორჩილება. ამიტომ სულეიმან ფაშამ თავისი მორიგი ღონისძიება მათ წინააღმდეგ ბრძოლას მიუძღვნა. მართალია, 1780 წელს ფაშასთან სათითაოდ გამოცხადნენ ამბოხებულთა მეთაურნი და მას მორჩილება აღუთქვეს, მაგრამ თავიანთი ფიცი მალე დაივიწყეს და 1783 წელს მღელვარებამ ისევ იჩინა თავი. ოსმალობისა და მისი დამცველი ადგილობრივი ხელისუფლების წინააღმდეგ პირველი აღსდგა არაბული ერაყის ცენტრალურ ნაწილში, მდ. ევფრატის ნაპირას მდებარე

⁷⁸ S. H. Longrigg, დასახ. ნაშრომი, გვ. 201.

⁷⁹ А. Адамов, დასახ. ნაშრომი, გვ. 384.

ლამლუნისა და დივანიეს მიდამოებში მცხოვრები ხაზაილის ტომი შეიხ ჰამად ალ-ჰამიდის მეთაურობით. ამავე დროს საბრძოლველად მოემზადა სპარსეთის ყურის ახლოს ირან-ოსმალეთის სახელმწიფო საზღვართან მცხოვრები ქაზბის ტომიც, რომლის შეიხი სულეიმანი ამ დროს ხაზაილებთან კავშირს აპირებდა. მაგრამ ბაღდადის ფაშამ დროზე შეიტყო შეიხ სულეიმანის ზრახვები და მოწინააღმდეგის სამოქმედო გეგმას საკუთარი საბრძოლო გეგმა დაუპირისპირა. ამ გეგმაში მთავარი ის იყო, რომ არ დაეშვათ აჯანყებულ ტომთა გაერთიანება, რისთვისაც ფაშამ თავისი ლაშქრის დიდი ნაწილი ბასრამი გაგზავნა, ხოლო დანარჩენით ხაზაილის დასამორჩილებლად გაეშურა.

გადამწყვეტი შეტაკება ფაშასა და შეიხ ჰამად ალ-ჰამიდის რაზმებს შორის ლამლუნის ქაობებში მოხდა. გაუვალ ადგილებში შეტყუებულ ბაღდადის ჯარის გასანადგურებლად შეიხმა ჯებირები გახსნა, მაგრამ სასურველ შედეგს მაინც ვერ მიაღწია. 1784 წელს სულეიმან ფაშამ გაარღვია მოწინააღმდეგის თავდაცვა, მოულოდნელად გაიჭრა ევფრატის ნაპირებისაკენ, ალყაში მოაქცია ამბოხებულთა ლაშქარი და აიძულა ისინი დანებებულიყვნენ¹. ამის შემდეგ აღარც სამხრეთ ერაყში გაგრძელებულა დიდხანს ბრძოლები. ხაზაილთა დამარცხების შედეგად უმოკავშირეოდ დარჩენილმა ქაზბის ტომის შეიხმა სულეიმანმა შეწყვიტა წინააღმდეგობა და ბაღდადის ფაშას დამორჩილდა. ეს სულეიმან ფაშას მნიშვნელოვანი გამარჯვება იყო, მაგრამ ერაყში სრული სიმშვიდე მაინც ვერ დამყარდა.

ერაყის სამხრეთი და ცენტრალური ნაწილების დაწყნარების შემდეგ ბაღდადში, ფაშას სასახლეში არაბ და მამლუქ მოხელეთა შორის მოულოდნელად ისევ იჩინა თავი უთანხმოებამ, რომელიც სულ მალე გახდა საბაბი მძლავრი აჯანყებისა ჩრდილოეთ ერაყში. განხეთქილების მიზეზი ახლაც იყო არაარაბული წარმოშობის ანუ „მოსული ელემენტის“ დაწინაურება ხელისუფლების მაღალ თანამდებობებზე, რის გამოც არისტოკრატის არაბული ნაწილის ზედაფენას არაერთხელ გამოუთქვამს გულისწყრომა ქველემენი ფაშებისადმი. ამ ფენას საიდუმლოდ ხელმძღვანელობდა სულეიმან ფაშას დიპლომატიური მრჩეველი ჰაჯი სულეიმან აშ-შაუვი. იგი ცდილობდა ფაშას წინააღმდეგ შეთქმულების მოწყობას². მაგ-

¹ J. M. Kinneir, A Geographical Memoir of the Persian Empire, London, 1813, p. 286; K. Ritter, Die Erdkunde von Asien, Berlin, 1844. ტ. VII, ნაწ. II. გვ. 807.

² S. H. Longrigg. დასახ. ნაშრომი, გვ. 203.

რამ ეს გაუგეს და საფაშოს გამგებელმა ის, როგორც მოლაღატე, 1785 წელს თანამდებობიდან გადააყენა, ქრნება ჩამოართვა და ბაღდადიდანაც გააძევა.

ბაღდადიდან დეენილი ჰაჯი სულეიმანი სათავეში ჩაუდგა უბაიდის ტომს³ და საფაშო ხელისუფლების წინააღმდეგ აჯანყების ეზადებას შეუდგა. საამისოდ მან მოხერხებულად გამოიყენა ერაყში 1786 წელს მოუსავლიანობის გამო დაწყებული შიმშილობა. იმ ბრალდებით, თითქოს გვალვა კი არა, ფაშა იყო ნამდვილი მიზეზი ამ უბედურებისა, მან შეძლო მოსახლეობის დარაზმვა ხელისუფლების წინააღმდეგ და გვიან შემოდგომაზე დიდი ლაშქრით ბაღდადისაკენ დაიძრა⁴.

აჯანყების ჩასაქრობად ფაშამ ჯარი გაგზავნა ქაჰია აჰმედის მეთაურობით, რომელიც პირველსავე შეტაკებაში დამარცხდა. როგორც ინგლისის ოსტ-ინდოეთის კომპანიის ბასრელი რეზიდენტი მანესტი გადმოგვცემს, ამ ბრძოლის შემდეგ გამარჯვებული ჰაჯი სულეიმანი 1787 წლის 20 თებერვალს სამი ეიალეთის (ბასრა-ბაღდად-შაპრიზურის) გამგებლად დაუნიშნავეთ⁵, რაც უნდა გული-სხმოზდეს, რომ სულეიმან ფაშა ბუიუქი ამ დროს თანამდებობიდან გადააყენებულია. მაგრამ მოვლენათა შემდგომი ვითარება ერაყში მანესტის ამ ცნობის საწინააღმდეგოდ ლაპარაკობს.

ქაჰია აჰმედის დამარცხების შემდეგ ჰაჯი სულეიმანი თავისი ლაშქრით ბაღდადს მიადგა და გარს შემოერტყა. ქალაქში მყოფი გარნიზონით თავის დაცვა და მტრის დამარცხება ფაშას არ შეეძლო. ამიტომ მან ხერხი იხმარა: საწყობები გახსნა და ამბოხებულთ სურსათი დაურიგა⁶, რითაც ერთბაშად მოინადირა მათი გული. ამ ღონისძიებით ფაშამ აჯანყებულთა უმრავლესობა თავის მხარეზე გადაიბირა, ძირეულად შეცვალა ძალთა თანაფარდობა და ბრძოლაც მოიგო.

³ უბაიდის ადგილსამყოფელია ჩრდ. ერაყი, მდ. ტიგროსის მარცხენა სანაპირო, დ. უბაიდის წესართავიდან ჩრდილოეთით მცირე ზანის შესართავამდე.

⁴ S. H. Longrigg, დასახ. ნაშრომი, გვ. 203—204.

⁵ იქვე, გვ. 204.

⁶ Presis, Containing information in regard to the first connexion of the honorable East India Company with Turkish Arabia, Calcutta, 1874, p. 69.

⁷ იქვე, გვ. 203.

1787 წლის გაზაფხულზე საკუთარი ლაშქრისაგან მიტოვებული და დამარცხებული შეიხი სულეიმან აშ-შაუეი ბრძოლის ველიდან სუკ აშ-შუიუხს⁸ გაიქცა და ხაზაილის ტომის ბელად ჰაშიდთან ერთად სამხრეთ ერაყში, მუნთაფიქების ტომის უფროსის, სოვეინის მიერ ამ დროს დაწყებულ აჯანყებას შეუერთდა⁹. აპრილში აჯანყებულებმა დაიკავეს ქ. ზუბაირი, დაატყვევეს აჯანყების მიზეზის გასაკრევეად იქ ჩასული ბასრის მუთასალიმი იბრაჰიმ ბეგი და აიღეს ბასრა. ამის შემდეგ შეიხმა სოვეინმა მოლაპარაკება გამართა, ერთინ მხრივ, ქა'ბის ტომის ბელად სულეიმან ქა'ბთან, ხოლო მეორეს მხრივ, ოსმალეთის სულთანთან. პირველს ის სამხედრო დახმარებას სთხოვდა, მეორეს კი ბასრა-ბაღდადის გამგებლის თანამდებობა¹⁰, მაგრამ სასურველ შედეგს ვერ მიაღწია. იმ დროს, როცა იგი მათთან მოლაპარაკებით იყო გართული, მისი უფროსი ძმა აჰმედი¹¹ სულეიმან ფაშა ბუიუქთან გამოცხადდა და, რასაც სოვეინი აკეთებდა, ყოველივე ზუსტად მოახსენა¹². ფაშა ლაშქრობისათვის სამზადისს შეუდგა. შაჰრიზურიდან მან ქურთების ლაშქარი იხმო, ჯალილიდან კი იენიჩარებს რაზმი გამოიძახა. ამავე დროს, სანამ მათ ბაღდადში თავს მოუყრიდა, ქა'ბის შეიხს დაუეკავშირდა და აცნობა: თუ სოვეინს არ დაეხმარები, საჩუქრად ახალ მიწებს მიიღებო.

სულეიმან ქა'ბს სერიოზულად აფიქრებდა სოვეინის გაძლიერება. ამაში იგი საფრთხეს ხედავდა და აჯანყებულთა მხარეზე ბრძოლაში მონაწილეობის მიღება არ სურდა, მით უმეტეს ახლა, როცა ფაშა ჯილდოდ ტერიტორიის გაფართოებას ჰპირდებოდა. ამიტომ ის ერაყის გამგებლის რჩევა-დარიგებას დაჰყვა, რის გამოც სოვეინის ცდა — აჯანყებაში ჩაეთრია ძლიერი მეზობელი, მარცხით დამთავრდა. ვერც სტამბოლიდან მიიღო მან მხარდაქერა. ბასრა-ბაღდადის გამგებლის თანამდებობაზე დამტკიცების მაგიერ სულთანმა სულეიმან ფაშა ბუიუქს საჯანგებო ფირმანით უბრძანა, დაუყოვნებლივ ჩაეხშო ამბოხება სამხრეთ ერაყში და სასტიკად გასწორებოდა მის მოთავეს¹³.

⁸ მღ. ეფრატის მარჯენა ნაპირზე მდებარე ქალაქი სამხრეთ ერაყში.

⁹ S. H. Longrigg, დასახ. ნაშრომი, გვ. 204.

¹⁰ W. Franklin, Observations made on a tour from Bengal to Persia in 1786—1787, London, 1790, p. 267.

¹¹ ლონგრიგის მიხედვით ჰამიდ ას-სამირი (იხ. მისი დასახ. ნაშრომი, გვ. 205).

¹² A. Adamov, დასახ. ნაშრომი, გვ. 386—387.

¹³ იქვე, გვ. 387.

1787 წლის ოქტომბრის თვეში, სულეიმან ფაშა სულთნის ამ ბრძანების აღსრულებას შეუდგა. მოსალოდნელი იყო, რომ ის თავისი ლაშქრით იერიშს უშუალოდ ბასრაზე მიიტანდა და მოწინააღმდეგეზე აქ მოუყარა თავი საკუთარ ძალებს, მაგრამ სულეიმან სულს ხეამიმართულებით წავიდა. მოწინააღმდეგის ძალების დაქსაქსვისა დამისი პოზიციების შესუსტების მიზნით, იგი ბალდაღის ლაშქარს ჯერ ხაზაილის სამფლობელოში შეუძღვა, დაიკავა ეს ტერიტორია, დაეპატრონა საქონლის ჯოგებს და, როცა შეიტყო, რომ ამ თავდასხმით შეწუხებულ ხაზაილებს სოვეინი მიეტოვებინათ და შინისაკენ წასულიყვნენ, მაშინ უკვე მუნთაფიქების სამფლობელოში შეიქრა. გადამწყვეტი ბრძოლა მდ. ეფრატის ნაპირას დასახლებულ პუნქტ ნაპრ აღ-ანტართან მოხდა და ფაშას გამარჯვებით დამთავრდა. მუნთაფიქების ლაშქარი სულეიმან ფაშა ბუიუქს დანებდა. ფაშამ სოვეინს ტომის უფროსობა ჩამოართვა და მუნთაფიქების შეიხად ჰამიდ ას-სამირი დასვა. შემდეგ აიღო ბასრა, რომელსაც, რამდენიმე თვის მანძილზე სოვეინი ფლობდა¹⁴, დახარკა მ-სი მოსახლეობა აჯანყებული შეიხის კომპრობისათვის. მუთასალიმის თანამდებობა მან ჩააბარა მუსტაფა ბეგს, მისცა მას გარკვეული რაოდენობის ჯარი და, როცა არაბულ ერაყში მშვიდობა დაამყარა, თვითონ ბალდაღში დაბრუნდა, რათა სხვა საქმეების მოგვარებას შესდგომოდა. მაგრამ მშვიდობა ახლაც ხანმოკლე გამოდგა და ერთი წლის შემდეგ ფაშა იძულებული გახდა კვლავ ბრძოლაში ჩაბმულიყო.

1787 წელს, როგორც კი სულეიმან ბუიუქი სამხრეთ ერაყიდან თავის სატახტო ქალაქში დაბრუნდა, ბასრის მუთასალიმს მუსტაფა ბეგს საფაშო ხელისუფლების ხელში ჩაგდება გადაუწყვეტია და ფაშას წინააღმდეგ აჯანყების მზადებას შესდგომია. მუსტაფა ბეგმა სხვადასხვა ეროვნების ტომებს შორის შუღლი ჩამოაგდო, რის შედეგადაც ქურთი არაბს აღარ ზოგავდა, არაბი ქურტს, ხოლო ორივე ერთად კი ოსმალებს და საფაშოს ხელისუფლების წარმომადგენლებს. გარდა ამისა, მუთასალიმი შეუდგა სულეიმან ფაშა ბუიუქისადმი მტრულად განწყობილი ელემენტების დაწინაურებისასა და თავის გარშემო დარაზმვას, რათა მათი დახმარებით ხელში ჩაეგდო ერაყის გამგებლობა. ამ მიზნით, მან სულ ტყუილებრად ბრალი დასდო მუნთაფიქის შეიხს ჰამიდ ას-სამირს, როგორც

¹⁴ T. H o w e l. Voyage en retour de l'Inde par terre et par une route en Porte inconnue jusqu'ici, Paris (l'an V), p. 23—24.

თანამდებობისათვის შეუფერებელს, უუნარო ხელმძღვანელს და ფაშას სთხოვა. შეეცვალა იგი სოვეინით, იმ პიროვნებით, ვინც არც თუ ისე დიდი ხნის წინ თვითონ ცდილობდა საფაშო ხელისუფლების მიტაცებას.

ფაშამ დააკმაყოფილა მუთასალიმის თხოვნა, თუმცა გუმანით მიხვდა, რომ მუსტაფა ბეგის აპგვარო საქციელი კეთილი ზრახვებით არ უნდა ყოფილიყო ნაკარნახევი. ამიტომ მან მუთასალიმის და კაფუდან ფაშას მეთვალყურედ ბასრაში თავისი ერთგული მოხელე, მუჰამედ აშ-შაჟუვი გაგზავნა, ხოლო ლევენდის მეთაური იქიდან ბალდადში გაიწვია.

ამ ღონისძიებამ მუსტაფა ბეგი საკმაოდ შეზღუდა. მიუხედავად ამისა, იგი მაინც ახერხებდა თავისი საქმის კეთებას. როგორც კი მუნთაფიქების შეიხად სოვეინის დაბრუნებას მიაღწია, მაშინვე კავშირი გააბა სულეიმანიეს გამგებელ უსმან ფაშა ბაბანთან და ორივეს ერთად თავისი საბრძოლო გეგმა გაუმჟღავნა. ამ გეგმის მიხედვით მათ უნდა შეეკრიბათ მთელი თავიანთი ძალები. მოწყობით ერთდროული ლაშქრობა სულეიმან ფაშა ბუიუქის წინააღმდეგ, დაემხოთ მისი ძალაუფლება და ბასრა-ბალდად-შაპრიზურის ეიალეთებში თავიანთი ხელისუფლება დაემყარებინათ.

შეთქმულება საიდუმლოდ მზადდებოდა, მაგრამ მიუხედავად ამისა, ის მაინც გამჟღავნდა და თანაც სრულიად შემთხვევით.

დაწყებული საქმე რომ წარმატებით დაეგვირგვინებინათ, შეთქმულების მოთავენი ეწეოდნენ მალალი თანამდებობის მქონე პირთა მოსყიდვა-გადაბირებას. ამისათვის ისინი არც ფულს ზოგავდნენ და არც იძულების სხვადასხვა ფორმას. იმ შემთხვევაში, როცა ფულით ვერას ხდებოდნენ, შეთქმულების ხელმძღვანელები იყენებდნენ ტერორს, რათა ასეთი გზით გაენადგურებინათ ისინი და მათ ადგილზე დაესვათ სხვა, მათთვის ხელსაყრელი კანდიდატები. ასე უნდა გასწორებოდა ბასრის მუთასალიმი, სხვათაშორის, ქალაქის ციხისთავს მუსტაფა ჰიჯაზის, მაგრამ ამ უკანასკნელმა დროზე შეიტყო მუსტაფა ბეგის განზრახვა, ბასრიდან ბალდადს გაიქცა და მუთასალიმის პირგამომთხრელი საქმიანობის საიდუმლო გეგმა სულეიმან ფაშა ბუიუქს გაანდო.

სულეიმანმა უსმან ფაშა ბაბანი ბალდადში იხმო და, ისე თითქოს არც იცოდა შეთქმულებაში მისი აქტიური მონაწილეობის ამბავი, ათასი დიდებულის თანდასწრებით ის თავისი ქაჰიას დაზე დააქორწინა, რითაც სულეიმანიეს გამგებელი მოყვრად გაიხადა და შეთქმულებას ჩამოაცილა.

შეთქმულთა რიგებიდან სულეიმიანიეს გამგებლის გამოთიშვა-სულეიმიან ბუიუქის წარმატება იყო. ქურთისტანადან თავდასხმის საშიშროება, თუ სულ არა, დროებით მიინც აღარ იყო მოსალოდ-ნელი და ჩრდილოეთიდან მომართული მახვილი, რომელიც სამ-სრეთ ერაყის დასალაშქრავად გამზადებულ ფაშას ზურგში ჰქონდა დამიზნებული, თავიდან იქნა აცილებული. ამასთან, ერაყის გამგე-ბელს შესაძლებლობა მიეცა მთელი თავისი ლაშქრით მუსტაფა ბეგისა და მისი მოკავშირე სოვეინის დასასჯელად წასულიყო.

გადამწყვეტი ბრძოლა ფაშასა და აჯანყების მოთავეთა ჯარებს შორის გაიმართა მდ. ეფრატის ნაპირას, სოფელ არჯესთან. სულეიმიანმა სძლია მოწინააღმდეგის ლაშქარს და ბასრაში შეიჭრა. ბრძოლა დიდხანს აღარ გაგრძელებულა, დამარცხებულმა მუსტაფა ბეგმა და სოვეინმა თავს გაქცევით უშველეს, ხოლო მათი სამხედ-რო რაზმები ფაშას დანებდნენ. არაბულ ერაყში მშვიდობა აღდგე-ნილ იქნა, ეს მხარე კვლავ ბაღდადის ფაშას მორჩილებაში შევიდა. გამარჯვებულმა სულეიმიანმა მუნთაფიქების ტომის შეიხობა ჰამიდ ას-სამირს დაუბრუნა, ხოლო ბასრის მუთასალიმად თავისი თანა-მემამულე ისა-ბეგ მარდინელი დასვა¹⁵ და თვითონ 1789 წ. დასას-რულს ბაღდადში დაბრუნდა.

თავის სატახტო ქალაქში დაბრუნებულ სულეიმიანს ყველაზე მეტად ქურთისტანის საკითხი აფიქრებდა. მართალია, საფაშოს ამ ნაწილში ჯერ სიწყნარე სუფევდა, მაგრამ 1788 წელს სულეიმიანიეს გამგებლის აქტიური მონაწილეობა ბაღდადის ხელისუფლების წი-ნააღმდეგ მიმართულ შეთქმულებაში, რომელსაც ქურთი მუსტაფა ხელმძღვანელობდა, იმის მაჩვენებელი იყო, რომ უკვე იწყებოდა ქურთების ბრძოლა დამოუკიდებლობისათვის. ეს კი უსათუოდ გამოიწვევდა ბაღდადის გამგებლის მდგომარეობის გაუარესებას. რადგან სამხრეთ ერაყის მეამბოხე მომთაბარე არაბ ტომებს ანიე-რიდან ქურთებიც მიემატებოდნენ. ამას გარდა, სანამ ოსმალეთის ქურთისტანის სამხრეთ ნაწილში— შაჰრიზურში სიწყნარე და მორ-ჩილება სუფევდა, ბაღდადის გამგებელი ქურთების ლაშქარს არა-ბული ერაყის მომთაბარე ტომების დასამორჩილებლად იყენებდა. ამიერიდან კი ასეთი რამ აღარ მოხერხდებოდა. თანაც ქურთი-ხალხის ბრძოლა შეიძლებოდა გადაზრდილიყო ირან-ერაყის და, მამასადამე, ირან-ოსმალეთის ომში, ვინაიდან საჭირო შემთხვევა-

¹⁵ А. А да м о в, დასახ. ნაშრომი, გვ. 389; S. H. Longrigg, და-სახ. ნაშრომი, გვ. 206.

ში ქურთებს შეეძლოთ დასმარება ეთხოვით მეზობელი ირანის ტერიტორიაზე დასახლებული თანამემამულეების, ან თვით ირანის ხელისუფლებისათვის, ირანი კი ხელსაყრელ მომენტში უარს არ იტყოდა ამაზე. და ბოლოს, ქურთისტანის განდგომით, ბაღდადის ფაშა ჰქარგავდა თავისი სამფლობელოს მნიშვნელოვან ნაწილს.

აი, ამ მოსალოდნელ სართულებთან დაკავშირებით დაინგა ბაღდადის საფაშო ხელისუფლებაში ქურთისტანის საკითხი, რომელიც დროზე გადაწყვეტას მოითხოვდა. დაიწყო მისი დაუყოვნებლივ მოგვარებაც, რასაც სულეიმან ფაშა ბუიუქმა რამდენიმე ღონისძიება მიუძღვნა.

პირველი ღონისძიება შეეხებოდა ქურთისტანის გამგებელთა ხელდასხმის წესს. სულეიმანმა დაადგინა, რომ ამიერიდან შაჰრიზურის თითოეულ სანჯაყ ბეგს, როცა ის თანამდებობას იკავებდა, ბაღდადის საფაშოს გამგებლის კარზე უნდა გაეგზავნა მძევლები. ამასთან, მძევლებად შეიძლებოდა გაეგზავნა მხოლოდ თავისი ოჯახის წევრები ან სხვა ყველაზე ახლობელი ნათესავეები. მეორე ღონისძიება აწესებდა რეგლამენტს სანჯაყის გამგებლობაზე. სანჯაყ ბეგი, რომელიც, როგორც წესი, ყოველთვის ქურთი იყო, არ შეიძლებოდა დიდი ხნის ვადით დაეტოვებინათ დაკავებულ თანამდებობაზე¹⁶. გარდა ამისა. სულეიმან ფაშა ბუიუქმა ჩამოაყალიბა და შაჰრიზურში (ისე როგორც ბაღდადში) ჩააყენა ქართველთა ათასეული¹⁷.

ამ ღონისძიებით სულეიმან ფაშა ბუიუქს უნდოდა მორჩილებაში ჰყოლოდა ქურთისტანი. და მართლაც, პირველი ღონისძიება ბაღდადის გამგებელს აძლევდა მის გარანტიას, რომ ქურთისტანის სანჯაყ ბეგები იქნებოდნენ მისი ინტერესების ერთგული დამცველნი. თუ რომელიმე სანჯაყ ბეგი ანგარიშს არ ვაუწყებდა დადგენილ წესს, გასწირავდა თავის მძევლებს და განიზრახავდა ერაყის გამგებლის საწინააღმდეგო შეთქმულების მოწყობას, რასაც შედარებით დიდი დრო მოუხდებოდა, მაშინ იგი შეზღუდული აღმოჩნდებოდა იმ ღონისძიებით, რომელიც შესაძლებლობას უსპობდა სანჯაყ ბეგს დიდხანს მჭდარიყო სანჯაყის სათავეში. ხოლო, როდესაც ვერც ერთი და ვერც მეორე ღონისძიებით დაწესებული შეზღუდვები ველარ აღმოჩნდებოდა საკმარისი და ქურთისტანში მაინც დაიწყებოდა აჯანყება (თუნდაც სტიქიური, როგორც ზოგ-

¹⁶ R o u s s e a u, Discription du Pashalik de Bagdad, Paris; 1801, p. 101.

¹⁷ S. H. L o n g r i g g, დასახ. ნაშრომი, გვ. 207.

ჯერ ხდებოდა ხოლმე), მაშინ მის ჩასახშობად მოქმედებას იწყებდა შეიარაღებული ძალა. მამლუქთა ათასეული, საგანგებოდ რომ ჰყავდა სულეიმანს ჩაყენებული შაჰრიზურის მხარეში.

ზემოაღნიშნული შეზღუდვების გარდა სულეიმან ფაშა ბუიუქი მარჯვედ იყენებდა აგრეთვე შარიათით დადგენილ მიწისმფლობელობის სპეციფიკურ წესს და ამ წესის საფუძველზე აღმოცენებული „ლენური სისტემის“ თავისებურებას. მიწა, რომლის უზენაეს მესაკუთრეს წარმოადგენდა სახელმწიფო, ლენის მფლობელს ანუ ფეოდალს ეძლეოდა ხოლმე დროებით სარგებლობაში, სანამ ის სახელმწიფო სამსახურში იყო. ამიტომ ლენის მფლობელი მიწით სახელმწიფოზე იყო მიჯაჭვული და ამის გამო იძულებული იყო თავის ნება-სურვილის საწინააღმდეგოდ ემოქმედა. ვინც ოსმალეთის სახელმწიფოში ასე არ მოიქცეოდა და ხელისუფლების წინააღმდეგ ლაღატს ჩაიდენდა, მას სულთანნი, ან პროვინციის გამგებლები, როგორც ცენტრალური ხელისუფლების წარმომადგენლები, თანამდებობიდან ითხოვდნენ და მიწასაც ართმევდნენ.

ასეთი უფლებებით აღჭურვილმა სულეიმან ბუიუქმა მოახერხა ფეოდალთა ალაგმვა, აჭანყებების ლიკვიდაცია და ამ მხარის შენარჩუნება ბალდადის საფაშოს ფარგლებში, მიუხედავად იმ სიძნელეებისა, რომელთა წინაშეც იგი აღმოჩნდა ერაყში XVIII ს-ის 90-იან წლებში დაწყებული საშინაო და საგარეო გართულებებთან დაკავშირებით.

საშინაო სიძნელე ძირითადად სულეიმანის ქაჰია აჰმედის მოქმედებით იყო გამოწვეული, ხოლო საგარეო — ვაჰაბიტების მხრივ მოსალოდნელი თავდასხმის საფრთხითა და ევროპის სახელმწიფოების დაინტერესებით, გაბატონებულიყვნენ ერაყში.

* * *

1792 წელს სულეიმან ფაშა ბუიუქი ციებ-ცხელებამ შეიპყრო და ლოგინად ჩააგდო¹⁸. როგორც მისი მკურნალი ფრანგი გ. ოლივიე გადმოგვცემს, ავადმყოფს „ყველაზე უწინ დაუზიანდა აზროვნების უნარი. ღრმა გარინდებას თან მოჰყვა გონების დაჩლუნგება, მელანქოლია, შრომის უნარის დაკარგვა, ზიზღი ყოველგვარი სიამოვნებისადმი, სიძულვილი ყველაფრის, რაც ადრე უყვარდა“¹⁹. ადგილობრივმა მკურნალებმა ავადმყოფობისა ვერაფერი გაიგეს.

¹⁸ ამედ ჯედეთის ცნობით, სულეიმანს სახსრების ძლიერი ტკივილი დასჩემდა (تاريخ جودات, ტ. V, გვ. 258—259).

¹⁹ G. A. Olivier, დასახ. ნაშრომი, გვ. 356.

ვერც ირანიდან საგანგებოდ მოწვეულმა ექიმებმა შეიტყვეს რა სენით იყო შეპყრობილი ფაშა. მაგრამ იმას კი მიხვდნენ, რომ ავადმყოფს დიდი დღე აღარ ეწერა და ეს არც დაუმალებს ფაშასა და მისი კარის შემადგენლობას. ექვი აღარავის ეპარებოდაო, — აღნიშნავს იმ დროს იქ მყოფი გ. ა. ოლივიე, — იმაში, რომ ფაშას სიკვდილის შემდეგ ზოგიერთი ჯგუფი დაიწყებდა ხელჩართულ ბრძოლას, დაიწყებოდა არეულობა და არ შეწყდებოდა მანამდე, სანამ ერთი რომელიმე დაჯგუფება არ სძლევდა მეორეს და არ მიიღებდა სულთნისაგან დანიშვნის ფირმანს. იენიჩარები უკვე იარაღს ამზადებდნენ, არაბი და ქურთი აბრაგები კი მოეწყვენენ გზებზე ქარავნების საძარცვავად; ქალაქს აჯანყება და შფოთი ეპოქებოდა, ვაქრობა უნდა შეწყვეტილიყო²⁰.

მართალია, ტახტის მიტაცებას რამდენიმე დიდებული ფაქრობდა, მაგრამ თუ საქმე ბრძოლაზე მიდგებოდა, გამარჯვება და ტახტიც ყველაზე ძლიერს უნდა რგებოდა. ყველაზე ძლიერი კი მაშინ აჰმედი იყო²¹. ის იყო. საფაშოს ფაქტიური ბატონ-პატრონი, მის ხელთ იყო ერაყის მთელი სიმდიდრე, ხაზინა და შეიარაღებული ძალები. მას მხარს უჭერდნენ დივანის წევრები, მასვე კავშირი ჰქონდა არაბებთან, ქურთებთან, იენიჩარებთან. ქაჰიას სჯეროდა თავისი ძალისა და ამიტომ აღარათფერს ეკითხებოდა ავადმყოფ ფაშას, საჭიროდ აღარ მიაჩნდა მოეხსენებინა მისთვის საფაშოს მდგომარეობის ამბავი, ბრძანებებს გამოსცემდა თავის სახელზე და მოითხოვდა, რომ არც ერთი ღონისძიება არ ყოფილიყო გატარებული საფაშოში მისი განკარგულების გარეშე. უფრო მეტიც. აჰმედმა ბოლოს წინადადება მისცა სულეიმანს, რომ ეშუამდგომლა სულთანთან, რათა მესამე თულიც ებოძებინათ მისთვის, ბაღდადის ფაშა კი წასულიყო სადმე შორს, რომელსამე სასახლეში და იქ მყოფდრო მარტობაში გაეტარებინა დარჩენილი სიცოცხლე²².

სულეიმანი მიხვდა, რომ აჰმედს მისი გადარჩენა კი ათა, ბალ-

²⁰ G. A. Olivier, დასახ. ნაშრომი, გვ. 358.

²¹ ოგი წარმოშობით ირანელი იყო, დაიბადა 1749 წ. ბაღდადში, ღარიბი მოხელის ოჯახში. მამამისი სულეიმანის მეჯინებელ იყო ბასრაში. მამის თხოვნით აჰმედს პატარაობიდანვე სულეიმანი ზრდიდა. 1776 წ. ირანელთა მიერ დატყვევებულ სულეიმანს აჰმედი თან წაჰყვა შირაზში, სადაც დახმარება გაუწია ებრაელ სოფელაგარ იაკუბთან კავშირის დამყარებაში. 1779 წ. აჰმედი სულეიმანთან ერთად ირანიდან ბასრაში დაბრუნდა და საპატიო თანამდებობა მიიღო. 1780 წ. ბაღდადის გამგებლად გადაყვანილმა სულეიმანმა აჰმედიც იქ წაიყვანა და ბეჭდის მცველად დანიშნა, ხოლო 1785 წ., როცა აჰმედს 36 წელი შეუსრულდა, სულეიმანმა მას ორთულიანი ფაშას ტიტული ებოძა და ქაიხან დასვა.

²² G. A. Olivier, დასახ. ნაშრომი, გვ. 355.

დადის ფაშად გახდომა ეჩქარებოდა, მაგრამ რაკი მძიმე ავად იყო, საქმის ვართულებას მოერიდა და უთხრა: „უკვე მიღებულია ყველა ზომა იმისათვის, რათა ჩემი მონაცვლე გახდეთ“²³.

ქაპია ვერ მიუხედა ფაშას. მისი პასუხი პირდაპირ გაიგო და, რომ იგი ერაყის გამგებლად მალე დაემტკიცებინათ, სტამბოლში წერილი გაუგზავნა სულთანს. წერილი სულთნისა და ქაპია აჰმედის ქება-დიდებასთან ერთად შეიცავდა სულეიმან ფაშა ბუიუქის ლანძღვა-გინებას და ბოლოს თხოვნას: გადაეყენებინათ თანამდებობიდან ბაღდადის საფაშოს ავადმყოფი და უკვე უუნარო გამგებელი და მის ნაცვლად დაენიშნათ აჰმედი, რომელიც ასეთი წყალობისათვის მზად იყო გაეღო დიდი თანხა²⁴.

აჰმედი დარწმუნებული იყო, რომ ოსმალეთის ცენტრალური ხელისუფლება დააკმაყოფილებდა მის თხოვნას და სულეიმან ფაშას შუამდგომლობას, რომელიც მას გაგზავნილი ეგონა. მაგრამ ისე მოხდა, რომ სხვისი ადგილის მაძიებელმა თავისიც დაკარგა და ამ საქმეს თან გადაჰყვა.

აჰმედის წერილს სულთანამდე არ მიუღწევია. ის სტამბოლში ხელში ჩაუვარდა სულეიმან ფაშა ბუიუქის მსტოვარს, რომელმაც სულთნის მოხელის ხელით ეს წერილი უკან გამოუგზავნა ბაღდადის გამგებელს.

სანა²⁵ წერილი ბაღდადში მოვიდოდა, გ. ოლივიეს დახმარებით სულეიმანს გაოჩანმრთებლა დაეტყო და მალე ფეხზე წამოდგა. ასე რომ ბაღდადს მოსულ სულთნის მოხელეს ფაშა უკვე თავის რეზიდენციაში დახვდა და სელიმ III-ის ფირმანთან ერთად მას ქაპია აჰმედის წერილიც გადასცა.

სულეიმანი ჯერ ფირმანს გაეცნო და კმაყოფილი დარჩა, როცა შეიტყო, რომ სულთანი მას ერთი წლის ვადით კვლავ ტოვებდა ბაღდადის საფაშოს გამგებლად²⁵. შემდეგ ის ქაპიას წერილის კითხვას შეუდგა და, როცა დარწმუნდა აჰმედის ვერაგობაში, თავისი თანამემამულე ხაზინადარი ალი ალა იხმო და ქაპიას მოკვლა უბრძანა.

ბრძანება მეორე დღესვე მოიყვანეს სისრულეში. დილით, როდესაც აჰმედი, როგორც ქაპია, ფაშასთან უნდა გამოცხადებულ-

²³ G. A. Olivier, დასახ. ნაშრომი, გვ. 356.

²⁴ იქვე.

²⁵ XVIII ს. 90-იანი წლებისათვის ოსმალურ თურქეთში პროვინციის გამგებლის რწმუნების ვადა უკვე ერთი წელი იყო. ვადის გახანგრძლივება ხდებოდა ყოველ წელს, სულთნის ფირმანით (G. A. Olivier, დასახ. ნაშრომი, გვ. 368).

ლიყო დავალების მისაღებად, სასახლის კიბესთან მას ალი ალა შეეგება და სატევრით განგმირა, რისთვისაც ჯილდოდ სულეიმანის ქალის — ხატიჯეს ხელი და ქაჰიას თანამდებობა მიიღო.

ქაჰია აჰმედის თავიდან მოცილებით ბაღდადის გამგებელმა მოახერხა როგორც თანამდებობის, ისე მშვიდობის შენარჩუნება თავის საფაშოში. ამას კი განსაკუთრებული მნიშვნელობა ჰქონდა მისთვის, რადგან ვაჰაბიტებთან ომი გარდაუვალი ხდებოდა.

ვაჰაბიზმის რელიგიური საფარით XVIII საუკუნის 40-იან წლებში ნეჯდში არაბებმა დაიწყეს ანტითურქული ბრძოლა, რომელსაც საგარეო ომებში გართულმა ოსმალეთის ცენტრალურმა ხელისუფლებამ თავიდანვე ჯეროვანი ყურადღება არ მიაქცია. ამის შედეგად იმავე საუკუნის ბოლოსათვის ვაჰაბიტებმა უკვე დაიკავეს დიდი ტერიტორია მეწამული ზღვიდან სპარსეთის ყურემდე და შექმნეს იქ თავიანთი სახელმწიფო მუჰამედ იბნ სა'უდის მეთაურობით (1746—1765). ჩრდილოეთით ვაჰაბიტები უშუალოდ გაუმეზობლდნენ ალეპოს, დამასკოსა და ბაღდადის საფაშოებს და ემზადებოდნენ დასაპყრობად. ამიტომ ბაღდადის გამგებელი დროზე შეუღდა თავისი საგამგებლოს სამხრეთის საზღვრის უშიშროებისათვის ზრუნვას, გაამაგრა ბასრა და ზუბაირი, მათი დაცვა მიანდო მუნთაფიქისა და ზუბაიდის ტომებს და ყოველწლიურად უხდიდა მათ გასამრჩელოს 100 000 პიასტრს. გარდა ამისა, მან საბრძოლო მზადყოფნაში მოიყვანა თორმეტამდე საზღვაო გემი და დააყენა შატ ალ-არაბში²⁶.

ვაჰაბიტების სახით რომ ოსმალეთს სამხრეთში საშიში მოწინააღმდეგე გაუჩნდა, ამას ბოლოს სულთნის ხელისუფლებაც მიხვდა. სელიმ III-მ არაერთხელ უბრძანა ბაღდადის ფაშას ვაჰაბიტების დასჯა, მაგრამ სულეიმანი არ ჩქარობდა. იგი თავს არიდებდა ბრძოლის დაწყებას და სულთნის ბრძანების შესრულებას აჭიანურებდა.

ჯ. ბურკჰარდტის აზრით, ბაღდადის ფაშას აშკარად საქციელი გამოწვეული უნდა ყოფილიყო იმით, რომ მას სათანადო გავლენა და თანხა არ გააჩნდა²⁷, მაგრამ სხვა ცნობები არ ადასტურებენ ამ მოსაზრებას. ჰარფორდ ჯონსი ვაკეირვებას გამოთქვამს ბურკჰარდტის ამ ცნობასთან დაკავშირებით და აღნიშნავს: „ქვეყანამ იყო-

²⁶ Rousseau, დასახ. ნაშრომი, გვ. 43—44.

²⁷ J. L. Burckhardt, Notes on the Bedouins and Wahabys, collected during his travels in the East, London, 1831, vol. II, p. 323.

და, რომ ამ დროს სულეიმანის საფაშო იყო მოცულობით უფრო დიდი და სანოვაგითაც გაცილებით მდიდარი, ვიდრე ევროპის რამდენიმე სახელმწიფო... 1797 წლამდე საფაშო ხაზინის შემოსავალი ყოველწლივით იზრდებოდა. უკვე 1798 წელს, „როცა ბალდაში მივედი, 30 000 გირვანქა სტერლინგი იყო გამოყოფილი იმ ლაშქრის შესაქრებად და მოსამზადებლად, რომელიც ვაჰაბიტთა წინააღმდეგ სალაშქროდ უნდა წასულიყო“²⁸. საინტერესოა აგრეთვე მალკოლმის ცნობა: „მე, ვეწვიე სულეიმან ფაშას... 1800 წელს... იგი უყვარდა ბალდადისა და სხვა ადგილების მკვიდრ მოსახლეობას, ვინც უშუალოდ მის საგამგებლოში შედიოდა... მმართველობა ამ თურქი გამგებლასა ტომებზე ძალიან ლმობიერია... და ისინიც გრძნობენ ამ წყალობას. მე მოვეუსმინე ერთ-ერთი ტომის მეთაურს, რომელმაც თქვა: „ბალდადის ფაშა რომ არა, მე ჯოხზე წაშოვაგებდი თურქულ ქუდს (ე. ი. ავჯანყდებოდი თურქეთის წინააღმდეგ) და არა მარტო პირადად გადავუდგებოდი მას, არამედ ყველა მეზობელ ტომს მოვუწოდებდი, რომ ისინიც ასევე მოქცეულიყვნენ“²⁹. მაშასადამე, ბალდადის ფაშას მიერ სულთნის ბრძანების შესრულების გაკიანურების მიზეზი, როგორც ჩანს, ფინანსებისა და გავლენის ნაკლებობა არ უნდა ყოფილიყო. ამას ისიც ადასტურებს, რომ სულეიმან ფაშა ბუიუქმა საფაშო ხაზინიდან დიდძალი თანხა (2 ათასი ქისა ანუ მლნ პიასტრი) გაიღო ეგვიპტიდან ნაპოლენ ბონაპარტის გასაძევებლად³⁰ და მამლუქი ბეგების დასახმარებლად.

ვაჰაბიტთა სახელმწიფოს წინააღმდეგ ბრძოლა არც ისე ადვილი საქმე იყო, როგორც ეს ოსმალეთის ცენტრალურ ხელისუფლებას მაშინ ესახებოდა. ამისათვის აუცილებელი იყო ყოველმხრივ მომზადება, რისთვისაც მარტო ფინანსები როდი კმაროდა. ფულთი შეიძლებოდა ლაშქრის დაქირავება, მისი მომარაგება სურსათ-სანოვაგითა და სამხედრო საქურვლით, სამხედრო საქმის სპეციალისტთა მოწვევა, მაგრამ ყოველივე ამისათვის ასევე აუცილებელი იყო დრო, რომლის ყიდვა ბალდადის ფაშას არ შეეძლო. გარდა ამისა, ბრძოლის ბედი მნიშვნელოვნად არის დამოკიდებული მებრძოლთა სულაერ განწყობილებაზე, ხოლო ეს უკანასკნელი კი თვით ბრძოლის ხასიათსა და მიზანზე. თუ ამ მხრივ შევხედავთ ბალდადის გამ-

²⁸ H. J. Bridges, დასახ. ნაშრომი, ტ. II, გვ. 17—18.

²⁹ J. Malcolm, დასახ. ნაშრომი, გვ. 234.

³⁰ تاريخ جودت, ტ. V, გვ. 261.

გებლის მდგომარეობას, დაერწმუნდებით, რომ ის ვერ იყო ხელსაყრელ პირობებში. მართალია, ალ-ჰასის რაიონის დაკავების შემდეგ ვაჰაბიტების მთავარი ძ-ლები ბაჰრის დასაპყრობად ემზადებოდნენ, მაგრამ თავდასხმა ჯერ არ მომხდარა, მტერი ერაყის ტერიტორიაზე არ შემოსულიყო, უამისოდ კი მოსალოდნელ საშიშროებას საფაშოს მოსახლეობის ფართო მასა, საიდანაც დგებოდა ლაშქარი, მთელი სიცხადით ვერ გრძნობდა. პირიქით, სამხრეთის საზღვრის გასწვრივ მობინადრე არაბ ტომებს გაგებული ჰქონდათ ვაჰაბიტების ბრძოლების ანტიოსმალური ხასიათი და მზად იყვნენ მათ მხარდასაქვერად.

მაშასადამე, 1795—1797 წლებში ომი ვაჰაბიტების წინააღმდეგ მორალურად არ იყო მომზადებული და შეიძლებოდა ბაღდადის არმიის მარცხით დამთავრებულყო ამას კი თუ საფაშოს ხელი-სუფლების მთლიანად დამხობა არა, ერაყის ხანგრძლივი ბრძოლის ობიექტად გადაქცევა მაინც შეიძლებოდა მოჰყოლოდა.

სწორედ ამით იყო გამოწვეული ის, რომ ბაღდადის გამგებელმა, რომელსაც თანამდებობის დაკარგვის შიშით არ შეეძლო სულთნის ბრძანების შესრულებაზე უარის თქმა, საჭიროდ მიიჩნა ბაჰრის დაწყების გადადება რამდენიმე ხნით მაინც და შეუდგა ლაშქრის შეგროვებას, მის გაწვრთნას, შეიარაღებას და მზადებას მომავალი მძიმე ომისათვის.

სულეიმან ბუიუქის სიცოცხლეში ბაღდადის სპამ ორი ლაშქრობის ჩატარება მოასწრო ვაჰაბიტების სახელმწიფოს წინააღმდეგ ნეჯდში. ერთ მათგანს ხელმძღვანელობდა მუნთაფიქების შეიხი სოვეინი, მეორეს კი ჭაჰია ჰაფიზ ალი ალა. მაგრამ დღემდე არ არის დადგენილი საბოლოოდ თუ რომელი ლაშქრობა უწინ მოეწყო, ან რა დროს. ყოველ შემთხვევაში, ამ საკითხთან დაკავშირებით სპეციალურ ლიტერატურაში გამოთქმულია ორი ერთიმეორის საწინააღმდეგო მოსაზრება. ა. აღამოვის აზრით, ბაღდადის ჯარის ლაშქრობა, რომელიც ჰაფიზ ალის სარდლობით მოეწყო ვაჰაბიტების წინააღმდეგ, დაიწყო 1798 წლის ზამთარში. ერაყის გამგებელმა ხანგრძლივი სამზადისის შემდეგ მოაგროვა 15 ათასიანი არმია³¹ და გაგზავნა თავის ხაზინადარ ჰაფიზ ალი ფაშას მეთაურობით ბასრაში, საიდანაც ეს სპა გავიდა სალაშქროდ მხოლოდ 1798 წლის დასაწყისში³². ამასთან ერთად, ა. აღამოვი

³¹ А. А. Д а м о в, დასახ. ნაშრომი, გვ. 393.

³² იქვე; J. L. Burckhardt, დასახ. ნაშრომი, ტ. II, გვ. 184.

ამბის მომსწრე პარფორდ ჯონსისა³³ და ბურკჰარდტის³⁴ ცნობათა საფუძველზე მიიჩნევს, რომ ეს იყო პირველი ლაშქრობა³⁵. რაც შეეხება მეორე ლაშქრობას, ზემოხსენებულ ავტორებს ის დათარიღებული აქვს 1801 წლით³⁶.

მაგრამ სულ სხვანაირადაა გადმოცემული იგივე საკითხებო ს. ლონგრიგისა და აბას ალ-აზავის შრომებში³⁷. აქ ჩანს რომ ჰათიზ ალი ფაშას სარდლობით ვაჰაბიტების წინააღმდეგ მოწყობილი ლაშქრობა იყო რიგით მეორე ბრძოლა, თანაც მას ადგილი ჰქონდა არა 1798 წლის დასაწყისში, არამედ უფრო გვიან. ხოლო პირველი ლაშქრობა, როგორც ამის შესახებ ამინ ბენ ჰასან ალ-ჰალვან ალ-მადინი გვამცნობს, მომხდარა 1211 წელს ჰიჯრით (1797 წელს). იქვე აღნიშნულია, რომ ლაშქრობის მომზადება და სარდლობა დავალებული ჰქონდა მუნთაფიქების შეიხს სოვეინს³⁸.

დიდი ხნის მძიმე მოგზაურობისა და ბრძოლების შემდეგ ბაღდადის ლაშქარი 1797 წლის ივნისში გარს შემოერტყა აშ-შიბაკს, რომლის აღებით სოვეინი ფიქრობდა ალ-თურფში გამაგრებულა მტრის მთავარი ძალების ალყაში მოქცევა-განადგურებას. მაგრამ მისი წინდაუხედაობის გამო ეს გეგმა ჩაიშალა. ვაჰაბიტების წინამძღოლის, აბდ ალ-აზიზის (1765—1803) მიერ ბაღდადის არმიის ბანაკში შეგზავნილმა მკვლელმა 1212 წლის 4 მუჰარრამს ჰიჯრით (1797 წლის 29 ივნისს) სოვეინი მოკლა³⁹. ამან დაბნეულობა შეიტანა მტრის პირისპირ უსარდლოდ დარჩენილ ბაღდადის ლაშქარში, მოშალა მისი ბრძოლისუნარიანობა და უზრუნველჰყო ვაჰაბიტების გამარჯვება.

ცნობა სოვეინის დაღუპვისა და ალ-ჰასის ექსპედიციის დამარცხების შესახებ ბაღდადის გამგებელმა გვიან შემოდგომაზე მიიღო და საბოლოოდ დარწმუნდა, რომ მართალი იყო, როცა ვაჰაბიტების წინააღმდეგ ბრძოლას თავს არიდებდა. მაგრამ რაკი სულთნის

³³ H. J. Bridges, დასახ. ნაშრომი, გვ. 28.

³⁴ J. L. Burckhardt, დასახ. ნაშრომი, გვ. 325.

³⁵ A. Адамов, დასახ. ნაშრომი, გვ. 393—396.

³⁶ H. J. Bridges, დასახ. ნაშრომი, გვ. 323—325; J. L. Burckhardt, დასახ. ნაშრომი, გვ. 323—325; A. Адамов, დასახ. ნაშრომი, გვ. 394—396.

³⁷ S. H. Longrigg, დასახ. ნაშრომი, გვ. 214—215; العزاوي, დასახ. ნაშრომი, გვ. 122.

³⁸ العزاوي, დასახ. ნაშრომი, გვ. 122.

³⁹ იქვე, გვ. 121.

ზრძანებით მათ ომი გამოუცხადა, უკან დახევა აღარ შეეძლო, რა-
დაც უნდა დასჯდომოდა გამარჯვება უნდა მოეპოვებინა. დამარ-
ცების შემთხვევაში, გარდა იმისა, რომ ის საქვეყნოდ შერცხვე-
ნილი დარჩებოდა, ერაყს ორი მხრიდან თავდასხმის საფრთხეც
ექმნებოდა.

სამხრეთიდან ვაჰაბიტები აღარ მოუსვენებდნენ, ხოლო რო-
გორც კი ეს უკანასკნელი ბაღდადის საფაშო ტერიტორიაზე ფეხს
შედგამდნენ, მაშინვე ირანის შაჰი, ამ ქვეყნის ხელში ჩაგდებას
აღრიდანვე რომ ფიქრობდა, შიიტთა წმინდა ადგილების დაცვის
საბაბით, აღმოსავლეთიდან დაიძვროდა.

ითვალსწინებდა რა ყოველივე ამას, სულეიმან ბუიუქმა მი-
ილო გადაწყვეტილება ვაჰაბიტების წინააღმდეგ ახალი ლაშქრო-
ბის მოწყობის შესახებ. მთელ ერაყში კაცები დაიგზავნა, რათა ტომ-
თა ბელადები თავიანთი ლაშქრით ბაღდადს მოსულიყვნენ. ლაშქრო-
ბის სათანადოდ მომზადება, მეომრების გაწვრთნა, მათი შეიარაღება,
სურსათითა და ტრანსპორტით მომარაგება და საბრძოლო გეგმის
შედგენა ქაჰია ჰაფიზ ალის ებრძანა და სარდლობაც მასვე დაევალა.

ლაშქრობა 1798 წელს დაიწყო, ოღონდ არა წლის დასაწყისში,
როგორც ა. ადამოვი აღნიშნავს, არამედ შემოდგომაზე. ამას ადას-
ტურებს პარფორდ ჯონსის ერთი ცნობაც, სადაც ავტორი ამბობს:
„1798 წლის სექტემბერში, როცა... მივედი ბაღდადში, ენახე, რომ
სულეიმანი აგროვებდა... სამხედრო ძალას, რომელიც ქაჰია ალი
ფაშას მეთაურობით მაშინ დაბანაკებული იყო ქალაქის გალავნის
გარეთ მდ. ტიგროსის დასავლეთ ნაპირთან, და ვაჰაბიტებზე სა-
ლაშქროდ ემზადებოდა“⁴⁰.

ბაღდადის ლაშქრის საომარი მზადება დიდხანს აღარ გაგრძე-
ლებულა. დაახლოებით ერთი თვის შემდეგ, 1213 წლის 22 რაბი'ულ-
უხრას ჰიჯრით (1798 წ. 3 ოქტომბერს) ქეთხულა ჰაფიზ ალი ბაღდა-
დიდან ვაჰაბიტების ქვეყნისაკენ გაემართა⁴¹.

ბაღდადის ლაშქარი საჭირო სურსათ-სანოვაგითა და საომარო
მასალით დატვირთული 10 000-მდე აქლემით ახლაც ისე, როგორც
პირველი ლაშქრობისას, წინ მიიწვედა სამხრეთისაკენ სპარსეთის
ყურის დასავლეთ სანაპიროს გასწვრივ ძნელად გასასვლელ ადგი-
ლებში და ხანგრძლივი მგზავრობის შემდეგ იერიში მიიტანა აღ-

⁴⁰ H. J. Bridges. დასახ. ნაშრომი, ტ. II, გვ. 17.

⁴¹ الغزوى, დასახ. ნაშრომი, გვ. 134.

ჰასის რაიონში მდებარე ჰუფუფ-მუბარის ციხე-ქალაქებზე. მაგრამ ამის გამო, რომ ჰაფიზ ალი ფაშამ სათანადოდ ვერ გამოიყენა ქვემეხები⁴², რასაც მოწინააღმდეგე მოკლებული იყო, შეტევას წარმატება არც ახლა მოჰყოლია. ამან კი აიძულა ის უარი ეთქვა თავიდანვე არჩეულ ბრძოლის ხერხზე და მუჰამედ შაჰვის⁴³ რჩევით. ცაზე-სიმაგრეებში ჩაკეტილი მოწინააღმდეგის დამორჩილებას ხანგრძლივი გარემოცვით შეეცადა. მაგრამ ასეთი ტაქტიკა იმ პირობებში, მტრისათვის სასარგებლო იყო. საქმე ისაა, რომ ჰუფუფ-მუბარის ალყა ერთ თვეზე მეტ ხანს გაგრძელდა. ამასობაში ერაყიდან შორს მყოფი ბაღდადის არმიის რიგები საგრძნობლად შეთხელდა. სამხედრო საკურგლისა და სურსათ-სანოვაგის მარაგი თითქმის ამოიწურა. შევსებასაც ვერსაიდან ლებულობდა. მეომრებს შორის განშირდა მითქმა-მოთქმა შინ დაბრუნების შესახებ, დაიწყო დეზერტირობა. ყოველივე ამან მკვეთრად იმოქმედა არმიის ბრძოლისუნარიანობაზე. სამაგიეროდ სულ სხვაგვარად წარიმართა საქმე მოწინააღმდეგის ბანაკში. ვიდრე ჰაფიზ ალი გარემოცვით ცდილობდა სიმაგრეების აღებას, ვაჰაბიტების სარდალმა სუ'უდმა ალყაში მოქცეული ვაჰაბიტების სახსნელად სხვადასხვა ადგილებიდან წამოსული დიდძალი ლაშქარი მიიღო და, როცა საგრძნობლად გაძლიერდა, ბაღდადის ლაშქრის მეთაურს ზაფი შესთავაზა და აცნობა: „გავაგეთ ალ-ჰასაში თქვენი მობრძანების მიზეზი და განზრახვა. მაგრამ ალ-ჰასის მოსახლეობამ დაგმო ბოროტებანი⁴⁴ ჯერ კიდევ მაშინ, როცა ისინი ზმლით გავამუსლიმეთ.

⁴² ქვემეხები დაყენებული იყო ისე შორს, რომ ყუმბარები ან ვერ აღწევდა მიზანს ან თუ აღწევდნენ, არაერთარი დამანგრეველი ძალა მათ აღარ ჰქონდათ, — გადმოგვეყვს ლაშქრობის ერთ-ერთი მონაწილე (დაწვრილებით ამის შესახებ. იხ. H. J. Bridges, დასახ. ნაშრომი, გვ. 22).

⁴³ მუჰამედ ბეი შაჰვი, უბეიღების ყოფილი შეიხი, ერთხანს სულეიმან ფაშას პირადი მრჩეველი, შემდეგ ფაშას წინააღმდეგ მოწყობილი აჯანყების მოთავე, 1798 წელს ჰაფიზ ალი ფაშას გააყოლეს როგორც უღაბნოში ბრძოლების გამოცდილი მეომარი, მაგრამ მოლატე გამოდგა. ჯერ შეცდომაში შეიყვანა ალი ფაშა, როცა ურჯია სააღყო ბრძოლებით მტრის დამარცხება. შემდეგ საიდუმლო კავშირი დაამყარა ვაჰაბიტებმა ამირთან, რომელსაც სისტემატურად აწვდიდა ცნობებს ბაღდადის არმიის მოქმედება-მდგომარეობის შესახებ და ბოლოს, როცა შეიტყო, რომ მეციხოვნეებს წინააღმდეგობის გაწევა აღარ შეეძლოთ, გზა გაუხსნა ღამით ვაჰაბიტებს ციხეში სურსათისა და საომარი მასალის შესატანად და ახალი რაზმების შესაყვანად.

⁴⁴ დანამდვილებით თქვა იმისა, თუ რა გაცემითაა აქ ნახშიარი სიტყვა „ბოროტებანი“ (არაბ. *ملاعین*), ე. ი. რა ბოროტებაზეა ლაპარაკი, ძნელა. მიუხედავად ამისა, რაკი წერილში ნათქვამია, რომ „...ჩვენ“ (ვაჰაბიტებმა — ბ. ს.) ისი-

ასე რომ, ის დასახელებული ადგილი აღარ შედის რუმის შემადგენლობაში, შორს არის თქვენგან და მისგან ველარაფერს მიიღებთ. ალ-ჰასისა და მის გარშემო მყოფმა მთელმა მოსახლეობამ რამდენი მასარიც არ უნდა გადაგიხადოთ, კიდევაც რომ მოისურვონ ხარკის გადახდა, ის მაინც ვერ აანაზღაურებს იმ ხარკებს, რაც თქვენ გაიღეთ ამ ლაშქრობისას. ჩვენსა და თქვენს შორის სოვეინამდე ბრძოლა არასდროს არ ყოფილა, მან მოაწყო თავდასხმა და სასჯელიც მიიღო... ახლა კი მოველით ზავს... ის სასარგებლოა ჩვენთვისაც და თქვენთვისაც“⁴⁵.

სანამ წერილი ალის ჩაბარდებოდა, ბაღდადის ლაშქრის მდგომარეობა წინანდელთან შედარებით უფრო უიმედო გახდა. შეტევებზე გადმოსულმა ვაჰაბიტების ლაშქარმა დაამარცხა იგი ჰუფუფთან, მუბარაზთან და უკუაქცია. უფრო მეტიც, გადაუქრა უკან დასახევი გზები, მარილით აავსო სასმელი წყლის ჭები და საქმე იქამდე მივიდა, რომ ჰაფიზ ალის ჯარისკაცები, რომლებიც მანამდე შიმშილისა და მოწინააღმდეგის მახვილისაგან იხოცებოდნენ, — ამიერიდან უწყლობით უნდა დაღუპულიყვნენ. ამიტომ ბაღდადის ჯარის მეთაურმა, როგორც კი მიიღო სა'უდის წერილი საზავო მოლაპარაკების გამართვის შესახებ, ვაჰაბიტების ლაშქრის მეთაურს

ნი ხმლით (ანუ ძალით—ბ. ს.) გვაშუსლიწეთო“, ეს უფლებას გვაძლევს ვიფიქროთ, რომ საქმე ეხება თავდაპირველადი ისლამის ნორმებიდან გადახრას, მასში შემდეგ წარმოქმნილ სიქტებს და ყოველივე იმ დამატებათა უარყოფას, რაც ისლამმა განიცადა და რასაც ეჰაბიზმი ჰგმობს.

⁴⁵ **الأراوى**, გვ. 131—132. სა'უდის ამ წერილს თარიღი არ უზის. აბბას ალაზხაისთან ის 1798 წლის ამბებთან დაკავშირებით არის მოხსობილი. ნამდვილად კი იგი დაწერილი უნდა იყოს 1799 წლის იანვრის ბოლო რიცხვებში ან თებერვლის თვეში. ამას გვაფიქრებინებს ორი გარემოება: 1 ლაშქრობის დაწყების თარიღი (1798 წ. ოქტომბერი) და 2. ჰაფიზ ალის საპასუხო წერილის ის ადგილი, სადაც ბაღდადის ჯარების სარდალი ამბობს: „უკვე 4 თვეა დავდივარ შენს უსიკოცხლო ქვეყანაში“ (ალის საპასუხო წერილი სუ'უდისადმი იხ. ქვემოთ).

სა'უდის ზემოაღნიშნული წერილი მნიშვნელოვანი დოკუმენტია. იგი სრულ წარმოდგენას გვაძლევს ეჰაბიტების პოზიციის შესახებ ზავის საკითხში და, გარდა ამისა, შესაძლებელს ხდის დაზუსტდეს თარიღი სოვეინის ლაშქრობისა ეჰაბიტების წინააღმდეგ. რამდენადაც წერილი იმ დროსაა დაწერილი, როცა ომი ჰაფიზ ალისა და სუ'უდის არმიებს შორის წარმოებდა (1798—1799) და მოგვეთხრობს სოვეინის მიერ უკვე მოწყობილ თავდასხმებზე და მის დასჯებზე, ე. ი. სიკვდილზე, ამდენად ცხადი ხდება, რომ ეს ლაშქრობა უფრო ადრე ყოფილა, ვიდრე ჰაფიზ ალისა, ხოლო თუ ეს ასეა, მაშინ მოსაზრება იმის შესახებ, რომ სოვეინს ალ-ჰასამი უნდა ელაშქრა 1801 წელს, მცდარი და მიუღებელია.

ცნობა: „უკვე მივიღე შენი წერილი და ყოველივე, რაც თქვი ზაის შესახებ, გასაგებია. მოგახსენებთ პირობებს: პირველი პირობა ის არის, რომ ამიერიდან არ მიუახლოვდები ალ-ჰასას. მეორე, დააბრუნებ ქონებას, რომელიც წაიღე სოვეინისაგან. მესამე... გადამიხდი ყველაფერს, რაც დავხარჯეთ ამ ლაშქრობისას, მეოთხე, არ შეუშლი ხელს მომლოცველებს, რომელნიც მოვლენ იქ ერაყიდან: არ დაესხმები თავს მოგზაურებს და უარს იტყვი ბრძოლაზე ერაყის წინააღმდეგ“⁴⁶.

ასეთი იყო ალი ფაშას მიერ გადაგმული დიპლომატიური ნაბიჯი, რომელიც წარმოადგენდა ერთგვარ ცდას, მოწინააღმდეგისათვის ეკარნახა საზავო პირობები და ომი თავის სასარგებლოდ დაემთავრებინა.

ვაჰაბიტების ლაშქრის მეთაურმა ამის საპასუხოდ ჰაფიზ ალის მეორედ მისწერა, ალ-ჰასა თქვენი სამფლობელოდან შორს არის, იგი გამოსულია რუმის მმართველობიდან, ხარჯების საკითხები დარა'იაში მყოფი მამაჩემის საქმეა, ხოლო რაც შეეხება თქვენს მიერ ხსენებულ გზას და მომლოცველებზე თავდასხმების შეწყვეტას, ჩვენ მას შევასრულებთ⁴⁷. ამან საბოლოოდ დაარწმუნა ბალდადის არმიის მეთაური იმაში, რომ, თუ არა ძალით, სხვანაირად მიზანს ვერ მიაღწევდა. ამიტომ მან უარი თქვა ომის გაგრძელებაზე, როგორც მისთვის უკვე არახელსაყრელ საქმეზე, დაეთანხმა სუ'ულის მიერ წამოყენებულ პირობებს, დაუზავდა მას და ვაჰაბიტ ელჩთან ერთად გადარჩენილი ჯარის ნაწილებით 1799 წ. 5 ივლისს დაბრუნდა ბალდადში⁴⁸, სადაც საბოლოოდ მოხდა მეომარ მხარეთა შორის ალ-ჰასაში მიღწეული საზავო შეთანხმების განხილვა-დამტკიცება სულეიმან ფაშა ბუიუქის მიერ.

ბურკჰარტის ცნობით, ზელშეკრულება ექვსი წლის ვადით დაიდო⁴⁹. ზელშეკრულების მიხედვით, ალ-ჰასის რაიონი მთლიანად ვაჰაბიტებს ჩაებოდა. სამავიეროდ ისინი ვალდებული იყვნენ უზრუნველყოთ ერაყიდან ნეჯდის ტერიტორიაზე გავლით მექა-მედინაში მიმავალი სავაჭრო ქარავნებისა და პილიგრიმთა თავისუფალი მოძრაობა, მათი დაცვა მეკობრეთა თავდასხმებისაგან. მაგ-

⁴⁶ الغزوى, დასახ. ნაშრომი, გვ. 132—133.

⁴⁷ იქვე, გვ. 133.

⁴⁸ იქვე; S. H. Longrigg, დასახ. ნაშრომი, გვ. 216.

⁴⁹ J. L. Burckhardt, დასახ. ნაშრომი, გვ. 324.

რამ მშვიდობა მალე დაირღვა. აბდ ალ-აზიზმა უარი თქვა საზავო შეთანხმებით ნაჰისრ ვალდებულებათა შესრულებაზე, განაახლა საომარი მოქმედება, დაიკავა ალ-ჰასის აღმოსავლეთით მდებარე ვრცელი ტერიტორია სპარსეთის ყურემდე, მიტაცებული გემებისაგან შეადგინა საზღვაო ფლოტი და საფრთხის ქვეშ დააყენა როგორც ზღვიდან სუსტად დატული ქ. ბასრა, ისე ერაყ-ინდოეთს შორის იმ ხანად წარმოებული ვაჭრობის საქმე. ამავე დროს მის სამეფოში კვლავაც გრძელდებოდა ვაჭაბიტი ბედუინების ავაზაკური თავდასხმები ბაღდადის საფაშოდან მექა-მედინის წმინდა ადგილების მოსალოცად, თუ სავაჭროდ მიმავალ ერაყელ მგზავრებზე. ერთ-ერთ ასეთ დიდ თავდასხმას და სისხლისღვრას ადგილი ჰქონია ხაზაილის ტომის პილიგრიმებზე 1800 წელს, ნეჯდის რაიონში⁵⁰. იქვე, იმავე წელს ვაჭაბიტები ამგვარადვე მოქტევიან ირანელ მგზავრებსაც⁵¹.

ვაჭაბიტების ამგვარი მოქმედება, ერთი მხრივ, აბდ ალ-აზიზის მიერ ერაყის საფაშო ხელისუფლებასთან დადებული საზავო ხელშეკრულების უხეში დარღვევა იყო, ხოლო მეორე მხრივ, სამხრეთიდან ერაყზე თავდასხმის აშკარა მოახლოებასაც ნიშნავდა. ეს კარგად ჩანს ვაჭაბიტების ამირის მიერ ბაღდადის გამგებლისადმი გაგზავნილი მოთხოვნიდან, სადაც თანახმად ალ-აზზავის ცნობისა, აბდ ალ-აზიზი ერაყის ხელისუფლებისაგან ითხოვდა 1800 წ. ნეჯდის რაიონში მომხდარი სისხლისღვრის დროს დახოცილ ვაჭაბიტთა გამოსასყიდს⁵². სასყიდად კი უნჯლოდა მიეღო მთელი ტერიტორია მდ. ეფრატის დასავლეთით, ანადან⁵³ ბასრამდე⁵⁴ ანუ, აჰმედ ჭევედეთის ცნობით, „ბასრიდან აშ-შამამდე“⁵⁵ (სირიამდე) და მუქარით

⁵⁰ دوحۃ الوزراء، بغداد — ۱۸۳۵، ص ۲۱۳

⁵¹ S. H. Longrigg, დასახ. ნაშრომი, გვ. 216.

⁵² العزای، დასახ. ნაშრომი, გვ. 141. აჰმედ ჭევედეთის ცნობით, ნეჯდში მომხდარი შეტაკების დროს სულ 300-მდე ვაჭაბიტი დაღუპულა (اریخ جودت) ტ. IX, გვ. 257).

⁵³ ბაღდადიდან დასავლეთით 40—50 მილით დაშორებული ქალაქი, რომელიც მდებარეობს მდ. ეფრატის ერთ-ერთ ენქულზე და დაარსებულა მეფე არდამირ ბენ ანანის მიერ (X y p III II Э ф е н II, დასახ. ნაშრომი, გვ. 159—160).

⁵⁴ العزای، დასახ. ნაშრომი, გვ. 141.

⁵⁵ تاریخ جودت، ტ. IX, გვ. 752.

დასძენდა. თუ მოთხოვნა დაკმაყოფილებული არ იქნება, საზავო პირობები დაირღვევა⁵⁶.

საზავო პირობების დარღვევა ფაქტიურად ომის დაწყებას ნიშნავდა. ხოლო ომი განსაკუთრებით არ აწყობდა მაშინ სულეიმან ფაშა ბუიუქს, რომელსაც, ოსმალეთის იმპერიის საშინაო და საგარეო მდგომარეობის გართულების გამო, ცენტრალური ხელისუფლებისაგან არაფითარი დახმარების იმედი არ ჰქონდა. მას აღარც თავის სახელოში ჰქონდა საქმე ისე, რომ ვაჰაბიტები საკუთარი ძალებით დაემარცხებინა.

საქმე ისაა, რომ სულეიმანი მაშინ უკვე მოხუცი იყო, ახალგაზრდული ენერჯია აღარ ჰქონდა და საფაშოსაც წინანდებულად ვეღარ უძღვებოდა. ამას გრძნობდნენ სასახლეში, გრძნობდნენ მის გარეთაც, მთელს ერაყში, და ყველა თავის სურვილისამებრ მოქმედებდა. საფაშო ხელისუფლების მმართველ აპარატში დასაქმებული მაღალი თანამდებობის მოხელენი ისევე ცდილობდნენ როგორც ხელში ჩაეგდოთ ხელისუფლება და ერთმანეთის დასაღუპავად ყველაფერს აკეთებდნენ. მათი ამგვარი მოქმედებით სარგებლობდნენ ცალკეული ტომის ბელადებიც. იგრძნეს რა ხელისუფლების სისუსტე, მათ ხელი გაეხსნათ და გააჩაღეს ერთმანეთს შორის ბრძოლა, რამაც განსაკუთრებით მწვავე და ფართო ხასიათი მიიღო ჩრდილოეთ ერაყში უბაიდისა და შამარის ტომებს შორის.

რაკი ერაყში მშვიდობა-ერთიანობა დარღვეული იყო, ხოლო გარედან დახმარების იმედი არ არსებობდა, სულეიმან ფაშა ბუიუქი ფრთხილად მოქმედებდა. იგი ერიდებოდა თავის სამხრეთელ მეზობელთან საქმის გართულებას, ომის დაწყებას, და უნდოდა, რომ მას და ამირ აბდ ალ-აზიზს შორის მშვიდობა შენარჩუნებული ყოფილიყო⁵⁷. ამ მიზნით მან დარაიაში მიაღწინა თავისი სრულუფლებიანი წარმომადგენელი აბდ ალ-აზიზ ბეგ აშ-შავი, დანასაქმით: შეხვედროდა იქ ამირ აბდ ალ-აზიზს, გაემართა მასთან მოლაპარაკება ჰაჯის საკითხზე და გადაეჭრათ ის 1779 წლის საზიფო შეთანხმების საფუძველზე.

⁵⁶ العزاوي, დასახ. ნაშრომი, გვ. 141.

⁵⁷ იქვე.

ამგვარი დავალებით ბაღდადის ელჩი ვაჰაბიტების სახელმწიფოს მეთაურს ეწვია 1800 წლის დამლევს. მაგრამ, მიუხედავად მრავალგზის ცდისა, დასახულ მიზანს ვერ მიაღწია. სადავო საკითხის ისეთნაირად გადაწყვეტაზე, როგორც ეს ერაყის ხელისუფლებას უნდოდა, აბდ ალ-აზიზმა უარი განაცხადა. მიზეზი კი ის იყო, რომ აღნიშნული შეთანხმება ვალდებულს ხდიდა მას დაეცვა თავის სახელმწიფოს ტერიტორიაზე გამვლელი ერაყელი პილიგრიმების უშიშროება, მათი ხელყოფა მეკობრეთაგან, ხოლო ის ინციდენტი, რომლის დროს დაღუპულ ვაჰაბიტთა გამოსასყიდს იგი ახლა ბაღდადის ფაშასაგან მოითხოვდა, მოხდა სწორედ მის სამფლობელოში, ნეჯდის რაიონში, ადგილობრივ მცხოვრებთა მიერ მექა-მედინაში მიმავალ ხაზაილელ და ნეჯეფელ მომლოცველებზე თავდასხმის შედეგად. მაშასადამე, თუ სადავო საკითხს 1799 წლის ხელშეკრულების მიხედვით განიხილავდნენ, აღმოჩნდებოდა, რომ ნეჯდის რაიონში მომხდარ ამბებზე პასუხი უნდა ეგო ვაჰაბიტების მთავრობას, როგორც შეთანხმების დამრღვევ მხარეს და ხელი უნდა აეღო მოთხოვნაზე, რომელსაც ის ბაღდადის ხელისუფლებას უყენებდა. მაგრამ ამ მოთხოვნაზე უარის თქმის შემთხვევაში აბდ ალ-აზიზს ხელიდან ეცლებოდა საბაბი (სულეიმან ფაშა ამას ითვალისწინებდა, როცა თავის ელჩს მოლაპარაკების გეგმას უდგენდა), რომელიც მას სჭირდებოდა ომის დასაწყებად და ევფრატის სამხრეთით მდებარე ერაყის ტერიტორიის დასაპყრობად.

ამიტომ, უარჰყო რა მოლაპარაკების შეთავაზებული გეგმა, აბდ ალ-აზიზმა თავისი აგრესიული ზრახვები აღარ დაუშალა სულეიმანის ელჩს და პირდაპირ უთხრა: მინდა ჩემი იყოს ევფრატის დასაქვლეთი ანაღან ბასრამდეო⁵⁸.

მოლაპარაკების მონაწილე მხარის ასეთ განცხადებაზე აბდ ალ-აზიზ ბეგ აშ-შავის თავისი აზრი არ გამოუთქვამს. მან მხოლოდ აღუთქვა ვაჰაბიტების ამირს, პასუხს მიიღებ ბაღდადიდან მას შემდეგ, როცა სამშობლოში დავბრუნდები და ჩემს მთავრობას მოვეთათბირებო.

ამით მოლაპარაკება შეწყდა და აღარ განახლებულა. აბდ ალ-აზიზ ბეგ აშ-შავიმ დატოვა დარა'ია და ბაღდადისაკენ გაბრუნდა, ხოლო ამირმა აბდ ალ-აზიზმა ომისათვის მზადება დაიწყო, ლაშქარი შეყარა და თავისი ვაჟის სუ'უდის მეთაურობით ერაყის საზღვრისაკენ გაგზავნა.

⁵⁸ . ١٢١ — ص ١٢٠٤، معبى، مختصر مطالع السعود، معبى.

1801 წლის გაზაფხულზე აბდ ალ-აზიზ ბეგ აშ-შავი ბაღდადში დაბრუნდა, ჰალისში დროებით მყოფ სულეიმანს ეახლა და ის იყო, მოლაპარაკების შედეგები გააცნო, რომ ამ დროს სამხრეთ ერაყიდან მუნთაფიქების შეიხის, ჰამიდ ას-სამირის ცნობაც მოვიდა ვაჰაბიტების მრავალრიცხოვანი ლაშქრის მოახლოების შესახებ⁵⁹.

მოსალოდნელი იყო, რომ ერაყზე თავდასხმისას ვაჰაბიტები, პირველ რიგში, შეეცდებოდნენ ბასრის, როგორც საზღვართან ახლოს მდებარე ქალაქისა და სამხედრო სტრატეგიული თვალსაზრისითაც მოხერხებული ადგილის ხელში ჩაგდებას. ამიტომ სულეიმან ფაშა ბუიუქშა თავისი ლაშქარი ქაჰია ჰაფიზ ალის მეთაურობით მის გასამაგრებლად გაგზავნა, მაგრამ მოწინააღმდეგემ საზღვარი ბასრის დასავლეთით გადმოლახა. შეტევა ჩრდილოეთით, ცენტრალური ერაყის მიმართულებით განავითარა და ნახევარუდაბნოების გავლით, როგორც ამბის მომსწრე რუსო ამბობს, 1801 წლის 20 აპრილს, როცა ბაღდადის ლაშქარი ჰინდში⁶⁰ იყო მისული, ვაჰაბიტების 15-ათასიანი ლაშქარი შიიტთა წმინდა ქალაქ ქერბელაში შეიჭრა⁶¹.

რუსოს ცხოვითვე, ვაჰაბიტებმა ორი დღე-ღამე დაჰყვეს ქალაქში და ის დიდად დააზიანეს: მოკლეს 4 000-ზე მეტი კაცი⁶², ნაწილობრივ დაანგრიეს ირანის შაჰების მიერ საუკუნეთა მანძილზე ნაშენები ძვირფასი მეჩეთები, იქიდან გაზიდეს შაჰ აბას I-ის დროიდან მრავალი ათეული წლის მანძილზე ნაგროვები განძეულობა, გაძარცვეს მოსახლეობა და შესაბამის დღეს, ვიდრე ჰინდიდან წამოსული ჰაფიზ ალი თავისი ჯარით ქერბელას მიუახლოვდებოდა, სულდის ლაშქარი 200 აქლემზე აკიდებული დიდი ნაალაფევით⁶³ ქალაქს გაეცალა⁶⁴. რუსოს ამ გადმოცემიდან ა აღამოვი აკეთებს

⁵⁹ العزّاوى, დასახ. ნაშრომი, გვ. 141.

⁶⁰ ადგილი სამხრეთ-აღმოსავლეთ ერაყში.

⁶¹ Rousseau, დასახ. ნაშრომი, გვ. 73.

⁶² აბბას ალაზავი აღნიშნავს, ქერბელაზე თავდასხმის დროს დაახლოებით 1000 კაცი მოიკლათ (ალაზავი, დასახ. ნაშრომი, გვ. 144).

⁶³ როგორც ს. ცეშერი აღნიშნავს, წაღველდანი მარტო უცხოური ფული იყო: 6.000 ესპანური დუბლინი, 350.000 ცალი ვენეციური ვერცხლის მონეტა, 400.000 პოლანდიური დუკატი, 250.000 ესპანური დოლარი. აურაცხელი იარაღი, ოქრო-ვერცხლის ნივთები, ხალიჩები, შალეული, ძვირფასი ქვები და ჭურჭელი (S. Z w e m e r, Arabia the Cradle of Islam, New-York, 1900, vol. I, p. 196).

⁶⁴ Rousseau, დასახ. ნაშრომი, გვ. 72—74.

დასკვნას, თითქოს სუ'უდის ლაშქრობის მთავარი მიზანი იყო ქერბელაში თავმოყრილი სიმდიდრის ხელში ჩაგდება და არა ბასრის დაპყრობა⁸⁵, მაგრამ ამირის მიერ 1800 წელს სულეიმან ფაშა ბუიუქისადმი გაგზავნილი ზემოთ მოტანილი წერილის შინაარსიდან ცხადია, რომ ვაჰაბიტების 1801 წლის ლაშქრობა მიზნად ისახავდა ერაყის ტერიტორიის იმ ნაწილის დაპყრობას, რომელიც მდებარეობს „ევფრატის დასაუღეთით, ანაღან ბასრამდე“. რაც შეეხება იმას, რომ მათ შეტევა ქერბელის მიმართულებით დაიწყეს, ეს ბრძოლის წმინდა ტაქტიკური მხარეა, ხოლო დიდძალა განძეულობის ხელში ჩაგდება კი ამ ბრძოლის შედეგი და არა მთავარი მიზანი. ეს რომ ასეა, დასტურდება ბურკჰარტის ცნობითაც, რომლის თანახმად ვაჰაბიტებს ქერბელადან გასვლის შემდეგ აღმოსავლეთის მიმართულებით მდ. ევფრატის მარჯვენა სანაპიროს გასწვრივ უცდიათ შეტევის განვითარება იმ განზრახვით, რომ მისულიყვნენ შატ ალ-არაბამდე და მოეწყვიტათ ეს ტერიტორია ბასრასთან ერთად ბაღდადის საფაშოსაგან. მაგრამ ეს ვერ მოუხერხებიათ. ადგილობრივ არაბ მოსახლეობასთან, კერძოდ კი ზუბაირისა და ჰეშქედ ალის არაბებთან ბრძოლაში ისინი დამარცხებულან და თავიანთი ქვეყნისაკენ უკუქცეულან⁸⁶.

ამრიგად, დასტურდება, რომ ვაჰაბიტების 1801 წლის ლაშქრობის ძირითადი მიზანი მარტო ქერბელას გაძარცვა კი არ ყოფილა, არამედ ბაღდადის საფაშოს სამხრეთ ნაწილის დაპყრობა და თავიანთი სახელმწიფოს საზღვრის გადაწევა ჩრდილოეთით. გარდა ამისა, ამ ლაშქრობას შეიძლება მოჰყოლოდა ინდგომარეობის გართულება — ომი ირან-ერაყსა და, მაშასადამე, ირან-ოსმალეთს შორის, რადგან ერაყის სამხრეთ ნაწილში მდებარე შიიტთა წმინდა ადგილების, ალისა და ჰუსაინის საფლავების, შეურაცხყოფას, მათი დაპყრობის ან გაძარცვის უფლებას ირანის შაჰი ვაჰაბიტებს არ მისცემდა, თვითონ მოისურვებდა მათ დაპატრონებას და ამ საბაბით ერაყის დაპყრობასაც. მართლაც, იმ დროს, როცა ბაღდადის ხელისუფლების ყურადღება და შეიარაღებული ძალები სამხრეთიდან შემოჭრილ მტერთან ბრძოლით იყო დაკავებული, აღმოსავლეთიდან საფაშოს ახალი საფრთხე დაემუქრა. ირანის მბრძანებელმა ფათჰ ალი შაჰმა შეიტყო თუ არა ქერბელის გაძარცვის ამბავი, ყველაფერი სულეიმან ფაშა ბუიუქის უყურადღებობას მიაწერა და

⁸⁵ А. А. Адамов, დასახ. ნაშრომი, გვ. 394.

⁸⁶ J. L. Burckhardt, დასახ. ნაშრომი, გვ. 325.

დაემუქრა, რომ თუკი ერაყის გამგებელი შიიტთა წმინდა ადგილების დაცვას ვერ შესძლებდა, მაშინ მათ პატრონობას თვითონ იკისრებდა⁶⁷.

ერაყში, გასაგზავნად გამზადებული ირანის 100 000-იანი არმია, შაჰის ბრძანებას ელოდა, მაგრამ მდგომარეობა სწრაფად შეიცვალა. ვაჰაბიტების განდევნამ ერაყის ტერიტორიიდან და საქართველოს შეერთებამ რუსეთთან, რუსეთის სულ უფრო და უფრო გაძლიერებამ კავკასიაში, ფათჰ ალი შაჰი იძულებული გახადა ხელი აეღო განზრახვაზე ბაღდადის საფაშოს მიმართ რომ ჰქონდა, და თავისი ჩრდილოეთი სამფლობელოების დაცვა ამჯობინა.

კავკასიაში ირანისათვის შექმნილი არახელსაყრელი მდგომარეობა საშუალებას აძლევდა ბაღდადის ხელისუფლებას განეგრძო ბრძოლა ვაჰაბიტების წინააღმდეგ და განედევნა ისინი ალ-ჰასის რაიონიდან. ამამი დარწმუნებული სულეიმან ფაშა ბუიუქი აბდ ალ-აზიზს სახელმწიფოს დასალაშქრავად ჯარს ამზადებდა, მაგრამ ალარ დასცალდა, 1802 წლის გაზაფხულზე ის ავადმყოფობამ შეიპყრო და 8 აგვისტოს (პიჯრით 1217 წ 8 რაბიუ ლ-უხრა) სახსრებზე ანთებით გარდაიცვალა⁶⁸ 80 წლის ასაკში⁶⁹. დასაფლავებულია ბაღდადში, „იმამ აზამის“ სასაფლაოზე⁷⁰. მისმა სიკვდილმა საყოველთაო გლოვა გამოიწვია ერაყსა და მთელ იმპერიამში⁷¹.

⁶⁷ А. А да м о в, დასახ. ნაშრომი, გვ. 396.

⁶⁸ العزّاوى, გვ. 145—146. ს. ლონგრიგი სულეიმან ფაშა ბუიუქის გარდაცვალების თარიღად 1802 წლის 7 აგვისტოს ასახელებს (S. H. Longrigg, დასახ. ნაშრომი, გვ. 220). ხოლო მეჰმედ სურეია — „1805 (1219) წელს“ (محمد ثريا, დასახ. ნაშრომი, ტ. III, გვ. 13). სულეიმანი რომ ნამდვილად 1802 წელს გარდაცვლილა და არა 1805 წელს, ეს ჩანს თვით სურეიას სხვა ცნობიდან, რომელშიც ეკითხულობთ: „მისმა უდიდებულესობამ სულეიმან ფაშა ბუიუქი 1779 წლის ოქტომბერში (1193 წ. შავევალს) ბასრის გამგებლად დანიშნა, ხოლო რამდენიმე დღის შემდეგ ბაღდადის ვალიდ გადაიყენა და ამ თანამდებობაზე 23 წელი დაჰყო.“ თუკი 1779 წ. ოქტომბერში ბასრის მმართველად დანიშნული სულეიმანი მალე ბაღდადის ვალის თანამდებობაზე გადაიყვანეს, სადაც მან 23 წელი დაჰყო, მაშინ მისი გარდაცვალების თარიღად სწორედ 1802 წ. გამოდის.

⁶⁹ تاريخ جودت, ტ. VI, გვ. 161.

⁷⁰ العزّاوى, დასახ. ნაშრომი, გვ. 146.

⁷¹ محمد ثريا, დასახ. ნაშრომი, გვ. 93.

სულეიმან ფაშა 23 წელიწადი ედგა სათავეში საფაშოს ღა ენერგიული, უნარიანი მოღვაწეობით, ხანგრძლივი ბრძოლებით შესძლო გარეშე მტრების მოგერიება, მეამბოხე ტომთა ბელადების ალაგმვა და შინაური არეულობის დაწყნარება. ყოველივე ამით ხელსაყრელი პირობები მომზადდა, როგორც ვაჭრობა-სოფლის მეურნეობის განვითარებისათვის, ასევე სხვა მნიშვნელოვან ღონისძიებათა გასატარებლად.

ჩვენს ხელთ არსებული მასალებიდან ირკვევა, რომ სულეიმანი დაინტერესებული ყოფილა ერაყში სოფლის მეურნეობისა და ვაჭრობის განვითარებით. თუ რაოდენ ყურადღებით ეპყრობოდა იგი ამ საქმეს, ვრწმუნდებით ოლივიეს ცნობიდან, რომელშიც ნათქვამია: „სულეიმანი მსგავსად თავისი წინამორბედისა არავითარ საშუალებას არ ზოგავდა იმისათვის, რათა გამაგრებულიყო ადგილზე. მაგრამ შორს იყო იმ აზრისაგან, რომ დაეჩაგრა ხალხი გადასახადებით. პირიქით, გადაწყვიტა შეემსუბუქებინა მოსახლეობის ცხოვრება და ხელს უშლიდა მოხლეებს იმაში, რომ ჩაედინათ უკანონობა ან ძალადობა. ის ვერ აპატიებდა არაბებს დაერღვიათ შუამდინარეთის ნაოსნობა; მფარველობდა ვაჭრობას, იცავდა მას ყოველნაირად, არ აწესებდა ახალ ფასებს, იცავდა ქარავნებს და ფულად სესხსაც კი აძლევდა უფასოდ იმ ვაჭრებს, რომლებსაც უბედურება შეემთხვეოდათ, ან სურდათ რაიმე ახალი სასაჩვებლო საქმის წამოწყება“⁷².

ანალოგიური შინაარსის ცნობას ვხვდებით აგრეთვე კლ. უართან, რომელიც, ეხება რა სულეიმან ფაშა ბუიექის მოღვაწეობას, დასძენს: „თავისი სამართლიანობით, მჩაგვრელთა და მტაცებელთა დასჯით, ქვეყანაში სიწყნარისა და კეთილმდგომარეობის განმტკიცებით ახალი გამგებელი ცდილობდა სოფლის მეურნეობის განვითარებას და მისი მეცადინეობის წყალობით იწყო გაფურჩქენა ვაჭრობამ“⁷³.

წყაროებით დასტურდება, რომ ის „თვითონ ისმენდა გაკირვებულთა საჩივრებს“⁷⁴, იხილავდა მათ საქმეებს, იცავდა უსამართლობისაგან. ამან თავისი შედეგიც გამოიღო. სულ მალე ერაყში

⁷² G. A. Olivier, დასახ. ნაშრომი, გვ. 350—351.

⁷³ Cl. Huart, დასახ. ნაშრომი, გვ. 160.

⁷⁴ G. A. Olivier, დასახ. ნაშრომი, გვ. 352.

მოყვანილი ხორბალი, ქერი და სხვა მარცვლეული ირანში გა-
ჰქონდათ გასაყიდად⁷⁵.

სულეიმან ფაშა ბუიუქის ასეთ საქმიანობას შედეგად ის მო-
ჰყვა, რომ მოკლე დროში ერაყი გახდა „უფრო დიდი და სანოვა-
გით მდიდარი ქვეყანა, ვიდრე რამდენიმე სამეფო ევროპაში“⁷⁶.
მნიშვნელოვნად გაფართოვდა მებაღეობა⁷⁷ და მესაქონლეობა,
კერძოდ, მისი ისეთი დარგები, როგორცაა მეცხვარეობა და მეთა-
ლეობა⁷⁸.

ერთი მხრივ, სასოფლო-სამეურნეო პროდუქციის წარმოების
ზრდით, ხოლო, მეორე მხრივ, სავაჭრო-სატრანზიტო გზებზე თავი-
სუფალი მიმოსვლისა და ვაჭრობის უშიშროების უზრუნველყო-
ფით, რასაც ბალდადის ხელისუფლებამ მიაღწია XVIII ს. 90-იან
წლებში, შეიქმნა ხელსაყრელი პირობები, როგორც საშინაო, ასე-
ვე საგარეო ვაჭრობის გაფართოებასთვის. სულეიმან ფაშას მმარ-
თველობისას ბალდადი იყო ვრცელი და მდიდარი სავაჭრო ცენტრი,
სადაც ყოველი მხრიდან მოდიოდა აზიური და ევროპული ნაწარ-
მი⁷⁹.

როგორც ვხედავთ, სულეიმან ფაშა ბუიუქის ეკონომიურ პო-
ლიტიკას უქმად არ ჩაუვლია. ვაჭრობისა და სოფლის მეურნეობის
აღმავლობას შედეგად მოჰყვა მოსახლეობის მატერიალური მდგო-
მარეობის გაუმჯობესება, მისი გადახდისუნარიანობის ზრდა, ბალ-
დადისათვის მსოფლიო მნიშვნელობის სავაჭრო ცენტრის სახელის
შენარჩუნება და ყოველივე ამას კი, რაც ხელისუფლებას მეტად
აინტერესებდა, საფაშოს წლიური შემოსავლის გადიდებისათვის
საჭირო პირობების მომზადება.

XVIII ს. 90-იანი წლებიდან ბალდადის საფაშოს ხაზინის ფუ-
ლადმა შემოსავალმა ყოველწლივით იწყო ზრდა და არასრული
ცნობებით 1797 წლისათვის ეს თანხა შეადგენდა 5000 ბურსს ანუ
4 000.000 ფრანკს⁸⁰.

⁷⁵ ზ. შარაშენიძე, დასახ. ნაშრომი, გვ. 31.

⁷⁶ H. J. Bridges, დასახ. ნაშრომი, გვ. 17.

⁷⁷ Rousseau, დასახ. ნაშრომი, გვ. 17.

⁷⁸ H. J. Bridges, დასახ. ნაშრომი, გვ. 18.

⁷⁹ Rousseau, დასახ. ნაშრომი, გვ. 117.

⁸⁰ G. A. Olivier, დასახ. ნაშრომი, გვ. 340; العزاوي, დასახ. ნა-
შრომი, გვ. 147.

შემოსავლის გარკვეული ნაწილი იგზავნებოდა სტამბოლში⁸¹, დანარჩენი კი ხმარდებოდა საფაშო ხელისუფლების განმტკიცებას, ქვეყნის თავდაცვისა და კულტურულ-საგანმანათლებლო ხასიათის ღონისძიებებს.

ბაღდადის გამგებელი ვერ ენდობოდა იენიჩარებსა და დიდგვაროვან არაბებს⁸². როგორც ზემოთ აღვნიშნეთ, მათ არაერთხელ სცადეს მისი გადაყენება და გამორიცხული არ იყო, რომ მსგავს შემთხვევებს მომავალშიც ჰქონოდა ადგილი. ამიტომ მოსალოდნელი საფრთხის თავიდან ასაშორებლად, სულეიმან ბუიუქმა, ისე როგორც მისმა წინამორბედმა ფაშებმა: ჰასანმა, აჰმედმა და სულეიმან აბუ ლაილმა, თავიდანვე ხელი მიჰყო ქართველი ტყვეების დიდი რაოდენობით შექენას⁸³. ნასყიდი ქართველი ტყვეებით აკომპლექტებდა თავის გვარდიას, წვრთნიდა მათ, შესაფერის განათლებას აძლევდა და უნარის მიხედვით აწინაურებდა პასუხსაგებ თანამდებობებზე. ამგვარად მოახერხა მან საიმედო სამხედრო ძალის შექმნა⁸⁴, რომლითაც შეეძლო იენიჩარების, მეამბოხე ტომთა ბელადების მორჩილებაში ყოლა და მაღალი თანამდებობებიდან თურქების გაძევება, მათი ძალაუფლების შეზღუდვა. საბოლოოდ მამლუქთა ხელისუფლება ისე გააძლიერდა, რომ მთელი მმართველობა მათ ხელში აღმოჩნდა⁸⁵. ამიტომ, თუ სულეიმან ფაშა აბუ ლაილი ითვლება საერთოდ მამლუქთა დინასტიის ფუძემდებლად, სულეიმან ფაშა ბუიუქი ქულემენების (ახუ იგივე მამლუქთა) ქართული დინასტიის დამფუძნებელია.

სულეიმან ბუიუქის ინიციატივით XVIII ს. 80-იან წლებიდან ბაღდადის საფაშოში ხორციელდებოდა აგრეთვე კულტურულ-საგანმანათლებლო და აღდგენითი ხასიათის სამუშაოებიც. რასულ შაჰი ეფენდი ქირქუქელის გადმოცემით, სულეიმან ფაშას განუ-

⁸¹ الغزأوى, დასახ. ნაშრომი, გვ. 147.

⁸² S. H. Longrigg, დასახ. ნაშრომი, გვ. 207.

⁸³ Cl. Huart, დასახ. ნაშრომი, გვ. 161.

⁸⁴ კ. ნიზურის თქმით, XVIII ს. 60-იანი წლებისათვის ბაღდადის ფაშას ქართულ გვარდიაში 800 კაცი ყოფილა (Voyage en Arabie et en dautres pais circonvoisins, Amsterdam, 1776, t. II, გვ. 256), 80-იან წლებში იქ ქართველების რიცხვი ორჯერ მეტი იყო, ხოლო 90-იანი წლებისათვის სულეიმან ფაშას დაცვა 4000 მხედრისა და 2000 ქვეითისაგან შედგებოდა (G. A. Olivier, დასახ. ნაშრომი, გვ. 148).

⁸⁵ G. A. Olivier, დასახ. ნაშრომი, გვ. 148.

აზღვრის ბაღდადის გალავანი, ხელახლა შემოუზღუდავს ქალაქი და შემოუვლია თხრილი; ასეთივე გალავანი შემოუვლია აგრეთვე მენდელის, ბასრის, ჰილლესა და მარდინისთვისაც. ბაღდადში მას დაუნგრევია ძველი სასახლე და აუგია ახალი უფრო დიდი და კეთილმოწყობილი; აუშენებია მედრესე „სულეიმანიე“ შესანიშნავი წიგნაცავით, მეჩეთები „კაბლანიე“ და „ფადლანიე“ მედრესეებით, განუახლებია მეჩეთი „ხულაფააუ“ და მოუოქროვებია აბუ ჰანიფას „იმამ აზამის“ მინარეთის გუმბათი. 1797—1800 წლებში დელი აბასში, ჩამინსა და ნარინში აუგია ხიდები; ქუთსა და ესქიმოსულში — ციხესიმაგრენი მგზავრთა თავშესაფარად, ჰისანისა და ბაღრაათის რაიონებში — ბელლები: ისქანდერიესა და ქერბელაში — ქარვასლები, სასტუმროები, სარაჯინის ბაზარი, ჰისანის, ქუთისა და ბასრის არსენალები⁸⁶. მის დროსვე დაიწყო ჰინდიას არხის გაყვანა ქვემო მუსაიბიდან ნეჯფეთის წყლამდე⁸⁷; ქ. ზუბაირის გაშენება ძველი ბასრის ნანგრევებზე, ნახევრად დანგრეული ბასრის აღდგენა⁸⁸ და სხვ.

ასეთი ღონისძიებების გატარებას ახერხებდა ბაღდადის საფაშოს ხელისუფლება იმ დროს, როცა მთელი ოსმალეთის იმპერია საერთო დასუსტების გზაზე იყო დამდგარი, როცა თითოეული დერბეაც კი (პროვინციის გამგებელი) სულთნის ხელისუფლებას მხოლოდ ნომინალურად სცნობდა და დედაქალაქი სტამბოლიც ამბობებულ იენიჩართა სათარეშო არენად იყო ქცეული. ამიტომ სულეიმან ფაშა ბუიუქის ნაყოფიერ მოღვაწეობას იმ დროს იმდენად დიდი მნიშვნელობა ჰქონდა ერაყის კულტურული და პოლიტიკურ-ეკონომიური მდგომარეობის განმტკიცებისათვის, რომ მისი მმართველობის პერიოდს ერაყის ისტორიის სპეციალისტები ოქროსა და ბედნაერების ხანას უწოდებდნენ⁸⁹. არსებობს სრული საფუძველი იმისა, რომ „სულეიმანის ეწოდოს აღმდგენელ-აღმაშენებელიო“, აღნიშნავს კლ. უარი⁹⁰.

⁸⁶ العزاي, დასახ. ნაშრომი, გვ. 147—148.

⁸⁷ S. H. Longrigg, დასახ. ნაშრომი, გვ. 220.

⁸⁸ А. А. Д а м о в, დასახ. ნაშრომი, გვ. 385. სულეიმან ბუიუქის კულტურულ-საგანმანათლებლო და სააღმშენებლო საქმიანობას ხაზს უსვამს თურქი ისტორიკოსი აჰმედ ჯედეთიო (تاريخ جودت, ტ. V, გვ. 261).

⁸⁹ S. H. Longrigg, დასახ. ნაშრომი, გვ. 198; Cl. Huart, დასახ. ნაშრომი, გვ. 160.

⁹⁰ Cl. Huart, დასახ. ნაშრომი, გვ. 161.

შეიძლება მისი მოღვაწეობის ასეთი შეფასება რამდენაღმე გადაკარბებული იყოს, მაგრამ ის მაინც ცხადია რომ XVIII ს-ის 90-იან წლებში ბალდადი უცხო ქვეყნებიდან (უმთავრესად ირანიდან) გადმოხვეწილთა თავშესაფარი იყო. ქალაქის მოსახლეობა მოკლე დროში 30—40 ათასი კაცით გაიზარდა⁹¹. „აშენდა სახლები. აყვავდა მხარეები. აღიკვეთა ბოროტება, გაზუყნილება, უკანონობა და უსამართლობა, დაცულ იქნა ქვეყანა და ხალხი; საწყისი მიეცა სიკეთეს, სიმშენიერეს, სამართლიანობას და მოწყალებას“, — აღნიშნავს არაბი ისტორიკოსი რასულ ჰაეი ეფენდი⁹².

ერთი სიტყვით, სულეიმან ფაშა ერაყის ისეთი გამგებელი გამოდგა, რომელიც თავისი თანამედროვის, ბალდადში მყოფი ფრანგი კონსულის, რუსოს თქმით, „უხვად იყო დაჯილდოებული ძვირფასი თვისებებით — შინებოდათ და ამავე დროს კადევაც ყვაობოდათ, რაც იმაშიც გამოიხატება, რომ ერაყელებმა მას მეტსახელად სულეიმან „ბუიუქი“ ანუ სულეიმან დიდი შეარქვეს“⁹³.

ეს გამოჩენილი სახელმწიფო მოღვაწე შესანიშნავი ტანადობის მქონე, გამჭრიახი ჰკუბაგონების პატრონი, მომჭირნე და ფართო გაქანების ვაჟკაციც ყოფილა. „სულეიმანი წარმოშობით ქართველი, ძლიერი, ლამაზი და თან ნამდვილი ვაჟკაციც იყო, — ამბობს ჰართორდ ჯონს ბრიჯსი, — მისი თვალტანადობა თითქოს საგანგებოდ იყო შექმნილი... თვალთაგან გონების ძალა და ლმობიერება გამოსჰვიოდა. ის ისევე მარჯვე იყო ყოველგვარ მხედრულ თუ საველე გაწვრთნილობასა და ჯომარდობაში, როგორც იანი, ვისთვისაც ეს სამსახურს ან ხელობას წარმოადგენდა. თავისი რჯულის აღიარებასა და წესთა აღსრულებას იგი გულმხურვალედ და გულწრფელად ეკიდებოდა. ამავე დროს პატივს სცემდა სხვათა რწმენასაც, რამდენადაც ეს შეუძლია თურქს... პირად ხარჯებში მეტად ზუსტსა და მომჭირნეს, ხშირად სიძუნწეს სწამებდნენ. მაგრამ საკმაო იყო მას ეგრძნო თავისი ქვეყნის საფრთხე, რომ ხელგაშლით, დაუზოგავად დაეხარჯა საჭიროებისამებრ ყველაფერი, რაც მას თანდათანობით ეგროვებინა მანამდე... სასახლე და კარი ბრწყინვალე ჰქონდა, ხოლო შინაური ცხოვრება და გაქანება ისეთი, რო-

⁹¹ А. Адамов, დასახ. ნაშრომი, გვ. 385.

⁹² العزّاوي, დასახ. ნაშრომი, გვ. 146.

⁹³ А. Адамов, დასახ. ნაშრომი, გვ. 385; Rousseau, დასახ. ნაშრომი, გვ. 101.

გორც დიდ ხელმწიფეს შეშენის⁹⁴. თუ ერაყის მოსახლეობამ სულეიმან ფაშას მეტსახელად „ბუიუქი“ შეარქვა, ქურთისტანში ბაბანის ტომის ბელადმა, იბრაჰიმმა მისი სახელის უკვდავსაყოფად და პატივსაცემად სოფელ მალიქ ჰინდის ადგილას 1786 წელს გაშენებულ ქალაქს (რამდენიმე ხნის შემდეგ კი მთელ ყარაჩოლანის სანჯაქსაც) „სულეიმანიე“ უწოდა⁹⁵.

ქრისტიანად დაბადებული, შემდეგ კი გამუსლიმებული და იმუსლიმური ქვეყნის სამსახურში ბოლომდე მყოფი სულეიმან ბუიუქი, რომელმაც გარკვეული კვალი დატოვა ერაყის ისტორიაში, პატივისცემით ეპყრობოდა თავის სამშობლოსა და ხალხს. თუკი საღმრეთო ოსმალეთში წაყვანილსა და იქ უპატრონოდ მიტოვებულ გაკირვებულ ქართველს შეიგულვებდა, ყიდულობდა, ბაღდადში მიჰყავდა, და, ვინც სამშობლოში დაბრუნების სურველს გამოთქვამდა, ათავისუფლებდა⁹⁶, დანარჩენს კი იქვე იტოვებდა. მათგან ლაშქარს იმრავლებდა, რომ ხელსაყრელ მომენტში სულთნის წინააღმდეგ აღმდგარიყო ისე როგორც ეგვიპტელი მამულუქი ბეგები, და მისი ბატონობიდან გათავისუფლებულიყო⁹⁷.

სულეიმანის ასეთი განზრახვა, რომელიც უშუალოდ ერაყის დამოუკიდებლობას გულისხმობდა, რამდენადმე შორეული საქართველოსა და მისი მფარველი რუსეთის ინტერესებსაც ეხმაურებოდა, რადგან ამას უნდა მოჰყოლოდა რუსეთ-საქართველოს წინააღმდეგ მუდამ მტრულად განწყობილი ოსმალეთის დასუსტება⁹⁸.

⁹⁴ H. J. Bridges, დასახ. ნაშრომი, გვ. 190—191.

⁹⁵ K. Ritter, დასახ. ნაშრომი, ტ. IV, ნაწ. II, გვ. 566—67.

⁹⁶ ამის ერთ-ერთ დადასტურებაა ჩვენი თანამემამულის, ვინმე აბდ ალ-სინანის გათავისუფლების მოწმობა, რომელიც გაცემულია ქ. ბაღდადში სულეიმან ფაშა ბუიუქის მიერ 1793/4 წელს (1208 წ. ჭებდა ალავეჯას) და ინახება საქ. სსრ ცენტრალური ისტორიული არქივის თურქულ საბუთთა კოლექციაში, № 558. (საბუთი მოკლავაჯად პროფ. ს. ჩიქამ, რომელსაც მადლობას მოვხატავებთ).

⁹⁷ ამემაღ ბაღდადის ფაშა სულეიმან ხალიფა ქართველი გახლავთ, ოთხი ათასი ქართველი ტყვენი ახლავს. სულ თავისი ნასყიდი... ყოველთვის მოლოდინი აქვს ოსმალთ უბედურება შეემთხვეს, რომ გათავისუფლება სწადს“-ო აღნიშნავს ეგვიპტიდან დაბრუნებული ერეკლე II-ის დიპლომატიური წარმომადგენელი, არტილური პოლკორუჩიკი მ. კაქკაქიშვილი თავად პოტიომკინისადმი გაგზავნილ 1787 წ. 10 მაისის მოხსენებით ბარათში (ЦГАДА, ფ. 15, დ. 192, პ. 18).

⁹⁸ ეს კარგად ჩანს მ. კაქკაქიშვილის მიერ პოტიომკინისადმი გაგზავნილ მოხსენებით ბარათიდანაც, სადაც ნათქვამია: „რა მისრი და არაბია სულთანს წაუვლენ ყმობიდან და სანეთო რიგი დაუწესდებათ ოსმალთ... სახელმწიფო შუა გაეყოფათ. თუ მისრი და ბარბარია (უნდა იყოს არაბია — ბ. ს.) ოსმალთ დაიკირეს და გაამაგრეს, როგორც განზრახული აქვთ, დროთი კიდევ გაძლიერდებიან, რომ ქრისტიანობას აენონან (ЦГАДА, ფ. 15, დ. 192, პ. 192, პ. 18).

ერაყის მმართველი ქალაქმშენების ქართული
ლინასტიის წარმოშობა და მათი
პოლიტიკური კურსი

(1802—1831 წწ.)

თ ა ე ი პ ი რ ე ე ლ ი

კ ა შ ი შ ა ლ ი შ ა შ ა

სულეიმან ფაშა ბუიუქს სამი ვაჟი (ბენათ სა'იდი, სა'იდ ბეგი, სალიპ ბეგი)¹ და ოთხი ქალიშვილი ჰყავდა². მამის გარდაცვალების დროს ვაჟები მცირეწლოვნები³ ყოფილან; ქალიშვილთაგან ერთი, ყველაზე უფროსი, სახელად ხატიჯე, ცოლად ჰყავდა ქაპია ჰაფიზ⁴ ალი აღას, მეორე—სელიმ აღას, ბასრის მუთასალიმს: მესამე — ნასიფ აღას, ხოლო მეოთხე — ხაზინადარ დაუდ აღას. მცირეწლოვანი ვაჟიშვილები საფაშოს გამგებლად არ გამოდგებოდნენ. ეს უფლებას აძლევდა ფაშას სიძეებს, როგორც მის ერთგვარ მემკვიდრეებს და თანაც საფაშოში ყველაზე მაღალი თანამდებობის პოზიციებს, თვითონ ეფიქრათ ერაყის ხელისუფლების სათავეში მოქცევაზე. ამავ დროს, სულ უფრო აშკარა ხდებოდა, რომ მათ გარდა საფაშო ხელისუფლების ხელში ჩაგდება სურდათ იენიჩარების აღას, სულეიმან ბუიუქის დავთარდარს, მარდინის მუთა-

¹ Cl. Huari, დასახ. ნაშრომი, გვ. 162; محمد ثريا, დასახ. ნაშრომი გვ. 93.

² تاريخ جودت, ტ. V, გვ. 261.

³ S. H. Longrigg, დასახ. ნაშრომი, გვ. 219.

⁴ حفظ — მოდენე, სწავლული. ასე უწოდებდნენ მეტსახელად ალი აღას ყურანის ზეპირად ცოდნის გამო.

სალიმს და შაუეის არაბული ტომის წარმომადგენელს, რომელიც ხაფაშოს სავარეო საქმეთა უწყებას განაგებდა.

რაკ დრო გადიოდა, მდგომარეობა მით უფრო რთულდებოდა და 1802 წელს, როცა 80 წელს მიღწეული, ხანგრძლივი ავადმყოფობისაგან დაუძლურებული სულეიმან ბუიუქი დღე-დღეზე სიკვდილს ელოდა, დაძაბულობამ უმაღლეს წერტილს მიაღწია.

ტახტის მამიებლები, რომლებიც, გარდა იენიჩარების აღასა და შაუეის ტომის წარმომადგენლისა, ტომით ყველა ქართველები იყვნენ. შეადგინეს თავთავიანთი ჯგუფები, რათა გაეჩაღებინათ დაუნდობელი ბრძოლა. სულეიმან აბუ ლაილის შექმნილი და სულეიმან ბუიუქის მიერ განმტკიცებული მამულუქთა რეჟიმი საფრთხეში აღმოჩნდა. მაგრამ მოვლენათა შემდგომმა განვითარებამ საქმე სხვანაირად შეატრიალა.

დაახლოებით 50 დღის მძიმე ავადმყოფობის შემდეგ სულეიმან ფაშა ბუიუქმა საბოლოოდ დაკარგა იმედი განკურნებისა „და, როცა სიკვდილი მოახლოვდა, მომაკვდავმა იხმო სიძენი. ალი ალა თავის შემცველად დანიშნა და მისცა ზოგიერთი რჩევა-დარიგება“⁵, ხოლო დანარჩენებს მოუწოდა აუცილებლად დამორჩილებოდნენ ერთმანეთს⁶.

ფაშას ამ გადაწყვეტილებამ რამდენადმე გაარკვია სადავო საკითხი იმის შესახებ თუ ვის უნდა დარჩენოდა ხელისუფლება.

ალი ალა სიმამრის სიცოცხლეშივე შეუდგა ხაფაშოს მართვაგამგეობას. სხვა მამულუქებმა მიიღეს ბუიუქის რჩევა და მხარი დაუჭირეს ალის საფაშო ხელისუფლების სათავეში მოქცევას. ამით მდგომარეობა ბალდადში საგრძნობლად გაუმჯობესდა, მაგრამ საფრთხე სისხლისღვრისა ჯერ მაინც არსებობდა, რადგან სულეიმანის მიერ მიღებული გადაწყვეტილებით ისიც ცხადი გახდა, რომ ძალაუფლება ერაყში მამულუქთა ხელში რჩებოდა. ეს ამბავი კი განსაკუთრებით აღელვებდა ოსმალეთის სულთანს, აგრეთვე, მამულუქთა რეჟიმით უკმაყოფილო პირებს, კერძოდ, იენიჩარებს და მათ მეთაურს აჰმედ აღას. ამ უკანასკნელმა გადაწყვიტა ალი აღასთავის ხელისუფლების ჩამორთმევა და 2 აგვისტოს ინგლისის რეზიდენტს ბალდადში სთხოვა, გადაეცა სათანადო შინაარსის წერილი ბრატანეთის სტამბოლელი ელჩის ხელით სულთან სელიმ III-

⁵ تاريخ جودت, ტ. V, გვ. 261.

⁶ العزّاوى, დასახ. ნაშრომი, გვ. 146.

სათვის, თვითონ კი საომრად მოემზადა, ჩაიკეტა ციხესიმაგრეში⁷ და 7 აგვისტოს, სულეიმანის გარდაცვალებამდე ერთი საათით ადრე, სროლა აუტენა სასახლეს.

ბრძოლა ოთხ თვეს გაგრძელდა და ბოლოს ალი აღას გამარჯვებით დამთავრდა. განსაკუთრებით დიდი დახმარება გაუწია აღის მოსახლეობამ, რომელმაც მხარი დაუჭირა მას, როგორც ქულემენების დინასტიის წარმომადგენელს, ხელისუფლების კანონიერ შემყვიდრესა და საფაშოს ფაქტიურ მბრძანებელს⁸.

დამარცხებული აჰმედ ალა თავისი 14 მოკავშირით შეიპყრეს და სიკვდილით დასაჯეს. ბაღდადში სიწყინარე აღსდგა და ახლა უკვე ალი აღას ბედი იმაზე იყო დამოკიდებული თუ რა პოზიციას დაიკავებდა ოსმალეთის ცენტრალური ხელისუფლება მის მიმართ, როგორ შეხედავდა ბოლო ოთხი თვის განმავლობაში ბაღდადში მომხდარ ამბებს.

სულეიმან ბუიუქის სიკვდილმა და საფაშოს დედაქალაქში დაწყებულმა არეულობამ, სულთნის წინაშე პირველ რიგში დააყენა საკითხი იმის შესახებ, თუ ვინ უნდა ყოფილიყო ბაღდადის ვალი. სელიმ III-ის ბრძანებით, უფრო ადრე, ვიდრე ალი აღასა და მის მოწინააღმდეგე აჰმედ აღას შორის გამართული ბრძოლა დამთავრდებოდა, ბაღდადის საფაშოს გამგებლად დანიშნა შაქლან ფაშა⁹. მაგრამ ქალაქის მოსახლეობამ, რომელიც აჰმედ ფაშას დროიდან (1723—1747 წ.) მიჩვეული იყო გამგებლის თვითონ არჩევას, ამჯერადაც არ უღალატა თავის წესს. მათ უარი უთხრეს შაქლანს ბაღდადში შეშვებაზე და სულთანს სთხოვეს საფაშოს მმართველად დემეტრიცებინა სულეიმან ბუიუქის ქაჰია ალი აღა¹⁰. რარიგ მიუღებელიც არ უნდა ყოფილიყო ოსმალეთის ხელისუფლებისათვის ბაღდადელთა ამნაირი საქციელი, იმპერიის საგარეო და საშინაო მდგომარეობა იმდენად არახელსაყრელი იყო, რომ თხოვნაზე უარს ვერ იტყოდნენ.

⁷ تاريخ جودت، ط. V، ص. 261—262.

⁸ S. H. Longrigg, დასახ. ნაშრომი, გვ. 221.

⁹ الزاوی، დასახ. ნაშრომი, გვ. 152.

¹⁰ Л. А. Дамов, Ирак Арабский, стр. 396—397. იმისათვის, რომ ბაღდადელთა თხოვნაზე სტამბოლში უარით არ ეპასუხნათ ალი აღას სულეიმან ფაშა ბუიუქის ქონებიდან 60 000 ვირვანქა სტერლინგი გაუგზავნია საჩუქრად სულთნისათვის (S. H. Longrigg, დასახ. ნაშრომი, გვ. 222).

ეს ის დროა, როცა მიმდინარეობდა ევროპის პოლიტიკური რუკის გადასინჯვა, როცა რიგმა სახელმწიფოებმა ველარ გაუძლეს ნაპოლეონ ბონაპარტის სამხედრო მანქანას და შეწყვიტეს არსებობა. საქმე ისე მიდიოდა, რომ მდგომარეობა არ შეიცვლებოდა. დახავსებული ოსმალეთიც მათ ბედს გაიზიარებდა. ამ მხრივ მათთვის საგულისხმო გაკვეთილს წარმოადგენდა ფრანგების ლაშქრობა (1798 წ.) ეგვიპტესა და სირიაში, ამიტომ ოსმალეთის ხელისუფლება იმედის თვალით უყურებდა ახლა რუსეთს და ელოდა მისგან „თავისი ოლქების დაცვას საფრანგეთის ავი ზრახვებისაგან“¹¹.

რუსეთის დიპლომატია სარგებლობდა ამ შემთხვევით და ფრთხილად თავის საქმეს აკეთებდა¹². სტამბოლში დაისვა საკითხი 1774 წელს ქუჩუქ კაინარჯში რუსეთსა და თურქეთს შორის დადებული საზავო ხელშეკრულების გადასინჯვის შესახებ¹³. ა. იტალინსკის დავალებული ჰქონდა ეწარმოებინა მოლაპარაკება ოსმალეთის მთავრობასთან იმის თაობაზე, რომ ამ უკანასკნელს უარი ეთქვა დასავლეთ საქართველოზე და ხელი არ შეეშალა რუსი ჯარის შესვლისათვის ამ მხარეში¹⁴. რაც შეეხება საქართველოს უმაღლეს მმართველსა და მთავარსარდალს გენერალ პ. ციციანოვს, ის ახალციხის შემოერთებასაც აპირებდა¹⁵.

არახელსაყრელ საგარეო ვითარებასთან ერთად ოსმალეთის მთავრობას საშინაო მდგომარეობაც ვერ ჰქონდა მტკიცე. იმპერია უკვე ზრუნის პროცესში იყო და მისი შეჩერება აღარ შეიძლებოდა ისე, თუ ცენტრალური ხელისუფლება არ განამტკიცებდა ეკონომიურ-მატერიალურ ბაზას, რისთვისაც საჭირო იყო სახელმწიფოს შიგნით სათანადო ცვლილებების მოხდენა, უწინარეს ყოველისა კი იენიჩართა ჯარისა და სამხედრო ლენური სისტემის გაუქმება. მაგრამ ამის გაკეთება არც იოლი საქმე იყო და ვერც მშვიდობიანი გზით მოხერხდებოდა. ამისათვის აუცილებელი იყო სამ-

¹¹ Отношение гр. Воронцова к кн. Цицианову, от 5 августа 1803 г., (АКАК, т. II, стр. 873—4).

¹² Н. Дубровин, История войны и владычества русских на Кавказе, т. IV, стр. 89.

¹³ ა. იტალინსკი, საქართველოს ისტორია (19 საუკ.), თბ., 1954, გვ. 53.

¹⁴ Всеподданнейший рапорт кн. Цицианова, от 17-го августа, 1803 года № 33, (АКАК, т. II, стр. 453-4).

¹⁵ Отношение гр. Воронцова к кн. Цицианову от 5-го августа, 1803 года (АКАК, т. II, стр. 873—4).

ხედრო ძალა, რათა მისი საშუალებით ხელისუფლებას შესძლებოდა თავეასული ფეოდალების დამორჩილება.

სწორედ ასეთი მიზნით სელომ III-მ თავისი რეფორმების გატარებისას (1786—1792 წწ.) დაიწყო არმიის რეორგანიზაცია. იგი შეუდგა ევროპულად გაწვრთნულ-შეიარაღებული და დისციპლინიანი რეგულარული ახალი ჯარის — „ნიზამი ჯედიდ“-ის¹⁶ შედგენას, მისთვის სამხედრო ბინებისა და სასწავლებლების შენებას, საარტილერიო პარკის მოწყობა-გაფართოებას, ქვემეხების ჩამომსხმელი, გემსაშენი, დენტის ქარხნების აგებას და საზღვაო ფლოტის შექმნას¹⁷. მას უნდოდა აგრეთვე ცვლილებების შეტანა სამოქალაქო მმართველობაშიც¹⁸, ხოლო ყველაფერი ეს ერთად აღებული საჭიროებდა დიდძალ თანხას. ხაზინა კი კარგა ხანია ველარ ფარავდა სახელმწიფო ხარჯებს.

ფინანსურ კრიზისს შედეგად მოჰყვა ის, რომ დაიწყო გადასახადების გადიდება და ამასთან დაკავშირებით გლესთა მღელვარების ზრდა. გლეხების მდგომარეობას კიდევ უფრო აუარესებდა ის, რომ ისინი სახელმწიფოს გარდა გადასახადს უხდიდნენ აგრეთვე ფეოდალებს, რიჩალებს (სახელმწიფო მოღვაწეებს) და სხვა დიდებულებს. „რიჩალები და არისტოკრატები, — აღნიშნავს რუმელიის ყაზიასკერი (მუსლიმთა სასულიერო მეთაურის — შეიხულ-ისლამის შემდეგ ყველაზე დიდი თანადებობის პირი ოსმალეთის იმპერიაში) თათარჯიკ აბდალაჰ ეფენდი სულთნისთვის გაგზავნილ მოხსენებით ბარათში. — სასახლეების შენახვაზე უზარმაზარ ფულს ხარჯავენ. ამისათვის... იღებენ ქრთამებს და ეწევიან გამოძალვას. თავიანთ მალიქანეებში, მუკატაებში და ზემეთებში ისინი მულთაზიმისაგან ღებულობენ სამ-ოთხჯერ მეტს, ვიდრე ეკუთვნით, და თანაც 40—50 წლით ადრე. ამის გამო ხალხი უძლურდება მძიმე გადასახადების ქვეშ“¹⁹.

მუსლიმებთან შედარებით უფრო უარეს მდგომარეობაში იყე-

¹⁶ ახალი რეგულარული ჯარის გარდა „ნიზამი ჯედიდ“ ახალ სისტემასაც ნიშნავდა. სელომ III-ის საკანონმდებლო აქტი ამ ახალი სისტემის შექმნის შესახებ გამოვიდა სისტოვისა და ისრს საზავო ხელშეკრულებების (1791—1792 წწ.) დადების შემდეგ. პირველი აქტი, რომელიც 1792 წ. გამოვიდა, აუქმებდა თიარებსა და ზემეთებს, ხოლო 1793 წ. გამოსული „სამხედრო აქტები“ უფრო ვრცელ რეორგანიზაციას ითვალისწინებდა.

¹⁷ К о л л а с, История Турции, СПб., 1882, стр. 68.

¹⁸ А. Ф. М и л л е р, Мустафа паша Байрактар, стр. 87.

¹⁹ ი ქ ვ ე .

ნენ სხვა სარწმუნოების ხალხები. მაგ., ბოშებისაგან ჯიზიას იღებდნენ 100—110 პიასტრს, ნაცვლად დაწესებული 4—5 პიასტრისა²⁰. აუტანელ პირობებში ჩაყენებული გლეხები ბოლოს იძულებული ხდებოდნენ აყრილიყვნენ, ტოვებდნენ სახლ-კარს, სამუშაოს და გარბოდნენ. „ისინი, — განაგრძობს აბდალაჰ ეფენდი, — დღე და ღამე მუშაობენ ცოლ-შვილთან ერთად მშიერ-მწყურვალნი, ფეხ-შიშველნი და მხოლოდ იმისათვის, რათა გადასახადები გადაიხადონ, მაგრამ ამასაც ვეღარ ახერხებენ, რადგან აღარ შესწევთ ძალა და ხალხს უხდება... მშობლიური მიწა-წყლის და სახლის მიტოვება; უმეტესობა ადგილებისა და სოფლებისა დანგრეულია მთლიანად, დარჩენილია უმაცხოვრებლებოდ, ბევრი უცხოეთშიც კი გაიქცა“²¹.

მშრომელი მოსახლეობისა და სოფლის მეურნეობის გაპარტახების შედეგად უფრო მკვეთრად კლებულობდა სახელმწიფოს წლauerი შემოსავალი, ეცემოდა ფულის კურსი²², უარესდებოდა ფინანსური მდგომარეობა, ძლიერდებოდა შინაფეოდალური და ცენტრალური ხელისუფლების წინააღმდეგ ჯერ კიდევ XVIII საუკუნის 90-იან წლებში დაწყებული ბრძოლები რუმელიაში, ანატოლიაში, არაბეთის ნახევარკუნძულზე, ეგვიპტეში, სირიაში და სხვაგან.

პართალია, ეგვიპტეში ნაპოლეონ ბონაპარტის ინტერვენცია დამარცხდა, ომი დამთავრდა, უცხოეთის ჯარები გაყვანილ იქნა და თურქეთ-საფრანგეთის 1801 წლის, აგრეთვე ინგლის-საფრანგეთის 1802 წ. საზავო ხელშეკრულებათა საფუძველზე ეს მხარე მთლიანად ოსმალეთს დაუბრუნდა, მაგრამ შინაური ბრძოლა იქ 1803 წელსაც არ იყო დამთავრებული. ამჟერად დავა მიმდინარეობდა უკვე იმის გამო, თუ ვინ უნდა ყოფილიყო ეგვიპტის ფაქტიური გამგებელი, სტამბოლის წარმომადგენელი ფაშა, თუ ფრანგებთან ომში ყველაზე მეტად დაზარალებული, ომამდე ამ მხარის თითქმის სრული ბატონ-პატრონი მამლუქი ბეგები?

სელემ III-ის ბრძანებით ეგვიპტეში მპარტეველად გაიგზავნა დიდი ეაზირი მეჰმედ ხოზრევ ფაშა, რომელსაც დავალებული ჰქონდა აგრეთვე მამლუქების საბოლოოდ მოსპობა-განადგურება. ამავე დროს, სულთნის ბრძანებით აიკრძალა ეგვიპტეში კავკასიე-

²⁰ А. Ф. Миллер, Мустафа паша Баирахтар с.р 87.

²¹ იქვე.

²² 1800 წელს პიასტრი უდრდა 2 ფრანკს, ხოლო 1803 წელს — 1 ფრანკსა და 60 სანტის.

ლი ტყვე-მონების შეყვანა-გაყიდვა იმ განზრახვით, რომ მამულზე ბეგებს არ შეეძლებოდათ თავიანთი რიგების შეესება-გაძლიერება. მიუხედავად ასეთი ღონისძიებებისა, მამულეებმა მუჰამედ ალფისა და ოსმან ბარდისის მეთაურობით დაამარცხეს ხოზრევ ფაშას ჯარი (1803 წელს), ალბანთა კორპუსის მეთაურის მუჰამედ ალის ხელშეწყობით შევიდნენ კაიროში და აღადგინეს თავიანთი ძალაუფლება ეგვიპტეში. რაც შეეხება ხოზრევ ფაშას, ის შეიპყრეს და შეიხუ ლ-ბალადმა (ქ. კაიროსა და ბეგების უფროსმა) იბრაჰიმ ბეგმა (ი. სინჯიკაშვილმა) სიკვდილათ დასაჯა. ასეთივე შედეგით დასრულდა ხოზრევის შემდეგ მამულეთა ძალაუფლების დასამხობად სტამბოლიდან ეგვიპტეში გაგზავნილი ალი ჯეზარ ფაშას ლაშქრობაც²³.

რუმელიაში სელიმ III-ის წინააღმდეგ შეუპოვრად იბრძოდა იენიჩარების მფარველი, ვიდინიოს ფაშა ფაზვანდ ოღლუ ბოსნიელ ალი ბეგ ვიდაიჩთან ერთად, სერბიელთა დაიებისა (იენიჩარების უფროსები) და კირჯალიების (ჯარიდან დათხოვნილი, უმიწაწყლოდ დარჩენილების) აქტიური მხარდაჭერით²⁴.

სერბიაში მზადდებოდა სიფაჰიების და რაიების ანტიოჰმალური ბრძოლა ყარა გოჯრგის მეთაურობით.

ალბანეთში წარმატებით იბრძოდა ალი ფაშა თეფედენელი (იანიზოელი), რომელმაც 1800—1803 წლებში დაამარცხა სულიოტები, დაიკავა ალბანეთთან ერთად ეპირი, მორეია, აგრეთვე ბალკანეთის ნახევარკუნძულის სამხრეთ-დასავლეთ ნაწილის სხვა ოლქები და შექმნა სრულიად დამოუკიდებელი სამეფო²⁵.

სტამბოლში გრძელდებოდა იენიჩარების მღელვარება. ისინი მოითხოვდნენ „ახალი სისტემის“ გაუქმებას და უარს ამბობდნენ რუმელიაში საომრად წასვლაზე.

არაბეთის ნახევარკუნძულზე ვაჰაბიტებმა იმდენად გააფართოვეს საომარი მოქმედება, რომ 1802 წლის შემოდგომაზე დაიკავეს ჰიჯაზის მნიშვნელოვანი ნაწილი, დაეუფლნენ მექას, გაძარცვეს ის და იმას გარდა, რომ ოსმალეთის იმპერიას ჩამოაცილეს ეს ტერიტორია, ამავე დროს საბოლოოდ შელახეს თვით სელიმ III-ის

²³ А. Б. К л о т - Б е й, Египет в прежнем и нынешнем своем состоянии, СПб., 1843, ч. I, стр. X.

²⁴ Л. Р а н к е, История Сербии по сербским источникам, М., 1876, стр. 97—98, 106.

²⁵ Е. Ф е о к т и с т о в, Борьба Греции за независимость, СПб.в, 1863, стр. 10—11.

როგორც სულთნის, ხალიფასა და მუსლიმური სამყაროს უწმინდესი ქალაქის დამცველის ავტორიტეტი²⁶. იმავე 1802 წელს ბრძოლები დაიწყო აგრეთვე ქურთისტანში, დიარბაქრში და, ბოლოს, ბაღდადში²⁷.

იმპერიის ასეთი რთული საშინაო და საგარეო ვითარება რომ არა, ბაღდადის საიკთხი შეიძლება სულ სხვაგვარად დასრულებულიყო. მაგრამ ეს გარემოება ოსმალეთის ხელისუფლებას პირდაპირ კარნახობდა, რომ მიეღო ბაღდადელთა თხოვნა საფაშოს გამგებლად ალი აღას დანიშვნის შესახებ. ეს მისთვის სასარგებლო იქნებოდა თუნდაც იმიტომ, რომ ამგვარი დათმობით შეიძლებოდა, როგორც მშვიდობის აღდგენა ერაყში, ასევე მისი ჯარის გამოყენება ვაჰაბიტების წინააღმდეგ. ამ მოსაზრებით სულთანმა სელიმ III-მ შეცვალა თავისი პირველი გადაწყვეტილება. 1803 წლის 11 იანვარს (პიჯრით 1217 წ. რამაზანის 17-ს), ინგლისელების რჩევით²⁸, ალი ბაღდადის გამგებლად დაამტკიცა და სამთულიანი ფაშას ტიტული უბოძა.

* * *

როგორც აღვნიშნეთ, ალი ფაშა წარმოშობით ქართველი იყო²⁹. წერილობითი წყაროებიდან ჩანს, რომ ის დაბადებულია აფხაზეთში³⁰, დაახლოებით 1762 წელს³¹, სახელად რქმეცია იოსებო³². იგი ღარიბი გლეხის ოჯახიდან უნდა იყოს გამოსული, რასაც მოწმობს ის ფაქტი, რომ თვითონ იოსები ერთი აფხაზის, ვინმე მადადბეგის ყმად არის მოხსენიებული³³.

²⁶ А. А д а м о в. Ирак арабский, стр. 397.

²⁷ العزراوى, დასახ. ნაშრომი, გვ. 152.

²⁸ تاريخ جودت, ტ. V, გვ. 253.

²⁹ M. Rousseau, დასახ. ნაშრომი, გვ. 22; А. А д а м с в, Ирак арабский, 1912, стр. 397.

³⁰ С. I. H u a r t, დასახ. ნაშრომი, გვ. 162; ლ. კორანსე ფიქრობს, რომ ალი ფაშა დაბადებული უნდა იყოს ბესარაბიაში (L. A. Corancez, Histoire des Wahabis depuis leur Origine jusqu'à la fin de 1809, Paris, 1810, p. 11).

³¹ رسول حاوى, დასახ. ნაშრომი, გვ. 239.

³² АКАК, т. III, გვ. 424 და 519.

³³ «Madad Beg of Abazah race... and son of a Caucasian whose slave Aly had been in childhood» (S. H. L o n g r i g g, დასახ. ნაშრომი, გვ. 224.).

ჩერ დაუდგენელია, თუ როდის ან რა ვითარებაში მოუხდა იო-
სებს საქართველოდან წასვლა. ცნობილია მხოლოდ ის, რომ იგი ძა-
ლიან ახალგაზრდა მიუყვანიათ ბალდადში³⁴ და ჩაურციხავთ სუ-
ლეიმან ფაშას „ქართულ გვარდიაში“. იქ მამულქთა სასწავლებელ-
ში მან მიიღო შესაფერისი განათლება და შემდეგ დაწინაურდა.

სამოღვაწეო ასპარეზზე ალი გამოდის XVIII ს-ის 90-იანი
წლებიდან. ჩერ მუშაობდა საფაშოს ხაზინადარად, 34 წლისამ მიიღო
ქაპიას თანამდებობა, ხოლო 6 წლის შემდეგ ბალდადის საფაშოს
გამგებელი გახდა.

ალი ფაშას მმართველობამ სულ ხუთ წელიწადს გასტანა. ეს
პერიოდი წინააღმდეგ კლ. ჰუარისა, რომელიც ფიქრობს, რომ „იყო
სრული სიწყნარის დრო“³⁵, — ერაყის ისტორიაში უნდა აღინიშნოს,
როგორც საშინაო აშლილობის, საგარეო ბრძოლებისა და ყოვე-
ლივე ამის შედეგად ქვეყნის საერთო დაქვეითების ხანა.

ამ დროს ქვეყნის შიგნით მიჰდინარეობდა აჯანყებები, ერთ-
მანეთს ედავებოდნენ ცალკეული ტომის ბელადები. ქურთისტანი
მოითხოვდა დამოუკიდებლობას, აჯანყებულთა წინააღმდეგ დაუ-
ცხრომლად მოქმედებდნენ საფაშო ხელისუფლების ინტერესთა
დამცველი რაზმები. საფაშოში მშვიდობის დარღვევითა და მუდ-
მივი ბრძოლებით, რაც ასუსტებდა ხელისუფლებას, სარგებლობ-
დნენ მეზობელი სახელმწიფოები (ირანი, ვაჰაბიტების სამეფო),
ცდილობდნენ როგორმე მოექციათ ერაყი თავიანთი გავლენის სფე-
როში, ერეოდნენ მის საშინაო საქმეებში და ესხმოდნენ თავს.

ასეთ პირობებში ბალდადის ფაშას უხდებოდა, როგორც საში-
ნაო ამბების მოგვარება, ასევე გარეშე სახელმწიფოთა თავდასხმე-
ბის მოგერიებაც. თუმცა ხდებოდა ისეც, რომ ის ზოგჯერ თვითო-
ნაც ემზადებოდა მეზობელ სახელმწიფოებზე თავდასასხმელად, ხან
საკუთარი ნებითა და ინიციატივით, ხან კიდევ სულთნის დაჟინე-
ბითი მოთხოვნითა და ძალდატანებით.

ზემოაღნიშნული არახელსაყრელი საგარეო ვითარება და სამ-
ხედრო რეფორმების შედეგად შექმნილი რთული მდგომარეობა
იმპერიის შიგნით, ოსმალეთის ცენტრალურ ხელისუფლებას არ-
თმევდა იმის საშუალებას, რომ თავისი შეიარაღებული ძალები
გაეგზავნა სამხრეთში, არაბეთის ნახევარკუნძულზე, ვაჰაბიზმის

³⁴ Rousseau. დასახ. ნაშრომი, ვვ. 22.

³⁵ Cl. Huart, დასახ. ნაშრომი, გვ. 162.

რელიგიურ სამოსელში გამოხვეული ძლიერი სოციალურ-პოლიტიკური მოძრაობის წინააღმდეგ. არადა, ვაჰაბიტების სამხედრო წარმატებები ნეჯდში, ჰიჯაზში და მათ მიერ მეწამული ზღვის აღმოსავლეთ სანაპიროს დაკავება, რის შემდეგ შეეძლოთ კავშირის დაკარგვა ზემო ეგვიპტის ტერიტორიაზე მოქმედ მაშლუქებთან და ერთიანი ძალით ბრძოლის წარმართვა ოსმალების წინააღმდეგ. — სერიოზულ საფრთხეში აყენებდა თურქების ბატონობას არა მარტო არაბეთში, არამედ მესოპოტამიასა და მთელ მცირე აზიაშიც. საშიშროების თავიდან ასაცილებლად სტამბოლში 1803 წელს, მიიღეს გადაწყვეტილება, რომლითაც არაბი „პურიტანების“ დამარცხება, მათ მიერ დაკავებულ ტერიტორიაზე ოსმალთა ძალაუფლებისა და მის სათავეში მდგომი სულთნის (ამავე დროს ხალიფას) ავტორიტეტის აღდგენა-განმტკიცებას სელიმ III ავალებდა ვაჰაბიტების სახელმწიფოს მოსაზღვრე თავის ქვეშევრდომი პროვინციების: დამასკოს, ალექსის, ჯიდდას და ბაღდადის ფაშებს³⁶. მაგრამ ბაღდადის საფაშოში იმ დროს ადგილი ჰქონდა მძლავრ აჯანყებებს, რომლებიც თანდათან ფართოვდებოდა და საშიშ მდგომარეობაში აყენებდა საფაშო ხელისუფლებას. ამიტომ ალი ფაშამ გადაწყვიტა პირველ რიგში ქვეყნის საშინაო საქმეების მოგვარება, აჯანყებულთა დასჯა-დამორჩილება და საფაშოში მშვიდობის აღდგენა. ამ მიზნით მან 1803 წელს ილაშქრა ქურთისტანში, დაიმორჩილა და დახარჯა აჯანყებული ბაღდადის ტომი, ჩააქრო მუჰამედ ფაშა ჰილალის მეთაურობით დაწყებული მღელვარება მოსულში, დააწყნარა ჯებელ სინჯარის მხარე, ტელაფარში სიკვდილით დასაჯა აჯანყებული შამარის ტომის ბელადი მოლაღატე მუჰამედ აშ-შაუვი ძმასთან ერთად და შემოდგომაზე დაბრუნდა ბაღდადში.

აჯანყებების ჩაქრობით ალი ფაშამ მოახერხა ერაყში სიწყნარის აღდგენა, საფაშოს ტერიტორიის გაერთიანება და თავისი ხელისუფლების განმტკიცება. ამის შემდეგ იგი შეუდგა ვაჰაბიტების წინააღმდეგ სალაშქროდ მზადებას, ჯარის შეგროვებას, სურსათ-სანოვაგით, იარაღ-საჭურვლითა და გადასაზიდი საშუალებით მის მომარაგებას. მაგრამ ვერც ამას მოასწრებდა, ვაჰაბიტების სახელმწიფოში მოხდა ერთი მნიშვნელოვანი ფაქტი, რომელმაც ძირფესვიანად შეცვალა მდგომარეობა.

საქმე ისაა, რომ 1803 წლის 4 ნოემბერს (1218 წ. რაჯაბის 18,

³⁶ А. А да м о в, დასახ. ნაშრომი, გვ. 398.

პიჯრით) ერთმა ირანელმა, სახელად აღან მულამ, რომელმაც 1801 წელს ქერბელაზე ვაჰაბიტების თავდასხმისას, დაღუპული თავისი 3 შვილის სისხლის აღების მიზნით ვაჰაბიტობა მიიღო და ამირის მსახური გახდა, — მოჰკლა ვაჰაბიტების სახელმწიფოს მეთაური აბდ ალ-აზიზი. ამ უკანასკნელის ვაჟმა და ტახტის მემკვიდრემ სუ-ულმა მამის მკვლელობაში ბრალი ბაღდადის ფაშას ჰაფიზ ალის დასდო და იმავე წლის დასასრულს თავისი ლაშქრით ერაყის დასაპყრობად გაემართა, მაგრამ მიზანს ვერ მიაღწია. იგი ბასრა-ზუბაირის მისადგომებთან გამართულ ბრძოლაში დამარცხდა³⁷. ამ თავდასხმამ დაარწმუნა ბაღდადის ფაშა, რომ საჭირო იყო უფრო ენერგული მოქმედება ვაჰაბიტების წინააღმდეგ და 1804 წლის იანვრულს 75 000-იანი ლაშქრით ბაღდადიდან სამხრეთისაკენ დაიძრა, ჰილემში დაბინავდა და იქ გამოიზამთრა. გაზაფხულზე იმის შიშით, რომ არაბეთის უნაყოფო ველებში ხანგრძლივი ლაშქრობისას ვერ უზრუნველყოფდა თავის ვეება ლაშქარს წყლითა და სურსათ-სანოვაგით, ალი ფაშამ მიზანშეუწონლად მიიჩნია მთელი ჯარის გაგზავნა და დაადგა პარტიზანული ბრძოლის გზას, რითაც მისდა უნებურად გაუიოლა ბრძოლა ვაჰაბიტებს. ჰილედან გაგზავნილ ბაღდადის ლაშქრის მცირე რაზმებს თავს ეხსმოდნენ უდაზნოს კარგად შეგუებული სუჰუდის მხედრები და ანადგურებდნენ მათ 5 თვეზე მეტი ხნის განმავლობაში, სანამ ქურთისტანში ხელახლა დაწყებულმა აჯანყებებმა არ აიძულა ალი ფაშა თავისი ნახევრად განადგურებული ლაშქრით დაბრუნებულიყო ბაღდადში.

მას შემდეგ, როცა ალი ფაშა დაბრუნდა ბაღდადში და შეუდგა აჯანყებული ქურთების დაწყნარებას, ვაჰაბიტები სუჰუდის ვაჟის აბდულას მეთაურობით არაერთხელ შეიჭრნენ ერაყის ტერიტორიაზე, მაგრამ წარმატება ვერ ნახეს. სამაგიეროდ სუჰულმა ამ ხანებში შემოიმტკიცა მასკატი, 1804 წლის დასასრულს დაიკავა ქ. მედინა, განამტკიცა თავისი ხელისუფლება ჰიჯაზში (ჯიდას გამოკლებით) — მუსლიმთა წმინდა ადგილების ქვეყანაში, მომლოცველთა ქარავნებს გადაუკეტა მექა-მედინაში შესასვლელი გზები, დააწესა მათზე ბაჟები, უჩვეულოდ გაზარდა თავისი სამეფო ძალა, ავტორიტეტი და ბოლოს ბრძანება გასცა მექა-მედინის მეჩეთებში ხალიფა-სულთნის ნაცვლად მიაი სახელი მოეხსენებინათ³⁸.

სუჰუდის ამ ბოლო ღონისძიებამ, უფრო მეტად კი იმან, რომ შეწყვეტილ იქნა „ჰაჯი“ (მომლოცველთა შეშვება მექა-მედინა-

³⁷ L. A. Согапсез, დასახ. ნაშრომი, გვ. 52—53 და შმდ.

³⁸ იქვე, გვ. 66—67 და შმდ; A. Адамов, დასახ. ნაშრომი, გვ. 400.

ში), შეაშფოთა როგორც ოსმალეთის ხელისუფლება, ასევე მსოფლიოს ყველა ქვეყნის მკამბდიანი. სტამბოლში სულთნის სახელზე ყოველი მხრიდან მიდიოდა მოთხოვნები, რომლებშიც ისინი სვლით III-ს მოუწოდებდნენ, მიეღო გადამწყვეტი ზომები მუქამედინიდან ვაჰაბიტების გასაძევებლად.

რამდენადაც ეს თხოვნები ოსმალეთის იმპერიის ცენტრალური ხელისუფლების ინტერესებსაც შეესაბამებოდა, სულთნის დივანი ვანხილვისას მიიღეს ის და 1806 წელს სელიმ III-ის ბრძანებები დაეგზავნათ ალექს, ჯიდას, დამასკოს და ბაღდადის გამგებლებს ვაჰაბიტების წინააღმდეგ საომარი მზადების შესახებ. პირადად ალი ფაშას წინადადება მიეცა თავს დასხმოდა საუდის სახელმწიფოს ერაყის მხრიდან იმ ანგარიშით, რომ უზრუნველყო თურქეთის არმიის შესვლა და წარმატებები ჰიჯაზის ტერიტორიაზე³⁹.

ალი ფაშა ამჯერადაც საფაშოს შინაური ამბების მოგვარებით ცოცხალი დაკავებული და სტამბოლიდან მიღებული ბრძანების შესასრულებლად აღარ ეცალა. როგორც ზემოთ აღვნიშნეთ, 1805 წელს, როცა ბაღდადის არმია ვაჰაბიტებს ეომებოდა, ყარაჩოლანის ბეგმა აბდ არ-რაჰმან ფაშა ბაბანმა (ადრე სულეიმანიეს ყოფილმა გამგებელმა, რომელიც ალი ფაშამ თანამდებობიდან გადააყენა) დაიწყო მეზობელი სანჯაყების დაპყრობა ქურთისტანში. ის თავს დაესხა ქოის სანჯაყის გამგებელს მუჰამედ ფაშას და სასტიკად გაუსწორდა მას. ალთუნ კუპრისთან დაამარცხა სულეიმანიეს ფაშა ხალედი, დაიკავა შაჰრიზურის დიდი ნაწილი, გადაუდგა ბაღდადის ფაშას და მოემზადა მასთან საბრძოლველად.

ერაყის ჩრდილო ნაწილში შექმნილმა ასეთმა სერიოზულმა ვითარებამ აიძულა ალი ფაშა შეეწყვიტა საომარი მოქმედება ვაჰაბიტებთან და თავისი არმიის ნარჩენებით გაეშურა აბდ არ-რაჰმანის დასახკელად. გადამწყვეტი ბრძოლა მოხდა ქირქუქის მახლობლად და დასრულდა ბაღდადელთა გამარჯვებით. დამარცხებული ქურთების ლაშქარი ალი ფაშას დანებდა, ხოლო მათი მეთაური ზრძოლის ველიდან გაიქცა და ერთხანს თავს აფარებდა ბილბასის ტომში (ჩრდილოეთ ერაყში) იმ იმედით, რომ ეს უკანასკნელი ლაშქრით დაეხმარებოდა, მაგრამ, როცა იმედი გადაუწყდა, წყალობის სათხოვნელად ირანში გაემგზავრა⁴⁰.

³⁹ А. А. Дамов, დასახ. ნაშრომი, გვ. 400.

⁴⁰ Rousseau, დასახ. ნაშრომი, გვ. 104—105; C. I. J. Rich, Narrative of a Residence Koordistan, London, 1836, p. 384.

ირანში ამ დროს ქერიმ ხან ზენდის გარდაცვალების შემდეგ ტახტის მამძიებელთა შორის გაჩაღებული ბრძოლა და შინაფეოდალური არეულობა უკვე დამთავრებული იყო. XIX საუკუნის დამდეგისათვის ფათჰ ალი შაჰმა (იგივე ბაბა ხანმა) თავის ხელისუფლებას დაუმორჩილა ხორასანი, აქამდე ნადირ შაჰის შეილ-შვილს რომ ეკავა. მან დროებით ბოლო მოუღო ქვეყნის დაქსაქსულობას, მოახერხა ერთიანი სახელმწიფოს შექმნა და საომარი მოქმედება გადაიტანა ქვეყნის გარეთ. ჩრდილოეთში ის აქტიურად ებრძოდა რუსეთს და იცავდა კავკასიის მიტაცებულ მიწა-წყალზე შექმნილ თავის სამფლობელოებს. დასავლეთში კი სარგებლობდა რა ოსმალეთის იმპერიის საერთო კრიზისით, აპირებდა ერაყ-ქურთისტანის თურქული ნაწილების დაპყრობას. ამიტომ, გასაგებია, რომ ასეთ დროს აბდ არ-რაჰმან ფაშას გამოცხადებას შაჰის კარზე დახმარების სათხოვნელად განსაკუთრებული მნიშვნელობა ჰქონდა ირანის ხელისუფლებისათვის. ეს იყო ყველაზე ხელსაყრელი შემთხვევა, რომელიც საბაბს აძლევდა შაჰს ჩარეულიყო ოსმალეთის საშინაო საქმეში და განეხორციელებინა თავისი გეგმები ერაყ-ქურთისტანის მიმართ. ლტოლვილი ფაშა პატივით მიიღეს თეირანში და, რადგან ირანი მაშინ რუსეთს ეომებოდა, პირველ ხანებში აბდ არ-რაჰმანს ის აკმარეს, რომ სათანადო გასამრჯელო დაუწესეს და საიმედო თავშესაფარი მიუჩინეს. როცა 1806 წელს ირან-რუსეთს შორის საზავო მოლაპარაკება დაიწყო, ბაბა-ხანმა სხვა წყალობაც არ მოაკლო მას. წერილებით მიმართა როგორც ალი ფაშას, ასევე სელიმ III-ს, რომლებსაც სთხოვა აბდ არ-რაჰმანის დაბრუნება ქურთისტანში და სულეიმანიეს გამგებლად მისი დანიშვნა⁴¹. ამავე დროს მან თავისი უფროსი ვაჟი მუჰამედ ალი მირზა ქერმანშაჰის გამგებლად გაამწესა, საგანგებო უფლებებით აღჭურვა, დიდი ლაშქარი ჩააბარა⁴² და ერაყის საზღვართან დადგომა უბრძანა⁴³.

ირანის ხელისუფლების ამგვარ მოქმედებას ალი ფაშა, ცხადია, გულგრილად ვერ შეხვდებოდა, მან უფრო ადრე, ვიდრე

⁴¹ R o u s s e a u, დასახ. ნაშრომი, გვ. 105, იხ. აგრეთვე «Les representations a faire à Joussouf Pacha et au Grand Visir du Sultan de Roum» (AKAK, m. III, стр. 520).

⁴² რუსოს სიტყვით, ეს ლაშქარი 29000 კაცისაგან შედგებოდა (იხ. მისი დასახ. ნაშრომი, გვ. 105). გენ.-მაიორ ნესევეტაევის ცნობით კი მისი რიცხვი 30000 უნდა ყოფილიყო (AKAK, т. III, стр. 520).

⁴³ R. G. W a t s o n. A History of Persia from the beginning of the XIX Century to the year 1858, London, 1866, pp. 155—156.

სტამბოლიდან რაიმე განკარგულებას მიიღებდა, უარყო შაჰის წინადადება. თავისი ლაშქრით საფაშოს აღმოსავლეთ საზღვრის გასამაგრებლად გაემართა. ქ. ხანეკინში დაბანაკდა და შაჰის ვაზირის მიზნა შაფისათვის გაგზავნილ საპასუხო წერილში თავის მხრივ ირანის მთავრობას მოსთხოვა, რომ აჯანყებული აბდ არ-რაჰმანი გადაეცა ბაღდადის ხელისუფლებისათვის⁴⁴.

გარდა ამისა. მან ქოის გამგებელს ჯაფარ ყული ხანს გაუგზავნა შიკრიკი წერილით, რომელშიც მოუწოდებდა საერთო მტრის წინააღმდეგ სამოქმედოდ⁴⁵.

ამნაირად. ომი ერაცსა და ირანს შორის და მამასადამე. ირანსა და ოსმალეთს შორისაც 1806 წლის გაზაფხულზე გარდაუვალი გახდა. ოსმალეთმა დაიწყო ომისათვის მზადება, მაგრამ ევროპაში ნიმიღინარე ამბებმა, კერძოდ, რუსეთ-სათრანგეთს შორის მღვდომარეობის გამწვავებამ, ნაპოლეონ ბონაპარტის კარნახით ოსმალეთი ჩააბა რუსეთთან ომში⁴⁶. ეს გარემოება სხვა მიზეზებთან ერთად ხელს უშლიდა ოსმალეთს დაეწყო ომი ირანთან. ალბათ ამიტომ ამჟობინა სელიმ III-მ უკან დახევა და ალი ფაშას უბრძანა სასწრაფოდ დაბრუნებულიყო ბაღდადში.

სანამ სტამბოლში ირანთან ომის საკითხი გადაწყდებოდა, ამასობაში შაჰის ხელისუფლებასაც ეცეალა გუნება. რუსეთთან საზავო ხელშეკრულების ჩაშლამ, ასევე იმანაც. რომ სათრანგეთის დიპლომატია მას ურჩევდა ოსმალეთთან ბრძოლის დაწყების მაგიერ რუსეთის წინააღმდეგ საომარი მოქმედების გაგრძელებას, რათა ამ უკანასკნელს შესაძლებლობა არ მისცემოდა თავისი ჯარების თავმოყრისა და მთელი ძალით თრანგების წინააღმდეგ მოქმედებისა, ფაქტ ალი შაჰს ხელი ააღებინა ერაც-ქურთისტანის დაპყრობის განხორციელებაზე, მაგრამ მიუხედავად ამისა,

⁴⁴ А. А да м о в. დასახ. ნაშრომი, გვ. 401.

⁴⁵ Письмо гр. Гудовича к барону Будбергю, от 30-го августа 1806 года, № 35 (АКАК. 1869 г. т. III, стр. 520).

⁴⁶ «К Султану же писал французский Бонапарте, соглашая его иметь с Россиею войну, уверяя, ежели согласен будет на оное, то взамен Крымм отдан будет султану. Секретарь говоря сие, уверял меня, что Султан на такое предложение согласен, однако же сего не обнаруживает, а имеет переписку секретную как с французами, так и с пашами, а собираться всем войскам предписано в Карсе (Выписка из письма от 22-го сентября из Караклиса, полученного в Тифлисе 24-го того же сентября от К. Р. Аршгова при дистанции Памбакской находящегося за переводчика (АКАК. 1869, т. III, стр. 524)).

ბაღდადის ფაშამ იგი თავიდან მაინც ვერ აიციდინა. მაშინ, როცა ის თავისი ლაშქრით ქ. ხანეკინიდან საფაშოს დედაქალაქში დაბრუნდა, აბდ არ-რაჰმან ფაშა ირანის სამხედრო რაზმებით ქურთისტანში შეიჭრა. ამავე დროს, ერაყს ომის საფრთხე დაემუქრა სამხრეთიდანაც. გრძელდებოდა ვაჰაბიტების თავდასხმები, რაც ყველაზე მეტ ზიანს აყენებდა საზღვრისპირა რაიონებს — ბასრასა და მის გარშემო დასახლებული პუნქტების მოსახლეობას. 1806 წლისათვის მდგომარეობა იქ ისე გართულდა, რომ ბასრაში ყოფნა უკვე საშიში იყო, რის გამოც ინგლისის ოსტ-ინდოეთის კომპანიის ადგილობრივი წარმომადგენელი იძულებული გახდა, ბაღდადის ფაშას ნებაართვით, ბასრის პირისპირ, შატ ალ-არაბის მარცხენა ნაპირზე მდებარე პატარა დასახლებულ პუნქტ გარდილანში ფორტი აეგო, რათა ინგლისელ ვაჭრებს საქირო შემთხვევაში საშუალება ჰქონოდათ დაეცვათ თავი და თავიანთი ქონება თავდაპირველებისაგან⁴⁷.

ერაყში შექმნილმა ვითარებამ ალი ფაშა აიძულა თავისი შეიარაღებული ძალები ორად გაეყო და ნაწილი გაეგზავნა სამხრეთის საზღვრების გასამაგრებლად, ხოლო ნაწილი კი ჩრდილოეთში, ამბოხებული აბდ არ-რაჰმანის წინააღმდეგ.

ალი ფაშას მოქმედებას იმ დროს სისტემატურად ადევნებდა თვალს ირან-ოსმალეთს შორის უთანხმოების გამწვავებით დაინტერესებული რუსეთის დიპლომატია, რომლის ზოგიერთი მოღვაწის ნიშნულზეა სათანადო ცნობებს ვპოულობთ ერაყ-ქურთისტანის ამ ბრძოლების შესახებ. ამ მხრივ საყურადღებოა 1906 წლის 17 სექტემბერს პოლკოვნიკ სიმონოვიჩას მიერ საქართველოში ჯარების უფროს გენერალ-მაიორ ნესეცეტაევისათვის გაგზავნილი მოხსენებითი ბარათი, რომელშიც ის ქურთისტანის შესახებ იტყობინება, რომ „ბაღდადის ფაშამ ორ ბრძოლაში გაანადგურა სპარსელები“⁴⁸.

უფრო გვიან, 24 სექტემბერს, ყარსიდან დაბრუნებული კ. არ-შაგოვი იმავე კომპანიის შესახებ წერდა: „ბაღდადის ჯარს არა ერთხელ ჰქონდა შეტაკება სპარსელებთან და პირველად სპარსელებმა დაკარგეს 14 000 კაცი... ხოლო მეორედ სპარსელებმა დახოცეს ბევრი ბაღდადელი თურქი“⁴⁹. სხვა ცნობებითაც დასტურდება,

⁴⁷ J. L. Burgkhardt, დასახ. ნაშრომი, ტ. II, გვ. 206.

⁴⁸ Рапорт полк. Симоновича ген. - м. Несветаеву от 17-го сентября 1806 года, № 298 (АКАК, 1869 г., т. III, стр. 524).

⁴⁹ Выписка из письма от 22-го сентября, из Караклиса, полученного в Тифлисе 24-го того же сентября от К. Р. Аршагова при дистанции Памбакской находящегося за переводчика» (АКАК, т. III, стр. 524).

რომ აბდ არ-რაჰმანის წინააღმდეგ გაგზავნილ ალი ფაშას 60 000-იან ლაშქარს ქაჰია სულეიმან ბეგის (ტომით ქართველი იყო) მეთაურობით პირველად მართლაც გაუმარჯვნია და უკუქცეულ მტერს ირანის ტერიტორიაზე შეჰყოლია⁵⁰, მაგრამ შემდეგ, როგორც რ. უოტსონი აღნიშნავს, დამარცხებულა: „თურქები დამარცხდნენ და სპარსელებმა მოსულის მისადგომამდე სდიესო“⁵¹. შემდეგ კი იმასაც დასძენს, რომ ბაღდადის არმიის მეთაური ირანელებს დაუტყვევებიათ და თეირანში გაუგზავნიათ, ხოლო შაჰს შეუწყალებია, გაუთავისუფლებია და ამის საზღაურად აბდ არ-რაჰმანისათვის შაჰ-რიზუის ბეგლარბეგობა დაუმტკიცებიათ⁵².

იმ დროს, როცა ჰაფიზ ალი ფაშა ხმლის ქნევა უხდებოდა ჩრდილოეთით და სამხრეთით მოძალებულ მტრებთან, ბაღდადში შეიქმნა ოპოზიციური ჯგუფი, რომელსაც სათავეში ედგა 1804 წელს ბათუმიდან ჩასული ალის ყოფილი ბატონი, მაღალ ბეგი⁵³.

აბას ალ-აზავის ცნობით, „ის საიდუმლოდ შეუთანხმდა მუჰტაფა აფხაზს, აგრეთვე მის მსგავსთ და მათ, რვა თუ ცხრა კაცმა, პირობა დასდეს, მოეკლათ ვაზირი“⁵⁴. სანამ ამას შეასრულებდნენ, შეთქმულებას ერთ-ერთმა მოთავემ, ალი ფაშას ქვისლმა, ნასიფ აღამ, სულეიმან ბუიუქის გარდაცვალების შემდეგ ბაღდადის საფაშოს გამგებლის თანამდებობის დაკავებას რომ ლაშობდა, ქალაქში აგიტაცია გააჩალა და ალის ბრალი დასდო მოღალატეობაში, კერძოდ, ვაჰაბიტებთან კავშირში და ტყუილად სისხლის ღვრაში. გ. ლუკის მიხედვით, შეთქმულება ორგანიზებული იყო ინგლისის დანებარებით⁵⁵.

1807 წელს შეთქმულებმა მოახერხეს ფაშას მსახურთა გარკვეული ნაწილის მოსყიდვა და 29 აგვისტოს⁵⁶ (1222 წ. 24 ჭუმალა

⁵⁰ A. А да м о в, დასახ. ნაშრომი, გვ. 402.

⁵¹ R. G. Watson, დასახ. ნაშრომი, გვ. 155.

⁵² იქვე; А. Ио а н н и с я н, Присоединение Закавказья к России и международные отношения в начале XIX столетия, Ереван, 1958, стр. 133.

⁵³ S. H. Longrigg, დასახ. ნაშრომი, გვ. 224; تاريخ جودت, ტ. VIII გვ. 268.

⁵⁴ الغزأوى, დასახ. ნაშრომი, გვ. 178.

⁵⁵ В. Б. П у ц к и й, Новая история арабских стран, М., 1966, стр. 57.

⁵⁶ ლაგრიგის აზრით, 18 აგვისტოს, ხოლო აჰმედ ჯევედისა კი 20 აგვისტოს.

სანიეს ჰიჯრით), როცა ჰაფიზ ალი სასახლეში დილის ლოცვას ასრულებდა, მადად ბეგმა იგი მოწამლული ხანჭლით განგმირა⁵⁷. დასაფლავებულია სასახლის მახლობლად მის მიერვე აგებულ მე-დრესეში⁵⁸.

როგორც ვნახეთ, ალი ფაშას მმართველობის წლები იყო გა-
ნუწყვეტელი ბრძოლის ხანა ერაყის ისტორიაში და ხასიათდებოდა
ქვეყნის როგორც პოლიტიკური, ასევე ეკონომიური დასუსტებით.
პოლიტიკურად ეს გამოიხატა ბაღდადის საფაშოდან ქურთისტანის
ფაქტიური ჩამოშორებით 1806 წელს. ეკონომიურად კი იგი იმაში
მდგომარეობდა, რომ ის გაუთავებელი ომები, რომლებიც ერაყის
გამგებელს ჰქონდა გარეშე თუ შინაურ მტრებთან, მოითხოვდა
ჯარის რიგების ზრდას, ე. ი. ქვეყნის შრომისუნარიანი მოსახლეო-
ბის მობილიზაციას. ამას თან სდევდა საქალაქო ცხოვრებისა და
სოფლის მეურნეობის დაცემა, ამავე დროს გაიზარდა სახელმწიფო
ხარჯები და მოთხოვნილება სურსათ-სანოვაგესა და საბრძოლო
აღჭურვილობაზე, ურომლისოდაც ალი ფაშას მიერ ფრანგულ ყაი-
დაზე შექმნილ ახალ არმიას არც მოქმედება შეეძლო და არც არ-
სებობა. ასეთი აუცილებლობით საფაშოში დაიწყო ფულადი გა-
დასახადის ზრდა და გადასახდელმა თანხამ 7,5 მლნ პიასტრს მიაღ-
წია⁵⁹.

თუ გავითვალისწინებთ იმასაც, რომ ფულადი გადასახადის
გარდა მოსახლეობა იხდიდა მრავალი სახის ნატურალურ გადასა-
ხადსაც, მაშინ გასაგები იქნება, თუ რაოდენ მძიმე უნდა ყოფილიყო
ბაღდადის საფაშოს მოსახლეობის მწარმოებელი ფენების მდგომა-
რეობა.

ალი ფაშას საბრძოლო გზის ერთი თვალის გადავლებითაც კი
შეიძლება დავრწმუნდეთ იმაში, რომ ის სამხედრო ნიჭით დიდად
ჩამოუვარდებოდა მის წინამორბედ გამგებლებს სულეიმან აბუ
ლაილსა და სულეიმან ბუიუქს. მაგრამ აქვე უნდა აღინიშნოს, ისიც,
რომ იგი საკმაოდ ფრთხილი და წინდახედული მოღვაწე იყო, რო-
მელმაც თავისი მოქმედებით არა მარტო შემკვიდრეობით მიღებუ-
ლი ტერიტორიის დაცვა შესძლო სიცოცხლის ბოლო ხანებამდე,
არამედ დააინტერესა რუსეთის საიდუმლო დიპლომატია. თუმცა

⁵⁷ Cl. Huart, დასახ. ნაშრომი, გვ. 162.

⁵⁸ الغزوي, დასახ. ნაშრომი, გვ. 179.

⁵⁹ Rousseau, დასახ. ნაშრომი, გვ. 30.

საამისო მასალები გვაკვლია ჯერჯერობით, მაგრამ არ შეეცდებით თუ ვიტყვით, რომ ჰაფიზ ალი ფაშას დროიდან ბაღდადის გამგებელ ქართველ ფაშებსა და კავკასიის რუს ხელისუფალთა შორის მყარდება პოლიტიკური ურთიერთობა¹, რაც აშკარად ჩანს მისი გარდაცვალების შემდეგ. სულეიმან ფაშა „ქუჩუქი“-ს გამგებლობის დროს (1807—1810).

თ ა ვ ი მ ე ო რ ე

სულეიმან ფაშა ქუჩუქი

ერაყის გამგებელი „ქულემენების“ დინასტიის ერთ-ერთი წარმომადგენელია სულეიმან ფაშა „ქუჩუქი“¹, რომელსაც თანამედროვე არაბი ისტორიკოსები სულეიმან III-ს უწოდებენ.

ა. ადამოვისა და ჯ. კინეირის აზრით, სულეიმან „ქუჩუქი“ ქართველთა², აჰმედ ჯევედეთის მიხედვით კი აფხაზი³. დაბადებულა 1785 წელს ღარიბი გლეხის ოჯახში და მის ძიძიშვილთან⁴ ერთად ბაღდადში წაუყვანია ბიძამისს ალი ფაშას⁵, ბაღდადში მიყვანილი პატარა სულეიმანი სასახლის კარზე იზრდებოდა. იქვე მიიღო

⁶⁰ ამ მხრივ ინტერესს მოკლებული არ უნდა იყოს გრაფ გუდოვიჩის მიერ ბარონ ბუდბერგისადმი გაგზავნილი წერილი (1806 წ. 30 აგვისტო, №35). რომელშიც სხვათაშორის ჩაიქვამია: «Командующий войсками в Грузии ген.-м. Несветаев от 11-го августа уведомил меня..., что к Джафар-Кули-Хану Хойскому, находящемуся у нас от Багдадского бегларбека Али-паши прибыл посланный с письмом в котором он... приглашает Джафар-Кули-Хана Хойского к себе для действия против Баба-Хана» (АКАК, 1869, т III, стр. 520). აგრეთვე გენერალ-მაიორ ნე-ვეტაევის მიერ ბარონ როზენისათვის გაგზავნილი მოხსენებითი ბარათი (1806 წ. 25 სექტ. № 22), სადაც ეკითხულობთ: «Считаю нужным отправить лазутчика в Багдад увериться в сражениях Турецких с персиянами и что там происходит» (АКАК, т. III, стр. 524).

¹ ქუჩუქ — მცირე, ასე ეძახდნენ მას ერაყში.

² A. Adamov, დასახ. ნაშრომი, გვ. 405; «Soliman was a Georgian by birth» (J. Kinneir, დასახ. ნაშრომი, გვ. 309).

³ تاريخ جودت, ტ. IX, გვ. 246.

⁴ იქვე, ტ. XI, გვ. 22; C. I. Huari, დასახ. ნაშრომი, გვ. 164.

⁵ მექედ სურეისის მიხედვით სულეიმანი ალის დისშვილი იყო (محمد ثريا დასახ. ნაშრომი, გვ. 93).

სათანადო აღზრდა-განათლება და მალე დაწინაურდა. ცხრამეტი წლისას ქაიას თანამდებობა უბოძეს და საფაშოს შეიარაღებული ძალების სარდლობა მიანდეს. როგორც ზემოთ აღვნიშნეთ, 1806 წ. მაისში ახალგაზრდა სულეიმან ბეგი ხელმძღვანელობდა ქურთის-ტანის ლაშქრობას, რომლის დროსაც ის დაატყვევეს და გაგზავნეს შაჰის კარზე თეირანში. რამდენიმე თვის შემდეგ მან თავი დააღწია ტყვეობას⁶ და ბაღდადში დაბრუნდა. 1807 წელს სულეიმანი ხელმეორედ დანიშნეს ქაიას თანამდებობაზე. იმავე წლის აგვისტოში ალი ფაშაზე თავდასხმის დროს ის შემთხვევით გადარჩა და ბიძის ტრაგიკულად დაღუპვის შემდეგ ხელში აიღო საფაშოს გამგებლობა, როგორც ტახტის კანონიერმა მემკვიდრემ (ალის დის-შვილმა, ქაჰიამ და სიძემ), სათავეში ჩაუდგა შეიარაღებულ ძალებს, დაიკავა სახელმწიფო დაწესებულებები, ხაზინა და შეთქმულების განადგურებას შეუდგა. არტილერიის მომარჩვევით და ფრანგი ოფიცრების⁷ დახმარებით მან შესძლო სასახლია ხელში ჩასაგდებად იერიშზე გადმოაშულ ნასიფ ალას რაზმების უკუქცევა, გაათავისუფლა მოწინააღმდეგის მიერ დაკავებული ქალაქის უბანი და საბოლოოდ დაამარცხა შეთქმულნი, მათი ზეუადები (ნასიფ ალა, მადად ბეგი, მუსტაფა აბაზა) შეიპყრო და სიკვდილით დასაჯა.

სულეიმან ბეგის გამარჯვებით კმაყოფილი ბაღდადის დიდკაცობა — სწავლულნი და დიდებულნი სასახლეში შეიკრიბნენ, ქაჰიას ერთგულება შეჰფიცეს, ერთხმად ტახტის მემკვიდრედ აირჩიეს და მირმირანის წოდება უბოძეს. შემდეგ, ჩვეულებისამებრ, თავიანთი გადაწყვეტილება საგანგებო შიკრიკის ხელით ოსმალეთის მთავრობას გაუგზავნეს და სთხოვეს, რომ ბაღდადის საფაშოს გამგებლად დამემტკიცებინა სულეიმან ბეგი⁸. თავის მხრივ ის პირობას სდებდა, რომ გადაიხდიდა 10 000 ბურსს (5 მილ პიასტრს), რომლის ნახევარი სულეიმან ბეგის გადაუხდელი თანხა, ხოლო დანარჩენი ალი ფაშას გადასახდელი ფული იყო⁹. მაგრამ სტამბოლში იმ დროს სულ საწინააღმდეგო გადაწყვეტილება მიიღეს. სულთნის ხელისუფლებას „სურდა ბაღდადის განთავისუფლება მონა მხედრებისაგან“¹⁰, ე. ი. ქართველ ქულეშენებისაგან, რომლებმაც 1749

⁶ L. A. Саганцев, დასახ. ნაშრომი, გვ. 95.

⁷ ისინი ალი ფაშამ მოიწვია სარტილერო კვანაცოფის შესაქმნელად და არტილერისტთა გასაწვრთნელად.

⁸ А. В андалъ, Наполеон и Александр I, СПб., 1910, т. I, стр. 391.

⁹ С. I. Нuart, დასახ. ნაშრომი, გვ. 163.

¹⁰ تاریخ جودت, ტ. VIII, ვგ. 270.

წელს ხელში აიღეს ძალაუფლება ბაღდადის საფაშოში და ისე მოძლიერდნენ, რომ XVIII საუკუნის 90-იანი წლებიდან ზმირად სხვადასხვა მიზეზით უარს ამბობდნენ სულთნისათვის სავალდებულო წლიური გადასახადის მიცემაზე, თვითონ ირჩევდნენ ტახტის მემკვიდრეს, კავშირი ჰქონდათ უცხო ქვეყნებთან, კერძოდ ინგლისთან და ამიერკავკასიაში რუსეთის ხელისუფლების წარმომადგენლებთან ან მათ აგენტებთან; საქართველოდან მიჰყავდათ ნათესავები, ყიდულობდნენ უცხოეთში წაყვანილ ტყვე ქართველებს და ასე ზრდიდნენ თანამემამულეთა რიცხვს სამშობლოდან შორს მდებარე ერაყის ცენტრში. ჭვედეთის ცნობით, 1797 წლისათვის მარტო ბაღდადში 1000-მდე მონა მხედარი იყო¹¹, სხვა მონაცემებით კი ოთხჯერ მეტი. დაახლოებით ამდენივე ქართველი გაფანტული იყო საფაშოს სხვა ქალაქებში და ეკავათ ხელმძღვანელი პოსტები. ასე მაგ., „ჰილეს რაიონს, რომელიც გადაჭიმულია ჩრდილო ჰუსეინიდან სამხრეთით მდებარე ჰასამდე... ყოველთვის განაგებდა ან თურქი ან ქართველი“¹², რომ არაფერი ვთქვათ ქ. ბასრაზე. საიდანაც დაწინაურდნენ ერაყის პირველი ქართველი გამგებლები სულეიმან I (აბუ ლაილი), სულეიმან II (ბუიუქი), სულეიმან III (ქუჩუქი), მისი ძიძიშვილი აჰმედ ბეგი, დაუდ ფაშას ძმა დიმიტრი და სხვები. ერთი სიტყვით, ქართველი ქულემენების სახით ოსმალეთის იმპერიის სამხრეთ აღმოსავლეთ ნაწილში, ირანის საზღვართან, იქმნებოდა ისეთი ძალა, რომელსაც ყოველ წუთში შეეძლებოდა თურქების ბატონობით უკმაყოფილო არაბი მოსახლეობის მიმხრობა და მათი მხარდაჭერით უარის თქმა სულთნის მორჩილებაზე. ამიტომ ამ სახიფათო ეკლის ამოძრობის მიზნით პორტამ ამჯერადაც უარი შეუთვალა ბაღდადის წარჩინებულთა თათბირის მონაწილეებს და არ დაამტკიცა ბაღდადის ფაშად ქაჰია სულეიმანი. მის ნაცვლად ბაღდადისა და ბასრის გამგებლად დაინიშნა არზრუმის ფაშა ჰაჯი იუსუფი¹³. ქაჰია ბეგს კი სასიკვდილო განაჩენი გამოუტანეს¹⁴.

მაგრამ ამგვარი ღონისძიებების განხორციელება სულთანმა ვეღარ მოახერხა. ამაში მას ხელი შეუშალა როგორც ქვეყნის არა-

¹¹ تاريخ جودت, ტ. VIII, გვ. 270.

¹² C. I. J. R i c h, დასახ. ნაშრომი, გვ. 51.

¹³ АКАК, т. III, стр. 758.

¹⁴ Письмо гр. Румянцева к гр. Гудовичу, от 15-го января 1808 года, (АКАК, 1869, т. III, стр. 561).

ხელსაყრელმა საშინაო და საგარეო მდგომარეობამ, ასევე საფრანგეთისა და რუსეთის ჩარევამ ოსმალეთის საშინაო საქმეებში.

* * *

1807 წლისათვის სელიმ III-ის რეფორმებმა ოსმალეთის სახელმწიფო კრიზისი უმადლეს საფეხურზე აიყვანა. ხელისუფლების ცდამ, შეექმნათ „ნიზამი ჭედილ“-ის რაზმები რუმელიაში, 1806 წელს გამოიწვია იქ იენიჩართა ახალი მძლავრი აჯანყება, რომელსაც მხარს უჭერდნენ მთელი რუმელიის აიანებიც. ამ გარემოებამ ცენტრალური ხელისუფლება იძულებული გახადა წასულიყო დათმობაზე; გაიწვია თავისი ჭარი რუმელიიდან და გამოსცა ბრძანება იქ „ახალი სისტემის“ გავრცელებაზე უარის თქმის შესახებ. ამასთანავე გადააყენა თანამდებობიდან დიდი ეაზირი და შეიხუ ლ-ისლამი. მიუხედავად ამისა, სულ უფრო და უფრო იზრდებოდა ბრძოლა სერბიაში. უკვე 1806 წლიდან აშკარა გახდა ამ ბრძოლის ანტიოსმალური ხასიათი და სულთანმა შეეცადა სერბი ხალხის ეროვნული მოძრაობის სისხლში ჩახშობას, მაგრამ წარმატებას ვერ აღწევდა.

რუმელიის მსგავსად აჯანყების აღში იყო გახვეული ანატოლიაც. 1807 წელს აჯანყება მოედო დიარბაქრის, მარდინისა და ბალდადის საფაშოებსაც, წარმატებით აფართოებდნენ თავიანთი სახელმწიფოს ტერიტორიას აგრეთვე ვაჰაბიტები. არც ეგვიპტეში სუფევდა მშვიდობიანობა.

საშინაო აშლილობასთან ერთად საგრძნობლად უარესდებოდა ოსმალეთის იმპერიას საგარეო მდგომარეობაც. 1806 წ. ნაპოლეონ ბონაპარტის კარნახით ოსმალეთის ხელისუფლებამ დაარღვია 1805 წ. რუსეთთან დადებული სამოკავშირეო ხელშეკრულება და ამით ფაქტიურად ომი გამოუცხადა მას. თუმცა საჭიროა ისიც ითქვას, რომ საფრანგეთის მოთხოვნის გარდა ოსმალეთის მიერ „ზავის დარღვევის ერთ-ერთი მიზეზი დასავლეთ საქართველოში რუსეთის შემოჭრაც იყო“¹⁵. ომის გამოცხადების შემდეგ აქ აქტიურ ბრძოლებს ეწეოდა რუსეთის არმია ქ. ფოთის განსათავისუფლებლად, რომელშიც მთავარი სიმძიმე ქართველ სამხედრო ქვედანაყოფებს აწევთ.

ოსმალეთის მოქმედების საპასუხოდ რუსეთი გარდა კავკასიის ფრონტისა, საომარ ოპერაციებს აწარმოებდა თურქეთის ჭარის

¹⁵ საქართველოს ისტორია, თბ., 1956, ნაწ. 1, გვ. 393.

წინააღმდეგ ბალკანეთშიც. 1806—1807 წწ. ზამთარში რუსეთის ჯარი შევიდა მოლდავია-ვალახეთში, უშუალოდ დაუკავშირდა სერბიაში ყარა გიორგის მეთაურობით მოქმედ აჯანყებულებს და ელოდა ნტრის გამოჩენას. ამავე დროს ოსმალეთს ომი გამოუცხადა რუსეთის მოკავშირე ინგლისმა. თებერვალში ინგლისის სამხედრო ხომალდების ესკადრა შევიდა მარმარილოს ზღვაში და ოსმალეთის ხელისუფლებას მოსთხოვა საფრანგეთთან კავშირის გაწყვეტა, ლევანტ სებასტიანის დაუყოვნებლივ გაძევება კონსტანტინოპოლიდან და რუსეთთან საომარი მოქმედების შეწყვეტა. ერთი თვის შემდეგ ინგლისმა საზღვაო დესანტი გადასხა ალექსანდრიაში, რათა ეგვიპტე ჩამოეშორებინა ოსმალეთისაგან.

1807 წლის გაზაფხულზე სულთნის დივანმა მიიღო დადგენილება, რომლის თანახმად ინგლისელების წინააღმდეგ მოქმედება ეგვიპტეში დაევალა მუჰამედ ალის, ხოლო რუსეთის შეიარაღებულ ძალებთან ბრძოლა დიდ ვაზირს.

იმ დროს, როცა სტამბოლიდან წასული ჯარით დიდი ვაზირი სხვა მაღალი ჩინის სახელმწიფო მოხელეთა თანხლებით ბალკანეთში იმყოფებოდა და ოსმალეთის შეიარაღებული ძალები, როგორც იქ, ისე კავკასიაში მარცხს მარცხზე განიცდიდნენ, დედაქალაქში დარჩენილმა შეიხუ ლისლამმა კაიმაკამ ფაშასთან¹⁶ ერთად ისარგებლა მომენტით და სულთნის წინააღმდეგ შეთქმულება მოაწყო; მათ აჯანყეს ბოსფორის ფორტების გარნიზონი, მას შეუერთდნენ იენიჩარების რაზმებიც და 1807 წლის 29 მაისს საქმე გათავდა სელიმ III-ის ხელისუფლების დამხობითა¹⁷ და ტახტზე მუსტაფა IV-ის ასვლით.

მაგრამ მშვიდობა ამით მაინც არ დამყარებულა. დაიწყო რეაქციის ხანა, რეფორმის მომხრეთა სასტიკი დასჯა, რამაც საქმე საბოლოოდ კვლავ ახალ გადატრიალებამდე მიიყვანა. ხელისუფლებისაგან დევნილმა ზოგიერთმა რეფორმატორმა თავი შეაფარა რუშჩუკის ფაშა მუსტაფა ბაირაკტართან და მათ („რუშჩუკის მეგობრებად“ წოდებულებმა) 1808 წ. ივლისში იერიში მიიტანეს სასახლეზე, გადააყენეს მუსტაფა IV და ტახტზე დასვეს მაჰმუდ II¹⁸.

¹⁶ კაიმაკამ ფაშა — დიდი ვაზირის მოადგილე.

¹⁷ G. L. Lewis, Turkey, p. 32—33; А. Ф. Миллер, Мустафа паша Байрактар, стр. 128.

¹⁸ Новая история стран зарубежного Востока, М., 1952, т. I, стр. 301-305.

ასეთი იყო დაახლოებით ოსმალეთის სახელმწიფოს საშინაო და საგარეო მდგომარეობა იმ დროისათვის, როცა მოჰკლეს ბაღდადის საფაშოს გამგებელი ჰაფიზ ალი ფაშა და სტამბოლში დაისვა მისი შემცვლელის საკითხი.

როგორც აღვნიშნეთ, სულთნის ხელისუფლებას არ სიამოვნებდა ერაყში ქართველ ქულემენტა გაძლიერება და ამიტომ უარი უთხრა სულეიმან „ქუჩუქს“ საფაშოს გამგებლის პოსტის დაკავებაზე. მაგრამ საფრანგეთის წარმომადგენლის მტკიცე მოთხოვნამ და ზუქარამ შეაცვლევინა დივანს გადაწყვეტილება. საქმე ის იყო, რომ საფრანგეთის ახალგაზრდა ბურჟუაზიული სახელმწიფოს მზარდი გაბატონებული კლასის სასიცოცხლო ინტერესები მკიდროდ იყო დაკავშირებული სავაჭრო ბაზრების, ნედლეულის ბაზებისა და იაფი მუშახელის შოვნის წყაროების ზრდა-გაფართოებასთან. ეს ედო საფუძვლად მაშინ მთავრობის, როგორც გაბატონებული კლასის ინტერესების დამცველის, საგარეო პოლიტიკას, ნაპოლეონ ბონაპარტის დაპყრობით ომებს ევროპასა და აზიაში. 1798 წ. იელისში ეგვიპტეში მოწყობილი ლაშქრობით იგი მიზნად ისახავდა ამ ქვეყნის დაპყრობას და ევროპიდან ინდოეთისაკენ მიმავალი მთავარი სავაჭრო გზების ჩაქეტვას, ინდოეთის დამორჩილებას¹⁹, იქიდან ინგლისის გაქვეყნებას, ამ უკანასკნელის უპუროდ და უნედლეულოდ დატოვებას, ოსმალეთსა და ირანში თავისი გავლენის გაძლიერებას და მათ გამოყენებას რუსეთის წინააღმდეგ. მაგრამ ინგლის-ოსმალეთის შეთხრობებულმა ძალებმა 1801 წელს აიძულეს ფრანგების არმია დაეტოვებინა ეგვიპტე-სირია. უფრო მეტიც, ინგლისმა გააძევა საფრანგეთი მეწამული ზღვის აუზიდან და საგრძნობლად შეასუსტა მისი მდგომარეობა ირანშიც. მიუხედავად ასეთი მარცხისა ნაპოლეონს მაინც არ აუღია ხელი თავის განზრახვაზე ინდოეთის მიმართ²⁰ და ცდილობდა ირანში ფეხის მოკიდებას.

¹⁹ თეოტ ნაპოლეონის სიტყვით, „ფრანგების ექსპედიციის მთავარი მიზანი იყო აღმოსავლეთში ინგლისელთა ძლიერების დაშობა. ნილოსიდან უნდა წასულიყო არაშა და მეცა ინდოეთისათვის ახალი ეპოქება (იხ. К л о т Б е й, Египет в прежнем и нынешнем своем состоянии, СПб., 1845 ч. I, стр. XXXIX; Л. Ш. Гордионов, Египет, М., 1953, стр. 82).

²⁰ D r. R o u i r e, La Revolité Anglo-Russe au XIX Siècle en Asie, Paris, 1908, pp. 20—21.

1807 წლის 4 მაისს ფინკენშტეინში (აღმ. პრუსიაში) საფრანგეთსა და ირანს შორის დადებული სამოკავშირეო ხელშეკრულების თანახმად ნაპოლეონი შაჰის ხელისუფლებას ჰპირდებოდა სამხედრო იარაღითა და ოფიცრებით არმიის მომარაგებას, ასევე საქართველოდან რუსეთის გაძევებას და ამიერკავკასიის აღმოსავლეთ ნაწილის დაბრუნებას, სამაგიეროდ მისგან მოითხოვდა „...ავღანეთზე თავისი ჯარების თავისუფლად გავლის უზრუნველყოფას ინდოეთში ინგლისის სამფლობელოებზე თავდასასხმელად“ (მუხლი 10) ...და „ირანის ტერიტორიაზე საფრანგეთის არმიის გატარებას, თუკი ასეთი გაიგზავნებოდა ინდოეთში“ (მუხლი 12)²¹.

ამავე დროისათვის ნაპოლეონს უკვე შედგენილი ჰქონდა იმის გეგმაც, თუ რა გზით უნდა მოხვედრილყო მისი არმია ირანის ტერიტორიაზე. მისი აზრით, საფრანგეთის სამხედრო-სახმელეთო ჯარი ხმელთაშუა ზღვიდან „გადმოსული ორონტის შესართავთან, დაეშვებოდა მარაშიდან ეფფრატითა და შატ ალ-არაბით სპარსეთის ყურეში, ხოლო ბასრა გადაიქცეოდა მთავარ ბაზად მომავალი ოპერაციისათვის ინდოეთში²². ამრიგად, ინდოეთის დაპყრობის საქმეში ნაპოლეონი ეგვიპტის შემდეგ განსაკუთრებულ მნიშვნელობას ანიჭებდა როგორც ირანს, ისე ერაყს და უნდოდა თავისი მდგომარეობის განმტკიცება ოსმალეთის იმპერიის ამ მხარეში. განსაკუთრებითი ზიტიის ზავის (1807 წლის ივლისში) შემდეგ, როცა ურთიერთშორის მტრულად განწყობილი საფრანგეთი და რუსეთი, დროებით ერთმანეთის მოკავშირეები გახდნენ და ამით საფრანგეთის მთავრობას შესაძლებლობა მიეცა ინდოეთის დაპყრობაზე ეფიქრა.

მისია ერაყთან მკიდრო მეგობრული ურთიერთობის დამყარებისა დაკისრებული ჰქონდა საფრანგეთის ელჩს სტამბოლში გენერალ სებასტიანს, სელომ III-ის მრჩეველს და მის კარზე ყველაზე გავლენიან კაცს. თავისი მთავრობისაგან მიღებული დავალების შესრულების მიზნით, სებასტიანი 1807 წ. აქტიურად ჩაერია სულთნის საქმეში²³, წინ აღუდგა დივანის გადაწყვეტილებას ბაღდადის

²¹ А. Р. Ио а н и с я н, Присоединение Закавказья к России и международные отношения в начале XIX столетия, стр. 148. ხელშეკრულების სრული ტექსტი გამოაქვეყნა ალფრედ ვარდანაშაპაროზში 1865 წელს (Mission du General Gardane en Perse sous le Premier Empire, Paris, 1865, pp. 71—94).

²² F. R. Chesney, The Expedition for the Sourvey to rivers Euphrates and Tigris, London, 1850, vol. II, p. 536.

²³ سليمان نوار, დასახ. ნაშრომი, გვ. 46-47.

გამგებლად იუსუფ ფაშას²⁴ დანიშნვის შესახებ და მტკიცედ მოითხოვა იქ მმართველად სულეიმან ბეგის დამტკიცება²⁵.

ქაპია სულეიმან ბეგს მხარს უჭერდა აგრეთვე რუსეთის მთავრობაც. როგორც საფრანგეთის, ასევე რუსეთის ხელისუფლების ყურადღება მიპყრობილი იყო ერაყისაკენ. მხოლოდ იმ განსხვავებით, რომ პირველს იგი მიაჩნდა უწინარეს ყოვლისა გზად და ხილად, ინდოეთზე თავდასხმის ფორპოსტად, მეორეს კი ირან-ოსმალეთს შორის მუდმივი უთანხმოების წყაროდ და ამის გათვალისწინებით წარმართავდა თავის დიპლომატიურ საქმიანობას ამ ორ მეზობელ სახელმწიფოსთან, როცა მას სურდა მათ შორის ომის დაწყება თავისი მდგომარეობის შესამსუბუქებლად. მაგრამ 1807 — 1808 წლებში მოხდა სხვაგვარადაც. რუსეთის მთავრობა ახლაცდილობდა სელიმ III-ის უარი ბალდადის საფაშოს გამგებლად სულეიმანის დამტკიცებაზე და ამ უკანასკნელის უქმყოფილება გამოეყენებინა ოსმალეთის იმპერიის ცენტრალური ხელისუფლების წინააღმდეგ აჯანყების მოსაწყობად. საგარეო საქმეთა მინისტრი რუმეიანცევი 1808 წ. 15 იანვარს პეტერბურგიდან თბილისში გრაფ გულდოვიჩს სწერდა: „სანდო კაცის მეშვეობით შეიძლება ჩავაგონოთ აღელვებულ ქაპია-ბეგს, რომ... რუსეთის სამეფო კარი მხარს დაუჭერს პორტასაგან მის დამოუკიდებლობას და მის გამტკიცებლად მოეწყობა ძლიერი დივერსია იუსუფ ფაშას წინააღმდეგ, რომელსაც ამ მიზეზის გამო არ შეეძლება საქართველოს საზღვრიდან წასვლა ბალდადზე თავდასასხმელად და ქაპია-ბეგის ჩამოსაგდებად“²⁶.

რუსეთ-საფრანგეთის ამგვარმა დამოკიდებულებამ ერაყისადმი, მათმა (ისევე როგორც ბალდადის თავკაცების) აქტიურმა მხარ-

²⁴ ჰაჯი იუსუფ ზა ფაშა (1747—1818), წარმოშობით ქართველი, პატარაობისას დატყვევებული და ოსმალეთში წაყვანილი, ერზერუმის ფაშასთან იზრდებოდა, პატრონის გარდაცვალების შემდეგ ვახდა მისი მემკვიდრე, მიიღო მირმირანის ჩინი და ერზერუმის გამგებლობა; ეგვიპტეში ნაპოლეონის ლაშქრობის დროს ეკავა დიდი ეახირის პოსტი, უყვარდა სამხედრო-საწვრთნელი ეარჯიშობა, ე. წ. „ჟერილი“-თ (იგივე ჯირითი) თამაში. ერთ-ერთი ასეთი თამაშის დროს მოწაწაღმდეგის მიერ ნატყორცნი ჯოხი ეურ აიცილნა, თვალში ეცა და მოსთხარა, რის გამოც მას ხშირად ქერ ფაშას ანუ ცალთვალა ფაშასაც ეძახდნენ (იხ. А. Ф. Миллер, დასახ. ნაშრომი, გვ. 445).

²⁵ سارخ جودت, ტ. VIII, გვ. 269—270.

²⁶ Письмо гр. Румянцева к гр. Гудовичу, от 15-го января 1808 года, АКАК, т. III, стр. 582.

დაქერამ სულეიმან ბეგისათვის და ამ უკანასკნელის მტკიცე გადაწყვეტილებამ, ბრძოლით დაეცვა ძალაუფლება და სიცოცხლე, აიძულა კრიზისით მოცული ოსმალეთის ცენტრალური ხელისუფლება, რომ ბაღდადში გასაგზავნად მომზადებული ჰაჯი იუსუფ ზია ფაშა ყარამანიის გამგებლად დაენიშნა, ხოლო ბასრა-ბაღდად-შაჰ-რიზურის ვალის თანამდებობაზე მირპირანი სულეიმან ბეგი დაემტკიცებინა²⁷.

ალ-აზავის მიხედვით, ეს მომხდარა 1807 წლის დეკემბერში²⁸. მაგრამ არსებობს ისეთი მასალაც, რომლის მიხედვით სულეიმან ბეგის დამტკიცება ბაღდადის საფაშოს გამგებლად უფრო გვიან უნდა მომხდარიყო. მაგალითად, ს. ლონგრიგის აზრით, სულეიმანი ბაღდადის საფაშოს გამგებლად დაუნიშნა 1808 წლის გაზაფხულზე²⁹, მეჰმედ სურეიას კი მიაჩნია, რომ სულეიმანმა ეს თანამდებობა მიიღო 1224 (1809—1810) წელს³⁰. მაგრამ, ვფიქრობთ, ლონგრიგისა და სურეიას ამ შემთხვევაში სცდებიან, რადგან, როგორც ირკვევა, იუსუფ ფაშას ჯერ კიდევ 1808 წლის გაზაფხულზე მიუწერია გრაფ გუდოვიჩისათვის: „მოწყალებით გადამაყენა პორტამ. რომელმაც მომანიჭა მყუდროება, განმამყესა ყარამანიის ფაშად და ამჟამად იქ ვიმყოფები“³¹. ყარამანიის ფაშად კი იუსუფი მას შემდეგ დანიშნეს, როცა აჟულთანმა ზემოაღნიშნულ გარემოებათა გამო ბაღდადის საფაშო ხელისუფლება სულეიმან ფაშას გადასცა. ამიტომ ცხადია, სულეიმანის დამტკიცება ერაყის გამგებლის პოსტზე უნდა მომხდარიყო არა 1808 წლის გაზაფხულზე (ლონგრიგი, ს. ნავარი) ან 1809 წელს (სურეია), არამედ 1807 წლის მიწურულს.

²⁷ تاريخ جودت, ტ. VIII, გვ. 246—269. დივანის ამგვარი გადაწყვეტილების მიღებაში გარკვეული როლი უნდა შეესრულებინა ბაღდადიდან სტამბოლს გაგზავნილ ფულს, 5 თუ 6 ათას ქისას. რაც საჩუქრად დაუროდათ საბჭოს წევრებს.

²⁸ العزّاوى, დასახ. ნაშრომი, გვ. 184. დაახლოებით ასეთსავე ცნობას გვაწვდის ლ. კორანსეც (იხ. მისი დასახ. ნაშრომი, გვ. 136).

²⁹ S. H. Longrigg, დასახ. ნაშრომი, გვ. 224. სულეიმან ქუჩუქის ბაღდადის ფაშად დანიშვნის თარიღად 1808 წ. ასახელებს სულეიმან ნავარეც (იხ. მისი დასახ. ნაშრომი, გვ. 332).

³⁰ محمد ثريا, დასახ. ნაშრომი, ტ. III, გვ. 93.

³¹ Отношение гр. Гудовича к гр. Румянцеву, от 7-го марта 1808 года, № 32, АКАК, т. III, стр. 454.

სულეიმანსაც რთულ ვითარებაში უხდებოდა ქვეყნის მართვა. ბიზანტიან მან მეტად მძიმე მემკვიდრეობა მიიღო. ჰაფიზ ალი ფაშას დაღუპვისთანავე საფაშოს ჩრდილოეთი ნაწილი აჯანყებამ მოიცვა. სამხრეთ ქურთისტანი დამოუკიდებლობას იჩემებდა. მისი გაზგებელი აბდ არ-რაჰმან ფაშა ბაბანი, რომელიც მაშინ ქ. სულეიმანიეში იმყოფებოდა, ბაღდადის ფაშას აღარ ემორჩილებოდა. სამხრეთიდან ერაყს ვაჰაბიტები ავიწროებდნენ. ხოლო აღმოსავლეთიდან კი ყოველ დღე ირანელების თავდასხმა იყო მოსალოდნელი. ამიტომაც იყო, რომ სულთანმა უარი აღარ უთხრა სებასტიანს თხოვნაზე და ბაღდადის საფაშო სულეიმანს ჩააბარა. სტამბოლში იმედი ჰქონდათ, რომ სრულიად ახალგაზრდა ფაშა რთულ ვითარებას თავს ვერ გაართმევდა და პირველსავე წარუმატებლობისას მას თანამდებობიდან გადააყენებდნენ. უფრო მეტიც, სულეიმან ქუჩუქის თავიდან მოცილებით ოსმალეთის ცენტრალური ხელისუფლება ვარაუდობდა დიდი ხნის ნანატრი საკითხის გადაწყვეტას, — ერაყის მმართველობიდან ქართველი ქულემენების საბოლოოდ განდევნას. მაგრამ სულეიმანი უფრო მოხერხებული და უნარიანი მმართველი გამოდგა, ვიდრე ამას სტამბოლში მოელოდნენ.



ხელისუფლების სათავეში ჩადგომისთანავე სულეიმან ქუჩუქმა მარდინიდან გაიწვია ბაღდადის ჯარი, რომელიც თავისი ძიძიშვილის აჰმედ ბეგის მეთაურობით ჰყავდა გაგზავნილი პორტას მიერ ბაღდადის ვალის პოსტზე დანიშნული ჰაჯი იუსუფ ფაშას დასაკავებლად. 1808 წ. გაზაფხულზე მოსულის ლაშქრის თანხლებით იგი სულეიმანიისაკენ გაემართა ქურთების აჯანყების ჩასაქრობად. მისი მოთავეს აბდ არ-რაჰმან ფაშას დასასჯელად და შაჰრბუურის შემოსამტკიცებლად³². მისში ქურთისტანის სამხრეთ საზღვართან მისულს მთიან მასივზე გამავალი ერთადერთი გზა დერბენდ—ბასიანი, რომელიც უნდა გაევილო რომ სულეიმანიეში მოხვედრილიყო, გადაკეტილი დახვდა. მოწინააღმდეგეს ის წინასწარ გაემაგრებინა მაღალი კედლით და ქვენეხებით. ასე რომ, სულეიმან ქუჩუქს მისი აღება გაუჭირდებოდა და შესაძლოა, დაწყებული ლაშქრობა მარცხით დამთავრებულიყო, რომ მას იქ მოკავშირედ არ აღმოჩენოდა აბდ არ-რაჰმანისაგან სულეიმანიეს გამგებლის პოსტიდან გადაყენებული ხალედ ფაშა. უკანასკნელის დახმარებით მან მოახერხა გამაგრებუ-

³² سليمان نوار, დასახ. ნაშრომი, გვ. 47.

ლი ადგილის გვერდას ავლა, ვიწრო ბილიკით თავისი ჯარი ქურთის-ტანში შეიყვანა და თავის სასარგებლოდ გადაწყვიტა ლაშქრობის ბედი. უკან მოტოვებული აჯანყებულ ქურთთა ლაშქარი ბაღდადის ფაშას დანებდა. აბდ არ-რაჰმანი ირანში გაიქცა, ხოლო შაჰრუხურის მხარე კვლავ ბაღდადის საფაშოს დაემორჩილა. ამის შემდეგ სულეიმანმა შაჰრუხურში ყველგან თავისი კაცები ჩაუყენა სათავეში მმართველობას. სულეიმანიეს გამგებლად მან აბდ არ-რაჰმანის ბიძაშვილი სულეიმანი დასვა, ქოის სანჯაკი მუჰამედ ბეგს ჩააბარა, ხოლო მოსულის მხარე — აჰმედ ეფენდის. ამას რომ მორჩა, თვითონ ბაღდადში დაბრუნდა, რათა მიეხედა საფაშოა სამხრეთ ნაწილისათვის, რომელსაც ვაჰაბიტები შემოსეოდნენ.

ვაჰაბიტებმა ამ დროისათვის საბოლოოდ განამტკიცეს თავიანთი ბატონობა არაბეთის ნახევარკუნძულზე. მათ დაიკავეს ერთ-ერთი ყველაზე გამაგრებული ციხე-ქალაქი ჯილდა მეწამული ზღვის აღმოსავლეთ სანაპიროზე და განზრახული ჰქონდათ თავიანთი ძალაუფლება გავერცელებინათ ეგვიპტეზე. აღმოსავლეთით მათ ხელი დასდეს ბაჰრეინის კუნძულებს, მასკატს და ომანს; რასულეკეიში აქციეს ციხესიმაგრედ და მთავარ ნავსადგურად სპარსეთის ყურის დასავლეთ სანაპიროზე; გაიჩინეს სამხედრო საზღვაო ფლოტი და გაბატონდნენ ომანის სრუტესა და სპარსეთის ყურეში. ხომალდებისაგან ე. წ. დავიებისაგან³³ (თითოეული 12—16 ქვემეხითა და 400-იდან 500-მდე ალ-კავასით³⁴) შედგენილი ვაჰაბიტების ქარავეანი განუწყვეტლივ ესხმოდა თავს ინგლის-ინდოეთის გემებს. ჩრდილოეთით ვაჰაბიტების ამირი სუ'უდ იბნ აბდ ალ-აზიზი თავისი სამეფო ტერიტორიის გაფართოებას ფიქრობდა სირიისა და ერაყის დაპყრობით. 1807 წელს მან ჯერ სირიაში დაიკავა რამდენიმე ციხე-ქალაქი, ხოლო შემდეგ ბაღდადის საფაშოში შეიჭრა და უბაიდის ტომის შეიხის ლატიფ ბეგ შავუი-ზადეს³⁵ დახმარებით ერთგვარ წარმატებასაც მიიღწია, აიღო გამაგრებული პუნქტები ანა და ჰიტტი მდ. ეფფრატის მარჯვენა ნაპირზე, მაგრამ მათი შენარჩუნება კი ვეღარ შესძლო. ადგილობრივ ტომებთან გადამწყვეტ ბრძოლაში ის დამარ-

³³ دو (არაბ.) საშიში, საზარელი. ასე ერქვა ვაჰაბიტების ხომალდებს

³⁴ القوس (არაბ.) — შეკობარი, მსროლელი, შვიარაღებული მსახური, მემბარი.

³⁵ ლატიფ ბეგი მტრულ დამოკიდებულებაში იყო საფაშო ხელსუფლებასთან იმის გამო, რომ ჰათიზ ალი ფაშამ მამული ჩამოართვა მას და სიკვდილით დასაჯა მამამისი მუჰამედ ბეგი იმ მოღალატური საქციელისთვის, რაც მან ჩაიდინა 1798 წელს ალის მეთაურობით მოწყობილ ალ-ქასის ლაშქრობის დროს.

ცხდა, უკუიქცა და შეუდგა სერიოზულ მზადებას ახალი ლაშქრობისათვის.

1808 წელს ვაჰაბიტების ამირი სუ'უდი კვლავ მოადგა ბაღდადის საფაშოს და სანამ მის საზღვარს გადალახავდა, სულეიმან ქუჩუქს წინადადება მისცა, უარი ეთქვა სულთნის ქვეშევრდომობაზე და მიეღო ვაჰაბიტობა. მაგრამ ცდა ამით გამოდგა. ბაღდადის ფაშამ არათუ არ მიიღო წინადადება, არამედ მტკიცედ განუცხადა, რომ არ სურდა მასთან რაიმე შეთანხმებაზე საუბარი, სანამ ეს უკანასკნელი არ აღიარებდა სულთნის უზენაესობას³⁶.

სულეიმან ქუჩუქის ასეთმა პასუხმა სუ'უდი საბოლოოდ დაარწმუნა, რომ მშვიდობიანი გზით მიზანს ვერ მიაღწევდა, ერაყს ვერ შემოიერთებდა. ამიტომ თავის მრავალრიცხოვან ლაშქარს უბრძანა საზღვარი გადაელახა.

ზაფხულში ორ ნაწილად გაყოფილი ვაჰაბიტების ლაშქარი ბაღდადის საფაშოში შეიჭრა. ერთი ნაწილი 4000 კაცის რაოდენობით ქერბელასაკენ გაემართა, ხოლო მეორე — 45000-იან რაზმს. რომელსაც თვითონ სუ'უდი მეთაურობდა, ქ. ბაღდადი უნდა აეღო.

მდგომარეობა რთული იყო. ადგილობრივი მოსახლეობა შიშმა შეიპყრო. იგი მტერს წინააღმდეგობას ვერ უწევდა და გარბოდა. ვაჰაბიტები კი ამით სარგებლობდნენ და ისე სწრაფად მიიწევდნენ წინ, რომ სულ მალე მდ. ეფრატის მარჯვენა მხარეს მდებარე ერაყის ტერიტორია მათ ხელში აღმოჩნდა.

მოწინააღმდეგის რაზმების შესაჩერებლად და უკუსაქცევად იმ ხანებში სულეიმანიიდან ბაღდადში დაბრუნებულმა სულეიმან ფაშა ქუჩუქმა თავისი ჯარი ქაჰიას მეთაურობით ქერბელასაკენ გაგზავნა, თვითონ კი ახალი ლაშქრის შეგროვებას შეუდგა. მან მოწოდებით მიმართა ერაყის ყველა მცხოვრებს, დაეცვათ თავიანთი სამშობლო და სარწმუნოება, რომლის არსებობას სერიოზულ საფრთხეს უქმნიდნენ ვაჰაბიტები. ეტყობა, სულეიმანი ამ დროისათვის უკვე საკმაოდ ავტორიტეტით სარგებლობდა საფაშოში. მის მოწოდებას ფართოდ გამოხმაურებია მოსახლეობა და ყველა, ვისაც კი იარაღის ტარება შეეძლო, საკუთარი ქვეყნის დასაცავად გამოსულა: „ვაჭრებმაც კი შეწყვიტეს ვაჭრობა, დაკეტეს დუქნები და იარაღი აისხეს ბაღდადის დასაცავად“, — გადმოგვცემს თანამედროვე³⁷. მისივე თქმით, სულეიმან ქუჩუქს ლატიფ ბეგ შაუვი ზადესათვის უკან

³⁶ L. A. Corancez, დასახ. ნაშრომი, გვ. 139.

³⁷ იქვე, გვ. 141.

დაუბრუნებია ჰატიზ ალი ფაშას მიერ ჩამორთვეული მიწები და ამით თავის მხარეზე გადმოუბირებია ის, ეანც 1807 წელს მნიშვნელოვანი დახმარება გაუწია სუ'უდის ლაშქარს ჰიტისა და ანას ალების საქმეში³⁸.

ამ ღონისძიებათა გატარების შემდეგ ერაყის გამგებელი ბაღდადში დიდხანს აღარ დარჩენილა. მობილიზებული ლაშქრითა და იენიჩარების რაზმებით ის ქაპია ბეგის მისაშველებლად ქერბელასაკენ გაემართა, მაგრამ იქ მისულს ქალაქი გათავისუფლებული დახვდა. ქაპიას და კაიმაკამს უკვე გაეძევებინათ მოწინააღმდეგე და წარმატებით უტევდნენ მის მთავარ ძალებს შიფათის მისადგომებთან, როცა ის თავისი ახალი ლაშქრით მათ შეუერთდა. ფაშას მოულოდნელმა გამოჩენამ ბრძოლის ველზე ერთბაშად მოშალა ვაჰაბიტების წინააღმდეგობა. მტერი უკუიქცა, დატოვა გამაგრებული ადგილები, შიფათი, ჰინდია, აინსაიდი და უდაბნოში მიიმალა. სულეიმან ქუჩუქმა საზღვრამდე სდია მას და სერიოზული ზარალი მიყენა. ეს იყო პირველი სერიოზული დამარცხება, რომლის შემდეგ ვაჰაბიტებმა ვეღარ შეძლეს დაპყრობითი ლაშქრობების მოწყობა. სულეიმანმა კვლავ შემოიერთა სუ'უდის მიერ მიტაცებული ერაყის მიწა-წყალი და 15 აგვისტოს ბაღდადში დაბრუნდა, თუმცა არა დიდი ხნით, მალე ის თავისი შეიარაღებული რაზმებით ირანის საზღვრისაკენ გაემართა.

XIX ს-ის დამდეგს ირანი ევროპის მთავარ სახელმწიფოთა დიპლომატიური თუ სამხედრო მოქმედების სფეროდ იყო გადაქცეული. რუსეთი მას თანდათან აძევებდა აღმოსავლეთ ამიერკავკასიის ტერიტორიიდან. ორივეს, როგორც რუსეთს, ასევე ირანს — ებრძოდა ინგლისი, ხოლო მას თვითონ დიდი ხანია ეომებოდა საფრანგეთი, რომელიც ყოველ ღონეს ხმარობდა აგრეთვე ირან-რუსეთს შორის საომარი მოქმედების გასაკვიანურებლად, რათა დაესუსტებინა რუსეთი, დაესაქმებინა მისი არმია ჩრდილოეთის³⁹ გარდა აღმოსავლეთშიც და ამით საშუალება არ მიეცა ალექსანდრე I-ისათვის ჩარეულიყო ევროპის ამბებში. რაც შეეხება ირანს, ის უნდა გადაექცია პოლიტიკურად და ეკონომიურად მასზე დამოკიდებულ ქვეყნად⁴⁰, ინდოეთზე თავდასასხმელ მთავარ ფორპოსტად.

³⁸ L. A. Согапсез, დასახ., ნაშრომი გვ. 139, იხ. აგრეთვე А. А д а м о в, დასახ. ნაშრომი, გვ. 406.

³⁹ რუსეთი ამ დროს ჩრდილოეთში იბრძოდა შვედეთის წინააღმდეგ ფინეთის დასაკავებლად.

⁴⁰ А. Р. Ио а н н и с я и, დასახ. ნაშრომი, გვ. 162.

აღნიშნულ განზრახვათა განხორციელების მიზნით, საფრანგეთის ხელისუფლება XIX საუკუნის დასაწყისში კვლავ შეეცადა ირანთან დაახლოებას და უნდა ითქვას, რომ ამჟერად ეს ადვილად მოახერხა კავკასიის ფრონტზე რუსეთ-საქართველოს ჯარის მიერ ყიზილბაშების არახელსაყრელ მდგომარეობაში ჩაყენების გამო. ირანში შეგზავნილმა ფრანგმა აგენტმა ჟობერმა და ბიუპრე-მცირემ 1806 წელს „სპარსეთის ტახტზე ნახეს ნაპოლეონის თაყვანისმცემელი მონარქი, რომელსაც მთელი სულით უნდოდა შესულიყო მის სკოლაში“⁴¹, იმ ვარაუდით, რომ მისი დახმარებით გაედევნა რუსები კავკასიის მთავარ ქედს გადაღმა და დაებრუნებინა მათ მიერ დაკავებული აღმოსავლეთ საქართველოს, აზერბაიჯანისა და სომხეთის ტერიტორიები. მხოლოდ ამიტომ, „ფათჰ ალი შაჰი აცხადებდა თავს დასავლეთის დიდი იმპერატორის მეგობრად, უგზავნიდა მას საჩუქრებს, სთხოვდა ოფიცრებს ჯარის გასაწვრთნელად, იარაღს, ემულარებოდა...“, რომ დახმარებოდა რუსეთის წინააღმდეგ და სამაგიეროდ სთავაზობდა შემწეობას ინგლისის წინააღმდეგ“⁴². შაჰის ეს მოთხოვნა, რომელიც 1807 წლის ზამთარში ფინკენშტეინის მიიტანა მირზა რიზამ, კმაყოფილებით მიიღო ნაპოლეონმა და, რაკი ის მთლიანად შეესაბამებოდა საფრანგეთის ინტერესებს, 12 აპრილს ტალიერანს მისწერა, შეეტყობინებინა ირანის ელჩისათვის, რომ იმპერატორი მზად იყო გაეგზავნა ირანში 10 000 თოფი, საველე ქვემეხები, ზარბაზნიანი ნავეები და 1500 მეომარი⁴³. იმავე დღეს ნაპოლეონმა ხელი მოაწერა დეკრეტს ელჩობის შესახებ და თეირანში გასამგზავრებლად მოამზადა სამხედრო სპეციალისტთა დიდი ჯგუფი⁴⁴ თავისი ადიუტანტის, გენერალ კლოდ მათიე გარდანის მეთაურობით. უფრო გვიან, 4 მაისს, მან ირანთან დადო სამოკავშირეო ხელშეკრულება⁴⁵, ხოლო 7 დღის შემდეგ ამ ხელშეკრულების საფუძველზე შეადგინა კონკრეტული გეგმა იმისა თუ როგორ უნდა ემოქმედა გარდანის მისიას ირანში. გეგმის მიხედვით ნაპოლეონი ირანს განიხილავდა ორგვარი თვალსაზრისით: როგორც რუსეთის

⁴¹ А. В а н д а л ь, Наполеон и Александр I, т. II, стр. 295.

⁴² იქვე, გვ. 226; იხ. აგრეთვე. АКАК, т. III, стр. 424.

⁴³ А. Р. И о а н н и с я н, დასახ. ნაშრომი, გვ. 149.

⁴⁴ მასში შედიოდა 70 კაცი (Ленинский сборник, М., 1936, т. XXIX, стр. 351), მათ შორის საფრანგეთის ელჩი ირანში კ. მ. გარდანი. მისიის წევრთა სრული სია მოცემულია ა. გარდანის წიგნში «Journal d'un Voyage dans le Turquie et Perse fait 1807—1809», Paris — Marseille, 1809, pp. 1—2.

⁴⁵ Страны Ближнего и Среднего Востока, М., 1944, стр. 228.

ბუნებრივ მტერს და როგორც ინდოეთში გასასვლელს. აქედან გამომდინარე, გარდანის მისიის მოვალეობა ის იყო, რომ შეესწავლა ინდოეთში ლაშქრობის შესაძლებლობანი, დაეთვალისწინა სპარსეთის ყურისა და კასპიის ზღვის ნავსადგურები, შეეგროვებინა სტატისტიკური ცნობები, შეედგინა საბრძოლო მარშრუტები, ეფიქრა იმაზე, თუ როგორ შეიძლებოდა რუსეთზე თავდასხმა და ჩაენერგა მტრობა ირანელებში რუსებისადმი, გადაეჭვია ირანის შეიარაღებული ჯარი რუსეთისათვის საშიშ ძალად, ახალი ძალით გაეჩაღებინა ომი ირან-რუსეთს შორის და გაეგრძელებინა ის, სანამ რუსეთი არ დატოვებდა ამიერკავკასიას. ამის დასაჩქარებლად საფრანგეთის ელჩს უნდა დაერწმუნებინა ირანის შაჰი იმავით, რომ დაედო სამოკავშირეო შეთანხმება ოსმალეთის ხონთქართან. გარდანს უნდა დაედო ირანთან კონვენცია საჭირო შეიარაღების მიწოდების შესახებ. იმ შემთხვევაში, თუ შაჰი თანახმა იქნებოდა რუსეთთან ომის გაგრძელებაზე, საფრანგეთის მთავრობა ირანის ჯარის გასაძლიერებლად გაგზავნიდა 4 ან 5 ქვეით ბატალიონს და 2—3 საარტილერიო ასეულს. რამდენადაც ნაპოლეონს ირანი აინტერესებდა არა მარტო სამხედრო-სტრატეგიული, არამედ სავაჭრო თვალსაზრისითაც, ამიტომ ის გარდანს უფლებას აძლევდა დაედო სავაჭრო ხელშეკრულება 1708—1715 წწ. ხელშეკრულებათა საფუძველზე⁴⁶.

ასეთი შინაარსის ინსტრუქციით აღტურვილი გარდანის მისია, ანუ როგორც მას ვ. ი. ლენინი უწოდებდა — „ნაპოლეონ I-ის სამხედრო მისია“⁴⁷, 1807 წლის დეკემბერში ირანს ეწვია და მუშაობას შეუდგა.

გარდანმა თეირანში ჩასვლისთანავე ხელი მოაწერა სამხედრო კონვენციას ირანისათვის 20000 თოფის მიწოდების შესახებ. სამაგიეროდ, დეკემბრის ბოლოს მან შაჰს ხელი მოაწერინა ირანისათვის კაბალურ სავაჭრო ხელშეკრულებაზე, რომლის მიხედვით ირანის ყველა ქალაქში იქმნებოდა საფრანგეთის საკონსულოები; ფრანგი ელჩები, კონსულები და ვაჭრები, როგორც გაბატონებული ერის წარმომადგენელი, სარგებლობდნენ მეტი უფლებითა და პატივისცემით ვიდრე სხვა ქვეყნების წარმომადგენლები; ადგილობრივი ხელისუფლების ორგანოებს ეკრძალებოდა ფრანგებისა და მათი ქვეშევრდომების გასამართლება საფრანგეთის წარმომადგენლის მონაწილე-

⁴⁶ А. Р. Иоаннистьян, დასახ. ნაშრომი, გვ. 149—163.

⁴⁷ «Тетрадь материалов о Персии» (Ленинский сборник, М., 1936, т. ХХІХ, стр. 351).

ობის გარეშე. ფრანგ მოქალაქეებს უფლება ეძლეოდათ აეღოთ მიწა იჯარით, აეგოთ სახლები და სხვა შენობები ირანში; ფრანგი ვაჭრები თავისუფლდებოდნენ საბაჟო გადასახადებისაგან 3 წლით, შემდეგ კი უნდა ეხადათ ერთდროული გადასახადი საქონლის საერთო ღირებულებიდან, მაგრამ არაუმეტეს 3 %-ისა. კათოლიკებს არა მარტო იმის უფლება ენიჭებოდათ, რომ თავისუფლად შეესრულებინათ რელიგიური წესები და ეშენებინათ ეკლესიები, არამედ შეეძლოთ ფართო პროპაგანდის გაშლა ირანის ქრისტიან მოსახლეობაში; ყველა ქრისტიანი და მუსლიმი, ვინც უდიერად მოეპყრობოდა კათოლიკე მღვდლებს, სასტიკად ისჯებოდა. საფრანგეთის გემებს უფლება ჰქონდათ შესულიყვნენ სპარსეთის ყურის ირანის ნავსადგომებში. ხელშეკრულების მე-17 მუხლში გამოთქმული იყო სურვილი, რომ საქართველოდან რუსების ევაკუაციის შემდეგ ირანს საჩუქრად მიეცა საფრანგეთისათვის კუნძული ხარკი, რადგან, გარდანიის თქმით, იგი „ბატონობს ტიგროს-ეფფრატის შესართავზე და ამდენად მისი მფლობელი ბასრის ბატონ-პატრონიც იქნება“. გარდანი უფრო შორსაც მიდიოდა. ის მოითხოვდა, რომ საფრანგეთს გადასცემოდა აგრეთვე კუნძული ქეშმი პორმუზის სრუტეში, რათა განეხორციელებინა სრული კონტროლი მთელ სპარსეთის ყურეში⁴⁸.

ირანის მმართველი წრეების აშკარა პროფრანგულმა პოლიტიკამ, მათ მიერ მიღებულმა მთელმა რიგმა გადაწყვეტილებებმა, რომლებიც სხვათა შორის, მიმართული იყო ინდოეთის წინააღმდეგ, სერიოზული შეშფოთება გამოიწვია ინგლისში. ინგლისელები ცდილობდნენ, რადაც უნდა დაჯდომოდათ, ზემოქმედება მოეხდინათ შაჰის ხელისუფლებაზე, გაეძევიებინათ ფრანგები ირანის მიწა-წყლიდან, დაემორჩილებინათ ეს ქვეყანა პოლიტიკურად, ეკონომიურად, სამხედრო თვალსაზრისით და ამით არა მარტო უვნებლ-ეყოთ ინდოეთი ფრანგების თავდასხმისაგან, არამედ დაეპირისპირებინათ ირანი რუსეთისათვის.

დასახული ამოცანის გადაწყვეტა ინგლისის მთავრობამ თეირანში თავისი საელჩოს აღდგენისათვის ბრძოლით დაიწყო და ეს საქმე თავიდან ჯონ მალკოლმსა და ჰარფორდ ჯონსს მიანდო⁴⁹.

⁴⁸ А. Р. Иоаннисян, დასახ. ნაშრომი, გვ. 162—165.

⁴⁹ ამასთან დაკავშირებით მარქსი წერდა: «Embarras de Richesse (Из животного страха перед Наполеоном). в Тегеран (в 1808) были направлены из Лондона — сэр Харфорд Джонс, а из Калькутты сэр Джон Малькольм» (К. М а р к с, Хронологические выписки по истории Индии, стр. 113).

მალკოლმს ნაბრძანები ჰქონდა საომარი მოქმედების დაწყებამდე მოლაპარაკება გაემართა შაჰთან და ეცნობებინა მისი უდიდებულესობისათვის ინგლისის მთავრობის გადაწყვეტილება იმის შესახებ, რომ თუ ირანის ხელისუფლება დაუბრუნდებოდა ინგლისური ორიენტაციის გზას და აღადგენდა მის საელჩოს თეირანში, მზად იყო გაეწია მისთვის, როგორც ფინანსური, ასევე სამხედრო დახმარება. გარდა ამისა, ჰპირდებოდა რუსეთის გაძევებას კავკასიიდან უფრო მალე, ვიდრე ამას ფრანგები მოახერხებდნენ⁵⁰, ხოლო იმ შემთხვევაში თუ ირანის მთავრობა უარს იტყოდა ამ პირობების მიღებაზე, ინგლისის შეიარაღებული არმია „ცეცხლს მისცემდა და სისხლით მორწყავდა მთელ ფარსისტანს“⁵¹.

ასეთი დავალებით მალკოლმი 1808 წ. 10 მაისს თავისი ფლოტილიით ბომბეიდან ბუშირს მივიდა და კაპიტან პასლის ხელით ირანის ხელისუფლებას დიდძალ ფულად საჩუქრებთან⁵² ერთად ინგლისის მთავრობის მოთხოვნების ქალაქი გაუგზავნა. მაგრამ გარდანის წინადადებით ირანის მთავრობამ არა თუ უარი თქვა ინგლისის წარმომადგენლის მიღებაზე და მასთან მოლაპარაკებაზე, არამედ ქემალაბადში მყოფ სარდალს, ისმაილ ბეგს შეუთვალა, დაუყოვნებლივ აეშალა ბანაკი და თავისი ჯარით წასულიყო ბენდერ-ბუშირს, რათა წინააღმდეგობა გაეწია ინგლისელთათვის, რომლებიც დესანტის გადმოსხმას აპირებდნენ სპარსეთის ყურეში⁵³.

მიუხედავად ამ უარისა, ინგლისის მთავრობამ, მალკოლმის მიხედვით მარცხით დამთავრებიდან ორი თვის შემდეგ, კვლავ სცადა შაჰის ხელისუფლებასთან მოლაპარაკების განახლება და ირანში მიავლინა ჰარფორდ ჯონსის მისია⁵⁴. ხოლო სანამ ეს ელჩობა მოეწყობოდა, მანამდე ირანის დასუსტების, მის ხელისუფლებაზე ზემოქმედებისა და ამით ჯონსის მისიის წარმატების უზრუნველყოფის მიზნით ინგლისის ხელისუფლებამ შაჰის წინააღმდეგ ამოქმედდა ხო-

⁵⁰ Mission du General Gardane en Perse... Paris, 1865, p. 200—201.

⁵¹ А. Р. Иоаннисян, დასახ. ნაშრომი, გვ. 219.

⁵² მალკოლმი ირანის მთავრობას უგზავნიდა სულ 500 000 თუმანს. აქედან შაჰისათვის უნდა გადაეცა 100 000 თუმანი, 10 000 თუმანს აძლევდა შაჰის პირველ ვაჭარს შირაზ-შაფის. ამდენივე იყო განკუთვნილი ისფაჰანის ბეგლარბეგისათვის, ხოლო დანარჩენი დაურთავდებოდა სხვა დიდ მოხელეებს (АКАК, т. III, стр. 480).

⁵³ Гардан к гр. Гудовичу, от 2-го июня 1808 года. Султанне (АКАК, т. III, стр. 474).

⁵⁴ А. Р. Иоаннисян, დასახ. ნაშრომი გვ. 221.

რასნის გამგებელი⁵⁵, ავღანები, ვაპაბიტები და ინლოეთში მცხოვრები ზენდის დინასტიის შთამომავალნი⁵⁶. კალკუტაში ინლოეთის გენ. გუბერნატორის ლორდ მინტოს ნებართვით სამხედრო ექსპედიციას ამზადებდა მალკოლმი კუნძულ ხარკის დასაპყრობად⁵⁷. მაგრამ ინგლისის მთავრობა მარტო აღნიშნული ღონისძიებებით არ დაკმაყოფილებულა. ირანის სრული ბლოკირების მიზნით მან მოხერხებულად გამოიყენა ქურთისტანის საკითხთან დაკავშირებით ბლდადის საფაშოს გამგებლისადმი შაჰის მტრული დამოკიდებულება და ოსტ-ინლოეთის რეზიდენტის ჯემს რიჩის პირით სულეიმან ფაშას შეუთვალა, მოეწყო დივერსია ირანის წინააღმდეგ ერაყის მხრიდან. რიჩის მისია წარმატებით დაგვირგვინდა. ის 1808 წლის ივნისში გულთბილად მიიღო ბლდადის გამგებელმა და გაეცნო თუ არა მისიის შინაარსს, „აშკარად დადგა ინგლისელთა მხარეზე“⁵⁸, რადგან, ჯერ ერთი, ბლდადის ფაშას პირადი ანგარიში ჰქონდა გასასწორებელი ფაშა ალი შაჰთან. მეორე, რიჩის წინადადებაზე უარის თქმის შემთხვევაში შეიძლება საფაშოს ტერიტორია გამხდარიყო ინგლისელთა ანექსიის ობიექტი იმის გამო, რომ სპარსეთის ყურეში მათ მიერ მომზადებული საომარი ოპერაციის ერთ-ერთი დანიშნულება იყო ნაპოლეონის სამხედრო გეგმით გათვალისწინებული ინლოეთისაკენ წასასვლელი გზების გადაკეტვა. ეს გზები კი ირანის გარდა მთელ ერაყის ტერიტორიაზე იყო. მესამე, ინგლისელთა მხარეზე დადგომით და ირანის წინააღმდეგ მოქმედებით ბლდადის გამგებელი ფიქრობდა არა მარტო ერაყის დაცვას ევროპელთა ხელყოფისაგან, არამედ ინგლისის მთავრობის დახმარებით საფაშოს საშინაო საქმეებში შაჰის ხელისუფლების უხეშად ჩარევის აღკვეთას და ამით ქურთისტანის საკითხის თავის სასარგებლოდ გადაჭრას, სულეიმანის შემომტკიცებას.

სწორედ ასეთი წინასწარხედვით იყო, რომ სულეიმან ფაშა ქუჩუქი ერაყის მიწა-წყლიდან ვაპაბიტების განდევნის შემდეგ (1808

⁵⁵ Письмо гр. Гудовича к Джафар Кули-Хану Шекинскому, от 25 го августа 1808 года, № 111. (АКАК, т. III, стр. 289).

⁵⁶ Mission du General Gardane, 1865, გვ. 188—189 და 452.

⁵⁷ А. Р. Иоаннисян, დასახ. ნაშრომი, გვ. 221.

⁵⁸ Отношение гр. Гудовича к гр. Румянцову, от 6 го июля 1808 года, № 93 (АКАК, т. III, стр. 480).

წ. აგვისტოში) შეუდგა ირანის საზღვართან ჯარების თავმოყრას და მოქმედებდა ინგლისელებთან ერთად⁵⁹.

ბაღდადის ფაშას ამ ნაბიჯს გულისწყრომით შეხვდნენ საფრანგეთის წარმომადგენლები სტამბოლსა და თეირანში. მათ აწუხებდათ, რომ სებასტიანის კანდიდატმა არ გაამართლა მოლოდინი, მკიდრო ურთიერთობა დაამყარა ინგლისელებთან და მათთან ერთად აპირებდა ირანისათვის ომის გამოცხადებას. გარდანი ამის გამო გუდროვიჩს წერდა: „სულეიმანის საქციელი არ არის... კეთილშობილური პორტასა და მისი მოკავშირეებისადმი... ის მხარს უჭერს ინგლისის წარმომადგენლებს ბაღდადსა და ბასრაში... განსაკუთრებული სიფრთხილე გვმართებს, რათა თავიდან ავიცილინოთ ეს საშიშროება. ჩანს,.... ფაშა შორს არის პორტას გავლენისაგან“⁶⁰.

სულეიმანის „არაკეთილშობილურ მოქმედებაში“ ეჭვი არც ოსმალეთის ცენტრალურ ხელისუფლებას ეპარებოდა. ბაღდადის ფაშას ქცევაში ის ხედავდა არა მარტო სულთნის ავტორიტეტის შელახვის ფაქტს, არამედ იმის საშიშროებასაც, რომ ეს გამოიწვევდა ურთიერთობის გაუარესებას საფრანგეთთან და ირანთან, რომელიც იმ დროს რუსეთს ეომებოდა და ამდენად ოსმალეთის ფაქტიურ მოკავშირეს წარმოადგენდა. ამის გამო სტამბოლში გადაწყვეტილად ჰქონდათ სულეიმან ქუჩუქის გადაყენება ბაღდადის ფაშობიდან და მისი დასჯა. მაგრამ სულეიმანმა ამჯერადაც მოახერხა თანამდებობის შენარჩუნება.

ამ საქმეში ბაღდადის ფაშას ცოტა დახმარება როდი გაუწია რუსეთმა, წინააღმდეგ ფრანგი დიპლომატებისა, რომლებიც ერაცის გამგებლის დადგომას ინგლისელთა მხარეზე და მის გამოსვლას ირანის წინააღმდეგ აფასებდნენ როგორც საშიშ მოქმედებას და აფრთხილებდნენ რუს პოლიტიკოსებს, თავიდან აეშორებინათ ეს საფრთხე, — რუსეთის დიპლომატია მასში ხედავდა ირან-ოსმალეთს შორის ომის დაწყების, მათი დასუსტების და სამხედრო ძალების დაქსაქსვის ერთ-ერთ რეალურ შესაძლებლობას. ამიტომ საგარეო საქმეთა სამინისტროს დავალებით, კავკასიის მთავარმართებელი

⁵⁹ «... Багдадский паша, соединясь с англичанами, действует против Персии» (Письмо гр. Гудовича к Джафар Кули-Хану Шекинскому, от 25 го августа 1808 года, № 11, АКАК, т. III, стр. 289).

⁶⁰ Письмо ген. Гардана к гр. Гудовичу, от 2-го июля 1808 года, — Султанье (АКАК, т. III, стр. 475; აგრეთვე იქვე გვ. 480, Отношение гр. Гудовича к гр. Румянцову от 6 го июля 1808 года № 93).

ყოველ ზომას ხმარობდა იმისათვის, რათა ხელი შეეწყო როგორმე ბაღდადის ფაშასათვის: „საქიროა მხარი დაეუქიროთ ბაღდადის ფაშას სპარსელთა წინააღმდეგ ასეთი განწყობილებისათვის... მე განზრახული მაქვს გავგზავნო... ფაშასთან სანდო კაცი ზოგიერთი რჩევა-დარიგებით... საქირო მითითებებით, საჩუქრებითა და ფულით“, — ატყობინებდა გენერალი გუდოვიჩი ჯაფარ ყული ხანს და თანაც სთხოვდა, მოეძებნა ყველაზე ერთგული კაცი, რომელიც უსათუოდ მიაღწევდა ბაღდადამდე და ფაშას ყურამდე მიიტანდა მის რჩევა-დარიგებებს⁶¹. ამასთანავე კავკასიის მთავარმართებელი იმაზეც ფიქრობდა, თუ საიდან და როგორ შეეძლებოდა, საქიროების შემთხვევაში, რუსეთის ჯარის ნაწილების შეყვანა ერაყში.

განსაკუთრებით მნიშვნელოვანი გამოდგა ბაღდადის გამგებლისათვის რუსეთის ჯარების შეტევაზე გადასვლა ირანის წინააღმდეგ კავკასიის ფრონტზე. როგორც ცნობილია, მას შემდეგ, რაც 1808 წლის მარტში ირანის ხელისუფლებამ უარი თქვა რუსეთის მიერ წაყენებული საზავო პირობების⁶² მიღებაზე, გენერალი გუდოვიჩი შეუდგა მზადებას შეტევის გასაახლებლად და შემოდგომაზე შეიქრა ერევან-ნახიჩევანის სახანოებში. ყოზილბაშების ჯარებისა და გენერალ გარდანის ყოველგვარი ცდა, შეეჩერებინათ რუსეთის ჯარების წინსვლა, ამოა გამოდგა. 30 სექტემბერს გუდოვიჩის სამხედრო რაზმებმა დაიკავეს ერმიადინი. 1 ნოემბრისათვის მათ მოამთავრეს ნახიჩევანის სახანოს დამორჩილება და ალყა შემოარტყეს ერევანის ციხეს. რუსეთის ჯარების ამ წარმატებებმა ირანის მმართველი წრეები დაარწმუნეს იმაში, რომ საკუთარი ძალებითა და იმ

⁶¹ Письмо гр. Гудовича к Джафар Кули-Хану Шекинскому, от 25-го августа 1808 года. № 111 (АКАК, т. III, стр. 289).

⁶² საზავო პირობები, რომლის ტექსტი გენერალმა გუდოვიჩმა პოდპოლკოვნიკ ვრედეს ხელით გაუგზავნა აბას მირზას, ბოზორგს (აბას მირზას ვაზირს) და მირზა შაფის (ბაბა-ხანის ვაზირს), ითვალისწინებდა საზღვრის დაწესებას მტკვარ-არაქს-არფაიზე, ე. ი. ირანს უარი უნდა ეთქვა ორღუბაზე, ავრეთზე ერევანისა და ნახიჩევანის სახანოებზე და გადაეცა ისინი რუსეთისათვის (იხ. Извлечение из отношения гр. Гудовича к ген.-фельд. кн. Прозоровскому, от 3-го апреля 1808 г., № 62, АКАК, т. III, стр. 46). სამაგვიროდ რუსეთს ოსმალეთის შეიარაღებული ძალები უნდა დაესაქმებინა თავის წინააღმდეგ ბალკანეთისა და კავკასიის ფრონტებზე და ამით საშუალება მიეცა ირანისათვის დაეკავებინა ერაყი და ბაიზეთი (Отношение гр. Гудовича к гр. Румянцову от 7 марта, 1808 г. № 32, АКАК, т. III, стр. 45). მაგრამ საფრანგეთის მომხედვე ირანს მტკიცედ ჰქონდა გადაწყვეტილი, რომ დაებრუნებინა რუსეთის მიერ დაკავებული აღმოსავლეთ ამერკავკასია, დაღესტანი და სხვა ტერიტორია ყოზილბაშამდე. ამიტომ აბას მირზამ გუდოვიჩის უარით უპასუხა.

დანმარებით, რაც საფრანგეთისაგან მიიღეს არათუ საქართველოს მიწა-წყალს დაიბრუნებდნენ, მათ ხელში მყოფი სხვა ტერიტორიების შენარჩუნებასაც ვერ შესძლებდნენ. ამიტომ მათ ერთხელ კიდევ მოაგონეს საფრანგეთის მთავრობას, შეესრულებინა ფინკენშტეინის ხელშეკრულებით ნაყისრი ვალდებულება, ამიერკავკასიის აღმოსავლეთ ნაწილიდან რუსების განდევნას რომ ითვალისწინებდა: „დადგა დრო თქვენი პირობის შესრულებისა“⁶³, — მიმართავდა პირზე შაფი საფრანგეთის საგარეო საქმეთა მინისტრს შამპანს. მაგრამ ამ პირობას განხორციელება არ ეწეოდა. ესპანეთის ამბებით დაკავებულ ნაპოლეონს ირანისათვის აღარ ეცალა.

ასეთ პირობებში, როცა კავკასიის ფრონტზე ყიზილბაშთა მდგომარეობა სულ უფრო უარესდებოდა, საფრანგეთის მხრივ რაიმე ეფექტური დახმარების მიღების იმედი მათ აღარ ჰქონდათ, ხოლო სამხრეთიდან ინგლისისა და მისი მოკავშირე ბალდადის საფაშოს ჯარების თავდასხმის საფრთხე დღითიდღე იზრდებოდა, — ირანის მთავრობას შეეძლო შეეკრა ზავი რუსეთთან. მაგრამ მან სულ სხვა გადაწყვეტილება მიიღო. რუსეთთან დაზავებას (ერევან-ნახიჩევან-ორდუბადის დაკარგვასა და საერთოდ ამიერკავკასიის ტერიტორიის დაბრუნებაზე უარის თქმას) ინგლისთან დაახლოება ამჯობინა, რადგან ეს უკანასკნელი მას რუსეთის წინააღმდეგ ომში ისეთ დახმარებას ჰპირდებოდა, როგორსაც მოისურვებდა. ამასთანავე ბუშირის ნავსადგურში მისული ჯონსი პირობას იძლეოდა, რომ ხელს ააღებინებდა გენერალ მალკოლმს თავის განზრახვაზე ირანის წინააღმდეგ⁶⁴.

15 ოქტომბერს ჯონსმა ნება მიიღო ფეხი დაედგა ირანის მიწაზე, ხოლო 13 ნოემბერს შაჰმა ის ინგლისის სრულუფლებიან ელჩად სცნო და თეირანში მიიწვია, რასაც აღშფოთებით შეხედდნენ საფრანგეთის საელჩოს წარმომადგენლები. 23 ნოემბერს ამასთან დაკავშირებით გარდანი ეწვია შაჰს და გაათრთხილა, რომ თუ ინგლისის წარმომადგენელი დაშვებული იქნებოდა თეირანში, ის საფრანგეთის საელჩოს მთელი შემადგენლობით დაუყოვნებლივ დატოვებდა ირანს. მართლაც, 1809 წლის 13 თებერვალს მან პროტესტის ნიშნად დემონსტრაციულად მიატოვა ირანის დედაქალაქი და თავრიზისაკენ გაეშურა, მაგრამ ამით სასურველ შედეგს ვერ მიაღწია. შაჰის პოლიტიკის შემობრუნება საფრანგეთის სასარგებ-

⁶³ А. Р. Иоаннисян, დასახ. ნაშრომი, გვ. 191.

⁶⁴ Н. J. Bridges, დასახ. ნაშრომი, ტ. I, გვ. 41—43 და 127—142.

ლოდ ველარ მოხერხდა, ინგლისის დიპლომატიას თავისი გაპქონდა და 14 თებერვალს ჯონსი უკვე თეირანს მივიდა.

თეირანში მისვლისთანავე ინგლისის წარმომადგენელი დაუკავშირდა მირზა შაფის და გამართა მასთან მოლაპარაკება, რომელიც დასრულდა 12 მარტს ირან-ინგლის შორის „წინასწარი შეთანხმების“ დადებით. შეთანხმება ირანს ავალდებულებდა, გაეუქმებინა ევროპის სახელმწიფოებთან მანამდე დადებული ყველა ხელშეკრულება, არ დაეშვა, რომ მათ თავიანთი ჯარები გადაეყვანათ ირანის ტერიტორიაზე გავლით სპარსეთის ყურეში და ინდოეთში (მუხლი III), ხოლო თუ ვინმე თავს დაესხმოდა ინდოეთს, ირანს დახმარება უნდა გაეწია ინგლისისათვის (მუხლი IV).

თავის მხრივ ინგლისი ირანს კპირდებოდა დახმარებას ჯარით, იარაღითა და ფულით, თუ რომელიმე ევროპული სახელმწიფოს შეიარაღებული ძალები შეიჭრებოდნენ შაჰის მფლობელობაში მყოფ ტერიტორიაზე. დახმარება გაგრძელდებოდა მანამდე, სანამ არ დაიდებოდა ზავი ირანისათვის მისაღებ პირობებში (მუხლი IV). გარდა ამისა, ინგლისი უარს ამბობდა ავღანელებისათვის დახმარების გაწევაზე და საერთოდ ხელს იღებდა ირანის წინააღმდეგ საომარ სამზადისზე⁶⁵.

ხელშეკრულების ანალიზი აშკარად გვიჩვენებს, რომ ინგლისს განზრახული ჰქონდა მოეპოვებინა მონოპოლიური მდგომარეობა აღმოსავლეთში, კერძოდ, ირანში და შეესუსტებინა რუსეთ-საფრანგეთის პოზიციები იქ.

რუსეთის დასუსტებისა და ამიერკავკასიიდან მისი განდევნის მიზნით, ჯონსმა ედერთან (ინგლისის ელჩი სტამბოლში) ერთად ისიც გააკეთა, რომ შეიმუშავა სპეციალური გეგმა, რომელიც ითვალისწინებდა ფრონტის გახსნას რუსეთის წინააღმდეგ მოლდავია-საქართველოში და ბრძოლაში ირან-ოსმალეთის ერთობლივ მოქმედებას; ხოლო ამისათვის კი პირველ რიგში ამ ორი მუსლიმური ქვეყნის ერთმანეთთან შერიგებას და მათ შორის სამოკავშირეო ხელშეკრულების დადებას, რასაც ჯონსის დიქტატით 1809 წლის აგვისტოში სულთანს სთხოვდა შაჰი⁶⁶.

მართალია, ხელშეკრულების დადება არ მოხერხდა, მაგრამ დამოკიდებულება ირან-ოსმალეთს შორის მაინც არსებითად გაუმ-

⁶⁵ J. W. Kaye, History of the war in Afganistan, London, 1878, vol. I, pp. 181—184.

⁶⁶ H. J. Bridges, დასახ. ნაშრომი, გვ. 273.

ჯობესდა. სტამბოლში გამართული მოლაპარაკების დროს რეის-ეფენდი ყოველნაირად უსვამდა ხაზს ოსმალეთის მეგობრულ გრძნობებს ირანის მიმართ, ორივე ქვეყნის საერთო მიზნებსა და ინტერესებს რუსეთის წინააღმდეგ ბრძოლაში⁶⁷.

ირან-ოსმალეთის დაახლოება და მათი დარაზმვა რუსეთის წინააღმდეგ იყო ჯონსის მისიისა და საერთოდ ინგლისის დიპლომატიის ახალი მნიშვნელოვანი გამარჯვება (თეირანში საელჩოს აღდგენისა და ირანთან 1809 წ. 12 მარტს დადებული ხელშეკრულებების შემდეგ), რამაც ხელი შეუწყო აგრეთვე ბალდადის საფაშოსა და მისი გამგებლის საერთო მდგომარეობის გაუმჯობესებას.

საქმე ის იყო, რომ, როცა ინგლისმა დასახულ მიზანს მიაღწია ირანში და 12 მარტის შეთანხმებით უარი თქვა მის წინააღმდეგ ყოველგვარ მტრულ მოქმედებაზე, ირანის საზღვართან მდგარ ბალდადის ფაშას საშუალება მიეცა აეშალა ბანაკი და ბალდადში დაბრუნებულიყო. მაგრამ მას ხელს ახლა ის უშლიდა, რომ ირანის მთავრობა კვლავ უხეშად ერეოდა ერაყის საშინაო საქმეებში.

მაშინ, როცა ვაჰაბიტების დამარცხების შემდეგ (1808 წლის აგვისტოდან) ის ირანის საზღვართან იდგა და ამ უკანასკნელის წინააღმდეგ საომარი მოქმედების დასაწყებად ინგლისელთა განჯარგულებას ელოდა, აბდ არ-რაჰმან ფაშა ბაბანი ყიზილბაშთა რაზმებით შაჰრიზურში შეიჭრა, დაისაკუთრა ეს მხარე და ისევ მოსწყვიტა ის ბალდადის საფაშოს. ბრძოლა აბდ არ-რაჰმანისა და მაშასაღამე ირანის (როგორც მისი დამხმარის) წინააღმდეგ გარდაუვალი ხდებოდა და შესაძლოა ის ირან-ოსმალეთის ომშიც გადაზრდილიყო, რომ ვითარება არ შეცვლილიყო.

ოსმალეთთან ხელშეკრულების დასადებად რომ ემზადებოდა, ირანის მთავრობამ დაიწყო თავისი პოლიტიკის გადასინჯვა მის მიმართ; უარი თქვა საზღვრისპირა ოსმალეთის პროვინციების, კერძოდ, ბალდადის საფაშოს საშინაო საქმეებში ჩარევაზე და, თავისი მეგობრული დამოკიდებულება რომ დაემტკიცებინა, ქერმანშაჰის გამგებელს მუჰამედ ალი მირზას შეუთვალა, დახმარებოდა სულეიმან ქუჩუქს აბდ არ-რაჰმანის წინააღმდეგ ბრძოლაში.

ამრიგად, სულეიმან ქუჩუქმა ირანთან ომიც თავიდან აიცილა და ქურთისტანის საკითხიც თავის სასარგებლოდ გადაქრა.

⁶⁷ А. Р. Иоаннисян, *დასახ. ნაშრომი*, გვ. 242; R. Adair, *The Negotiation of the peace of the Dardanelles in 1809*, London, 1845, vol. I. pp. 256—260; vol. II, pp. 188—192 202—204.

1809 წლის გვიან გაზაფხულზე ბალდადის ფაშასა და ალი მირზას გაერთიანებულმა ლაშქარმა დალაშქრა სულეიმანიე და კვლავ დაუმორჩილა ის ბალდადის საფაშოს⁶⁸.

სულეიმანიეს შემოერთებით ერაყში დროებით შეწყდა ბრძოლები, დაიწყო მშვიდობიანი ცხოვრება. გამტყუნდა სულთნის ვარაუდი იმის შესახებ, რომ ბალდადის ახალგაზრდა ფაშა საფაშოში შექმნილ რთულ ვითარებას თავს ვერ გაართმევდა და ამ საბაბით მას თავიდან მოიცილებდა. სულეიმან ქუჩუქმა ორწლიანი მძიმე ბრძოლების შემდეგ არათუ მოახერხა ქურთისტანის დაწყნარება-შემოერთება, ვაჰაბიტების განდევნა ერაყის ტერიტორიიდან და მისი გადარჩენა ინგლისელთა ხელყოფისაგან, არამედ ენერგიულად შეუდგა საფაშოში მოქმედი ისეთი წესების შეცვლას, როგორც იყო: 1. მუნიციპალური აქციზი (იპთისაბ), 2. დასჯის უფლება, 3. უფლება სასამართლო ბოქაულისა, 4. ქონების კონფისკაცია და მემკვიდრეობის მიტაცება, 5. სიკვდილით დასჯა, გარდა იმ შემთხვევისა, როცა საქმე ეხება სისხლის აღებას და 6. ამოდიოდა რა ჰანიფიტური მოძღვრებიდან, მან ქალაქების კადიებსა და ნაკიბებს გასამრჯელო დაუწესა საფაშო ხაზინიდან ნაცვლად იმ განუსაზღვრელი შემოსავლისა, რასაც ისინი იღებდნენ მანამდე.

არსებულ წესებში ასეთი სიახლის შეტანის მთავარ მიზანს შეადგენდა ცალკეულ მოხელეთა ერთგვარი შეზღუდვა, ფაშას ძალაუფლების გაძლიერება და საფაშოს პოლიტიკურ-ეკონომიური მდგომარეობის გაუმჯობესება, რისთვისაც ჩანს, სულეიმანს რამდენადმე მიუღწევია კიდევაც. ამ ღონისძიებათა შედეგად „საფაშო, ხაზინის წლიური შემოსავალი რამდენჯერმე აღემატებოდა მანამდელსო“ — ამბობს კლ. უარი⁶⁹. მისივე თქმით, სულეიმან ქუჩუქის დროს ერაყში შემეცირებულა ქურდობა, ყაჩაღობა, აგრეთვე სხვა ბოროტმოქმედებანი და ხალხი მშვიდად ცხოვრობდაო⁷⁰.

ერაყში დამყარებული მშვიდობა მალე დაირღვა, მდგომარეობა თანდათან დაიძაბა და ბოლოს იმდენად გართულდა, რომ სულეიმან ფაშას სიცოცხლე შეიწირა. საქმე ის არის, რომ საფაშოში ჩატარებულმა ცვლილებებმა იმათი უქმაცოფილება გამოიწვია, ვისაც ის უშუალოდ შეეხო. სტამბოლში სისტემატურად მიდიოდა

⁶⁸ Cl. J. Rich, დასახ. ნაშრომი, გვ. 384.

⁶⁹ Cl. Huart, დასახ. ნაშრომი, გვ. 164—165. ანალოგიურ ცნობებს იძლევა ჯედდოტე (იხ. მისი დასახ. ნაშრომი, ტ. IX, გვ. 252).

⁷⁰ Cl. Huart, დასახ. ნაშრომი, გვ. 165.

საჩივრები ბაღდადის უღუმებისა და სხვა მოხელეებისაგან, რომლებიც ბრალს სდებდნენ ფაშას მწვალებლობაში და ვაჰაბიტებთან კავშირში⁷¹. ქოის სანჯაქში თავშეფარებული აბდ არ-რაჰმან ბაბანი სულთანს იმასაც წერდა, სულეიმან ფაშას განზრახული აქვს ირანელთა დახმარებით ერაყის ჩამოშორება ოსმალეთის იმპერიისაგან და დამოუკიდებელი მმართველობის შექმნა⁷². ის ადვილად ახერხებდა ცენტრალური ხელისუფლების დარწმუნებას, რადგან ბაღდადის გამგებელი არ ასრულებდა სულთნისათვის მიცემულ პირობას, უარს აცხადებდა როგორც მისი წინამორბედი ფაშების (სულეიმან ბუიუქისა და ალი ფაშას) დროინდელი თანხის გადახდაზე, ასევე საკუთარი ვალის (სულ 10000 ქისის) დაფარვაზე⁷³.

მაგრამ ბაღდადის ფაშას მარტო უღუმები და აბდ არ-რაჰმან ბაბანი როდი მტრობდნენ. მის წინააღმდეგ თითქმის ერთდროულად წამოიშალნენ აგრეთვე დიარბაქრისა და მარდინის ტომები, მოსულის ბეგები და ქურთისტანის ერთ-ერთი ყველაზე გავლენიანი პირი, ხალედ ფაშა. ამავ დროს მკვეთრად გაუარესდა დამოკიდებულება სულეიმან ფაშა ქუჩუქსა და ინგლისის ოსტ-ინდოეთის კომპანიის წარმომადგენლებს შორისაც.

მოსულის ბეგების გულისწყრომა ბაღდადის გამგებლისადმი იმით იყო გამოწვეული, რომ ამ უკანასკნელმა ანგარიში არ გაუწია მათ თხოვნას. ნაცვლად იმისა, რომ მოსულის გამგებლის პოსტიდან ავადმყოფობის გამო გადაყენებული ნუ'მან ფაშას ადგილზე აბდ ალ-ჯალილის გვარის რომელიმე წარმომადგენელი დაესვა, მან ეს თანამდებობა აჰმედ ეფენდის ჩააბარა. თითქმის ასეთივე საფუძველი ედო ხალედ ფაშას უკმაყოფილებასაც. იმ დახმარებისათვის, რაც მან ბაღდადის ჯარს გაუწია 1808 წელს აბდ არ რაჰმან ბაბანის წინააღმდეგ ლაშქრობისას, სულეიმან ქუჩუქისაგან თუ სულეიმანის არა, ქოის სანჯაქის გამგებლად დანიშვნას მაინც მოელოდა, მაგრამ, როცა ეს თანამდებობა მუჰამედ ბეგს გადაეცა, ხალედმა თავი შეურაცხყოფილად იგრძნო, აბდ არ-რაჰმანს მიემხრო და მასთან ერთად ხელი მიჰყო ბაღდადის ფაშას წინააღმდეგ ძირგამომთხრელ საქმიანობას.

რაც შეეხება ბაღდადის ფაშასა და ინგლისის ოსტ-ინდოეთის კომპანიის წარმომადგენლებს შორის არსებულ უთანხმოებას, ეს იმით

⁷¹ تاريخ جودت, ტ. IX, გვ. 251.

⁷² Cl. J. Rich, დასახ. ნაშრომი, გვ. 384.

⁷³ تاريخ جودت, ტ. IX, გვ. 251.

იყო გამოწვეული, რომ ინგლის-ოსმალეთს შორის 1809 წ., ე. წ. დარ-დანელის საზავო ხელშეკრულების⁷⁴ დადების შემდეგ ოსტ-ინდოეთის კომპანიის ბალდადსა და ბასრაში აკრედიტებულმა წარმომადგენლებმა მიზნად დაისახეს ერაყზეც ისეთივე კონტროლის დაწესება, როგორსაც ინგლისელები ირანის მიმართ ახორციელებდნენ. ამიტომ სულეიმან ფაშა ქუჩუქმა გადაჭრით გაილაშქრა მათ წინააღმდეგ და აიძულა დაუყოვნებლივ დაეტოვებინათ საფაშოს ტერიტორია⁷⁵. მაგრამ 1810 წელს საფაშოს ჩრდილო ნაწილში მიმდინარე ამბოხებებმა, ბალდადსა და ბასრაში ოპოზიციის გაძლიერებამ და ბომბეის ხელისუფლების სერიოზულმა მუქარამ, ერაყის გამგებელს უკარნახეს შეეცვალა თავისი დამოკიდებულება ინგლისელებისადმი და წასულიყო გარკვეულ დამოზობაზე. სამაგიეროდ მათთან დამოკიდებულების გაუმჯობესებით ის უენებელყოფდა თავის საფაშოს თავდასხმისაგან და შესაძლებლობა მიეცემოდა მთელი თავისი ძალებით ემოქმედნა ქვეყნის შიგნით დიარბაქრის, მარდინის, მოსულის აჯანყებულებისა და ბასრა-ბალდადის ოპოზიციონერთა დასათრგუნავად. ასეთი მოსაზრებით სულეიმან ქუჩუქი დაუზავდა ინგლისის ოსტ-ინდოეთის კომპანიას, მიიღო ბომბეის ხელისუფალთა წინადადებანი, სცნო ინგლისელთა პრივილეგიური უფლებები ერაყში და პირობა დადო, არ ჩარეულიყო კომპანიის საქმეებში⁷⁶.

ოსტ-ინდოეთის კომპანიასთან მორიგების შემდეგ სულეიმან ფაშა ქვეყნის დაწყნარებას შეუდგა. თავისი ჯარის ერთი ნაწილი აჰმედ ფაშას მეთაურობით მან მარდინისაკენ გაგზავნა, ქოის სანჯაყის გამგებელს მუჰამედ ბეგს უბრძანა, აჰმედ ფაშას დახმარებოდა, ხოლო თვითონ კი დიარბაქრს მიაშურა და სინჯარის აჯანყებულთ გაუსწორდა.

⁷⁴ ეს ხელშეკრულება ამჟამად მოუძოხს ოსმალეთში ინგლისის გავლენის ზრდას და საფრანგეთის პოზიციების შესუსტებას, რის ერთ-ერთი მიზეზი მდგომარეობდა. ოსმალეთისადმი საფრანგეთის ხელისუფლების იმ არაჯელწრფელ დამოკიდებულებაში, რაც ნაპოლეონმა ესოდენ ნათლად გამოხატა ტილიტსა და ერფურტში აღექსანდრე პირველთან შეხვედრის დროს როგორც ცნობილია, ნაპოლეონმა ტილიტში ოსმალეთის იმპერიის დანაწილების საკითხი დააყენა, ხოლო ერფურტში მან აღექსანდრეს თანხმობა განუცხადა მოლდავია-ვალახეთის დაკავებისა (Дипломатический словарь, М., 1950, т. II, стр. 971). მაგრამ ამ საიდუმლო შეთანხმების არსი მალე გახდა ცნობილი სულთნის ხელისუფლებისათვის.

⁷⁵ C. U. Aitchison, A Collection of Treaties Engagements and sanads relating to India and neighbouring countries, Calcutta. 1892, vol. XI, p. 2; B. B. Л у ч к и и, დასახ. ნაშრომი, გვ. 57.

⁷⁶ C. U. Aitchison, დასახ. ნაშრომი, ტ. XI, გვ. 2.

აჰმედ ჯევედთის გადმოცემით, ამ ბრძოლის დროს სინჯარის შრავალი სოფელი დანგრეულა, აჯანყებულთა უმრავლესობა ბრძოლის ველზე დაღუპულა, დანარჩენები, ვინც სიკვდილს გადაარჩა და გაქცევა ვერ მოასწრო, ბაღდადის ფაშას დაუტყვევებია⁷⁷.

სინჯარიდან სულეიმან ფაშას არბანზე უნდა გაელაშქრა ზაფირის ტომის დასამორჩილებლად, მაგრამ გზაში შეიტყო, რომ მარდინს გაგზავნილი აჰმედ ფაშა და მუჰამედ ბეგ შაზი აჯანყებულებთან ბრძოლაში დამარცხებულიყვნენ და ფაშას მაშველ ლაშქარს სთხოვდნენ. ამის გამო ბაღდადის გამგებელმა მარშრუტი შეიცვალა და დირნასკენ (ადგილია დიარბაქრის მხარეში) წავიდა, არბანში კი თავისი ძიძიშვილი აჰმედ ბეგი გაგზავნა.

დირნაში სულეიმან ქუჩუქმა რამდენიმე ბრძოლა გაუმართა ადგილობრივ ტომებს და ისინიც ისე სასტიკად დასაჯა, როგორც სინჯარის მოსახლეობა⁷⁸.

ამის შემდეგ სულეიმან ფაშა მარდინის აჯანყებულებს უნდა გასწორებოდა, მაგრამ სერიოზულად დაზარალებულ და დასუსტებულ მის ლაშქარს ბრძოლა აღარ შეეძლო, და იძულებული იყო ბაღდადისაკენ გამობრუნებულიყო. აქ კი ამ დროს მის წინააღმდეგ შეთქმულებას ამზადებდნენ აბდულაჰ და ტაჰირ ალები (ყოფილი ხაზინადარი და ჩოკდარი)⁷⁹.

ლაშქრობის შეწყვეტას, რაც ფაქტიურად დამარცხებას უდრიდა, საფაშოს ჩრდილო ნაწილში აჯანყების ახალი აღმავლობა მოჰყვა. აჯანყების ტალღა ახლა მოსულს და მთელ ქურთისტანსაც მოედო. სინჯარში შაზისა და ზაფირის ტომებმა კვლავ აიშვეს თავი და განაგრძობდნენ მეზობელი რაიონების მიწათმოქმედ მოსახლეობაზე თავდასხმებს. მოსულის ბეგებმა ისარგებლეს ერაყის გამგებლის წარუმატებლობით და 1810 წლის გვიან გაზაფხულზე თანამდებობიდან გადააყენეს და მოჰკლეს მის მიერ მოსულის გამგებლად დანიშნული აჰმედ ფაშა. შაჰრიზურის ჩრდილო-დასავლეთ ნაწილში აჯანყებას სულეიმან ფაშა ქუჩუქის წინააღმდეგ ისევ და ისევ აბდარ-რაჰმან ბაბანი და ხალედი ხელმძღვანელობდნენ.

⁷⁷ تاريخ جواد، ط. IX، ص. 248.

⁷⁸ იქვე, გვ. 249.

⁷⁹ ჯევედთის ცნობით, ეს ორი მოხელე ჯერ ერთმანეთს ებრძოდა, ხოლო შემდეგ შეთანხმდნენ და სულეიმან ფაშას მოწამლვა განიზრახეს (იხ. ჯევედთის დასახელებული შრომა, გვ. 250).

ბაღდადის ფაშას მდგომარეობას ამწვავებდა ისიც, რომ მის წინააღმდეგ ოსმალეთის ცენტრალური ხელისუფლება ამოქმედდა. ვალის გადაუხდელობისა და იმ მრავალრიცხოვანი საჩივრების გამო, რაც სულთანს მისდიოდა ბაღდადის საფაშოს სხვადასხვა კუთხიდან ქუჩიქ სულეიმანის მოქმედებით უკმაყოფილო პირებისაგან, აგრეთვე იმის გამოც, რომ ცენტრალური ხელისუფლების უკითხავად მოქმედებდა, ჯერ კიდევ 1810 წლის მარტში, სტამბოლში, სულთნის დივანში, ერთხელ კიდევ დაისვა საკითხი თანამდებობიდან სულეიმანის გადაყენების შესახებ.

მომენტი მოხერხებულად იყო შერჩეული, მაშინ დიდ სახელმწიფოთა წარმომადგენელთაგან სტამბოლში ისეთი აღარავინ იყო, რომ ბაღდადის ფაშას დაცვა ეთავა. სებასტიანთან ქუჩიქ სულეიმანს დიდი ხანია გაუფუჭებული ჰქონდა ურთიერთობა. თუმცა ასეც რომ არ ყოფილიყო, მას შემდეგ, რაც სულთნის ხელისუფლებისათვის ნათელი გახდა ნაპოლეონის ნამდვილი ზრახვები, გამოთქმული ტილზიტსა და ერფურტში ოსმალეთისადმი⁸⁰, საფრანგეთის მთავრობას და მის წარმომადგენელს ისეთ ანგარიშს აღარ უწევდნენ როგორც ადრე, 1808 წელს.

შედარებით მეტი გავლენა ოსმალეთში ახლა ინგლისს ჰქონდა, მაგრამ მისი ელჩი სტამბოლში ედერი მეურვედ არ გამოადგებოდა სულეიმანს. ის თვითონ უჩიოდა ფაშას ერაყის ტერიტორიიდან ოსტ-ინდოეთის კომპანიის წარმომადგენლების გაძევების გამო.

რაც შეეხება რუსეთს, რომელიც ადრე სულეიმანს მფარველობას და დახმარებას ჰპირდებოდა, ამ დროს ის გალიციის საკითხის მოგვარებით იყო დაკავებული, ირან-ოსმალეთთანაც ომი ჰქონდა და ბაღდადის ფაშასთვის აღარ ეცალა. მიუხედავად ამისა, სულთნის დივანში მაინც შიშობდნენ, რომ ქუჩიქ სულეიმანის გადაყენებას არ გამოეწვია ერთდროული მოქმედება ოსმალეთის წინააღმდეგ ერაყიდან და რუსეთიდან, რომლის არმია, მაშინ ღუნაის ნაპირზე იდგა. ამიტომ გადაწყდა, რომ ერაყში გაეგზავნათ მუჰამედ საიდ ხალედ ეფენდი, რომელიც ადგილზე შეისწავლიდა საქმის ვითარებას.

1810 წლის 9 ივლისს ხალედ ეფენდი ბაღდადს ეწვია. ამ დროს ქუჩიქ სულეიმანიც ახალი დაბრუნებული იყო დიარბაქრ-მარდინის ბრძოლებიდან და ჯარს აგროვებდა სალაშქროდ, მაგრამ სულთნის წარმომადგენლის მოსვლამ მისი გეგმა ჩაშალა.

⁸⁰ ოგლისხმება ნაპოლეონის გეგმა ოსმალეთის დანაწილების შესახებ და რუსეთთან შეთანხმება.

მისკლისთანავე ხალედ ეფენდიმ ფაშა ინახულა და ვალის გადახდა მოსთხოვა, თანაც გააფრთხილა, რომ უარის თქმის შემთხვევაში ის შერისხული და გადაყენებული იქნებოდა თანამდებობიდან.

სულეიმან ქუჩუქმა ველარ გამოიჩინა საკირო შორსმკვრეტელობა, დაუშვა სერიოზული შეცდომა და თავიც წააგო. ითვალისწინებდა რა იმპერიის რთულ ვითარებას, აგრეთვე იმასაც, რომ ბაღდადი საკმაოდ შორს იყო სტამბოლიდან, საიდანაც ცენტრალურ ხელისუფლებას იმ პირობებში გაუძნელდებოდა საკირო რაოდენობით არმიის ვაგზავნა ერაყში, — სულეიმანმა სრული გულუბრყვილობა გამოამჟღავნა საფაშოს საშინაო მდგომარეობის შეფასებაში. მან ჭეროვანი ანგარიში არ გაუწია იმ აჯანყებებს, მის წინააღმდეგ რომ წარმოებდა ჩრდილოეთ ერაყში, დარწმუნებული იყო თავის ძალაში და უარი განაცხადა ხალედ ეფენდის წინადადების მიღებაზე. მან მხოლოდ ზოგიერთი წვრილმანი მოთხოვნის შესრულება იკისრა. დანარჩენის შესახებ (კერძოდ, ვალთან დაკავშირებით) ბოდიშის წერილი გადასცა სულთნის საგანგებო რწმუნებულს და უკან გააბრუნა.

სულეიმან ფაშა ქუჩუქის ცხოვრება-მოღვაწეობის ბოლო პერიოდი დეტალურად აქვს აღწერილი ჯევედეთს, რომელიც ბაღდადის გამგებლისა და ხალედ ეფენდის ბოლო შეხვედრისას გამართულ დიალოგს, მოთხოვნილს ფაშას ბეკდის მკველის მიერ, ასეთნაირად გადმოგვცემს. მოლაპარაკების დასასრულს ხალედ ეფენდის განუცხადებია: „ჩვენი ფაშა დიდსულოვან, მორწმუნე, ღირსეულ და ძლიერ ადამიანად ითვლება. მე ვიმედოვნებდი, რომ ასეთ მძიმე პირობებში, როგორშიც ახლა ჩვენი სახელმწიფოა. როცა ის მოცულია შინაური და გარეშე უბედურებებით, ფაშა დაეხმარებოდა მას, მაგრამ ჩემი იმედები დაიმსხვრა. თუმცა, თუ ის ახლა 2000 ქისას მაინც გადაიხდიდა, საკითხი გადაიჭრებოდა და ფაშა მშვიდად იჯდებოდა თავის ადგილზე“. ეს სიტყვები ფაშას არ მოსწონებია და სულთნის წარმომადგენლისათვის ასეთი პასუხი გაუცია: „არ იცი სტამბოლის ამბავი? ახლა რომ ეს ფული მივცე, მაშინ სახელმწიფოს ხელმძღვანელთა გაუმაძღრობა გაიზრდება და ისინი განუწყვეტლივ წამოაყენებენ სულ ახალ ახალ წინადადებებს. რამდენიც არ უნდა მისცე, სულერთია, ამაოდ ჩაივლის. უმჯობესია, გადაჭრით უთხრა უარი, რომ იმედი დაეკარგოთ“⁸¹.

⁸¹ تاریخ جودت، ج. IX، ص. 156.

ამის შემდეგ ყველაფერი ნათელი გახდა. საბოლოოდ გაირკვა, რომ ბაღდადის გამგებელი ნამდვილად გამოსულიყო იმპერიის უმაღლესი ხელისუფლების ზორჩილებიდან. ამიტომ ხალხს ეფენდიმ, რომელსაც მინდობილი ჰქონდა ბაღდადის საკითხის მოგვარება, გადაწყვიტა დაეწყო სულეიმანის წინააღმდეგ. საკირო სამხედრო რაზმების შესაგროვებლად ის სტამბოლში კი არ წასულა, როგორც სულეიმან ქუჩუქი ვარაუდობდა, არამედ მოსულს მივიდა და საჯაროდ წაიკითხა „ფირმანი“ ბაღდადის ფაშას გადაყენების შესახებ⁸². მერე მოსულის გამგებლის, მუჰამედ ფაშას და აბდ არ-რაჰმან ფაშა ბაბანის 15-ათასიანი გაერთიანებული ლაშქრით, აგესტოს დამლევს, ბაღდადისაკენ ვაემართა, თანაც მოწინააღმდეგის ზურგი რომ დაესუსტებინა, სულთნის საგანგებო რწმუნებულმა ჯაშუშები დაგზავნა ბაღდადსა და ბასრაში ფაშას გადაყენების შესახებ ხმის დასავლად.

აღსრულდა ფაშას ბეჰდის მცველის წინასწარმეტყველება: „ხალედი რომ ახლა გაწვილებული წავიდეს, დიდძალი ლაშქრით დაბრუნდება და ალყაში მოგვაქცევს“.

სულეიმან ქუჩუქი ლაშქრობას მომზადებული შეხვდა. მთელი თავისი ლაშქარი, რომლითაც ის ჩრდილო ერაყში საომარი კომპანიის განახლებას ფიქრობდა, ახლა ქაპია ფეიზულ ალას მეთაურობით ხალხს ეფენდის წინააღმდეგ აამოქმედა. პირველი შეტაკება ფაშასა და ქურთების ჯარებს შორის სექტემბრის თვის მეორე ნახევარში გაიმართა და ქაპიას გამარჯვებით დამთავრდა. მაგრამ ეს წარმატება დროებითი აღმოჩნდა. ბაღდადში ამ დროს სერიოზული ამბები დაიწყო. ხალხს ეფენდის ჯაშუშებმა გარკვეულ წარმატებას მიაღწიეს. აბდ არ-რაჰმან ალა მოსულში სხვა თანამოსაქმეებთან ერთად მოკლა იენიჩარების ალა ისმაილი, თავის მხარეზე გადაიბირა იენიჩარების რაზმები, დაიკავა ქალაქის ციხესიმაგრე და აღსდგა ვალის წინააღმდეგ, რამაც არსებითი გარდატეხა მოახდინა ომის მსვლელობაზე. ქაპიას ჯარის ერთი ნაწილი გაწვეულ იქნა ბრძოლის ველიდან ბაღდადში აჯანყების ჩასაქრობად. ამან რამდენადმე შეასუსტა ფეიზულ ალას ლაშქრის ბრძოლისუნარიანობა და ინციდენტი მთლიანად ქურთებს დარჩათ. ისინი ბაღდადს მიუახლოვდნენ და ის იყო ქალაქზე იერიშის მისატანად ემზადებოდნენ, რომ მათ

⁸² ქ. მ. კინნერის გადმოცემით, ეს უნდა მომხდარიყო აგვისტოს თვეში (J. M. Kinneir, A Geographical memoir of the Persian Empire... London, 1813, p. 308).

სულეიმან ქუჩუქმა, რომელსაც თავისი ერთგული ქართული რაზმებით ამ დროისათვის უკვე მოესწრო დედაქალაქში აჯანყების ჩაქრობა. ვადამწყვეტი ბრძოლა გაუმართა. ს. ლონგრიგის თქმით, ეს უნდა მომხდარიყო 1810 წლის 5 ოქტომბერს⁸³, ბალდადიდან ერთი საათის სავალზე. მიუხედავად ქურთების მეღგარი წინააღმდეგობისა, ბრძოლა პირველ დღეს ბალდადის არმიის გამარჯვებით დამთავრდა⁸⁴. მაგრამ, როგორც კლ. უარი აღნიშნავს, ღამით რაღაც გაუგებარი მიზეზით, ფაშას ლაშქარი ბრძოლის ველიდან გაპარულა⁸⁵ და ამან საბოლოოდ გადაწყვიტა ბრძოლის ბედი. მეორე დღეს, ულაშქროდ დარჩენილმა და ალყაშემორტყმულმა სულეიმანმა ქართული ჯვარდიით გაარღვია რკალი, გადალახა მდ. დიალა და დახმარების სათხოვნელად მუნთაფიქის შეიხ ჰამიდ ას-სამირისაკენ გაემართა უდაბნოში, მაგრამ გზაში დაიღუპა⁸⁶. დეფაის ტომის ბელადმა, რომელმაც სულეიმანი ღამის გასათევად თავის კარავში მიიპატიჟა, უღალატა სტუმართმოყვარეობის წესს, მოკლა მძინარე ფაშა⁸⁷ და მისი თავი ხალედ ეფენდის მხარტვა ერთგულების ნიშნად⁸⁸. ასე დაიღუპა სულეიმან ქუჩუქი, რომელმაც ერაყში თავისი ხანმოკლე მმართველობის პერიოდში საყოველთაო სიმპათია დაიმსახურა. შესანიშნავი თვისებებით დაჯილდოებული ეს გამგებელი იყო სამართლიანი, კეთილშობილი, გულისხმიერი და მწყალობელი⁸⁹. „მისი სამართლიანი და ჰუმანური მმართველობა დიდხანს ახსოვდა ბალდადის მოსახლეობას“, — აღნიშნავს თანამედროვე⁹⁰.

⁸³ S. H. Longrigg, დასახ. ნაშრომი, გვ. 226.

⁸⁴ أحمد جودت, დასახ. ნაშრომი, გვ. 257—258.

⁸⁵ Cl. Huart, დასახ. ნაშრომი, გვ. 166. ეს რაღაც უჩინარი ძალა სხვა არაფერი შეიძლება იყო ყოფილიყო თუ არა ფული, მოსყიდვა, რასაც ხშირად მიმართავდნენ ხოლმე შაშინ, როგორც ერაყში, ასევე მთელ ოსმალეთის იმპერიაში (أحمد جودت, დასახ. ნაშრომი, გვ. 257).

⁸⁶ أمين بن حسن الحلواني المدني، مطالع السعود، ص ٤٢

⁸⁷ მკვმედ სურეია სულეიმან ქუჩუქის დაღუპვის თარიღად ასახელებს 1810 წლის 16 ივლისს (დასახ. ნაშრომი, ტ. III, გვ. 93), მაგრამ ვფიქრობთ, ჭევედეთის ცნობა უფრო სწორია.

⁸⁸ Cl. Huart, (დასახ. ნაშრომი, გვ. 167; أمين الحلواني დასახ. ნაშრომი, გვ. 42; J. M. Kinneir, დასახ. ნაშრომი, გვ. 308—309. ამოთან განსხვავებით ს. ლონგრიგი აღნიშნავს, სულეიმანი შამარ ტოგას ტომის ბელადმა მოკლა (S. H. Longrigg, დასახ. ნაშრომი, გვ. 227).

⁸⁹ Cl. Huart, დასახ. ნაშრომი, გვ. 164-165.

⁹⁰ J. M. Kinneir, დასახ. ნაშრომი, გვ. 309.

**იმავერიის ცენტრალური ხელისუფლების ცდა
ირაყში მამლუქთა კალაუფლების დასაბრუნებლად**

**ახალაა თუთუნჯის დანიშნა ბაღდადის საფაშოს
მმართველად, ბრძოლა მის წინააღმდეგ და მამლუქთა
ხელისუფლების აღდგენა**

სულეიმან ფაშა ქუჩუქის დამარცხებისა და დაღუპვის შემდეგ ბრძოლა მალე დამთავრდა. სულთნის საგანგებო წარმომადგენელმა ბაღდადი დაიკავა და საქმე ისე მოაგვარა, როგორც ცენტრალურ ხელისუფლებას ჰქონდა განზრახული. მან მტკიცედ გადაწყვიტა ბოლო მოეღო ირაყში ქართველი ქულებმეწიერების მბრძანებლობისათვის, რათა ეს მხარე აღარ გამოსულიყო სულთნის მორჩილებიდან. ამიტომ ბაღდადის საფაშოს გამგებლის პოსტზე სულეიმან ქუჩუქის შემცვლელად დანიშნა არა სულეიმან ბუიუქის „გვარის“ წარმომადგენელი, რასაც ბაღდადის მოსახლეობის შეძლებული ზედაყენა მოითხოვდა, არამედ დაღუპული ფაშას ყოფილი ხაზინადარი, ტომით ქურთი, აბდალაჰ ალა თუთუნჯი, ის ვინც საიდუმლო კავშირში იყო აბდ არ-რაჰმან ბაბანთან და მასთან ერთად მნიშვნელოვან დახმარებას უწყევდა ხალედ ფეჟენდის სულეიმან ქუჩუქის წინააღმდეგ ბრძოლაში.¹

ხელისუფლების სათავეში ახალი კაცის მოსვლას, როგორც ყოველთვის, ახლაც თან მოჰყვა ცვლილებები საფაშოს მმართველობის მთელ აპარატში, განსაკუთრებით, სამხედრო და საფინანსო უწყებებში². ამ ღონისძიებათა გატარებით ბაღდადის საფაშოს ახალ გამგებელს უნდოდა განემტკიცებინა თავისი მდგომარეობა. მაგრამ მან არათუ ვერ მიადწია სასურველ შედეგს, არამედ განიიწვია ხელახალი არეულობა საფაშოს დედაქალაქში. ხელისუფლებიდან განდევნილმა ძველმა თანამდებობის პირებმა შეადგინეს ჯგუფი და საიდ ბეგის მეთაურობით გაშალეს ბრძოლა აბდალაჰ ფაშა თუთუნჯის ხელისუფლების დასაბრუნებლად, რის გამოც „ბაღდადელებისათვის თავს მოხვეული ახალი ფაშას მდგომარეობა ძნელზე ძნე-

¹ А. А. Д а м о в, დასახ. ნაშობი, გვ. 409.

² تاريخ جوادت, ტ. IX, გვ. 259.

ლი იყო. ბაღდადის ფაშების ქართული გვარდიისა და ქალაქში მცხოვრები მათი მრავალრიცხოვანი თანამეტომეების მთელი სიმ-
პათია სულეიმან ბუიუქის მოდგმის მხარეზე იყო, რომ არაფერი
ვთქვათ ბაღდადის დანარჩენ მოსახლეობაზე³.

აბდალაჰ თუთუნჯის ფაშობის პირველი დღეებიდანვე შესამჩ-
ნევად გაძლიერდა ირანის გავლენა ბაღდადის საფაშოს აღმოსავ-
ლეთ რაიონებზე. საქმე იქამდისაც კი მივიდა, რომ ქერმანშაჰის
გამგებელმა დაიწყო გადასახადების აკრეფა შაპრიზურის მხარეში,
სადაც ამ დროს ძალა-უფლებას სათავეში ედგა აბდ არ-რაჰმან ბა-
ბანი. განსაკუთრებით გაძლიერდა ირანის ჩარევა ქურთისტანის
თურქულ ნაწილში 1812 წ. რუსეთ-ოსმალეთს შორის დადებული
„ბუქარესტის საზავო ხელშეკრულების“, ანუ როგორც მას ალექ-
სანდრე I უწოდებდა, „ღვთის მიერ ბოძებული“ ხელშეკრულე-
ბის შემდეგ, როცა ირანი, — რომელსაც თურქეთის ხელისუფლება
აღუთქვამდა, რომ მასთან ერთად ბოლომდე იბრძოლებდა რუსეთის
წინააღმდეგ⁴, — ოსმალებისაგან მოტყუებული აღმოჩნდა. რუსეთ-
თან ზავი ისე შეიკრა, რომ სულთანს შაჰისათვის წინასწარ არაფერი
უცნობებია. რის გამოც ეს უკანასკნელი რუსეთის პირისპირ მარტო-
კა დარჩა. ამიტომ სულთან მაჰმუდ II-ის ასეთი საქციელი ფაშა
ალი შაჰმა პირად შეურაცხყოფასთან ერთად ანტიირანულ საქმედაც
მიიჩინა⁵ და სამაგიეროს გადახდის მიზნით მოქმედება დაიწყო.
გადააყენა ქუთისტანის მმართველი აბდ არ-რაჰმან ფაშა ბაბანი და
მის მაგვრად ამ მხარის მართვა-გამგებლობა თავის კაცს ჩააბარა.

ამ საქმეს აბდალაჰ ფაშა თუთუნჯი უყურადღებოდ ვერ დატო-
ვებდა. მან თავისი წინამორბედი გამგებლის გამოცდილებიდან
იცოდა, რომ ცენტრალური ხელისუფლება ამ ფაქტს ფაშას უუნა-
რობად მიიჩნევდა და ამისათვის დასჯიდა; თუ სხვა არა, თანამდე-
ბობიდან მაინც გადააყენებდნენ, რაც პატივმოყვარე ფაშას, რა
თქმა უნდა, არ სურდა. ამიტომ, ვიდრე ქურთისტანის ამბავი სტამ-
ბოლს მიაღწევდა, მან დალაშქრა ეს მხარე და მის გამგებლად
კვლავ აბდ არ-რაჰმანი დასვა, მაგრამ აქაც სსსტიკად მოტყუვდა.
ციხერმა აბდ არ-რაჰმანმა ერაყის გამგებელს პატივისცემა იმით
გადაუხადა, რომ მკიდრო კავშირი შეკრა ირანელებთან და მათი
დახმარებით ქურთისტანი ბაღდადის საფაშოს ჩამოაცილა, რასაც

³ А. Адамов, დასახ. ნაშრომი, გვ. 409.

⁴ А. Р. Иоаннисян, დასახ. ნაშრომი, გვ. 242.

⁵ А. Адамов, დასახ. ნაშრომი, გვ. 410.

შედგად მოჰყვა ჯერ თუთუნჯი ფაშას ლაშქრობა 1813 წლის დასაწყისში ურჩი აბდ არ-რაჰმანის წინააღმდეგ და ამ უკანასკნელის გაქცევა ირანში, ხოლო შემდეგ ქერმანშაჰის გამგებლის წინამძღოლობით ირანის ჯარების შექრა ბაღდადის საფაშოში და ქურთისტანის დაკავება⁶.

ბაღდადის გამგებლის მდგომარეობა საფაშოს სხვა მხარეებშიც ვერ იყო მყარი. არაბული ერაყის დიდი ნაწილი ქ. ბაღდადიდან მდ. ეფრატის შესართავამდე მუნთაფიქების შეიხმა ჰამიდ ას-სამირმა დაიკავა და უარს აცხადებდა მორჩილებაზე⁷.

ამრიგად, აბდალაჰ თუთუნჯის „ხელისუფლება ქალაქში თუ მოჩვენებითი იყო, ბაღდადის კედლებს გარეთ მას სრულებით არ სცნობდნენ არც არაბი ტომები და არც სხვა მცხოვრებნი“⁸.

ახალი ფაშას ასეთი სერიოზული წარუმატებლობით ოსტატურად სარგებლობდნენ მისი მოწინააღმდეგენი — ოპოზიციური ჯგუფის შემადგენლობა და მიმდევრები. ისინი დაეინებით აყენებდნენ საკითხს ცენტრალური ხელისუფლების წინაშე აბდალაჰის, — როგორც უუნარო მმართველის, — დაუყოვნებლივ გადაყენებისა და მის ადგილზე სულეიმან ბუიუქის ვაჟის საიდ ბეგის დანიშვნის შესახებ, რისთვისაც, სხვათა შორის, განსაკუთრებული ენერგიით იბრძოდა შეიხი ჰამიდ ას-სამირი. ის ყველაზე საშიშ ძალას წარმოადგენდა მაშინ ფაშასათვის და აბდალაჰმაც მის წინააღმდეგ ლაშქრობა აღარ დააყოვნა. 1813 წლის იანვარში ის თავისი ლაშქრით გაემართა მუნთაფიქების შეიხის დასაცავლად⁹, მაგრამ სასურველ მიზანს ვერ მიაღწია. მუნთაფიქების ლაშქართან გამართული გადაწყვეტი ბრძოლის დროს ბაღდადის ჯარი დამარცხდა და მისი მეთაური აბდალაჰ ფაშა თუთუნჯი დაიღუპა, ჰამიდ ას-სამირმა 1813 წ. მარტში ბაღდადი დაიკავა და მის გამგებლად სულეიმან ბუიუქის ვაჟი საიდ ბეგი დასვა, რომლის მოსვლას, რიტერის ცნობით, — ემაყოფილებით შეხვედრია ქალაქის მოსახლეობა¹⁰.

⁶ C. R. Von Sax, Geschichte des Machtverfalls der Türkei, Wien, 1908, გვ. 175; A. Адамов, დასახ. ნაშრომი, გვ. 410.

⁷ K. Ritter, დასახ. ნაშრომი, გვ. 1002.

⁸ A. Адамов, დასახ. ნაშრომი, გვ. 409.

⁹ S. H. Longrigg, დასახ. ნაშრომი, გვ. 228.

¹⁰ K. Ritter, დასახ. ნაშრომი, ტ. 7, ნაწ. II, გვ. 824; Хуршид Эфендия, Сняхет-наме-и Худуд Описание путешествия по Турецко-Персидской границе. СПб., 1877, стр. 58—59; الغزّاوى, დასახ. ნაშრომი, გვ. 218; تاريخ جودت, ტ. IX, გვ. 260; سليمان نوار, დასახ. ნაშრომი, გვ. 57.

ოსმალეთის ცენტრალური ხელისუფლება უკვე დასრულდა, რომ მის მიერ ერაყისადმი გამოყენებული პოლიტიკის შედეგებით მოხერხებულად სარგებლობდა ირანის მთავრობა, ამიტომ სტამბოლში წინააღმდეგობა აღარ გაუწევიათ საფაშო ხელისუფლების გამგებლად დასმული კანდიდატის დამტკიცებაზე და 1813 წ. ივნისში საიდ ბეგს გაეგზავნა ფირმანი¹¹, რომლითაც ის ბასრა-ბაღდად-შაპრიზურის გამგებლად ინიშნებოდა და სამთულიანი ფაშას ტიტული ეძლეოდა.

ამრიგად, ორწლიანი შუალედის შემდეგ ბაღდადის საფაშოს მმართველობა კვლავ ქართველი ქულებმენების ხელში გადავიდა.

ს ა ი დ ფ ა შ ა

საიდ ფაშა, რომელსაც მეტსახელად ასად¹² ფაშასაც უწოდებდნენ. სულეიმან ფაშა ბუიუქის ვაჟიშვილი იყო. იგი დაიბადა ქ. ბაღდადში¹³ 1792 წელს¹⁴ და მამის გარდაცვალებამდე სასახლეში იზრდებოდა შშობლების მეთვალყურეობის ქვეშ. ასე რომ, იგი უცხოეთში დაბადებული ერაყის პირველი ქართველი გამგებელია. საიდმა მალალ თანამდებობასაც შედარებით იოლად და სწრაფად მიაღწია. თუ მის წინამორბედ ქართველ ფაშებს დიდძალი ენერჯიისა და დროის ხარჯვა სჭირდებოდათ იმისათვის, რათა თანდათანობით დაეძლიათ თითოეული საფეხური გრძელი იერარქიული კიბისა გამგებლობამდე, საიდ ფაშამ სულ რამდენიმე თვეში მიაღწია მალალ მდგომარეობას. მაგრამ ყველაფერ ამას გააჩნდა უარყოფითი მხარეც, რამაც მთელი სიცხადით იჩინა თავი მაშინვე, როგორც კი საიდი საფაშოს მართვა-გამგეობას შეუღდა.

საიდს განზრახული ჰქონდა გამხდარიყო ისეთი ძლიერი და სახელოვანი გამგებელი, როგორც მამამისი იყო¹⁵. ნამდვილად კი მას ამისათვის არც კეუა-გონება ჰყოფნიდა, არც ნებისყოფა, გამოცდილება ხომ სულ არ გააჩნდა. ის, — როგორც კლ. უარი აღნიშნავს, — თავისი ხასიათითა და მოქმედებით თითქმის არ განსხვავდებოდა ხალიფა ამინისაგან (809—813 წწ). მასავით საიდ ფაშასაც იზიდავდა სხვადასხვა თამაშობა-გართობები, განსაკუთრებით ბევრ დროს ანდომებდა ქალთა საზოგადოებაში დროსტარებას. გან-

¹¹ S. H. Longrigg, დასახ. ნაშრომი, გვ. 234.

¹² ასად (არაბ.) ლოში.

¹³ J. S. Buckingham, დასახ. ნაშრომი, გვ. 363.

¹⁴ تاريخ جودت, ტ. IX, გვ. 28.

¹⁵ S. H. Longrigg, დასახ. ნაშრომი, გვ. 234.

სხვაეებით თავისი წინამორბედი ქულემენი გამგებლებისაგან. რომლებიც ძალღონეს არ ზოგავდნენ საგამგებლო ქვეყნის დაცვა-გაძლიერებისათვის, საიდ ფაშა ნაკლებად ზრუნავდა საფაშოს ბედზე. ქვეყნის მართვა-გამგეობა უბრალო საქმედ მიაჩნდა, თუმცა ამ საქმეს თავს ვერ ართმევდა. არ გააჩნდა დამოუკიდებლად მოქმედების უნარი, რის გამოც მუდამ იმყოფებოდა თავისი მსახურების, საკუროსების, ქალების, დედის — ნაბი ხანუმისა და სხვათა გავლენის ქვეშ¹⁶.

ერთ-ერთი მრჩეველი და მასწავლებელი საიდისა იყო მისი ქაპია და ამავე დროს სიძე დაუდ ეფენდი¹⁷, რომლის ენერგიული მოქმედების წყალობით მან 1813—1814 წლებში სძლია მეამბოხე ტომებს, დაამყარა მშვიდობა საფაშოში და ამით უნარიანი გამგებლის სახელი მოიხვეჭა, მაგრამ მისი ასეთი წარმატება დღემოკლე გამოდგა.

1813—1814 წლებში, როცა ქაპია და ფაშა აჯანყებული ტომების დასათრგუნავად იყენენ წასული, ბაღდადში ახალი გამგებლისადმი უკმაყოფილოდ განწყობილმა პირებმა თავი თავისუფლად იგრძნეს და შეიმუშავეს სამოქმედო გეგმა, რომელიც ითვალისწინებდა საიდ ფაშას ხელისუფლების დამხობას. გეგმის განხორციელების ერთ-ერთ მოხერხებულ საშუალებად მათ მიაჩნდათ დაუდ ეფენდის ჩამოცილება მმართველობიდან, რადგან ყველა ამჩნევდა, რომ ქაპია დაუდის უანგარო დახმარებით ახერხებდა საიდი ხელისუფლების შენარჩუნებას.

1814 წელს ეს ჯგუფი მოქმედებას შეუდგა დასახული გეგმის მიხედვით. ჯგუფის ერთ-ერთმა წარმომადგენელმა ჰამად აღამ კავშირი დაამყარა ფაშას ოჯახის წევრებთან. მან ნაბი ხანუმს აუწყა, რომ თითქოს დაუდი შეთქმულებას აწყობს ფაშას წინააღმდეგ და თუ მის მიმართ დროზე არ იქნება მიღებული ზომები, საიდი ხელისუფლებას დაკარგავსო. ჰამად აღამს ეს სიტყვები ნაბი ხანუმმა სინამდვილედ მიიჩნია და შეიღს უბრძანა, ქაპია დაუდი სასახლიდან გაეძევებინა. საიდ ფაშას დაუდის ლალატი არ სჭეროდა და ცდილობდა დედაც დაერწმუნებინა მის სიპართლემო, მაგრამ შეიღის მუდარამ არ გასჭრა, ნაბი ხანუმმა თავისი არ დაიშალა და საწადელსაც მიაღწია. საიდ ფაშამ ქაპია დაუდი თანამდებობიდან დაითხოვა, რითაც მოჭრა სწორედ ხის ის შტო, რომელსაც მთელი სხეულით ეყრდნობოდა.

¹⁶ С.!. Н у а г и, დასახ. ნაშრომი, გვ. 168.

¹⁷ С. I. J. R i c h, დასახ. ნაშრომი, გვ. 4, 49; А. А д а м о в, დასახ. ნაშრომი, გვ. 412—413; سليمان نوار, დასახ. ნაშრომი, გვ. 57.

დაუდის დათხოვნიდან დიდ დროს აღარ გაუვლია, რომ 1815 წლის დამდეგს ბაღდადის საფაშოში კვლავ საყოველთაო აშლილობა დაიწყო.

საფაშოს დასაველეთ ნაწილში პირველი აღსდგა ხაზაილის ტომი, რომელიც საიდ ფაშასაგან მოითხოვდა ტომის ბელადის შაჰფულაჰ ალ-ხალილის გადაყენებას. ხაზაილს ბრძოლაში დახმარება აღუთქვეს და მხარში ამოუდგნენ შამარისა და ზუბაიდის ტომები.

საფაშოს სამხრეთ ნაწილში, ე. წ. არაბულ ერაცში, ბრძოლა გაჩაღდა ქ. ნეჯეფის მოსახლეობაში, ჩრდილოეთში მღელვარებდა ქირქუქის მოსახლეობა, ხოლო ჩრდილო აღმოსავლეთ მხარეში კი გაუთავებელი ბრძოლა წარმოებდა სულეიმანიეს გამგებელსა და ბაღდადის ფაშას შორის¹⁸.

რაც მეტი დრო გადიოდა, მდგომარეობა ბაღდადის საფაშოში უფრო დაძაბული ხდებოდა. სამხრეთში აჯანყებულებმა დაიკავეს ნეჯეფი და ქალაქიდან გააძევეს ფაშას მიერ დანიშნული ციხისთავი. საფაშოს ჩრდილო აღმოსავლეთ ნაწილი ქერმანშაჰის გამგებელმა დალაშქრა და სულეიმანიე აბდ არ-რაჰმან ბაბანის ვაჟს, მაჰმუდ ბეგს დაუბრუნა¹⁹. წარმატებით მოქმედებდა აგრეთვე დასაველეთ ერაცის გაერთიანებული არაბ ტომთა კავშირიც.

აჯანყებულთა წინააღმდეგ გაგზავნილ ფაშას შეიარაღებულ ძალებს უწესრიგობა ეტყობოდათ, ისინი ხშირად მარცხდებოდნენ და ამით საომარი მოქმედება კიანურდებოდა, რაც უარყოფითად მოქმედებდა ქვეყნის ეკონომიკაზე. ეცემოდა სოფლის მეურნეობა, ხელოსნობა, მცირდებოდა ხაზინის შემოსავალი. შემოსავლის შემცირებაში, გარდა ხანგრძლივი საომარი მდგომარეობისა, გარკვეულ როლს ასრულებდა ფინანსებისადმი უყაირათო დამოკიდებულება. მეტისმეტმა ხელგაშლილობამ, დროს ტარებამ და ფულის ფლანგ-

¹⁸ 1813 წ. გარდაიყვალა აბდ არ-რაჰმან ფაშა ბაბანი. სულეიმანიეს მართვა გაძევლობა ფაშა ალი შაჰის დახმარებით ხელთ იგდო გარდაცვლილ ფაშას ვაჟმა მაჰმუდმა, რომელიც მანამდე ირანის შაჰის კარზე იზრდებოდა. საიდ ფაშამ, ომ მოსაზრებთ, რომ ქურთისტანის ეს ნაწილი ბაღდადის საფაშოსათვის დაექვემდებარებინა, სულეიმანიეს გაძევლობა ჩამოართვა პროიჩანული ორიენტაციის მაჰმუდს და მის ნაცვლად ამ თანამდებობაზე აბდ არ-რაჰმან ბაბანის მეორე ვაჟი, აბდალაჰი დანიშნა. ფაშას ანეთი საქციელით განაწყენებული მაჰმუდ ბეგი ირანში წაეიდა და ქერმანშაჰის გამგებლის დახმარებით ცდილობდა დაკარგული თანამდებობის დაბრუნებას (سليمان نواز, დასახ. წაშრომი, გვ. 61—63).

¹⁹ تاریخ جودت, ტ. XI, გვ. 22.

ვამ, რასაც ფაშა და მისი მოხელეები მისდევდნენ, ხაზინა დააცარი-
ელა²⁰.

სათაშოს წლიური შემოსავალი ვეღარ ფარავდა ომებითა და
სხვა მიზეზებით გამოწვეულ ფულად ხარჯებს. დაიწყო ფინანსური
კრიზისი²¹. რეგულარული ჯარის ნაწილების — იენიჩარებისა და
ფაშას რჩეულთა რაზმის შემადგენლობა თვეების განმავლობაში
ვეღარ ღებულობდნენ გასამრჯელოს, რის გამოც იზრდებოდა უკმა-
ყოფილება. უხელფასოდ, უყურადღებოდ მიტოვებული და აგრეთ-
ვე ქაპია დაუდის გადაყენებით გულნატყენი მამულეები უარს ამ-
ბობდნენ სამსახურზე, ფაშას განუდგნენ და მის მოწინააღმდეგეთა
მხარეზე დადგნენ. დეზერტირობა სულ უფრო მასიურ ხასიათს ღე-
ბულობდა. მეომრები სტოვებდნენ ბრძოლის ველს და შინ ბრუნდე-
ბოდნენ.

ჯარის ნაწილებში გამოწვეული უკმაყოფილების აღმოფხვრისა
და მეომართა ბრძოლისუნარიანობის ამაღლების მიზნით, საიდ ფა-
შამ დაიწყო ვაჭრებისაგან სესხის აღება²² (მებრძოლთათვის გასამრ-
ჯელოს მისაცემად), ხოლო ვალის დასათარავად განიზრახა ბაღდად-
ში მოეჭრა სპილენძის ფული²³. მან ეს გადაწყვეტილება ოსმალეთის
იმპერიის ცენტრალურ ხელისუფლებას შეატყობინა და დასტურიც
მიიღო²⁴. მაგრამ ფულის მოჭრის დროს ისეთი შეცდომა დაუშვა,
რომ ხელისუფლებაც დაჰკარგა და თავიც წააგო.

ფულის მოსაჭრელად მან ზარათხანაში მიიწვია ხალედ ეფენ-
დის ერთ-ერთი ზარათის, ხაზაკილის ძმა, ბაღდადელი ებრაელი,
აზრა²⁵, რომელიც მას ადრე ბაღდადის ვაჭართუხუცესობას და მთა-
ვარი ზარათის თანამდებობას სთხოვდა, მაგრამ უარი მიიღო. აზრას,
რა თქმა უნდა, ეს არ ესიამოვნა, მაგრამ არ შეიმჩნია. ნამდვილად კი
მზად იყო მის დასაღუპავად და ხელსაყრელ მომენტს ელოდა.

ხელმძღვანელობდა რა ფულის მოჭრის საქმეს, აზრამ სათაშო

²⁰ როგორც ს. ლონგრიგი შენიშნავს, დაედ აღას წასელის შემდეგ სასახ-
ლეში ანარქიამ დაისადგურა, ფაშას მრჩეულები ყველანი უნიკონი, მასხარები, მა-
ტყუარები იყვნენ. ეისაც როგორ უნდოდა, ასე მოქმედებდა (დასახ. ნაშრომი, გვ.
234).

²¹ Cl. Huart, დასახ. ნაშრომი, გვ. 169.

²² S. H. Longrigg, დასახ. ნაშრომი, გვ. 235.

²³ Cl. Huart, დასახ. ნაშრომი, გვ. 170.

²⁴ العزوى, დასახ. ნაშრომი, გვ. 231.

²⁵ سليمان نوار, დასახ. ნაშრომი, გვ. 63.

ხელისუფლებისაგან სრულიად უმეტვეალყურეოდ მიტოვებულმა, შეგნებულად დაარღვია ფულის მოჭრის დადგენილი წესი. ნაცვლად იმისა, რომ საფაშოში გამოშვებულ ფულს ჰქონოდა ოსმალეთის სახელმწიფოს ნიშანი — „თულრა“, ბაღდადში მოჭრილ სპილენძის მონეტას დაწერა „საიდ ფაშა“²⁶. ასეთი მონეტის რამდენიმე ცალი, ნიშნად ბასრა-ბაღდად-შაჰრიზურის გამგებლის თვითნებური მოქმედებისა, მან სტამბოლს მყოფ თავის ძმას ხაზაკილს გაუგზავნა, იმან კი გადასცა ხალედ ეფენდის²⁷, როგორც მესოპოტამიის საქმეთა ხელმძღვანელს სულთნის დივანში²⁸.

სულთან მაჰმუდ II-ს (1808—1839) ცენტრალური ხელისუფლების განმტკიცების მიზნით განზრახული ჰქონდა, ბოლო მოეღო ნახევრად დამოუკიდებელი ფეოდალ-გამგებლების თვითნებური მოქმედებისათვის. მიზნის მისაღწევად მან იმპერიის სხვადასხვა მხარეში ბევრი ადამიანი დაასჯევინა²⁹ სიკვდილით. საიდ ფაშას მიერ დაშვებული შეცდომა (თავის სახელით ფულის მოჭრა) საკმარისი იყო მაჰმუდისათვის, რათა ეს მიეჩნია ბაღდადის გამგებლის დამოუკიდებლობისაკენ სწრაფვის აშკარა დამადასტურებელ ფაქტად. თუმცა საადს ახლა მარტო ეს როდი ბრალდებოდა. იმ ხანებში სულთნის დივანში შედიოდა აგრეთვე სხვა საჩივრები. რომლებშიც ბაღდადის, სულეიმანიეს, ქირქუქისა და ერაყის დანარჩენი ქალაქების გავლენიანი პირები აღწერდნენ საფაშოს სავალალო მდგომარეობას და ამას, ჩვეულებრივ, ხსნიდნენ საიდის როგორც მმართველის სიუსტით და მოითხოვდნენ მის გადაყენებას. შომჩივანთაგან ყველაზე აქტიურად მოქმედებდა ფაშას ყოფილი ქაჰია დაუდი. ამ უკანასკნელმა, მას შემდეგ, რაც იგი მმართველობას ჩამოაშორეს, დაიხსლოვა დედაქალაქის ქართველი ქულემენები, აგრეთვე, ყველა ისინი, ვინც უკმაყოფილებას გამოთქვამდა ფაშასადმი და მათი მხარდაჭერით ბაღდადის საფაშოს გამგებლად სტამბოლში თავისი კანდიდატურა წამოაყენა. ამაში მას ბაღდადის დიდგვარიანთა გარდა დიდი დახმარება გაუწიეს სულეიმანიესა და ქირქუქის გამგებლებმაც.

²⁶ سليمان نوار, დასახ. ნაშრომი, გვ. 63.

²⁷ العزّاوى, დასახ. ნაშრომი, გვ. 231.

²⁸ C. I. Huart, დასახ. ნაშრომი, გვ. 170.

²⁹ A. А да м о в, დასახ. ნაშრომი, გვ. 412; C. Von Sax, დასახ. ნაშრომი, გვ. 178—179.

.1816 წლის 11 თებერვალს, როცა დაუდმა შეიტყო, რომ საიდი მის დასჯას აპირებდა, იგი თავისი ამალით, თითქოს სანადიროდ მიდიოდა, ბაღდადიდან ზანგაბადისაკენ (ირანი) გაიპარა³⁰. იქიდან ქერმანშაჰზე გავლით გადაწყვეტილი ჰქონდა ქირქუქს მისულიყო, მაგრამ გზაში მაჰმუდ ფაშას მიწვევის ბარათი მიიღო და სულეიმანიეში შეჩერდა³¹. აქ მას საზეიმო შეხვედრა მოუწყო მაჰმუდ ფაშა ბაბანმა, რომელმაც მიიღო იგი არა როგორც უბრალო ლტოლვილი, არამედ როგორც ბაღდადის საფაშოს გამგებელი. ბაღდადის გამგებლად აღიარეს ის აგრეთვე ქირქუქის მმართველმა და სულეიმან ფაშამ (ქოის სანჯაყის ყოფილმა მუთასარიფმა), რომელიც აღრე საიდ ფაშას თანამდებობიდან გადაუყენებია, ირანში გაქცეულა და ახლა დაჯდ ეფენდის მოცულებდა ქერმანშაჰიდან³². საზეიმო ცერემონიის შემდეგ მათ დაუდისადმი თავიანთი დამოკიდებულების შესახებ წერილობით აცნობეს ოსმალეთის ცენტრალურ ხელისუფლებას და სთხოვეს მისი დანიშვნა საფაშოს გამგებლად. ხოლო ამ თხოვნისათვის რომ მეტი ძალა მიეცათ, სულეიმანიეს ფაშა მაჰმუდ ბაბანი პირობას იძლეოდა, რომ თუ ბაღდადის საფაშოს დაუდს ჩააბარებდნენ, საბოლოოდ გაწყვეტდა კავშირს ირანთან და დაუდს დაემორჩილებოდა³³.

გამოუვალ მდგომარეობაში მყოფმა საიდმა იმ ბრალდებათა გასაბათილებლად, რაშიც მას ადანაშაულებდნენ, განკარგულება გასცა, თავის სახელზე გამოშვებული ფული შეეცვალათ და მოეჭრათ დადგენილი წესის ზუსტი დაცვით. ამასთან ერთად, მან თითქმის მთლიანად გადაახალისა მთავრობის შემადგენლობა. გარეკა იქიდან მამლუქები და მათ ნაცვლად მთავარ უწყებათა ხელმძღვანელებად

³⁰ سليمان نوار; أمين الحلواني، مطالع السعود، ص 64; Cl. Huart, დასახ. ნაშრომი, გვ. 170. რასულ ჰავი ეფენდი ქირქუქი ბაღდადიდან დაუდის წასვლის თარიღად დებს 1231 წ. შავვალს, ე. ი. 1816 წ. აგვისტო-სექტემბერს (იხ. მისი დასახ. ნაშრომი, გვ. 273)

³¹ დაუდის ყოფნას ქურთისტანში დაწვრილებით აღწერს მუჰამედ აინ ზაქი (იხ. მისი „თარხულ-სულაიმანიით“, გვ. 135).

³² სულეიმანიესა და ქირქუქში დაუდთან გამოცხადენ და მის ჯგუფს შეურთდნენ ბასრის ყოფილი მუთასალიმები ხალილ ალა, რუსთემ ალა, თეინიარების ყოფილი უფროსი ბაღდადში საიდ ალა-ბუევი ალა და ბაღდადიდან გაქცეული დავთარდარი ალა-ჰაჯ აჰმედ ბეგი თავისი ვაჟით უმარ ბეგით (احمد جودت, დასახ. ნაშრ. ტ. XI, გვ. 23).

³³ S. H. Longrigg, დასახ. ნაშრომი, გვ. 236; تاريخ جودت, ტ. XI, გვ. 23.

სხვები დააყენა იმ ვარაუდით, რომ ისინი უფრო დაეხმარებოდნენ წესრიგის დამყარებასა და ხელისუფლების შენარჩუნებაში. მაგრამ სასურველ მიზანს ვერ მიაღწია.

ვიღრე საიდ ფაშა ამ ღონისძიებებს გაატარებდა, სულთანმა მაჰმუდ II-მ იგი უკვე გადააყენა თანამდებობიდან და ალექსის მმართველად გაამწესა³⁴. ბაღდად-ბასრა-შაჰრიზურის გამგებლად მის ნაცვლად დაუდი დანიშნა³⁵, ხოლო სანამ დაუდი ბაღდადს მივიდოდა, საფაშოს დროებითი მართვა, სულეიმან ქუჩუქის ძიძიშვილს აჰმედ ბეგს დაავალა³⁶.

ფირმანმა ალექოში საიდ ფაშას გადაყვანისა და მის ადგილზე ერაყის დროებით გამგებლად აჰმედ ბეგის დანიშვნის შესახებ ბაღდადში მხოლოდ 1816 წლის შემოდგომაზე მიაღწია. აჰმედ ბეგი მაშინ დაუდის ბანაკში იმყოფებოდა, ქირქუქის მახლობლად, ქედხუდას (მოადგილის) პოსტზე და ამ ბრძანების შესახებ ჯერ არაფერი იცოდა, რომ საფაშოს მართვას შესდგომოდა. რაც შეეხება საიდ ფაშას, მან უარი განაცხადა ალექოში წასვლაზე³⁷, ამჯობინა ბაღდადში დარჩენილიყო და ძალაუფლება ნებით არავისთვის მიეცა. სასწრაფოდ დაიწყო ლაშქრის შეგროვება და ქალაქის ციხესიმაგრეების შეკეთება. ასე რომ, მან ბრძოლა გამოუცხადა ცენტრალურ ხელისუფლებას და ერაყის ტერიტორია ჩამოაშორა ოსმალეთის იმპერიას, თუმცა მხოლოდ მცირე ხნით. როცა სტამბოლში შეიტყვეს ბაღდადის ფაშას აჯანყების შესახებ, სულთან მაჰმუდ II-ის ბრძანებით მაშინვე შიკრიკი გაგზავნეს დაუდი ფენდისთან და მისწერეს, რომ დაუყოვნებლივ წასულიყო ბაღდადისაკენ, აეღო ის და შესდგომოდა საფაშოს მართვას.

დაუდი ამ დროს დიდ გაჭირვებაში იმყოფებოდა. სტამბოლიდან მასთან, ქირქუქში, გაგზავნილ შიკრიკს ჯერ ნახევარი გზაც კი არ

³⁴ العزّاوى, დასახ. ნაშრომი, გვ. 331.

³⁶ იქვე, გვ. 236.

³⁶ تاريخ جودت, ტ. XI, გვ. 22; العزّاوى, დასახ. ნაშრომი, გვ. 236; سليمان نوار, დასახ. ნაშრომი, გვ. 170; Cl. Huart, დასახ. ნაშრომი, გვ. 170.

³⁷ العزّاوى, დასახ. ნაშრომი, გვ. 231.

ჰქონდა გავლილი, რომ აჰმედ ბეგმა საფაშოს დროებით მმართველად დანიშნვის ბრძანება მიიღო და მოულოდნელად დაუდის ბანაკი დატოვა. მოსალოდნელი იყო, რომ იგი მაშინვე ბაღდადს მიაშურებდა და მოვალეობის აღსრულებას შეუდგებოდა, მაგრამ ბოროტი აზრით შეპყრობილმა, ქირქუქს გასწია, ყველას ამცნო, რომ იგი ბაღდადის საფაშოს გამგებელია და საყოველთაო მორჩილება მოითხოვა. შემდეგ დაიწყო ჯარის თავმოყრა, რათა დაელაშქრა დაუდის ბანაკი, გაენადგურებინა ის და თვითონ დაუდიც. მაგრამ ამ განზრახვის განხორციელება აჰმედ ბეგმა ვერ მოასწრო. ქირქუქის მოსახლეობის ზედაფენა დაუდის წინააღმდეგ ბრძოლას არ აპირებდა, ნეიტრალურ პოზიციას იცავდა და ლაშქრის გამოყვანაზე თავს იკავებდა. საქმე ისე გაჭიანურდა, რომ სანამ ბაღდადის საფაშოს დროებითი გამგებელი საკირო რაოდენობის სამხედრო რაზმების შეგროვებას და დაუდის დასჯას მოასწრებდა, ამასობაში მისი რწმუნების ვადაც მიიწურა.

1816 წლის 21 ნოემბერს, დაუდს ბასრა-ბაღდად-შაჰრიზურის ეიალეთის გამგებლად დანიშნვის ფირმანი გადასცეს³⁸, რაც იმის მომასწავებელი იყო, რომ სულთნის ბრძანება საფაშოს დროებით მმართველად აჰმედ ბეგის დანიშნვის შესახებ გაუქმებული იყო და დაუდს სრული უფლება ენიჭებოდა სათავეში ჩასდგომოდა ხელისუფლებას.

ფირმანის მიღებისთანავე დაუდმა სალაშქროდ მზადება დაიწყო. ჯერ ქვეყანას აუწყა მიღებული ფირმანის შინაარსი, შემდეგ ლაშქრისა და აუცილებელი სურსათ-სანოვავის მოგროვებას შეუდგა. ბაღდადს საიდის წინააღმდეგ აჯანყებრს მოსაწყობად თავისი კაცები გაგზავნა. დაახლოებით 15 დღის შემდეგ³⁹, როცა მზადება დაამთავრა, ქურთების ლაშქრით, რომელსაც მაჰმუდ ფაშა ბაბანი და სულეიმანი მეთაურობდნენ, საფაშოს დედაქალაქისაკენ დაიძრა⁴⁰.

³⁸ العزاوي, დასახ. ნაშრომი, გვ. 236; سليمان نوار, დასახ. ნაშრომი, გვ. 67; تاريخ جودت, ტ. XI, გვ. 26.

³⁹ تاريخ جودت, ტ. XI, გვ. 22; S. H. Longrigg, დასახ. ნაშრომი, გვ. 236—237.

⁴⁰ აჰმედ ჯედეთის მიხედვით, ეს მომხდარა 1816 წლის 16 დეკემბერს (تاريخ جودت, ტ. XI, გვ. 26).

საიდ ფაშა ამ დროს ბაღდადში იჯდა და მტრის მოსპობის გეგმას ადგენდა. იგი ფიქრობდა, მოწინააღმდეგე ქალაქში შეეტყუებინა, იქ მოულოდნელად დასხმოდა თავს და გაენადგურებინა. საამისოდ მას უკვე მზად ჰყავდა საკმაოდ მრავალრიცხოვანი ჯარი, შემდგარი როგორც რეგულარული ნაწილების, ისე არაბ ტომთა ლაშქრისაგან.

1816 წლის ბოლოს დაუდი ქურთების ლაშქრით ბაღდადს მიუახლოვდა და 1817 წ. 7 იანვარს დილიდანვე იერიში მიიტანა მასზე. შეტევა პირველ ხანებში წარმატებით მიმდინარეობდა. მთელი დღის განმავლობაში უპირატესობა ბრძოლის ველზე ქურთების ხელთ იყო, მაგრამ დაღამდა თუ არა, მდგომარეობა არსებითად შეიცვალა. საიდ ფაშას სამხედრო ნაწილები კონტრიერიშზე გადავიდნენ, დაიწყეს მოწინააღმდეგის ყოველი მხრიდან შევიწროება. ქურთების ლაშქარი მძიმე მდგომარეობაში აღმოჩნდა. მას აშკარა განადგურების საფრთხე დაემუქრა. ამის გამო დაუდმა უარი თქვა ბრძოლის გაგრძელებაზე, დაიწყო უკან დახევა, ქალაქიდან გავიდა და შეუდგა ლაშქრის რეორგანიზაციას, მის შევსებას და წვრთნას⁴¹, რაც დაახლოებით ერთ თვეს გაგრძელდა. შემდეგ მან კვლავ განაახლა ბრძოლა, მაგრამ სასურველ შედეგს მანამდე ვერ მიაღწია, სანამ შიმშილმა⁴² და ბაღდადში წინასწარ შეგზავნილი ჯაშუშების საქმიანობამ არ შეარყია საიდ ფაშას ჯარის ერთიანობა. ეს მოხდა 1817 წლის თებერვალში. ხანგრძლივი ბრძოლის გამო ქალაქში დაირღვა ნორმალური ცხოვრება, რამაც უარყოფითად იმოქმედა ომის შემდგომ მსვლელობაზე. დაიხურა ბაზრები, მკვეთრად გაიზარდა ფასები კვების პროდუქტებზე, არმია განიცდიდა იარაღის, სურსათ-სანოვაგისა და საომარი მასალის ნაკლებობას. ყოველივე ამის გამო ჯარის ნაწილებსა და მოსახლეობაში თავი იჩინა უკმაყოფილებამ, რაც თავის სასარგებლოდ გამოიყენეს ფაშას მოწინააღმდეგე მამულუქებმა და სხვა პირებმა, ქალაქში რომ იყვნენ დარჩენილი ან შეგზავნილი. მათ შესძლეს ბაღდადის მცხოვრებთა დარწმუნება იმაში, რომ საიდი თანამდებობაჩამორთმეულია და მის ადგილზე დანიშნულია დაუდი; ფულითა და სხვა დაპირებებით თავიანთ მხარეზე გადაიბირეს იენიჩარების რაზმი, მათი აქტიური მხარდაჭერით დაიკავეს ქალაქი და მიიწვიეს დაუდი ეფენდი, რომელიც 1232 წლის 5 რაბი'

⁴¹ S. H. L'ò n'g r i g. დასახ. ნაშრომი, გვ. 237.

⁴² იქვე.

მეორეს⁴³ (1817 წ. 22 თებერვალს)⁴⁴ დაბრუნდა ბაღდადში და საფაშოს მართვას შეუდგა.

დამარცხებული საიდი უგაილების რამდენიმე ასეულით ქალაქის ციხესიმაგრეში ჩაიკეტა⁴⁵ და ერთხანს ბრაჰლას განაგრძობდა, მაგრამ მალე ციხესიმაგრე ბაღდადის ახალ გამგებელს დანებდა⁴⁶. საიდი და მისი უახლოესი მრჩეველი ჰამად ალა შეიპყრეს და 1817 წლის 22 თებერვალს თავი მოჰკვეთეს⁴⁷. ასე დასრულდა 25 წლის სრულიად ახალგაზრდა საიდის ცხოვრების გზა.

სიკვდილმისჯილთა შორის საიდის გარდა სხვებიც იყვნენ. 1818 წლის მარტში მათი თავები სტამბოლში ჩაიტანეს და სულთანს მიართვეს ნიშნად მისი ბრძანების აღსრულებისა⁴⁸.

თ ა ვ ი მ ე ო თ ხ ე

ქულეშენების ქართული დინასტიის უკანასკნელი წარმომადგენელი დაუდ ფაშა და მისი საშინაო და საგარეო პოლიტიკა (1818—1831 წწ.)

დაუდიც წარმოშობით ქართველია. გ. ლეონიძის, ი. ენიკლოფოვისა და ეგვიპტელი ისტორიკოსის, სულეიმან ნავარის მიხედვით, იგი თბილისიდან უნდა იყოს¹, ხოლო ნ. მურავიოვის აზრით — ერავის დედაქალაქ ბაღდადიდან².

⁴³ تاريخ جودت, ტ. XI, გვ. 27; العزّاوى, დასახ. ნაშრომი, გვ. 240.

⁴⁴ С. I. Huart, დასახ. ნაშრომი, გვ. 170. გეჰმედ სურეია ასახელებს „1232 წლის მუჰარამის თვის“ (დასახ. ნაშრომი, ტ. III, გვ. 326) ანუ 1816 წლის ნოემბერ-დეკემბერს. ხოლო ს. ლონგრიგი — 1817 წლის 20 თებერვალს (დასახ. ნაშრომი, გვ. 236).

⁴⁵ S. H. Longrigg, დასახ. ნაშრომი, გვ. 238.

⁴⁶ العزّاوى, დასახ. ნაშრომი, გვ. 231.

⁴⁷ تاريخ جودت, ტ. XI, გვ. 28.

⁴⁸ იქვე.

¹ გ. ლეონიძე, დაუდ ფაშა, „ღრმისა“, თბ., 1954, № 3, გვ. 19—20; И. Ениклопов, Дауд-паша в Россия, «Прометей», М., 1971, № 8, стр. 328; سليمان نوار, დასახ. ნაშრომი, გვ. 41.

² Н. Н. М у р а в ь е в, Турция и Египет в 1832—1833 годах, М., 1869, т. II, стр. 42.

ს. ლონგრიგის აზრით, დაუდი 1769 წელს დაბადებულა³. ამ მოსაზრებას მხარს უჭერენ გ. ბეი-მამიკონიანი და გ. ლეონიძე⁴, მაგრამ ეს თარიღი არ არის ზუსტი, ასევე მცდარია ანასთას მარი ალ-ქირმალის თარიღაც — 1779 წელი⁵. სანდო ცნობით, რომლის ავტორია დაუდის კარის ისტორიკოსი ამინ იბნ ჰასან ალ-ჰალვან ალ-მადინი, დაუდი დაბადებულა 1188 (1174) წელს⁶, ლარიბი გლეხის ოჯახში, მისი წმობლები გიორგი⁷ და მარიამი ორბელიანების ყმები იყვნენ. ამის დადასტურებას წარმოადგენს 1820 წლის 10 ნოემბერს თავად ლუარსაბ ორბელიან-ყაფლანიშვილის მიერ გაცემული და ქ. თბილისის სამაზრო სასამართლოსაგან დამტკიცებული „ბოჩოლაანთ გიორგის ოჯახის ყმობიდან განთავისუფლების სიგელი“, სადაც წერია: „ჩ ყ

³ S. H. Longrigg, დასახ. ნაშრომი, გვ. 239.

⁴ გ. ბეი-მამიკონიანი, ქართველ მამულეთა შტრამენბლობა ერავში XVIII და XIX საუკუნეებში, „საქ. სსრ მეცნ. აკადემიის შობამე“, თბ., 1944, ტ. V. № VII, გვ. 731; გ. ლეონიძე, დასახ. ნაშრომი, გვ. 19—20.

⁵ سليمان نوار, დასახ. ნაშრომი, გვ. 42.

⁶ أمين ابن حسن الحلواني المدني, დასახ. ნაშრომი, გვ. 23; الفزاوي, დასახ. ნაშრომი, გვ. 329

⁷ იაკუბ სარქიის ცნობით, დაუდის მამას პეტროსი თუ პერროზი რქმევია (يعقوب

سرکيس، مباحث عراقية، بغداد، ۱۹۴۸، ج-۲، ص-۲۹۵) ნამდვილად ეს მისი მამა გიორგი იყო, რაც დასტურდება ქართული საბუთებით. მაგალითად, თავის ერთ-ერთ წერილში დაუდი დედას მოიხსენიებს მარიამის, ხოლო უფროს ძმას შიოს სახელით (საქართველოს სახელმწიფო ლიტერატურული მუზეუმის ხელნაწერთა განყოფილება, საბ. № 19577 „ბედნური ბაბილოვანის ხელმწიფის დაუდ ფაშას წერილი დედას“); ბ. ს ი ლ ა გ ა ძ ე, ერავ-საქართველოს ურთიერთობის ისტორიიდან (XIX ს-ის 20-იანი წლები), საბუთების პუბლიკაცია, (თ ს უ, შრომები, 1960, ტ. 91-გვ. 364). იგივე სახელები გვხვდება მეორე საბუთშიც, სადაც გარკვევით ჩანს, რომ მარიამი არის გიორგის მეუღლე, ხოლო შიო უფროსი ვაჟი მისი. გიორგის, მარიამისა და შიოს გარდა იმავე საბუთში დასახელებული არიან აგრეთვე შიოს ცოლი ბარბარე, ქალიშვილები: ნინო, ანა, სალომე და ძმა დიმიტრი (საქ. სახელმწ. ლიტ. მუზეუმის ხელნაწერთა განყოფილება, საბ. № 19580, „ბოჩოლაანთ გიორგის ოჯახის ყმობიდან განთავისუფლების სიგელი“; ბ. ს ი ლ ა გ ა ძ ე, დასახ. ნაშრომი, გვ. 359), რომელიც აგრეთვე დაუდის ძმა იყო, 1818 წელს ბაღდადს წაიღია და იქ დარჩა საცხოვრებლად. დაუდის მამა რომ გიორგი იყო, ჩანს დაუდის ნათესავის, გ. ბროძელის მიერ შედგენილი გენეალოგიური სიიდანაც. ეს სია მოთავსებულია გიორგის შვილებისათვის მიცემული ვახაატების წიგნის მე-3 გვერდზე (საქ. სახელმწ. ლიტ. მუზეუმის ხელნაწერთა განყოფილება, საბ. № 19582; ბ. ს ი ლ ა გ ა ძ ე, დასახ. ნაშრომი, გვ. 365).

წელსა, ნომბრის 8 დღესა, მე თავადმა ლუარსაბ იოანეს-ძე ორბელიანოვმა განგათავისუფლე ჩვენის ყმობისაგან ჩემნი სამკვიდრონი ყმანი აწ აქ ტფილისში მცხოვრებნი ბოჩოლაანთ გიორგის შვილები ყოველნი შიო და დიმიტრი, რომელნიც ძველათ მანველაანთ იხსენებოდით შენის ცოლითა და შენის შვილებით და დედაშენი მარიამ⁸. მოტანილი ციტატიდან დაუდის მშობლების სოციალური ვინაობა-მდგომარეობის გარდა ირკვევა, რომ მათ ძველი გვარი და ადგილსამყოფელი დაუგდიათ, საცხოვრებლად თბილისში გადმოსულან და ბოჩოლაშვილებად დაწერილან. თანაც ეტყობა, ყოველივე ეს ამ საბუთის გაცემამდე არც თუ ისე დიდი ხნის წინათ მომხდარა. ამიტომ გვაქვს საფუძველი ვამტყიცოთ, რომ დაუდი არც ბაღდადეგია, არც თბილისელი, ხოლო გვარად ბოჩოლაშვილი კი არა, მანველაშვილი იყო.

დაუდი სულ პატარა გამოეთხოვა სამშობლოს. ხუთი თუ ექვსი წლის ბავშვი ტყვით მოვაჭრე მარბიელებმა მოიტაცეს და ოსმალეთში წაიყვანეს⁹. იქ დავითმა რამდენიმე პატრონი გამოიცვალა, ბოლოს იგი თავის სხვა თანამემამულეებთან ერთად ბაღდადში მიიყვანეს¹⁰. აღ-პალვანის ცნობით, ბაღდადის ტყვეთა ბაზარზე გასაყიდად მიყვანილი 11 წლის¹¹ დავითი მუსტაფა არ-რაბი¹² ბეგს შეუძენია და ერაციის გამგებელ სულეიმან ფაშა ბუიუქისათვის მიურთმევია¹². სულეიმან ფაშამ კი უკვე რაჯულგამოცვლილი, დაუდად მონათლული

⁸ საქართველოს ლიტერატურული მუზეუმის ხელნაწერთა განყოფილება, საბ. № 19580 და №19582.

⁹ „პაპაჩემის ნამბობიდან ვიცი, რომ პატარა დავითი, სახლიდან ქუჩაში მუზობლის ბავშვებთან სათამაშოდ გასული, შინ აღარ დაბრუნებულა. იგი სხვებთან ერთად მოუტაცნიათ და თათრის ქვეყანაში გასაყიდად წაუყვანიათ“-ო, გვითხრა დაუდის შორეულმა ნათესავმა, 70 წელს მიღწეულმა ლევან კანდელაკმა, რომელსაც ბინაზე ვეწვიეთ 1954 წელს, თბილისში (არსენას ქუჩა № 11). ლევანის ნამბობის სისწორეს ადასტურებს აღ-ქირმალის ერთი ცნობაც, რომელშიც ასევე აღნიშნულია,

„დაუდი ტყვეთ ვაჭრებმა მოიტაცეს“ خلاصة، ماری الکرملی، تاریخ العراق، البصرة، ۱۳۳۷ ص — ۲۰۸.

¹⁰ Robert Ker Porter, დასახ. ნაშრომი, ტ. II, გვ. 248.

¹¹ აღ-ზაფის მიხედვით, დაუდი მაშინ 6 წლის ყოფილა (الغزأوی، დასახ. ნაშრომი, გვ. 329), ხოლო ს. ლონგრიგი კი აღნიშნავს, ის 13 წლის იყო (S. H. Longrigg, დასახ. ნაშრომი, გვ. 239). როგორც აღ-ზაფის, ისე ლონგრის ცნობით, დაუდი ბაღდადში მიუყვანიათ 1780 წელს.

¹² السحواوی، დასახ. ნაშრომი, გვ. 44; سليمان نوار، დასახ. ნაშრომი, გვ. 42.

დავითი თავის მფარველობაში აიყვანა და მამულქთა სასწავლებელში მიიბარა. აქედან იწყება მისი ცხოვრების ახალი პერიოდი.

სკოლაში დაუდმა ჩინებული ნიჭი და უნარი გამოიჩინა. სამხედრო ვარჯიშობებისა და წესების დაუფლებასთან ერთად იგი დიდი მონღოლებით სწავლობდა სხვა საგნებსაც. ისე კარგად დაეუფლა მუსლიმთა საღვთო წიგნს — „ყურანს“ და აღმოსავლურ ენებს, რომ სულ მალე მოიხვეჭა არაბული, თურქული, სპარსული ენებისა და ღვთისმეტყველების საუკეთესო მცოდნის სახელი, რითაც თავიდანვე მიიპყრო პატრონის ყურადღება.

მამულქთა სასწავლებლის კურსდამთავრებულ დაუდს სულეიმან ფაშა ბუიუქმა ჯერ თავისუფლება მიანიჭა და ბეჭდის მკველად დანიშნა, ხოლო შემდეგ (დაახლოებით 1801 წელს), 27 წლისას საფაშო ხაზინა ჩააბარა და ცოლადაც თავისი ქალი შერთო.

ფაშასთან ნათესაური კავშირი და მაღალი თანამდებობა დაუდს უფლებას ანიჭებდა ყოფილიყო ტახტის ერთ-ერთი პრეტენდენტი და 1802 წელს, როცა მძიმე ავადმყოფობით შეპყრობილ სულეიმან ბუიუქს საფაშოს მართვის უნარი საბოლოოდ წაერთვა, დაუდმა კიდევაც სცადა ხელისუფლების სათავეში მოქცევა, მაგრამ, როგორც უკვე აღვნიშნეთ, მიზანს ვერ მიაღწია. სიკვდილის მოახლოება რომ იგრძნო, სულეიმანმა „დივანი“ მოიწვია და საფაშოს გამგებლად თავისი უფროსი სიძე ქაპია ჰაფიზ ალი დანიშნა.

ჰაფიზ ალისთან დაუდი ვერ იყო კარგ დამოკიდებულებაში. ალი ფაშა თავის ქვისლ დაუდში სერიოზულ მეტოქეს ხედავდა. ამიტომ ახალი გამგებლის მხრივ მოსალოდნელი ხიფათის ასაცილებლად დაუდმა 1803 წელს თავი გაანება საერო სამსახურს და სასულიერო სფეროში დაიწყო მოღვაწეობა. იგი მოლად ეკურთხა, ქ. ბაღდადში აბდ ალ-კადარის მეჩეთში ჩასახლდა¹³ და წმინდა რელიგიურ საქმიანობასთან ერთად სამი წლის განმავლობაში მასწავლებლობდა მეჩეთთან არსებულ სკოლაში, სადაც მისი სახელი კიდევ უფრო პოპულარული გახდა.

1807 წელს ჰაფიზ ალი ფაშას დაღუპვის შემდეგ დაუდი საერო სამსახურს დაუბრუნდა და საფაშოს ხელისუფლების სხვადასხვა თანამდებობებზე მუშაობდა. სულეიმან ფაშა ქუჩუქის და აბდალაჰ თუთუნჯის დროს მას დავთარდარის პოსტი ეკავა, ხოლო საიდის

¹³ J. R. Welsted, Travels to the city of the Caliphs, London, 1840, vol. I, p. 259.

დროს — ჯერ ქაპიად იყო, შემდეგ კი დავთარდარად. როგორც აღინიშნა, აქ მას ბრალი დასდეს ფაშას წინააღმდეგ შეთქმულების მომზადებაში და სამსახურიდან დაითხოვეს. დაუღმა დატოვა ბაღდადი და მხოლოდ მაშინ დაბრუნდა ქალაქში, როცა სტამბოლიდან ბაღდად-ბასრა-შაჰრიზურის ვალის თანამდებობაზე დანიშნენისა და სამთულიანი ფაშას ტიტულის ბოძების ფირმანი მიიღო.

აბას ალ-აზავის ცნობით, 1817 წ. 22 თებერვალს ბაღდადში შესული დაუღისთვის საზეიმო შეხვედრა მოუწყევიათ ქალაქის მოსახლეობას, დიდებულებსა და სწავლულებს. ყოველი მხრიდან გაისმოდა თურმე მისალმების შეძახილები: „კეთილი იყოს თქვენი მოზრძანება“¹⁴.

დაუღ ფაშამ მეტად მძიმე მემკვიდრეობა მიიღო სამართავად. ერაყი მაშინ ის აღარ იყო, რაც სულეიმან ფაშა ბუიუქის დროს. მისი გარდაცვალების თითქმის პირველივე დღიდან დაწყებულმა გაუთავებელმა საგარეო თუ საშინაო ბრძოლებმა ქვეყანას თავისი კვალი დაამჩნიეს. საფაშო ხელისუფლება დასუსტდა. საიდ ფაშას დროს მმართველ აპარატში სრული ანარქია და უდარდელობა გამეფდა. ფაშა და მისი მოხელენი გართობა-დროსტარებაზე უფრო ფიქრობდნენ, ვიდრე საფაშოს გონივრულად მართვაზე. საფაშოში მყოფი თითოეული ტომი, გრძნობდა რა ხელისუფლების სისუსტეს, დამოუკიდებლობას ჩემულობდა. შაჰრიზურის მხარე თითქმის მთლიანად გამოეყო საფაშოს და ახლა ირანს უფრო ემორჩილებოდა, ვიდრე ბაღდადის გამგებელს. უსასრულო ბრძოლები, რასაც ადგილი ჰქონდა ბაღდადის საფაშოში, უარყოფითად მოქმედებდა ერაყის სამხედრო-პოლიტიკურ მდგომარეობასა და ეკონომიკაზე.

დაუღ ფაშას მიზნად ჰქონდა დასახული ერაყის გაერთიანება და სრული დამოუკიდებლობის მოპოვება. ამიტომ, დაიკავა თუ არა გამგებლის პოსტი, მაშინვე შეუდგა თავისი განზრახვის განხორციელებას და მნიშვნელოვანი ღონისძიებების გატარებას. პირველ რიგში მან თავი მოუყარა სწავლულებს, დიდებულებს, ჯარის წარმომადგენლებს, ქალაქის შეძლებულებს და შეადგინა დიდი დივანი ანუ დიდი საბჭო, მთავრობა, რომელშიც შედიოდნენ: ქედხუდა მუჰამედ ალა, დივანის მწერალი ფადლალაჰი, იენიჩარების უფროსი საიდ ალი ალა, დავთარდარი მუჰამედ საიდი, ქაპია მუსა ალა და ხაზინადარი იაჰია ალა. თითოეულ მათგანს, ისევე როგორც ჯარის მეთაურთა შე-

¹⁴ العزّاوى, დასახ. ნაშრომი, გვ. 241.

მადგენლობას, დაუბრუნა გარკვეული ფორმის ტანსაცმელი იმისდა მიხედვით, თუ ვის რა თანამდებობა ეჭირა; შემდეგ შეკრიბა მოსახლეობა და გააცნო მათ მიღებული ღონისძიება¹⁵. ფულით, საჩუქრებითა და დაპირებებით, ერაცის ახალმა გამგებელმა თავის მხარეზე დარანმა ჯარი და მოსახლეობა, განსაკუთრებით სასულიერო წოდება. რომლის წარმომადგენლებთან მას, როგორც მოლას, ისედაც ფართო კავშირი ჰქონდა¹⁶. ასეთი ღონისძიების გატარებით დაუდ ფაშამ საკმაოდ განიმტკიცა მდგომარეობა საფაშოს დედაქალაქში და დაიწყო მისდამი მტრულად განწყობილი ელემენტების დასჯა. იგი არ დაქანაყოფილებულა საიდ ფაშას მოკვლით და სასტიკად გაუსწორდა მის მომხრე გავლენიან პირებს: ჰამად აღას, მუჰამედ საიდ ბეგს, ომარ აღას და სხვა მეთაურებს, აგრეთვე ქულემენების იმ ჯგუფს. რომელიც ბოლომდე საიდ ფაშას ერთგული დარჩა.

მაშინ, როცა დაუდი ბაღდადში საქმეს იგვარებდა, მისი შეიარაღებული ლაშქარი ქაჰია მუჰამედ აღას წინამძღოლობით აჯანყებულ არაბ ტომებს უტევდა და მნიშვნელოვანი წარმატებები ჰქონდა. 1818 წლის ზამთარში მან დაამარცხა დულაიმის, შამარ ჯერბას, შამარ ტოგას ტომები და დახარკა ისინი. ის სასტიკად გაუსწორდა აგრეთვე სუგურტისა და ენეზის სექტანტებს, რომლებიც მუსაიბის აღმოსავლეთით მოქმედებდნენ ირანის ხელისუფლების დარჩევით. ირანის მთავრობის აშკარა დახმარებითა და წაქეზებით მოქმედებდა სულიმანიეს გამგებელი მაჰმუდ ფაშა ბაბანიც, ის კაცი, ვინც ოსმალეთის მთავრობას პირდებოდა, რომ დაუდის ფაშად გახდომის შემთხვევაში უარს იტყოდა ირანის ქვეშევრდომობაზე და ოსმალეთის მხარეზე დადგებოდა. ერთხანს მაჰმუდ ფაშა მართლაც პირნათლად ასრულებდა ფიცს და დაუდმაც კარგი საჩუქარი მოუშადა მას, ქონისა და ჰარირის სანჯაყები უბოძა. მაგრამ შემდეგ სწორედ ქერმან-შაჰის გამგებლის უფლისწულ მუჰამედ ალი მირზას მუქარით მან ერაცის გამგებლისათვის მიცემული პირობა დაარღვია, კვლავ ირანის ქვეშევრდომობა იკისრა და ალი მირზას აღუთქვა, რომ ირანში მძევლად თავის ძმას, ყარადაღის მმართველს ჰასან ბეგს გაგზავნიდა. ცხადია. მაჰმუდ ფაშა ბაბანის ასეთ მოქმედებას დაუდი გულგრილად ვერ შეხვდებოდა და მაშინვე შეუდგა საჭირო ზომების მიღებას.

¹⁵ العزّاوى, დასახ. ნაშრომი, გვ. 241.

¹⁶ J. R. Welsted, დასახ. ნაშრომი, გვ. 250; А. Адамов, დასახ. ნაშრომი, გვ. 413.

მან გადაწყვიტა საქმე ჯერ მშვიდობიანი გზით მოეგვარებინა და ამ მიზნით სულეიმანიეში მოსალაპარაკებლად მიავლინა თავისი მუჰრადარი ინაიეთულაჰ ალა, მაგრამ, როცა მოლაპარაკებამ სასურველი შედეგი ვერ გამოიღო, იგი იძულებული გახდა ძალა გამოეყენებინა. იმავე ინაიეთულაჰის სარდლობით, დაუდ ფაშამ თავისი ლაშქარი 1818 წელს ქურთისტანის დასალაშქრავად გაგზავნა.

ლაშქრობა წარმატებით დაიწყო. ბაღდადის ლაშქარმა თითქმის უბრძოლველად დაიკავა ქოისა და ჰარირის საზღავები და მათი მართვა მიანდო დაუდის მიერ ფაშას რანგამდე აყვანილ ჰასან ბეგ ბაბანს, რომელმაც ჯერ კიდევ ადრე, დამსჯელი ექსპედიციის მოწყობამდე, უარი თქვა ქერმანშაჰის გამგებლის კარზე წასვლაზე და ბაღდადში გაიქცა.

ქოისა და ჰარირის შემდეგ ბაღდადის ფაშას ლაშქარმა ქირქუქი დაიკავა და სულეიმანიესაკენ წასასვლელად მოემზადა¹⁷. მაგრამ ა. ადამოვის მიხედვით, თითქოს ეს ლაშქრობა აღარ შემდგარა. ქურთისტანში სალაშქროდ წასული ბაღდადის ფაშა შუა გზიდან დაბრუნებულა, რადგან შეუტყვია, რომ მაჰმუდ ფაშა ბაბანის დასახმარებლად სულეიმანიეში ირანის დიდძალი ჯარი მოსულიყო ქერმანშაჰის გამგებლის მუჰამედ ალი მირზას მეთაურობით¹⁸. უფრო სარწმუნო ცნობებით კი იგივე ამბავი რამდენადმე სხვაგვარად წარმოგვიდგება. 1818 წელს ბაღდადის ფაშას დაულაშქრავს ქურთისტანი და სულეიმანიეს მმართველად თავისი კანდიდატი აბდალაჰი დაუსვა¹⁹. რაც შეეხება სულეიმანიეში ირანის ჯარის მოსვლას, ეს შედარებით გვიანდელი ამბავია. დამარცხებული და თანამდებობიდან გაძევებული მაჰმუდ ფაშა ბაბანი სულეიმანიედან ირანს გაიქცა დახმარების სათხოვნელად და 1819 წლის ზაფხულში ქერმანშაჰის გამგებლის ალი მირზას ლაშქრით ქურთისტანს მიადგა²⁰. იმავე დროს ბაღდადის საფაშოს გასანადგურებლად, როგორც ამას რუსეთის მაშინდელი წარმომადგენელი სტამბოლში გრაფი გ. სტროგანოვი

¹⁷ تاریخ جودات، ٠ ١، XI، ج. 30—35.

¹⁸ А. Адамов, დასახ. ნაშრომი, გვ. 415.

¹⁹ ა. ადამოვის მიხედვით, აბდალაჰი მაჰმუდ ფაშა ბაბანის უმცროსი ძმა უნდა იყოს (А. Адамов, დასახ. ნაშრომი, გვ. 415), ს. ლონგრევი კი მას მაჰმუდ ფაშას ბიძად მოიხსენიებს (S. H. Longrigg, დასახ. ნაშრომი, გვ. 243—244).

²⁰ აჰმედ ქვედეთის ცნობით, მაჰმუდ ფაშა ბაბანს სულ 14 ათასიანი ლაშქარი ჰყოლია. აქედან 10000 კაცი ირანელი ყოფილა (تاریخ جودات، ٠ ١، XI، ج. 30—31).

აღნიშნავს, მოდიოდა აგრეთვე ირანელთა 20-ათასიანი ჯარი²¹. როცა დაუდმა ეს ამბავი შეიტყო, მან თავისი ლაშქარი სამ ნაწილად გაჰყო. პირველს სათავეში ჩაუყენა ქეთხუდა ბუეიბ ჰალილ ალა და მენდელჩინისაქენ გაგზავნა. მეორის საარღობა მიანდო ბაღდადის ყოფილ მთავარ ალას აბდ-ალ-ფათაჰს, რომელიც ჯესანსა და ვიდრაში უნდა წასულიყო. ხოლო მესამე ნაწილი მეორე ქეთხუდა მეჰნედ ალას ჩააბარა და ირანიდან წამოსული ლაშქრის შეკავება უბრძანა²².

ბაღდადის ფაშას ლაშქრის ის ნაწილი, რომელსაც ქაჰია მუჰაზედ ალა და სულეიმანიეს გამგებელი აბდალაჰ ბაბანი ხელმძღვანელობდნენ, თავიდან წარმატებით იგერიებდა მოწინააღმდეგის იერიშებს, მაგრამ მტრის საბოლოოდ შეჩერება და უკუქცევა მან ვერ შეძლო. ისედაც მკირერიცხოვანი და ირანელებთან შედარებით უფრო ცუდად შეიარაღებული ბაღდადის ფაშას ლაშქრის რიგები თანდათან თხელდებოდა. დამხმარე ჯარი კი არსაიდან მოდიოდა და არც იყო მოსალოდნელი მოსვლა, რადგან იმპერიის მთელი შეიარაღებული ძალები მაშინ საბერძნეთსა და ბალკანეთში მიმდინარე ანტიოსმალური აჯანყებების ჩასაქრობად იყო გამოიზნული და ქურთისტანის ამბებისათვის არავის ეცალა. ასე რომ, დრო ირანელთა სასარგებლოდ მოქმედებდა და მუჰამედ ალი მირზაც, რა თქმა უნდა, მარჯვე მომენტს ხელიდან არ უშვებდა. იგი დაუდისაგან დაჟინებით მოითხოვდა შაჰის ქვეშევრდომობაზე დაფიცებული მაჰმუდ ფაშა ბაბანის დასმას სულეიმანიეს გამგებლად (ე. ი. მთელი შაჰრიზურის მხარის ირანის მფლობელობაში შესვლას) და ამისათვის ომს განაგრძობდა, ბრძოლაში აბამდა ახალ-ახალ რეზერვებს და გამარჯვების სასწორიც თანდათან მის მხარეზე იხრებოდა. ყიზილ რაბატთან გამართული შეტაკებისას ირანისა და ქურთების ლაშქარმა, რომელიც ემიგრანტი ფაშას მხარეზე იყო, სასტიკად დაამარცხა მოწინააღმდეგე²³, დაიკავა სულეიმანიე და ალადგინა იქ მაჰმუდ ფაშა ბაბანის ძალაუფლება.

კინიდან ბაღდადის არმიის წარუმატებლობის მთავარი მიზეზი

²¹ «Через Английского курьера, ежемесячно приезжающего сюда из Багдада по делам Ост-Индской компании, Листон получил ныне известие о вторжении в Багдадской пашалык 20-ти тысячного корпуса персиян с тем, чтобы опустошить сию провинцию» (Депеша барона Строганова к ген. Ермолову, от 16 сентября 1819 г. Буюк-Даре, АКАК, т. VI, ч. II, стр. 420).

²² تاریخ جودت، ج. XI، ص. 30.

²³ C. I. J. Rich, დასახ. ნაშრომი, ტ. II, გვ. 130—184.

ქუთისტიანის საქმეში ირანის აშკარა შეიარაღებული ჩარევა იყო, დაუდმა, ირანისათვის სამაგიეროს გადახდის მიზნით, შური იძია ერაყში მცხოვრებ შიიტ მოსახლეობაზე; ირანის ქვეშევრდომებზე, მომლოცველებზე და იწყო მათი უმოწყალო რბევა-აწიოკება. ბაღდადში, ქერბელაში, ნეჯეფში და სხვა ქალაქებში მყოფი ირანელი მდიდრები დააპატიმრა, ხოლო მათ ქონებას კონფისკაცია უყო. ასე მოექცა იგი შიიტთა წმინდა ადგილებში (უმთავრესად ქერბელასა და ნეჯეფში) ირანის შაჰების მიერ საუკუნეთა მანძილზე ნაგროვებ განძეულობასაც, რომელიც დაუღის განკარგულებით ბაღდადის ზარაფხანაში მიიტანეს, გადაადნეს და ფულად მოჭრეს²⁴. დაუღის ბრძანებით აკავებდნენ და ჩხრეკდნენ აგრეთვე მექა-მედინაში მიმავალ ირანელ პილიგრიმთა ქარავნებს.

ბაღდადის ფაშას ასეთმა პოლიტიკამ კიდევ უფრო გაამწვავა მდგომარეობა ირანთან. გააჯერებულმა ფაშა ალი შაჰმა დაუღს სპარსულ ენაზე დაწერილი წერილი გაუგზავნა და მოაგონა, რომ სულეიმან ფაშა ბუიუქის დროს ირანსა და ერაყს შორის დამყარდა კარგი დამოკიდებულება. რაიმე დღესასწაულის ანდა საომარი მოქმედებისას მოპოვებული გამარჯვების შემთხვევაში ბაღდადის ფაშა მილოცვას უგზავნიდა შაჰს და ორივე მხარე ზემობდა. ასე იყო ადრე, მაგრამ ახლა ამ ტრადიციას ყურადღება აღარ ექცევა და თქვენ ჩვენს საზიანოდ მოქმედებთ²⁵. საყვედურით აღსავსე ამ წერილის მიღებასთან ერთად დაუდმა ისიც შეიტყო, რომ შაჰი მოკლე დროში ირანის დასავლეთ საზღვრის დასათვალეიერებლად უნდა წასულიყო და, რომ რაიმე მოულოდნელობას ადგილი არ ჰქონოდა, ფაშა თავდაცვითი ღონისძიების გატარებას შეუდგა. საკუთარი ჯარის მომზადებასთან ერთად მან სულთანიც გააფრთხილა, რომ საჭიროების შემთხვევაში მისთვის დახმარება გაეწია.

დაუღისგან ცნობის მიღებისთანავე სულთანმა მაჰმუდ II-მ ალექსოს, სივასის, ადანისა და მარაშის გამგებლებს უბრძანა, დაუყოვნებლივ შეეკრიბათ ლაშქარი და მომზადებულეყენენ ბაღდად-მოსულისაკენ წასასვლელად. ამავე დროს მან ერაყის გამგებლის განკარგულებაში გაგზავნა ისკენჯის, ზემათა და თიმარჯთა ლაშქარი²⁶.

ბუნებრივია, სულთნის ასეთი ქმედითი ღონისძიება ირანიდან მოსალოდნელი საფრთხით იქნებოდა ნაკარნახევი, მაგრამ დაუღი

²⁴ Cl. J. Rich, დასახ. ნაშრომი, გვ. 226; A. Adamov, დასახ. ნაშრომი, გვ. 416.

²⁵ تاریخ جودت, ტ. XI, გვ. 35.

²⁶ იქვე, გვ. 31—32.

ამან სერიოზულად ჩააფიქრა. მას ეპკვი ეპარებოდა მაჰმუდ II-ის გულწრფელობაში. იგი ვარაუდობდა, რომ სულთანს სურდა ირანთან მდგომარეობის ვართულების საბაბით თავისი ჯარები შეეყვანა ერაყში და დაემხო იქ ქულებმენების ძალაუფლება. ამიტომ დაუდმა ვადაწყვიტა, მოლაპარაკება გაემართა შაჰთან, მშვიდობიანი გზით გადაეჭრა სადაო საკითხები, მიეღწია შეთანხმებისათვის და სულთანის ჯარებისათვის მოესპო ერაყში შესვლის საბაბი. დაუდმა მიზანს მიაღწია, რაშიც მას დაეხმარა ირანის საგარეო პოლიტიკაში მომხდარი ცვლილება. კერძოდ ის, რომ შაჰმა ინგლისელების წაქეზებით რუსეთის წინააღმდეგ იწყო მზადება და ვადაწყვიტა მოკავშირედ გაეხადა თურქეთი. ეს კი შესაძლებელი იქნებოდა მაშინ, თუ ის ღრობით მაინც იტყოდა უარს თავის პრეტენზიებზე ერაყის გამგებლის მიმართ და მიიღებდა ამ უკანასკნელის წინადადებას სადავო საკითხების მშვიდობიანი გზით მოგვარების შესახებ. ამიტომ ირანის მთავრობამ სულთანს აახლა თავისი ელჩი მეჰმედი ალი ხანი, რომელსაც დავალებული ჰქონდა მაჰმუდისათვის საჩუქრად მიერთმია სპილო, მოეხადა ბოდიში და მოლაპარაკებოდა შემდეგზე: 1. რომ საჭიროა ირან-ოსმალეთის გაერთიანება რუსეთის წინააღმდეგ; 2. რომ ირანი ვალდებულია კისრულობს შეაკეთოს მის მიერ დანგრეული ციხეები ვანის რაიონში, თუ ა) ოსმალეთის მთავრობა პირობას დაუდებს, რომ არ აიღებს დიდ ბაჟს ირანელი პილიგრიმებიდან და არ შეუტრაცხუფს მათ; ბ) ირანიდან გაქცეულ ქურთებს არ მისცემს პოლიტიკურ თავშესაფარს თურქეთში და დააბრუნებს უკან; გ) ირანელ ვაჭრებს მოექცევიან ისე, როგორც თავისას²⁷.

პირდაპირი ცნობა არა გვაქვს, მაგრამ ირკვევა, რომ მეჰმედი ალი ხანის მისია სტამბოლში წარმატებით დამთავრებულა. ამას გვაფიქრებინებს აჰმედ ჯევედეთის ერთი ცნობა, რომელშიც ნათქვამია: დაუდმა საქმე მშვიდობიანად მოაგვარა და სულთანის ჯარების გაგზავნა ერაყში საჭირო აღარ გახდა²⁸. საქმის მოგვარებაში ჯევედეთი იმა-საც გულისხმობს, რომ შორიგების თანახმად ქურთისტანი ბალდადის საფამოში უნდა დარჩენილიყო, მაჰმუდ ფაშა ბაბანი დაუდს დაემორჩილებოდა. მას რჩებოდა ბაბანის სანჯაკი. ქოისა და ჰარირის სანჯაკები აბდალაჰს ეძლეოდა: ირანში გაქცეული სულეიმან ფაშა და აბდ ალ-აზიზი ბალდადში უნდა დაებრუნებინათ²⁹.

²⁷ تاریخ جودت، ت. XI. ج. 31.

²⁸ იქვე, გვ. 33.

²⁹ იქვე, გვ. 31.

ირანთან მიღწეულმა შეთანხმებამ საშუალება მისცა ბაღდადის ფაშას ბოლო მოეღო მეკობრეობისათვის, რომლის ორგანიზატორი იყო საიდ ფაშას ძმა სადიკ ბეგი³⁰. მან შემოიკრიბა დაუდ ფაშას მოწინააღმდეგე ყველა ლტოლვილი და მათგან შეადგინა ჯგუფი, რომლის ძირითადი საქმიანობა მეკობრეობა იყო. ავაზაკთა ეს ჯგუფი დათარეშობდა ერაყის ცენტრალური ნაწილის დასახლებულ პუნქტებში, არბედა და ძარცვავდა მოსახლეობას. მდ. ტიგროსზე სადიკ ბეგის რაზმი თავს ესხმოდა გემებს და იტაცებდა საქონელს. მათმა მოქმედებამ შეაწუხა მოსახლეობა, შეაფერხა სოფლის მეურნეობა, ვაჭრობა. ყოველივე ეს კი აუარესებდა საფაშოს საერთო პოლიტიკურ და ეკონომიურ მდგომარეობას. ამიტომ დაუდმა, როგორც კი მოაგვარა სადავო საკითხები ირანთან და დაიბრუნა ქურთისტანი, მაშინვე შეუტია სადიკ ბეგის რაზმებს. ფაშას ჯარებმა იერიში მიიტანეს ზუბაიდის აშირეთზე, რომლის ბელადი შაფლალ ალა შალალი აქტიურად მონაწილეობდა სადიკ ბეგის საქმიანობაში, და დაამარცხეს იგი. შაფლალ ალა შალალი სადიკ ბეგის რაზმს ჩამოსცილდა, დანაშაული მოინანია და დაუდმაც შეიწყალა, მას თანამდებობა შეუნარჩუნა. შალალის შემდეგ სადიკ ბეგს ზურგი შეაქციეს სხვებმაც და ის ჯასიმ ბეგთან ერთად იძულებული გახდა სამხრეთში გადასვეწილიყო.

1819 წელს ბაღდადის ფაშამ სხვა სერიოზული გამარჯვებაც მოიპოვა. იმ დროს ეგვიპტის ლაშქარი იბრაჰიმ ფაშას სარდლობით ეპაბიტებს ებრძოდა და ამარცხებდა არაბეთის ნახევარკუნძულზე. იბრაჰიმის ჯარებმა დაიკავეს ნეჯდი³¹ და წინ მიიწევედნენ ალ-ჰასისაკენ. ამ უკანასკნელის დაპყრობის შემთხვევაში ისინი უშუალოდ უახლოვდებოდნენ ერაყის საზღვრებს, რაც არ მოსწონდა დაუდ ფაშას. მას ეშინოდა, რომ ეგვიპტეში მამლუქთა ძალაუფლების დამამხობელი და მათი გამანადგურებელი მუჰამედ ალი ალბანელი ერაყის დაპყრობასა და იქ ქულემენების რეჟიმის მოსპობასაც შე-

³⁰ 1818 წელს, როდესაც საფაშო ხელისუფლება უკვე დაუდის ხელში იყო, სადიკ ბეგი ბაღდადიდან გაიპარა, ზუბაიდის აშირეთში გადაიხვეწა და იქ შეიხ შაფლალ ალა შალალს შეაფარა თავი. მალე მასთან გამოცხადდა ჯასიმ ბეგი, რომელიც აგრეთვე ბაღდადიდან გაიქცა და ხაზაილის აშირეთში მიიძალა. რომ თავიდან აეცილინა სასიყვდილო განაჩენი.

³¹ تاريخ جودت, ტ. XI, გვ. 95; Абд ар-Рахман ал-Джабарти, Египет под властью Мухаммеда Али, М., 1963, стр. 633—638; L. A. B l u n t, დასახ. ნაშრომი, ტ. II, გვ. 256—261.

ეცდებოდა. ამიტომ მან დაასწრო იბრაჰიმ ფაშას და სანამ ეს უკანას-
კნელი ალ-ჰასასში შევიდოდა, იგი თვითონ დალაშქრა³², რითაც ერა-
ყის საზღვართან მოსვლის საშუალება აღარ მისცა ეგვიპტის ჯარებს
და ამით თავი დაიზღვია მოსალოდნელი საფრთხისაგან.

ამრიგად, ბაღდადის ახალმა გამგებელმა მოკლე დროში საფა-
შოს შემოუერთა ყველა ის ტერიტორია, რაც მას სულეიმან ფაშა
ბუიუქის დროს ეკუთვნოდა, დასძლია ცალკეული ტომების წინააღმ-
დეგობანი და შეძლო თავისი ხელისუფლების განმტკიცება.

გამდგარი ტომებისა და მხარეების შემომტკიცების შემდეგ ხე-
ლისუფლების სათავეში მტკიცედ ფეხმომავრებულმა დაუდმა იერი-
ში მიიტანა ერაყში მყოფ ინგლისელებზე, რომლებიც თავიანთი მთავ-
რობის დეველებით ძირგამომთხრელ საქმიანობას ეწეოდნენ ბაღ-
დადის საფაშოსა და მისი გამგებლის მიმართ. ის პრივილეგიური
მდგომარეობა, რომელიც ინგლისმა მახლობელი აღმოსავლეთის
ქვეყნებში, კერძოდ, ირან-ოსმალეთში მოიპოვა ნაპოლეონის დიქტა-
ტურის საბოლოოდ დამხობის შემდეგ და ის უპირატესობანი, რასაც
ინგლისელებს ოსმალეთთან და ირანთან დადებული საკავშირო გარი-
გებები (ე. წ. „კაპიტულაციები“) ანიჭებდა, დიდი ზრიტანეთის ხე-
ლისუფლებისათვის საკმარისი არ აღმოჩნდა. მის ინტერესებს ახლა
მართო ეს ველარ აკმაყოფილებდა და განზრახული ჰქონდა ამ ქვეყ-
ნის სრული ბატონ-პატრონი გამხდარიყო, რისთვისაც სადაზვერვო
მუშაობას ჯერ კიდევ XIX ს-ის დამდეგიდან შეუდგა. ინგლისის კა-
ბინეტი ამ საქმიანობას ჯერ ქ. ბასრიდან წარმართავდა, ხოლო 1806
წლიდან კი, როცა ინგლისის ოსტ-ინდოეთის კომპანიის რეზიდენტის
ადგილსამყოფელი ქ. ბაღდადი გახდა, დაზვერვის მთავარმა საკო-
ორდინაციო ცენტრამაც იქ გადაინაცვლა. ამ ცენტრს და მის საქმიან-
ობას სათავეში უდგნენ რეზიდენტი ჯემს რიჩი, მისი მოადგილე ჰაი-
ნი და კოლუჟინი. მათი პირდაპირი ხელშეწყობითა და დეველებით
ინგლისის დაზვერვის აგენტებმა არაერთხელ იმოგზაურეს ერაყის,
ქურთისტანის, ოსმალეთის იმპერიის სხვა ადგილებსა და ირანში
ინგლისის მთავრობისათვის საჭირო ცნობების შესაგროვებლად. ასე-
თი მისიის პირველი მოგზაურობა მცირე აზიაში, სომხეთში, ქურ-
თისტანსა და ირანში 1813—1814 წლებში განახორციელა კაპიტან-
მა მაკდონალდ კინეირმა მარშრუტით: ერზერუმში — ბითლისი — სი-
ისტრი — მარდინი — ჯაზირე — მოსული; ბენდერ-ბუშირი — ისფა-

³² تاريخ جودت, ج. XI, ص. 95.

შანი — თავრიზი — მდ. არაქსი — მარალა — სენნე — ჰამადანი — ქაშმირი — ბალდადი; ბალდადი — მოსული — დიარბაქარი — ამა-სია — სტამბოლი — სმირნა³³. ამ საეკმოლ ხანგრძლივი მოგზაურობიდან დაბრუნებულმა კინეირმა მადრასში (ინდოეთი), სადაც თვითონ მსახურობდა, სენტ-ჯორჯის ფორტის ინგლისელ ციხისთავს წარუდგინა დეტალური რუკა და ვრცელი ჩანაწერები³⁴, რომლებიც შეიცავდნენ ოსტ-ინდოეთის კომპანიისა და მის ზურგს უკან მდგომი ინგლისის ბურჟუაზიის ინტერესებისათვის მეტად საჭირო სამხედრო-სტრატეგიული მნიშვნელობის ცნობებს³⁵.

მაკდონალდ კინეირის მიერ დაწყებული საქმე შემდეგ სხვებმა განაგრძეს. 1817 წელს ერაყ-ქურთისტანი დაათვალიერა და აღწერა ლეიტენანტმა ვ. ჰეიდმა³⁶, ხოლო მომდევნო (1818—1820) წლებში ერაყში, ქურთისტანსა და ირანში იმოგზაურა რობერტ კერ-პორტერმა, რომელმაც საქართველოზეც გაიარა და თბილისი ინახულა³⁷.

ინგლისის პოლიტიკური მოღვაწენი ჰერცოგი ებერდინი, კარტრაიტი (გენერალური კონსული სტამბოლში), ბაყერი (გენერალური კონსული ეგვიპტეში), პიკოკი (ინდოეთის საქმეთა პასუხისმგებელი მოხელე) და სხვები დიდ მნიშვნელობას ანიჭებდნენ ასეთ მოგზაურობებს³⁸. ამიტომ, რაც მეტი დრო გადიოდა, მით უფრო ფართო ხასიათსღებულობდა ინგლისელი პოლიტაგენტების სააგიტაციო-სადაზვერვო მოქმედება და ბოლოს საქმე იქამდე მივიდა, რომ უკვე XIX ს-ის 20-იანი წლების დამდეგისათვის ლონდონში აღარც კი ფარავდნენ თავიანთ ავანტურისტულ ზრახვებს ერაყისა და ირანის მიმართ. 1820 წელს პალატაში ამ საკითხთან დაკავშირებით გამართული კამათის დროს ჯემს მაკინტოში პირდაპირ მოითხოვდა: „სპარსეთში და აგრეთვე ბალდადის საფაშოშიც დიდი ბრიტანეთი უძღვევლი უნდა იყოსო“³⁹ და ამის განხორციელება, სხვათა შორის, ბალდადში

³³ J. M. Kinneir, დასახ. ნაშრომი, გვ. 510—535.

³⁴ იქვე, 510—539.

³⁵ იქვე, გვ. VIII; С. В. Шостакович, Дипломатическая деятельность А. С. Грибоедова, М., 1960, стр. 179.

³⁶ W. Heude, A voyage up the Persian Gulf and a journey overland from India to England in 1817, London, 1819.

³⁷ მოგზაურობისას გაკეთებული ჩანაწერები კერ-პორტერმა გამოაქვეყნა 1822 წელს ორ ტომად ასეთი საერთო სათაურით: «Travels in Georgia, Persia, Armenia, Ancient Babilonia during the years 1817—1820».

³⁸ Н. А. Халфун, Борьба за Курдистан, М., 1963, стр. 32.

³⁹ V. Fontanier, Voyage dans l'Inde et dans le Golfe Persique, Paris, 1844, part I, p. 176.

მყოფ ინგლისის ოსტ-ინდოეთის კომპანიის რეზიდენტს ჯემს რიჩს დააკისრეს.

რიჩს აღმოსავლეთში მუშაობის საკმაო გამოცდილება ჰქონდა. ბალდადში იგი 1808 წელს მივიდა. კარგად იცოდა ოსმალეთის იმპერიის ამ პროვინციის ეკონომიურ-პოლიტიკური მდგომარეობა და ლონდონიდან მიღებული დავალების განხორციელებისათვის საჭირო გზებზეც ამისდა კვალად სახავდა. მისი აქტიური მოქმედებით 1821 წლისათვის ბასრა-ბალდადში საგრძნობლად იმატა ინგლისის სავაჭრო ახალშენებისა (ფაქტორების) და მოახალშენეთა რიცხვმა. გაიზარდა საფეიქრო ნაწარმის შემოზიდვა, გაფართოვდა ვაჭრობა, რომელიც მთლიანად ინგლისელთა ხელში მოექცა. ახალშენების, მოახალშენეთა და მათი საკუთრების დაცვის საბაზით სავაჭრო საქონელს თან მოაყოლეს ქვემეხებიც. რიჩის განკარგულებით შატ აღარაბის შესართავში ინგლისის ოსტ-ინდოეთის კომპანიის ხომალდებმა ჩაუშვეს ლუზა, ხოლო ხმელეთზე — დაქირავებული არაბებისაგან სამხედრო რაზმები შექმნეს და შეაიარაღეს. მაგრამ რიჩი მარტო ამით როდი დაკმაყოფილდა. ერაყის დასუსტება-დამოჩილებისათვის მან გადაწყვიტა ბალდადის საფაშოს წინააღმდეგ ქურთისტანის აემოქმედებინა. ამიტომ მეგობრული ურთიერთობა დაამყარა სულეიმანიეს გამგებელ მუჰამედ ფაშა ბაბანთან და საიდუმლო მოლაპარაკება გამართა მასთან, ერთი 1820 წლის 8 აპრილს, ხოლო მეორე აპრილის ბოლო რიცხვებში⁴⁰. რიჩი ორივე შემთხვევაში გამოცდილი პოლიტიკური აგენტისათვის დამახასიათებელი სიფრთხილით მოქმედებდა და ბალდადის ფაშასთვის ქურთისტანში თავისი მოგზაურობის ნამდვილი მიზეზი რომ დაეფარა, ამ ვიზიტს ტურისტული ვასეირნების ხასიათი მისცა, რისთვისაც თან გაიყოლია მთელი ამაღლა: მეუღლე, მდივან-მრჩეველები, მსახურები, მცველები და დიდი რაზმი ინდოელი მეომრებისა⁴¹.

დაუდ ფაშას არ მოსწონდა რეზიდენტის მოქმედება. იგი ამჩნევდა, რომ ბასრა-ბალდადში ინგლისელ მოახალშენეთა მომრავლება, ოსმალეთის მთავრობის მიერ მათთვის მინიჭებული პრივილეგიები და სავაჭრო მონოპოლიის ხელში ჩაგდება დამღუპველ გავლენას მოახდენდა საფაშოს ადგილობრივ ვაჭრობაზე, ფინანსურ და საერთოდ მთელ მის ეკონომიურ განვითარებაზე. მაგრამ მან არ იცო-

⁴⁰ العزاوي, დასახ. ნაშრომი, გვ. 266—267.

⁴¹ ئېقىن: سليمان نوار, დასახ. ნაშრომი, გვ. 204.

და, თუ რიჩი თავისი ვიზიტების დროს გადატრიალებას ამზადებდა ქურთისტანში. ერაყის გამგებელმა ეს მხოლოდ მაშინ შეიტყო, როცა ირანს გადახვეწილი მაჰმუდ ფაშა ბაბანი რამდენიმე ხნის შემდეგ ქერმანშაჰის ლაშქრით კვლავ შაჰრიზურს მოადგა, დაუდის ჯარი დაამარცხა, სულეიმანიე დაიკავა და ეს მხარე ბაღდადის საფაშოს მოსწყვიტა. ამასთან დაკავშირებით ბაღდადიდან ქურთისტანში მივლენილმა ფაშას სპეციალურმა კომისიამ, რომელსაც სხვათა შორის, რიჩის მოგზაურობის ნამდვილი მიზნის დადგენაც ევალებოდა⁴², გააკვია, რომ მაჰმუდ ფაშა ბაბანის მოქმედებაში ქერმანშაჰის გამგებლის გარდა ინგლისის ოსტ-ინდოეთის კომპანიის ბაღდადელი რეზიდენტის ხელიც ერია⁴³. ეს კი საფუძვლად დაედო დაუდის ბრძოლას ინგლისელთა წინააღმდეგ. მან ინგლისელი ვაჭრებისა და რეზიდენტის საყურადღებოდ განაცხადა, „ევროპელთა პრივილეგიური უფლებები ბაღდადზე აღარ ვრცელდება“-ო⁴⁴ და წინადადება მისცა მათ ერაყელთათვის დაწესებულ კანონებს დამორჩილებოდნენ, ან დაეტოვებინათ ეს ტერიტორია.

ბაღდადის ფაშას ამ განცხადების კატეგორიულმა ტონმა ხასიათი გაუფუჭა ბასრა-ბაღდადში მოკალათებულ ინგლისელ მებახალშენებსა და მათ მფარველ ჯემს რიჩს. ის სასწრაფოდ დაუკავშირდა ინგლისის ელჩს სტამბოლში ლორდ სტრანგფორდს. გააცნო მას დაუდ ფაშას პოზიცია ინგლისის მიმართ და სთხოვა რჩევა-დარიგება, თუ როგორ მოქცეულიყო.

სტრანგფორდი და მისი მთავრობა, რა თქმა უნდა, შორს იყვნენ იმ აზრისაგან, რომ ერაყიდან თავისი ქვეშევრდომები გაეყვანათ. ამიტომ ლორდი სტრანგფორდი 1821 წლის ივნისში გაგზავნილ თავის წერილში ინგლისის ოსტ-ინდოეთის კომპანიის ბაღდადელ რეზიდენტს ატყობინებდა, რომ უკუეგდო დაუდის წინადადება და მტკიცედ დაეცვა ინგლისის ინტერესები: „დაარწმუნეთ ფაშა, — სწერდა სტრანგფორდი რიჩს, — რომ მტკიცედ დავიცავთ იქ ჩვენს მაღალ ღირსებებს“⁴⁵.

რიჩი მიღებული მითითების შესაბამისად მოიქცა. მან უარი თქვა დაუდ ფაშას წინადადების შესრულებაზე, შატ ალ-არაბში შეიყვანა თავისი ფლოტი, საბრძოლო მზადყოფნაში მოიყვანა სამ-

⁴² H. A. Халфин, დასახ. ნაშრომი, გვ. 27.

⁴³ العزّاوى, დასახ. ნაშრომი, გვ. 267.

⁴⁴ S. H. Longrigg, დასახ. ნაშრომი, გვ. 255—256.

⁴⁵ C. I. J. Rich, დასახ. ნაშრომი, გვ. 179.

ზედრო რაზმები და ფაქტიურად ომი გამოუცხადა ერაყის გამგებელს⁴⁶, მაგრამ მისი წინააღმდეგობის გატეხვა მაინც ვერ შესძლო. დაუდმა თავის მხრივ ალყა შემოარტყა ინგლისელთა ახალშენებს, თვით რიჩის რეზიდენციას და რეზიდენტიცა და მოახალშენებეც ერაყიდან გააძევა⁴⁷. ინგლისის ოსტ-ინდოეთის კომპანიის რეზიდენცია ბლდადში დროებით დაიკეტა და, ამრიგად, რიჩის მისია ჩაიშალა. ინგლისმა ვერც ამჯერად მოახერხა ერაყში მტკიცედ ფეხის მოკიდება, რაც მას, სხვათა შორის, იმისთვისაც სჭირდებოდა, რომ ინდოეთიდან სპარსეთის ყურეში მოზიდული სავაჭრო საქონელი შატალ-არაბისა და ევფრატ-ტიგროსის გზით მესოპოტამიის ჩრდილო ნაწილში გადაეტანა და იქ კონკურენცია გაეწია რუსეთის საქონლისათვის. ამდენად, დაუდ ფაშას მიერ გატარებული ეს ღონისძიება, თავისი მნიშვნელობით, ერაყის ფარგლებს სცილდებოდა. იგი ინგლისის პოზიციების შესუსტებით ბლდადის საფაშოს ააცდენდა ინგლისელთაგან მოსალოდნელ უსიამოვნებას და გზას უკაფავდა ადგილობრივ ვაჭრობას, მრეწველობას და საერთოდ ქვეყნის ეკონომიურ განვითარებას, ამავე დროს გარკვეულ დახმარებას უწევდა რუსეთს⁴⁸, რომელიც მსგავსად ინგლისისა ძალდატანებით თუ მშვიდობიანი საშუალებებით აღმოსავლეთში ბატონობას ესწრაფვოდა⁴⁹.

⁴⁶ V. Fontanier, დასახ. ნაშრომი, გვ. 176.

⁴⁷ А. Адамов, დასახ. ნაშრომი, გვ. 415; В. Б. Луцкий, დასახ. ნაშრომი, გვ. 65.

⁴⁸ ამიტომ კმაყოფილების გრძნობით აცნობებდა გენერალი ა. ერმოლოვი საგარეო საქმეთა მინისტრს კ. ნესელროდეს, რომ „ინგლისელებმა გაწყვიტეს სავაჭრო ურთიერთობა ბასრასთან მათ წინააღმდეგ ადგილობრივი არაბი ტომების ამბოხების შიშით“ (საქ. სსრ სახელმწიფო ცენტრალური ისტორიული არქივი, თბილესი, ფონდი № 2 აღწ. 1, ფურცელი 44).

საერთოდ უნდა ითქვას, რომ ბლდადის ფაშასა და საქართველოს მთავარმართებელ ალექსი პეტრეს ძე ერმოლოვს შორის ამ დროს გაცხოველებული მიმოწერა იყო, რაც ჩანს როგორც დაუდის წერილიდან, სადაც იგი წერს: „ბატონი მთავარმართებლისათვის წიგნი მომიწერია, უსუფა გამოიგზავნია“-ო (იხ. დაუდის წერილი დედისადმი, საქართველოს სახელმწიფო ლიტერატ. მუზეუმის ხელნაწერთა განყოფილება, № 19577-ბ). ისე სხვა თანამედროვის ცნობებიდანაც, რომელშიც ხაზგასმითაა აღნიშნული აგრეთვე ისიც, რომ ამ მიმოწერასა და ურთიერთობას წმინდა სამხედრო ხასიათიც ჰქონდა (R. K. Porter, დასახ. ნაშრომი, ტ. II, გვ. 249).

⁴⁹ ამირკაეკასიაში გაბატონების შემდეგ რუსეთის ვაჭრობა ფეხს იკიდებს აღმოსავლეთში და კონკურენციას უწევს იქ ინგლისის საქონელს: „რუსეთის საქონელი თვით ინდამდეც კი აღწევდა და ზოგჯერ ინგლისურ საქონელზე მეტი უპირატესობით სარგებლობდა“ (K. Маркс, Ф. Энгельс, Соч., т. IX, М., 1933, стр. 12).

ინგლისი ხედავდა, თუ რაოდენ უმჯობესდებოდა დაუდის მიერ გატარებული ღონისძიებებით რუსეთის მდგომარეობა. ამიტომაც ის თავგამოდებით ცდილობდა დაეარგული პოზიციების აღდგენას ზალდადში და ხანგრძლივი ბრძოლის შემდეგ რამდენადმე მიაღწია კიდევაც ამას. ერაყისათვის სავაჭრო ბლოკადის გამოცხადების გამო⁵⁰, დაუდი იძულებული გახდა კვლავ აღედგინა ინგლისის ოსტ-ინდოეთის კომპანიის სარეზიდენტო ზალდადში. მან სცნო აგრეთვე ინგლისელთათვის „კაპიტულაციებით“ მინიჭებული პრივილეგიები და იყისრა მათთვის მიყენებული ზარალის მთლიანად ანაზღაურება⁵¹. ამის გამო ვ. ლუცკიმ გააკეთა დასკვნა, „ერაყი კვლავ ოსტ-ინდოეთის კომპანიის მივარდნილ კოლონიად რჩებოდა“⁵²-ო. მაგრამ ა. ადამოვის ნაშრომში, რომლის მიხედვით ლუცკი ასეთ დასკვნას აკეთებს, აღნიშნულია, რომ ეს იყო მხოლოდ „ფორმალური ვალდებულება“⁵³, ნამდვილად კი არავითარი არსებითი ცვლილება არ მომხდარა⁵⁴. ინგლისელი ვაჭრები ამის შემდეგაც მოკლებული იყვნენ სავაჭრო პრივილეგიებს და ჩიოდნენ, რომ მათ მიერ ინგლისიდან მოტანილი საქონელი, რომელიც შორი გზის გამოვლის გამო ისედაც არ იყო იაფი, ერაყში დადებული ბაყების წყალობით კიდევ უფრო ძვირდებოდა და აღარ საღდებოდა, ვაჭრობა წამგებიანი იყო.⁵⁵



ომი, რომელიც ირანსა და ინგლისს რუსეთის წინააღმდეგ ჰქონდათ დაგეგმილი, ჩაიფუტა. ამიტომ ირანს აღარ სჭირდებოდა ოსმა-

⁵⁰ რიჩის განცარგულებით გაწყდა კავშირი ინდოეთსა და ერაყს შორის. ინგლისის ოსტ-ინდოეთის კომპანიის გეგმებს აეკრძალათ ბასრის ნავსადგურში შესვლა, ერაყში ბრინჯის შეტანა და იქიდან თაფლის, პირუტყვის და სხვა პროდუქტების გატანა, რის გამოც ეს პროვინცია სერიოზულ ზარალს განიცდიდა (Дипломатическое дело Персидского ген. Ермолову от 15 мая 1821 г., № 87, АКАК, т. VI, ч. II, стр. 240).

⁵¹ С. У. Аitchison, დასახ. ნაშრომი, გვ. 3.

⁵² В. Б. Лущкин, დასახ. ნაშრომი, გვ. 123.

⁵³ А. А дамов, დასახ. ნაშრომი, გვ. 116.

⁵⁴ ეს აშკარაა რიჩის შემცვლელი ტეილორის დროს ინგლისის ოსტ-ინდოეთის კომპანიისა და ერაყის გამგებელს შორის დადებული შეთანხმების შინაარსიდან, რომელიც გადმოცემულია სულეიმან ნაყარის ნაშრომში — *ساز و آوا* (გვ. 213—214).

⁵⁵ ამიტომ იყო, რომ XIX ს-ის 20-იან წლებში ინგლისელმა დაიწიეს ძველთაგანვე ცნობილი ტრავიზონ-ერზერუმ-თავრიზის საქარავნო გზის ათვისება. ეს გზა შედარებით მოკლე იყო და იქიდან შემოტანილი საქონელი გაცილებით იაფი ჯდებოდა, რაც შესაძლებლობას აძლევდა უცხოელებს წარმატებით გაეწიათ კონკურენცია რუსეთის სავაჭრო საქონლისათვის, როგორც მცირე აზიაში, ისე ამჟრკავკასიაში

ლეთთან სამხედრო კავშირის შეკვრა და აღარ ასრულებდა 1819 წლის შეთანხმებით ნაყისრ ვალდებულებებს. ეს გარემოება ბიძგს აძლევდა ოსმალეთის სულთანსა და ერაყის გამგებელს განეგრძოთ ირანის ქვეშევრდომთა შევიწროება, რის გამოც კვლავ უკმაყოფილო იყვნენ როგორც ერაყში მცხოვრები შიიტები, ისე ერაყზე გავლით მექა-მედინასა და ნეჯფ-ქერბელაში მიმავალი ყველა ირანელი მომლოცველი და ვაჭარი. შაჰისათვის გაგზავნილ საჩივრის ბარათებში ისინი ერთნაირი აღშფოთებით წერდნენ იმ შევიწროებათა შესახებ, რააც ოსმალეთის იმპერიის ამ პროვინციის ტერიტორიაზე განიცდიდნენ ადგილობრივი ხელისუფლებისაგან³⁶. ამას და აგრეთვე აღრე დაუდ ფაშას მიერ შიიტთა წმინდა ქალაქების (ნეჯფ-ქერბელას) სალოცავების დარბევას, მათ გაძარცვას ფათჰ ალი შაჰი ვერ ურიგდებოდა და ერაყის დასალაშქრავად ემზადებოდა. მას საკმაოდ ბევრი მომხრე ჰყავდა ერაყში შიიტი და ქურთი მოსახლეობის სახით, მაგრამ ამით როდი კმაყოფილდებოდა. მომხრეთა რიცხვის გასაზრდელად თავისი აგენტურის მეშვეობით მან ფართო მუშაობა გააჩაღა მეზობელი ქვეყნის სუნიტ მოსახლეობაშიც.

აგენტურის საქმიანობას ჰოვეიზიდან ხელმძღვანელობდნენ და აგენტებადაც ძირითადად იქ მყოფი ბენი ლამისა და მუნთაფიქი ტომების არაბებს იყენებდნენ. ისინი ევფრატის ნაპირებიდან მოვიდნენ აქ და მკიდრო ურთიერთობა ჰქონდათ ოსმალური ერაყის ტერიტორიაზე დარჩენილ მრავალრიცხოვან თანამემამულეებთან, რომელთა ბელადებს ახლა ირანის ხელისუფლების დავალებით ბაღდადის საფაშოს გამგებლის წინააღმდეგ ამხედრებდნენ.

ერაყში ამბოხების მზადების პარალელურად ომისათვის ამზადებდნენ ირანის ჯარებსაც. შაჰის ბრძანებით, ქერმანშაჰისა და თავრიზის გამგებლებმა თავი მოუყარეს ლაშქარს და სრულ საბრძოლო მზადყოფნაში მოიყვანეს ის, რათა ერაყში აჯანყების დაწყებისთანავე შეეყვანათ, მაგრამ ბაღდადის ფაშამ დროზე შეიტყო ერაყში აჯანყების მზადების ამბავი, სწორად შეაფასა ის საშიშროება, რაც მას ირანთან ომის დროს მუნთაფიქისა და ბენი ლამის ტომებისაგან მოელოდა და სათანადო ზომებიც მიიღო ხიფათის თავიდან ასაშორებლად.

აჯანყების დაწყებამდე ცოტა ხნით აღრე დაუდ ფაშამ მოახერხა შუღლის ჩამოგდება მუნთაფიქებს შორის და ხელოვნურად გათიშა ეს ძლიერი ტომი ორ მტრულ ბანაკად. მან თანამდებობიდან გადა-

³⁶ М. С. П л а н о в, Очерк истории Ирана, стр. 138.

აყენა ირანის აგენტების მიერ მოსყიდული შეიხი ჰამიდ ას-სამირი და მის ნაცვლად ტომის ბელადად დასვა მისივე ძმა ჯალილი. მაგრამ იგი არ სცნეს მუნთათიქებმა, რომლებიც ჰამიდ ას-სამირს უპერდნენ მხარს, და იარაღით ხელში ახლად დანიშნული შეიხის წინააღმდეგ წამოიშალნენ. გაჩაღდა ძმათამკვლელური ბრძოლა, რაც მშვენივრად გამოიყენა დაუღმა, არეულობისათვის მან ორივე შეიხი შეიპყრო და თავები გააგდებინა⁵⁷. მუნთათიქების ტომი კი მორჩილება-ერთგულებათზე დააფიცა.

მოაგვარა თუ არა საქმე მუნთათიქებთან, დაუდი იმავე ხერხით ბენი ლამის ტომის დამორჩილებას შეუდგა. იქაც თანამდებობა ჩამოართვა შეიხ არრას, ირანისაკენ რომ ეკირა მუღამ თვალი⁵⁸, და ტომის ბელადობა მის ძმას, ჭკვიანსა და მოხერხებულ შეიხ მაზქურ იბნ ჯანდილს მიანდო. ამ უქანასკნელმა სწრაფად შემოიკრიბა თავის თანამეტომეთა უმრავლესობა, დაამარცხა მოწინააღმდეგენი და ერაყში დაბრუნების იმედი მოუპაო ირანში გაქცეულ არრას, რომელიც ქერმანშაჰის გამგებლისა და ფეილის ლურთა დახმარებით დაკარგული თანამდებობის დაბრუნებას ელოდა. ამრიგად, დაუდ ფაშამ დასაწყისშივე ჩაახშო ორი ძლიერი არაბი ტომის აჯანყება, რომლის დაწყებასაც მოუთმენლად ელოდნენ ერაყის საზღვართან თავმოყრილი ირანის ჯარები.

მაგრამ მუნთათიქისა და ბენი ლამის ტომების დამარცხებით ბაღდადის ფაშამ მხოლოდ დროებით შეაჩერა ერაყზე ირანელთა თავდასხმა. თავისი შეიარაღებული ძალების უპირატეობაში მტკიცედ დარწმუნებული ფათჰ ალი შაჰი ომის დაწყებას მაინც არ იშლიდა.

ირანის ჯარი მაშინ მართლაც აღარ იყო აღმოსავლური ყარდის ლაშქარი. მან დიდი ხანია რეორგანიზაცია განიცადა და ევროპულად მოეწყო. რეორგანიზაციას 1807—1809 წლებში ფრანგი სამხედრო სპეციალისტები ხელმძღვანელობდნენ. ხოლო შემდეგ ეს საქმე ინგლისელებმა ოფიცრებმა ითავეს და ჯარის დაკომპლექტება-დაყოფა გვარეობებად, აგრეთვე მისი შეიარაღება, მათი უშუალო მეთვალყურეობით ხდებოდა⁵⁹.

⁵⁷ K. Ritter, დასახ. ნაშრომი, ტ. VII, ნაწ. II, გვ. 1002; A. А да м о в, დასახ. ნაშრომი, გვ. 417.

⁵⁸ C. I. J. Rich, დასახ. ნაშრომი, ტ. II, გვ. 169.

⁵⁹ ინგლისელ სამხედრო ინსტრუქტორთა საქმიანობის შესახებ ირანში დაწერ. იხ. Ф. Ф. Б а р т о л о м е и, Посольства князя Меншикова в Персию в 1826 г. «Русская старина», СПб., 1904, т. 118, стр. 83.

ევროპულ ყაიდაზე გაწვრთნილი და შეიარაღებული ჯარი ირანის ხელისუფლებას რუსეთის წინააღმდეგ უნდა გამოეყენებინა, მაგრამ რაკი ეს გეგმა ჩაიშალა ახლა ძალის მოსინჯვა შაჰმა თურქეთზე გადაწყვიტა და თავდასხმის საბაბს ეძებდა, რაც სულ მალე მონახა კიდეც. ეს იყო სასაზღვრო ინციდენტი, რომელიც ჯერ კიდევ 1820 წელს დაიწყო⁶⁰.

თავისებური ბუნებრივი პირობების გამო, მთელ რიგ ადგილებში ირან-ოსმალეთს შორის საზღვრის ზუსტი დადგენა არ ხერხდებოდა. ამის გამო ზოგჯერ ისე ხდებოდა, რომ ერთსა და იმავე ტერიტორიაზე პრეტენზიას აცხადებდა ორივე სახელმწიფოს მთავრობა და ამ ნიადაგზე იწყებოდა კონფლიქტი⁶¹. ირან-ოსმალეთს შორის ზუსტი სასაზღვრო ხაზის არარსებობა საშუალებას აძლევდა ერთი სახელმწიფოს მიწა-წყალზე მომთაბარე ტომებს გადასულიყვნენ მეორე სახელმწიფოს ტერიტორიაზე⁶². ეს ტომები ხშირად ბოროტად იყენებდნენ ამას, თავს ესხმოდნენ მეზობლებს, ძარცვავდნენ და ნაალაფვეით მეორე სახელმწიფოს ტერიტორიაზე გადადიოდნენ. ასე მოხდა ახლაც. ქურთების ორი ტომი ირანიდან ოსმალეთში გადავიდა და არზრუმის საფაშოს შეათარა თავი. ირანის აზერბაიჯანის გამგებელმა აბას მირზამ ფაშას მათი დაბრუნება მოსთხოვა. მაგრამ არზრუმის ფაშამ არ დააკმაყოფილა აბას მირზას მოთხოვნა და მისი წარმომადგენელი ციხეში ჩასვა⁶³. ამას შედეგად მოჰყვა ჯერ ურთიერთობის გაწყვეტა ირან-ოსმალეთს შორის, ხოლო შემდეგ — ომიც⁶⁴.

⁶⁰ М. С. Иванов, დასახ. ნაშრომი, გვ. 138.

⁶¹ იქვე.

⁶² А. Д. Новичев, დასახ. ნაშრომი, გვ. 129.

⁶³ А. А. Дамов, დასახ. ნაშრომი, გვ. 418.

⁶⁴ ამ საქმეში რუსეთის დიპლომატიასაც მიუძღვის ბრალი. როგორც ს. მაზაროვიჩი ჩიხადნი 1821 წ. 1 ივლისს ვაგზანილი ერმოლოვის საიდუმლო წერილიდან ჩანს, ირანში აკრედიტებულ რუსეთის წარმომადგენელთა საზრუნაეი იყო როგორმე დაერწმუნებინათ შაჰის მთავრობა იმაში, რომ შინაური არეულობით (კერძოდ ბალკანეთში მზარდი აჯანყებებით) მოკული ოსმალეთისათვის ომის გამოცხადებით იოლად შეძლებდა მისი ყოფილი ტერიტორიების დაბრუნებას დასაეღეთში (Ц Г И А Г, Ф. № 2, оп. 1, «Журнал секретный походный ген. Ермолова», т. 52). ირანში რუსეთის წარმომადგენლების — მაზაროვიჩისა და ამბურჯერის ასეთი საქმიანობა შეუძენელი არ ღარჩენია ინგლისის აგენტებს. ერთ-ერთი მათგანი, კერძოდ ჰენრი ეილოვი (ინგლისის სრულუფლებიანი წარმომადგენელი ირანში) ამასთან დაკავშირებით თავის მთავრობას მოახსენებდა, რომ მაზაროვიჩმა 30 ათასი თუმანი მისცა აბას მირზას ოსმალეთთან ომის დასაწყებად («АКАК», т. VI, ч. II, стр. 259 და შემდეგ).

1821 წლის 15 ნოემბერს აბას მირზა თავისი ჯარით არზრუმის საფაშოში შეიჭრა⁶⁵. პირველსავე ბრძოლებში სძლია მოწინააღმდეგეს, აიღო ყარსის, აყსარაის, თოფრაყ-ყალეს, ბაიაზიდისა და არჯენის ციხეები⁶⁶. ერთმანეთზე მიყოლებით დაეუფლა აბშეჰარს, დიადინს, მუშს, ბითლისს და წარმატებით მიიწვედა წინ⁶⁷. არზრუმის ფაშას ყოველგვარი ცდა, შეეჩერებინა ირანელთა წინსვლა, მარცხით მთავრდებოდა. ოსმალეთის სულთან მაჰმუდ II-ს, რომელიც ბალქანეთში აჯანყებას ახშობდა, ეწინოდა, რომ ირანს კავშირი არ დაემყარებინა რუსეთთან. ამიტომ მან გადაწყვიტა რაც შეიძლება მალე შეეჩერებინა ირანელთა შეტევა. სერასკერად დანიშნულ არზრუმის ფაშას (ჯერ ხოზრევეს. ხოლო მისი გადაყენების შემდეგ მეჰმედ ემინ რეუფს) ეანის, ბაიაზიდისა და ყარსის ჯარები მიაშველა⁶⁸. მისივე ბრძანებით, ბრძოლაში უნდა ჩაბმულიყო ბალდადის საფაშოს ჯარებიც, რომლებსაც ევალებოდათ ქერმანშაჰის პროვინციაში შესვლა.

ბალდადის საფაშოს შეიარაღებულ ძალებზე დიდ იმედებს ამყარებდა ოსმალეთის ცენტრალური ხელისუფლება. მისი ვარაუდით, ქერმანშაჰში შეჭრილ დაუდის ჯარებს მუჰამედ ალი მირზა ვერ გაუმკლავდებოდა და ირანის სარდლობა იძულებული გახდებოდა არზრუმის მიმართულებით მოქმედი ჯარის გარკვეული ნაწილი სამხრეთისაკენ გადაესროლა. ეს კი გამოიწვევდა აბას მირზას ჯარების შესუსტებას და არზრუმის გამგებლისათვის ხელსაყრელი პირობების შექმნას მოწინააღმდეგის დასამარცხებლად. მაშასადამე, ბალდადის საფაშოს შეიარაღებული ძალების ჩაბმას ბრძოლაში არსებითი გარდატეხა უნდა მოეხდინა ირან-ოსმალეთის ომში თურქების სასარგებლოდ. მაგრამ ასე არ მოხდა. ირანის ტერიტორიაზე შეჭრილი ბალდადის ფაშას ჯარი, რომელიც ბევრად ჩამორჩებოდა მოწინააღმდეგეს შეიარაღებითა და საერთო მომზადებითაც, სასტიკად დამარცხდა. ამგვარად, სულთანმა არზრუმში მოქმედ თავის ჯარებს ეერაფერი უშველა, ერაყი კი სულ ტყუილად ჩააბა ომში და მისი გამგებელიც მძიმე მდგომარეობაში ჩააყენა.

ირანის მიწა-წყლიდან ბალდადის ჯარის უკუქცევს შემდეგ მუჰამედ ალი მირზა ერაყის ტერიტორიის დაპყრობას შეუდგა. ბა-

⁶⁵ C. I. H u a r l, დასახ. ნაშრომი, გვ. 174, შენიშვნა I.

⁶⁶ R. G r. W a l s o n, დასახ. ნაშრომი, გვ. 198.

⁶⁷ A. A d a m o v, დასახ. ნაშრომი, გვ. 418.

⁶⁸ جودت, ط. XII, ج. 5—10.

ზიანის⁶⁹ ბრძოლაში მან იოლად სძლია მოწინააღმდეგეს. ბაღდადის ჯარის დიდი ნაწილი და თვით სარდალი, ქაპია მუჰამედ ალა ირანელებს ჩაბარდა ტყვედ. ხოლო დანარჩენებმა უწესრიგოდ იწყეს უკუქცევა⁷⁰. მათ მტრის შეჩერება აღარ შეეძლოთ. მოკლე დროში საფაშოს დიდი ნაწილი ირანელებმა დაიკავეს, ისინი ბაღდადს მიუახლოვდნენ და მის ასაღებად ემზადებოდნენ. ქალაქის ბედი თითქოს გადაწყვეტილი იყო. მუჰამედ ალი მირზა თავისი ჯარით უკვე ბაღდადს ალებას და ირანისათვის ერაყის დაბრუნებას ზეიმობდნენ⁷¹.

1821 წლის შემოდგომაზე ერაყში შავი ჭირი გაჩნდა და ნოემბერ-დეკემბერში, როცა ალი მირზა ბაღდადის ასაღებად ძალებს იკრებდა. ირანის ჯარებაც მოედო. ავადმყოფობისაგან ყოველდღე ათასობით ირანელი იღუპებოდა. სულ მალე მან ალი მირზაც იმსხვერპლა. ასეთ ვითარებაში ბრძოლის გაგრძელება აღარ შეიძლებოდა. შაჰი იძულებული გახდა ერაყის დაპყრობა დროებით გადაედო და თავისი ჯარები ბაღდადიდან ქერმანშაჰში გაიწვია⁷².

ირანელთა წასვლით ბაღდადი დანგრევასა და გაძარცვას გადაურჩა. ხოლო ერაყის ტერიტორიის ის ნაწილი, რომელიც ცოტა ხნის წინ მუჰამედ ალი მირზამ დაიპყრო, დაუდ ფაშამ კვლავ თავის სამფლობელოს შეუერთა.

ირან-ოსმალეთის დროებით შეწყვეტილი ომი 1822 წ. ადრე გაზაფხულზე ისევ განახლდა. ირანის 40 000-იანმა ჯარმა ამჯერად უკვე მუჰამედ ჰუსეინის (დაღუპული მუჰამედ ალი მირზას ვაჟი) სარდლობით⁷³, კვლავ გადალახა ერაყის აღმოსავლეთ საზღვარი და მენდელთან ახალი დამარცხება მიაყენა ბაღდადის 10 000-იან ლაშქარს⁷⁴. რომელსაც ქაპია პაჯი თაბით ალა მეთაურობდა⁷⁵.

მიუხედავად ამ გამარჯვებისა, ირანელებს ისეთი წარმატებები აღარ ჰქონდათ როგორც 1821 წლის დასაწყისში. თაბით აღასთვის დამხმარე რაზმების გაგზავნითა და მტრის მიერ დაკავებულ ტერი-

⁶⁹ დასახლებული პუნქტი. ამავე სახელწოდების კაზის (მაზრის) ადმინისტრაციული ცენტრი შაჰრისურის ვილაეტში.

⁷⁰ S. H. Longrigg, დასახ. ნაშრომი, გვ. 244.

⁷¹ იქვე, გვ. 245; A. Adamov, დასახ. ნაშრომი, გვ. 416; G. Keppel, Personal Narrative of Travels in Babilonia, Assiria, Medina and Scythia, London, 1827, v. I, pp. 267—268.

⁷² R. Watson, დასახ. ნაშრომი, გვ. 201—202.

⁷³ جوادی، ت. XII، ص. 12.

⁷⁴ R. Watson, დასახ. ნაშრომი, გვ. 202.

⁷⁵ სულეიმან ბუიუქის ყოფილი მონა, ტომით ქართველი.

ტორიაზე პარტიზანული ბრძოლების გაფართოებით ბალდადის საფაშოს გამგებელმა შეძლო მოწინააღმდეგის წინსვლის შეჩერება, რის შედეგადაც ბრძოლამ პოზიციური ხასიათი მიიღო და ცვალებადი წარმატებით მიმდინარეობდა. იგი გარდამავალი უპირატესობით მიმდინარეობდა აგრეთვე არზრუმის ფრონტზეც, სადაც ირანელთა წინააღმდეგ ახლა თურქების ლაშქართან ერთად მთელი ძალით მოქმედებდა შაჟი ქირი, რომელიც 1822 წლის გაზაფხულზე გავრცელდა იქ და სერიოზულ ზარალს აყენებდა აბას მირზას ჯარებს⁷⁶.

მთელ ფრონტზე შექმნილი საქმის ასეთი ვითარება უკვე იმის მაუწყებელი იყო, რომ ომი დიდხანს გასტანდა. ეს კი არც ირანს აწყობდა და არც ოსმალეთს. სულთან მაჰმუდ II-ს იმ დროს სერბიის აჯანყებისა და მცირე აზიის მეამბოხე ფეოდალების დათრგუნვა ეჩქარებოდა, ხოლო შაჰს ინგლისის მთავრობა აღარ ასვენებდა.

აღმოსავლეთში რუსეთის გაძლიერებისა და თავისი ჰეგემონიის დაკარგვის შიშით, ბრიტანეთის ხელისუფლება ფათჰ ალი შაჰისაგან მოითხოვდა ოსმალეთთან დაზავებას და ამიერკავკასიის აღნოსავლეთი ნაწილის დასაბრუნებლად ჩრდილოელი მეზობელი სახელმწიფოს წინააღმდეგ ომის დაწყებას⁷⁷, რისთვისაც ირანი დიდი ხანია ემზადებოდა ინგლისთან 1814 წელს დადებული ხელშეკრულების საფუძველზე⁷⁸. ამიტომ აბას მირზამ შეწყვიტა საომარი მოქმედება და საზავო მოლაპარაკება დაიწყო არზრუმის ფაშასთან⁷⁹.

მოლაპარაკება წარმატებით მიმდინარეობდა და დამთავრდა 1823 წლის 28 ივლისს არზრუმის ხელშეკრულების დადებით. ომი შეწყდა, ირანის ჯარები გაყვანილ იქნა ოსმალეთიდან და ყველა ტერიტორია, რომელიც მათ დაიკავეს ომის წინ ან ომის დროს ერაყსა და ქურთისტანის თურქულ ნაწილში, ბალდად-არზრუმის საფაშო-

⁷⁶ А. А да м о в. დასახ. ნაშრომ, გვ. 419.

⁷⁷ Новая история стран зарубежного Востока, М., 1952, т. I, стр. 308 — 309.

⁷⁸ А. В. Ф а д е е в, Россия и Кавказ впервой трети XIX в. М., 1960. стр. 190.

⁷⁹ ერმოლოვმა იცოდა, რომ ეს მოლაპარაკება ინგლისელების კარნახით დაიწყო და ნესელროდეს სწერდა: „ინგლისის ოქროს უდიდესი გავლენა აქვს... ინგლისელებს, თუ მათმა პოლიტიკამ მოითხოვა, არათუ ირანელებსა და თურქებს შორის არსებული მტრობის შეწყვეტა, არამედ მათი გაერთიანებაც კი შეუძლავთ“ (Отношения ген. Ермолова к гр. Нессельроде от 11-января 1802 г. АКАК, т. VI, ч. II, стр. 255).

ებს დაუბრუნდა⁸⁰: „ამიერიდან მტრობის მახვილი ქარქაშში დარჩება... ყველა ქალაქი, ციხესიმაგრე, რაიონი და სოფელი, რომლებიც ოსმალეთის იმპერიის ძველი საზღვრის იქითა და ომამდე ან ომის დროს ირანელებმა დაიკავეს, მთლიანად დაბრუნებული იქნება იმ სახით, როგორც არის ზავის დადების მომენტში“ — ნათქვამია ხელშეკრულების პრეამბულაში⁸¹.

ზავი ყველაზე ხელსაყრელი გამოდგა დაუდ ფაშასათვის. მან ხელშეკრულებით დაიბრუნა როგორც ომის დროს დაკარგული ტერიტორია (მენდელის რაიონი), ისე მანამდე ქერმანშაჰის გამგებლის მიერ მიტაცებული საფაშოს ჩრდილო ნაწილი — შაჰრიზური. გარდა ამისა, ირანის მთავრობა ვალდებულებას კისრულობდა, რომ აღარ ჩაერეოდა საფაშოს შინაურ საქმეებში: „ამ წუთიდან აღარავითარ ჩარევას არ უნდა ჰქონდეს ადგილი არც ბაღდადში, არც ქურთისტანში: ირანის ხელისუფლებას არ ექნება უფლება ოსმალეთის საზღვრებში მოქცეული ქურთისტანის ნაწილებსა და უბნების საქმეებში ჩარევისა, არ დაუშვებენ რაიმე შევიწროებას, არ მიითვისებენ ხელისუფლებას ამ ქვეყნის ახლანდელი ან ძველი მფლობელებისას, ხოლო იმ შემთხვევაში თუ ამ საზღვარზე ორივე მხარის ტომები გასცდებიან მათთვის განკუთვნილ საზაფხულო და საზამთრო ადგილსამყოფელის ფარგლებს, მისი უმალესობის ტახტის მემკვიდრისა და ბაღდადის ფაშას აგენტები ერთად განსაზღვრავენ ჩვეულებრივი გადასახდელის ოდენობას, გადასახადს საქოვრებისას და სხვა ზაყებს იმისათვის, რათა ამის გამო არ მოხდეს არავითარი უთანხმოება ორ სახელმწიფოს შორის“⁸².

* * *

ირან-ოსმალეთს შორის დამყარებულმა მშვიდობამ ბაღდადის გამგებელს საშუალება მისცა საფაშოს საშინაო საქმეებისათვის მოეველო. პირველ რიგში მან ყურადღება მიაპყრო ერაყში დაწყებულ აჯანყებებს და ქურთისტანში თავისი მდგომარეობის განმტკიცებას

⁸⁰ ირანის ასეთი ზომიერება და დათმობა ნაკარნახევი იყო იმ პოლიტიკით, რასაც შაჰი ახორციელებდა რუსეთის წინააღმდეგ. ჩრდილოეთისაკენ სალაშქროდ გამზადებულ ბაბა ხანს უსათუოდ უარი უნდა ეთქვა მისი ჭარბების მიერ დაპყრობილ ოსმალეთის ტერიტორიაზე, რომ მეგობრული ურთიერთობა ჰქონოდა სულთანთან და უზრუნველყო თავისი სამეფოს დასავლეთი საზღვარი ოსმალთა ხელყოფისაგან.

⁸¹ Мирный трактат между Портою Оттоманскою и Персиею, заключенный в Эрзеруме 19 июля 1238 (28 июля 1823 г.), «Путевой журнал Е. И. Чирикова», с. р. 638.

⁸² იქვე.

შეუდგა. არზრუმის ხელშეკრულების რატიფიკაციისთანავე მან ელ-
ჩი გაუგზავნა ქერმანშაჰის გამგებელს და შესაბამისად შაჰრიზურის
მხარის დაბრუნება მოსთხოვა. ქერმანშაჰის მფლობელი, უფლის-
წული მუჰამედ ჰუსეინ ხანი, რომელიც აბას მირზას მითითებით
შაჰრიზურის შენარჩუნებას ცდილობდა, საქმეს აკიანურებდა და
დაუდ ფაშას აცნობებდა, რომ სულეიმანიედან ჯარს ისე არ გაიყვან-
და, თუ შეპირებულ თანხას — 60 000 თუმანს არ მიიღებდა⁸³. „აბას
მირზას სურს შეინარჩუნოს სულეიმანიე, სანამ დაუდ ფაშა 60 ათას
თუმანს არ გადაიხდის“, — აღნიშნავს იმ დროს თავრიზში მყოფი
რუსეთის საელჩოს მდივანი ამბურგერი 1823 წლის სექტემბერში
ერმოლოვისადმი თბილისში გაგზავნილ მოხსენებით ბარათში⁸⁴.
ირანის აზერბაიჯანისა და ქერმანშაჰის გამგებელთა ასეთ საქციელს
ბაღდადის ფაშამ ქურთისტანში თავის ლაშქრის გაგზავნით უპასუხა.
დაუდმა თავისი ძმის აჰმედ ბეგის⁸⁵ მეშვეობით წინადადება მისცა
სულეიმანიეს გამგებელ მუჰამედ ფაშას, დაუყოვნებლივ გაეწყვი-
ტა კავშირი ირანთან, დაეფიცა ბაღდადის ფაშის ერთგულებაზე და
ეხადა მისთვის ყოველწლიური სავალდებულო ხარკი: წინააღმდეგ
შემთხვევაში სასტიკად დასჯიდა.

ამრიგად, მდგომარეობა კვლავ დაიძაბა. დაიწყო „სულეიმანიეს
კრიზისი“, რომელიც შეიძლებოდა გამხდარიყო ირან-ოსმალეთს
შორის ახალი ომის დაწყების მიზეზი. მაჰმუდ ფაშას, რომელსაც
ხელისუფლების დაკარგვის ეშინოდა, არაფრით არ უნდოდა ბაღდა-
დის ფაშას ქვეშევრდომი გამხდარიყო. მას ირანის დახმარების იმედი
ჰქონდა, მისკენ ექირა თვალი და დაუდ ფაშას წინადადებებზე პა-
სუხს აყოვნებდა. მაგრამ ირანის მთავრობას ახლა მისთვის არ ეცალა.
მან არზრუმის სამარცხეინო ზავს ხელი იმისათვის მოაწერა, რომ რუ-
სეთთან ომის დაწყება ეჩქარებოდა და ოსმალეთთან კეთილშეზობ-
ლური დამოკიდებულების დამყარება სურდა. ამიტომ, ცხადია, სუ-
ლეიმანიესთვის ის ახლა ოსმალეთთან დამოკიდებულებას აღარ გაი-
ფუქებდა. შაჰმა აბას მირზას და ჰუსეინ ხანს დაავალა, ზუსტად და-
ეცვათ არზრუმის საზავო პირობები. ამის შემდეგ სულეიმანიეს გამ-

⁸³ 1822 წელს, ეიდრე არზრუმში მოლ-პარაჯება დაიწყებოდა. დაუდ ფაშამ
მართლაც აღუთქვა ჰუსეინ ხანს ამ თანხის გადახდა, მაგრამ ჰუსეინმა მან
ბაღდადის ფაშას წინადადებაზე (ИГПАГ. Ф. № 2. от. I, л. 22. «Дело о загранич-
ных происшествиях», АКАК, т. VI, ч. II, стр. 276).

⁸⁴ იქვე.

⁸⁵ ოცივე დიმიტრი, ზოგჯერ ჰუსეინად მოიხსენიებენ. მის შესახებ უფრო ერთლად
ქვემოთ გვექნება საუბარი.

გებელს ისღა დარჩენოდა, რომ დაუდ ფაშას წინადადებები მიეღო. მან თავისი სამფლობელო ბაღდადის საფაშოს დაუმორჩილა და დაუდს ერთგულების ფიცის მისცა.

სულეიმანიუს საკითხის მოგვარების შემდეგ დაუდმა დაიბრუნა მენდღლის რაიონი და 1824 წელს ცენტრალურ და სამხრეთ ერაყში დაწყებული აჯანყებულების ჩაქრობას შეუდგა.

ცენტრალურ ერაყში მაშინ საფაშო ხელისუფლების წინააღმდეგ მოქმედებდა შიიტთა წმინდა ქალაქებისა და ჰილეს მოსახლეობა. რომელსაც მხარს უჭერდნენ ომის დროს დაუდ ფაშას მიერ გადიდებული გადასახადებით დამძიმებული სხვა არაბებიც. აჯანყებას ხელმძღვანელობდა დაუდ ფაშას ყოფილი ქაპია, 1821 წელს ბაზიანის ბრძოლაში ირანელთა მიერ ძლეული და მათ მხარეზე გადასული მუჰამედ ალა, რომელიც ომის დამთავრების შემდეგ დაბრუნდა ერაყში. იგი საკმაოდ პოპულარული პიროვნება იყო ერაყში, დიდი ავტორიტეტით სარგებლობდა მამლუქებში და ამდენად მისი აჯანყება ფაშასთვის ყველაზე საშიში იყო. ამიტომ დაუდმა სულეიმანიუდან დაბრუნებული თავისი ლაშქრის ერთი ნაწილი ქაპია ჰაჯი თაბითის მეთაურობით სწორედ მის წინააღმდეგ დასძრა და ქ. ჰილესთან გამართულ გამამწყვეტ ბრძოლაში სასტიკად დაამარცხა. მუჰამედ ალა გაიქცა, ხოლო აჯანყებულთა ლაშქარი დაიშალა. ცენტრალური ერაყის ტომებმა ფაშას სრული მორჩილება აღუთქვეს.

მაშინ, როცა ჰაჯი თაბითი ცენტრალური ერაყის აჯანყებულ ტომებს ამარცხებდა და ფაშას ერთგულებაზე აფიცებდა, დაუდის მეორე სარდალი, ტომით ქართველი სულეიმან ალა თავისი ცხენოსანი ნაწილებით წარმატებით იბრძოდა სამხრეთ ერაყში მუნთაფიქების წინააღმდეგ. ამ უკანასკნელთა ბელადმა, გონებასუსტმა ჰამიდ ას-სამირმა, ისარგებლა იმ რთული ვითარებით, რომელშიც ბაღდადის გამგებელი აღმოჩნდა ირანთან ომის დროს, უარი განაცხადა გადასახადების მიცემაზე, განუდგა მას და შექმნა ბაღდადის საფაშოსაგან დამოუკიდებელი სამხრეთ ერაყის ანუ არაბეთის ერაყის ცალკე სამთავრო, მაგრამ მის დაცვა-შენარჩუნებას ახლა, მიუხედავად მასკატის იმამის აქტიური მხარდაჭერისა, ვეღარ ახერხებდა. შეტევასზე გადასული ამირანორი სულეიმან ალა სამხრეთისაკენ მიიწედა. იგი სულ უფრო და უფრო ავიწროებდა მოწინააღმდეგეს და ბოლოს ბასრასთან გამართულ ბრძოლაში საბოლოო გამარჯვება მოიპოვა. დამარცხებულმა ას-სამირმა წინააღმდეგობა შეწყვიტა და გაიქცა, ხოლო სულეიმანმა ქალაქი დაიკავა, მუნთაფიქის

ტომის ბელადად დაუდ ფაშას კანდიდატი შეიხი სადუნი დასვა და ბაღდადს დაბრუნდა.

* * *

მუნთაფიქების აჯანყების ჩაქრობით ერაყში დამთავრდა სამოქალაქო ომი და დაიწყო მშვიდობიანი განვითარების ხანა. დაუდ ფაშა ირანთან (1821—1823 წწ.) ომის დროს დარწმუნდა ეკონომიურ-პოლიტიკური, კულტურული და სამხედრო ხასიათის ღონისძიებათა გატარების აუცილებლობაში. იგი გრძნობდა, რომ თუ ერაყი მომავალშიც სუსტ პოლიტიკურ-ადმინისტრაციულ ერთეულად დარჩებოდა, იქ ძალაუფლების შენარჩუნება გაუძნელდებოდა და ველარასოდეს მიაღწევდა თავის შორეულ მიზანს — ოსმალეთისაგან დამოუკიდებელი სამეფოს შექმნას, რომლის იდეა სულ უფრო და უფრო ეუფლებოდა მის გონებას.

დაუდმა ხელი მოჰკიდა ერაყის გაძლიერებას. პირველ რიგში ყურადღება მიაქცია აღმოსავლეთ ქვეყნებისათვის მთავარი სასიკოცხლო არტერიის, მელიორაციის სისტემის განვითარებას. მის დროს წესრიგში იქნა მოყვანილი მანამდე თითქმის უმოქმედო ძველი არხები და აიგო ახალი სარწყავი ნაგებობანი⁸⁶. არხი ისა, რომელიც იწვებოდა ფელუჯის ჩრდილოეთით მდინარე ევფრატიდან, წელიწადში ექვსი თვის მანძილზე რწყავდა ყაჯრ კუჯისა და სიტას ვრცელ ადგილებს⁸⁷. მის გაგრძელებას წარმოადგენდა დაუდ ფაშას სახელობის არხი „დაუდი“, რომელიც ჰავრის ტბის წყალს აერთებდა ხარკის არხთან და ქმნიდა ერთიან სარწყავ სისტემას⁸⁸. ისეთ ადგილებში, სადაც არხების საშუალებით მდინარეების წყლის მიყვანა მოუხერხებელი იყო. ამოიყვანეს არტერიული ქეები, რისთვისაც საჭირო სპეციალურ მანქანა-დანადგარებს ბაღდადის ფაშა ინგლისიდან იწერდა⁸⁹.

სარწყავი სისტემის მშენებლობამ ბიძგი მისცა ერაყის სოფლის მეურნეობისა და სახელოსნო წარმოების განვითარებას. წყალმა სიკოცხლე დაუბრუნა „მკვდარ მიწებს“, რომელთა ათვისებით საგრძნობლად გადიდდა სახნავ-სათესი ადგილების საერთო ფართობი, მისი ნაყოფიერება და მარცელეულის მოსავლიანობა. მან აგრეთვე განვითარების ხელსაყრელი პირობები შეუქმნა მეზღვეობა-მეზღვეობს-

⁸⁶ C. I. Huart, დასახ. ნაშრომი, გვ. 174.

⁸⁷ W. Ainsworth, დასახ. ნაშრომი, გვ. 119.

⁸⁸ Хуршид Эфенди, დასახ. ნაშრომი, გვ. 11, 169.

⁸⁹ Aucher-Eloy. Relation de voyage en Orient de 1830 à 1838. Paris, 1843, partie I, p. 325.

ტნობას, მეთამბაქოეობასა და ისეთ ტექნიკურ კულტურებს, რო-
ვორცაა ინდიგო. ბამბა, შაქრის ლერწამი, რომელთა პირველი პლა-
ნტაციების გაშენებას ერაყში თანამედროვენი დაუდ ფაშას მიაწე-
რენ⁹⁰.

სოფლის მეურნეობის საერთო აღმავლობის შედეგად, ერაყში
შეიქმნა ნედლეულის მტკიცე ბაზა ადგილობრივი მრეწველობის
განვითარებისათვის. დაუდ ფაშას მმართველობის დროს მნიშვნე-
ლოვნად გადიდდა სახელოსნო საწარმოების რიცხვი⁹¹. მარტო ბაღ-
დაღში XIX ს-ის 20-იან წლებში მუშაობდა 12000-მდე საქსოვი
დაზგა. რომლებზეც იქსოვებოდა: აბრეშუმის კრელი ქსოვილი
(ალაჯა), აბრეშუმის ყვავილებიანი ქსოვილი (კუტნი), ხავერდი, ნო-
ხები, აბრეშუმის ქსოვილები (ჩარკად და ჯანფეს). ატლასი, მარმამი
(ბიურიენჯუც), ქალის სხვადასხვაგვარი თავსაბურველები (ჩარ-
შავ), „მელიუ ფაშას“ სახელით ცნობილი ქსოვილი, რომლითაც მო-
სულისა და ურფის ქალები იკრავდნენ თავს; აგრეთვე ტანსაცმელი:
ფუტა და სხვადასხვანაირი მაშლიახები, ალაბანი⁹², დუვაიჯი,
ფულეიჯი, ... აბრეშუმის თავსაფრები (დესთმალ), ქალების პირბადე
(ფეჩე) და სხვა ქსოვილები⁹³. ეროვნული მრეწველობის განვითა-
რებაში ნედლეულის მტკიცე ბაზის შექმნასთან ერთად მნიშვნელო-
ვანი როლი შეასრულა აგრეთვე აქტიური სავაჭრო ბალანსის ანუ
მერკანტილისტურმა პოლიტიკამ, რომლის გატარებასაც დაუდი
ერაყში შეუდგა XIX ს-ის 20-იანი წლების დასაწყისიდანვე.

საფაშოს ფინანსური მდგომარეობის გაუმჯობესებით დაინტე-
რესებულმა ბაღდადის გამგებელმა, იმპერიის ცენტრალური ხელი-
სუფლების ნებართვის გარეშე, გააუქმა ერაყში ევროპელ ვაჭართა
პრივილეგიები და მათ საქონელს დაადო მძიმე საბაჟო გადასახადე-
ბი, რამაც გამოიწვია იმპორტის მკვეთრი შემცირება. ხოლო რაც
უფრო მცირდებოდა ევროპაში დამზადებული ძვირფასი საქონლის
შემოტანა ერაყში, მით უფრო იზრდებოდა მოთხოვნა ადგილობრი-
ვი წარმოების სამრეწველო თუ სასოფლო-სამეურნეო პროდუქცია-

⁹⁰ A. Scher-Elouy, დასახ. ნაშრომი, გვ. 219; A. Adamov, დასახ.
ნაშრომი, გვ. 420; V. Fontanier, დასახ. ნაშრომი, გვ. 334.

⁹¹ Хуршид Эфенди, დასახ. ნაშრომი, გვ. 67 და შემდეგ; С. I. H-
art, დასახ. ნაშრომი, გვ. 175; მისივე «Da'ud Pasha», Enziklopaedie des Islam,
Leipzig, 1912

⁹² აბრეშუმის ქსოვილი ოქროსფერი ფოთლებითა და ყვავილებით, იხმარებოდა
სარტყლებისა და ჩაღმებისათვის.

⁹³ Хуршид-Эфенди, დასახ. ნაშრომი, გვ. 67—68.

ზე. ეს კი ბიძგს აძლევდა როგორც საკუთარი ხელოსნობის, ისე სოფლის მეურნეობისა და ვაჭრობის განვითარებას. XIX ს-ის 20-იან წლებისათვის ერაყის ადგილობრივმა საქონელმა მტკიცედ მოიკიდა ფეხი საშინაო ბაზარზე და ფართო გასავალი პოვა ქვეყნის გარეთაც. როგორც მაშინდელი სარწმუნო წყაროებიდან ჩანს. „დაუდ ფაშამ ხელში აიღო ხორბლით, მარილით, ქვრით და ინდის-ხურმით ვაჭრობის მონოპოლია“⁹⁴ და ნაწარმის გასაზიდად გაიჩინა სამდინარო და საზღვაო ფლოტი⁹⁵.

სოფლის მეურნეობისა და ხელოსნობის გამოცოცხლებამ და უცხოელ ვაჭართა პრივილეგიების გაუქმებამ, გზა გაუხსნა ვაჭრობის განვითარებას. ამას კი მოჰყვა საფაშო ხაზინის ფულადი შემოსავლის ზრდა⁹⁶, რამაც წელიწადში 5 მლნ ფრანკი შეადგინა⁹⁷.

ასეთი რაოდენობის თანხით, დაუდს საშუალება ეძლეოდა ერაყში კულტურულ-საგანმანათლებლო, საყოფაცხოვრებო-სამშენებლო და სამხედრო-თავდაცვითი ხასიათის ღონისძიებების გატარებისა. მის დროს ბაღდადში, ბასრასა და სხვა ქალაქებში აიგო ბევრი ხიდი⁹⁸, ბაზარი⁹⁹, ძვირფასი მეჩეთი¹⁰⁰, აბანო¹⁰¹, სასნეულო¹⁰², მე-

⁹⁴ V. Fontanier, დასახ. ნაშრომი, გვ. 335; В. Б. Луцкий, დასახ. ნაშრომი, გვ. 258.

⁹⁵ А. А. Дамов, დასახ. ნაშრომი, გვ. 419; Новая история стран зарубежной Азии и Африки. Л., 1955, стр. 240.

⁹⁶ ვაჭრობისა და საფაშოს ფინანსური მდგომარეობის გაუმჯობესების მიზნით, 1820 წელს, სულთნის ნებართვით, დაუდმა იწყო ფულის მოჭრა. ბაღდადის ზარაფ

ხანაში ყოველწლიურად იჭებოდა 50.000 ლერუში (الزراوى, დასახ. ნაშრომი, გვ. 300) და დიდი რაოდენობის ჩარხი (Хуршид-Эфенди, დასახ. ნაშრომი, გვ. 107). ერთი ჩარხი უდრდა 2,5 პასტრს, ლერუში — 1 პასტრს.

⁹⁷ V. Fontanier, დასახ. ნაშრომი, გვ. 335. ე. ჩირიკოვისა და ა. ადამოვის თქმითაც „გამბრჭე და ენერგიული დაუდ ფაშას მმართველობის დროს ბაღდადის საფაშოს წლიურმა შემოსავალმა მიაღწია 37 მლნ პასტრს ანუ 2 მლნ-ზე მეტ მანეთს“ («Путевой журнал Е. И. Чирикова», СПб., 1875, стр. 284; А. А. Дамов, დასახ. ნაშრომი, გვ. 420).

⁹⁸ Aucher-Eloy, დასახ. ნაშრომი, გვ. 326.

⁹⁹ მათგან ყველაზე დიდი და ლამაზი იყო დაუდის სახელობის გემბათიანი, დახურული ბაზარი ბაღდადში, რომლის შესახებ ინგლისელი რ. ა. ჩესნი წერს: „დაუდ ფაშას მიერ აშენებული ეს ბაზარი ერთ-ერთი უმნიშვნელოვანესიაო მთელს აღმოსავლეთში“ (R. A. Chesney, The Expedition for the Survey of the rivers Euphrates and Tigris, London, 1850, vol. I, p. 31) ასეთივე ბაზარი ააშენა დაუდმა ქ. ბასრაში (Путевой журнал Е. И. Чирикова, стр. 49).

¹⁰⁰ მათგან სამი მეჩეთი დიდი იყო, სხვები შედარებით პატარები (الزراوى, დასახ. ნაშრომი, გვ. 330). ახალი მეჩეთების აშენების გარდა მომდინარეობდა ძვე-

ჩეთბთან გახსნა წიგნსაცავები და სკოლები¹⁰³, სადაც იმ დროის პირობაზე კვალიფიციური მასწავლებლების ხელმძღვანელობით განათლებას იღებდა დაახლოებით 2 ათასამდე მოსწავლე¹⁰⁴.

1828—1829 წწ. დაუღის ინიციატივით ბაღდადში მოეწყო პირველი სტამბა. მის გამართვას და მუშაობას ხელმძღვანელობდნენ ფაშას მიერ შორეული საქართველოდან მიწვეული სტამბის საქმის ოსტატები, რომელთაგან ერთ-ერთი იყო მირზა მუჰამედ ბაკირ ათ-თაფლისი (თბილისელი), ცნობილი რედაქტორ-გამომცემელი. მან დარ ას-სალამი¹⁰⁵ სტამბაში 1830 წლის ოქტომბერში დასტამბა წიგნი რასულ ჰავი ეფენდისა — „დიდ ვაზირთა ისტორია“

«تاريخ دوحه الوزراء»¹⁰⁶, რომელსაც წაუძღვარა შესავალი, დაურთო შენიშვნები და მურთაზა ნეჯმი ზადეს „გულშან ხულაფაი“-ს გაგრძელება¹⁰⁷. მასვე განზრახული ჰქონდა აგრეთვე, ტომით ქართველის სულეიმან ზეგის „ბაღდადის ქულებმეზნების მმართველობის წარმოშობისა და დაცემის ისტორიის“ (اصول و تاريخ ادارة بغداد) გამოცემა, მაგრამ 1831 წელს ერაყის მმართვე-

ლი ტარების შეკეთებაც. სალოცავ ნაგებობათა შორის ყველაზე დიდი და პატივსაცემი იყო: ჯამი შეიხ აბდ ალ-კადირ გილანი (სადაც მსახურობდა დაუღი), დაუღის აშენებელი ჯამი ჰაიდარ ხანე და ჯამი ასიფი ანუ მეველევი ხანე (X у р ш и д - Э ф е и и и, დასახ. ნაშრომი, გვ. 64). ბაზრებთან ერთად ეს მეჩეთებიც განსაკუთრებულად — აღნიშნავს რ. ა. ჩენი (იხ. მისი დასახ. ნაშრომი, გვ. 91).

¹⁰¹ მარტო ბაღდადის ბაზრებს ემსახურებოდა 14 აბანო (X у р ш и д - Э ф е и и и, დასახ. ნაშრომი, გვ. 67).

¹⁰² ამ სასწავლოში მკურნალებად მიწვეული იყვნენ ფრანგები (S. H. L o n g r i e g, დასახ. ნაშრომი, გვ. 254).

¹⁰³ ასე მავალითად, დაუღ ფაშამ 1819—1820 წელს ააშენა ჰაიდარ-ხანის მეჩეთი სასწავლებლითა და წიგნსაცავით, 1828 წ. იანუარში მავლი-ხანის სახელით ცნობილ

მეჩეთში გახსნა ორი სასწავლებელი (الزواوي, დასახ. ნაშრომი, გვ. 299).

უფრო ადრე, 1824 წელს, მისი ნებართვით ბაღდადში დაარსდა ქალთა სასულიერო სკოლა, სადაც ადგილობრივ მასწავლებლებთან ერთად ასწავლიდნენ მიწვეული ფრანგი მონაზვნებიც (А. А д а м о в, დასახ. ნაშრომი, გვ. 190).

¹⁰⁴ X у р ш и д - Э ф е и и и, დასახ. ნაშრომი, გვ. 67.

¹⁰⁵ „დარ-ას-სალამ“ — (მშეიდობის კარი) ბაღდადის ეპითეტია.

¹⁰⁶ თხზულება დაწერილია 1821—1828 წლებში დაუღ ფაშას დავალებით.

¹⁰⁷ ნეჯმი ზადეს ეს ისტორიული თხზულება დაწერილია 1100 (1688) წელს თურქულად. პირველად დაბეჭდა სტამბოლში 1730 წელს (J. H a m m e r, XIV, გვ. 107 და 494) უნგრელი იბრაჰიმ მუთეფერიკის ინიციატივით (C. I. H u a r t, დასახ. ნაშრომი, გვ. 7). იგი მოიცავს ბაღდადის ისტორიას დაარსებოდან XVII ს-ის 80-იან წლებამდე. მის გაგრძელებაში, რომელიც შეადგინა რამდენიმე პირმა, ახრობა მიყვანილია 1130 (1718) წლამდე.

ლობაში მომხდარი ცელიელების გამო აზის გაკეთება ველარ მოას-
წრო¹⁰⁸.

სტამბის, სკოლებისა და სხვა სახელმწიფო დაწესებულებათა
ადგილობრივი წარმოების ქალაქით მომარაგების მიზნით ბაღდად-
ში, დაახლოებით 1830 — 1831 წლებში, მუშაობა დაიწყო პირველმა
ქალაქის საწარმომ. იქ დამზადებული ქალაქი ატარებდა ამ საქ-
მის ინიციატორის დაუღის სახელს და ჰვირნიშნადაც ჰქონდა მისი
სახელი და გამგებლობის ხანგრძლივობის მაუწყებელი ქრონოგრა-
მა — აჟა, $4+1+6+4=15^{109}$, მართალია, ამ საწარმოს წარ-
მაღობა, განსაკუთრებით პირველ ხანებში, ვერ აკმაყოფილებდა სა-
ფაშოს მოთხოვნილებას ქალაქზე, მაგრამ ის მაინც მნიშვნელოვ-
ნად ამცირებდა ძვირადღირებული ქალაქის სტამბოლიდან და
უცხოეთიდან შემოზიდვას.

არაბული ლიტერატურის ისტორიის თანამედროვე ერაყელი
მკვლევარნი დადებითად აფასებენ დაუდ ფაშას კულტურულ-საგან-
მანათლებლო საქმიანობას, მის ეპოქას ერაყში ლიტერატურის
განვითარების ბრწყინვალე ხანად მიიჩნევენ. მუჰამედ ალ-ბასირის
ტქმით, იმ დროს მესოპოტამია (არ-რაფიდაინი) ისეთი მნიშვნე-
ლოვანი ლიტერატურული აღორძინების მოწმე შეიქმნა, როგორც
საიფ ად-დავლას სასახლე ალუპოში პიჯრით მეოთხე (ჩვ. წ. ა. X) სა-
უკუნეში და ანდალუზია ატ-ტაფაიფთა მონარქიის ეპოქაში¹¹⁰. და-
უღის ხანა ერაყში არაბული ლიტერატურის განვითარების
ახალი საფეხურია. ამიტომ ის ღირსია იმისა, რომ ცალკე იყოს
გამოყოფილი და შესწავლილი, — აღნიშნავს 'იზ ად-დინ იუსუ-
ფი'¹¹¹. დაუდ ფაშას ღვაწლი რომ ნამდვილად თვალსაჩინო იყო მეც-
ნიერების, ლიტერატურისა და ხელოვნების განვითარებაში, ეს კარ-
გად ჩანს იმავე ხანის არაბი მგონის, შეიხ სალიჰ ათ-თამიმის სიტყ-

¹⁰⁸ თხზულება გამოქვეყნდა 1875 წელს, სტამბოლში.

¹⁰⁹ C. I. H u a r t, დასახ. ნაშრომი, გვ. 137. ვინაიდან შემოაღნიშნულა ჰვირ-
ნიშანი ზუსტად მიუთითებს დაუღის გამგებლობის პერიოდზე (1816—1831 წწ.),
ამიტომ უნდა ვივარაუდოთ, რომ ან ასეთი ნიშნითა და სახელწოდებით ქალაქმა
ვაშოსელა იწყო მისი გადაყენების (1831 წ) შემდეგ, ანდა საწარმო ამუშავდა 1831
წელს.

¹¹⁰ محمد البصير، العراق الادبية في القرنين التاسع عشر، 1365، ص 10.

¹¹¹ عزالدین يوسف: الادب العراقي القرن السابع عشر

ვებიდანაც: „დაუდ ფაშას... შემდეგ აზ-ზავრაში (ბალდადში) ლიტუ-
რატურის შვილებს აღარ დარჩათ იმედი“¹¹².

ერაყში დაუდ ფაშას მიერ გატარებულ ღონისძიებათა შორის
მნიშვნელოვანია სამხედრო რეფორმა, რომლის აუცილებლობაში,
ის, როგორც უკვე აღვნიშნეთ, საბოლოოდ დარწმუნდა 1821—1823
წლებში ირანთან ომის დროს. ამ ომმა ცხადყო ოსმალეთის შეიარაღებული ძალების, მათ შორის, ბალდადის საფაშოს ჯარების, ყოველმხრივი ჩამორჩენილობა და მისი მოწინააღმდეგის — ირანის ევროპულად შედგენილი, გაწვრთნილი და შეიარაღებული რეგულარული არმიის აშკარა უპირატესობა. ამიტომ ერაყის გამგებლებმაც ირანის შაჰის მსგავსად, თავისი ჯარის ახლებურად გარდაქმნა განიზრახა და ამ საქმეში აქტიურად ჩააბა ევროპელი სამხედრო სპეციალისტები¹¹³. ჯერ კიდევ 1824 წელს, მან ირანიდან ბალდადს მიიწვია ნაპოლეონის ყოფილი ოფიცერი დევიო და მას 10 000-კაციანი ქვეითი ჯარის გაწვრთნა მიანდო¹¹⁴. ცხენოსანი ნაწილის შედგენა და გაწვრთნა ოსტ-ინდოეთის კომპანიის ახალმა რეზიდენტმა ბალდადში, ინგლისელმა პოლკოვნიკმა ტეილორმა ითავა¹¹⁵, ხოლო საარტილერიო საქმეს, არტილერიისტა ნაწილების ჩამოყალიბება-მომზადებას და არსენალის მოწყობას ხელმძღვანელობდნენ ფრანგი სპეციალისტები¹¹⁶, რომლებსაც საერთო მეთვალყურეობას უწევდა რუსეთის ტყვეობიდან დაბრუნებული, იქაურ არტილერიას გაცნობილი თურქი ოფიცერი ალი უსტა¹¹⁷. მათი დახმარებით ბალდადის ფაშამ მოკლე ხანში შექმნა საუცხოოდ გაწვრთნილი, ახლებურად ჩაცმული და შეიარაღებული 30 ათასი კაცისაგან შემდგარი რეგუ-

¹¹² ნ. ფ უ რ ე ლ ა ძ ე, აღაზრასის დივანის ანალიზი (ნაშრომი გამოუქვეყნებულა, ინახება თსუ-ის ბიბლიოთეკაში).

¹¹³ Aucher-E'loy, დასახ. ნაშრომი, გვ. 326; S. H. Longrigg, დასახ. ნაშრომი, გვ. 254; Новая история стран зарубежной Азии и Африки, Ленинград, 1959, стр. 240.

¹¹⁴ C. I. Huart, დასახ. ნაშრომი, გვ. 175; Enziklopaedie des Islam. Leipzig, 1912, Bd. III, გვ. 968.

¹¹⁵ J. B. Fraser, დასახ. ნაშრომი, გვ. 261; А. А да м о в, დასახ. ნაშრომი, გვ. 420.

¹¹⁶ V. Fontanier, დასახ. ნაშრომი, გვ. 129. ამიტომ ცუდება ლუციო, რომელიც ამბობს, რომ „თავისი წინამორბედებისაგან განსხვავებით იგი (დაუდი) იყენებდა არა ფრანგ, არამედ ინგლისელ ინსტრუქტორებს“-ო (В. Б. Л у ц и и н; დასახ. ნაშრომი, გვ. 65).

¹¹⁷ طراد — ოსტატი, ასე უწოდებდნენ ალი აღას, როგორც საარტილერიო საქმის მცოდნეს.

ლარული არმია. რომელშიც ხუთი თუ ექვსი ათასი არტილერიისტი იყო, ხოლო დანარჩენი კი ცხენოსანი და ქვეითი¹¹⁸.

ახალი არმიისა და მასში გაერთიანებული ქვეითი, ცხენოსანი და საარტილერიო ნაწილების თანამედროვე სამხედრო წესით გაწერტანა-შეიარაღებასთან ერთად ერაყის გამგებელი ყურადღებით ეკიდებოდა „ქართული გვარდიის“ გაძლიერებასაც. ეს რაზმი დღიდან მისი ჩამოყალიბებისა (1703—1705 წწ.) ყოველთვის იყო ბაღდადის ფაშათა საიმედო საყრდენი ძალა. ამიტომ მის გაზრდა-გაძლიერებას და სამხედრო სრულყოფას ცდილობდა ერაყის ყველა გამგებელი: ჰასანი, აჰმედი, სულეიმან აბუ ლაილი, სულეიმან ბუიუქი, ჰაფიზ ალი და სულეიმან ქუჩუქი, მაგრამ ყველაზე მრავალრიცხოვანი და სრულყოფილი იგი დაუდ ფაშას დროს გახდა. ეს უკანასკნელი ისე როგორც მისი წინამორბედი ქულემენი ფაშები, იძენდა საქართველოდან ბასრა-ბაღდადში თუ ერაყის სხვა ქალაქების ტყვეთა ბაზარზე გასაყიდად მიყვანილ თანამემამულეებს, აძლევდა მათ საჭირო სწავლა-განათლებას და თავს უყრიდა სასახლის მცველ სამხედრო რაზმში. ძნელია ზუსტად იმის დადგენა თუ რამდენი კაცისაგან შედგებოდა დაუდ ფაშას რჩეული რაზმი. სულეიმან ბეგის ცნობით, ამ რაზმში 1800 კაცი ყოფილა¹¹⁹. ბ. ფრეზერის ზოგჯერ 800-ს ამბობს, ზოგჯერ 1000-ს¹²⁰, ხოლო ს. ლონგრიგი კი 3000-ს: „მამლუქთა სამი ლეგიონი. — წერს იგი — ფაშას ვაჟიშვილების სახელების მიხედვით იწოდებოდა და თითოეულში ათასი კაცი ირიცხებოდა“¹²¹. ბ. ფრეზერის გადმოცემით, „ეს ქართველები ჩინებულად ჩაცმულ-შეიარაღებულნი, ძლიერ ვაჟკაცური შესახედაობისა იყვნენ და საუცხოოდ მორთულ-მოკაზმულ, დიდებულ არაბულ ბედაურებზე იხსდნენ“¹²². „ისინი მსოფლიოში ყველაზე საუკეთესო მხედრები იყვნენ“, — დასძენს მამინ ბაღდადში მყოფი ფრანგი კონსული ვ. ფონტანიე¹²³.

ერთი სიტყვით, სამხედრო ხასიათის ღონისძიებათა გატარების შედეგად დაუდმა ჩამოაყალიბა და 1828 წლისათვის უკვე სრულ მზადყოფნაში ჰყავდა „მრისხანე ძალა“, რეგულარული არმია, შემდ-

¹¹⁸ J. B. Fraser, დასახ. ნაშრომი, გვ. 257.

¹¹⁹ S. H. Longrigg, დასახ. ნაშრომი, გვ. 251; ვ. ბ ე ი - მ ა მ ი კ ო - ნ ი ა ნ ი, დასახ. ნაშრომი, გვ. 734.

¹²⁰ J. B. Fraser, დასახ. ნაშრომი, გვ. 245.

¹²¹ S. H. Longrigg, დასახ. ნაშრომი, 251.

¹²² J. B. Fraser, დასახ. ნაშრომი, გვ. 225.

¹²³ V. Fontanier, დასახ. ნაშრომი, გვ. 323.

გარი ევროპულ უაიდაზე გაწვრთნილი 30 ათასი ჯარისკაცისაგან, და ირიგულარული ჯარი, რომელიც თავის რიგებში აერთიანებდა 25 ათას ცხენოსანსა და ქვეითს. გარდა ამისა, ბალდადის ფაშა საჭიროების შემთხვევაში თოფქვეშ დააყენებდა აგრეთვე არაბ ტომთა და-ახლოებით 50-ათასიან ლაშქარს¹²⁴. ასე რომ, ბალდადის ფაშას შეეძლო ბრძოლაში გამოეყენა 100 ათასამდე კაცი და თავისუფლად შედაეებოდა რომელსაც გნებავთ არმიას. რომლის გაგზავნასაც პორტა განიზრახავდა მის გადასაყენებლად. ამიტომ მან, თავის ძალებში სავსებით დარწმუნებულმა, იწყო ფიქრი თურქეთიდან მთლიანად გამოყოფაზე¹²⁵. ამისათვის მოხერხებულად გამოიყენა ოსმალეთის რთული საშინაო და საგარეო ვითარება.

• • •

XIX ს-ის 20-იან წლებში ოსმალეთის იმპერია მძიმე მდგომარეობაში იმყოფებოდა. ჯერ კიდევ XVI ს-ში დაწყებული, სამხედრო-ლენური სისტემის კრიზისი გრძელდებოდა და რაც დრო გადიოდა, სულ უფრო ძლიერდებოდა. ეს გარემოება აუარესებდა ქვეყნის საშინაო და საგარეო მდგომარეობას. მოიშალა ქვეყნის ეკონომიური საფუძველი, გამწვავდა სოციალური ბრძოლა, დაეცა სოფლის მეურნეობა, მკვეთრად გაუარესდა მშრომელი მასების მდგომარეობა, შემცირდა სახელმწიფო შემოსავალი, გაიხრწნა და დაიშალა ჯარის ნაწილები, დაიწყო სახელმწიფო მიწების, როგორც ქვეყნის მთელი სამხედრო-ფეოდალური იერარქიის ძირითადი მატერიალური ბაზის, დატაცება-განიავება, მნიშვნელოვნად დასუსტდა ცენტრალური ხელისუფლება, წარმოიშვა ფენა მსხვილი ფეოდალებისა, რომლებიც უზარმაზარ საკარგავებს ფლობდნენ¹²⁶.

მსხვილი საფეოდალოების წარმოქმნასთან ერთად ოსმალეთში ფეხი მოიკიდა ცენტრალური ხელისუფლებისაგან ცალკეულ ფეოდალთა განდგომის ტენდენციამ, რამაც ბიძგი მისცა ოსმალთა მიერ დაპყრობილი ქვეყნების ხალხთა დამოუკიდებლობისათვის ბრძოლის გაძლიერებას.

¹²⁴ J. R. Welsted, დასახ. ნაშრომი, გვ. 251; А. А. Адамов, დასახ. ნაშრომი, გვ. 421.

¹²⁵ А. А. Адамов, დასახ. ნაშრომი, გვ. 421; J. B. Fraser, დასახ. ნაშრომი, გვ. 233—234.

¹²⁶ А. Д. Новичев, История Турции, Л., 1963, стр. 209—225; А. Ф. Миллер, Мустафа паша Байрактар, М.-Л., 1947, стр. 29—69; Т. Д. Ломоносов, საზღვარგარეთული ქვეყნების ახალი ისტორია, თბ., 1963, ნაწ. I, გვ. 298—320 და შემდეგ.

ოსმალეთის საშინაო ვითარებასთან ერთად უარესდებოდა მისი საგარეო მდგომარეობაც. დასუსტებულ ქვეყანას აღარ შეეძლო ეწარმოებინა დაპყრობითი ომები, რომელთა გარეშე მას გაძლება არ შეეძლო, რადგან ხმლით იყო შექმნილი და ხმლითვე უნდა ეარსება¹²⁷.

ოსმალეთის საშინაო და საგარეო చართულეებს თავიანთ სასარგებლოდ იყენებდნენ ევროპის სახელმწიფოები, რომლებსაც იგი მნიშვნელოვან სამხედრო-სტრატეგიულ ცენტრად მიაჩნდათ აღმოსავლეთში მათი პოლიტიკური და ეკონომიური ბატონობისათვის. ისინი ცდილობდნენ ფეხის მოკიდებას ამ ქვეყანაში, აქტიურად გამოდიოდნენ მის წინააღმდეგ საბრძოლველად და ბრძოლაში საყრდენ ძალად იყენებდნენ თვით ოსმალეთის იმპერიის შიგნით არსებულ წინააღმდეგობებს. ამიტომ ოსმალეთის იმპერიის მიერ დაპყრობილ ხალხთა ბრძოლა დამოუკიდებლობისათვის და რელიგიური სხვაობის ნიადაგზე წარმოქმნილი ანტაგონიზმი საერთაშორისო პრობლემად იქცა, საერთაშორისო მნიშვნელობის საკითხთა ორბიტაში მოექცა. ცენტრალური ხელისუფლების წინააღმდეგ აღმდგარი ყოველი დიდი ფეოდალის უკან რომელიმე უცხო სახელმწიფო იდგა და ოსმალეთს ან სხვა რომელსამე სახელმწიფოს უპირისპირდებოდა¹²⁸.

ქვეყნის მძიმე მდგომარეობით დაუძღვრებულმა ხელისუფლებამ იმ მიზნით, რომ უკურნებელი სენით შეპყრობილი იმპერია განეკურნა და მისი ძველი დიდება როგორმე აღედგინა, XVIII—XIX სს. მიჯნაზე რეფორმების გატარება სცადა, მაგრამ ამ ღონისძიებამ მარცხი განიცადა. მისი მესვეურები სულთანი სელიმ III (1789—1807) და მუსტაფა ფაშა ბაირაქტარი მას თან გადაჰყენენ, ხოლო ქვეყნის მდგომარეობა კიდევ უფრო გართულდა. განსაკუთრებით საშიში ხასიათი მიიღო სეპარატისტულმა მოძრაობამ, რომელმაც თითქმის მთელი იმპერია მოიცვა და ქვეყნის საშინაო ვითარებასთან ერთად მისი საგარეო მდგომარეობაც გააუარესა.

იმპერიის შემადგენლობაში მყოფი სხვადასხვა ქვეყნების ხალხები შეუპოვარი და ხანგრძლივი ბრძოლებით, მართალია, ნელა, მაგრამ მაინც აღწევდნენ დამოუკიდებლობას. ეგვიპტის გამგებელმა მუჰამედ ალიმ, რომელმაც მოკლე დროში (1805—1810 წწ.)

¹²⁷ А. Ф. Миллер, Мустафа паша Байракт ар, М., Л., 1947, стр. 31

¹²⁸ ო. გიგინეიშვილი, საქართველო ოსმალეთის საგარეო პოლიტიკაში... (თსუ შრომები, თბ., 1952, ტ. 73, აღმოსავლეთმცოდნეობის სერია, გვ. 217).

შექმნა საფრანგეთის არმიის ტიპის ახალი ჯარი, 1811 წელს სულთნის დავალებით გადალახა მეწამული ზღვა, დაამარცხა ვაჰაბიტები და 1818 წელს დაიპყრო არაბეთის ნახევარკუნძულის მნიშვნელოვანი ნაწილი მისი წმინდა ადგილებითურთ (მექა-მედინით)¹²⁹. 1819—1822 წლებში მან შეიერთა ნუბიის ნაწილი, ზემო ეგვიპტე. აღმოსავლეთ სუდანს¹³⁰, შექმნა ვეებერთელა სამფლობელო ოსმალეთის იმპერიის ტერიტორიის ხარჯზე და 1828 წლიდან თიქმის მთლიანად გამოვიდა სულთნის მორჩილებიდან.

არაბეთის ნახევარკუნძულზე — ნეჯდში დამოუკიდებლობისათვის ბრძოლას არ სწყვეტდნენ ვაჰაბიტები. მართალია, ისინი 1818 წელს დამარცხდნენ ეგვიპტელთა წინააღმდეგ ბრძოლაში, მაგრამ ფარ-ხმალს მაინც არ ჰყრიდნენ და როგორც კი მარჯვე მომენტს იპოვნიდნენ, თავიანთი ტერიტორიიდან ერეკებოდნენ დამპყრობლებს, როგორც ეგვიპტელებს, ისე ოსმალებს. 1824 წელს ისინი სასტიკად გაუსწორდნენ ეგვიპტელებს¹³¹, ხოლო შემდეგ წელს ოსმალებს. წაართვეს არაბეთის ნახევარკუნძულის აღმოსავლეთი ნაწილი — ალ-ჰასა და ომანი¹³².

ცუდად ჰქონდათ საქმე ოსმალებს იმპერიის ევროპულ ნაწილშიც — ბალკანეთის ნახევარკუნძულზე და საბერძნეთში. მოლდავეთსა და ვალახეთში ანტიოსმალურ ბრძოლას წლების განმავლობაში სათავეში ედგა თავადი ალექსანდრე იპსილანტი¹³³, რომელიც თურქებისაგან მოითხოვდა 1812 წელს ბუქარესტში რუსეთ-ოსმალეთს შორის დადებული საზავო ხელშეკრულებით ნაკისრი ვალდებულებების შესრულებას — მოლდავია-ვალახეთის გათავისუფლებას, იქიდან ოსმალეთის ჯარების დაუყოვნებლივ გაყვანას¹³⁴.

¹²⁹ Е. Б е л я е в, Мусульманское сектанство, «Ислам», сборник статей, М., 1931, стр. 75—76; А. К р ы м с к и й, История мусульманства, М., 1912, ч. III, стр. 4; J. G. В и г с к h a r d l, დასახ. ნაშრომი, ტ. II, გვ. 346, 350, 392; L. A. В л и н i, დასახ. ნაშრომი, ტ. II, გვ. 256—261.

¹³⁰ Д. Г. Р о з е н, История Турции от победы реформы в 1826 г. до парижского трактата в 1856 г., СПб., 1872, стр. 146.

¹³¹ В. Б. Л у ц к и й, დასახ. ნაშრომი, გვ. 78.

¹³² Е. Ю н г, Державы накануне арабского восстания, «Аравия и европейские державы» (сборник), М., 1924, стр. 32; А. К р ы м с к и й, დასახ. ნაშრომი, გვ. 5.

¹³³ К о л л а с, История Турции, СПб., 1882, стр. 84; А. Д. Н о в и ц е в, დასახ. ნაშრომი, გვ. 109—112.

¹³⁴ Дипломатический словарь, М., 1948 (Бухарестский М. Д. 1812, Ясский М. Д. 1792 г., Кючук-Кайнарджинский М. Д., 1774 г., статья 16).

ანტიოსმალურ აჯანყებას მოეცვა ალბანეთიც. იქ აჯანყებას ხელმძღვანელობდა მსხვილი ფეოდალი, იანიზოს გამგებელი ალი ფაშა თეფელენელი (თეფელენი ქალაქია ალბანეთში, სადაც დაიბადა ალი 1744 წელს), რომელმაც თავის სახელოს (იანიზოს) შეუერთა სამხრეთ ალბანეთი, უმეტესი ნაწილი კონტინენტური საბერძნეთისა და მაკედონია, უარი თქვა სულთნის მორჩილებაზე, ალბანეთი ოსმალეთს ჩამოაშორა და 1820—1822 წლებში გმირულად იცავდა მის დამოუკიდებლობას¹³⁵.

მსგავსი მდგომარეობა იყო ბულგარეთში, იქაც ასეთივე ხასიათის აჯანყება მზადდებოდა¹³⁶, მაგრამ ოსმალთა ბატონობის საქმე ყველაზე უნუგეშოდ მაინც საბერძნეთსა და სერბიაში გამოიყურებოდა. როგორც ერთი, ისე მეორე ქვეყნის მოსახლეობა თავგამოდებით იბრძოდა თავისუფლებისათვის.

სერბიაში ეს ბრძოლა 1801 წელს დაიწყო ყარა გიორგის მეთაურობით და ბევრი უსიამოვნება მიაყენა სულთნის ხელისუფლებას იქ. 1804 წელს ჩუპრთან გამართულ ბრძოლაში სერბებმა სერიოზული დამარცხება აგემეს სულთნის ჯარებს, გააძევეს თურქი მოხელეები სერბიიდან და 9 წლის მანძილზე თავიანთ ბედს თვითონ განაგებდნენ. 1809 წელს მდგომარეობა რამდენადმე შეიცვალა. ოსმალეები კვლავ გამოჩნდნენ სერბიაში, მაგრამ დიდხანს ვერ იბოგინეს. 1810—1811 წლებში აჯანყებულმა სერბებმა რუსების აქტიური დახმარებით ისეთ წარმატებებს მიაღწიეს, რომ 1812 წელს რუსეთსა და ოსმალეთს შორის ბუქარესტში საზავო ხელშეკრულების დადებისას სულთნის ხელისუფლება იძულებული გახდა ეცნო სერბიის ავტონომია, მისი ვასალური დამოკიდებულება.

მართალია, 1813 წელს, როცა რუსეთი ნაპოლეონთან ომით იყო დაკავებული, ოსმალეებმა უარი თქვეს ბუქარესტის საზავო შეთანხმებით ნაკისრი ვალდებულებების შესრულებაზე და გააუქმეს სერბიის ავტონომია¹³⁷, მაგრამ სერბიის ხალხის დამორჩილება მაინც ვერ მოახერხეს. 1815 წ. სერბია კვლავ საყოველთაო აჯანყებამ მო-

¹³⁵ А. Д. Новичев, *დასახ. ნაშრომი*, გვ. 113—121; Г. А. Арш, *Албания и Епир в конце XVIII — начале XIX в.*, М., 1963, стр. 259—261.

ალი ფაშა იანიზოელი (ალი ფაშა თეფელენი) ალბანთა ეროვნულ გმირადაა გამოცხადებული (К р и с т о Ф р а ш е р и. *История Албании, краткий обзор*, Тирана, 1964, стр. 102).

¹³⁶ *История Болгарии*, М., 1954, т. I, стр. 245—246.

¹³⁷ С. С. Т а т и щ е в, *Внешняя политика императора Николая I*, СПб., 1887, стр. 311.

რცვა. აჯანყებულნი, ამჯერად მილომ ობრენოვიჩის წინამძღოლობით. ზედიზედ ამარცხებენ ოსმალთა ჯარებს და რუსეთის აქტიური დახმარებით¹³⁸ 1826 წელს მათ საბოლოოდ გამოსტაცეს სულთანს ხელიდან „საშინაო ავტონომია“ საკუთარი ადგილობრივი მმართველობის უფლებით¹³⁹.

სერბიისა და მოლდავეთ-ვალახეთის ხალხთა ანტიოსმალურმა ბრძოლამ მძლავრი ბიძგი მისცა ეროვნულ-გამათავისუფლებელი ბოძრახობის გაძლიერება-გაღრმავებას საბერძნეთში. „სულთნის სატრაპებისა და ფაშებისაგან“ განაწამები თავისუფალი ვაჭრობის მოსურნე მესამე კლასის ანუ საქალაქო-საავაჭრო ბურჟუაზიის თაოსნობით 1821 წელს მორეიაში დაწყებული აჯანყება¹⁴⁰ მალე მთელი ეგეოსის კუნძულებს, აგრეთვე კონტინენტალურ საბერძნეთსაც მოედო¹⁴¹ და საყოველთაო-სახალხო გამათავისუფლებელი ომის ხასიათი მიიღო.

1822 წლის დასაწყისში ქ. ეპიდარეში მოიწვიეს ბერძენთა ეროვნული კრება, რომელმაც შეიმუშავა საბერძნეთის დემოკრატიული კონსტიტუცია და აირჩია დროებითი მთავრობა მავროკორდატოს მეთაურობით. მარტში მავროკორდატოს კაბინეტმა გამოაცხადა საზღვაო ბლოკადა, რითაც უცხო ქვეყნების ყველა გემს აეკრძალა ეპირის, პელოპონესის, თესალიის, ევბეისა და სალონიკის ნავსადგომებში შესვლა, ხოლო აპრილში მანვე გამოაქვეყნა დეკლარაცია საბერძნეთის დამოუკიდებლობის შესახებ და თხოვნით მიმართა ევროპის სახელმწიფოებს ეცნოთ იგი¹⁴².

¹³⁸ Д. Г. Розен, История Турции, СПб., 1872, ч. I, стр. 33—34.

¹³⁹ Г. Юзефович, Договоры России с Востоком, СПб., 1869, стр. 63—64.

¹⁴⁰ აჯანყების მიზეზი გახდა ოსმალების მიერ ბერძენ ვაჭართა ყოველმხრივი დისკრიმინაცია, ის, რომ არაფრით არ იყო დატული „ბურჟუაზიული მოხმარების ძირითადი პირობა — ვაჭრის პიროვნებისა და მისი საკუთრების უშიშროების უზარუნეელებოა“ (К. Маркс, Ф. Энгельс, Соч. т. XVI, ч. II, гл. 22), ჩვეულებრივ ამ აჯანყებას მიიჩნევენ „აღმოსავლეთის კრიზისის“ დასაწყისად, რაც არ შეეფერება სინამდვილეს. „აღმოსავლეთის კრიზისი“ გაცილებით ადრე დაიწყო, ვიდრე ეს აჯანყება. მისი დაწყება უშუალოდ დაკავშირებულია ოსმალეთის იმპერიის რღვევის პროცესთან და ამის გამო აღმოსავლეთში გაბატონებისათვის ევროპის მთავარ სახელმწიფო აშორის წარმოქმნილ კონფლიქტთან.

¹⁴¹ Е. Феоктистов, Борьба Греции за независимость, СПб., 1863, стр. 66; Новая история стран зарубежного Востока, 1952. т. I, стр. 308.

¹⁴² О. Шпаро, Внешняя политика Каннинга и греческий вопрос (1822—1827), «Вопросы истории», декабрь, 1947, № 12, стр. 43.

სულთნის ხელისუფლების ცდა, საკუთარი ძალებით დასაწყის-შივე ჩაეხშო აჯანყება, მარცხით დამთავრდა. ბერძენთა სამართლი-ან ბრძოლას დამოუკიდებლობისათვის მხარს უჭერდნენ ევროპის დიდი სახელმწიფოები, კერძოდ, რუსეთი, ინგლისი და საფრანგე-თი, რომელთა შეერთებულმა საზღვაო ესკადრამ, გაძლიერებულმა ზმელთაშუა ზღვაში მყოფი რუსეთის საზღვაო ნაწილების ერთი ქვეითი დივიზიით, აღმირალ ლორდ კოდრინგტონის საერთო სარდ-ლობით კურსი აიღო საბერძნეთის ნაპირებისაკენ და 20 ოქტომ-ბერს ნავარინთან, სულ რაღაც სამნახევარი საათის განმავლობაში, მთლიანად მოსპო ოსმალეთის ფლოტი¹⁴³.

მორიგი სერიოზული მარცხი, ამჯერად უკვე ხმელეთზე, ოსმა-ლეთმა განიცადა 1828—1829 წლებში რუსეთის წინააღმდეგ ომის დროს. 1829 წლის 14 სექტემბერს სულთანმა მაჰმუდ II იძულებუ-ლი გახდა ხელი მოეწერა მისთვის სამარცხვინო ადრიანოპოლის საზავო ხელშეკრულებაზე, რომლის თანახმად მოლდავია-ვალახეთს რჩებოდათ თავიანთი პრივილეგიები და შეღავათები, ხოლო სერ-ბიას — აკერმანის 1827 წ. ხელშეკრულებით დადგენილი ყველა უფლება; საბერძნეთმა საბოლოოდ დააღწია თავი ოსმალთა მუქა-რას და 1830 წელს მიიღო სრული დამოუკიდებლობა (შეიქმნა სა-ბერძნეთის სამეფო)¹⁴⁴; რუსეთის ქვეშევრდომებს, ისე როგორც სხვა ქვეყნებისას, მიეცათ პრივილეგიები და თავისუფალი ვაჭრო-ბის უფლება ოსმალეთის იმპერიის მთელ ტერიტორიაზე (ხმელეთ-ზე და ზღვაშიც); სრუტეები ოსმალეთთან მეგობრულად განწყობილ ყველა სახელმწიფოთა სავაჭრო გემების თავისუფალი მიმოსვლის ზონად გამოცხადდა; ოსმალეთმა დაკარგა შავი ზღვის მთელი აღ-მოსავლეთ სანაპირო ყუბანიდან წმ. ნიკოლოზის ნავსადგომამდე და ცნო რუსეთის უფლება გურია-სამეგრელო-იმერეთ-ქართლზე, ასევე ახალციხე-ახალქალაქზე (ე. ი. აღმოსავლეთ და დასავლეთ საქართველოს ძირითად ტერიტორიაზე) და თურქმანჩაის ხელშეკ-

¹⁴³ Г. Палеолог и М. Сивинис, Исторический очерк на-родной войны за независимость Греции и восстановления королевства при вмешательстве великих держав России, Англии и Франции, СПб., 1867, т. I, стр. 34—46.

¹⁴⁴ ამასთან დაკავშირებით კ. მარქსი პირდაპირ აღნიშნავდა, რომ საბერძნეთის ბედი გადაწყვიტეს „არა ალი ფაშას შეთქმულებამ და აჯანყებამ იანიносთან, არა ნავარინის ბრძოლამ და საფრანგეთის არმიამ მორეიაში, ანდა ლონდონის კონფერენ-ციამ და ოქმმა, არამედ დიბჩმა, რომელსე რუსეთის არმიით ბალკანეთიდან მარცხის ზეობაში შეიჭრა“ (К. Маркс и Ф. Энгельс, Соч., т. IX, стр. 394).

რულებით (1828 წელს) ირანიდან შემოერთებულ ერევან-ნახიჩევანის სახანოებზე. ანუ აღმოსავლეთ სომხეთზე¹⁴⁵. გარდა ამისა, ომით მიყენებული ზარალის ანაზღაურების მიზნით, ოსმალეთს რუსეთისათვის უნდა გადაეხადა 11,5 მლნ ჩერვონეცი¹⁴⁶, რაც ყველაზე მძიმე ვალდებულებას წარმოადგენდა სულთნის ხელისუფლებისათვის. „სულთანს რომ ფული ჰქონოდა, — აღნიშნავდა მაჰმუდ II-ის მინისტრი — ის არ დამარცხდებოდა. — ახლა ჩვენ განადგურებული ვართ, ჩვენი ხაზინა ცარიელია, ქვეყანა დაუძლეურებულია ისე. როგორც არასდროს და საშინელი გადასახადი ზედ გვაწევს“.¹⁴⁷

• • •

ოსმალეთის იმპერიის საერთო კრიზისის გაღრმავებითა და სულთნის ხელისუფლების დაუსტებობით ისარგებლა ერაყის გამგებ-ზელმა და ისიც დამოუკიდებლობისათვის ბრძოლის საერთო ფერხულში ჩაება. მან სულთნის ხელისუფლების წინააღმდეგ მოქმედება და თავისი მიზნის განხორციელება იმით დაიწყო, რომ 1828 წლის შემოდგომაზე, ცენტრალური ხელისუფლებისათვის კრიტიკულ მომენტში, — როცა კავკასიის ფრონტზე მოქმედმა რუსეთის ჯარმა უკან მოიტოვა სომხეთის ზეგანი და ანატოლიის შიდა რაიონებზე იერიშის მისატანად ემზადებოდა, — უარი თქვა კავკასიის ფრონტზე თავისი სამხედრო ნაწილების გაგზავნასა და საერთოდ რუსეთ-ოსმალეთის ამ ომში მონაწილეობაზე¹⁴⁸.

დაუდის ასეთი საქციელი, სულთანს არ მოსწონდა და სხვა დროს ამას არც აპატიებდა, მაგრამ ამისათვის ახლა არ ეცალა და ფაშას ურჩობაშიც ჯერ არ იყო საბოლოოდ დარწმუნებული. ბალდაღის გამგებლის ამგვარი მოქმედების მიზეზს ის ირანის მხრიდან ერაყზე მოსალოდნელი თავდასხმის მოახლოებაში ხედავდა. მართლაც, დაუდის მდგომარეობა მაშინ სულთნისაზე უკეთესი როდი

¹⁴⁵ Полное собрание законов Российской империи, II, т. VI, 1829, № 3128, стр. 622

¹⁴⁶ Т. Ю з е ф о в и ч, Договоры России с Востоком, СПб., 1869, стр. 71—84; Д. Г. Р о з е н, история Турции, 1872, ч. I, стр. 118—120; М. А. П е р е н и, Адрианопольский мирный договор, 1829, г. (Дипломатический словарь, М., 1948, т. I).

¹⁴⁷ Д. Г. Р о з е н, დასახ. ნაშრომი, გვ. 133.

¹⁴⁸ Б. И. Ш е л к о в и ч к о в, Война и район VI-го турецкого корпусного округа (Багдадский, Мосульский и Басорский вилайеты), Отчет о командировке в Месопотамию в 1902—1903 гг. Тифлис, т. I, I—III, стр. 88; С. I. Н и а т i, დასახ. ნაშრომი, გვ. 175.

იყო. როგორც ირკვეოდა, კავკასიის ფრონტზე მოქმედი რუსეთის არმია შეტევის განვითარებას ძირითადად დასაელეთისაკენ შავი ზღვის სანაპიროს გასწვრივ გეგმავდა. მაგრამ არმიისათვის მტკიცე ზურგის, სურსათ-სანოვაგის საიმედო ბაზის შექმნის¹⁴⁹, სტრატეგიული ნედლეულის (ტყვია-სპილენძის) საბაღოების ხელში ჩაგდების მიზნით, ფრონტის სარდლობას განზრახული ჰქონდა აგრეთვე ქურთისტანის დაკავება¹⁵⁰ და ერაყის გამგებელთან კავშირის დამყარება¹⁵¹, რაც ერთნაირად აღელვებდა როგორც ოსმალეთს, ისე ირანისა და ინგლისის ხელისუფალთ.

ინგლისის ელჩი ირანში ჯონ მაკდონალდი თეირანიდან სამშობლოში გაგზავნილ წერილში პირდაპირ აღნიშნავდა: არზრუმის აღების შემდეგ პასკევიჩი უშუალოდ ინდოეთზე გალაშქრებას აპირებდა¹⁵². მაკდონალდს მალე თანამოაზრეები გაუჩნდა. პოლკოვნიკი ჯორჯ ევანს დე ლასი, პერცოგ ველინგტონის უახლოესი მეგობარი და მრჩეველი, რომელმაც 1828 წელს გამოქვეყნებულ წიგნში — „რუსეთის ზრახვები“ — ჩამოაყალიბა თავისი ქვეყნის ბურჟუაზიული საზოგადოების შეხედულება რუსეთის მიმართ და შეიმუშავა ინდოეთის ხსნის ვრცელი გეგმა. ეს გეგმა ინგლისის გავლენიან წრეებს მოუწოდებდა, დაუყოვნებლივ შედგომოდნენ ისეთი ანტირუსული კოალიციის შექმნას, რომლის ხელმძღვანელი იქნებოდა ინგლისი, ხოლო წევრები ოსმალეთი, ირანი, საფრანგეთი, ავსტრია, პრუსია და შვეიცია. ევანსის აზრით, ამ კოალიციის მთავარი მიზანი უნდა ყოფილიყო რუსეთის დასუსტება, რისთვისაც საჭირო იქნებოდა მისი საზღვაო სანაპიროების ბლოკირება, კონშტანტინის, ოდესისა და სევასტოპოლის დანგრევა და თავდასხმა ხმელეთზე სუსტ რაიონებში. ერთ-ერთ ასეთ სუსტ რაიონად ევანსს

¹⁴⁹ Денеша Грибседова к гр. Нессельроде от 23-го окт. 1828 г. (АКАК, т. VII, стр. 654, № 629).

¹⁵⁰ Всеподданнейший рапорт гр. Паскевича от 21-го окт. 1828 г. (АКАК, т. VII, стр. 77).

¹⁵¹ ამის შესახებ 1828 წლის შემოდგომაზე ვრთვი პასკევიჩი იმპერატორ ნიკოლოზ I-ს მოახსენებდა: „ვეცდები ვადმოვიზირო ქურთები, რისთვისაც უკვე რამდენიმე დავუკავშირდი კოლევ... შეიძლება დავუკავშირდეთ ტრაპეზუნდისა და ბაღდადის საფაშოებსაც, თუკი ეს მისაღები იქნება ამ ქვეყნებისათვის პოლიტიკური მოსაზრებით“ (Всеподданнейший рапорт гр. Паскевича от 21-го октября 1828 года, АКАК, т. VII, стр. 171).

¹⁵² А. В. Фадеев, Россия и Кавказ в первой трети XIX в., с.р. 226—227.

მიანდა ამიერკავკასია, სადაც შეიქრებოდნენ ირანიდან ირან-ინდოეთ-ინგლისის ჯარების მონაწილეობით¹⁵³.

ევანსის ამ გეგმის აგრესიული არსი საფუძვლად დაედო ინგლისის მთავრობის საგარეო პოლიტიკას რუსეთის მიმართ მახლობელ და შუა აღმოსავლეთში 1828—1829 წლებში. პრემიერ-მინისტრ ველინგტონის დავალებით ჯონ მაკდონალდი და მისი მრავალრიცხოვანი ჯგუფი აგენტებისა გამალებულ მუშაობას ეწეოდნენ ირანში ევანსის გეგმის მიხედვით. ისინი სისტემატურად ურჩევდნენ ფათქალი შაჰსა და მის მემკვიდრეს, თავრიზის გამგებელს აბას მირზას, გამოეყენებინათ ხელსაყრელი მომენტი და ვიდრე რუსეთი ოსმალეთთან ომით იყო დაკავებული, უარი ეთქვათ თურქმანჩაის საზავო ხელშეკრულებით ნაკისრ ვალდებულებათა შესრულებაზე; გამოეცხადებინათ ომი ჩრდილოეთელი მეზობლისათვის და ინგლის-ინდოეთის ჯარების დახმარებით შედგომოდნენ ამიერკავკასიის მიტაცებას¹⁵⁴. ცხადია, ირან-რუსეთის ომის განახლებით ინგლისის მთავრობას, პირველ ყოვლისა, სურდა ოსმალეთის იმპერიის აღმოსავლეთ ნაწილში მოქმედი რუსი ჯარების შესუსტება და ამით თურქებისათვის კონტრშეტევაზე გადასვლის საშუალების მიცემა. სწორედ ამას ჩასჩიჩინებდნენ თურქ ფაშებს ირანიდან ანატოლიაში შეპარული ინგლისელი აგენტები.

თუ ინგლისის დიპლომატიური წარმომადგენლები ძალ-ღონეს არ ზოგავდნენ იმისათვის, რომ ირანი რუსეთის წინააღმდეგ გამოეყენებინათ, პასკევიჩი და გრიბოედოვი ინგლისელთა ასეთი მოქმედების საპასუხოდ ცდილობდნენ შაჰის ყურადღება ერაყისაკენ მიეპყროთ და ოსმალეთთან წაეჩხუბებინათ, ე. ი. რუსეთის მოკავშირედ გაეხადათ. ამ მხრივ განსაკუთრებით უნდა აღინიშნოს რუსეთის სრულუფლებიანი ელჩის ა. გრიბოედოვის აქტიური საქმიანობა. თვენახევარი იჯდა იგი თავრიზში და მახლობელ აღმოსავლეთში შექმნილი ვითარების სრული გათვალისწინებით უფლისწულ აბას მირზას გულდასმით განუმარტავდა, რომ თანამედროვე პირობებში რუსეთთან ურთიერთობის გამწვავება, რასაც ინგლისელები დაეინებით ურჩევდნენ შაჰს, ირანს კარგს არაფერს მოუტანდა. ხოლო თუ შაჰი უკუაგდებდა ანტირუსულ პოლიტიკას, გონივრულად გამოიყენებდა რუსეთთან ბრძოლებით გამოწვეულ ოსმალე-

¹⁵³ A. B. Фадеев, დასახ. ნაშრომი, გვ. 228; G. Evans de Lacy, The designs of Russia, London, 1828, pp. 169—177.

¹⁵⁴ АКАК, т. VII, стр. 702.

თის მძიმე მდგომარეობას და მოისურვებდა მისთვის ომის გამოცხადებას, ასეთ შემთხვევაში ირანი მოგებულნი დარჩებოდა. იგი თავისუფლად შეიერთებდა თავის ყოფილ ტერიტორიასა და შიიტი წესლიმების სალოცაეების ადგილსამყოფელ ქვეყანას — ერაყს. ერაყიდან ის დაუკავშირდებოდა ნეჯდში ოსმალთა წინააღმდეგ მოქმედ ვაჰაბიტებს და მათი დახმარებით დაეუფლებოდა პიჭაზს — ყველა ქვეყნის მაჰმადიანთა წმინდა ქალაქების — მექა-მედინის მხარეს. ირანის მხრით უბრალო სამხედრო დემონსტრაცია კი იძულებულს გახდიდა სულთანს თავისი შეიარაღებული ძალების გარკვეული ნაწილი აღმოსავლეთში დაესაქმებინა¹⁵⁵, რაც საგრძნობლად დააჩქარებდა რუსეთის ჯარების წინსვლას, როგორც კავკასიის, ისე ბალკანეთის ფრონტებზე. იმპერატორს ასეთი დახმარებისათვის შეეძლო შემცირება ან გადაადგება იმ გადასახდელი თანხისა¹⁵⁶, რომელიც ირანს უნდა მიეტა რუსეთისათვის თურქმანჩაის საზავო შეთანხმებით, თუმცა ფინანსების უქონლობის გამო, ძალზე უჭირდა¹⁵⁷.

გრიბოედოვის ამგვარმა რჩევამ და კავკასიის ფრონტზე სულთანის ჯარების სრულმა წარუმატებლობამ გონს მოიყვანეს ირანის ხელისუფალნი. ფათჰ ალი შაჰმა და აბას მირზამ, — დარწმუნებულ-

¹⁵⁵ ამასთან დაკავშირებით პასკევიჩი გრიბოედოვს პირდაპირ სწერდა: „მხედველობიდან არ გამოვჩნე არაფერი, რაც რუსეთს მოუტანს სარგებლობასა და დიდებას... არ იქნებოდა ურიგო, თუ აბას მირზა შეძლებს თუნდაც დემონსტრაციას ბაღდადზე და თვითონ შეაკაუტებს იქაურ საფაშოს ჯარებს, რათა არ მისცეს საშუალება სიკუტრისა გაგზავნისა ჩვენი რაზმების წინააღმდეგ“ (Отношение гр. Паскевича к с. с. Грибоедову от 5-го декабря 1828 года, № 84. АКАК, т. VII, стр. 163).

¹⁵⁶ თუ ჩვენი დამოკიდებულება ინგლისთან უიმედოა, მაშინ ვთხოვთ ნებართვას მისი იმპერატორობითი უმაღლესობისას მასზედ, რომ, თუ აბას მირზა თურქეთის წინააღმდეგ მოქმედებას დაიწყებს შევიპირდეთ მას: ა) ბაღდადის საფაშოს, ანდა ვანისა და მუშის ვადაცემას სპარსეთის სარგებლობაში... ბ) ორი კურურის გადახდის განუადებას ორი ან სამი წლით“ (К гр. Нессельроде от 15-го декабря 1828 года, № 90, «АКАК», т. VII, стр. 666).

¹⁵⁷ ირანის ფინანსური მდგომარეობა იმდენად უნუკვემო იყო, რომ „აბას მირზამ ბრძანა გადაედნოთ ზოღებდა ოქროს უშესანიშნავისი კანდელაბრი და პარამხანის სხვა ნივთები, რომელთა შესაქმნელად გაწეული შრომა იმდენივე ღირდა, რამდენიც თვითონ ლითონი“ (Александр Сергеевич Грибоедов, Деятельность его как дипломата, «Русская старина», СПб., 1874, т. XII, стр. 755; М. С. И в а н о в, დასახ. ნაშრომი, გვ. 145). იცოდა რა შაჰის ასეთი უმწეო ფინანსური მდგომარეობა, იმპერატორი დაეინებოთ მოითხოვდა კონტრიბუციის გადახდას, რათა ამით იძულებული გაეხდა ირანის მთავრობა მიეღო გრიბოედოვის წინადადება.

ებმა იმაში. რომ კავკასიის მიწაწყალს ისინი ველარ დაიბრუნებდნენ, — უარი თქვეს ჯ. მაკდონალდის წინადადებაზე და რუსეთის წინააღმდეგ ომს ამ უკანასკნელთან სამხედრო და პოლიტიკური თანამშრომლობა ამჯობინეს¹⁵⁸. ეს იყო ინგლისის მთავრობის ანტირუსული პოლიტიკის სერიოზული მარცხი ახლო აღმოსავლეთში და რუსეთის დიპლომატიის უდავოდ მნიშვნელოვანი გამარჯვება. მისი მნიშვნელობა რუსეთისათვის მარტო იმაში კი არ მდგომარეობდა, რომ თავიდან აიშორა ომის საფრთხე ირანის მხრიდან, არამედ იმაშიც, რომ ირანის სახით მან მოკავშირე შეიძინა და უშუალოდ ოსმალეთს დაუპირისპირდა. აბას მირზა უკვე თანახმა იყო ოსმალეთთან ომის დაწყებაზე და იმ საბაბით, რომ სულთნის ხელისუფლება უხეშად არღვევდა ირანთან დადებულ ხელშეკრულებათა პირობებს (რაც შიიტების დისკრიმინაციაში გამოიხატებოდა), რუსეთის მთავრობასთან წინასწარი შეთანხმების საფუძველზე, ერაყის ტერიტორიაზე თავდასხმის სამზადისს შეუდგა.

ირანის მზადებამ ომისათვის თავისებური გამოხმაურება პოვა ერაყში. ფაშას პოლიტიკით უკმაყოფილო ადგილობრივი მოსახლეობის ჩვეუმი (ჩანს, ირანელთა ჩარევით) ცდილობდა შეთქმულება მოეწყო დაუდ ფაშას ხელისუფლების დასამხობად და ერაყის ირანთან შესაერთებლად¹⁵⁹. ასე რომ, 1828 წლის ბოლოსა და 1829 წლის დასაწყისში, ერაყი აშკარად იმყოფებოდა როგორც საგარეო, ისე საშინაო საშიშროების წინაშე. გარედან მას ირანი ემუქრებოდა, შიიტები კი — აჯანყება. ასეთ ვითარებაში დაუდ ფაშას თავისი შეიარაღებული ძალები საკუთარი ხელისუფლებისა და საფაშოს დასა-

¹⁵⁸ Деша Грибоедова к гр. Нессельроде, от 23-го октября 1828 года («АКАК» т. VII, стр. 654, № 629); Отношение гр. Паскевича к с. с. Грибоедову, от 5-го декабря 1828 года № 84, («АКАК», т. VII, стр. 163); Отношение к гр. Нессельроде, от 15-го декабря 1828 года, № 90, («АКАК», т. VII, стр. 666, № 643); Отношение гр. Нессельроде к с. с. Грибоедову, от 18-го декабря 1828 года⁹ («АКАК», т. VII, стр. 663).

¹⁵⁹ „სპარსეთის ტახტის მემკვიდრე... მზადაა გახსნას თურქეთის წინააღმდეგ უსიამოვნო მოქმედება, რომლის წარმატება უკვე მომზადებულია მისი კავშირით ქერბელის, მუნთათაფიჯის შეიხებთან და არაბთა სხვა უფროსებთან; აგრეთვე ბაღდადის მცხოვრებთა მნიშვნელოვან რიცხვთან, რომლებიც მზად არიან ჩააბარონ აბას მირზას ეს ქალაქი მთელი სამფლობელოთი“ (Отношение гр. Паскевича к с. с. Грибоедову от 5-го декабря 1828 года, № 84, «АКАК», т. VII, стр. 163; Грибоедову к гр. Нессельроде от 20-го октября 1828 года; Деша Грибоедова к гр. Нессельроде, от 23-го октября 1828 года, «АКАК», т. VII, стр. 654).

ცავად სპირდებოდა და, ბუნებრივია, რომ იგი კავკასიის ფრონტზე ჯარის გაგზავნას ანდა, საერთოდ, რუსეთ-ოსმალეთის მიმდინარე ომში აქტიური მონაწილეობის მიღებას ვერ შეძლებდა. ამიტომ სულთანი მაჰმედ II ბაღდადის ვალის ამგვარ საქციელში საეჭვოს ჯერ ვერაფერს ხედავდა, მის უარს ობიექტური მიზეზებით ხსნიდა და გადამქრელი ღონისძიებების მიღებაზეც თავს იკავებდა. ასე გაგრძელდა 1829 წლის ბოლომდე, სანამ რუსეთ-ოსმალეთის ომი დამთავრდებოდა. შემდეგ მახლობელ და შუა აღმოსავლეთში ვითარება ისეთნაირად წარიმართა, რომ დაუდის ანტიოსმალური მოქმედება უკვე აშკარა გახდა და დამოკიდებულებაც მის მიმართ მკვეთრად შეიცვალა.

1829 წელს კარგი არაფერი მოუტანია ოსმალეთისათვის. მან სრული მარცხი განიცადა რუსეთთან ომში, ხელი მოაწერა მისთვის დამამცირებელ ადრიანოპოლის ხელშეკრულებას და რუსეთის სასარგებლოდ იკისრა დიდძალი კონტრიბუციის გადახდა, რაც მძიმე ტვირთად დააწვა იმპერიის მოსახლეობას, გააჩანაგა ის და კიდევ უფრო დაასუსტა სახელმწიფო.

ეს წელი მეტად არახელსაყრელი გამოდგა აგრეთვე ირანისათვისაც. მკვეთრად გაუარესდა მისი საშინაო მდგომარეობა. ქვეყანა საერთო მღელვარებამ მოიცვა. ინგლისელთა პროვოკაციული მოქმედების შედეგად ხორასნის¹⁶⁰, ქერმანისა და იეზდის ხანები შაჰის პოლიტიკის წინააღმდეგ წამოიშალნენ. მათ მხარს უჭერდნენ თეირანელი მსხვილი ფეოდალებიც, რომლებიც ყაჯართა ბატონობის დასამხობად უკვე შეთქმულებას ამზადებდნენ.

სულ სხვანაირი იყო 1829 წელი ერაყის და მისი გამგებლისათვის. ირანის სოციალურ-პოლიტიკური მდგომარეობის გაუარესება ხელსაყრელი აღმოჩნდა დაუდ ფაშასათვის. ქვეყნის შიგნით მიმდინარე აჯანყებების ჩასაქრობად დასაქმებულ აბას მირზას და მის ჯარს ერაყის დასაპყრობად აღარ ეცალათ და მოიხსნა ის საფრთხე, აღ-

¹⁶⁰ ირანის აღმოსავლეთ ნაწილში, განსაკუთრებით, ხორასანში, აჯანყებით ინგლისელებს სურდათ თვითონ გაბატონებულიყვნენ და გადაეციათ ეს ადგილი შუა აზიის რუსულ სამფლობელოებზე თავდასასხმელ პლაცდარმად; არ დაეშვათ შაჰის ხელისუფლების გავრცელება ჰერათზე, იმ ადგილზე, რომელიც ჩამკეტი პუნქტი იყო ჩრდილო-დასავლეთიდან ინდოეთისაკენ მიმავალ გზაზე და ძლიერი სახელმწიფოების ხელში შეიძლებოდა გამხდარიყო „საკომანდო პუნქტად როგორც ირანისა და თურქესტანის მიმართ, ისე სპარსეთისა და იმერდარინის მიწების მიმართაც (К. М а р к с и Ф. Э н г е л ь с, С о ч. М., 1933, т. XI, стр. 134).

მოსავლეთიდან რომ ემუქრებოდა. ამან ლახვარი ჩასცა იმ ოპოზიციას, რომელსაც გარედან დახმარების იმედით ფაშას ხელისუფლების დამხობა და ერაყში ირანელთა გაბატონება გადაეწყვიტა. გარედან დახმარებით იმედგაცრუებული შეთქმულთა ჯგუფის საქმიანობა დასაწყისშივე იქნა ლიკვიდირებული. დაუდმა ერაყში სიწყნარე აღადგინა.

თ ა ვ ი მ ე ბ უ თ ე

დაუდ-ფაშას სეპარატისტული ტენდენციის გამოაშკარავება და სულთნის ღონისძიება მის დასასჯელად

1829 წელს, შემოდგომაზე, როცა რუსეთ-ოსმალეთის ომი უკვე დასრულებული იყო, ბაღდადში სულთნის ოფიციალური ქალაქი მოვიდა. ფაშას მოაგონებდნენ, რომ დაუყოვნებლივ გადაეხანდა სულთნისათვის მისაცემი რამდენიმე წლის გადასახადი. წერილში იმედი იყო გამოთქმული, რომ ვინაიდან საფაშოში უკვე ნორმალური მდგომარეობა სუფევდა, ადგილი აღარ ექნებოდა ვალის დროზე გადაუხდელობას. მაგრამ დაუდი, რომელიც მაშინ ეკონომიური და სამხედრო თვალსაზრისით მუჰამედ ალი ეგვიპტელის შემდეგ ყველაზე ძლიერად გრძნობდა თავს და, როგორც ამბის მომსწრე ჯ. ფრეზერი აღნიშნავს, შეეძლო აბუჩად აეგდო ყოველი შეიარაღებული ძალა, რომელსაც მის წინააღმდეგ გაგზავნიდა სულთან¹, თავის ძველ პოლიტიკას არ ლაღობდა. იგი კვლავ დამოუკიდებლობისათვის ბრძოლის გზას ადგა და, რაკი ახლა იმპერია უღონოდ ეგულებოდა, აღარ დააყოვნა, თავისი ადრინდელი ოცნება სინამდვილედ ექცია. მან ერაყი ოსმალეთისაგან თავისუფალი „ბედნიერი ბაბილოვანის“ სამეფოდ² გამოაცხადა, ხოლო თავისი თავი ამ სამეფოს დამოუკიდებელ „ხელმწიფედ“³. 1830 წელს დაუდმა სულთან

¹ J. B. Fraser, დასახ. ნაშრომი, გვ. 234.

² ასე მოიხსენიებდა ერაყს დაუდ ფაშა ჯერ კიდევ 1821 წელს თავის დედისთვის გაგზავნილ წერილში.

³ 1830 წელს ბაღდადში მყოფი ფრანგი მოგზაური ოშე ლუა ამის გამო ამბობს, დაუდს „თავი მეფედ მოჰქონდა“ და უცხოელების მიღებისას მართლაც ისე იქცეოდა როგორც ხელმწიფეს შეშვენისო (Aucher E'loy, დასახ. ნაშრომი, გვ. 326).

მაჰმუდ II-ს აუწყა, რომ ამიერიდან კატეგორიულ უარს ამბობდა როგორც ვალის გადახდაზე⁴, ისე მის ხელქვეითობაზე საერთოდ⁵.

ბაღდადის ფაშას განდგომის ამბავი სტამბოლში მხოლოდ 1830 წლის ბოლოს შეიტყვეს და ამ ფაქტს სულთნის დივანში სათანადო კვალიფიკაცია მისცეს. დაუდი ურჩად გამოაცხადეს, თანამდებობიდანაც გადააყენეს და ბაღდადში დავთარდარი სადიკ ეფენდი მიავლინეს⁶.

დივანის ეს გადაწყვეტილება ბაღდადის ფაშამ თავისი აგენტების მეშვეობით სტამბოლიდან სადიკ ეფენდის გამოსვლამდე შეიტყუო. მაგრამ მან ისე დაიჭირა თავი, თითქოს არაფერი იცოდა და საპატიო სტუმარს ღირსეული შეხვედრა მოუწყო. სულთნის საგანგებო ემისარს ბაღდადიდან 40 საათის სავალ მანძილზე, თავისი მაღალი მოხელე, მასრუფ მუჰამედი შეახვედრა. თან ოთხცხენშებმული ძვირფასი ეტლი გაუგზავნა და საჩუქრებიც მიართვა. სადიკ ეფენდიმ დიპლომატიური მოუქნელობის გამო თუ იმიტომ, რომ მასზე დაკისრებული მისია მოითხოვდა ასეთ მოქცევას, არაფერს ანგარიში არ გაუწია. ფაშას სტუმართმოყვარეობას მადლობის მაგიერ, თავაზიანობის ნორმების უხეში დარღვევით უპასუხა. ჯერ იყო და მასრუფ მუჰამედი შეურაცხყო (გულცივად მიიღო, არ შესთავაზა მის გვერდით დამჯდარიყო და მთელი შეხვედრის განმავლობაში ფეხზე ამყოფა). ესეც არ იკმარა და ჰორტას მოხელეთათვის ბაღდადში შესვლისა და ფაშასთან გამოცხადების დადგენილი წესებიც აღარ შეასრულა.

სულთნისაგან მოვლენილ მოხელეს, პატარასა თუ დიდს, ჭა-

⁴ А. А д а м о в, დასახ. ნაშრომი, გვ. 422; Новая история стран зарубежного Востока, Л. 1959, стр. 240.

⁵ Д. Г. Р о з е н, დასახ. ნაშრომი, გვ. 152.

⁶ იქვე. რუსი მკვლევრები ამ ამბავს რამდენიმე სხვანაირად გადმოსცემენ. დროზენის აზრით, სადიკ ეფენდი ბაღდადში იმისათვის უნდა გავგზავნათ, „რომ შეიძულეზინა იქაური ნაცვალი, დაუდ ფაშა, გადაეხადა ნარჩენი გადასახადი“ (იხ. მისი დასახ. ნაშრომი, გვ. 152). დაახლოებით ამასვე იმეორებენ ნ. მურაეოვი (იხ. მისი Турция и Египет, М., 1869, т. I, стр. 42). და ა. ადამოვი (იხ. მისი დასახ. ნაშრომი, გვ. 422). მაგრამ ევროპელ და არაბ ისტორიკოსთა ნაშრომებიდან ირკვევა, რომ სადიკ ეფენდის გადასახადის აკრეფა კი არ ევალებოდა, არამედ ერაყის პროვინციის რეორგანიზაცია (C I. H u a r l, დასახ. ნაშრომი, გვ. 176) და ამ მიზნის მისაღწე-

ვად დაუდის გადაყენება, მისი თავიდან მოშორება (العزأوى, დასახ. ნაშრომი, გვ. 304, 305).

ლაქში შესვლამდე ღამე უნდა გაეთია ბაღდადიდან ნახევარი საათის სავალთ დაცილებულ ალ-აზამიეს ციხესიმაგრეში. ამის შემდეგ, მას შეეძლო შესულიყო ქალაქში და წარსდგომოდა ფაშას, რომელიც თავის მხრივ ვალდებული იყო წინასწარ შეერჩია მისთვის სათანადო რეზიდენცია.

ეს წესი ჰასან ფაშას დროს იქნა შემოღებული⁷ და მისი დარღვევა არაეის უცდია. მხოლოდ სადიკ ეფენდიმ ისურვა საუკუნეზე მეტი ხნის მანძილზე დამკვიდრებული ამ ტრადიციის დარღვევა და ალ-აზამიეში მისვლისთანავე პირდაპირ ქალაქში შესვლა მოითხოვა.

დავთარდარის უცნაურმა მოქცევამ ყველა გააკვირვა, მაგრამ მაინც უარი არ უთხრეს და ბაღდადისაკენ გაუძღვნენ.

ქალაქში ამ დროს მის შესახვედრად საზეიმო სამზადისი მიმდინარეობდა. იმამ აზამის კარიდან (რომლითაც უცხოელებს ღებულობდნენ ბაღდადში) ფაშას სასახლემდე, ქუჩის ორსავე მხარეს, რეგულარული ჯარის ქვეითი ათასეული საპატიო ყარაულში იდგა, ხოლო თვით სასახლეში დაუდი მაღალი პორტას წარმომადგენელს ელოდებოდა. მაგრამ სადიკ ეფენდი გასცდა თუ არა ქალაქში შესასვლელ ალაყაფის კარს, მაშინვე მისთვის განკუთვნილი ბინისაკენ გაემართა. ფაშასთან შეხვედრა მან მეორე დღისათვის გადალო⁸.

ეს იყო პარასკევს. მეორე დღეს, შაბათს, როცა სადიკ ეფენდიმ ვიზიტი გაუქვთა ფაშას, ყველაფერი ისეთნაირად იყო მოწყობილი, როგორც პირველ დღეს. არაფერი იყო დაეიწყებული, რაც მიღების არსებულ წესებს შეეხებოდა, ოღონდ დაუდმა ფეხზე წამოდგომა და სულთნის საგანგებო ემისრის მისალმება დააგვიანა, რითაც სტუმრის თავხედური მოქმედების გამო თავისი გულისწყრომა გამოხატა.

სადიკ ეფენდი მაშინვე მიხვდა რაშიც იყო საქმე და, მდგომარეობა რომ მეტისმეტად არ გართულებულიყო, სიტყვა აღარ დასცდენია იმის შესახებ, თუ რა მიზანს ისახავდა ბაღდადში მისი მოსვლა. აღარც ფაშას უკითხავს მისთვის ეს და, ამრიგად, პირველი შეხვედრა ჩვეულებრივი მისალმებით დამთავრდა.

მორიგი შეხვედრა, მეორე დღეს, კვირას იყო დანიშნული სადიკ ეფენდის ბინაზე, მაგრამ, ვინაიდან მან პირველი შეხვედრის დროს თავისი მიზანი დამალა, ეს იმას ნიშნავდა, რომ კეთილი ზრახვებით

⁷ العزأوى, დასახ. ნაშრომი, გვ. 304.

⁸ C. I. Huart, დასახ. ნაშრომი, გვ. 176—177.

არ უნდა ყოფილიყო მოსული. ამიტომ დაუდმა თავი შეიკავა საპასუხო ვიზიტისაგან და შეხვედრა აღარ შემდგარა.

მესამე დღეს, მას შემდეგ, რაც მეორე შეხვედრა ჩაიშალა, სადიკ ეფენდი იძულებული იყო კვლავ სწევოდა ფაშას სასახლეში. მივიდა თუ არა, მაშინვე აცნობა, გადაყენებული ხარო, და ისიც დასძინა, რომ მოსული იყო იმპერიის სახელით და მტკიცედ მოითხოვდა საფაშო ხელისუფლების სათავეში დაშვებას⁹.

დაუდმა ყურადღებით მოუსმინა სულთნის წარმომადგენელს და ბოლოს, ხანმოკლე დუმის შემდეგ, მიუგო, ოსმალეთის იმპერიის აღარ ვეკუთვნი და ჩემი „სამეთოს“ (მამლაქათენ) ხელყოფის უფლებას არავის მივცემო.

ფაშას ამგვარი პასუხი სადიკ ეფენდის ინტერესებს არ შეესაბამებოდა. ამიტომ მან საუბარი გაუბა, რათა აზრი შეეცვლევინებინა, მაგრამ როცა დარწმუნდა, რომ დაუდი ძალაუფლების დატოვებას ნებით არ აპირებდა, ხოლო ძალა მის გადასაყენებლად არ შესწევდა, დატოვა სასახლე და თავის რეზიდენციაში დაბრუნდა. იქ იხმო მან სულეიმან ალა ამირახორი (ტომით ქართველი), უამბო იმ ინციდენტის შესახებ, რომელიც სასახლეში მოუვიდა და უთხრა: თუ ფაშას მოკლავ, ბაღდადის საფაშო შენი იქნებაო¹⁰.

სულეიმანი დაუდის მიერ იყო აღზრდილი და დაწინაურებული. ის მეტად კეთილი ადამიანი იყო. თავისი მამაცური მოქმედებით არაერთხელ დაუმტკიცებია აღმზრდელისათვის ერთგულება და ახლაც შორს იყო იმ აზრისაგან, რომ ელალატნა. მას სადიკ ეფენდის სიტყვები არ მოეწონა. მიუხედავად ამისა, უკმაყოფილებას არ იმჩნევდა და დაეთარდარს თავს ისე აჩვენებდა, თითქოს მარტო მისი წინადადების შესრულებაზე ფიქრობდა. დამშვიდობებისას სადიკი საბოლოოდ დარწმუნდა იმაში, თითქოს ის ამხანაგებთან სათათბიროდ და ფაშას დაღუპვის გეგმის შესამუშავებლად მიდიოდა. სინამდვილეში კი იგი დაუდთან მიიჩქაროდა და მხკვლისთანავე უამბო, რაც სულთნის საგანგებო ემისრისაგან მოისმინა¹¹.

დაუდს ჭერ ამირახორთან საუბარი არ ჰქონდა დამთავრებული, რომ უკვე მეორე მაღალი მოხელე, საიდ აბდ არ-რაზაკი ეახლა და ხელის ცახცახით სადიკ ეფენდის მიერ მისთვის (აბდ არ-რაზაკისათ-

⁹ *أى زوى*, დასახ. ნაშრომი, გვ. 304.

¹⁰ იქვე, გვ. 304. 305.

¹¹ C. I. Huart, დასახ. ნაშრომი, გვ. 177—178.

ვის) გაგზავნილი წერილი მიაბრთვა. სულთნის დავთარდარი აცნობებდა დაუდის მოხსნას, სასაქვდილო ფირმანის გამოცემას და ითხოვდა მისგან დახმარებას, ე. ი. ფაშას მკვლევლობაში მონაწილეობის მიღებას¹².

ამ გარემოებამ დაუდი სერიოზულად დააფიქრა. როგორც აღაზავი ამბობს, ის „ფიქრების ზღვაში ჩაიძირა“¹³. მისთვის აშკარა გახდა სადიკ ეფენდის ძირგამომთხრელი საქმიანობა და გადაწყვიტა მის წინააღმდეგ ზომების მიღება. დაუდ ფაშამ იხმო სულეიმან ალა. მუჰამედ მასრუფი, ბაღდადის ზარაფთა ამქრის მეთაური (წარმოშობით ებრაელი) ისპაკი და სთხოვა, ერჩიათ, როგორ აეცდინა თავიდან კარს მომდგარი საშიშროება.

სულეიმან ალას აზრით, ხსნის ერთადერთი საშუალება სადიკ ეფენდის ფიზიკური განადგურება შეიძლება ყოფილიყო. ამ წინადადებას მხარი დაუჭირეს მუჰამედ მასრუფმა და ისპაკ ზარაფმა. მუჰამედ მასრუფს სადიკ ეფენდისადმი შურისძიების ბოღმა ახრჩობდა მისგან მიყენებული შეურაცხყოფის გამო და ფაშას ეუბნებოდა: „მეფეო! მე მაინც მკვდარი ვარ, ამიტომ იმას მაინც მოვკლავ, ვინც ჩემი დაღუპვის პირველ მიზეზს წარმოადგენს და შემდეგ კი ხალისით შეგწირავთ თქვენ ჩემს საკუთარ თავსო“¹⁴. დაუდ ფაშა თავიდან წინააღმდეგი იყო დავთარდარის სიკვდილით დასჯისა და მრჩევლებს მოუწოდებდა, შეეცვალებოდა მოსაზრება, მაგრამ, როცა უპასუხეს, რომ სხვა მოსაზრება არ ჰქონდათ, ისიც დაეთანხმა¹⁵.

ამრიგად, გადაწყდა, რომ სადიკ ეფენდი უნდა მოეკლათ. შემუშავდა გეგმა, რომლის მიხედვით 1830 წ. 29 თქტომბერს, დილაადრიან, რეგულარული ჯარის ორი მეთაური, რომლებსაც ვითომ რაღაც სერიოზული დანაშაული ჰქონდათ ჩადენილი და მკაცრ სასჯელს ელოდნენ, სადიკ ეფენდის ეწვია და თავშესაფარი სთხოვა. სადიკმა ფართოდ გაუღო კარი და ის იყო მფარველობა აღუთქვა, რომ ამ დროს გამოქცეულთა დასაპატიმრებლად გამოცხადდნენ შედარებით უფრო მაღალი რანგის მეთაურები. ისინი იცნობდნენ სადიკ ეფენდის პირად თვისებებს, და ელოდნენ, რომ გადაქარბებულ-

¹² العزّاوي, დასახ. ნაშრომი, გვ. 305.

¹³ იქვე.

¹⁴ C. I. H u a r l, დასახ. ნაშრომი, გვ. 179.

¹⁵ იქვე.

ლი სიამაყის გამო უარს იტყოდა თავშეფარებულთა წააწყვანად მოსულთა მოთხოვნის შესრულებაზე. ამით მათ საბაბი მიეცენოდათ შექრილიყენენ მის რეზიდენციაში, გამოეყენებინათ ძალა. დაეწყოთ ჩხრეკა-ძიება, მოთმინებიდან გამოეყვანათ სულთნის მოხელე და მოეკლათ იგი ამ აურზაურის დროს.

როგორც ვხედავთ, სადიკ ეფენდის მოკვლის გეგმა საქმოდ ორიგინალურად იყო ჩაფიქრებული. მასში მკვლელობის გამართლების ერთგვარი შესაძლებლობა ჩანდა. თუ ყოველივე ისე მოხდებოდა. როგორც გათვალისწინებული იყო. მაშინ შეთქმულების პონაწილეებს შეეძლოთ სულთნისათვის ეცნობებინათ, რომ მისი წარმომადგენლის მკვლელობა მოხდა სრულიად შემთხვევით, დაზარალებულის მიზეზით და არა წინასწარი განზრახვით.

მაგრამ შეთქმულთა მოლოდინი არ გამართლდა. მათი მოთხოვნა, თავშეფარებულთა დაბრუნებას რომ შეეხებოდა, სადიკ ეფენდიმ უყოყმანოდ დააკმაყოფილა და ამით ყველაფერი ჩაშალა. შეთქმულნი იძულებულნი გახდნენ ყველაფერი თავიდან დაეწყოთ და თავდასხმის ახალი გეგმა შეემუშაებინათ. სულთნის დივანის ბაღდადეგი წარმომადგენელი მუჰამედ ამინ აზ-ზანდ ალ-ბაღდადი გადმოგვცემს, რომ იმავე საღამოს სადიკ ეფენდის ბინას, სადაც იმ დროს სადიკთან ერთად ოთახში შეთქმულების მეთაურები სულეიმან ალა ამირახორი და მუჰამედ მასრუფი (სულთნის წარმომადგენელს თავის ერთგულ ადამიანებად რომ მიიჩნდა) იყვნენ, გარს შემოერტყა რაზმი რეგულარული არმიის მეომრებისა. მათგან ორნი. რანადან ალა ჩოკდარი (ფაშას სასახლის ზედამხედველი, უფროსი) და სულეიმან ალას ერთ-ერთი მსახური ხალედ ეფენდი, თანახმად ინსტრუქციისა, შეიჭრნენ სახლში, კარებზე დააყენეს თავიანთი გუშაგები, მივიდნენ სადიკთან და აუწყეს, რისთვისაც იყვნენ მისული¹⁶. შეშინებული სადიკი დიდხანს ესაუბრა მათ და, როცა დარწმუნდა, რომ ნამდვილად მის მოსაკლავად იყვნენ მისული, იძულებული გახდა ელიარებინა თავისი მეცდომა და შეწყალება ითხოვა. იგი პირობას იძლეოდა, რომ ყველაფერს გააკეთებდა, რასაც მოისურვებდნენ, ოღონდ მისთვის სიცოცხლე შეენარჩუნებინათ და ფაშასთან ერთხელ შეხვედრის საშუალება მანც მიეცათ,

¹⁶ الزاوي، დასახ. ნაშრომი, გვ. 306; S. H. Longrigg, დასახ. ნაშრომი, გვ. 263; C. I. Huart, დასახ. ნაშრომი, გვ. 179—180.

რათა თავის მდგომარეობა მოეხსენებინა¹⁷. მაგრამ ხვეწნა-მუდარამ არ გაკრა, ხალელ ეფენდიმ ხმალი იმიშვლა და სადიკ ეფენდი იქვე განგმირა¹⁸.

გადაცმული დაუდ ფაშა თავის მსახურთა ჯგუფის თანხლებით ამ დროს იმამ აზამის ჰიშკართან იდგა და როცა მოახსენეს, რომ თავდასხმა სრული წარმატებით დაგვირგვინდა, მაშინვე შემთხვევის ადგილისაკენ გაემართა. იგი პირდაპირ იმ ოთახში შევიდა, სადაც მსხვერპლი ეგულებოდა და, როდესაც დარწმუნდა, სადიკი ნამდვილად ცოცხალი აღარ იყო, ბრძანა სასწრაფოდ დაეკრძალათ იქვე, იმავე შენობის წინ¹⁹.

სადიკ ეფენდის დაღუპვა და მისი მისიის ჩაშლა ოსმალეთის იმპერიის ცენტრალური მთავრობის პოლიტიკის მორიგი მარცხი იყო. ერაყის ადგილობრივი მმართველობის აპარატში ცვლილებების შეტანით, დაუდ ფაშას გადაყენებით, რაც სადიკს ჰქონდა დაკისრებული, სულთან მაჰმუდ II-ს ფაქტიურად ქართველ მამლუქთა ბატონობის დამხობა სურდა. ამიტომ ცხადია, სადიკის მკვლელობის ამბავი მშვიდად არ ჩაივლიდა და ბალდადის ფაშაც მზად იყო პასუხის გასაცემად. მაგრამ მას სურდა დაძაბულობა როგორმე შეენელებინა და გადაწყვიტა, სულთნისათვის საქმე ისეთნაირად წარედგინა, თითქოს სადიკ ეფენდი ავადმყოფობამ შეიწირა. ამისათვის, შეთქმულების ყველა მონაწილე გააფრთხილა, ღრმა საიდუმლოდ შეენახათ ის, რაც მოხდა და ეთქვათ, სულთნის საგანგებო მოხელე ავად არისო. ამასთან, სადიკის ავადმყოფობა რომ საუჭკო არავისთვის ყოფილიყო, დაუდმა საქმეში უცხოელები ჩარია. იტა-

¹⁷ ასე გადმოგვცემს ამ ამბავს თურქული წყარო, საიდანაც ვერცელი ადგილი მოაქვს ალაზუაის (დასახ. ნაშრომი, გვ. 306). ასეთნაირადვე მოგვითხრობენ მის შესახებ ოშელუა (იხ. მისი დასახ. ნაშრომი, გვ. 327 და შემდეგ), ჟ. ფრეზერი (იხ. მისი დასახ. ნაშრომი, ტ. II, გვ. 260). კლ. უარი (იხ. დასახ. ნაშრომი, გვ. 180) და ს. ლონგრაფი (იხ. მისი დასახ. ნაშრომი, გვ. 264). მაგრამ იმ დროს ბასრაში მყოფი ინგლისელი ეურნალისტის ჟ. სტოკუელერის გადმოცემით, სადიკ ეფენდის არც დანაშაული უღიარებია და არც პატიება უთხოვია. მისი აზრით, ეს დაუდ ფაშას უნდა მოეგონებინა იმ მიზნით, რომ ტეილორი (ინგლისის ოსტ-ინდოეთის კომპანიის რეზიდენტი ბალდადში) დაერწმუნებინა სადიკ ეფენდის აგრესიულ მოქმედებაში და თავის სამართლიანობაში (J. H. Stouquer, Fifteen month's pilgrimage through untrudged parts of Khuzistan and Persia, London, 1832, p. 51).

¹⁸ الغزوى, დასახ. ნაშრომი, გვ. 306.

¹⁹ იქვე. გვ. 305.

ლიელ ექიმს ანტონაკის დავალება მიეცა, ყოველდღე ევლო რე-
ზიდენტის ბინაზე, თითქოს აეადმყოფს მკურნალობდა²⁰; ინგლისის
ოსტ-ინდოეთის რეზიდენტს ბალდადში პოლკოვნიკ ტეილორს
სთხოვა ბრიტანეთის ელჩისათვის სტამბოლში შეეტყობინებინა,
რომ მას მოლაპარაკება გაემართა სულთანთან ფაშას ინტერესების
დასაცავად²¹. ასეთივე მითითება მისცა მან აგრეთვე თავის წარმო-
მადგენელს ოსმალეთის სულთნის კარზე ალი ნაჯიბ ბეგს²². ბოლოს,
როდესაც ყოველივე ამას მორჩა, სტამბოლს აცნობა: დავთარდარი
შავმა ჭირმა იმსხვერპლაო²³.

დაუღის თანამოსაქმენი, ვინც საქმის ნამდვილ ვითარებას
იცნობდნენ, დარწმუნებულნი იყვნენ, რომ ფაშას სიტყვებს სტამ-
ბოლში ქვემარტებად მიიჩნეოდნენ და შეთქმულების მონაწილე-
ნი დაუსჯელი გადარჩებოდნენ. ასე ეგონა ალი ნაჯიბ ბეგსაც. ფა-
შასათვის გაგზავნილ დაშიფრულ წერილში იგი იტყობინებოდა, რომ
სტამბოლმა შეიწყალა ფაშა, დატოვა თანამდებობაზე და ამიტომ
საჭიროა შეწყვიტოს ჭარბის გადაადგილება, თავი დაანებოს თავ-
დაცვითი ხასიათის ღონისძიებების გატარებას და იმის ნაცვლად
სულთანს გამოუგზავნოს საჩუქრად რამდენიმე არაბული ბედაუ-
რი²⁴.

ამ წერილმა ისეთი შთაბეჭდილება მოახდინა ბალდად-ის საფა-
შო ხელისუფლებაზე, რომ ფაშასაც და მის თანამზრახველებსაც
თავი უკვე სამშვიდობოს ეგონათ გასული, მაგრამ იმედი დაემსხვ-
რათ. როგორც შემდეგ ცნობილი გახდა, მაკმუდ II თავისას არ იშ-
ლიდა და ბალდადზე ლაშქრობას აპირებდა²⁵.

²⁰ الزاوی, დასახ. ნაშრომი, გვ. 305; Cl. Huart, დასახ. ნაშრომი,
გვ. 181.

²¹ Aucher E'loy, დასახ. ნაშრომი, გვ. 327; الزاوی, გვ. 308.

²² الزاوی, გვ. 307.

²³ S. H. Longrigg, დასახ. ნაშრომი, გვ. 264.

²⁴ الزاوی, გვ. 307, Cl. Huart, დასახ. ნაშრომი, გვ. 181.

²⁵ ეს აშკარად ჩანდა სადიე ეფენდისათვის გაგზავნილ სულთნის ოფიციალურ
მიწერილობაში, რომელიც შიკრიყმა ბალდადში ჩაიტანა სადიეს სიყვდილის შემ-
დეგ. ქალაქში შესვლისთანავე შიკრიყი დააპატიმრეს და დილეგში ჩასვეს, ხოლო ქა-
ლალდები ჩამოართვეს და ფაშას მიუტანეს.

როგორც მოსალოდნელი იყო, ცნობამ სადიკ ეფენდის დაღუპვისა და მისი მისიის მარცხის შესახებ, ოსმალეთის ცენტრალური ხელისუფლების სერიოზული შეშფოთება გამოიწვია²⁶. სულთანი მამუდ II და მისი დივანის შემადგენლობა ერთხელ კიდევ დარწმუნდნენ, რომ გამდგარი ბაღდადის ფაშას დამორჩილება ან თავიდან მოშორება მხოლოდ შეიარაღებული პირობით შეიძლებოდა. ამიტომ ვადაწყდა დაუყოვნებლივ გაეგზავნათ დამსჯელი ექსპედი-

²⁶ ამ საკმეში, სხვათა შორის, მეტად დიდი, მაგრამ არაკეთილშობილური როლი შეასრულა ჩვენს მიერ უკვე მოხსენებულმა უსტა ალიმ. იგი დაიბადა სტამბოლში. აქედან გადავიდა სირიაში და სამსახური დაიწყო აკრაში. რუსეთ-ოსმალეთის ერთ-ერთი იმის დროს ის ტყვედ ჩაეარდა, რუსეთში დაპყრობილნიმე წელი და გაეცნო სპარტილერო საკმეს. ტყვეობიდან სამშობლოში დაბრუნების შემდეგ, დაქორწინდა სტამბოლში მდიდრის ასულზე, რომელიც ჯერ გაალატაკა, მერე შატოვა და 1624 წელს ბაღდადს წავიდა საცხოვრებლად. ბაღდადს იგი, როგორც სპარტილერო საკმის კარგი მკოდნე ოსტატი. ანუ „უსტა“, ფაშამ ჯერ ევროპიდან მოწვეულ სამხედრო სპეციალისტთა ზედამხედველად დანიშნა, ხოლო შემდეგ ბასრას კაბუდან ფაშას თანამდებობაზე გადაიყვანა, მაგრამ აქ დიდხანს არ დარჩენილა. ქალაქის მეთასალიმთან (მეთასალიმად კი დაუდ ფაშას დეიძლი მმა, დიმიტრი იყო) უთანხმოების გამო იგი ტოვებს ბასრას და მიდის ბუშირს, ბუშირიდან ალი უსტა თორანში ჩავიდა და დაუდ ფაშას წერილობით აცნობა, რომ თუ მეთასალიმს არ ვადაყენებდა და მას კაბუდან ფაშობას არ დაუბრუნებდა, სულთანთან დასმენდა. დაუდი მოერიდა საკმის გართულებას და ალის თხოვნა დააკმაყოფილა. იგი თანამდებობაზე დააბრუნა, ხოლო თავისი მმა მეთასალიმის პოსტიდან გაათავისუფლა.

ბასრამი დაბრუნების შემდეგ ალი უსტამ დაიწყო მოსახლეობის შეეწირება. ფაშას სისტემატურად მოსდიოდა ცნობები კაბუდან ფაშას აღვირახსნილი თვითნებობის შესახებ. იგი მოსახლეობისაგან კრეფდა უზომო გადასახადს, სულს ხდიდა მათ და ნაძარცვს თვითონ ითვისებდა. შეიტყო თუ არა ამის შესახებ ფაშამ, ალი უსტას შეუთვალა, ნაძარცვი საფაშო ხაზინაში შეეტანა. ამ ნიადაგზე დაიწყო უთანხმოება ფაშასა და კაბუდან ფაშას შორის. ალი უსტამ უარი თქვა დაუდის ბრძანების შესრულებაზე. მთელი თავისი სიმდიდრე გემებზე დატვირთა, დატოვა ბასრა და მსაკატს გაემგზავრა. აქ მან გემები მსაკატის იმამს მიჰყიდა და თავისი სიმდიდრით (ოქრო-ვერცხლით) ჯერ მექაში ჩავიდა, შემდეგ კაიროში ეგვიპტის გამგებელს მუჰამედ ალის ეწვია, მაგრამ კინაღამ თავი წააგო მასთან შეკამათების გამო და ბოლოს იძულებული გახდა ეგვიპტიდანაც გაპარულიყო. 1830 წელს იგი სტამბოლს მივიდა და ცოტა ხნის შემდეგ სულთანი მამუდ II ინახულა. მასთან ვიზიტად ყოფნისას უსტა ალიმ მეტად მუქ ფერებში დახატა ეგვიპტისა და ერაყის გამგებლები. დაუდის შესახებ მოახსენა, რომ ის დიდი ხანია აღარ ცნობს სულთანს ხელისუფლებას, ქვეყანას ვანაგებს სრულიად დაუოუკლებლად და ამიტომ საჭიროა მის წინააღმდეგ ქმედითი ღონისძიების გატარება, რაშიც თავისი სამსახურსაც სთავაზობდა (დაწერილებით ამის შესახებ იხ. V. Fontanier, დასახ. ნაშრომი, გვ. 129—135).

ცოა ერაყში ამ მხარის კვლავ შემოსამტკიცებლად და დაუღ ფაშას ძალაუფლების დასამზობად.

ეს მინაი სულ პირველად იუსუფ ფაშა რუმელიელისათვის უნდოდით დაეკისრებინათ²⁷, მაგრამ მას ერაყსა და მის მეზობელ პროვინციებში არ იცნობდნენ და საკირო ლაშქრის შეგროვება არ შეეძლო, ხოლო შორიდან ასეთი ძალების გადაყვანა ცენტრალურ ხელისუფლებას ძვირი უჯდებოდა. ამის გამო სულთანმა შეცვალა თავისი გადაწყვეტილება და არჩევანი საბოლოოდ ერაყის მოსახლერე ალექოს საფაშოს განკებულ მუჰამედ ალი რიზა ფაშაზე შეაჩერა.

1830 წლის გვიან შემოდგომაზე, ალი რიზამ მიიღო ბრძანება, რომელმაც აუწყა, რომ იგი დანიშნულია ბაღდადის საფაშოს გამგებლად, ავრეთვე ალექო-დიაარბაქრ-არზრუმის საფაშოთა გაერთიანებული ლაშქრის სარდლად და დაუყოვნებლივ უნდა შეუდგეს ლაშქრობას აჯანყებული დაუღის დასამორჩილებლად²⁸. ალი რიზა, რომელიც ოცნებობდა ამ თანამდებობის ხელში ჩაგდებას²⁹, და ამ მიზნით დაუღის დაბეზლებასაც არ თაკილობდა, კმაყოფილებით შეეგება სულთნის ბრძანებას და სალაშქრო მზადებაც მაშინვე დაიწყო. დაახლოებით ორთვიანი მზადების შემდეგ, 1831 წლის 23 მარტს³⁰ ის ალექოს შეიარაღებული ძალებით, რეგულარული ჯარის 3 ასეულით, სიფაქთა 2 ათასულით, 10 000-იანი დაქირავებული ლაშქრით და 9 ქვემეხით, რომელთაგან 7 საველე იყო, ხოლო 2 — საალყო³¹, ბაღდადისაკენ დაიძრა, მაგრამ პორტას დაყენებულმა მოხელემ მშვენიერად იცოდა, რომ მარტო ვერ გაუმკლავდებოდა ერაყის ძლიერ გამგებელს. ამიტომ ქ. მოსულს იქით აღარ წასულა³², რადგან უნდოდა დახმარება მიეღო იქაური ფაშას ჰაჯი კასიმ

²⁷ S H Longrigg, დასახ. ნაშრომი, გვ. 264.

²⁸ انزأوی, დასახ. ნაშრომი, გვ. 309.

²⁹ A. А да м о в, დასახ. ნაშრომი, გვ. 423.

³⁰ انزأوی, დასახ. ნაშრომი, გვ. 309; ს. ლონგრიგი ალექოდან ბაღდადისაკენ ალი რიზას გამგზავრების თარიღად 1831 წ. თებერვალს ასახელებს (S. H. Longrigg, დასახ. ნაშრომი, გვ. 265).

³¹ A. А да м о в, დასახ. ნაშრომი, გვ. 183; J. B. Fraser, დასახ. ნაშრომი, გვ. 261.

³² მოსულში მისი შეჩერების მიზეზი ისიც იყო, რომ ერაყში იმ დროს შავი ჭირის ეპიდემიამ იფეთქა, რაზეც უფრო ერცლად საეზარი გვექანება ქვემოთ.

უმარისაგან და თავის მხარეზე გადაეყვანა აგრეთვე სუფუკიც, ბაღდადის ჩრდილოეთით მომთაბარე შამარ ქერბას ძლიერი ტომის შეიხი³³.

ალი რიზა არ შემცდარა ვარაუდში. დაუდის დაუძინებელმა მტერმა ჰაჯი კასიმმა ფართოდ გაუღო კარი მას და პირველი მოწოდებისთანავე ჩააბარა შეიარაღებული ძალები. მან ისიც მოახერხა, რომ გადაიბირა შეიხი სუფუკი ლაშქრიანად, რისთვისაც სათანადო ჯილდოც მიიღო. ალი რიზამ ის მოადგალედ დაინიშნა და 6000 ქისა ფულადაც ასესხა. ფულითა და სხვა მრავალი დაპირებით ალი რიზამ შემოიკრიბა აგრეთვე სხვებიც. კერძოდ, მასთან გამოცხადდა უგაილების ტომის შეიხი სულეიმან აშ-შამარი (რომელმაც სტამბოლიდან ქ. მოსულს ჩამოსულ ალი უსტასთან ერთად ბაღდადის ახალი გამგებლის მეგზურობა იკისრა), სალიჰ ჩელები, ქურთი დიდებულები, აგრეთვე დაუდის ბანაკიდან გამოქცეული სალიჰ ალა და რუსთემ ალა, რომელთა აქტიური მოქმედებით მან კავშირი დაამყარა ერაყის სხვადასხვა ადგილების, კერძოდ, ბაღდადის თავკაცების ერთ მთლიან სამხედრო ბანაკად გადაექცია.

ასეთი ღონისძიებებით ალი რიზამ მნიშვნელოვნად გაიუმჯობესა პოზიცია. მიუხედავად ამისა, მან ჯერ მაინც ვერ გადაწყვიტა ბაღდადზე პირდაპირი იერიშის დაწყება. იგი დარწმუნებული იყო, რომ მისი შეიარაღებული რაზმები, როგორც საომარი აღჭურვილობით, ისე რიცხობრივადაც საგრძნობლად ჩამორჩებოდნენ დაუდისას, რომელსაც ამ დროისათვის თავისი საგამგებლო ქვეყანა უკვე ერთ მთლიან სამხედრო ბანაკად გადაექცია.

როგორც უკვე აღვნიშნეთ, დაუდი აღრიდანვე შეუდგა თავდაცვისათვის სამზადისს. მან სადიკ ეფენდის მოკვლისთანავე შეიმუშავა სამოქმედო გეგმა³⁵, რომლის მიხედვით ახორციელებდა ჯარების მობილიზაციას და მათ გადაყვანას საფაშოს ჩრდილოეთ საზღვართან. 1830 წ. შემოდგომაზე, მუნთაფიქებისაგან შემდგარი დიდი რაზმი ამირახორის მეთაურობით მარდინისაკენ გაგზავნა, ხოლო არაბ ბელუჩთა მეორე დიდი რაზმი მუნთაფიქების ტომის შეიხ

³³ А. А да м о в, დასახ. ნაშრომი, გვ. 423; J. B. Fraser, დასახ. ნაშრომი, გვ. 261.

³⁴ C. I. Huart, დასახ. ნაშრომი, გვ. 183.

³⁵ العزاوي, დასახ. ნაშრომი, გვ. 307.

აჯილ საღუნის წინამძღოლობით ღირიდან ურფაში გადაიყვანა³⁶; საბრძოლო მზადყოფნაში მოიყვანა, აგრეთვე, შაჰრიზურის ქურთების ლაშქარიც.

1630 წლის ბოლოს, როცა სტამბოლიდან მიღებულ წერილში კაფი ქაჰია ნაჯიბ ბეგი ერაყის გამგებელს არწმუნებდა, კონფლიქტს მშვიდობიანი გზით მოეაგვარებ და საქირო აღარ არის ჭარების გადაადგილებაო, — დაუდმა შეწყვიტა სამხედრო რაზმების გაგზავნა ჩრდილოეთისაკენ, მაგრამ მხოლოდ დროებით. ორი თვის შემდეგ, 1631 წლის 21 თებერვალს³⁷, როცა დაუდმა შეიტყო, რომ სულთანმა მაჰმუდ II-მ იგი შეაჩვენა, თანამდებობიდან გადააყენა და მის დასასჯელად ალექსოს, დიარბაქრისა და არზრუმის გაერთიანებული ლაშქრით ალი რიზა ბაღდადისაკენ დაძრა, კვლავ განაახლა მობილიზაცია და საომრად განაღვა თავისი შეიარაღებული ძალები. 30000-იანი ევროპულ ყაიდაზე გაწვრთნილ-შეიარაღებული არმია ბაღდადგარეთ გაიყვანა და იმამ აზამის კარებთან, ე. წ. „სამო ველზე“ დააბანაკა; რეგულარული ქვეითი არმიის ერთი ათასეული და 1500 მხედრისაგან შემდგარი ცხენოსანი რაზმი თავის მსახურთა უფროსის, იუსუფის მეთაურობით ქირქუქს გაგზავნა გარნიზონის გასაძლიერებლად. ხოლო რეგულარული არმიის 8 ათასეული ბაღდადში დაიტოვა და საფაშო საქმეებს განაგებდა. ასე რომ, 1631 წლის აპრილისათვის დაუდი სრულ მზადყოფნაში იყო ომისათვის და ექვი არავის ეპარებოდა მის გამარჯვებაში. მაგრამ ამ დროს ერაყს ზედიზედ თავს დაატყდა მთელი რიგი უბედურებანი, რომლებმაც მთლიანად შეცვალეს ვითარება.

1630 წლის სექტემბერში ირანში მძვინვარე შავი ჭირი თავრიზიდან ქირქუქში გავრცელდა, ხოლო 1631 წლის აპრილში, როცა ქ. მოსულში დაბანაკებული ალი რიზა ფაშა ერაყზე თავდასასხმელად ემზადებოდა, ჭირი ბაღდადში გავრცელდა და იქიდან მთელ საფაშოს მოედო. როგორც სხვა დროს, ამჭერადაც ამ სნეულების სწრაფად გავრცელებას ხელი შეუწყვეს ვაჭრებმა და მოგზაურებმა. ამით აიხსნება, რომ ბაღდადში შავმა ჭირმა პირველად ებრაელთა კვარტალში იჩინა თავი.

ამბის მომწერე იტალიელი ექიმის ანტონაკის ცნობით, რომე-

³⁶ الغزوى, დასახ. ნაშრომი, გვ. 307; Cl. Huart, დასახ. ნაშრომი, გვ. 181.

³⁷ S. H. Longrigg, დასახ. ნაშრომი, გვ. 265.

ლიც ირან-ოსმალეთს შორის საზღვრის დამდგენი კომიის წევრმა უ. ჩირიკოვმა 1849 წელს ბასრაში ჩაიწერა, ის (ანტონაკი) ორ ინგლისელ ექიმთან ერთად მაშინვე ებრაელთა უბანს სწვევია და უნახავს. რომ ეპიდემია ქალაქის მთელ აღმოსავლეთ ნაწილს მოსდებოდა. ექიმებმა სახლების შემოწმება იწყეს და უკვე 500-მდე ავადმყოფი დათვალეს. ავადმყოფების უმრავლესობა ყელის ტკივილს უჩიოდა. ამიტომ ინგლისელი ექიმები იმ დასკვნამდე მივიდნენ, რომ ეს უბრალო ანთება უნდა ყოფილიყო. ანტონაკი კი ირწმუნებოდა, რომ გავრცელებული ეპიდემია შავი ჭირი იყო, რაც მეორე დღესვე ერაყის გამგებელს მოახსენა. მაგრამ ამ უქანასკნელმა, ისე როგორც ინგლისელმა ექიმებმა, განაცხადა: „ჟამი ყელს არ ეხება... ეს რომ ჯამი იყოს, ყარყატები არ მოფრინდებოდნენ, ისინი კი აქ არიან: არც ტურები იჩხავლებდნენ, მაგრამ ისინიც ჩხავიან“³⁸. რაც დრო გადიოდა, ავადმყოფობა სულ უფრო ძლიერდებოდა, ვრცელდებოდა და მსხვერპლთა რაოდენობაც დღითიდღე მატულობდა. თუ 4 აპრილიდან დაწყებული ქალაქში ყოველდღე 50—100 კაცი კვდებოდა. 11 აპრილს 1200 კაცი გარდაიცვალა, 16-იდან 21 აპრილამდე — 2000³⁹, ხოლო 27 აპრილიდან ყოველდღე 1500—3000 კაცამდე იღუპებოდა⁴⁰. ქალაქში სიცოცხლე შეწყდა. სახლები და ქუჩები დახოცილთა გვამებით აივსო. ბოლოს ჭირმა სასახლესაც მიადწია და 26 აპრილს ფაშას შეეყარა. ჩირიკოვი ასე გადმოგვცემს ექიმ ანტონაკის ნაამბობს: „აი უკვე უხმობენ ექიმს ჭირით შეპყრობილ დაუდ ფაშასთან. ექიმს თავზარი დაეცა, როცა ქუჩაში გავიდა. ცოცხალი არსება არსად იყო, ყველგან მხოლოდ დახოცილები ეყარნენ. გახრწნილ გვამებს მშვიერი ძაღლები დასტრიალებდნენ თავს და ნაკუწ-ნაკუწ გლეჯდნენ. სასახლეც დაცარიელებულიყო. ფაშას ხუთ ჰარამხანაში, სადაც ოც-ოცი მოსამსახურე შავკანიანი მხევალი იყო, არც ერთი ქალი ცოცხალი აღარ გადარჩენილა. აღარავინ იყო ფაშას მოწვეული. მოვიდა მისი მეჯინიბე (საისი) და მოახსენა, რომ მრავალრიცხოვანი მსახურებიდან მარტოკა ის დარჩენილიყო და აღარ იცოდა რა ექნა ცხენებისათვის. მართლაც, სულ მალე შეიძლებოდა დაგენახათ, როგორ დაჰქროდნენ ჯგუფებად ოცი-ოცდაათი ცხენი ქუჩებში და ქალაქგარეთ. ფაშა იწვა მარტო, ბნელ ოთახში. მისი სასახლის დიდი ნაწილი ავსებული იყო... გვამებით, მაგ-

³⁸ Путевой журнал Е. И. Чирикова, СПб., 1875, стр. 8.

³⁹ J. B. Fraser, დასახ. ნაშრომი, ვ. 239.

⁴⁰ S. H. Longrigg, დასახ. ნაშრომი, ვ. 266.

რამ აღარაინ იყო, რომ ისინი ფანჯრიდან აღიდებულ და ჩქარ ტიგროსში გადაეყარა. ექიმმა ქრისტიანულ კვარტალში იპოვა ერთი მოხუცი ქალი, რომელმაც თანხმობა განაცხადა ავადმყოფი გამგებლის მოვლა-პატრონობაზე... ჭერ კიდევ გუშინ დიდებული სატრაპი, ახლა იწვა როგორც გლახა, შიშველ ფიცარზე, ბნელ საკუქნაოში, სრულიად მარტო⁴¹.

ასეთი იყო მდგომარეობა ბაღდადში და სხვა ქალაქებსა და სოფლებში, როცა ერაცს თავს დაატყდა ახალი უბედურება. აპრილის შუა რიცხვებიდან უჩვეულო წყალდიდობა დაიწყო. აღიდებულმა მდინარეებმა ნაპირები გადალახეს და დიდძალი ფართობი დატბორეს. დათესილი ყანები წაილექა, სოფლები და ქალაქები დაინგრა, მოსახლეობა განადგურდა. განსაკუთრებით დაზარალდა ბაღდადი, პილე, ბაარა და მათ ახლომდებარე რაიონები. 21 აპრილს მდინარე ტიგროსმა ბაღდადის ზემოთ ჭებირი გაარღვია და ქალაქში შევარდა. 26 აპრილს, სწორედ, მაშინ როცა დაუდი ავადმყოფობამ საწოლს მიაკრა, წყალმა უკვე დაანგრია ქალაქის ჩრდილოეთი გალავანი და სასახლის ნაწილი⁴². პირველ 5 საათში მან 200 სახლი წააღწია, 34 საათში — 7000⁴³, ხოლო წყალდრობისაგან სულ ქალაქს სამი მეოთხედი დაინგრა⁴⁴.

28 აპრილიდან წყალდიდობამ თანდათან იკლო, მაგრამ დატბორილ ადგილებში, ორმოებსა და სარდაფებში ჩამდგარი წყალი დიდხანს არ დამშრალა: ჩაღმა, ამყარალდა და წარმოიშვა ციებცხელება, რომლის სახით ერაცს კიდევ ერთი საშინელება ეწვია. ის, ვინც ეამსა და წყალდიდობას გადაურჩა, ახლა ამ სნეულებამ შეიპყრო და მისი მსხვერპლი გახდა⁴⁵. თუმცა მოსახლეობას ახლა მარტო ეს როდი ანადგურებდა. წყალდიდობასა და ზანგრძლივ ეპიდემიებს მოჰყვა მოუსავლიანობა, ამას კი შიმშილობა. ყოველივე ამან ქვე-

⁴¹ Путевой журнал Е. И. Чирикова, стр. 9—10.

⁴² ფრეზერის გადმოცემით, ამ გარემოებას დაუღ ფაშა ერთობ ჩაუფიქრებია. მას აღარ სტოღნია საით წასულიყო, რომ უნიშრად მოესენა. სასახლეს თურმე ყოველ წუთში დანერევა მოელოდა. ამიტომ მას ქალაქიდან გასვლა მოუნდომებია და ინგლისელი მისიონერის ა. ვროუესის ერთ-ერთი მსახურისათვის უთხოვია ტვილორთან წასულიყო, რათა ამ უკანასკნელს მისთვის ნაეი გაეგზავნა, მაგრამ შენავეთა რაზმიდან ერთი კაცის გარდა ყველა დახოცილი ყოფილა და ფაშას წასვლა კედარ მოუხერხებია (J. B. Fraser, დასახ. ნაშრომი, ვვ. 245).

⁴³ S. H. Longrigg, დასახ. ნაშრომი, ვვ. 266.

⁴⁴ Б. И. Шелковников, დასახ. ნაშრომი, ვვ. 88.

⁴⁵ J. R. Wellsted, დასახ. ნაშრომი, ვვ. 294.

ყანა დასცა. გააუკაცრიელა და გააუდაბურა. მაშინდელი არასრული სტატისტიკური ცნობებით, 1830 წლამდე ქ. ბაღდადში დაახლოებით 150.000 კაცი ცხოვრობდა, შემდეგ კი 20.000 კაციღა დარჩა; ბასრაში ადრე 80 000 მცხოვრები იყო, ხოლო ჟამიანობის შემდეგ, 1849 წელსაც იქ 6000 კაცზე მეტი აღარ ცხოვრობდა. კიდევ უფრო დაზარალდა ძველი ბაბილონის ნანგრევებზე აღმოცენებული ქალაქი ჰილე. მისი 10 000 მცხოვრებიდან ჟამს, წყალდიდობას, ციებ-ციხელებას და შიმშილს მხოლოდ რამდენიმე კაცი გადაურჩა. წყალდიდობისაგან მარტო ბაღდადში დაინგრა 15 000 სახლი.

სერიოზული ზარალი განიცადა საფაშოს შეიარაღებულმა ძალებმაც. ბაღდადში მყოფი რეგულარული არმიის 8 ათასეულიდან არც ერთი კაცი აღარ გადარჩენილა. 7 ათასიან ფაშას ლეგიონიდან 5 000 დაიღუპა; ქალაქ ჰილეში დაბანაკებული ათასეული დაიშალა. პოლკოვნიკ ტელიორის მიერ ინგლისურ ყაიდაზე შედგენილ და გაწვრთნილ ცხენოსანთა ათასეულიდან ცოცხალი მხოლოდ ერთი კაცი გადარჩა. ასეთივე ბედი ეწია 1000 ქართველისაგან შემდგარ დაუდის რჩეულ რაზმს — „გვარდიას“, სადაც 4 კაცის გარდა ყველა ჰირმა იმსხვერპლა. უარესი ამბები მოდიოდა ერაყის სხვა მხარეებიდან: ქირაქქიდან, ხანიკინიდან, შაპრიზურიდან და სხვ., სადაც სოფლებსა და დასახლებული პუნქტების მოსახლეობა მთლიანად ამოწყდა⁴⁶. ასეთ პირობებში, მიწასთან გასწორებულ ქვეყანას მტრის წინააღმდეგ ბრძოლა არ შეეძლო. მიუხედავად ამისა, დაუდ ფაშა ქედს არ იხრიდა და კვლავაც ცდილობდა მოწინააღმდეგის შეკავებას. მან ხელი მიჰყო აღდგენითი ხასიათის სამუშაოთა განხორციელებას, შეუდგა უდაბნოებიდან ბელუჩინების გადმოყვანას და დასახლებას სოფლად და ქალაქად⁴⁷, რათა ამით რეალური პირობები

⁴⁶ А. А. Д а м о в, დასახ. ნაშრომი, გვ. 428.

1831 წელს ერაყში მომხდარი სტიქიური უბედურებებისა და მათი შედეგების შესახებ ვრცელ ცნობებს იძლევიან ავრეთვე მაშინ ბაღდადში მყოფნი: ქ. ვ ე ლ ს ტ ი დ ა (დასახ. ნაშრომი, ტ. I, გვ. 280), ინგლისელი მისიონერი ა გ რ ო ვ ე ს ი (Journal of a Residence in Bagdad, London. 1832), ეურნალისტი ქ. ს ტ ო ქ უ ე ლ ე რ ი (Fifteen months' pilgrimage through untrudened parts of Khuzistan and Persia. 1832, p. 57) და ფრანგი ბოტანიკოსი ო შ ე - ლ უ ა (დასახ. ნაშრომი, გვ. 328); კ ო რ ა ც ი ო ს ა უ დ გ ა ტ ი (Narrative of a tour through Armenia, Koordistan, Persia and Mesopotamia, II, p. 189) და ა ბ ა ს ა ლ - ა ზ ა ვ ი, რომელიც ვვაუწყებს, რომ ირანის მხრიდან მოსულმა ჰირამ, სულ მოკლე დროში ბაღდადს რომ მოედო, ყოველ 100 მცხოვრებიდან მოკლა 95 და გაანადგურა მთელი არმია (იხ. მისი დასახ. ნაშრომი, გვ. 307).

⁴⁷ Путевой журнал Е. И. Ч и р и к о в а, стр. 10.

მოემზადებინა ქვეყნის განაშენიანების, სოფლის მეურნეობის სხვადასხვა დარგების, ვაჭრობა-ხელოსნობის აღორძინებისა და, რაც მთავარია, არმიის შექმნისათვის, მაგრამ ამ ღონისძიებათა გატარება მტერმა აღარ დააცალა.

ამბოხებული ბაღდადის ფაშას დასათრგუნავად იმაზე ხელსაყრელი მომენტი, როგორც 1831 წლის გაზაფხული იყო, ალი რიზას არასდროს დაუდგებოდა. ამიტომ მანაც აღარ დააყოვნა საომარი მოქმედების დაწყება და, შეწყდა თუ არა შავი ჭირი, მაშინვე შეტევაზე გადავიდა. თავისი მოადგილე ალპაჯ კასიმ ფაშა უმარი, სანდო პირთა რაზმების თანხლებით, ქ. მოსულიდან უდაბნოს გზით სამხრეთისაკენ გაგზავნა, რათა მოულოდნელად თავს დასხმოდა ერაყის დედაქალაქს, დაუფლებოდა მას და დაეტყვეებინა მისი გამგებელი. ამასთან, იმაზეც იზრუნა, რომ დაუდისთვის გაქცევის შესაძლებლობა არ მიეცა. ცენტრალური მთავრობის ნებართვით, მან ირანს მიავლინა თავისი საგანგებო წარმომადგენელი ჰაჯი აჰმედ ეფენდი⁴⁸, რომელსაც ალ-აზავის ცნობით, დეალებული ჰქონდა შაჰისათვის მოეხსენებინა დაუდ ფაშას საქციელისა და მის წინააღმდეგ სულთნის მიერ მიღებული გადაწყვეტილების შესახებ და ეთხოვა: არ მიეცათ მისთვის თავშესაფარი, თუ იგი ამ მხარეში გაქცევას დააპირებდა⁴⁹.

ალი რიზას ბრძანებით კასიმ ფაშა უმარი 1831 წლის ივნისისთვის დამდეგს სამხრეთისაკენ დაიძრა. მის წინააღმდეგ ჩრდილოე-

⁴⁸ Отношение гр. Нессельроде к ген. адют. Панкратьеву от 27-го августа 1831 года, № 1850 (АКАК, т. VII, стр. 740).

⁴⁹ الزاوي، დასახ. ნაშრომი, გვ. 307. ასეთსავე ცნობას ეხედებით ლონგრიგთანაც (დასახ. ნაშრომი, გვ. 268). დოკუმენტები კი ცხადყოფენ, რომ სულთანი შაჰს სამხედრო დახმარებასაც სთხოვდა. ამ მხრივ მნიშვნელოვანია «გრავ ნესლროდეს 1831 წლის 27 აგვისტოს წერილი გენერალ-ადიუტანტ პანკრატევისადმი», რომელშიც სხვათა შორის ნათქვამია: «თანახმა ცნობებისა, რომელთა უტყუარობაში ექვის ბიტანა შეუძლებელია, სპარსეთში საომარი საზღადის გამოწვეულია სულთნის თხოვნით, რომლითაც მიმართა შაჰს, რათა დაიყოლოს იგი და გაგზავნოს თავისი ჯარი აქანყებული ფაშას წინააღმდეგ საბრძოლველად ზღადადში. ასეთი იყო მიზანი, როგორც ამბობენ, ოსმალეთის წარმომადგენლის ჰაჯი აჰმედ ეფენდისა. მის ასეთ ნაბიჯს კეთილგანწყობილად შეხედნენ და ფიქრობენ, რომ სპარსეთის არმიის რაზმმა შემდგარმა 1000 ქვეითის, 1000 მხედრისა და 2 ზარბაზნისაგან მიიღო ბრძანება შეუერთდეს ალჰოს ფაშას მიერ თავმოყრილ ძალებს ამბოხებული ბაღდადის ფაშას დასამორჩილებლად». (Отношение гр. Нессельроде к ген. Панкратьеву от 27-го августа 1831 года, № 1850 (АКАК, т. VII, стр. 740).

თისავენ ვაგზავნულმა ბაღდადის ერთმა მუჯა შეიარაღებულმა რაზმებმა, რომელთაც სათავეში ამირახორი მუჰამედ ეფენდი და მუჰამედ ფაშა ბაბანი ედგნენ, მტრის ჯარებზე შეჩერება ვერ შესძლეს. კასიმ ფაშამ ისინი ორგზის (ქ. ბაჰროუზთან და დატცილთან) დაამარცხა და უკუაქცია.

შემდეგ კასიმი პირდაპირ ბაღდადისაკენ გაემართა და 5—6 საათის სავალზე, ციხე-ქალაქ ქაზიმისთან დაბანაკდა. სანამ საფაშოს დედაქალაქზე იერიშს მიიტანდა, მან ბაღდადის კალის, ტაჰირ ას-სირუზს დაუდ ფაშას გადაყენების ბრძანება გაუგზავნა და აცნობა: პირობა მიეცა მამლუქთა დიდკაცობისათვის, რომ ხელუხლებლად დატოვებდნენ მათ მმართველობას და იქნებოდნენ მისი პატივისცემელნი⁵⁰. ანეთი მოქმედებით კასიმს თავისი მოსვლის მიზეზის გამჟღავნება სურდა, და დაუდის ბანაკში განხეთქილების გამოწვევასა და მოსახლეობის გავლენიანი ფენების გადაბირებას ისახავდა მიზნად, რასაც თითქმის მიაღწია კიდევ. ქალაქის მოსახლეობის ზედაფენის ერთმა ნაწილმა, დარწმუნებულმა იმაში, რომ სტიქიისაგან განადგურებული ერაყის გამგებელს ძალაუფლების შენარჩუნებისათვის ბრძოლა უკვე აღარ ძალუძდა, კასიმის დაპირებები სინამდვილედ მიიღო და დაუდს ზურგი შეაქცია. დიდკაცთა ამ ჯგუფის წარმომადგენლებმა დაუდთან სამსახურს კასიმ ფაშას მხარეზე გადასვლა ამჯობინეს და სიტყვა მისცეს, რომ ისე მოიქცეოდნენ, როგორც ის უკარნახებდა⁵¹.

ამრიგად, იმ დროს, როცა ქ. ბაღდადის კარიბჭესთან მიმდგარი კასიმ ფაშა გადაწყვეტი იერიშისათვის ძალებს იკრებდა, ქალაქში მისი მომხრე ჯგუფი შეიქმნა და კადი ტაჰირის ხელმძღვანელობით შიგნიდან გადატრიალებას ამზადებდა. ამ ჯგუფის ამოცანა იყო დაუდ ფაშას გადაყენება, დატყვევება და საფაშოს ხელისუფლების სათავეში კასიმ ფაშას დასმა, რაც გარკვეულთ ჩანს ტაჰირის მიმართვაში ჯგუფის წევრებისადმი: „...უკეთუ ახალი გამგებლის მოადგილე ქალაქში მაშინვე შესვლას ვერ შეუძლებს, იგი თქვენ ამბოხებულებად ჩაგთვლით; ამიტომ ვიდრე ასეთ უსინდისობას დაგწამებდეთ, უმჯობესია დაუდ ფაშა სასახლეში გამოამწყვდიოთ, საიმედოდ დაცეის ქვეშ იყოლიოთ. თვითონ კი კასიმის შესახვედრად გასწიოთ

⁵⁰ الزاوي, დასახ. ნაშრომი, გვ. 311.

⁵¹ იქვე.

და ის ხელისუფლების სათავეში დასვათ; ამით თქვენ დაუმტკიცებთ თქვენს ერთგულებას ოსმალეთის იმპერიის მთავრობას და იგი შეგიწყალებთ⁵². აქ, როგორც ვხედავთ, მოცემულია არა მარტო ჭგუფის ამოცანა, არამედ ამ ამოცანის განხორციელების გზა და ხერხებიც.

მართალია, დაუდი სიკვდილს გადარჩა, მაგრამ ნაავადმყოფარი ჯერ მაინც სუსტად გრძნობდა თავს, სიარული და სათაშოს საქმეების მოვლა წინანდებურად აღარ შეეძლო. სამ დღეში ერთხელ თუ გამოჩნდებოდა მისაღებ დარბაზში ქვეყნის მდგომარეობის გასაგებად და სათანადო განკარგულებების გასაცემად. მასთან სათათბიროდ მისული მოხელეები სხდომის დამთავრებისთანავე ტოვებდნენ სასახლეს იმის შიშით, რომ ეჟი არ შეყროდათ. სასახლეს სულ 5 თუ 10 მონა-მსახური იცავდა და მათაც უფლება ჰქონდათ, ღამით ყარაულობის შემდეგ, თავიანთ ბინებში დაბრუნებულყვნენ. ასე რომ, ფაშა და მისი რეზიდენცია ფაქტიურად უმეტესადაა იყო მიტოვებული, რაც კარგად იცოდნენ კასამ უმარის მოკავშირე ჭგუფის წევრებმა და მოხერხებულადაც გამოიყენეს თავიანთი მიზნის მისაღწევად. ერთხელ, მზის ჩასვლამდე ერთი საათით ადრე⁵³ (სხვა ცნობით, ზუსტად 11 საათზე)⁵⁴, ბაღდადის მოქალაქეთაგან შემდგარი ორასკაციანი რაზმი თავს დაესხა სასახლეს აშ-შეიხის უბნიდან, ცეცხლი წაუკიდეს მას და მაშინვე უკუიქნენ. როგორც შემდეგ გამოირკვა, ეს იყო ნიშანი კასიმისადმი დამორჩილებისა და ამ უკანასკნელის შეტევაზე გადასვლის, რაც სულ მალე დაიწყო კიდევ.

ასეთ ვითარებაში სასახლეში ფაშას დარჩენა და იქიდან ხელმძღვანელობა უკვე აღარ შეიძლებოდა. იგი მიხვდა, რომ თუ ადგილსამყოფელს დროზე არ გამოიცივლიდა, მის სიცოცხლეს სერიოზული საფრთხე მოელოდა. ამიტომ დაუდმა დაუყოვნებლივ დატოვა სასახლე და მსახურის, ეთიოპიელი ფირუზის⁵⁵ თანხლებით, თავისი ყოფილი მოხელის მუჰამედ ალა ყარა ბიბერის⁵⁶ ქვრივის ჰაბი-

⁵² Cl. Huart. დასახ. ნაშრომი, გვ. 184.

⁵³ იქვე, გვ. 186.

⁵⁴ عزاء დასახ. ნაშრომი, გვ. 313.

⁵⁵ იქვე.

⁵⁶ ყარა ბიბერ — „შავი წიწკა“, ასეთი ნეტახელი ჰქონდა შერქმეული მუჰამედ ალას საიის გამო.

ზე ხანუმის ბინაზე გადაბარგდა. მაგრამ აქ დიდხანს ყოფნა აღარ დააცალეს. მეორე დღეს, ქალაქის თავკაცებმა, დიდებულებმა და უღემებმა თავაზიანობის წესების დაცვით ის თანამემამულის, სალიპ ბეგის⁵⁷ ბინაზე გადაიყვანეს⁵⁸ და სახლის პატრონს საგანგებო ხელწერილი ჩამოართვეს, რომ ტყვე ფაშა ალი რიზასათვის მიეყვანა, როცა ის ბაღდადში მოვიდოდა⁵⁹. თვითონ კი კასიმს მაშინვე ქალაქგარეთ ეახლნენ, კარი გაუღეს, სასახლემდე მიაცილეს და საფაშოს გამგებლად დასვეს.

ამრიგად, კასიმ ფაშა უმარმა და მის მხარეზე გადასულმა ქალაქის მოსახლეობის გავლენიანმა ჯგუფმა დასახულ მიზანს მიაღწიეს. კასიმმა ბაღდადელ დიდებულთა მხარდაჭერით და მოქმედებით დაუღის ადგილი დაიჭირა, ხოლო ბაღდადელებმა თავიდან აიცილეს ომი, გადაარჩინეს საკუთარი ქონება და მოიმადლიერეს სულთანს.



მას შემდეგ, რაც კასიმ ფაშამ ბაღდადში შესვლა მოახერხა და ციხესიმაგრეს დაეუფლა, ბრძოლის ბედი მის სასარგებლოდ უკვე გადაწყვეტილი იყო. როგორც ქალაქს, ისე საფაშოს გარკვეულ ნაწილს ამიერიდან მისი რაზმები დაეპატრონენ და გამარჯვებას ზეიმობდნენ. ასეთ პირობებში ვერავინ იფიქრებდა, რომ სალიპ ბეგის ბინაში ჩაკეტილი ტყვე დაუღი შეძლებდა ძალაუფლების დაბრუნებას.

⁵⁷სალიპ ბეგი იყო სულეიმან ფაშა ბუიუქის ერთ-ერთი ვაჟიშვილი და დაუღის მოერ სიყვლით დასჯილი საიდ ფაშას ძმა.

⁵⁸J. B. Fraser, დასახ. ნაშრომი, ტ. I, გვ. 261; ალ-აზზავი, გვ. 313 და სხვანი.

⁵⁹Cl. Huart, დასახ. ნაშრომი, გვ. 186. მათი ამგვარი გადაწყვეტილების მიზანი ალ-აზავის აზრით, ის იყო, რომ დაუღს ალისათვის „ოდნავი წინააღმდეგობის გაწყვეთა და შეუტაცხყოფის მიყენების შესაძლებლობაც კი წართმეოდა და დანებებ-

ბოდა, რათა აღის მისთვის ეპატიებინა“ (العزّاوى, დასახ. ნაშრომი, გვ. 313).

როგორც ვხედავთ, ბაღდადის თავკაცებს, როცა ფაშა შინაპატიმრობაში აყვადათ, ის მოსაზრება ამოძრავებდათ, რომ ოსმალეთის ცენტრალური ხელისუფლების წინააღმდეგ წარმოებული ბრძოლა შეეწყვეტათ და ამ ბრძოლის მოთავე დაუღიც გადაერჩინათ.

იოლი გამარჯვებებით გათამამებულ კასიმ ფაშა უმარს თავი უძლეველად მიაჩნდა და რაკი ბალდადის ეალის თანამდებობა დაიკავა, მის დათმობას აღარ აპირებდა⁶⁰. იგი უკვე ალი რიზას წინააღმდეგ ომს გეგმავდა, ლაშქარს აგროვებდა და თან მისთვის საშიში ძალისაგან ქალაქის გაწმენდას შეუდგა, რომ ძალაუფლება განეპტიცებინა. ასეთ საშიშ ძალად მას მამლუქები, მათი თანამზრახველები და ერაყის ყოფილი გამგებელი დაუდი მიაჩნდა⁶¹, ვინაიდან მათი ავტორიტეტი და გავლენა მასებში ამ დამარცხების შემდეგაც უფრო დიდი იყო, ვიდრე ახალი გამგებლისა. კასიმმა გადაწყვიტა, რადაც უნდა დაჯდომოდა, გაენადგურებინა ისინი და „ღივანს“ დაუდის მოყვანა მოსთხოვა. მაგრამ ღივანის წევრებმა (მათ შორის იმათაც, ვინც ფაშას პურ-მარლით შეეგება, ქალაქის გასაღები ჩააბარა და ხელისუფლების სათავეში დასვა) შეიტყვეს თუ არა ტახტის ნაძიებლის ამ განზრახვის შესახებ, კატეგორიული უარი თქვეს ბრძანების შესრულებაზე⁶². მათი უმრავლესობა ან დაუდ ფაშას ყოფილი მოხელეები იყვნენ, ან თვით მამლუქები და მალე მიხვდნენ, რა შეცდომაც ჩაიდინეს. მათი ეს ერთსულოვანი უარი იყო პირველი, თანაც სერიოზული პროტესტი, რომლითაც დაიწყო ახალი შემობრუნების ეტაპი კასიმ ფაშა უმარსა და დაუდ ფაშას შორის ბრძოლაში. კასიმ ფაშას პოლიტიკით უკმაყოფილო ქალაქის თავკაცების უმეტესობამ მორჩილ მოსახლეობასთან ერთად კვლავ დაუდის მხარეზე იწყო გადასვლა, რამაც მკვეთრად შეცვალა ძალთა თანაფარდობა. შეიქმნა პერსპექტივა ჯერ ქალაქიდან, ხოლო შემდეგ მთელი საფაშოდან კასიმ ფაშას გაძევებისა და მამლუქთა მმართველობის აღდგენისა. ამას ახლა აშკარად გრძნობდნენ არა მარტო დაუდი და მისი მომხრეები, არამედ მოწინააღმდეგენიც. ამიტომ მოსალოდნელი საშიშროების თავიდან ასაცილებლად კასიმ ფაშამ გადაწყვიტა დაესწრო ბალდადის საფაშოს გამგებლისათვის და აჯანყების დაწყებამდე მოეკლა. იგი ღამით მოულოდნელად გავიდა სასახლიდან, ჩაჯდა ნავში და მდ. ტიგროსით გაემართა იმ შენობისაკენ, სადაც დაუდი ეგულებოდა. სალიზ ბეგმა, რომლის ბინაზეც დაუდი იმყოფებოდა, ღამით მოულოდნელად კარზე მიმდ-

⁶⁰ Cl. Huart, დასახ. ნაშრომი, გვ. 166.

⁶¹ იქვე, გვ. 187; العزاوي, დასახ. ნაშრომი, გვ. 313.

⁶² იქვე.

გარ კასიმს პირდაპირ კი არ უთხრა უარი. არამედ დაუწყო მტკიცება, რომ მისი ბრძანების შესრულება, ე. ი. დაუდის გადაცემა, დღისით აჯობებდა: „თუ ეს კაცი თქვენთვის ჯერ არ ჩამიბარებია, — არწმუნებდა იგი ფაშას, — იმიტომ, რომ ვიცი მოკვლა გსურთ. ამბობენ, მას ბევრი სიმდიდრე აქვს; მე რომ ახლა დაგიტოვოთ, დაიწყებენ ლაპარაკს, თითქოს მისი ქონება ჩვენ გავინაწილოთ, და ანგარიშს მოგვთხოვენ, რაც მრავალ უსიამოვნებას მოგვაყენებს. რაკი თქვენ დაყინებული გაქვთ, ხვალამდე მაინც დაიცადეთ, რომ ეს სიმდიდრე გადმოგცეთ დღისით, დივანისა და მოღებების თანდასწრებით ისე, როგორც მე ჩამაბარეს; მე კი დამაბრუნონ ის აქტი, რომელზეც ხელი მოვაწერე და პასუხისმგებელი ვარ“⁶³.

ეს სიტყვები ისე დამაჯერებლად იყო თქმული, რომ სალიკ ბეგის გულწრფელობაში კასიმ ფაშას ექვიც არ შეპარვია. განსაკუთრებით ის მოეწონა, რომ სალიკი დაუდ ფაშასა და მთელი წლის სიმდიდრის გადაცემას დივანის წევრებისა და მოღებების თანდასწრებით აპირებდა, ე. ი. იმათი თანდასწრებით, რომელთა თავიდან მოშორება კასიმს, ბრძანების შეუსრულებლობის შემთხვევაში, ისევე უნდოდა, როგორც ყველა მამულქისა. ამიტომ მიიღო სალიკ ბეგის თხოვნა და სასახლეში დაბრუნდა, რათა ყველაფერი ისე მოეწყო, რომ დაუდ ფაშას გადაცემის ცერემონიალის დროს ყველა იქ მყოფი დიდებული ადგილზე გაეყლიტა. მაგრამ როცა შინ დაბრუნებული კასიმი სხვისი განადგურების გეგმას აწყობდა და დამაჯელი რაზმებს გადაადგილებას ახდენდა, სალიკ ბეგის ბინაზე თავმოყრილმა დაუდის მომხრეებმა მას სასიკვდილო განაჩენი გამოუტანეს. მეორე დღეს, დაუდისა და მისი სიმდიდრის გადაცემის დროს, ის უნდა მოეკლათ.

ამრიგად, 1831 წლის 12 ივნისს, დამით. ერთდროულად შემუშავებულ იქნა ორი დაჯგუფების ორი გეგმა, რომელთა განსახორციელებლად თითოეული მათგანი მოუთმენლად ელოდა გათენებას.

დღით, 13 ივნისს, როგორც ეს დათქმული ჰქონდა სალიკ ბეგთან, კასიმ ფაშამ დივანის შეკრება ბრძანა. რამდენიმე წევრი, ვინც კასიმ ფაშას განზრახვა ჯერ არ იცოდა. დამახებისთანავე გამოცხადდა სასახლეში. დანარჩენები, ვისი დასწრების გარეშეც დაუდის გადაცემა ვერ შედგებოდა, განგებ იკვიანებდნენ. ისინი აჯან-

⁶³ C. I. H u a r i. დასახ. ნაშრომი, გვ. 187. იხ. აგრეთვე ალაზავი, დასახ. ნაშრომი, გვ. 313.

ყებულთ ელოდნენ და ფაშასთან მხოლოდ მაშინ იწყეს სათითაოდ მისვლა, როცა უკვე დაუდის მომხრე მოსახლეობისაგან შემდგარმა ჯგუფებმა მოწინააღმდეგისათვის სრულიად შეუმჩნევლად, სასახლის გარშემორტყმა დაამთავრეს და იერიშზე გადასვლა დააპირეს⁶⁴.

დივანის წევრთა დროზე გამოუცხადებლობის გამო კასიმის გეგმა, მათ ერთბაშად განადგურებას რომ ისახავდა მიზნად, ჩაიფუშა. ამიტომ მან გადაწყვიტა, ვინც უკვე მოსული იყო, იმათ მაინც გასწორებოდა. მაგრამ ამ დროს აჯანყებულებმა სასახლეზე შეტევა დაიწყეს, კასიმი მათთან ბრძოლაში ჩაება და მისი ეს განზრახვაც განუხორციელებელი დარჩა.

მორიგი, უფრო სერიოზული წარუმატებლობა კასიმ ფაშამ აჯანყებულებთან ბრძოლაში განიცადა. მან ვერ შეძლო ერთი დარტყმით დაემარცხებინა მოწინააღმდეგე. ბრძოლამ ხანგრძლივი ხასიათი მიიღო. ეს კი აჯანყებულთათვის უფრო ხელსაყრელი იყო, ვიდრე კასიმისთვის. აჯანყებულებმა პირველი იერიშით სასახლის აღება ვერ შეძლეს, მაგრამ ალყა შემოარტყეს ციხე-ქალაქს, საიმედოდ ჩაკეტეს ყველა შესასვლელი გზა და მტერს მოუსპეს სურსათ-სანოვავის, სამხედრო საჭურვლისა და მაშველი ძალების მიღების ყოველგვარი შესაძლებლობა.

ყოველივე ამან თავიდანვე გადაწყვიტა ბრძოლის ბედი. როგორც კი ციხესიმაგრეში ჩაკეტილ რაზმებს საკვები და საონარი მასალა შემოაკლდათ, იარაღი დაყარეს და მოწინააღმდეგის ბანაკს მიაშურეს. პირველი ბაღდადის დასავლეთ ნაწილში განლაგებული რვაასი უგაილელი და მათი უფროსი მოლა ჰუსეინი იყო. შემდეგ მათ სხვა რაზმებმაც მიბადეს. ზოლოს ციხისთავიც ასე მოიქცა. მისი დაწებების შემდეგ აჯანყებულნი ციხესიმაგრეში შევიდნენ და ხანმოკლე ბრძოლის შემდეგ სასახლეს დაუფლნენ.

აჯანყებულთა მიერ სასახლის დაკავებით კასიმ ფაშას გამგებლობის ხანა დასრულდა. 1831 წ. 15 ივნისს კასიმი და მისი ლაშქრის მეომართა უმრავლესობა ბრძოლაში დაიღუპა⁶⁵, ხოლო იმათ, ვინც სიკვდილს და დატყვევებას გადაურჩა, სასახლე გაძარცვეს და

⁶⁴ S. H. Longrigg, და'ახ ნაშრომი, გვ. 267; العزّاوى, დასახ. ნაშრომი გვ. 214.

⁶⁵ H. H. М у р а в ъ е в. დასახ. ნაშრომი გვ. 43; العزّاوى, დასახ. ნაშრომი, გვ. 316.

ცეცხლი წაუკიდეს. შემდეგ მათ ისარგებლეს იმით, რომ აჯანყებულებს ციხესიმაგრეიდან გასასვლელი იმამ აზამის კარი უმეტოვალყუროდ ჰქონდათ მიტოვებული და სულეიმან ალ-დანამისა და პაჯი ბაქარ ალას წინამძღოლობით გაქცევით უშველეს თავს.

კასიმ ფაშა უმარის და მისი შეიარაღებული ძალების სრული განადგურება აჯანყებულთა სერიოზული წარმატება იყო. ამით მათ თავიდან აიცილეს ფიზიკური მოსპობის საფრთხე, დაპყრობას გადაარჩინეს არაბული ერაყი და ამასთანავე მნიშვნელოვნად გაზარდეს თავიანთი რიგები. ადგილობრივი მოსახლეობის ყველა რჯულისა და სოციალური კატეგორიის წარმომადგენლები, განსაკუთრებით კი გამაჰმადიანებული ქრისტიანები, რომლებსაც აქამდე თავიანთი გამგებლის გამარჯვების იმედი არ ჰქონდათ და ნეიტრალური პოზიცია ეკავათ, კასიმ ფაშას დამარცხების შემდეგ ამბოხებულებს მიემხრნენ და საჯაროდ იფიცებოდნენ, რომ მათთან ერთად თავდადებით იბრძოდნენ დაუდ ფაშას ხელისუფლების დასაცავად⁶⁶.

ყველაფერი ეს, რა თქმა უნდა, საგრძნობლად აუმჯობესებდა დაუდისა და მის თანამოსაქმეთა მდგომარეობას, მაგრამ ძალაუფლების შესანარჩუნებლად სრულიადაც არ კმაროდა. ოსმალეთის სულთნის მიერ ბაღდადის საფაშოს დასაბატონებლად ერაყს მივლენილი ალი რიზა ფაშას დასამარცხებლად აჯანყებულთ ძალა არ შესწევდათ, უამისოდ კი დაუდის ხელისუფლების განმტკიცებასა და ერაყის დაცვაზე ფიქრი ზედმეტი იყო. აჯანყებულთა მდგომარეობა კვლავ უიმედო რჩებოდა. ამას კარგად გრძნობდნენ აჯანყების მოთავენი და, რაკი მტრისაგან თავდაცვა საკუთარი ძალით აღარ შეეძლოთ, გარედან დახმარების იმედი კი არ ჰქონდათ, იძულებული ხდებოდნენ შეეცვალათ ტაქტიკა და დაუყოვნებლივ დაეწყოთ მოლაპარაკება სულთანთან.

ამ მიზნით, კასიმ ფაშას დამარცხებისთანავე, დაუდმა „ხალხის სახელით“ შეადგინა სტამბოლს გასაგზავნი თხოვნის ქაღალდი, შემდგარი სამი ძირითადი ნაწილისაგან. შესავალში, რომელიც შეიცავდა ახსნა-განმარტებას იმისას, თუ როგორ მოხდა კასიმის მკვლელობა. ნათქვამი იყო: „...თავიანთი ხელმწიფის ნების მორჩილ ბაღდადის ადგილობრივ მოსახლეობას დაუდ ფაშა პატიმრობაში ჰყავს: კასიმ ფაშა ქალაქში შევიდა მათი მიწვევით, მაგრამ გახდა

⁶⁶ C. I. Huart. დასახ. ნაშრომი. გვ. 191.

მსხვერპლი აღშფოთებისა, რამაც იფეთქა სულთნის ჯარების მიერ ჩადენილი ძალადობის გამო⁶⁷. მეორე ნაწილში ჩამოყალიბებული იყო ამბოხებულთა ძირითადი მოთხოვნები. კერძოდ, აღნიშნული იყო, რომ „ბაღდადის დროებითი გამგებლობა გადაეცა სალიჰ ბეგს და დაბეჭილებითი თხოვნაა, აღდგენილ იქნეს ძველი მმართველი, ანდა, უკიდურეს შემთხვევაში, დამტკიცდეს მის ადგილზე უკვე არჩეული სალიჰი⁶⁸.

მესამე ნაწილში ჩამოთვლილი იყო ვალდებულებანი. რასაც კისრულობდნენ დაუდი და ბაღდადის მთელი საფაშოს მოსახლეობა. ისინი პირობას დებდნენ, რომ, თუ იმპერიის ცენტრალური მთავრობა მათ მოთხოვნებს დააკმაყოფილებდა. ერთბაშად გაუგზავნიდნენ 20 000 ბურსს ნაღდი ფულით; მთლიანად დაფარავდნენ იმ ხარჯებსაც, რაც ალი რიზა ფაშას სამხედრო ექსპედიციას დასჭირდა და, ამას გარდა, კონტრიბუციის სახით გადასახდელ 2 000 ბურსის ნაცვლად გადაიხდიდნენ 10 000 ბურსს. მაგრამ თხოვნის შემდგენელნი იქვე შენიშნავდნენ, რომ უკეთეს სულთანი უარს იტყოდა მათი მოთხოვნების შესრულებაზე, ეს ვალდებულებანი მექანიკურად დაკარგავდნენ ძალას და აჯანყებულნი მთელი შესაძლებლობით ეცდებოდნენ თავიანთი ინტერესების დაცვას⁶⁹.

როგორც ვხედავთ, ბაღდადის გამგებელი სერიოზულ დათმობაზე მიდიოდა. ამიერიდან მის ამოცანას იმპერიისაგან დამოუკიდებელი ერაყის ანუ, მისივე სიტყვებით რომ ვთქვათ, „ბედნიერი ბაბილოვანის“ სამეფოს შექმნა აღარ შეადგენდა. მისი მიზანი იყო, როგორმე შეენარჩუნებინა ბაღდადის საფაშოს ერთიანობა და თავისი ან სხვა რომელიმე მამლუქის გამგებლობა, ე. ი. გადაერჩინა მისი დიდი წინამორბედი ქულემენი ფაშების მიერ მტკიცედ დამკვიდრებული მამლუქთა მმართველობა.

საკითხის ანგთნაირად გადაწყვეტა ახლა მარტო დაუდის საზრუნავი როდი იყო. ამაზე ფიქრობდნენ აგრეთვე გამაჰმადიანებული ყველა ქრისტიანი და ქალაქის დანარჩენი მოსახლეობა. ისინი, ვინც კასიმ ფაშას ბოროტგანზრახვათა გამოაშკარავების შემდეგ საბო-

⁶⁷ H. H. Murawiev, დასახ. ნაშრომი, გვ. 43—44.

⁶⁸ იქვე, გვ. 44; Cl. Huart, დასახ. ნაშრომი, გვ. 190.

⁶⁹ الغزوى, დასახ. ნაშრომი, გვ. 317; Cl. Huart, დასახ. ნაშრომი, გვ. 191. უარი სარკებლობს თაბით ეფენდის თხოვნებით, თაბითიკი პირადად გაეცნო აღნიშნული თხოვნის ტექსტს სტამბოლში.

ლოდ დარწმუნდნენ. რომ სტამბოლიდან გამოგზავნილი ახალი მმართველს ხელში მათი მდგომარეობა უფრო გაუარესდებოდა, ვიდრე მამლუქი ფაშების დროს იყო. ამიტომ მათ მხარი დაუჭირეს დაუღის ინიციატივას, მიიღეს მის მიერ შემუშავებული თხოვნა და თავიანთი დასტურით ის სულთან მაჰმუდ II-ს გაუგზავნეს.

ამავე დროს ეს ამბავი ალი რიზასაც შეატყობინეს. საგანგებო წიკრიცის ხელით გაგზავნილი წერილით აცნობებდნენ კაპიშის მარცხის მ-ზენებს და სულთნისათვის გაგზავნილი თხოვნის შინაარსს. ამასთან სთხოვდნენ, რომ სტამბოლიდან პასუხის მიღებამდე, ხელი აეღო საომარი მოქმედების გაგრძელებაზე და ბაღდადის საფაშოს გამგებლობის განზრახვანე. თორემ სულერთია, ქალაქში არ შეუშვებდნენ.

ალი ფაშასთან ეს წერილი მამლუქების წარმომადგენელს სუფიან ეფენდის მიჰქონდა. რაც შეეხება სულთანთან გაგზავნილ თხოვნას, მისი ერთი ცალი დამასკოს გზით მიჰქონდათ, ხოლო მეორე ცალი ინგლისის გენერალურმა კონსულმა პოლკოვნიკმა ტეილორმა თეირანში გაგზავნა, რათა იქიდან სტამბოლის საელჩოში გადაეგზავნათ და სულთნისათვის ჩაებარებინათ.

ამ დოკუმენტზე დიდ იმედს ამყარებდნენ დაუდ ფაშა და მისი მომხრენი. მათი ღრმა რწმენით, ფინანსური კატასტროფის წინაშე მდგომი სულთანი უარს არ იტყოდა თხოვნაში ჩამოყალიბებული მოთხოვნების დაკმაყოფილებაზე. რაკი სრულ მორჩილებას ვუცხადებთ. — ამბობდნენ ისინი, — იმედია შეგვიწყალებენ და მარტო ალი რიზას გულისათვის მთავრობა მთელი ქვეყნის განადგურებას არ მოისურვებს⁷⁰. მაგრამ სტამბოლში ასე როდი ფიქრობდნენ. მაჰმუდ II-ს დიდი ხანია ქულებმენების ბატონობის დამხობა სურდა და უკან დახვევას აღარ აპირებდა⁷¹. მან მათი მოსპობა ბრძანა და ალი რიზასაც აცნობა, რაც შეიძლება დაეჩქარებინა ეს საქმე.

* * *

როგორც კი ქ. მოსულში მყოფმა ალი რიზამ შეიტყო, რომ მის მოადგილეს, კასიმს ბაღდადი უომრად დანებდა, მაშინვე კარკები

⁷⁰ Cl. Huart, დასახ. ნაშრომი, გვ. 190.

⁷¹ ეს იდეა მაჰმუდ II-მ მემკვიდრეობით მიიღო სულთ III-ისაგან. პირველად მან განიზრახა მამლუქთა სრული განადგურება და კავკასიიდან ტყვეების ყიდვის აღკვეთა, რადგან. როგორც მას, ისე მისი დივანის წევრებს ეგონათ, რომ ოსმალეთის დაუძლეობის ერთადერთი მიზეზი ქართველი მამლუქების ბატონობა იყო.

ანალა და თვითონაც ამ ქალაქისაკენ გასწია. მაგრამ ის იყო მდინარე დიდი ზაბის სანაპირომდე მიადგინა და გადასასვლელად ემზადებოდა, რომ სუფიან ეფენდი ეწვია და დაუდის წერილი გადასცა. ამ წერილით, აგრეთვე მამულქთა წარმომადგენლის ნაამბობით, პირველად გაიგო კასიმ ფაშას დამარცხება-დალუპების ამბავი და ისიც, რომ ამბოხებულ დაუდს უკვე სულთნისათვის თხოვნის ქალაქით მიემართა და პასუხის მიღებამდე ძალაუფლების დათმობას არ აპირებდა.

დაუდ ფაშას წერილს შინაარსმა ალი რიზა სერიოზულად ჩააფიქრა და იოლი გამარჯვების იმედი საბოლოოდ გაუწელა. იგი დარწმუნდა, რომ კასიმ ფაშას დამარცხების გამო ბალდადი ხელახლა ასაღები იყო და სათანადო მომზადების გარეშე წინსვლა უკვე აღარ შეიძლებოდა. ხოლო, თუ მაჰმუდ II დაუდის თხოვნას დააკმაყოფილებდა, რაც გამორიცხული არ ჩანდა, მაშინ ალი რიზა ბალდადის ფაშად გახდომის შესაძლებლობას კარგავდა. ამიტომ ალიმ გადაწყვიტა სასწრაფოდ შეეკრიბა ახალი ლაშქარი და დაეკავებინა ერაყი მანამდე, სანამ დაუდ ფაშას თხოვნის პასუხად სტამბოლიდან ახალ განკარგულებას მიიღებდა.

ასეთი განზრახვით, ალიმ სწრაფად გადაიყვანა ჯარი მდ. ზაბზე, დაიკავა ქ. ირბილი, გაიმრავლა იქ ლაშქარი და ამის შემდეგ, პირდაპირ ბალდადს მიაშურა⁷².

სტიქიისა და ეპიდემიისაგან გაუეცარიელებულ ქიეყანაში მტრისათვის ჯეროვანი წინააღმდეგობის გაწევა აღარაღის შეეძლო. ანიტომ ლაშქრობა იმდენად შეუფერხებლად მიმდინარეობდა, რომ რამდენიმე დღის შენდეგ ალი რიზა უკვე არაბული ერაყის ტერიტორიაზე გამოჩნდა და მისი მიწა-წყლის დაპყრობას შეუდგა. 7 ივლისს, ხანოკლე ბრძოლის შემდეგ, ალიმ იმამ აზამის ციხესიმაგრე აიღო⁷³. მერე ბალდადს მიადგა და იერიშის მისატანად 15 000-იანი ჯარი აზამიეს ველზე განალაგა⁷⁴.

როგორც უკვე ითქვა, ბალდადში ამ დროს ყველა დარწმუნებული იყო, რომ სტამბოლის სულთნისგან პასუხის მიღებამდე ალი რიზა საომარი მოქმედების გავრცელებაზე თავს შეიკავებდა. ამდე-

⁷² ბ. შელკოვნიკოვის ცნობით. ალი რიზას მისაშველებლად აქ მოსულა შამარ ჯარბას ტომის პეღლი სუფუყი (Б. И. Шелковников, დასახ. ნაშრომი, ნაწ. III, გვ. 88).

⁷³ Н. Н. Муравьев, დასახ. ნაშრომი, გვ. 44.

⁷⁴ العزاوي, დასახ. ნაშრომი, გვ. 319.

ნად. მისი ლაშქრობა მოულოდნელი იყო. მიუხედავად ამისა, ბტრის მოახლოება ქალაქში დროზე შეიტყვეს და შეძლებისდაგვარად თავდაცვისათვის მოემზადნენ. მცველმა რაზმებმა მოწინააღმდეგეს ქალაქში შესასვლელი კარები ჩაურაზეს, დაუდმა კი სასწრაფოდ ქვეყნის გამოჩენილი პირნი და ჯარის მეთაურები მოიწვია და მათთან ერთად ალი რიზას წინააღმდეგ სამოქმედო გეგმა შეიმუშავა.

დაუდმა და მისმა მომხრეებმა გადაწყვიტეს ბრძოლა გაემართათ ალი რიზასათვის და შეთანხმდნენ, რომ „არ მიატოვებდნენ ერთმანეთს, არ დაიწყებდნენ ცალ-ცალკე მოლაპარაკებას ალი ფაშასთან და არც ერთი მათგანი არ შეუთანხმდებოდა მას“. ასეთი რწმენით შეუდგნენ საომარ მზადებას. ჰამდი ბეგ ბაბანის ცნობით, როცა ალი ფაშამ ომის დაწყება გაბედა, დაუდს ჰყავდა დაახლოებით 800 ჯარისკაცია და მეთაურისაგან შემდგარი „ნიზამის“ ქვეითი რაზმი, რომელიც სალიკ ბეგს ებარა, 600—700-კაციანი მსახურთა ცხენოსანი ლაშქარი და 500 უგაილელთა ქვეითი რაზმი⁷⁵, სულ 2 ათასამდე ჯარისკაცი და მეთაური. მეტი ჯარი არ ჰყავდაო, დასძენს ავტორი⁷⁶. მაგრამ, შესაძლოა, ეს შემცირებული რიცხვია და ნამდვილად ბაღდადის ფაშას მეტი რაოდენობის ლაშქარი გააჩნდა. ამას გვაფიქრებიათ კლ. უარის ცნობა, სადაც აღნიშნულია, რომ იმ დროს დაუდს მარტო ბაღდადში თავმოყრილი ჰყავდა 500 კაცისაგან შემდგარი „ნიზამის“ (ახალი რეგულარული არმიის) რაზმი, 1500-კაციანი რეზერვი, ქვეითების რაზმი, რომელიც მთლიანად შედგებოდა ბაღდადის გარეუბნის მცხოვრებთაგან. უგაილის რაზმი და არტილერია. სულ დაახლოებით 3000, თუ მხედველობაში არ ვიქონიებთ იმ 4—5 ათასს კაცს, რომლებიც მას საფაშოს სამხრეთ რაიონებიდან უნდა მოსვლოდა⁷⁷.

ფაშას ბრძანებით, ეს რაზმები წყალდიდობისაგან დანგრეული ქალაქის დასავლეთ ნაწილში განალაგეს. უგაილის რაზმი, ხაზინადარ სულეიმან ალას მეთაურობით, ქაზინიეს კარს დარაჯობდა; „ნიზამისა“, რომელსაც მუჰამედ ალა წინამძღოლობდა, ქარიმის კარს იცავდა; მსახურთა ცხენოსანი ჯარი მოლა ჰუსეინის განკარგულებაში იყო და ციხესიმაგრეში იდგა, ხოლო რჩეულ მამულქტა ევე-განაყოფი ბორცვებთან ჩაასაფრეს. იქვე დააყენეს რამდენიმე ქვე-

⁷⁵ مرآة الزوراء ، ص ٤٥

⁷⁶ იქვე.

⁷⁷ C. I. Huart, დასახ. ნაშრომი, გვ. 192, 196.

მეხი და ამით ქალაქის ყველაზე სუსტი ადგილი, საიდანაც მტერი შემოსვლას დააპირებდა, თითქმის საიმედოდ იყო დაკეტილი. ოღონდ, ახლა საჭირო იყო ისეთი კაცის მონახვა, ვინც სათავეში ჩაუდგებოდა ამ შეიარაღებულ ძალებს და უნარიანად უხელმძღვანელებდა მათ. ასეთ კაცად, ჩვეულებრივ, ფაშა უნდა ყოფილიყო, მაგრამ ვეადმყოფობის შემდეგ დაუდი თავს სუსტად გრძნობდა. ის ცხადია თავს ვერ გაართმევდა ალი რიზას ლაშქრობის გამო საფაშოში შექმნილ რთულ ამბებს. დივანთან წინასწარი შეთანხმებით, შეიარაღებული ძალების სარდლობა მან თავის ნათესავს, ბალდადში იმ დროს ყველაზე ავტორიტეტულ ალ-ჰაჯ სალიმ ბეგს გადაულოცა და თანამემწედაც ის დანიშნა⁷⁸.

სალიმ ბეგი ახალი თანამდებობის მიღებისთანავე ქვეყნის თავდაცვას სათავეში ჩაუდგა და მინდობილი საქმის შესრულებას მონდომებით შეუდგა. მას მზნად ჰქონდა, რაც შეიძლება მალე გადაეჭრა პირველი რიგის გადაუღებელი ამოცანა და მცირე მსხვერპლის გაღებით მტერზე გამარჯვება მოეპოვებინა, მაგრამ ამისათვის საჭირო იყო სათანადო ჯეჟა-გონება და გამბედაობაც, რაც მას საშუაუნაროდ არ აღმოაჩნდა. სამხედრო ხელოვნებაში გაუწაფავი სალიმ ბეგი ომის ტაქტიკაში ჯეროვნად ვერ ერკვეოდა. მოვლენების განვითარების არას ღრმად ვერ სწვდებოდა, სწორ დასკვნებს ვერ აკეთებდა. ამის გამო ის იავიდანვე მცდარ გზას დაადგა. ლაშქრის შეკრებისა და მოწინააღმდეგეზე იერიშის მიტანის ნაცვლად, სალიმ ბეგმა თავდაცვითი ვარიანტი აირჩია, რითაც მისდა უნებლიეთ მტერს ხელი შეუწყო და გააძლიერა. საქმე ისაა, რომ იმ დროს გზები, რომლებითაც ქალაქის გარნიზონსა და მოსახლეობას სურსათ-სანოვავის, სამხედრო მასალისა და მამული ძალების მიღება შეეძლო, ალი რიზას ხელში იყო. აღმოსავლეთის კარის მისადგომებთან უკვე საღუნ აღას რაზმი იღგა, ჰილეს კართან კი — სულეიმან ღანამისა⁷⁹. ასე რომ, ბალდადისაკენ მიმავალი გზები შეკრული

⁷⁸ ნ. მურაიოვი დაუღ ფაშას ამ გადაწყვეტილებას იმითაც ხსნის, რომ ამბოხებულის გავლენა „ხალხზე უკვე თანდათან ეცემოდა“ და წინასწარ ხედავდა „თავის აუცილებელ დაღუპვას“ (Н. Н. Муравьев, დასახ. ნაშრომი, გვ. 44). ამასთან, მისი აზრით, ეს გადაწყვეტილება ფაშას უნდა მიეღო არა 1831 წლ-ის ივლისში, არამედ უფრო ადრე, როცა ქალაქს კაღმ ფაშა მოადგა (იქვე), მაგრამ არც ერთი არაბული წყარო სალიმ ბეგს ამ დროს მოადგილედ არ ასახელებს. ამ თანამდებობაზე ის პირველად მხოლოდ ალი რიზას მოსვლის დროიდანაა მოხსენიებული (იხ. ღ — ص ، آراء الزوراء).

⁷⁹ المزاوي, დასახ. ნაშრომი, გვ. 320.

აღმოჩნდა. ქალაქის კავშირი გარე სამყაროსთან დაირღვა. ასეთ ვითარებაში აღსათვის გადაწყვეტი იყო დროის ფაქტორი, რათა ქალაქში არსებული სურსათ-სანოვავის და საომარი მასალის მარაგი ამოწურულიყო. ჭარის ნაწილებსა და მოსახლეობაში შიმშილი დაწყებულყო. უპუროდ და უიარალოდ დარჩენილ მეციხოვნეთა რაზმებს უარი ეთქვათ ბრძოლის გაგრძელებაზე და დანებებულიყვნენ. ამიტომ ისიც ერთ ადგილას იდგა და ხელსაყრელი მომენტის დადგომამდე შეტევის დაწყებას არ აპირებდა.

ასე იდგნენ მოწინააღმდეგეთა რაზმები ერთმანეთის პირისპირ და თვალთ ზომავდნენ ერთურთს. მაგრამ ბოლოს მყუდროება მეციხოვნეთა მხრიდან სწორედ იმის გამო დაირღვა, რომ დაიწყო შიმშილობა და შემდეგ—მღელვარებაც. მოსახლეობის ფართო ფენები, რომლებიც სხვაზე ღარიბად ცხოვრობდნენ, ყველაზე მეტად გრძნობდნენ მოსალოდნელი უბედურების მოახლოებას და სურდათ, რომ ხელსუფლება საქმის კურსში ჩაეყენებინათ. მათი წარმომადგენლები სალიპ ბეგის ხშირი სტუმრები გახდნენ, მოახსენებდნენ ზალდადში შექმნილი მძიმე მდგომარეობის შესახებ და რჩევას აძლევდნენ მას. დაუყოვნებლივ დაეწყო შეტევა, რათა გაერღვიათ ალყა და მოსახერხებელი გამხდარიყო ქალაქში სანოვავის შეტანა⁸⁰.

ხანგრძლივი კამათის შემდეგ, სალიპ ბეგი თვითონაც დარწმუნდა, რომ რჩევა-დარიგების უყურადღებოდ დატოვება ალი რიზა ფაშას გამარჯვების დაჩქარებას უღრიდა და შეტევის თადარიგს შეუდგა. 2500-იანი რაზმი, რომელშიც 1500 ქართველი⁸¹ იყო, მოლა ჰუსეინს ჩააბარა და სულეიმან ღანამის მიერ დაკავებული ჰილეს კარის მიხადგომების განთავისუფლება უბრძანა. მეორე ასეთი რაზმი ჰასან ალას მეთაურობით საიდ ფაშას ბაღში განლაგებული მოწინააღმდეგის ქვემეხების მოსასპობად დაიძრა, ხოლო ბაზიერთუხუცესის ვაჟს. იბრაჰიმ ალას რჩეული ცხენოსანთა ასეულით იმამ აზამის გზაზე დაყენებული ქვემეხებთან მოშლა დაავალა.

მეციხოვნეთა შეტევაზე გადასვლა მოლა ჰუსეინის რაზმის იერიშით დაიწყო და პირველ ხანებში წარმატებით მიმდინარეობდა. ალი ფაშას სარდალი სულეიმან ღანამი ამბოხებულთა უეცარ

⁸⁰ العزّاوى, დასახ. ნაშრომი, გვ. 320.

⁸¹ იქვე, გვ. 321.

თავდასხმას არ მოელოდა; თავდამსხმელთა შეკავება ველარ შეძლო, დამარცხდა და დიდად დაზარალებული უკუიქცა⁸².

სულეიმან ლანაშხე მოპოვებული იოლი გამარჯვებით გათამამებული მოლა ჰუსეინი, ჰილეს კარის მისადგომთა გათავისუფლების შემდეგ, სოფელ იმამ მუსასთან დაბანაკებულ აბუ ბაქრ აღას რაზმის დასალაშქარავად გაემართა. მას განზრახული ჰქონდა, რომ მტერზე თავდასხმა აქაც ღამით, მოულოდნელად მოეწყო. მაგრამ წყალდიდობის დროიდან იქ გაჩენილი ჰაობების გადალახვა სიბნელეში ვერ მოასწრო. დღისით კი მოწინააღმდეგის ქვემეხების გაუვალი ცეცხლის რკალში მოექცა და იძულებული გახდა უკან გაბრუნებულიყო.

სამაგიეროდ. წარმატებით მიმდინარეობდა ჰასან აღას რაზმის შეტევა. მიუხედავად მტრის რაზმების გააფთრებული წინააღმდეგობისა, მან ამ დროისათვის უკვე მოახერხა მოწინააღმდეგის დაცვის გარღვევა, ხელთ იგდო ზარბაზნები და ტიგროსის მარჯვენა სანაპირო მთლიანად გაათავისუფლა. ასე რომ, იქმნებოდა კარგი შესაძლებლობა მტრის საბოლოოდ განსადევნად, თუკი იმამ აზამის გზის მიმართულებით მოქმედი იბრაჰიმ აღას შეტევაც ასეთივე წარმატებით განვითარდებოდა. მაგრამ იბრაჰიმი, თავისი უვიცობის, ჭიუტობის და ზედმეტი თავმოყვარეობის გამო, ამ გადამწყვეტ ზრქოლაში სასტიკად დამარცხდა. კონტრშეტევაზე გადმოსულმა ალი რიზამ სწრაფად დაიბრუნა მეციხოვნე რაზმების მიერ გათავისუფლებული ტერიტორია, ბაღდადი კვლავ ალყაში მოაქცია და საფაშოს სამხრეთ რაიონების თანდათანობით დაპყრობა-შემომტკიცებას შეუდგა, რის გამოც გარემოცვაში მყოფთა მდგომარეობა კიდევ უფრო გაუარესდა. 1831 წლის აგვისტოს ბოლო რიცხვებისათვის ქალაქში უკიდურესი გაჭირვების გამო იმატა უკმაყოფილებამ მოსახლეობასა და ჯარში, გახშირდა დეზერტირობის შემთხვევები. რიგით ჯარისკაცებთან ერთად მოწინააღმდეგის ბანაკს მეთაურებმაც მიაშურეს; იქმნებოდა ჯარის დეზორგანიზაციის აშკარა საშიშროება. ასეთი რთული ვითარება, როცა დრო აჯანყებულთა საწინააღმდეგოდ მოქმედებდა, საფაშოს ხელისუფლებისაგან მოითხოვდა დაუყოვნებლივ და ზუსტ მოქმედებას, მაგრამ მთავრობა ამ დროს იმდენად დაბნეული იყო, რომ ამის უნარი აღარ ჰქონდა. იმ დროს,

⁸² العزّاوى, დასახ. ნაშრომი, გვ. 321.

როცა ალი რიზა სამხრეთ რაიონებს იპყრობდა, სალიპ ბეგის დივანში გაუთავებელი მსჯელობა მიმდინარეობდა იმის შესახებ, თუ რა ექნათ. ნაპოლეონის ყოფილი ოფიცრის, დაუდ ფაშას მიერ სამხედრო ინსპექტორად ბალდადში მიწვეულ დევოს რჩევით, დამარცხების თავიდან აცილების ერთადერთი საშუალება მხოლოდ შეტევა შეიძლებოდა ყოფილიყო: „აღარ არის იმედი იმისა, — ამბობდა იგი დივანის სხდომაზე, — რომ საიდანმე დახმარება მივიღოთ. შიმშილობა გრძელდება და მატულობს მაშინ, როცა ალი რიზას ძალები ყოველდღე იზრდება. ამიტომ ბოლო უნდა მოეღოს ამას გადამწყვეტი ბრძოლით“⁸³. მისი აზრით, დანიშნულ დროს მეციხოვნეთა ერთ რაზმს, დაახლოებით 400—500 კაცის შემადგენლობით შეტევა უნდა დაეწყო საიდ ფაშას ბალისაყენ. იმავე დროს მეორე რაზმი გამოჩნდებოდა იმამ აზამის კართან, ხოლო 1—2 საათის შემდეგ იმამ მუსას კართან ასეთსავე გამოსვლას ზოაწყობდნენ დანარჩენი რაზმებიც. ამის დანახვაზე მტერი, რომელსაც თავისი ძალები თითქმის ორი საათის სავალ მანძილზე უწყურბროდ ჰყავდა გაფანტული, უსათუოდ იფიქრებდა, რომ აჯანყებულნი ამ მიმართულებით აპირებდნენ შეტევას და ჯარებსაც იქ მოუყრიდნენ თავს. მაშინ კი დევო ერთი ქვეითი ბატალიონით, 800-მდე მხედრითა და 4 ქვემეხით თეთრი კარიდან გამოვიდოდა, გათენებისას, მეზარბაზნეების მხარდაჭერით, უეცრად თავს წაადგებოდა სალიპიეში დაბანაკებულ ალი რიზა ფაშას და ერთი დაკვრით ვანადგურებდა.

დევოს სიტყვა სალიპ ბეგის მოადგილე დარვიშ ალას მეტს ყველას მოეწონა. ის დიდხანს არაფერს ამბობდა იმის შიშით, რომ მისთვის საერთო აზრის წინააღმდეგ გალაშქრება არ დაებრალეინათ. ბოლოს, როდესაც სალიპ ბეგმა მას ღუმულის მიზეზი ჰკითხა, დარვიშ ალამ იქ დამსწრეთ მოახსენა, რომ ეს გეგმა მთლიანად ეწინააღმდეგებოდა ამას წინათ სტამბოლს სულთნის სახელზე გაგზავნილ თხოვნაში აღნიშნულ პირობებს და ამდენად მისი მიღება მიზანშეუწონელი იყო. ამბობებულებმა, — განაცხადა მან, — თავიანთ თხოვნის ქალაქში პორტას ერთგულება-მორჩილება აღუთქვეს და ამასთან აცნობეს, რომ სანამ მისგან პასუხს არ მიიღებდნენ, ქალაქში ახალ გუბერნატორს ფეხს არ შეადგმევიანებდნენ. მაგრამ, თუ ჩვენ ახლა ქალაქგარეთ გავალთ და სულთნის ამ ერთ-ერთ მთავარ მოხელეს გავანადგურებთ, რასაც დევო გეთავაზობს, მაშინ.

⁸³ Cl. Huart, დასახ. ნაშრომი, გვ. 197.

ჯერ ერთი, ამას აღარ ერქმევა თავდაცვა და, მეორეც, ასეთ შემთხვევაში ჩვენ მართონი დავრჩებით და ვინ იცის, რას არ დაგვიპირებენ სპარსნი, რომლებიც აგერ ზედ ცხვირზე გვასხედან. ამიტომ „ნუ კიქნებით ისედაც უკვე ნანგრევებად ქცეული ქალაქის სრული დაქცევის მიზეზი. დაველოდოთ ჩვენი მიმართვის პასუხს და ბატონ დევოს წინადადება ბოლოსათვის მოვიტოვოთ“⁸⁴.

მართლაც ირკვევა, რომ იმხანად ირან-ოსმალეთს შორის დაძაბული მდგომარეობა ყოფილა. ირანს განზრახული ჰქონდა შექრილიყო თურქეთის სამფლობელოში მაშინვე, როგორც კი რუსეთი თავის ჭარს გაიყვანდა ოსმალეთის აზიური ნაწილიდან⁸⁵. იმ დროს არზრუმში მყოფ პანკრატიევის ცნობით კი, ქერმანშაჰის რაიონში დაბანაკებული ირანის ჯარები უფლისწულ ალი ხანის მეთაურობით 1830 წლის ივნისში უკვე გამზადებული ყოფილან ბაღდადის საფაშოზე იერიშის მისატანად და მის დასაპყრობად. პანკრატიევისავე ცნობით, მოსალოდნელი თავდასხმის თავიდან აცილების მიზნით, დაუდ ფაშას 1500 ქისა გაუგზავნია ალი ხანისათვის, მაგრამ მას უარი უთქვამს ბაღდადის ფაშას წინადადებაზე და შაჰის განკარგულებას ელოდა, რომ შეტევა დაეწყო⁸⁶. როგორც რუსეთის გენერალურ კონსულის მოვალეობის შემსრულებელი ნ. ბეზაკი მაშინ თავრიზიდან იტყობინებოდა, ალი ხანს ერაყზე თავდასასხმელად გამზადებული ჰყოლია 5 ბატალიონი, 20 ქვემეხი და 2000 კაციანი რაზმი ცხენოსნებისა, სულ 6000 კაცი⁸⁷.

მაშასადამე, იმ დროს, როცა ერაყში სულთნის მიერ გაგზავნილი ალი რიზას ლაშქარი ბაღდადს ჩრდილოეთიდან მოადგა, აღმოსავლეთიდან მის დასაპყრობად ირანელები ემზადებოდნენ.

ასეთ ვითარებაში დარეიმ აღას სიტყვამ, რომელიც ამბოხებულთ აშკარა დამარცხებას უქაღდა, იმდენად დიდი შთაბეჭდილება მოახდინა თათბირის მონაწილეებზე, რომ მის წინააღმდეგ კრიტიკ არაეის დაუძრავს, ისე დაიშალნენ.

⁸⁴ С. I. Н у а г т, დასახ. ნაშრომი, გვ. 198.

⁸⁵ Рапорт ген. лейт. Панкратьева... ген. фельдмаршалу и кавалеру графу Паскевичу Ериваускому, №63, мая 21 дня, 1830 года (ЦГИАГ, Ф. 11, д. 46-а, т. I).

⁸⁶ Известия ген. лейт. Панкратьева из Ерзингана, июня 11 дня, 1830 года (ЦГИАГ, Ф. 11, д. 46—а, т. 5—6).

⁸⁷ Исполняющий должность ген. консула в Тебризе его сиятельству... ген. фельдмаршалу... графу Ивану Федоровичу Паскевичу № 262, декабря 24 дня, 1830 года (ЦГИАГ, Ф. 11 д. 50, т. 10).

ამრიგად, თათბირმა დაასრულა მუშაობა. გონების ძალა ვერას გახდა უგუნურებისა და ფანატიზმის წინააღმდეგ. სამხედრო საბჭომ თავს მოახვია აჯანყებულთ თავდაცვასა და ლოდინის ტაქტიკა და ამით საუკეთესო სამსახური გაუწია მოწინააღმდეგეს.

ალი ფაშამ ოსტატურად გამოიყენა აჯანყებულთა სარდლობის ეს სერიოზული შეცდომა. თავისი ჯარის მნიშვნელოვანი ნაწილი სალიპ ჩელები ზადეს მეთაურობით საბერეთ ერაყში გადაიხროლა და ბაღდადის გარნიზონის მისაშველებლად ბასრიდან წამოსული მეთასალიმ აზიზ აღას 5-ათასიანი ლაშქარი გზაში გაანადგურა, რის შემდეგ თითქმის უომრად დანებდა ჯერ ჰილე, ხოლო შემდეგ არაბული ერაყის დანარჩენი რაიონები. სექტემბრის პირველ რიცხვებში სალიპ ჩელები შევიდა ბასრაში და ამ ქალაქის დაკავებით საფაშოს მთელი ტერიტორიის დაპყრობა დაასრულა.

ამ გამარჯვებას უღაღად დიდი მნიშვნელობა ჰქონდა დამპყრობლებისათვის, თუმცა ფინანსური და საერთოდ ეკონომიური თვალსაზრისით ალი რიზასათვის მაინცდამაინც ბევრი არაფერი მიუცია. დაქცეულ ქვეყანაში მან ვერც ფული მოაგროვა და ვერც საკმარაოდენობის სურსათი. ის მარაგი კი, რაც ალემოდან წამოიღო, უკვე შემოიღია, რის გამოც ლაშქარში უკმაყოფილება დაიწყო. უგასამრჯელოდ დარჩენილ და ხანგრძლივი ომებით მოქანცულ მეომრებს მობეზრდათ ამგვარი ყოფა და გადაწყვიტეს. რომ, თუ მათი მდგომარეობა მომავალშიც უნუგეშო იქნებოდა. უარი ეთქვათ ბრძოლაში მონაწილეობაზე, გაეძარცვათ მთავარსარდლის კარავი და შინ დაბრუნებულიყვნენ⁶⁶.

ამგვარად, ალი ფაშას იმ გადამწყვეტ მომენტში, როცა თითქმის მთელი ერაყის მიწა-წყალი ხელთ ეპყრა და მხოლოდ ბაღდადის დაკავება უკლდა, უარმიოდ დარჩენის აშკარა საფრთხე დაემუქრა. ამასთან მოსალოდნელი იყო, რომ, თუ საომარი მოქმედება შემოდგომაზე არ გათავდებოდა, ეს საფრთხე კიდევ უფრო გაიზრდებოდა, რადგან მეომრებს სხვა ვაპირვებასთან ერთად ზამთარში სიცოცხლე შეაწუხებდა. ამ ვითარების შესაბამისად ალი ფაშას ცვლილებების შეტანა მოუხდა თავის ადრინდელ გეგმაში. ამბოხებულ ჯარისკაცებს ბაღდადის სიმდიდრეს შეჰპირდა და ამით დაამოშინა, ხოლო ომი რომ სწრაფად დაესრულებინა, საალყო ბრძოლიდან, რააც აქამდე მიმართავდა ხოლმე, შეტევაზე გადასვლის სამზადისს შეუდგა. მაგრამ საქმე ისე მოეწყო, რომ შეტევა აღარ დასპირვებია.

⁶⁶ C. I. Huart, დასახ. ნაშრომი, გვ. 198.

იმ მომენტში, როცა ალი ჯარებს უყრიდა თავს და მტრის ზურგში ძირგამომთხრელი საქმიანობის გასაჩაღებლად ქალაქში თავის მსტოვრებს გზავნიდა, სტამბოლიდან მაცნე მოვიდა და სასიხარულო ამბავი მოიტანა. სულთან მაჰმუდ II-ს უარი ეთქვა დაუდ ფაშას ნიერ ამბოხებულთა სახელით გაგზავნილ თხოვნაში აღნიშნული პირობების მიღებაზე და ალი რიზას უბრძანებდა, ეს ქალაქი მათთვის დაებრუნებინა, ხოლო თვითონ ისე მოქცეულიყო, როგორც საჭიროდ მიაჩნდა⁸⁹.

ამ ამბავს არ შეიძლებოდა არ შეერყია ამბოხებულთა რწმენა, არ შეესუსტებინა ბრძოლისუნარიანობა და არ მიეყვანა ისინი სრულ სასოწარკვეთილებამდე. ამიტომ ალი ფაშამ აღარ დააყოვნა. ეს ამბავი მაშინვე სალიჰ ბეგს შეატყობინა და წინადადება მისცა, რომ სულთნის ბრძანების გასაცნობად და მოლაპარაკების გასამართავად ერთმანეთს შეხვედროდნენ.

ამბოხებულთა მეთაურმა მიიღო ალის წინადადება და მოლა ჰუსეინი ერთი ოფიცრის თანხლებით ალი ფაშას წარმომადგენელთან შესახვედრად გაგზავნა. შეხვედრა მოეწყო ქალაქგარეთ. სალიჰ ბეგის დელეგაცია გულთბილად მიიღო ალი რიზას ხაზინადარმა, ჰამდი ბეგმა, რომელმაც თავისი უფროსის სახელით მათ მოკლე სიტყვით მიმართა: „ფაშა მიესალმება ჰაჯი სალიჰ ბეგს, მოგესალმებათ თქვენ და ბაღდადის მთელ მოსახლეობას. თუ თქვენ მას აქამდე არ ღებულობდით ქალაქში, ეს მხოლოდ იმიტომ, რომ ელოდებოდით მაღალი პორტას პასუხს. ახლა კი ეს პასუხი მოსულია. იმპერიის მბრძანებელი არ აკმაყოფილებს თქვენს თხოვნას და გიბრუნებთ მას ისეთი სახით, როგორც გაგზავნეთ. ამავე დროს, ჩემმა უფროსმა მიიღო ბრძანება ბაღდადის დაკავებისა და ალბათ, სულ მალე მომცემს საკმაო რაოდენობის ჯარს. ქვეშევრდებსა და სხვას ამ ბრძანების შესასრულებლად. ანუ რომ, ამიერიდან თქვენი მხრიდან წინააღმდეგობის გაწევას შეიძლება ყველა მოქალაქისათვის სავალალო შედეგი მოჰყვეს და პირიქით, თუ თქვენ მას ქალაქს ჩააბარებთ წინასწარ, თუნდაც ერთი საათით ადრე მაინც, თავიდან აიცილნთ იმ აუტანელ ტანჯვას, რაც დიდი ხანია გაწუხებთ და მომავალში კიდევ უფრო გაგაწამებთ. დარწმუნებული იყავით, რომ ჩვენ არ გვაქვს სხვა მიზანი, თუ არა თქვენთვის სიკეთის გაკეთება“⁹⁰. ეს თქვა და

⁸⁹ C. I. Huart, დასახ. ნაშრომი, გვ. 199.

⁹⁰ الأوائى, დასახ. ნაშრომი, გვ. 325; C. I. Huart, დასახ. ნაშრომი, გვ. 199.

ამბოხებულთა დელეგაციას გადასცა სტამბოლიდან დაბრუნებული მათი თხოვნის ქალაქი, რომელზეც უარის ნიშნად სულთანს არაფერი დაეწერა.

ქალაქში დაბრუნებისას დელეგაციის წევრებმა ეს ქალაქი თან წაიღეს და სალიპ ბეგს გადასცეს. ამასთან, ისიც მოახსენეს, რაც ჰამდი ბეგისაგან მოისმინეს. ამ ქალაქის დანახვამ სალიპ ბეგს თავზარი დასცა დელეგაციის წევრებს უბრძანა, ეს ამბავი არავისთვის გაემხილათ⁹¹. თვითონ კი აღარ იცოდა რა ექნა და საგონებელში ჩაეარდნის ღრმა ფიქრებში ჩაიძირა⁹². მაგრამ ამას უკვე არავითარი მნიშვნელობა აღარ ჰქონდა, რადგან ალი რიზას ამ დროს საიდუმლო მიმოწერა ჰქონდა ქალაქში თავის მომხრეებთან, შეთქმულებას რომ ამზადებდნენ სალიპ ბეგის წინააღმდეგ, და ატყობინებდა მათ, რომ სასწრაფოდ გაეგრძელებინათ ეს ცნობა მოსახლეობაში. ასე რომ, სალიპ ბეგისა და მისი დელეგაციის წევრების დუმილი ამ ამბის გავრცელებას ხელს ვეღარ შეუშლიდა და ის მეორე დღეს მთელ ქალაქს მოედო.

სტამბოლიდან მიღებულმა უარმა ყველა შეაჯრთო. ამბოხებულებს საბოლოოდ წაერთვათ იმედი. მოსახლეობის მნიშვნელოვანი ნაწილი აჯანყებას ჩამოსცილდა და მოწინააღმდეგის ბანაკში გადავიდა, რის შედეგადაც საგრძნობლად გაძლიერდა ალი ფაშას მომხრე საიდ ეფენდის ჯგუფი, რომელმაც სრული კონტროლი დააწესა აშ-შაიხის უბანზე⁹³ და დაუპირისპირდა სალიპ ბეგის ჯგუფს. ასეთი ვითარება ქალაქში იმის აშკარა მომანწყავებელი იყო, რომ ციხე შიგნიდან ტყდებოდა და ქულემენტა ხელისუფლების გადარჩენა აღარ შეიძლებოდა. ამიტომ სალიპ ბეგმა უარი თქვა ბრძოლის გაგრძელებაზე და ქალაქი მტერს ჩააბარა. ალი რიზას წარმოდგენლებთან წინასწარი მოლაპარაკების საფუძველზე ბაღდადის გავლენიან პირთა ერთმა ჯგუფმა ქალაქის აღმოსავლეთის კართან მდგომი მცველი რაზმები მოხსნა და 1831 წლის 14 სექტემბერს⁹⁴, მზის ჩასვლიდან ორი საათის შემდეგ, „თიმარჯების ლაშქარი ამ

⁹¹ الأزاوي, დასახ. ნაშრომი, გვ. 325.

⁹² С. I. Н у а г т, იქვე, გვ. 203.

⁹³ მაშინდელი ბაღდადი ცხრა ასეთ ეზონად (შაჰალად) იყოფოდა (Путевой журнал Е. И. Ч и р и к о в а, стр. 2).

⁹⁴ S. H. Longrigg, დასახ. ნაშრომი, გვ. 272—273. ნ. მურაეოვი 15 სექტემბერს ასახელებს (Н. Н. М у р а в ь е в, დასახ. ნაშრომი, გვ. 44).

კარით“ ქალაქში შევიდა⁹⁵ და 16 სექტემბერს მას მთლიანად დაეუფ-
ლა⁹⁶. აჯანყება საბოლოოდ დამარცხდა, მისი მოთავე დაუდი შეიპყ-
რეს და ცოლშვილთან ერთად 24 სექტემბერს სტამბოლს გაგზავნეს.

თავისი ხასიათით ეს აჯანყება ტიპურ ფეოდალურ აჯანყებას
წარმოადგენდა. მისი ინიციატორი და იდეურ-პოლიტიკური ხელმძ-
ღვანელი იყო ბაღდადის საფაშოს გამგებელი, ავანგარდი — სა-
ფაშოს სამხედრო, საერო და სასულიერო ფეოდალები, ხოლო ძი-
რითადი ძალა, რომლითაც ფაშა ცდილობდა თავისი საქმის გაკეთე-
ბას, რეგულარული ჯარი, ცალკეულ ტომთა დაქირავებული ლაშ-
ქარი, ფელაჰები და ხელოსნები.

აჯანყების მიზანი, როგორც უკვე ვთქვით, იყო ოსმალეთის
იმპერიისაგან გამოყოფა და ცალკე სუვერენული სახელმწიფოს,
ე. წ. „ბედნიერი ბაბილონეთის“ შექმნა, რისთვისაც მთელი ძალით
ის მიმართული იყო ოსმალეთის ცენტრალური მთავრობის წინააღმ-
დეგ. ამიტომ გარდა ფეოდალურისა, ამ აჯანყებას ანტიოსმალური
და სეპარატისტული ხასიათიც ჰქონდა.

აჯანყება მომზადებულიც კარგად იყო და დაწყებთაც მეტად
მოხერხებულ მომენტში დაიწყო. რუსეთ-ინგლის-საფრანგეთის
მიერ ამ დროისათვის უკვე დამარცხებულსა და დაუსტებულ ოს-
მალეთს, რომელსაც თავისი იმპერიის შიგნით (რუმელიაში, ანატო-
ლიაში, არაბეთის ნახევარკუნძულზე, ეგვიპტესა და საბერძნეთში)
გაჩაღებული უსასრულო ბრძოლები კიდევ უფრო აუძლურებდნენ,
ომის თავი აღარ ჰქონდა. „კონსტანტინოპოლში დარწმუნებული
იყვნენ იმაში, რომ ყოველგვარი ცდა იმპერიის აღრინდელი ძლიე-
რების აღსადგენად ამაო იქნებოდა“⁹⁷. ამიტომ ერაყში დაწყებული
აჯანყების წარმატება ექვეს აღარ იწვევდა. დაუდ ფაშას განმარჯვება
სავსებით უზრუნველყოფილი იყო⁹⁸. მაგრამ თუ ეს ასე არ მოხდა

⁹⁵ العزای، დასახ. ნაშრომი, გვ. 326. მაგრამ ირკვევა, რომ არც სხვა გზა
ყოფილა დაკეტილი ამ დროს. კლ. უარის ცნობით, ალი რიზას ჯარები ბაღდადში
შესულან „შვიი კარით“ (C. I. Huari, დასახ. ნაშრომი, გვ. 273), ხოლო
ჯ. ფრეზერის ცნობიდან იმასაც ვგებულობთ, რომ ერთი ნაჰრის, ვინმე ჰაჯი ჰა-
ლილის მოღალატეობით მტრის ჯარები ქალაქში სამხრეთიდანაც შეუშვიათ (J. B.
Fraser, დასახ. ნაშრომი, გვ. 262).

⁹⁶ العزای، დასახ. ნაშრომი, გვ. 327.

⁹⁷ Д. Г. Розен, დასახ. ნაშრომი, გვ. 142.

⁹⁸ А. А. Д а м о в, დასახ. ნაშრომი, გვ. 423; J. B. Fraser, დასახ. ნაშ-
რომა, გვ. 234.

და იგი მაინც დამარცხდა, ამაში გადამწყვეტი როლი შეასრულა იმ სტიქიურმა და სხვა უბედურებებმა, რაც თავს დაატყდა ერაყს 1831 წელს ჟამიანობის, წყალდიდობის, ციებ-ცხელებისა და შიმშილობის სახით. სწორედ ამ უბედურებებმა განაპირობეს მამლუქთა ძალაუფლების დაცემა⁹⁹. მათ შეარყიეს აჯანყებულთა განწყობილება და აიძულეს ისინი გადაესინჯათ თავიანთი პოლიტიკური კურსი, დასდგომოდნენ ოსმალეთის ცენტრალურ ხელისუფლებასთან შერიგების გზას და ამისდა კვალად, შესაბამისი ცვლილებები შეეტანათ საბოლოო ტაქტიკაში. ამასთან დაკავშირებით, ამბოხების ხელმძღვანელ ბირთვში დაიწყო გათიშვა, რამაც მნიშვნელოვნად გაუადვილა მოქმედება მტერს და კიდევ უფრო დააჩქარა აჯანყებულთა სრული დამარცხება. ამიტომ, შეიძლება ითქვას, რომ 1830—1831 წწ. აჯანყების წარუმატებლობა ერაყში გამოწვეული იყო როგორც ობიექტური, ისე სუბიექტური მიზეზებით.

1830 — 1831 წწ. აჯანყება ფეოდალური ხასიათისა იყო და, ამიტომ პოლიტიკური თუ ეკონომიური წყობის თვალსაზრისით ქვეყანას ახალს ვერაფერს მისცემდა. გამარჯვების შემთხვევაშიც კი, ერაყში არსებული ფეოდალური წყობილება მისთვის დამახასიათებელი ტლანქი ექსპლოატაციით, ოსმალეთის უღლის გადაგდების შემდეგაც ძალაში უნდა დარჩენილიყო. მაგრამ, მიუხედავად ამისა, ეს აჯანყება თავისი მიზანდასახულობით მაინც პროგრესული იყო, ვინაიდან, ჯერ ერთი, იგი მიმართული იყო ყველაზე რეაქციული და დესპოტური ძალის — ოსმალეთის იმპერიის ცენტრალური ხელისუფლების წინააღმდეგ; მეორე, ის საბოლოო ამოცანად ისახავდა ერაყის დამოუკიდებელ სახელმწიფოდ გაფორმებას, ხოლო ეს ქვეყნის ეროვნული, კულტურული, პოლიტიკურ-ეკონომიური თვითმყოფადობის აღდგენა-შენარჩუნებისა და შემდგომი განვითარების გარანტიას იძლეოდა; მესამე, თუ აჯანყება დასახულ მიზანს მიაღწევდა, ამით ერაყის ხალხს მოაცილებდა ყველაზე დიდ მტანჯველს — სულთანს, რომლისგანაც გათავისუფლებას არ შეიძლება დადებითად არ ემოქმედა მოსახლეობის მწარმოებელ ფენებზეც.

1830—1831 წწ. აჯანყება ერაყის ისტორიაში მოასწავებდა ახალი პერიოდის დასაწყისს, როცა „ოსმალთა“ იმდენად მძიმე გახდა, რომ იმპერიაში შემაჯავლი ქვეყნების ჰოსახლეობის გაბატონებული

⁹⁹ العزای, დასახ. ნაშრომი, გვ. 317; А. А д а м о в, დასახ. ნაშრომი,

ფენისათვისაც კი აუტანელი იყო. ამის გამო, ამ უკანასკნელის თაოსნობით დაიწყო აშკარა შეიარაღებული ბრძოლა დამოუკიდებლობისათვის.

თ ა ვ ა მ ე ე ქ ვ ს ე

დაუდის ცხოვრება-მოღვაწეობის უკანასკნელი წლები

კლ. უარის აზრით, ბალდადიდან წაყვანილი ტყვე დაუდი სტამბოლს უნდა მიეყვანათ¹. ე. ჩირიკოვი აღნიშნავს, რომ ის მექაში² გაგზავნეს, ხოლო ამბის მომსწრე ნ. მურავიოვის ცნობიდან ირკვევა, რომ დაუდი არც სტამბოლში მიუყვანიათ და არც მექაში. გზად მყოფი ტყვე ფაშა დიარბაქრიდან პირდაპირ ბურსას გაუგზავნიათ საპატიო გადასახლებაში და იქ მისთვის სათანადო პენსიაც დაუნიშნავთ³.

1832 წლის ოქტომბერში, როცა ეგვიპტელებმა ბრწყინვალე გამარჯვება მოიპოვეს ოსმალთა ლაშქარზე კონიაში, სულთანმა მაჰმუდ II-მ დაუდი ბურსიდან გაიწვია და მუჰამედ ალის წინააღმდეგ გაგზავნა⁴. ბრძოლაში მისი მოქმედების შესახებ ცნობები არ მოგვეპოვება, მაგრამ ჩანს, თავი არ შეურცხევინა. ამის დამადასტურებელი უნდა იყოს ის ფაქტი, რომ 1834 წელს დაუდი ბოსნიის გამგებლად დანიშნეს⁵.

ბოსნიაში დაუდმა 2 წელი დაჰყო. 1838—1839 წლებში იგი სტამბოლშია, ოსმალეთის იმპერიის სახელმწიფო საბჭოს თავმჯდო-

¹ C. I. Huart, დასახ. ნაშრომი, გვ. 203.

² „შავი ჭირის შემდეგ დაუდი ფაშა პორტამ გადააყენა და გაგზავნა მექაში“ (Путевой журнал Е. И. Чирикова, стр. 11).

³ „სულთანმა შეიწყალა ამბოხებული და ნება მისცა თავისი ოჯახით დასახლებულიყო ბურსაში, სადაც იგი გაგზავნეს დიარბაქრიდან სპეციალური ბოქაულის ზედამხედველობის ქვეშ. შემდეგ, 1832 წელს, მას სახელმწიფო ხაზინიდან დაუნიშნეს საკმაო სარჩო“ (Турция и Египет, Из записок Муравьева Карсского, М., 1869, т. I, стр. 45).

⁴ S. H. Longrigg, დასახ. ნაშრომი, გვ. 274.

⁵ მეჰმედ სურეია, დასახ. ნაშრომი, გვ. 236; ოშე-ლუა ბოსნიის ნაცვლად „Sadrax-ს საფაშოს ახსენებს. (Relations de voyages en Orient de 1830 à 1838 par Aucher E'loy, Paris, 1843, p. 329).

მარის თანამდებობაზე. იქიდან ის 1839 წ. გადაჰყავთ ანკარის ვილა-
ეთის ვაზვეზლად. 1841 წ. თავს ანებებს საერო სამსახურს და 1845
წ.⁶ სულთან აბდ ალ-მაჯიდს (1839—1861 წწ.) სთხოვს ნებართვას
მუსლიმთა წმინდა ქალაქებში წასასვლელად, რათა იქ დაასრულოს
თავისი სიცოცხლე. სულთანმა დაუდს თხოვნა შეუსრულა, 1846
წელს შეიხ ულ-ჰარამის⁷ თანამდებობაზე დანიშნა და ქ. მედინაში
გაგზავნა⁸.

მიუხედავად ხანდაზმულობისა დაუდი, რომელიც უკვე 70 წელს
გადაცილებული იყო, მედინაში ენერგიულად მოღვაწეობდა. წინას-
წარმეტყველის აკლამის ზედამხედველობასთან ერთად იგი დი-
დად ზრუნავდა ქალაქის კეთილმოწყობაზეც. მედინის ერთ-ერთ
გარეუბანში, აინზერგას წყაროს ახლოს, მან გააშენა მშვენიერი ბა-
ლი. რომელსაც შემდეგ „დაუდიე“ ეწოდა⁹. ეს იყო მისი უკანასკნე-
ლი საქმიანობა. 1851 წელს¹⁰ დაუდი გარდაიცვალა და დასაფლა-
ვებულია იქვე, მართლმორწმუნე ხალიფა ოსმანის საფლავის პირ-
დაპირ. იგი შექმებული ჰყავს არაბ პოეტს აბდ ალ-ლაფთარ ალ-ახ-
რასს¹¹ ლექსში, რომელშიც კმაყოფილების გრძნობით იგონებს იმ

⁶ S. H. Longrigg, დასახ. ნაშრომი, გვ. 274. მეჰმედ სურეიას ცნობით,
დაუდი ანკარის ვალის თანამდებობიდან გაუთავისუფლებიან (1256) 1841 წელს
(იხ. მისი დასახ. ნაშრომი, ტ. II, გვ. 326).

⁷ ასე იწოდებოდა მუჰამედ წინასწარმეტყველის აკლამის ზედამხედველი.

⁸ Cl. Huart, დასახ. ნაშრომი, გვ. 203. ამგვარად, მცდარია დ. ქორიძის
მოსაზრება იმის შესახებ. რომ დაუდი „1833 წლიდან თურქეთის სახელმწიფოს
თავმჯდომარედ ინიშნება და სიყვილიამდე (1851 წელი) იქ მოღვაწეობს“ (იხ. დ.
ქორიძე, ქართველი ღედა და ბაღდადის ხელმწიფე, გაზ. „სამშობლო“, თბ.,
1969 წ. 10 ოქტომბერი, № 5 (226), გვ. 6).

⁹ Cl. Huart, დასახ. ნაშრომი, გვ. 203; **مطالع السعود، ص 3**

¹⁰ S. H. Longrigg, დასახ. ნაშრომი გვ. 274; Cl. Huart, Da-
ud, Pasha, [Encyc'opaedie des Islam, Leipzig, 1912, გვ. 968; **محمد ثريا**,
დასახ. ნაშრომი, გვ. 326. სპეციალურ ლიტერატურაში ზოგჯერ დაუდის გარდაცვა-
ლების თარიღად ასახელებენ 1850 წელს (იხ. A. A d a m o v, დასახ. ნაშრომი, გვ.
425; Новая история стран зарубежной Азии и Африки, Ленинград, 1959,
стр. 240; T. M. L u c k l a m a a N i g e h o l t, Voyage en Russie, en Caucase,
en Perse ets. Paris. 1874, t. III, p. 14). ზოგჯერ კი 1830 წელსაც (იხ. P. K. H i t-
t i, დასახ. ნაშრომი, გვ. 738), რაც აშკარა გაუგებრობაა. ლუკამა ნიჰოლტი და
ა. აღმოუი იმასაც აღნიშნავენ, რომ დაუდი დაკრძალულია ქ. მექაში, სადაც ის თით-
ქოს პილგრიმობის დროს უნდა გარდაცვლილიყო.

¹¹ აბდ ალ-ლაფთარ ბენ ალ-ვაჰიდ ბენ ვაჰბ ალ-ახრას ალ-მავსილი დანიადა
1805 (1223 ჰიჯრით) წელს ქ. მოსულში. სწავლობდა ბაღდადში ალ-ულუსისთან,
იყო მენჯი (არაბ. „ახრას“), დაჯილდოებული შესანიშნავი პოეტური ნიჭით,

დიდ ზრუნვას, რასაც მისდამი იჩენდა დაუდი, რომელმაც ის ინდოეთშიც კი გაგზავნა სამკურნალოდ.

გარდაცვალების წინ დაუდმა თავის მედინელ თანამოსაქმეებს ანდერძი დაუტოვა, სიკედილის შემდეგ მისთვის ძვირფასი ძეგლი არ აეგოთ. მართლაც, მიუხედავად იმისა, რომ ის თავისი დროის ერთ-ერთი თვალსაჩინო მოღვაწე იყო და მართლმორწმუნე ხალიფების გვერდით განისვენებს¹², საფლავს ძვირფასი ნაგებობის ნაცვლად, როგორც დიდ პიროვნებას შეეფერება, უბრალო რკინის ღობე აქვს შემოვლებული. სამაგიეროდ, დაუდმა ძვირფასი ძეგლი დაიდგა თავისი ენერგიული და მრავალფეროვანი მოღვაწეობით. ის იყო გამოჩენილი სახელმწიფო მოღვაწე, მოქნილი კჳუა-გონებისა და უაღრესად კეთილშობილური გარეგნული აღნაგობის ადამიანი, ფრიად განსწავლულ-გაწაფული არაბულ-სპარსულ-თურქულ ენებსა და ფილოსოფიაში, კანონმდებელი, აღმაშენებელ-განმანათლებელი, მბეჭდავი, გამომცემელი და დამოუკიდებლობისათვის აქტიური მებრძოლი პიროვნება. მან ბალდადის საფაშოში გატარებული სასოფლო-სამეურნეო, სამრეწველო, სავაჭრო, კულტურული და სამხედრო ხასიათის დიდმნიშვნელოვანი ღონისძიებებით ერაყი აღმავლობის გზაზე დააყენა იმ დროს, როცა მთელი ისლამის სამყარო დაცემის გზაზე იდგა. მხოლოდ ასეთ პიროვნებაზე შეიძლება ეთქვა თანამედროვეს, რომ „ის იყო დიდი ადამიანი, სწავლულთა მეთაური მებრძოლი პიროვნება. მან ბალდადის საფაშოში გატარებული ბული იდეალებით. შესანიშნავად იცოდა სამი ენა, პოეზია და პროზა. მშვიდობის დროს იყო მხიარული და მკვევრმეტყველი, ხოლო ბრძოლაში უმამაცესი. სიკეთესა და თავმდაბლობაში ბადალი არ

რამაც ის ცნობილ პოეტად აქცია არაბულ სამყაროში. აღ-ახრასი გარდაიცვალა ქ. ბასრაში 1874 (1291 ჰიჯრით) წლის 29 იანვარს. მისი ლექსების კრებული „ატ-ტარაზ ალ-ანფას ფე შა'რ ალ-ა-ხრას“ („აღ-ახრასის პოეზიის ძვირფასი ნიმუშები“) დაიბეჭდა სტამბოლში 1886—7, აშენდ იზზეტ ალ-ფარუქის ინიციატივით.

¹² დაუდისადმი ასეთი პატივისცემა, სხვათა შორის, იმიტაც უნდა ყოფილიყო გამოწვეული, რომ იგი თვითონ ატარებდა ხალიფას ტიტულს. ჩვენს ხელთ არსებული ცნობების თანახმად, ბალდადის ფაშა, რომელიც 10 წელს მართავდა საფაშოს (დაუდმა კი 15 წელს დაყო ამ თანამდებობაზე) როგორც წესი, ლებულობდა ხალიფას საპატიო წოდებას და თავისი მღვთმარებით ევეპიტისა და დამასკოს ფაშების შემდეგ იდგა (V. Fontanier, დასახ. ნაშრომი, ნაწ. 1, გვ. 322). ეს ტიტული მათ იმიტომ ეძლეოდა, რომ იყოფებოდნენ იმ ქალაქში, სადაც ოდესღაც ძველი არაბი პანტიფიკები (ლათ. *Pantifices* — უმაღლესი სასულიერო პირნი ძველ რომში), ე. ი. მუსლიმური სამყაროს ამქვეყნიურს თეოკრატი მბრძანებლები იხდნენ (R u e s s e a u, დასახ. ნაშრომი, გვ. 21—22).

ჰყავდა¹³. ამ შეფასებას იზიარებენ თანამედროვე არაბი მეცნიერები ალ-აზავი¹⁴, იზ ალ-დინ იუსუფი¹⁵, მუჰამედ ბასირი¹⁶ და სხვები.

ასეთი იყო დაუდის პიროვნება, მისი მრავალმხრივი მოღვაწეობის სფერო. მაგრამ მასზედ სრული წარმოდგენა არ გვექნება თუ არ შევეხებით მისი საქმიანობის კიდევ ერთ მხარეს — სამშობლოსთან დამოკიდებულების საკითხს.

* * *

როგორც უკვე აღვნიშნეთ, დაუდი პატარაობიდანვე დააშორეს საქართველოს მიწა-წყალს და ისე გარდაიცვალა შორეულ მედინაში, რომ სამშობლოში დაბრუნება არ ღირსებია. მიუხედავად ამისა, ირკვევა, რომ თავისი ქვეყნის სიყვარულის ნაპერწკალი მის გულში არასოდეს ჩამქრალა. სამშობლოდან გატაცებული დაუდი დიდი ინტერესით ადევნებდა თვალს ყოველივე იმას, რაც ჩვენს ქვეყანაში ხდებოდა, სწყინდა მისი ცუდი და ხარობდა, როცა კარგ ამბავს გაიგებდა. თუ რაოდენ აინტერესებდა მას საქართველოს ამბები, კარგად ჩანს მისი თანამედროვე რ. კერპორტერის ცნობიდან, სადაც ნათქვამია: „როცა დაუდმა შეიტყო, რომ მე საქართველოში მოგზაურობისას მის დედაქალაქზე გავიარე, მისი გული ეროვნულმა გრძნობებმა შეიპყრო, მან რამდენიმეჯერ გამომკითხა ქვეყნის თანამედროვე მდგომარეობა... და ერთობ კმაყოფილი დარჩა, როცა ავუწერე ის სიმშვიდე და აყვავება, რაც საქართველომ რუსეთის სახელმწიფოს მფარველობის შედეგად მიიღო“¹⁷.

კაცს რომ სამშობლო უყვარდეს, გასაკვირი არაფერია, მაგრამ დაუდს საქართველოს მდგომარეობა და მისი ბედ-იღბალი სხვა მხრივაც აინტერესებდა. მისთვის, ისე როგორც, მისი წინამორბედი მამლუქი ფაშებისათვის, საქართველო იყო ის ქვეყანა, საიდანაც ერთგული სამხედრო რაზმებისათვის (ქართული გვარდიისათვის) სისტემატურად ლეზულობდა საიმედო შევსებას ტყვეთა სახით.

როგორც აღვნიშნეთ, ერაყში მამლუქთა რეჟიმის დამყარების პირველსავე დღიდან ქართველების შექენისა და ბაღდადში მათი მიყვანის ორგანიზაცია პირველხარისხოვანი სახელმწიფოებრივი

¹³ الغزوى, დასახ. ნაშრომი, გვ. 330.

¹⁴ იქვე.

¹⁵ عز الدين يوسف, დასახ. ნაშრომი.

¹⁶ محمد البصير, დასახ. ნაშრომი, გვ. 10 და შმდ.

¹⁷ R. Ker Porter, დასახ. ნაშრომი, გვ. 249.

მნიშვნელობის საქმედ ითვლებოდა. მსგავსად ეგვიპტის მამლუქი სულთნებისა და ბეგებისა, ბაღდადის ქულემენი ფაშები ამ დიდ-მნიშვნელოვანი საკითხის მოგეარებას ძირითადად ტყვეებით მო-ვაჭრეთა მეშვეობით ახერხებდნენ. ხოლო ეს უკანასკნელნი თავის მხრივ დაკავშირებული იყვნენ სხვადასხვა ჯურის იმ მარბიელებთან, რომლებიც ყოველნაირად გაწამებულ საქართველოს ტერიტორიაზე დაძრწოდნენ. ამ ავაზაკების წყალობით ყოველწლიურად ათასო-ბით ბავშვი, მამაკაცი და ქალი ეთხოვებოდა სამშობლოს. მათ მიერე-კებოდნენ მახლობელი აღმოსავლეთის ქვეყნებისაკენ, სადაც ქართ-ველი ტყვე ყველაზე ძვირად ფასობდა. არსად, ეგვიპტის გარდა. ქართველი ტყვეები ისე მრავლად არ მიჰყავდათ და ისე ძვირად არ ჰყიდდნენ, როგორც ერაყში¹⁸.

დაუღის ყურადღებას საქართველო იმიტომაც იპყრობდა, რომ აქ ჰყავდა მშობლები, ძმები, დები და ნათესავები. მახლობელ თუ შუა აღმოსავლეთის ქვეყნებში სავაჭროდ წასული ქართველი სოე-

¹⁸ ბეი მამიკონიანის აზრით, ეს იმით უნდა ყოფილიყო გამოწვეული, რომ ისინი „მებრძოლი ხალხის შვილები... მოქნილი გონებით დაჯილდოებულნი და... ფიზიკური ღირსებებით განთქმულნი იყვნენ“ (გ. ბეი-მამიკონიანი, ქართველ მამულეთა მბრძანებლობა ერაყში XVIII და XIX საუკუნეებში, „საქ. სსრ მეც. აკად. „მომამე“, თბილისი, 1944, ტ. V, № 7, გვ. 736). ნამდვილად ამის მთავარი მიზეზი უნდა ვეძიოთ არა იმდენად მათ ბრძოლისუნარიანობასა და ფიზიკურ აგებულ-ებაში (თუმცა ამის გაუთუჯლისწინებლობაც შეეძლოა იქნებოდა), რამდენადაც იმდრო-ინდელ საქართველოს პოლიტიკურ-ეკონომიურ მდგომარეობაში და იმ რეჟიმის თავისებურებაში, რაც თან ახლდა ქართველ მამულეთა მბრძანებლობას როგორც ეგვიპტეში, ისევე ერაყში. საქმე ის არის, რომ ძალაუფლების სათავეში მოქცეული მამ-ლუქი სულთნები, ბეგები თუ ფაშები ყოველ ღონეს ხმარობდნენ თავიანთი ხელი-სუფლების განმტკიცებისათვის. საერთო ლაშქრის გარდა მათ ჰყავდათ ცალკე სამ-ხედრო რაზმები, თავიანთ თანამემამულეთაგან შედგენილი „პირადი გვარდია“. თანამემამულეებისაგან იმიტომ, რომ ასეთი რაზმები მათთვის ყველაზე საიმედო დასაყრ-დენი ძალა იყო. რაც უფრო მეტი იყო ამ რაზმების მებრძოლთა რიცხვი, მით უფრო უშიშრად გრძნობდა თავს ეს თუ ის ქართველი გამგებელი. სწორედ ამიტომ გახდა ტყვეთა შექმნა პირველხარისხოვან სახელმწიფოებრივ საქმედ ეგვიპტესა და ერაყში, ამიტომ იზრდებოდა მოთხოვნა ქართველ ტყვეზე. ამის შესაბამისად დიდდებოდა მათი ფასიც, რაზეც, სხვათა შორის, დიდი გავლენა მოახდინა, აგრეთვე, სოლომონ I-ისა და ერეკლე II-ის ღონისძიებებმა საქართველოში ტყვის სყიდვის აკრძალვის თაობაზე. თუ ეს არაა, მაშინ რითიღა უნდა აიხსნას ის ფაქტი, რომ შაჰ. გერშანელები რომლებიც თავიანთი მებრძოლი სულით, მოქნილობითა და კეთუ-გონებით სხვებს ოდნავადაც არ ჩამოუყარდებოდნენ, — როგორც კ. ფ. ეოლნეი ამბობს. ოსმა-ლეთში ყველაზე ნაკლებად ფასობდნენ და იშვიათადაც თუ იყიდდნენ ხოლმე. (იხ. К. Ф. Вольени, Путешествие в Сирию и Египет, СПб., 1791. т. I, стр. 171).

დაგრები. როცა კი ერაყზე გაივლიდნენ, უსათუოდ ბალდადში შეჩერდებოდნენ ხოლმე და დაუდს ეწვეოდნენ. ასეთებს შორის დაუდის ყველაზე ხშირი სტუმრები იყვნენ ზუბალაშვილები, განსაკუთრებით ანდრია ზუბალაშვილი, რომლის მეშვეობით მან შეიტყო თბილისში საცხოვრებლად გადმოსული თავისი მშობლების ზუსტი მისამართი და წერილობითი ურთიერთობა დაამყარა მათთან. მანვე გაუწია მეგზურობა დაუდის ძმებს, შიოსა და დიმიტრის, 1818 წელს, როცა ძმის ფაშად გახდომის ამბავი შეიტყვეს და მის სანახავად ბალდადს გაემგზავრნენ.

დაუდმა დიდი პატივით მიიღო ბალდადს ჩასული ძმები და სთხოვა კიდევაც, რომ სამუდამოდ დარჩენილიყვნენ მასთან. უმცროსმა ძმამ თანხმობა განაცხადა ერაყში დარჩენაზე, დაჰგმო რჩული და მაჰმადიანობა მიიღო, ხოლო დიმიტრის მაგიერ აჰმედი¹⁹ დაირქვა²⁰. პირველ ხანებში მან ვაჭრობას მიჰყო ხელი, მაგრამ ამის ნიჭი არ აღმოაჩნდა, მალე გადატაცდა და ამ საქმეს თავი დაანება. 1824 წელს ის დაუდს თავის მოადგილედ, ბალდადის საფაშოს შეიარაღებული ძალების სარდლად დაუნიშნავს²¹. მაგრამ ეტყობა, აქაც ვერ ივარგა და გადაუყენებიათ. შემდეგ მას ვხედავთ ბასრის

¹⁹ الغزوى, დასახ. ნაშრომი, გვ. 286; S. H. Longrigg, დასახ. ნაშრომი, გვ. 247. ვ. ფონტანე დიმიტრის მუსლიმანურ სახელად ჰუსეინს ასახელებს (იხ. მისი დასახ. ნაშრომი, გვ. 326).

ალაზავისა და ლონგრისის მონაცემები არაბულ და თურქულ პირველწყაროებს ეყარება, ამდენად მათი სისწორე ეჭვს არ იწვევს. მაგრამ ფონტანის ცნობაც არ უნდა იყოს სინამდვილეს მოკლებული, რადგან ის დაუდ ფაშას დროს ბალდადში მოღვაწეობდა და თანადამხდურია აღწერილი ამბებისა. ამიტომ უნდა ვიფიქროთ, რომ დიმიტრის მაჰმადის რჩულზე მოქცევის შემდეგ აჰმედიც ერქვა და ჰუსეინიც, ოღონდ სხვადასხვა დროს. ამ დასკვნამდე მივყავართ ფონტანის თხზულების იმ ადგილს, სადაც წერია „... ჰუსეინ ფაშა, ასეთი იყო მისი სახელი მას შემდეგ, რაც მირმირანის ჩინი უყიდა“ (გვ. 326). თუ ეს ცნობა სწორია და ჰუსეინი დაუდის ძმას მირმირანად გახდომის შემდეგ დაერქვა, მირმირანად კი გახდა არა საქართველოდან ბალდადს ჩასვლისთანავე, არამედ უფრო გვიან (დაახლოებით 1822—23 წლებში) მაშინ ცხადია, რომ მანამდე მას სხვა მაჰმადიანური სახელი, კერძოდ, აჰმედი უნდა რქმეოდა.

²⁰ ამდენად არ დასტურდება გ. ლეონიძის მოსაზრება იმის შესახებ, რომ დაუდი და დიმიტრი ერთი და იგივე პირია (იხ. მისი, დაუდ ფაშა, ეურნალი „დროშა“, თბილისი, 1954, №3). ანდა თითქმის დიმიტრი 1780 წ. გაუტაცნათ საქართველოდან. (იხ. მისი «Ценный памятник исторического прошлого». Унараго, Мамелюк, Тб., 1959 г. გვ. 7. იხ. აგრეთვე შ. კუ რ დ ე ლ ა შ ვ ი ლ ი, ქართული სტამბის ისტორიიდან, თბ., 1959, გვ. 83).

²¹ S. H. Longrigg, დასახ. ნაშრომი, გვ. 247.

მუთასალიმად²². საერთოდ უნდა აღვნიშნოთ, რომ დიმიტრი ლოთი, უქნარა და უუნარო ადამიანი იყო და ბევრი უსიამოვნება შეამთხვია თავის ძმას დაუღს²³.

რაც შეეხება შიოს, ძმებს შორის ყველაზე უფროსს, მან უარი თქვა ბაღდადში დარჩენაზე და დაუღმა ის დიდძალი საჩუქრებითა და პატივით გამოისტუმრა სამშობლოში²⁴. ამავე დროს დაუღმა დაიწყო იმაზე ზრუნვა, თუ როგორ გაეთავისუფლებინა მთელი მისი ოჯახი ყმობიდან. ამ საკითხზე, როგორც ირკვევა, მას მიმოწერა ჰქონია საქართველოს მთავარმართველ გენერალ ა. ერმოლოვთან. ინგლისელი მოგზაური და მკვლევარი რ. კერ პორტერი 1818 წელს აღნიშნავდა: „როცა დაუღს ვუამბე თბილისში ყოფნისა და საქართველოს საერთო მდგომარეობის შესახებ, მითხრა, რომ მისი მამა, დედა და ძმები თბილისში იმყოფებიან, თანაც მკითხა, თუ ის საქართველოს რუს გამგებელს მისწერდა მფარველობა გაეწია ამ ბრწყინვალე პიროვნების (დაუღის — ბ. ს.) ოჯახისათვის, როგორ ვფიქრობდი მე, შეუსრულებდა თუ არა (ერმოლოვი — ბ. ს.) ამას? მე, მიუხედავად — უეჭველად... დარწმუნებული ვიყავი იმაში, რომ უარს არ იტყოდა ფაშას ოჯახისადმი ყურადღებაზე და ძალიან მოხარულიც იქნებოდა, თუ წერილს მიიღებდა ამ გამოჩენილი პიროვნებისაგან. ყოველ მიმოწერას ამ ორ დიდ გამგებელს შორის თან ახლდა საჩუქრები. მისი უდიდებულესობა მე მავალებდა, რომ რუსი გენერლისათვის გასაგზავნად შემერჩია ყველაზე ძვირფასი შალის ქსოვილი, ამასთანავე, რადგან ვიცოდი, რომ ამ მიმოწერას სამხედრო მნიშვნელობა ჰქონდა, თავს უფლებას ვაძლევდი და ვურჩევდი

²² V. Fontanier, დასახ. ნაშრომი, გვ. 327.

²³ ვ. ფონტანიერს გადმოცემით, ის ყოფილა უგუნური და ლოთი ადამიანი. დაუღ ფაშას მისთვის აღუშენებია სახლი. მიუჩენია სამსახურაც, მაგრამ ჰუსეინ ფაშას გაუფლანგავს ქონება და ფულის სათხოვნელად ისევ ძმას მისდგომა კარზე. დაუღს ის უარით გაუსტუმრებია. თანაც უთქვამს: თუ შენ ჩემი ძმა ხარ. ფულის შოვნა უნდა შეგეძლოსო. დაუღის ეს სიტყვები ჰუსეინის სწყენია, წასულა და დამთვრალა, შემდეგ გზაში დაუქერია ერთი მდიდარი ებრაელი, ჩამოუკიდა ფეხებით. გაუროზგავს, გაუძარცვავს, დაუთვროს და ისე გაუშვია. მას თერმე სასაცილოდ მიაჩნდა, რომ გემის წყალქვეშა ნაწილი სპილენძით იყო დაფარული და ბასრის მუთასალიმად ყოფნისას ბრძანება გაუცია, ყველა გემისათვის სპილენძის ფურცლები მოეძროთ, რათა გაეყიდა. მაგრამ დაუღს ეს დროზე შეუტყვეა და თანამდებობიდან დაუთხოვია (იხ. V. Fontanier, დასახ. ნაშრომი, გვ. 326—327). 1831 წელს, როცა დაუღის ხელისუფლება ბაღდადში დაეხზო და ის ბურსას გადაასახლეს. დიმიტრი სტამბოლში დაბინავებულა.

²⁴ V. Fontanier, დასახ. ნაშრომი, გვ. 326—327.

შიერთმია ხმალი. ეს საჩუქრები და ფაშას წერილი მისი ნდობით აღკურვლი მსახურის ხელით რამდენიმე დღის შემდეგ გაიგზავნა საქართველოში²⁵.

ამგვარი მიმოწერის შედეგად დაუდ ფაშას დედა (მამა ამ დროს უკვე გარდაცვლილი იყო), ძმა, დები და მათი ოჯახის სხვა წევრები გათავისუფლებულ იქნენ ორბელიანთა ყმობიდან. ამ ფაქტს ადასტურებს ლუარსაბ, ქაიხოსრო, დავით, ასპან, კონსტანტინე, იაკობ და სამარადღან ორბელიან-ყაფლანიშვილების მიერ 1820 წლის 10 ნოემბერს გაცემული და თბილისის სამაზრო სასამართლოსაგან იმავე წლის 13 ნოემბერს დამტკიცებული „გიორგი ბოჩოლაშვილის ოჯახის ყმობიდან გათავისუფლების სიგელი“, რომელიც ამჟამად საქართველოს სახელმწიფო ლიტერატურული მუზეუმის ხელნაწერთა განყოფილებაშია დაცული²⁶.

აღნიშნული სიგელის პირი²⁷ და მასთან ერთად მარიამის (დაუდის დედის) წერილი, 1821 წლის ზაფხულში გაეგზავნა დაუდ ფაშას, რომელსაც მისი ძმა შიო სიხარულით ატყობინებდა: „ესა, მე რომ მამეცა სასამართლოსაგან დამტკიცებული წერილის პირი არისო“²⁸. წერილი და სიგელის პირი ბაღდადში უნდა წაეღო და დაუდისათვის გადაეცა ანდრია ზუბალაშვილს, რაც თვით დაუდის შემდეგი სიტყვებიდან ჩანს: „დედავ მარიამ! თქვენი მოწერილი წიგნები... ზუბალაანთ კაცის ხელით გამოგზავნილი... მომბარენ სრულადო“²⁹.

დაუდ ფაშამ კმაყოფილებით მიიღო ცნობა საქართველოში მყოფი თავისიანების ყმობიდან განთავისუფლების შესახებ და მიღებულ საბუთზე თავის მდივანს ასეთი შინაარსის წარწერა გააკეთებინა: „ესე სახსრის წერილი სასამართლოში დამტკიცებული წიგნის პირი მე მომივიდა, ...ვიყაბულე... და ჩემი ბეჭედი დავაჭდინე“³⁰. შემდეგ კი დედისა და „ბატონი მთავარმართებლის სახელზე წიგ-

²⁵ R. Ker Porter, დასახ. ნაშრომი, გვ. 249—250.

²⁶ საბ. № 19580 — ხ.

²⁷ საქართველოს სახელმწიფო ლიტერატურული მუზეუმის ხელნაწერთა განყოფილება, საბ. № 19582 — ხ, „გააზატების წიგნი ბოჩოლაანთ გიორგის შეილები-სადმი“, გვ. II, მინაწერი მე-4.

²⁸ ი ქ ე ე.

²⁹ იქვე, საბ. № 19577—ხ, „ბედნიერი ბაბილოვანის ხელმწიფის დაუდ ფაშას წერილი დედისადმი“.

³⁰ იქვე.

ნები“ დაწერა და სიგელის პირთან ერთად საქართველოში გამოატანა იუსუფ ალას, რომლის ნამდვილი გვარი იოსეფოვი (იოსეფაშვილი) არის, ხოლო სახელი პეტრე.

პეტრე ახალციხეში დაბადებულა, იცოდა ქართული წერაკითხვა და მოლვაწობდა ერაყში. იუსუფ ალამ მნიშვნელოვანი დახმარება გაუწია დაუდს ბაღდადის საფაშო ხელისუფლების აღებისას, საიდ ფაშას წინააღმდეგ ბრძოლის დროს. მას ინგლისის ოსტ-ინდოეთის ბაღდადეგ რეზიდენტთან ჯემს რიჩთან მიჰქონდა დაუდის ფირმანები და ოფიციალური ცნობები³¹. ერთგული სამსახურისათვის დაუდმა ფაშად გახდომის შემდეგ იუსუფ ალა თავის ქათიბად³², ანუ მდივნად დანიშნა. ამ თანამდებობაზე ყოფნისას თავისი მბრძანებლის სპეციალური დავალებით არაერთხელ უმოგზაურია მეზობელ ქვეყნებში დიპლომატიურ საქმეთა მოსაგვარებლად. საქართველოში ჩამოსვლის მიზანიც ამჯერად სწორედ ის იყო, რომ მთავარმართებლისათვის გადაეცა ბაღდადის ფაშას „წიგნი“ და ანდრია ზუბალაშვილის დახმარებით მასთან მოლაპარაკებაც გაემართა დაუდის დედისათვის აზნაურობის ბოძების თაობაზე. ამასთანავე, მას დავალებული ჰქონდა, ნებართვა აეღო ერომლოვისაგან და საქართველოდან გაბრუნებისას თან წაეყვანა „ბაღდადის ხელმწიფის“ დედა მარიამი, თუკი ის შვილის სანახაჲად შორეულ ბაღდადში მგზავრობაზე თანხმობას განაცხადებდა.

ზუსტი თარიღი იუსუფ ალას თბილისში მოსვლისა ჩვენ არ ვიცით. ის აქ უნდა ყოფილიყო დაახლოებით 1821 წლის შემოდგომაზე. უფრო ადრე თბილისში ვერ იქნებოდა, რადგან დაუდ ფაშას წერილი, რომელიც მან მარიამს ჩამოუტანა, დაწერილია 15 აგვისტოს (2 მარიამობისთვის), ხოლო თუ ვიგულისხმებთ, რომ ის წერილის დაწერის შემდეგ დიდხანს აღარ გაჩერდებოდა ბაღდადში და გზაშიც ალბათ სამ თვეზე მეტი არ დააგვიანდებოდა, მაშინ ადგილზე უნდა მისულიყო 1821 წ. დამლევს.

თბილისში ჩამოსულ იუსუფ ალას საუბარი ჰქონია როგორც მთავარმართებელ ერომლოვთან, ასევე დაუდის დედა მარიამთან. როგორც ირკვევა, მოლაპარაკება ბაღდადის ფაშას წარმომადგენლისათვის სასურველი შედეგით ვერ დამთავრებულა. მარიამისათვის

³¹ C. I. J. Rich, დასახ. ნაშრომი, გვ. 49.

³² ქათიბად ანუ პირად მდივნად ყველაზე ახლობელს და სანდო ადამიანს ირჩევენ ხოლმე.

აზნაურობა არ მიუციათ და არც ბაღდადში მისი წაყვანა მოხერხებულა. მისთვის რომ აზნაურობა არ უბოძებიათ, ეს ჩანს თბილისელი მოქალაქის ვინმე ა. ე. მკერვალის მიერ შიოსათვის 1827 წელს მიცემული ნასყიდობის წიგნიდან, რომელშიც აღნიშნულია: „1827 წელს თბილისელმა მოქალაქემ ა. ე. მკერვალმა მიყიდა თავის საკუთარი სახლი თბილისელ სახელმწიფო გლეხს, შიო გიორგის შვილ მანველოვს ოთხას ოთხმოც ვერცხლის მანეთად“³³. 1821 წელს რომ მარიამისათვის აზნაურობა მიენიჭებინათ, მაშინ მის ვაჟს შიოს, 1827 წელს სახელმწიფო გლეხად აღარ წინასწარნიშებდნენ.

რაც შეეხება იმას, მიიღო თუ არა ნებართვა იუსუფმა მარიამის ბაღდადში წაყვანაზე, ამაზე გარკვეულ პასუხს იძლევა მოლაპარაკების მონაწილე, ა. ერმოლოვის მდივანი (1821—1825 წწ.) საგარეო საქმეთა ნაწილში ა. ს. გრიბოედოვი, რომელიც 1824 წელს წერდა: „დაუდ ფაშამ სამი წლის წინათ, თავისი რწმუნებული მოავლინა საქართველოში, რათა ნება მისცემოდა დედამისს წასულიყო მასთან ბაღდადში. მაგრამ მან... სასტიკი უარი თქვა მუსლიმურ ქვეყანაში მოგზაურობაზე და მართლმადიდებლურ სამშობლოში ყოფნა ამჯობინა იმ ფუფუნებით ცხოვრებას, რაც ბაღდადში მოელოდა“³⁴. აქედან გასაგები ხდება, რომ დაუდის დედის წაყვანა ბაღდადში იუსუფ აღას ვერ მოუხერხებია, რადგან მარიამს უარი უთქვამს წასვლაზე. გაწბილებული იუსუფ ალა მოლაპარაკების შემდეგ ბაღდადს დაბრუნდა.

მიუხედავად იმისა, რომ დაუდის მეცადინეობით მისმა დედამ და ნათესავეებმა თავი დაიხსნეს ორბელიანთა ყმობისაგან, ეტყობა, ის მაინც წუხს, რადგან მეტის გაკეთება ჭერჭერობით ვერ შეძლო და ისინი ამის შემდეგაც წოდებრივად მდაბიონი, ყუფლებონი, ხოლო ქონებრივად უმწეონი დარჩნენ. ამის გამო დასტირის იგი დედის ბედს, რომელსაც შვილი, შობილი მშობელთა დასახმარებლად, უცხოეთში გადაეკარგა და მისგან უნუგეშოდ დარჩა. მაგრამ იგი ასევე უჩივის თავის საკუთარ ბედსაც, რომელმაც, მართალია ხელმწიფის ტოლი კი გახადა, მაგრამ სამაგიეროდ, სხვის სამსახურში ჩააყენა

³³ საბუთი ინახება ივ. ბროძელისეულ არქივში, ლ. კანდელაკის ბინაზე (ქ. თბილისი, არსენას ქ. № 11).

³⁴ Необыкновенные похождения и путешествия русского крестьянина Дементия Ивановича Цикулина, Журн. «Северный архив». СПб., 1825, ч. XV, № 9, гл. 47, შენიშვნა მე-6; აგრეთვე, А. С. Грибоедов, Полное собрание сочинений, Петербург, 1917, т. III, стр. 112.

და თავის ქვეყანას, მშობლებსა და თავისიანებს ველარ გამოადგა. ეს გულისტკივილი შესანიშნავად აქვს გადმოცემული დაუდ ფაშას თავის წერილში, სადაც დედას სევდით სწერს: „კაცი ქვეყანაზე მოვა და ვენახს გააშენებს, რომ ნაყოფი მიიღოს. თქვენ ვენახი გაგიშენებიათ და ნაყოფი არ მიგიღიათ“³⁵. დაუდი ისე განიცდის დედის ასეთ ხვედრს, თითქოს თვითონ მიუძღოდეს ამაში ბრალი და, ამიტომ მოწიწებით სთხოვს მიუტევოს ცოდვა, არ დაივიწყოს. დაკარგული შვილი: „გთხოვთ თქვენი მოწყალე გულისაგან, რომ ლოცვით ნუ დამივიწყებთ... ჩემთვის ილოცეთ, მოწყალე დედაო!“³⁶

საინტერესოა, ვისი ხელითაა დაწერილი ეს წერილი, თვითონ „ბაღდადის ხელმწიფის“ დაუდ ფაშასი თუ სხვა პიროვნების? ეს საკითხი, ჩვენი აზრით, იმდენად მნიშვნელოვანია, რომ არ შეიძლება მასზე არ შეეჩერდეთ. ის და მასთან დაკავშირებული სხვა საკითხები, რომლებსაც ქვემოთ შევეხებით, განსაკუთრებით აინტერესებთ ერაცის ქართველი მამლუქების ანუ ქულემენების ისტორიაზე მომუშავე მკვლევართ და დიდ მნიშვნელობას ანიჭებენ მას სხვა საკითხების გადაჭრის საქმეში. მაგალითად, გ. ბეი-მამიკონიანის აზრით, „ჭერ კიდევ საკითხავია, მოხერხდება თუ არა ოდესმე იმის დამტკიცება, რომ ეს წერილი ბაღდადის „ხელმწიფეს“ საკუთარი ხელით დაუწერია, მაგრამ თუ ეს დამტკიცდა, ჩვენ საგრძნობლად მივუახლოვდებით მეორე, გაცილებით უფრო მნიშვნელოვანი საკითხის გადაწყვეტას: შენარჩუნებული იყო თუ არა მამლუქთა წრეში ქართული წერილი მეტყველების ჩვევები? ხოლო ამ საკითხის გადაწყვეტის სიზუსტე თავის მხრივ დამოკიდებულს იქნება კიდევ ერთი საკითხის პასუხზე: ეცოდინებოდა თუ არა წერა-კითხვა ბაღდადში ჩაყვანილ 12—13 წლის გლეხის ბიჭს, დაუდს? გვაძლევს თუ არა ამის დაშვების შესაძლებლობის საფუძველს იმდროინდელ საქართველოში სახალხო განათლების მდგომარეობა“³⁷.

³⁵ „ბედნიერი ბაბილოვანის ხელმწიფის დაუდ ფაშას წერილი დედისადმი“; საქ. სახელმწიფო ლიტერატურული მუზეუმის ხელნაწერების განყოფილება საბ. № 19577; ბ. ს ი ლ ა გ ა ძ ე, ქართველი მამლუქები ერაცში (წიგნი დ. ჟ ა ნ ე ლ ი ძ ე, ბ. ს ი ლ ა გ ა ძ ე, ქართველი მამლუქები ეგვიპტესა და ერაცში, თბ., 1967, გვ. 351, 362); ბ. ს ი ლ ა გ ა ძ ე, ერაც-საქართველოს ურთიერთობის ისტორიიდან, თ ს უ, შრომები, თბ., 1960, ტ. 90 (აღმოსავლეთმცოდნეობის სერია), გვ. 213.

³⁶ იქვე.

³⁷ გ. ბეი-მამიკონიანი, ქართველ მამლუქთა მბრძანებლობა ერაცში XVIII და XIX საუკუნეებში, საქ. სსრ მეცნიერებათა აკადემიის მოამბე, თბ., 1944, ტ. V, № 7, გვ. 736.

როგორც ვხედავთ, აქ სულ ცოტა 4 საკითხი მაინცაა დასმული.

1. დაუდის ხელითაა თუ არა დაწერილი მისი წერილი დედი-სადმი; 2. იყო თუ არა ერაყში ქართული სკოლა, სადაც მამლუქებს შეასწავლიდნენ ქართულ წერა-კითხვას; 3. ეცოდინებოდა თუ არა წერა-კითხვა საქართველოდან ბალდადში წაყვანილ ყმა გლეხის შვილს, პატარა დავითს და 4. იძლევა თუ არა ამის დაშვების შესაძლებლობას XVIII ს-ის მეორე ნახევრის საქართველოს სახალხო განათლების დონე?

იმ დროს საქართველო მწვავე კრიზისს განიცდიდა. ასეული წლების მანძილზე გარეშე მტრების გაუთავებელი გამანადგურებელი თავდასხმებითა და არანაკლებ მწვავე შინაური აშლილობით ნაიარევ ქვეყანას აღარ ეცალა იმისათვის, რომ ჭეშოვანი ყურადღება მიექცია სწავლა-განათლებისათვის და გატოლებოდა ევროპის სახელმწიფოებს, სადაც საქმე ამ მხრივ გაცილებით უკეთ გამოიყურებოდა. ცნობილია, რომ XVIII ს-ის მეორე ნახევარში საქართველოში მხოლოდ რამდენიმე სახელმწიფო სკოლა-სემინარია არსებობდა თბილისში 1755 წლიდან, ხოლო თელავში 1758 წლიდან³⁸. მათ გვერდით, მართალია, მოქმედებდნენ ეკლესიებთან და სასულიერო პირთა ოჯახებში მანამდეც არსებული, ე. წ. კერძო სასწავლებლები, სადაც საღვთო სჯულის ზეპირობის გარდა მოსწავლეებს დედაენასაც ასწავლიდნენ, მაგრამ აღნიშნულ სასწავლებელთა რიცხვი მეტად მცირე იყო და თანაც იქ სწავლა გლეხის შვილებს ყოველთვის მაინც არ შეეძლოთ. ამიტომ საფიქრებელია, რომ ორბელიანების ყმის შვილს — 6 წლის დავითს, შესაძლებელია ქართული წერა-კითხვა ჯერ არ სცოდნოდა. ასეთი ვარაუდის ერთგვარ საფუძველს ისიც იძლევა, რომ გიორგის ოჯახის დანარჩენმა წევრებმაც, მათ შორის უფროსმა ვაჟმა შიომ, წერა არ იცოდნენ. ნონია შადინოვი იმის შესახებ ხომ პირდაპირ ამბობს გააზატების წიგნის მეორე გვერდზე, საკუთარი ხელით მინაწერში: „რადგანაც შიომ წერა არ იცოდა, შიოს სიტყვით ვწერო“³⁹. რა თქმა უნდა, მართლ

³⁸ საქართველოს ისტორიის ნარკვევები, თბ., 1973, ტ. IV, გვ. 778.

³⁹ საქ. სახელმწიფო ლიტერატურული მუზეუმის ხელნაწერთა განყოფილება, საბ. № 19582, მინაწერი მარჯენივ, ზემოდან 1; ბ. ს ი ლ ა გ ა ძ ე, ქართველი მამლუქები ერაყში (წიგნში დ. ჭ ა ნ ე ლ ი ძ ე, ბ. ს ი ლ ა გ ა ძ ე, ქართველი მამლუქები ეგვიპტესა და ერაყში, თბ., 1967, გვ. 348).

ის გარემოება, რომ XVIII საუკუნეში ჩვენი სკოლები ცოტა იყო და სწავლება შეზღუდული (ანდა ის ფაქტი, რომ დაუდის ძმამ შიომ წერა არ იცოდა), არ კმარა არგუმენტად, საკითხის საბოლოოდ გადასაწყვეტად. იმის დასადგენად, იცოდა თუ არა დაუდმა ქართული წერა-კითხვა საჭიროა უფრო დამაჯერებელი საბუთი. ჩვენი აზრით, სწორედ ასეთი უტყუარი საბუთია ბალდადში გაგზავნილი — „გორგი ბოჩოლაშვილის ოჯახის ყმობიდან განთავისუფლების სიგელის“ პირის პირველ გვერდზე გაკეთებული მინაწერი: „ესე სახსრის წერილი, სასამართლოში დამტკიცებული წიგნის პირი, მე მომივიდა და მეც ვიყაბულე და მეც ჩემი ბექედი დავაჯინე, რადგან მე წერვა არ ვიცოდი, ჩვენს მაგივრად ჩემს ქათიბს ჰეტრეს დავაწერიე ჩემი სიტყვებით“⁴⁰. აქედან ჩანს, რომ დაუდს საქართველოში ყოფნისას ქართული წერა-კითხვა ჯერ არ სცოდნია და ბალდადში მისვლის შემდეგაც არ მისცემია ამის შესაძლებლობა. ამას კი არსებითი მნიშვნელობა აქვს მეორე საკითხის გასარკვევად: იყო თუ არა ბალდადში ქართული სკოლა?

როგორც ჩანს, ამ საკითხის დაყენებისას გ. ბეი-მამიკონიანს გაუთვალისწინებელი დარჩა დაუდ ფაშას კარნახით გაკეთებული მინაწერის შინაარსი. ამ შემთხვევაში ის ალბათ ხელმძღვანელობდა მარტო იმ ცნობებით, რომ XVIII ს-ის 50-იან წლებში ერაყის ხელისუფლების სათავეში მოქცეულმა ქართველმა სულეიმან ფაშა „აბუ ლაილმა“ (1749—1762) ბალდადში შექმნა საკმაოდ რთული საგანმანათლებლო ორგანიზაცია, სადაც სხვადასხვა სპეციალობის მასწავლებელთა ხელმძღვანელობით სისტემატურ წვრთნას გადიოდა დაახლოებით 200-მდე ქართველი ბავშვი ჯომარდობაში, ცურვაში და სწავლობდა წერა-კითხვას. რომ ამ სკოლაგათავებული ქართველებიდან სულეიმანი ადგენდა სამხედრო რაზმებს და გარდა ამისა, ფართოდ იყენებდა მათ სხვა სამუშაოზე კანცელარიის მდივნებად, გადასახადების ამკრეფლებად, ქალაქის უფროსებად და სხვ.⁴¹ თუმცა ამ ცნობებიდან ჩანს, რომ რაკი სკოლადამთავრებულნი იგზავნებოდნენ სამხედრო და სამოქალაქო უწყებებში, ხოლო ყველაფერი ეს ხდებოდა ოსმალეთის იმპერიაში შემაჯავალ არაბულ

⁴⁰ საქ. სახელმწიფო ლიტერატურული მუზეუმის ხელნაწერთა განყოფილება, საბ. № 19582; ბ. ს ი ლ ა გ ა ძ ე, ქართველი მამლუქები ერაყში (წგნში დ. ჯ ა ნ ე ლ ი ძ ე, ბ. ს ი ლ ა გ ა ძ ე, ქართველი მამლუქები ეგვიპტესა და ერაყში. თბ., 1967, გვ. 349).

⁴¹ S. H. Longrigg, დასახ. ნაშრომი, გვ. 170.

ქვეყანაში — ერაყში, სადაც ადგილობრივ საერთო-სალაპარაკო არაბულის გვერდით გაბატონებული სახელმწიფო ენა თურქული იყო. — ცხადია, დასახელებულ სასწავლებელში თუ სასწავლებლებში (ეს ჯერ დადგენილი არ არის) მოწაფეებს შეასწავლიდნენ სწორედ ამ ენებს. მაგრამ თუ გავითვალისწინებთ იმასაც, რომ აღნიშნულ ხანაში (1749—1831 წწ.) ერაყს განაგებდნენ ქართველი მამლუქები, ანუ ქულემენები და სასწავლებელიც ძირითადად საქართველოდან ბავშვობისას ტყვედ წაყვანილი ჰაბუკებით კომპლექტდებოდა, ბუნებრივი იქნებოდა ისიც დაგვეშვა, რომ აბუ ლაილის დაარსებულ სასწავლებლებში, სხვა საგნებთან ერთად ქართულიც შეიძლებოდა ესწავლებინათ.

მართლაც, თუ დამტკიცდებოდა, რომ საქართველოდან წაყვანილმა დაუღმა წერა-კითხვა არ იცოდა, მაგრამ წერილი მაინც მისი ხელით დაწერილი აღმოჩნდებოდა, მაშინ მას ქართული წერა შეეძლო ქალაქ ბაღდადში ესწავლა საგანგებო სასწავლებელში. უეჭველად, ასეთნაირად ესახებოდა, ალბათ, ეს საკითხი გ. ბეი-მამიკონიანს 1944 წელს, როცა წერდა: „თუ მოხერხდა... ოდესმე იმის დამტკიცება, რომ ეს წერილი (საუბარია დაუდ ფაშას წერილზე — ბ. ს.) ბაღდადის ხელმწიფეს საკუთარი ხელით დაუწერია“, მაშინ „ჩვენ საგრძნობლად შიუუახლოვდებით მეორე, გაცილებით უფრო მნიშვნელოვანი საკითხის გადაწყვეტას: შენარჩუნებული იყო თუ არა მამლუქთა წრეში ქართული წერითი მეტყველების ჩვევები“, ე. ი. იყო თუ არა იქ ქართულის სწავლება? ამავე საკითხთან დაკავშირებით გ. ლეონიძემ 1954 წელს ივარაუდა, რომ „ჯერ კიდევ მეთვრამეტე საუკუნის პირველ ნახევარში ქ. ბაღდადში, ანუ ძველ ბაბილონში“⁴² ჰქონიათ ქართული სკოლა ორასი ქართველი ბავშვისათვის“⁴³. მაგრამ ირკვევა ზულ საწინააღმდეგო რამ.

1821 წელს, 47 წელს მიღწეული დაუდი, როგორც ზემოთ დავინახეთ. თვითონ გვეუბნება „...წერვა არ ვიცოდით“. ეს კი იმას ნიშნავს. რომ ბაღდადში მამლუქებს არც ქართული სკოლა ჰქონიათ და არც ქართული წერა-კითხვა ისწავლებოდა. წინააღმდეგ შემთხვევაში წარმოუდგენელია, რომ დაუდს, რომელიც მოწაფეობის წლებში შესანიშნავად დაეუფლა მანამდე მისთვის სრულიად

⁴² ბაღდადი ძველი ბაბილონი არ არის. ბაღდადი მდ. ტიგროსზე მდებარეობს, ხოლო ბაბილონი კი მდ. ეფრატის ნაპირზე იყო გაშენებული.

⁴³ გ. ლეონიძე, დაუდ-ფაშა, ჟურნალი „დროშა“, თბ., 1954, № 3, გვ. 19—20.

უცნობ არაბულს, თურქულსა და სპარსულს, არ ესწავლა თავისი მშობლიური ქართული ენა იმდენად მაინც, რომ ხელის მოწერა შეძლებოდა.

დასასრულ, გვინდა შევეხოთ საკითხს, ვისი ხელათ უნდა იყოს დაწერილი „ბედნიერი ბაბილოვანის ხელმწიფის დაუდ ფაშას წერილი დედისადმი“. ჩვენს ხელთ არსებული ცნობების მიხედვით ამ კითხვაზე პირდაპირი პასუხის გაცემა არ ხერხდება. მაგრამ „გიორგი ბოჩოლაშვილის ოჯახის ყმობიდან განთავისუფლების სიგელის“ პირის პირველ გვერდზე გაკეთებულ წარწერაზე, მეორე გვერდზე, მარცხნივ, ზემოდან მეორე მინაწერსა და თვით დაუდის ქართულ წერილზე პალეოგრაფიული დაკვირვება გვარწმუნებს, რომ წერილის დამწერი ბაღდადის ფაშას ქათიბი, ახალციხელი იუსუფ ალა (პეტრე იოსეთოვი) უნდა იყოს.

მამლუქების განადგურება

როგორც უკვე ითქვა, სულთნის ფირმანი, რომლის მიხედვითაც ბაღდადის საფაშოს დასაკავებლად გამოგზავნილი ალი რიზა მოქმედებდა, ამბოხებული დაუდის დასჯასთან ერთად ქულენენების მთლიანად განადგურებასაც ითვალისწინებდა, რადგან იმპერიის ცენტრალური მთავრობა საბოლოოდ დარწმუნდა, რომ სანამ ისინი იარსებებდნენ, ერაყში მუდამ ანტიოსმალური გადატრიალების საფრთხე იქნებოდა. ასეთი საფრთხე კი განსაკუთრებით არ მოსწონდა ერაყის ახალ გამგებელს, ვინაიდან, მამლუქთა აჯანყების შემთხვევაში მას მოუხდებოდა მთავარი დარტყმის გადატანა. მამლუქთა გავლენა და ავტორიტეტი ჯერაც ისე დიდი იყო, რომ ალი რიზას ძალაუფლების განმტკიცება ისედაც გაუჭირდებოდა. ამიტომ დაუდ ფაშას სტამბოლს გამგზავრების შემდეგ ალი რიზა ქულენების ფიზიკურ მოსპობას შეუდგა.

საშუალება, რომლითაც ალი ფაშამ დასახული მიზნის მიღწევა გადაწყვიტა, მარტივი მაგრამ მეტად ვერაგული იყო. 1831 წლის 30 სექტემბერს⁴⁴ ბაღდადის საფაშოს გამგებლად მისი დანიშნის

⁴⁴ თარიღი ემყარება ამბის მომსწრე მუჰამედ ამინ აზ-ზანღისა და ას-საიდ ღუ-

მან აღ-დინ აღ-ალვასის ჩვენებას (იხ. العزّاوى, დასახ. ნაშრომი, გვ. 329).

კლ. უარის, ს. პ. ლონგრიგის და აღ-აზვის აზრით, ალი რიზამ აღნიშნული ღონისძიების განხორციელება ბაღდადში შესვლის მესამე დღეს დაიწყო (იხ.

C. I. Huart, დასახ. ნაშრომი, გვ. 203; العزّاوى, დასახ. ნაშრომი, გვ.

329; S. H. Longrigg, დასახ. ნაშრომი, გვ. 275), ხოლო როგორც აღვასი 22. ბ. სილაჟაძე

ბრძანების გაცნობის საბაბით სასახლეში მიიწვია ქალაქის გავლენიანი პირები. მათ შორის მამლუქებიც. მათ თავმოყრამდე კი შეკრების ადგილას, არნაუტთა (ალბანთა) რაზმები ჩაასაფრა⁴⁵.

დანიშნულ დროს ყველანი სასახლეში შეიკრიბნენ და ფირმანის წაკითხვის მოლოდინში ყავას შეექცეოდნენ. ცერემონიალის დაწყების დრო რომ მოახლოვდა, ცბიერმა ალი რიზამ შეკრებილთ თვალი გადაავლო და როცა დარწმუნდა, რომ ყველა მოწვეული დარბაზში იმყოფებოდა, „ნამაზის“ მომიზეზებით დარბაზიდან გავიდა. ეს იყო ნიშანი სისხლისღვრის დაწყებისა და არნაუტთა რაზმებიც წყისვე ამოქმედდნენ. ისინი ეკვეთნენ დარბაზში მომწყვდეულ მამლუქებს, შეიპყრეს და თავები დააყრვეინეს⁴⁶. ამით დაიწყო მამლუქთა დევნა-განადგურება არა მარტო საფაშოს დედაქალაქში, არამედ მის გარეთაც, მთელ ერაყში. შეპყრობილ მამლუქებს დამსჯელი რაზმები ან ადგილზევე უსწორდებოდნენ, ანდა პატარა-პატარა ჯგუფებად, 10—12 კაცის რაოდენობით, სტამბოლს გზავნიდნენ. ამ ხოცვა-ჟლეტას მხოლოდ ერთეულები⁴⁷ გადაურჩნენ და მოვიდნენ. რომ მათი ბატონობის დრო ისევ დადგებოდა, მაგრამ საამისო პირობები აღარ არსებობდა. მამლუქობამ თავისი დრო მოკვამა და „მბრუნავი მზე საბრალო ქულემენების ბედნიერებისა“, დაუდგამას ხელისუფლების დამხობით რომ გადაიხარა, რამდენიმე დღეში საწულდამოდ ჩაესვენა.

მამლუქთა თითქმის ასწლიანი ბატონობის ხანა ერაყში დარულდა. ერაყი კვლავ „მაღალი პორტას“ უშუალო მმართველობის ქვეშ მოექცა.

შობოს, ალი რიზა ბაღდადში შევიდა 1247 წ. 17 რაბი ულ-უხრას (العزّاوی, დასახ. ნაშრომი, გვ. 327), ე. ი. 1831 წ. 25 სექტემბერს.

⁴⁵ J. B. Fraser, დასახ. ნაშრომი, გვ. 265; العزّاوی, დასახ. ნაშრომი, გვ. 328; S. H. Longrigg, დასახ. ნაშრომი, გვ. 275.

⁴⁶ დაღუპულთა შორის იყვნენ ის მამლუქებიც, რომლებმაც დაუღს ზურგი შექცეოს, ალი რიზას ბანაკში გაუქნენ და მას ბაღდადისაკენ მოუძღვებოდნენ.

⁴⁷ სულ 10—15 კაცი. ესენი შემდეგ შეწყალბულ იქნენ, ცხოვრობდნენ მშვიდად და დამსახურების მიხედვით დახმარებასაც ღებულობდნენ.

პირთა და გეოგრაფიულ სახელთა სამიხეობლო

- აბას ალ-აზაეი, იხ. ალ-აზაეი.
 აბასელთა სახალიფო 34.
 აბას შირაზა, ფათჰ ალი შაჰის შემკვიდრე 260, 261, 263, 265, 282 — 285.
 აბდი ფაშა 142.
 აბდ ალ-აზიზი 164; 168—170, 191, 250.
 აბდ ალ-აზიზ ბეგ აშ-შაეი 170—172.
 აბდ ალ-აზიზ სულეიმან ნიჯარა 3.
 აბდ ალ-კადარი 244.
 აბდ ალ-კადირ გილანი 270.
 აბდ ალ-შაჰიდი, სულთანი 324.
 აბდლაჰ ალა თუთუნაჯი 229—231, 244.
 აბდლაჰი, აბდ არ-რაჰმან ბაბანის შვილი 234.
 აბდლაჰი, ბაღდადის ფაშა 142.
 აბდლაჰი, მამხუდ ფაშა ბაბანის უმცროსი ძმა 247, 248, 250.
 აბდ ალ-სინამი 180.
 აბდ ალ-ფათაჰი 248.
 აბდ ალ-ფათჰარ ალ-აბრასი, არაბი პოეტო 272, 324, 325.
 აბდ ალ-ჯალილ ტაჰირი 11.
 აბდ არ-რაჰმანი 138, 193-196, 207, 208, 220, 222, 224.
 აბდ არ-რაჰმან ალ-ჯაბართი 113.
 აბდ არ-რაჰმან ვაფიკი 77, 84.
 აბდ არ-რაჰმან ფაშა ბაბანი 192, 193, 220, 224, 227, 229, 230, 231, 234.
 აბდულა, სუ'უდის ვაჟი 191.
 აბდულ ვაჰაბი 122.
 აბდულაჰ 224.
 აბუ იუსუფ იაკუბი 79, 80, 82.
 აბუ სუ'უდი 65.
 აბუ ხანიფა 178.
 აბუშეჰრი 261.
 ადამოვი ა. 4, 11, 23, 26, 30, 72, 77, 115, 117, 121, 136—138, 163, 165, 172, 198, 247, 257, 269, 287, 324.
 ადანა 117—119, 249.
 ადილა ხათუნი, აჰმედ ფაშას ქალიშვილი, სულეიმან ფაშა აბუ ლაილას მეუღლე 115, 128—130.
 ადრიანოპოლი 279, 285.
 ავლიანი ა. 13, 19, 31, 32, 34, 38, 86.
 ავლიშვილი გ. 113.
 აენი ომერ ეფენდი 45, 64, 66.
 აესტრია 100—102, 281
 აელანეთი 204.
 აზაშიეს ეელი 311.
 აზერბაიჯანი 102, 211.
 აზ-ზაერა 272.
 აზია 6, 203.
 აზიზ ალა 318.
 აზრა, ბაღდადელი ებრაელი 235.
 აცდინის ლივა 81.
 'აინი 'ალი 9, 69.
 'აინზერგა, წყარო 324.
 აინ-საიდი 210.
 აირლენდი ფ. 33, 39.
 აიშა, ადილა ხათუნის და 129.
 აყერმანი 279.
 აკრა 294.
 ალ-აზამიე 288.
 ალ-აზაეი 3, 122, 123, 164, 167, 169, 172, 196, 206, 243, 245, 290, 292, 300, 301, 304, 306, 309, 326, 328, 338.
 ალანეთი 111.
 ალასანია გ. 69.

აღ-აბრასი იხ. აბღ აღ-ლაფთვარ აღ-
აბრასი
აღბანეთი 135, 187, 277.
აღეპო 119, 141, 161, 190, 192, 238,
249, 271, 295, 297, 301, 318.
აღეკანდღრე 1, რუსეთის იმპერატორი
210, 223, 230.
აღეკანდრია 202.
აღოუნ კეპრი 192.
აღ-თურფი 164.
აღი აღა 272.
აღი აღა იხ. უსტა აღა.
აღი აღა, აბუ ლაილის ყოფილი ქაპია
127.
აღი აღაქუსტა აღი აღა 272, 294.
აღი აღა ქაპია 149
აღი აღა ჰისკეს ქალაქის თავი 120.
აღი აღა იხ. ჰაფიზ აღი ფაშა.
აღი ჩაუში, 8.
აღერი, 135
აღი მუჰამედ ხანი 143
აღი ნაჯიბ ბეგი 293
აღი რიზა 301, 304, 305, 309, 310
312—321, 336—338
აღი ფაშა იხ. ჰაფიზ აღი ფაშა
აღი ფაშა||ა-ი ფ-შა იანინოელი 277
აღი ხანი 317
აღ-უესმანი 325.
აღ-ქირმალი 243.
აღ-ჭალილი 222.
აღ-ჰალვანი იხ. ამინ ბენ ჰასან აღ-ჰალ-
ვან აღ-მადრნი.
აღ-ჰასა 163—169, 174, 208, 251, 252.
აღჰაჯ აჰმედ ბეგი 237.
აღჰაჯ აჰმედ ფაშა 117, 118.
აღჰაჯ კასიმ ფაშა უმარი 301.
აღჰაჯ სალოპ ბეგი 313.
აშასია 253.
ამალია 30.
ამბურგერი 260, 265.
ამიერკავკასია 200, 204, 210, 212, 217—
219, 256, 257, 263.
ამინ ბენ ჰასან აღ-ჰალვან აღ-მადრნი
148, 164, 242, 243.
ამინ საიდი 98, 99.

ამინი (ხალიფა) 232:
ამირ გუნე ხან ავშარი 133.
ანა 169, 171, 173, 208, 210.
ანა, დაუღ ფაშის ძმის, შიოს ქალი-
შვილი 242.
ანასთას მარი აღ-ქირმალი 3, 242.
ანატოლია 25, 46, 186, 201, 282, 321.
ანდალუზია 271.
ანკარა 324.
ანტონაკი 293, 297, 298.
არაბეთი 190, 191.
არაბეთის ნახევარკუნძული 29, 73,
121, 122, 125, 131, 186, 189, 251,
276, 321.
არაბთა სახალიფო 33, 78, 80, 83.
არაქსი 217, 253.
არბანი 224.
არბილი 30.
არდალანი 102.
არდაშირ ბენ ანანი 169
არვანდის სანჯაკი 52.
არზრუმი 48, 93, 135, 200, 205, 251,
261, 263, 265, 295, 297, 317, ა-ის
სათფაშო 260, 261. ა-ის საბეგლარ-
ბეგო 46.
არრა (შეიხი) 259
არფაჩი 217.
არშაგოგი კ. 195.
არჰემის ციხე 261.
არჯე სოფ. 156.
ას-საიდ ნუ'მან ად-დინ აღ-ალუასი
337.
აფრიკა 6, 135.
აფხაზეთი 110, 111, 188.
აღან მულა 191.
აყსარაის ციხე 261.
აშ-შამი (სირია) 169.
აშ-შეიხი 303, 320.
აშ-შიბაკი 164.
ახალქალაქი 279.
ახალციხე 184, 279, 331.
აჯილი 21.
აჯილ სადუნე 297.
აჰმად ას-საეფი 3.
აჰმედ ქესრიელი 118.

- ამელი, პასან ფაშა ალბანელის ვაჟი 18, 105.
- ამელ ალა 182, 183.
- ამელ ბეგი, დაუდ ფაშას ძმა 265.
- ამელ ბეგი, სულეიმან ფაშა ქუჩუქის ძიძიშვილი 200, 207, 238, 239.
- ამელ ბეგი შაბი 224.
- ამელ ფაშა 115, 117—119, 126, 177, 183, 223, 224; ა-დ ფაშა ალბანელი 127; ა-დ ფაშა, ერაყის გამგებელი 273; ა-დ ფაშა, პასანის ვაჟი 104, 118, 123, 130.
- ამელ ეფენდი 208, 222, 301.
- ამელ ვასიფი, იხ. ვასიფი
- ამელ იზხეტ ალ-ფარუჯი 325.
- ამელი იხ. დიმიტრი
- ამელ III, სულთანი 10, 102.
- ამელი, სულეიმან ფაშა ბუიუქის ქა-პია 152, 158—161.
- ამელი, შეიხ სოვეინის ძმა 153.
- ამელ ჭევლეთი, იხ. ჭევლეთი.
- ჰაბანის სანჯაკი 250
- ბაბა ხანი, იხ. ფათჰ ალი ხანი
- ბაბილონი 300; ძველი ბ-ი 300, 335; ბენდერი ბაბილოვანი 309, 321; ბა-ბილოვანი 330, 333.
- ბაგრატიონი ვ. 112.
- ბადრათის რაიონი 178.
- ბაზიანი 261, 266.
- ბათუმი 196.
- ბაიაზეთი 217, 261.
- ბაირონი 71.
- ბაყერი 253.
- ბალკანეთი 101, 202, 217, 248, 260, 261, 276, 279, 283; ბ-ის ნახევარ-კუნძული, 25, 187; ბ-ის ქვეყნები 62.
- ბარბარე, დაუდ ფაშას ძმის შიოს ცო-ლი 242.
- ბარკანი ო. ლ. 77.
- ბასრა 6, 10, 18, 23, 26, 30, 43, 44, 48, 55, 72, 84, 94, 96, 102—104, 113, 117—120, 122, 123, 127, 133—135, 137—140, 142—148, 151—
- 156, 161, 163, 169, 171—174, 178, 181, 195, 200, 204. 213. 216, 223, 227, 232, 236—238, 239, 245, 252, 254, 256, 257, 266, 269. 273, 292, 274, 298—300, 318. 325, 328, 329.
- ბაქარ ბაგრატიონი 10.
- ბაქარძე დ. 31, 32, 34, 54.
- ბალდადი 5, 6, 10, 13, 14, 16—18, 26, 27, 30, 43, 44. 46, 48, 55, 63. 72, 73, 75, 76, 84, 85, 93, 97, 102—107, 113, 115—131, 134—142, 144—150, 152 —169, 171—174, 176—180, 182, 183, 188—192, 194—198, 200, 203—210, 215—218, 220—223. 225—235, 236—257, 259, 261—274, 280—281, 283—287, 289—296, 289—296, 299 —305, 308—321, 323—338.
- ბაქრეინი, კუნძული 208.
- ბაქროუზი 302.
- ბეი-შამიკონიანი გ. 4, 242, 273, 327, 333, 335, 336.
- ბელგრადი 101.
- ბელენი მ. 48, 58, 68, 77.
- ბენათ საიდი სულეიმან ბუიუქის შეი-ლი 181.
- ბენდერ აბასი 132.
- ბენდერი 132, 214, 252.
- ბენდერ-რაგი 132.
- ბერძენიშვილი ნ. 109—112.
- ბესარაბია 188.
- ბითლისი 252, 261.
- ბიუპრე შიტირე
- ბლანტი, ლედი ანა, ბაირონის შვილი-შვილი 71.
- ბოკენი კ. 77.
- ბოზორგი, აბას მირზას ვაზირი 217.
- ბომბეი 214, 223
- ბონსია 323; ბ-ის საბეგლარბეგო 46, 48.
- ბოჩოლაშვილი გიორგი. დაუდ ფაშას მამა 142, 243, 330.
- ბრიტანეთი 148, 182, 263, 293.
- ბროძელი გ. 242.
- ბროძელი ივ. 332.
- ბუდას საბეგლარბეგო 46, 48.

ბუღბერგი 198.
ბულგარეთი 50, 277.
ბურკარდტი ჯ. 21, 161, 164, 168.
ბურსა 323, 329; ბ-ის ლივა 81.
ბურჯანაძე შ. 109.
ბუქარესტი 230, 276, 277.
ბუტკოვი პ. 127, 128.
ბუშირი 134, 135, 140, 252, 294,
ბი-ს ნავსადგური 218.

გაბაშვილი ვ. 7, 10, 15, 31, 32, 34,
40, 41, 49, 55, 59, 60, 62, 67, 68,
77, 80, 90.

გალიცია 225

გამაზოვი შ. ა. 11.

გარდანი ა. 204, 212, 213, 214, 217,
218.

გარდანი კ. შ. 211.

გიბი პ. 77.

გიგინეიშვილი ო. 57, 142, 144, 275.

გარდილანი 195.

გორგიჯანიძე ფარსადან 108.

გორდღევსკი ელ. 60.

გორიჭელი, იხ. კონი ბეი გორიჭელი.

გოჭბილკინი შ. 77.

გრიბოედოვი ა. 282, 283, 332.

გროვესი ა. 199, 300.

გულოვიჩი ი. 198, 205, 206, 216, 217.

გურია 279.

გურჯისტანი 65—67, 82, 108.

დაუდ ალა. ობ. დაუდ ფაშა.

დაუდ ეფენდი იხ. დაუდ ფაშა.

დაუდ ფაშა||დაუდ ალა||დაუდ ეფენდი
18, 30, 181, 200, 233, 235—237,
239—251, 254—259, 262, 264—273,
280, 284—290, 292, 294—313, 316,
317, 321—325, 328—337.

დაუდიე 267.

დაუსონი ე. 39.

დაშასკო 79, 94, 141, 161, 190, 192, 310,
325.

დანცივი ბ. 32.

დარ ას-სალამი 270.

დარა'ია 168, 170, 171.

დარეიშ ალა 316, 317.

დარდანელი 223.

დატცილო 302.

დალესტანი 110, 217.

დევი 272, 316, 317.

დელი აბასი 178.

დენი 58.

დიადინი 261.

დილა (მდ.) 149, 228

დიარბაქრი 117, 119, 141, 188, 201,
223, 225, 253, 295, 297, 323, დ-ის
საბეგლარბეგო 46.

დიბიჩი ი. ა. 279.

დიდი ბრიტანეთი 252, 253.

დივანე 151.

დიმიტრი||აქმედი||ქუესიანი, ბოჩოლა-
ანთ გიორგის შვილი, დაუდ ფაშას
ძმა 200, 242, 265, 294, 328, 329.

ღირი 297.

ღირნა 224.

ღონაძე ე. 31, 274.

ღუეაიჯი მდ. 72.

ღუველი ვ. 23.

ღუმბაძე შ. 112.

ღუნაი მდ. 225.

ებერდინი, ლორდი 253.

ეგეოსის კუნძ. 278.

ეგვიპტე 113, 114, 122, 135, 162, 180,
184, 186, 187, 190, 202, 203, 205,
208, 251—253, 275, 276, 294, 321,
325, 327, 333.

ედერი რ. 219, 225.

ევანსი დე ლასი 281, 282.

ევროპა 6, 100, 102, 104, 158, 162, 176,
184, 194, 203, 268, 272, 275, 278,
279, 294, 334.

ეფტრათი 5, 10, 72, 120, 131, 140, 150,
151, 153, 154, 156, 169, 171, 173, 204,
208, 209, 213, 231, 256, 258, 267,
336.

ეთიოპია 303

ენგელსი ფ. 160.

ენიკოლოფოვი ე. 241.

ეპიდარე ქ. 278.

ერაყი 3—8, 10 11, 13, 15—20, 22—31, 33, 37, 38, 40, 42—44, 49, 50, 53, 59, 63, 70—78, 81, 83—85, 87, 98, 92—97, 99, 100, 102—105, 107, 114, 115, 117—120, 122—127, 129—138, 141—142, 146—149, 151—154, 156—160, 163, 165, 166, 168—175, 178—182, 188—195, 197, 198, 200, 203—210, 215—217, 220—229, 232, 234, 241, 242, 245, 246, 249—259, 261—264, 266—269, 271—273, 281—287, 294—297, 299—302, 305, 307, 308, 309. 311, 317, 318, 321, 322, 325—328, 331, 333, 334, 336, 338.

ერაყი აქემი 5.

ერეკანი 217, 218, 280

ერეკლე II 180, 327.

ერფურტი 223, 225.

ერმოლოვი ალექსი პეტრეს ძე 256, 260, 263, 265, 329, 331, 332.

ესპანეთი 218.

ესქიმოსული 178

ეჩმიადინი 217.

ეპირი 187, 278.

ვალახეთი 202, 223, 276, 278, 279.

ვანი 141, 250, 261, 283.

ვასიფი 114, 115, 126, 127.

ვახუშტი იხ. ბაგრატიონი ვ. ვენა 101.

ვენეცია 100, 101.

ველერსი ეაკ 32, 34.

ველინგტონი ა. 281, 282.

ველსტილი ჟ. 21, 300.

ვიდინია 187.

ვიდრა 248.

ვილოკი პენრი 260.

ვოლნეი კ. ფ. 327.

ვრედე 217.

ზაბი (მღ) 311, მცირე ზ-ი 72, 152.

ზანგაბადი 237.

ზაქი ხან ზენდი 144, 145.

ზუბაირი 153, 173, 191.

ზუბალაშვილი ანდრია 328, 330, 331.

თაბით ეფენდი 27, 309.

თაერიზი 218, 253, 257, 265, 282. 297.

თათარჯიკ აბდულაჰ ეფენდი 185, 186.

თამიშვარის საბეგლარბეგო 46, 48.

თბილისი 109, 205, 241, 242, 243, 253, 265, 328, 331, 332, 334.

თეირანი 193, 196, 199, 211—214, 218—220, 281, 285, 294, 310.

თელავი 334.

თესალია, ნავსადგ. 278.

თეფელენი 277.

თოფრაქ ყალა 261.

თურქეთი 25, 31, 32, 35, 50, 57, 100—102, 111, 135, 137, 140, 142, 143, 145, 184, 186, 192, 201, 230, 250, 260, 274, 283, 317, 324.

თურქესტანი 285.

თურქმენჩაი ს. 279, 282, 283

ია'კუბ ებრაელი სოვდაგარი 159.

ია'კუბ სარქისის 3, 242.

იანინო 277, 279.

იასი 185.

იაპია ალა ხაზინდარი 245

იბრაჰიმ ალა 314, 315,

იბრაჰიმ ბეგი ბასრის მუთასალიმი 153.

იბრაჰიმ ბეგი (ი. სინჯიკაშვილი) 187.

იბრაჰიმ მუთეფერიკა 270

იბრაჰიმი, ბაბანის ტომის ბელადი 180.

იბრაჰიმ ფაშა 123, 251, 252.

იბრაჰიმოვი გ. 77, 85.

იეზლი ქ. 285.

ივანოვი მ. 134.

ი'ზ ად-დინ იუსუფი 271, 326.

იმამ აზამი 288, 292, 297, 308, 314 —
— 316.

იმამ მუსა (სოფ.) 315, 316.

იმეერ დარინი 285.

იმერეთი 109, 110, 112, 113, 279.

ინაიეთულაჰ ალა 247.

ინალჩიკი ჰ. 52, 77.

- ინგლისი 132—135, 137, 139, 144, 146,
 148, 152, 182, 186, 195, 196, 200,
 202—204, 210, 211, 213—216, 218,
 219, 222, 223, 252—257, 260,
 263, 267, 279, 281—285, 310, 321.
 ინდოეთი 104, 169, 203—205, 208,
 210, 212, 213, 215, 219, 253, 256,
 257, 281, 282, 285, 325.
 იონანე ბატონიშვილი 113.
 იოსებ. იხ. ჰათიზ ალი ფაშა
 იოსეთოვი (იოსეთაშვილი) პეტრე,
 იხ. იუსუფ ალა.
 იოსეთოვი პეტრე ქათიბი, იხ. იუსუფ
 ალა.
 იპსილანტი ალექსანდრე 276.
 ირანი 5, 6, 11, 73, 78, 79, 93, 102,
 104, 111—114, 116, 117, 125, 126,
 129—135, 138—142, 144—146, 151,
 156, 157, 158, 165, 172—174, 176,
 179, 189, 192—196, 200, 203, 204,
 205, 208, 210—216, 218—220, 230
 —232, 234, 237, 245—255, 258—
 267, 272, 280—285, 297, 298, 300,
 301, 317. ი-ს აზერბაიჯანი 260,
 265.
 ირბილი ქ. 311.
 ისა (არხი) 267.
 ისა ბეგ მარდინელი 156.
 ისაკ ებრაელი 290
 ისმაილ ბეგი 214.
 ისმაილ ხანი 125.
 ისქანდერბე 178.
 ისთაჰანი 214, 252
 იტალინსკი ა. 184.
 იუსუფი ქ. ბასრის მეთასალიმი 138.
 იუსუფი 297. *
 იუსუფ ალა||იოსეთოვი (იოსეთაშვი-
 ლი) პეტრე||იოსეთოვი პეტრე, ქათი-
 ბი 131, 132, 135.
 იუსუფი არზრუმის ფაშა 200
 იუსუფ ფაშა რუმელიელი 295.
 იუსუფ ფაშა იხ. ჰაჯი იუსუფ ზია ფაშა.
 იხჩიევი დ. 77.
 კაკეასია 111, 113, 114, 123, 174, 186,
 193, 198, 201, 202, 214, 216—218,
 280, 281, 283—285, 310.
 კაზიმიე (სოფ.) 121, 135.
 კაირო ქ. 187, 294.
 კაკაბაძე ს. 108.
 კალკუტა ქ. 215.
 კანდელაკი ლევან 243, 332.
 კორანსე ლ. 188, 206.
 კარლოვიცი 100.
 კარნაპი 137.
 კარტრაიტი 253.
 კარუნი (მდ) 131.
 კასიმ ფაშა უმარი 295, 296, 301—308,
 310, 311, 313.
 კასპიის ზღვა 212.
 კაკეაქიშვილი მ. 180.
 კახეთი 109, 110, 113.
 კერზონი გ. 131.
 კერ-პორტერი რ. 253, 326, 329.
 კიკვიძე ა. 184.
 კინეირი ქ. მ. 198, 227, 252, 253.
 კნიპაუზენი 133.
 კოდრინგტონი აღმირალი 279.
 კოლკუპინი 252.
 კონია 323.
 კოტლოვი ლ. 32, 77.
 კონი ბეი გორიჯელი 26, 46, 48, 69, 54,
 85, 94, 95, 98.
 კრონშტადტი 281.
 კუევიტი 134, 140.
 კურდელაშვილი შ. 328.
 ლამბერტი არქანჯელო 108, 111, 112
 ლამლუნი ქ. 130, 151; ლ-ის კაობი 72,
 128.
 ლატიფ ბეგ შავეი ზადე 208
 ლატუში მ. კ. 148.
 ლენინი ე. ი. 212.
 ლეონიძე გ. 4, 241, 242, 328, 336.
 ლესერფი ქ. 11.
 ლინდენი ე. 35.
 ლონგრივი ს. კ. 3, 115, 116, 124, 136
 139, 153, 164, 174, 206, 228, 235,
 241—243, 247, 273, 292, 295, 301,
 328, 337.

- ლონდონი 253, 254, 279.
 ლოუ კ. 136.
 ლურისტანი 102, 125.
 ლუკა 3, 196, 257.
- მაგაზანიკი დ. 61.
 მაღალ ბეგი 188, 196, 197, 199.
 მადრასი 253.
 მაზაროვიჩი ს. 260.
 მაკდონალდი ჯონ 281, 282, 284.
 მაკედონია 277.
 მაკინტოში ჯემს 253.
 მალიქ ბინდი (სოფ.) 180.
 მალკოლმი ჯონ 131, 136, 213—215, 218.
 მანესტი 152.
 მანველაშვილი 243.
 მანველოვი (ბოჩოლაშვილი) გიორგი 332, 334, 337
 მანველოვი (ბოჩოლაშვილი) შიო გიორგის ძე 332, 334, 335.
 მანტრანი რ. 3.
 მარალა 253.
 მარაში 45, 119, 204, 249.
 მარდინი 99, 103, 104, 119, 138, 178, 201, 207, 223—225, 252, 296.
 მარიამ, გიორგი ბოჩოლაშვილის ჰე-ულლე, დაუღ ფაშას დედა 242, 243, 330—332.
 მარიცის ხეობა 279.
 მარმარილოს ზღვა 202.
 მარქსი კ. 45, 60, 105, 213, 279.
 მასკატი 135, 139, 191, 208, 266, 294.
 მასრუფ მუჰამედი 287.
 მამზადი 137.
 მამშულ ბეგი 234.
 მამშულ II 68, 202, 230, 236, 238, 249, 250, 261, 263, 279, 280, 285, 287, 292—294, 297, 310, 311, 319, 323.
 მამშულ ფაშა ბაბანი 237, 239, 246, 247, 250, 255, 265.
 მაგლობლიშვილი მ. 109.
 მედინა კ. 72, 169, 171, 191, 192, 249, 258, 276, 283, 324, 326.
 მენდელი 30, 178, 262, 264, 266.
- მენდელჯინი 248
 მენთეშაშვილი ა. 11, 33, 44.
 მესოპოტამია 5, 134, 144, 146, 190, 236, 256, მ-ა (არ-რაჟიდაინი) 271.
 მექა 72, 73, 122, 169, 171, 187, 191, 192, 249, 258, 294, 276, 283, 323, 324.
 მეწაპული ზღვა 161, 190, 203, 203, 276.
 მეშქედ-ალი 173.
 მეშეხ ალი ხანი 250.
 მეშქედ ალა, ქეთხულა 248
 მეშქედ ემინ რეუფი 261.
 მეშქედ II ფათიხი (სულთან) 66.
 მეშქედ სურეია 115, 122, 138, 148, 174, 198, 206, 228, 241, 323, 324.
 მეშქედ ხოზრეე ფაშა 186.
 მილერი ა. 32, 40, 61, 77.
 მინტო 215.
 მირზა მუჰამედ ბაქირ ათ-თაფლისი (თბილისელი) 270.
 მირზა რიზა 211.
 მირზა შაფი 194, 214, 217—219.
 მირ მოხანი 132—136
 მისრი 180
 მკერვალი ა. ე. 332.
 მოლდავია 207, 219, 223, 276, 279.
 მოსული 6, 7, 10, 13, 30, 44, 59, 63, 72, 79, 81, 83, 85, 88—90, 102, 119, 141, 190, 208, 222—224, 227, 249, 252, 253, 268, 295—297, 301, 310.
 მორდტმანი ი. 60, 61.
 მორეია 187, 278, 279.
 მოზაჩი 101.
 მტკვარი 217.
 მუბარიზი 166, 167.
 მუთაფჩიევა ვ. 50, 54, 59, 86.
 მურად I, სულთანი 25, 105, 106.
 მურაგიოვი ნ. 241, 287, 313, 323.
 მუსა ალა, ქაპია 245.
 მუსიბი 178, 246.
 მუსტაფა აბაზა 199
 მუსტაფა არაბი 243.
 მუსტაფა აფხაზი 196.
 მუსტაფა ალა ჰასან ფაშა ქაპია 103.

- მუსტაფა ფაშა ბაირაქტარი 202, 275.
 მუსტაფა ბეგი 120, 154—156.
 მუსტაფა II 102.
 მუსტაფა IV 202.
 მუსტაფა ფაშა ისფანაქი 141, 142.
 მუსტაფა კაფულან ფაშა 123.
 მუსტაფა ქურთი 156.
 მუსტაფა ჰიჯანი 153.
 მუსი 261.
 მუხრანი 112.
 მუჰამად დაჰი ეფენდი 142.
 მუჰამად იბნ რაშიდი 21.
 მუჰამედ ალი მირზა 193, 220, 246—
 248, 261, 262.
 მუჰამედ ალა 266.
 მუჰამედ ალა (დაუდ ფაშას სარდალი)
 246, 248, 312.
 მუჰამედ ალა ქაჰია 246, 262.
 მუჰამედ ალა ქედხულა 245.
 მუჰამედ ალა ყარა, ბიბერი 303.
 მუჰამედ ალ-ბასირი 271, 326.
 მუჰამედ ალი. ეგვიპტის გამგებელი
 187, 202, 251, 275, 286, 323.
 მუჰამედ ალი რიზა 295—297.
 მუჰამედ ალფი 187.
 მუჰამედ ამინ აზ-ზანდი ალ-ბალდადი
 291, 337.
 მუჰამედ ამინ ზაჰი 237.
 მუჰამედ აშ-შაუეი შამარის ტომის ბე-
 ლაღი 190.
 მუჰამედ აჯემი 149.
 მუჰამედ ბეგი, ქოის სანჯაყის გამგე-
 ბელი 208, 222, 223.
 მუჰამედ ბეგი შა'ბი (სულეიმან ფაშა
 ქურჩუქის სარდალი). 224.
 მუჰამედ ბეი შაუეი 166.
 მუჰამედ ეფენდი ბეგი, მარდინის ეოე-
 ეოდა 138.
 მუჰამედ მასრუფი, ამირახორი 290,
 291, 302.
 მუჰამედ საიდი, დაეთარდარი 245.
 მუჰამედ საიდ ბეგი 246.
 მუჰამედ ფაშა ბაბანი, სულეიმანიეს გა-
 მგებელი 254, 265.
 მუჰამედ ფაშა თირიაქი 119—121.
 მუჰამედ ფაშა, მოსულის გამგებელი
 227.
 მუჰამედ ფაშა, სივანის გამგებელი
 120.
 მუჰამედ ფაშა, ქოის სინჯაყის გამგე-
 ბელი 192.
 მუჰამედ ფაშა ჰილალი 190.
 მუჰამედ შაუეი, უბეიდების ტომის
 შეიხი 166.
 მუჰამედ წინასწარმეტყველი 324.
 მუჰამედ ხალილ ოღლი 149.
 მუჰამედ ჰუსეინი, მუჰამედ ალი ჰარ-
 ზას ვაეი 262.
 მუჰამედ ჰუსეინ ხანი 265.
 მუჰამედ აზია 35, 190, 252, 257, 263.
 ნაბი ხანუმი, საიდ ფაშას დედა 233.
 ნადირ ყული ხანი (|| ნადირ შაჰი) 115.
 ნადირ შაჰი 110, 116, 117, 125, 126,
 131, 134, 193.
 ნავარი 206.
 ნავარინი 279.
 ნაპოლეონ ბონაპარტე 162, 184, 186,
 194, 201, 203—205, 211, 212, 215,
 218, 223, 225, 252, 272, 277, 315.
 ნარინი 178.
 ნასიფ ალა 181, 196, 199.
 ნახჩევანი 217, 218, 280.
 ნაჯიბ ბეგი 297.
 ნაპრ ალ-ანტარი 154.
 ნესელროდე კ. 256, 263, 301.
 ნესეგეტაევი, გენერალი 193, 198.
 ნეჯდი 29, 73, 121, 122, 161, 163, 168,
 169, 171, 190, 251, 288.
 ნეჯმი ზადე 270.
 ნეჯფი 71, 135, 171, 178, 234, 249,
 258.
 ნიბური კ. 177.
 ნიჟეპოლტი ლ. 73, 324.
 ნიკოლოზ I 281.
 ნილოსი 203.
 ნინო, დაუდ ფაშას ძმის შიოს ქალღ-
 შვილი 242.
 ნოვიჩევი ა. 86.
 ნუბია 276.

ნუ'მან ეფენდი 145.

ნუ'მან ფაშა 222

ობრენოვიჩი მილოშ 278.

ოღესა 281.

ოლიეე გ. 97, 144, 158—160, 175.

ომანი 135, 139.

ომანის სრუტე 208.

ომარ ალა 246.

ორბელიანები 242, 330, 332, 334.

ორბელიანოვი ლუარსაბ იოანეს ძე 243.

ორბელიანი პაპუნა 110—112.

ორბელიან-ყაფლანიშვილი ასპან 330.

ორბელიან-ყაფლანიშვილი დავით 330.

ორბელიან-ყაფლანიშვილი იაკობ 330.

ორბელიან-ყაფლანიშვილი კონსტანტინე 330.

ორბელიან-ყაფლანიშვილი ლუარსაბ 242, 330.

ორბელიან-ყაფლანიშვილი სამარა-ლდან 330.

ორბელმან-ყაფლანიშვილი ქაიხოსრო 330.

ორდუბადი 217.

ორმუზდის სრუტე 213.

ორზანი, ოსმან I-ის ვაჟი 105.

ოსმალეთი 3, 7, 11, 12, 17—18, 24, 31—34, 36—38, 40—44, 50, 51, 53, 55—59, 61, 62, 65—67, 69, 73, 76—78, 81, 84, 87, 93—96, 98, 100—106, 109, 112—117, 119, 122, 124—127, 129, 132, 135, 138, 140—142, 144—148, 151, 156, 158, 160—162, 173, 180, 182, 184, 186, 187—189, 192—195, 199, 201—203, 205—207, 212, 216, 217, 219, 220, 222, 223, 225, 230, 232, 235, 237, 238, 243, 246, 250, 252, 254, 258, 260, 261, 263—265, 267, 272, 274—277, 279—282, 284—286, 298, 301, 303, 308, 310, 317, 321, 323, 327, 335. ო-ის იმპერია 12, 19, 23, 30, 53, 85, 96, 102, 117, 172, 200, 201, 204, 205, 228, 264, 278.

ოსმან ბარდისი 187.

ოსმან I 105.

ოსმან ფაშა 103.

ოსმანი, ხალიფა 324.

ოშე ლუა 286, 292, 300, 323.

ორონტი 204.

პანკრატიევი 301, 317.

პარაზი 204.

პასკევიჩი ი. 281—283.

პასლი 214.

პელაგონესის ნავსადგური 278.

პეტერბურგი 205.

პეტრე იხ. იუსუფ ალა

პეტრუშევსკი ი. 32, 61, 134.

პიოკო 253.

პოლონეთი 111.

პოტიომკინი 18.

პრუსია 204, 281.

ეიარადინი, საფრანგეთის ელჩი სტამ-ბოლში 24.

ეობერი 211.

რაინეგსი იაკობ 112.

რამადან ალა ჩოქდარი 191.

რასულ-კეიმი 208.

რასულ შაჟი ეფენდი ქირქუქი 177, 179, 237, 270.

რაქქა 119, 127.

რაჯიბი 118.

რაპიზ ფაშა 126, 127.

რეის ეფენდი 220.

რეფიკ ა. 61.

რუმჩუკი 202.

რიჩი კლ. 215, 252, 254—257, 331.

რეჩ პოსპოლიტა 100.

რიტერი ქ. 5. 18, 231.

როზენი დ. 198, 287.

რომი 325.

რუმელია 98, 120, 186, 187, 201, 321; ო-ის საბეგლარბეგო 46, 48; ო-ის

ეიალეთი 24.

რუმი 46, 167.

რუმიანევი ნ. 205.

- რუსეთი 3, 72, 100, 111, 135, 174, 180, 184, 193—195, 197, 200—205; 210 214, 216—220, 225, 230, 247, 250, 256, 257, 260, 261, 263—265, 272, 276—286, 294, 317, 321, 326.
- რუსთემ ალა 237, 296.
- რუსო 12, 15, 17, 193, 179.
- ზამო ველი 297.
- საბარათიანო 112.
- საბერძნეთი 25, 248, 276—279, 321.
- სადეე ხანი 132, 136, 137, 139, 140, 143—145.
- სადიკ ბეგი, საიდ ფაშას ძმა 251.
- სადიკ ეფენდი 287—294, 296.
- სადუნ ალა 313.
- სადუნი, შეიხი 267.
- საიდ აბდ-არ რაზაკი 289
- საიდ აღ-დინ ფაშა 127.
- საიდ აღ ბუვი 237.
- საიდ ალი ალა, იანიჩარების უფროსი 245.
- საიდი, იხ. საიდ ფაშა.
- საიდ ეფენდი 320.
- საიდ ფაშა 18, 181, 229, 231 —241, 244—246, 314, 316, 331.
- საიფ აღ-დავლა 271.
- სალიკ ბეგი, სულეიმან ფაშა ბუიუქის ვაჟი 181, 304—306, 309, 312—314, 316, 319, 320.
- სალიკ ათ-თამიში, შეიხი 271.
- სალიკ ალა 296.
- სალიჰიე 316.
- სალომე, დაუდის ძმის შიოს ქალი-შვილი 242.
- სალონიკი, ნესადაგ. 278.
- სამეგრელო 109—112, 279.
- სამცხე 108.
- სარაჯინის ბაზარი 178.
- საუღვატი ჰორაციო 300
- სუ'ულ იბნ ალ'აზიზი, ეპაბიტების ამირი იხ. სუ'ული.
- სუ'ული 167, 168, 171, 172, 173, 191, 208—210.
- საფრანგეთი 24, 184, 186, 194, 201—205, 210—213, 216—219, 223, 225, 276, 279, 281.
- საქართველო 3, 26, 108, 110—112, 123, 135, 137, 138, 174, 180, 189, 195, 200, 204, 205, 211, 213, 218, 256, 270, 273, 279, 326—324, 336; აღ. საქ-ლო 211, 201, დას. საქ-ლო 109, 184, 201.
- სატიციანო 112.
- სუბასტიანი ლ. 202, 204, 207, 216, 225.
- სენტ ჯორჯი 253.
- სევალი 5.
- სევესტოპოლი 281.
- ქელიმ ალა, სულეიმან ფაშა ბუიუქის სიმე 181.
- სულომ 111 98, 160, 161, 182, 183, 185—188, 190, 192—194, 201, 202, 204, 205, 275, 310.
- სერბია 187, 201, 202, 263, 277—279.
- სენიძე მ. 7—10, 15, 19, 24, 34.
- სიეაში 119, 120, 249.
- სიისტრი 252.
- სილაგაძე ბ. 14, 242, 113, 333—335.
- სიმონოვიჩი 195.
- სინჯიკაშვილი იხ. იბრაჰიმ ბეგი.
- სიპენკოვა ტ. 79.
- სირია 6, 104, 114, 169, 184, 186, 203, 208, 294.
- სისტოვი 185.
- სიტა 267.
- სიხარულიძე ე. 31, 33, 34, 37, 40, 77, 80, 82, 83.
- სეკურარია 135.
- სმირნა 253.
- სმირნოვი ვ. 61, 62, 77.
- სოვეინი, შეიხი 145, 146, 153—156, 163, 164, 167, 168.
- სოკოლოვი ი. 77.
- სოლომონ I 327.
- სომხეთი 25, 211, 252, 280, ს-ის ზე-განი 5.
- სომხობი 112.
- სპარსეთი 211, 253, 283, 285, 301.

- სპარსეთის ყურე 6, 104, 131—134, 144, 151, 161, 165, 169, 204, 208, 212—214, 215, 219, 256.
- სტამბოლი 14, 24, 26, 44, 68, 99, 101—104 111, 117, 119, 120, 124, 130, 140—142, 146—148, 153, 160, 177, 178, 182—184, 186, 190, 192, 194, 199, 200—207, 216, 219—221, 225—227, 230, 232, 236, 238, 241, 245, 247, 250, 253, 255, 270, 271, 287, 293, 294, 296, 297, 309, 310, 316, 319—321, 323, 325, 329, 337, 338.
- სტრანგფორდი 255.
- სტროგანოვი გ. 247.
- სტოქჰელერი ჟ. 292.
- სუდანი 276.
- სუკ აშ-შუიუხი 153.
- სულეიმან ალ. დანამი 308, 313—315.
- სულეიმან ალა, ამირახორი 289, 291.
- სულეიმან ალა, ქართველი 266.
- სულეიმან ალა, ხაზინდარი 312.
- სულეიმან ალა, იხ. სულეიმან ფაშა აბუ ლაილი.
- სულეიმან ალა, იხ. სულეიმან ფაშა ბუიუქი.
- სულეიმან აშ-შამარი 296.
- სულეიმან აშ-შაუვი 151—153.
- სულეიმან ბეგი 273.
- სულეიმან ბეგი, ქაჰია, იხ. სულეიმან ფაშა ქუჩუქი.
- სულეიმან კანუნი, იხ. სულეიმან I.
- სულეიმან III, იხ. სულეიმან ფაშა ქუჩუქი.
- სულეიმან ნავარი 241, 257.
- სულეიმან I, სულთანი 24, 46, 55, 56, 60, 63, 65, 66, 86, 88.
- სულეიმან ფაშა აბუ ლაილი 18, 30, 114—128, 131, 138, 160—163, 149, 150, 177, 182, 197, 200, 335, 336.
- სულეიმან ფაშა ბუიუქი 18, 30, 137 — 139, 143—147, 149—159, 165, 170—183, 189, 196, 199, 200, 222, 227—231, 243—245, 249, 252, 262, 273, 304.
- სულეიმან ფაშა მიზრაქალი. იხ. სულეიმან ფაშა აბუ ლაილი.
- სულეიმან ქაზი 132, 133—137, 144, 151, 153.
- სულეიმან ფაშა, ქოის სანჯაყის მეთა-სარიფი 237.
- სულეიმან ფაშა ქუჩუქი 18, 196, 198—200, 203, 205—210, 215, 220—228, 238, 273.
- სულეიმანი, ბასრი მუთასალიმი 139.
- სულეიმანი, აბდ არ-რაჰმანის ბოძაჰუ-ლი 208.
- სულეიმანი ყარაჩოლანის ფაშა 128.
- სულეიმანიე 29, 155, 156, 180, 192, 193, 207—209, 215, 221, 222, 234, 236, 237, 245—248, 254, 255, 255, 266.
- სუფიან ეფენდი 310, 311.
- სუფუქი 296.
- ტაბი მდ. 131.
- ტალეირანი 211.
- ტატარჯიკ 'აბდ ალაჰ ეფენდი 98.
- ტაჰირ ას-სირუზი 224, 302.
- ტეილორი 257, 272, 292, 293, 299, 300, 310.
- ტელაფარი 190.
- ტვერიტინოვა ა. 11, 19, 31, 34, 52, 53, 60—62, 77, 89, 90.
- ტიგროსი 5, 72, 128, 131, 140, 152, 165, 213, 251, 256, 299, 305, 315, 336.
- ტივაჰე გ. 31.
- ტილზიტი 204, 223, 225.
- ტისა მდ. 101.
- ტრაპიზონი 257, 281.
- უარი კლ. 3, 115, 130, 136, 145, 175, 178, 189, 221, 228, 232, 292, 309, 312, 321, 323, 337.
- უბაიბი (მდ). 72, 152.
- უბიჩინი ა. 87.
- უზუნ ჩარშილი ი. 77.
- უმარ ბეგი 237.
- უმარი||უმარ ფაშა 129—131, 135, 136, 140, 142, 149.

უოტსონი რ. 196.
ურუმის ქვეყანა 112.
ურფა 268, 297.
უსმან ფაშა ბაბანი 155.
ფადლალი 245.
ფაზენდ ოღლუ 187.
ფათქ ალი შაჰი||ბაბა ხანი 173, 174, 193, 194, 211, 215, 230, 234, 249, 258, 259, 263, 264, 282, 283.
ფაქალინი მ. 61.
ფეიზულ ალა 227.
ფეკეტი ლ. 77.
ფელუქი 267.
ფილიპოვიჩი ნ. 32, 58.
ფინეთი 210.
ფინქენშტეინი 204, 211, 218.
ფირუზ ეთიოპელი 303.
ფოთი ქ. 201.
ფონტანიე ვ. 273, 328, 329, 321.
ფუთურიძე გ. 17, 25, 26, 31, 32, 34, 37, 40, 41, 45, 46, 48, 55, 64, 66, 69, 77, 82, 85.
ფურცელაძე ნ. 272.
ჭაზიძე 302, 312.
ჭართლი 108—110, 112, 279.
ჭაშვირი 253.
ჭაბია-ბეგი 148, 210, 200, 205.
ქემალაბადი 214.
ქერბელა 71, 135, 172, 173, 178, 209, 210, 249, 258.
ქერიმ ხან ზენდი 125, 131—136, 140—145, 148, 193.
ქერმანი 285.
ქერმანშაჰი 193, 220, 230, 231, 234, 237, 246, 247, 255, 258, 259, 261, 262, 264, 265, 317.
ქეშმი 213.
ქირქუქი 30, 192, 234, 236—239, 247, 297, 300.
ქოი 30, 192, 194, 208, 222, 223, 237, 246, 247, 250.
ქორიძე დ. 324.
ქოფრულუ 58.

ქუთ აღ-ამარი 72.
ქუთი 178.
ქურთისტანი 19, 42, 103, 123, 128, 156, 157, 141, 180, 188—195, 197, 199, 207, 214, 220—222, 224, 230, 231, 234, 237, 247, 253, 254, 255, 263—265, 281.
ქურუქ კაინარჯი 142, 184.
ქურუქ სულეიმანი იხ. სულეიმან ფაშა ქურუქი.
ყარა გიორგი 187, 202, 277.
ყაქრ კუფი 267.
ყარადალი 246.
ყარაშანი 206; ყ-იის საბეგლარბეგო 46; ყ-იის საფაშო 102; ყ-იის ვილა-ეთი 63, 78.
ყარაჩოლანი 128, 180, 192.
ყარსი 195; ყ-ის ციხე 261.
ყაფლანიშვილები იხ. ორბელიან-ყაფლანიშვილები.
ყიზლარი 217.
ყიზილ რობატი 248.
ყუბანი 279.
შაბანოვიჩი ჰაზიმ 60.
შადინოვი ნონია 334.
შავი ზღვა 111, 279, 281.
შამხანი 218.
შამს აღ-დინ სამი 13
შარაშენიძე ზ. 131—133, 135—137, 141, 142, 144, 176.
შარდენი ეან 109, 110, 112.
შატ აღ-არაბი (მღ.) 132, 134, 136, 137, 139, 140, 161, 173, 195, 204, 254—256.
შატ აღ-ხაი 72.
შაფლალ ალა შალალი 251.
შაქლან ფაშა 183.
შაჰ აბას I 172.
შაჰ თაჰმასპ II, 125.
შაჰრიზური 48, 72, 75, 148, 152, 153, 155—158, 192, 196, 207, 208, 230, 232, 239, 245, 248, 255, 264, 265, 297, 303; შ-ის ეილაეთი 6, 7, 10, 13,

30, 44, 102, 141; შ-ის საბეგლარ-
ბეგო 46; შ-ის საფაშო 55.
შაქფულა ალ-ხალილი 234.
შეის მაზქურ იბნ ჯანდილი 259.
შელკოენიკოვი ბ. 311.
შენგელია ლ. 135.
შენგელია ნ. 77.
შეეცია 210, 281.
შიო, ბოჩოლანთ გიორგის შვილი,
- დაუდ ფაშას უფროსი ძმა 242, 243,
328—330, 334.
შირაზი 143—146, 159.
შიფათი 210
შუამდინარეთი 5, 175.
შუშა 283.
ჩამინი 178.
ჩელები ევლია 68, 69.
ჩელები სალიპ 296, 318.
ჩერქეზეთი 111.
ჩესნი რ. ა. 269, 270.
ჩირიკოვი ე. 269, 298, 323.
ჩუბინაშვილი დ. 13, 110.
ჩუპრი 277.
ცვემერი ს. 172.
ცვეტოვა ბ. 31.
ციციანოვი კ. 184.
წერეთელი გ. 59.
წმ. ნიკოლოზის ნავსადგური 279.
ჭყონია ალ. 108.
ჭაზაკილი 235, 236.
ხალედ ეფენდი 226—229, 235, 236,
291, 292.
ხალედ ფაშა 192, 202, 222, 224.
ხალილ ალა 237.
ხალილ ფაშა, ბასრის გამგებელი 103.
ხალისი 150.
ხანიყინი ქ. 194, 195, 300.
ხარაქი (კუნძ.) 133, 134.
ხარკი (კუნძ.) 213, 215, 267.
ხატაქე, სულეიმან ფაშა აბუ ლაილის
ასული 161, 181.

ხმელთაშუა ზღვა 6, 204, 279.
ხოზრეფ ფაშა 187, 261.
ხორასანი 131, 193, 214, 285.
ხუეისი ქ. 145, 146.
ხუზისტანი 102.
ხურშიდ ეფენდი 11, 22, 23, 73, 75 —
77, 96, 97.
ჯაზირე 252
ჯალილი, ჰამიდ ას-სამირის ძმა 259.
ჯანელიძე დ. 113, 325, 333—335.
ჯარაჰი 131.
ჯასიმ ბეგი 251.
ჯათარ ყული-ხანი 194, 217.
ჯებელ სინჯარი 190.
ჯედეტი ა. 158, 169, 178, 198, 200,
209, 224, 226, 228, 239, 247, 250.
ჯესანი 248.
ჯილდა 122, 187, 190, 192, 208.
ჯიქია ს. 10, 24, 44, 60—63, 77, 180.
ჯიქეთი 111.
ჯონსი კ. 148, 161, 164, 165, 179, 213,
214, 218—220.
ჯორჯ ევანს დე ლასი 281.
ჯურჯევი ბ. 77.
ჯაბიბე ხანუმი 303.
ჯავრის ტბა 267.
ჯაინი 252.
ჯალაბა 48, კ-ის საბეგლარბეგო 46.
ჯალილ ალა 248.
ჯალისი 172.
ჯამად ალ-ჰამიდი, შეიხი 151.
ჯამად ალა 233, 246, კ-დ ალა, საიდის
შრჩეველი 241.
ჯამადანი 253.
ჯამლი ბეგი 319, 320.
ჯამლი ბეგ ბაბანი 312.
ჯამერი 60—62, 77, 86, 109, 114, 122.
ჯამიდ ას-სამირი 154, 156, 172, 228,
231, 259, 266.
ჯამიდი, ზაზაილის ტომის ბელადი 153.
ჯამუდი 130

პარიზი 30, 246, 247, 250.
 პასა 200.
 პასან 130.
 პასან ალა 314, 315.
 პასან ბეგი, ბაბანი 247.
 პასან ბეგი, ყარაღალის მმართველი 246.
 პასან იურიუქ ფაშა 103, 104.
 პასან ფაშა 144, 145, 147, 148.
 პასან ფაშა ალბანელი 18, 27, 102, 103, 105, 107, 113, 115, 117, 123, 124, 137, 138, 177, 273, 288.
 ჰაფიზ ალი ალა, იხ. ჰაფიზ ალი ფაშა.
 ჰაფიზ ალი ფაშა 18, 30, 163—168, 172, 181—183, 191, 193, 195, 196, 199, 203, 207, 273; ჰ-ზ ალი ფაშა||იოსებ-ბი 188, 189.
 ჰაჯი სულეიმანი 138.
 ჰაჯი აჰმედ ეფენდი 301.
 ჰაჯი ბაქირ ალა 308.
 ჰაჯი უსუფ ზიხა ფაშა 205, 206, 207.
 ჰაჯი თაბითი 262, 266.
 ჰაჯი ჰალილი 321.
 ჰეიდი ე. 118, 253.
 ჰენინგერი გ. 11.
 ჰერათი 285.
 ჰილლე 30, 105, 118, 120, 146, 178, 191, 200, 266, 299, 313, 315, 318.
 ჰინდი 72, ჰ-ის არხი 178,
 ჰინდია 210, ჰინდიანა 131, 132.
 ჰისეკ 120.
 ჰიტი ფ. 107, 114, 122, 210.
 ჰიკაზი 187, 190, 191, 192, 283.
 ჰოევიზი 258.
 ჰოლანდია 133.
 ჰერნი ქ. 131.
 ჰუსაინი წმ. 173.
 ჰუსეინი იხ. დიმიტრი.
 ჰუსეინ შირაზა 125, 126.
 ჰუსეინ ფაშა 329.
 ჰუსეინ შოლა 307, 312, 314, 315, 319.
 ჰუსეინ ხანი 265.
 ჰუფუფი 166, 167.

Абд ар-Рахман ал Джабарти 251
 Адамов А. 11, 13, 15, 16, 21, 23, 26, 29, 30, 40, 43, 70—72, 74, 78, 82, 93, 94, 102—107, 114, 115, 120—122, 124—126, 129, 130, 132—134, 136, 137, 141, 148, 150, 153, 156, 163, 164, 173, 171, 178, 179, 183, 188, 190—192, 194, 196, 198, 210, 229—231, 233, 236, 246, 247, 249, 256, 257, 259—263, 268—270, 272, 274, 287, 295, 296, 300, 321, 322, 324

Айру А. 37, 70
 Александр I. 199, 211
 Али-Заде А. Д. 61
 Али паша 198
 Амин Санд 99
 Арш Г. А. 277
 Аршагов К. Р. 195

Баба-хан 198
 Багдад 198, 248
 Бакрадзе Д. 31, 52, 54, 68
 Баранов Х. И. 11, 59, 113
 Бартоломей Ф. Ф. 259
 Бленицкий Л. М. 134
 Беляев Е. 276
 Босния 60
 Бутков П. П. 127, 128, 135
 Буюк-Даре 247

Валуийский А. И. 31
 Вандад А. 199, 211
 Велере Жак 31, 32, 37—40
 Волков В. В. 70
 Вольней К. Ф. 113, 327

Гардзи К. 214, 216
 Герцоговина 60
 Гордопов Т. М. 203
 Грибоедов А. С. 253, 281, 283, 284, 332
 Гудович Н. В. 200, 205, 206, 214, 215, 217.
 Гурджистанский вилайет 81

- Данциг Б. М. 6, 19, 31, 32, 33, 36
 Джафар-Кули-Хан 198, 215—217
 Дубровини Н. Ф. 111, 184
- Египет 203, 251, 323, 327
 Ешикозлов И. 241
 Эрзинган 317
 Ермслов А. П. 248, 257, 263
- Ибрагимов Г. И. 86, 87
 Иванов М. С. 116, 134, 258, 260, 261
 Иоаннисян А. Р. 196, 204, 210—215,
 218, 220, 230
 Исави Ш. 112—114
- Кавказ 263
 Кальди-Надь Д. 94
 Калькутта 213
 Клот-Бей А. Б. 187, 203
 Коллас 185, 276
 Корсун Н. Г. 35, 36, 44
 Котлов Л. Н. 31—33, 38, 40, 87
 Крымский А. Е. 276
 Кулагин Г. Д. 70
- Левинтов Н. Г. 35
 Линден В. 35
 Листон 248
 Луцкий В. Б. 100, 123, 196, 256, 257,
 269, 276
- Магазишк Д. А. 61
 Мазарович К. С. 257
 Малькольм Д. 213
 Марке К. 60, 76, 96, 106, 213, 256,
 278, 279, 285
 Мачарадзе Вл. 113
 Ментешавили А. М. 11, 21, 33 71,
 91
 Меншиков А. С. 259
 Мехмед II 58
 Миллер А. Ф. 12, 13, 17, 19, 31, 32,
 41, 61, 76, 98, 113, 185, 186, 202,
 205, 274, 275
 Мирский Г. М. 43, 49
 Мосул 83
- Муравьев Н. И. 241, 307, 309, 311,
 313, 320, 323
 Мутафчиева В. П. 31, 51, 54, 58, 86
 Мухаммед Али 251
- Наполеон Бонапарт 199, 211, 213
 Несветаев М. 195, 198
 Нессельроде К. В. 263, 281, 283, 284,
 301
 Новичев А. Д. 17, 68, 78, 96, 94, 96,
 101, 260, 274, 276, 277
- Палеолог Г. 279
 Панкратьев 301, 317
 Паскевич И. Ф. 283, 284, 317
 Перенц М. А. 280
 Петрушевский И. П. 31, 32, 52, 61,
 134
 Пигулевская И. В. 134
 Прозоровский 217
- Ранке Л. 187
 Розен Д. Г. 276, 278; 280, 287, 321
 Россия 263
 Румянцев Н. П. 200, 205, 206, 215—
 217
- Сивинис М. 279
 Сипенкова Т. М. 79
 Сливницкий И. А. 109
 Смирнов В. Д. 35, 60
 Срезневский 6
 Стенни И. А. 137
 Строганов 217, 248
 Строева Л. В. 134
 Сулейман (Султан) 52, 55, 58, 65—
 67
 Султаншэ 216
- Татищев С. С. 277
 Тверитинова А. С. 7, 8, 10, 26, 31,
 34—36, 42, 45, 48, 52, 53, 60—62,
 64—67, 69, 77, 78, 82, 84—86, 94,
 96, 98
 Турция 323

- Уорнер Д. 43, 49
- Фадеев А. В. 107, 263, 281, 282
- Феокистов Е. 187, 278
- Филипович Н. 31, 32, 58
- Фрашери К. 277
- Халфин Н. А. 253, 255
- Харфорд Джонс 213
- Хлебников В. 33, 45
- Хуршид-Эфенди 11, 19, 22, 23, 74, 77, 83, 92, 93, 95, 96, 97, 138, 169, 231, 267—270
- Цагарели Ал. 109
- Цветкова Б. 31, 59, 86
- Цикулин Д. И. 332
- Чириков Е. И. 93, 264, 298, 299, 300, 320, 323
- Шарден 109
- Шелковников Б. И. 85, 280, 299, 311
- Шенгелия Н. Н. 81, 86
- Шпаро О. 278
- Шостакович С. В. 253
- Энгельс Ф. 60, 76, 96, 106, 256, 278, 279, 285
- Эрзерум 264
- Юзефович Т. 278, 280
- Юнг Е. 276
- Якубовский А. Ю. 134
- Abd al-Jalil Tahiri 11
- Adair R. 220
- Ainsworth W. F. 132, 267
- Aitchison C. U. 223, 257
- Arvanid 42
- Aucher — E'loy 267, 268, 269, 272, 286, 293
- Barkan Omer Lutfi 42, 52, 58, 64, 66
- Belin M. 8—10, 22, 24, 25, 28, 31, 46—48, 54, 58, 68, 78
- Burckhardt J. L. 21, 161, 163, 164, 169, 173, 195, 276
- Blunt Lady Anna 21, 71, 251, 276
- Bowen H. 7, 8, 10, 13, 15, 62, 68
- Bridges H. J. 143, 145—148, 162, 164—166, 176, 180, 218, 219
- Buckingham J. S. 137, 232
- Celebi Evliya 58, 60
- Chesney K. A. 204, 269
- Corancez L. A. 188, 191, 199, 209
- Curzon G. N. 131
- Daud Pasha 324
- Dawson E. 39
- Deny J. 58
- D'Ohs-on M. 17
- Du Velay A. 23
- Eton W. 98
- Evans de Lacy, 282
- Fekete L. 94
- Fontanier V. 253, 256, 268, 269, 272, 273, 294, 325, 329
- Franklin W. 153
- Fraser J. B. 272—274, 286, 295, 296, 298, 299, 304, 321, 338
- Gibb H. A. 7, 8, 10, 13, 15, 62, 68, 90
- Hamdy—Bey 28
- Hammer J. 8, 10, 26, 86, 115, 119, 122, 130, 270
- Heninger Josef 11
- Heude W. 118, 253
- Hitti P. K. 107, 122, 324
- Howel T. 154
- Huart Cl. 14, 27, 28, 30, 118—122, 124, 126, 127, 130, 136, 141, 145 — 149, 175, 177, 178, 181, 188, 189, 197—199, 221, 228, 233, 235—238, 241, 261, 267, 268, 270—272, 280, 287—291, 293, 296, 297, 303—306, 308—310, 312, 316—321, 323, 324, 337, 338

Буршев Б. 6, 58

Inalcik H. 42, 52

Ireland P. W. 33, 39, 82

Irwin Eyles 137

Istanbul 42

Kaye I. W. 219

Kinneir J. M. 151, 198, 227, 228, 253

Keppel G. 262

Ker Porter R. 243, 256, 326, 330

Koci Bey 34, 55

Köprülü M. F. 58

Launau Marie 28

Levis G. I. 202

Longrigg S. H. 13, 15, 16, 19, 29,

106, 107, 113—121, 123, 124, 126,

136—139, 147—153, 156, 157, 164,

168, 169, 174, 177, 178, 181, 183,

188, 196, 206, 228, 231, 232, 235,

237, 239—243, 247, 255, 262, 270,

272, 273, 291, 293, 295, 297—299,

307, 320, 323, 324, 328, 335, 337,

338

Low Ch. R. 133, 134, 135, 136, 139

Lucklama a Nijeholt T. M. 324

Malcolm J. 125, 136, 143, 162

Mordtmann J. H. 60

Niebuhr C. 104, 123, 126, 128, 141

Nolde E. 21

Olivier G. A. 17, 97, 143, 145, 247,

148, 158—160, 175—177

Oppenheim M. 71

Pakalin M. Z. 61

Porter R. K. ob. Ker Porter R.

Reinaud 6

Refik A. 61

Ritter K. 5, 18, 151, 180, 231, 259

Rich Cl. J. 137, 192, 200, 221, 222,

233, 248, 249, 255, 259, 331

Rouire Dr. 203

Rou-sea 12, 14, 15, 17, 157, 161,

172, 176, 179, 188, 189, 192, 193,

197, 325

Sa'anovic Hazim 60, 62

Sami S. 13

Sachau E. 71

Stoqueler J. H. 292

Subhi Wihida 114

Schwarz P. 78

Ubiçini A. 87.

Von Sax C. B. 231, 236

Watson R. G. 193, 196, 261, 262

Welsted J. R. 21, 244, 246, 274, 299

Zenker J. T. 12

Zwemer L. 172

أبو يوسف يعقوب 34

جودت ob. أحمد جودت

الزراوى 107, 116, 121—123, 137,

164, 167—170, 172, 173, 177—179,

182, 183, 188, 196, 197, 206, 231,

235, 236, 238, 239, 269, 270, 287—

293, 295—297, 301—305, 307, 309,

311, 313—315, 319—322, 326, 328,

337, 338

أمين الحلوانى 171, 237

جودت 158, 162, 169, 173, 178,

181—183, 188, 196, 198—200, 205,

206, 222, 224, 226, 228, 229, 231,

232, 234, 237—239, 262

رسول حاوى 188

محمد البصير 271, 326

محمد ثريا 115, 116, 122, 137, 138,
147, 148, 173, 181, 198, 206, 324

واصف 126, 130.

العزاوى هـ عباس العزاوى
عبدالعزیز سليمان نوار 117, 129, 204
207, 231, 233 - 239

عزالدین يوسف 271, 326

შ ი ნ ა ა რ ს ი

წ ი ნ ა ს ი ტ ყ ე ა ო ბ ა	3
-------------------------------------	---

ნ ა წ ი ლ ი პ ი რ ვ ე ლ ი

ერაყის პოლიტიკური და სოციალურ-ეკონომიური მდგომარეობა მამლუქთა მმართველობის წინ და მათი მმართველობის დროს	5
თ ა ე ი პ ი რ ვ ე ლ ი. აღმინისტრაციული წყობა და მართვა-გამგებლობა	5
თ ა ე ი მ ე ო რ ე. აგრარული ურთიერთობანი	30
თ ა ე ი მ ე ს ა მ ე. სოციალური სტრუქტურა	50
თ ა ე ი მ ე ო თ ხ ე. გადასახადები და საგადასახადო სისტემა	77

ნ ა წ ი ლ ი მ ე ო რ ა

ერაყის პირველი მამლუქი გაჩვენებები და ქვეყნის საშინაო და საგარეო მდგომარეობა მათ დროს (1749—1802 წწ.)	100
თ ა ე ი პ ი რ ვ ე ლ ი. ერაყის გაერთიანება XVIII ს-ის დასაწყისში და მამლუქთა გამოჩენა სამხედრო პოლიტიკურ ასპარეზზე	100
თ ა ე ი მ ე ო რ ე. მამლუქთა გაძლიერება	127
თ ა ე ი მ ე ს ა მ ე. სულეიმან ფაშა ბუიუქი	150

ნ ა წ ი ლ ი მ ე ს ა მ ე

ერაყის მმართველი ქულებმენების ქართული დინასტიის წარმოადგენლები და მათი პოლიტიკური კურსი (1802—1931 წწ.)	181
თ ა ე ი პ ი რ ვ ე ლ ი. ჰაფიზ ალი ფაშა	181
თ ა ე ი მ ე ო რ ე. სულეიმან ფაშა ქუჩუქი	198
თ ა ე ი მ ე ს ა მ ე. იმპერიის ცენტრალური ხელისუფლების ცდა ერაყში მამლუქთა ძალაუფლების დასამხობად	229
თ ა ე ი მ ე ო თ ხ ე. ქულებმენების ქართული დინასტიის უკანასკნელი წარმომადგენელი დაუდ ფაშა და მისი საშინაო და საგარეო პოლიტიკა	241
თ ა ე ი მ ე ხ უ თ ე. დაუდ ფაშას სეპარატისტული ტენდენციის გამოაშკარავება და სულთნის ღონისძიება მის დასასჯელად	286
თ ა ე ი მ ე ე ქ ე ს ე. დაუდის ცხოვრება-მოღვაწეობის უკანასკნელი წლები მამლუქების განადგურება	323
სამიხებელი	337
სამიხებელი	339

დაიბეჭდა საქართველოს სსრ მეცნიერებათა აკადემიის
სარედაქციო-საგამომცემლო საბჭოს დადგენილებით

ИБ 435

რედაქტორი რ. კიკნაძე

გამომცემლობის რედაქტორი ლ. სინარულაძე
ტექნიკური რედაქტორი ე. ქაშუშაძე
მხატვარი ე. ხმალაძე
კორექტორი ბ. თოფურია

გადაეცა წარმოებას 5.4.1977; ხელმოწერილია დასაბეჭდად 5.4.1978;
ქალაქის ზომა 60×90¹/₁₆; ქალაქი № 1; ნაბეჭდი თაბახი 22,5;
სააღრიცხვო-საგამომცემლო თაბახი 20,45;

უფ. 01048;


ტირაჟი 4 500;

შეკვეთა № 1336;

ფასი 2 მან. 70 კაპ.

გამომცემლობა „მეცნიერება“, თბილისი, 380060, კუტუზოვის ქ., 19
Издательство «Мецниереба», Тбилиси, 380060, ул. Кутузова, 19

საქ. სსრ მეცნ. აკადემიის სტამბა, თბილისი, 380060, კუტუზოვის ქ., 19
Типография АН Груз. ССР, Тбилиси, 380060, ул. Кутузова, 19



Вениамин Георгиевич Силагадзе
ИРАК В ПЕРИОД ПРАВЛЕНИЯ МАМЛЮКОВ
(на грузинском языке)

1

შეგნებული შეცდომების გასწორება

23.	სტრიქონი		არის	უნდა იყოს	ეისი მიზეზათ
	ზევ.	ქვ.			
3	5		ვ. დივან ეფენდი	ვ. დივან ეფენდი	სტამბის
23		3	financiere	financiere	კორექტ.
58	7		რესნი. ჩიფთი	რესნი ჩიფთი	კორექტ.
60		12	Lugoslavensim	Jugoslavensim	სტამბის
71		4	von	Vom	ავტ.
77	8		ვაკიფი	ვაფიკი	ავტ.
109		18	დასდევს	დასდევს	კორექტ.
110	1		დასდევს	დასდევს	კორექტ.
125		3	Peria	Persia	სტამბის
145		8	ოსმალში	ოსმალეთში	კორექტ.
187	20		თეფელენელი	თეფელენელი	ავტ.
204		17	ტილ ზიტის	ტილ ზიტის	რელაქტ.
254	9		ფაქტორების	ფაქტორების	რელაქტ.
267		14	არტერიული	არტერიული	რელაქტ.
268		8	Ancher-E'ly	Aucher-E'loy	კორექტ.
290	14, 15		მუჰამედ	მუჰამედ	კორექტ.
296	16		ერთ მთლიან სამხედრო ბანაკად გადაექცია.	ერთ ნაწილთან 34 ლა მათგან უამას მოწინა- აღმდეგე ჯგუფი შეადგინა- რი. რომელიც გამოირ- ჩეოდა თავის თანამედ- როვეთაგან განსაკუთრე-	კორექტ.
325		18	რი მებრძოლი პიროვ- ნება. მან ბალდაღის საფაშოში გატარებული		კორექტ.

ბ. სილაგაძე